











Ex lib. Jard. Anton. de Rosas
Joh. Neapol. an. 1749.

Chil



ARNOLDI
CORVINI
à Belderen I.C.
DIGESTA
per
APHORISMOS
Strictim explicata.
Editio postrema
multo auctior &
emendatior.

Tribonianus

Theophilus

AMSTERODAMI.

in officina Elzeviriana. 1656



Clarissimo, Consultissimo viro,
D. IOAN. à BANCHEM,
I. V. D.

Reipublicæ Leydenfis Exgraphia-
rio, Cognato honorando.



Studii nostri primitias dica-
mus tibi; tuoque subjicimus
judicio. Quippe, ex singula-
ri tua nostræ professionis scien-
tia, & erga illam amore, nec æquiores
judicem arbitramur, nec severiorem. Hæc
si tibi probantur, & aliorum æqua exspe-
ctamus judicia. Nec tamen ignoramus,
quantum sit juveni aliquid in publicum
dare, & quam difficile omnibus probari.
Sunt qui annales leges volunt eandem ob-
tinere vim in scribendo de jure, quam
jure obtinent in petendo magistratu. Nul-
lâ, ut judicamus, ratione. Iniquum enim
à diligentia numerum annorum exigere,
& computare annos, non quibus studui-
mus, sed quibus viximus. Præcipuè cum
facile, ut in vitibus, ita & in præcocibus
ingeniis, revocentur ea quæ sese nimium

profuderunt. Quicquid sit, semper in
animum induximus, aliis methodum,
quâ profecerimus, non indicare, esse ho-
minis invidi, & ignorantis quibus natus
sit. Equidem nec nobis tantum nascimur,
sed & Reipublicæ. Cui, pro ingenii me-
diocritate, inserviando nos probare volen-
tes, suâsu, imò & jussu parentis edimus
hoc opusculum, potissimum ex VVesenbe-
cio, & præterea Cujacio, Duareno, Pa-
cio, aliisque, à nobis concinnatum. Accipe
illud, Cognate honorande, & non ex mole,
sed animo dicantis æstima.

Amstelodami, xv. Calendas
Septembris, Anno clō lccxlii.

Tuus totus

A R N. CORVINVS
& BELDEREN. J. C.

TITVL I DIGESTORVM

PER

APHORISMOS

Strictim explicatorum

Iuxta ordinem alphabeticum indicati.

Prior numerus librum, posterior
titulum significat.

A. lib.tit.

De	A	Bigeis 74.14	Ad legem Falcidiam 35.2
		Acceptilatio- ne 46.4	Ad legem Flavianam de plagiariis 48.15
Accusationibus & inscri- ptionibus 48.2			Ad legem Iuliam de adul- terio, &c. 48.5
Acquirenda vel amittenda hereditate 29.2			Ad legem Iuliam de am- bitu 48.14
Acquirenda vel amitten- da possessione 41.2			Ad legem Iuliam de an- nona 48.12
Acquirendo rerum domi- nio 41.1			Ad legem Iuliam de vi privata 48.7
Actione rerum amotarum 25.2			Ad legem Iuliam de vi publica 48.6
Actionibus empti venditi 29.1			Ad legem Iuliam maje- statis 48.4
Actionibus & obligationi- bus 44.7			Ad legem Iuliam pecula- tus, &c. 48.13
Ademptione libertatis 40.6			Ad legem Iuliam repetun- darum 48.11
Ad exhibendum 10.4			Ad legem Pompeiam de parricidio 48.9
Adimendus legatus, &c. 34.4			Ad legem Rhodiam de ja- ctu 14.2
Ad legem Aquiliam 9.2			Administratione & peri- culo tutorum 26.7
Ad legem Corneliam de falsis 48.10			Administratione rerum ad civi-
Ad legem Corneliam de Sicariis 48.8			

T I T V L I

civitates pertinentium	compellendum	49.12
50.8	Aqua pluvia arcenda: vel	
Ad municipalem & de	aqua & aqua pluvia	
incolu		39.3
Adoptionibus & emanci-	Aqua quotidiana & aestiva	
pationibus, &c.		43.20
Ad SCtum Macedonia-	A quibus appellari non li-	
-num	cet	49.2
Ad SCtum Syllanianum	A quo appelletur quis	49.3
29.5	Arboribus occidendis	43.27
Ad SCtum Tertyllianum	Arborum furtim casarum	
38.17		47.7
Ad SCtum Trebellianum	Assignandis libertis	38.4
36.1	Auro & argento &c. le-	
Ad SCtum Turpillianum	gato.	34.2
48.16	Auctoritate & consensu	
Ad SCtum Velleianum	tutorum, &c.	26.8
16.1	B.	
Adilitio Editio & red-	Bonorum possessione con-	
hibitoria	tratabulas.	37.4
Aestimatoria actione	Bonorum possess. ex testa-	
19.3	mento militis	37.13
Agnoscentis & alendus	Bonorum possess. furioso, in-	
liberis, &c.	fanti, &c. competente	
Albo scribendo		37.3
Alca lusu & aleatoribus	Bonorum possessione secun-	
11.6	dum tabulas	37.11
Alienatione iudicii mu-	Bonorum possessionibus	
tandi causa facta		37.1
Alimentis & cibariis le-	Bonis damnatorum	48.20
gatis	Bonis eorum qui ante sen-	
Annuis legatis & fidei-	sentiam mortem sibi	
commisus	consciverunt	48.21
An per alium causae appel-	Bonis libertorum	38.2
lationis reddi possint	C.	
49.9	Adaveribus punitorum	
Appellationibus & rela-		48.24
tionibus	Calumniatoribus	3.6
Appellationibus recipien-	Capite minutis	4.5
-dis, vel non	Captivis & postliminio re-	
Apud eum, à quo appella-	versis	49.15
tur, aliam causam agere	Carbo-	

DIGESTORVM.

Carboniano Edicto	37.10	Contrahenda emptioe &	
Castrensi peculio	49.17	venditione, &c.	18.1
Censibus	50.15	Contraria & utili tutele	
Certi conditione	12.1	actione	27.4
Cessione bonorum	42.3	Crimine expilata heredi-	
Cloacis	43.23	tatis	47.19
Collatione bonorum	37.6	Crimine stellionatus	47.20
Collatione dotis	37.7	Curatore bonis dando	42.8
Collegiis & corporibus		Curatoribus furioso vel	
	47.22	aliis extra minores	
Collusione detegenda	40.16	dandis	27.10
Commodati, vel contra	13.6	Custodia & exhibitione	
Communia pradiorum,		reorum	48.3
&c.	8.4		
Communi dividundo	10.3	D.	
Compensationibus	16.2	D Amno infecto & de	
Concubinis	25.7	suggrundis & prote-	
Concussionibus	47.13	ctionibus	39.2
Conditione causa data,		Decretis ab ordine facien-	
causa non secuta	12.4	dis	50.9
Conditione ex lege	13.2	Decurionibus & filiis eo-	
Conditione furtiva	13.1	rum	50.2
Conditione indebiti	12.6	Depositi vel contra	16.3
Conditione ob turpem cau-		Distraktionem pignorum &	
sam	12.5	hypothecarum	20.5
Conditione sine causa		Diversis regulis juris an-	
	12.7	tiqui	50.17
Conditione triticiaria		Diversis temporalibus	
	13.3	prescriptionibus	44.3
Conditionibus & demon-		Divisione rerum & qua-	
strationibus, &c.	35.1	litate	1.8
Conditionibus institutio-		Divortiis & repudiis	24.2
num	28.7	Doli mali & metus ex-	
Confessis	42.2	ceptione	24.4
Confirmando tutore vel cu-		Dolo malo	4.3
ratore	26.3	Dotationibus	39.5
Coniungendis cum eman-		Donationibus causa mor-	
cipato liberis	37.8	tis & capionibus	39.6
Constituta pecunia	13.5	Donationibus inter virum	
Constitutionibus Princi-		& uxorem	24.1
pum	1.4	Dote praelegata	33.4
		Dotis collatione	37.7

Duobus reis constituendis

F.

45.2

E.

E Dendo 2.13
 Effractoribus, & ex-
 pilatoribus 47.18

Eo per quem factum erit
 quo minus in iudicio
 sistat 2.10

Eo qui pro tutore prove cu-
 ratore negotia gessit 27.5

Eo quod certo loco dari
 oportet 13.4

Eum qui appellaverit, in
 provincia defendi 49.11

Evictionibus, & duple
 stipulatione 21.2

Exceptionibus, præscri-
 ptionibus & præjudi-
 ciis 44.1

Exceptione rei iudicata 44.2

Exceptione rei vendita &
 tradita 21.3

Excusationibus tutorum
 &c. 27.1

Exercitoria actione 14.1

Expilata hereditatis
 47.19

Ex quibus causis maiores,
 25. annis in integrum
 restituantur 4.6

Ex quibus causis pignus
 vel hypotheca tacite
 contrahitur 20.2

Extraordinariis cogniti-
 onibus, & si iudex litem
 suam fecisse dicetur
 50.13

Extraordinariis crimini-
 bus 47.11

F Amilia eriscunda
 10.2

Feriis & dilationibus,
 &c. 2.12

Fideicommissaria heredi-
 tatis petitione 5.6

Fideicommissariis liberta-
 tibus 40.5

Fide instrumentorum, &
 amissione eorum 22.4

Fidejussoribus & manda-
 toribus 46.1

Fidejussoribus, & nomina-
 toribus, & heredibus
 tutorum & curatorum
 27.7

Finium regundorum 10.1

Fluminibus, ne quid in flu-
 mine publico, ripave
 ejus fiat, quo pejus na-
 vigetur 43.12

Fonte 43.23

Fugitivis 11.4

Fundo dotali 29.5

Fundo instructo, vel in-
 strumento legato 33.7

Furibus balneariis 47.17

Furtis 47.2

Furti adversus nautas,
 caupones & stabularios
 47.5

G Lande legenda 43.28

Gradibus & asini-
 bus & nominibus eo-
 rum 38.2

H Heredibus instituen-
 dis 28.5

Hereditatis petitione 5.3

He-

DIGESTORVM.

<i>Hereditate vel actione</i>	<i>In rem verso</i>	15.3
<i>vendita</i>	18.4	<i>Inspiciendo ventre, custo-</i>
<i>His qua intestamento de-</i>	<i>diendoque partu</i>	25.4
<i>lentur, inducuntur, vel</i>	<i>Institoria actione</i>	14.3
<i>inscribuntur</i>	28.4	<i>Instructo, vel instrumento</i>
<i>His qua pœnæ causa re-</i>	<i>legato</i>	33.7
<i>linquuntur</i>	34.6	<i>Interdictis, & relegatis,</i>
<i>His qua pro non scriptis</i>	<i>& deportatis</i>	48.22
<i>habentur</i>	34.8	<i>Interdictis, siue extraor-</i>
<i>His qua ut indignis aufe-</i>	<i>dinariis actionibus</i>	43.8
<i>runtur</i>	34.9	<i>Interrogationibus in iure</i>
<i>His qui effuderint vel de-</i>	<i>faciendis, & interroga-</i>	
<i>jecerint</i>	9.3	<i>toriis actionibus.</i>
<i>His qui notantur infamia</i>		11.1
	3.2	<i>Itinere, actuque privato</i>
<i>His qui sui vel alieni ju-</i>	<i>Iudicatum solui</i>	43.18
<i>ris sunt</i>	1.6	<i>46.7</i>
<i>Homine libero exhibendo</i>	<i>Iudiciis, &c.</i>	5.1
	43.20	<i>Iure aureorum annulorum</i>
		40.10
I.	<i>Iure codicillorum</i>	29.7
I <i>mpensis in res dotales</i>	<i>Iure deliberandi</i>	28.8
<i>factis</i>	25.1	<i>Iure dotium</i>
<i>Incendio, ruina, naufragio,</i>	<i>Iure fisci</i>	23.3
<i>nave, rate expugnata</i>	49.14	<i>Iure immunitatis</i>
	47.9	50.6
<i>In diem additione</i>	<i>Iurejurando siue volunta-</i>	
18.2	<i>rio, siue necessario, siue</i>	
<i>In integrum restitutioni-</i>	<i>iudiciali</i>	12.2
<i>bus</i>	4.1	<i>Iure patronatus</i>
<i>Injuriis & famosis libellis</i>	<i>Iuris & facti ignorantia</i>	37.14
	47.10	22.6
<i>In iusto, rupto, irrito facto</i>	<i>Iurisdictione</i>	2.1
<i>testamento</i>	28.3	<i>Iustitia, & iure</i>
<i>In ius vocando</i>	2.4	1.1
<i>In ius vocati ut eant, aut</i>		L.
<i>satis vel cautum deneg</i>		L <i>egationibus</i>
	2.6	50.6
<i>In litem jurando</i>	12.3	<i>Legatis & fideicom-</i>
<i>Inofficioso testamento</i>	5.2	<i>missis primo</i>
<i>In quibus causis pignus vel</i>		30.1
<i>hypotheca tacite contra-</i>	<i>Legatis & fideicommissis</i>	
<i>hitur</i>	20.2	<i>secundo</i>
		31.1
		<i>Legatis & fideicommissis</i>
		<i>tertio</i>
		32.1
		<i>Legatis præstandis, contra</i>
		<i>tabu-</i>

T I T V L I

tabulas bonorum possessione petita	37.5
Lege commissoria	18.3
Legibus, Senatusque consultis, & longa consuetudine	1.3
Legitimis tutoribus	26.4
Libellis dimissoriis	49.6
Liberali causa	40.12
Liberatione legata	34.3
Liberis & posthumis hereditatibus instituendis, vel exheredandis	28.2
Liberis exhibendis, item ducendis	43.30
Libero homine exhibendo	43.29
Libertis universitatum	38.3
Litigiosis	44.6
Locati conducti	19.1
Loco publico fruendo	43.9
Locis & itineribus publicis	43.7

M.

Magistratibus conveniendis, &c.	27.8
Mandati, vel contra	17.1
Manumissis testamento	47.4
Manumissis vindicta	40.2
Manumissionibus	40.1
Manumissionibus, quæ servis ad universitatem pertinentibus imponuntur	40.3
Migrando	43.32
Militari testamento	29.1
Minoribus 25. annis	4.4
Mortis causa donationibus, & capionibus	19.6

Mortuo inferendo, & sepulchro ædificando	11.8
Muneribus & honoribus	50.4

N.

Natalibus restituendis	40.11
Nautæ, caupones, stabularii, recepta restituant	4.9
Nautico fœnore	22.2
Ne de statu defunctorum post quinquennium quaratur	40.15
Negociis gestis	3.35
Ne quid in flumine publico ripæ ejus fiat, &c.	43.12
Ne quid in flumine publico fiat, quo aliter aqua fluat, atque uti priore æstate fluxerit	43.3
Ne quid in loco sacro fiat	43.6
Ne quid in loco publico vel itinere fiat	43.8
Ne quis eum, qui in jus vocabitur, vi eximat	2.7
Ne vis fiat ei, qui in possessionem missus erit	43.4
Nihil innovari appellatione interposita	49.7
Novationibus, & delegationibus	46.2
Novi operis nuntiatione	39.1
Noxalibus actionibus	9.4
Nundinis	50.11

DIGESTORVM.

O.

O bligatiōibus & actionibus	44.7	Pecunia constituta	15.5
Obsequiis Parentibus & patronis praestandis	37.15	Penulegata	33.9
Officio assessorum	1.22	Periculo & commodo rei venditae	18.6
Officio Consulis	1.10	Petitione hereditatis	5.3
Officio ejus cui mandata est Iurisdictio	1.21	Pignoratitia actione, vel contra	13.7
Officio Iuridici Alexandriae	1.20	Pignoribus & hypothecis, & qualiter ea contrahantur, & de pactis eorum	20.1
Officio praefecti Augustalis	1.17	Pœnis	48.19
Officio praefecti praetorio	1.11	Pollicitationibus	50.12
Officio praefecti vigilum	1.15	Popularibus actionibus	47.23
Officio praefecti urbi	1.12	Possessoria hereditatis petitione	5.5
Officio praesidis	1.18	Postulando	3.1
Officio praetorum	1.14	Prescriptis verbis, & in factum actionibus	19.5
Officio proconsulis, & legati	1.16	Prætoriiis stipulationibus	46.5
Officio procuratoris Caesaris, vel rationalis	1.19	Prævaricatione	47.15
Officio quaestoris	1.13	Precario	43.26
Operis libertorum	31.10	Privatis delictis	47.1
Operis novi nuntiatione	39.1	Privilegiis creditorum	42.6
Operis servorum	7.7	Probationibus, & praesumptionibus	22.3
Operibus publicis	50.10	Procuratoribus & defensoribus	3.3
Optione & electione legata	33.5	Pro derelicto	41.47
Origine Iuris, & omnium magistratuum & successione prudentium	1.2	Pro donato	41.6
P.		Pro dote	41.9
P actis	2.14	Pro emptore	41.4
Pactis dotalibus	23.4	Pro herede, vel pro possessore	41.5
Peculio	15.1	Pro legato	41.8
Peculio legato	33.8	Pro socio	17.2
		Pro soluto	41.4
		Pro suo	41.10
		Pro-	

T I T V L I

Proxeneticiis	50.14
Publiciana in rem actio	6.2
Publicis Iudiciis	48.1
Publicanis &c.	39.4

Qua in fraudem creditorum facta sunt, ut restituantur 43.8

Quae res pignori vel hypotheca data, obligari non possunt 20.3

Quaestionibus 48.18

Qua sententia sine appellatione rescindantur 49.8

Quando appellandum sit &c. 49.4

Quando de peculio actio annalis est 15.2

Quando dies legatorum, vel fideicommissorum cedat 36.2

Quando dies ususfructus legari cedit 7.3

Quando ex facto tutoris, vel curatoris minores agere, vel conveniri possunt 26.1

Quarum rerum actio non datur 44.5

Quemadmodum servitutes amittuntur 8.6

Quemadmodum testamenta aperiantur, &c. 29.3

Quibus ad libertatem proclamare non licet 40.13

Quibus ex causis in possessionem eat 42.4

Quibus modis pignus vel hypotheca solvitur 20.6

Quibus modum ususfructus, vel usus amittitur 7.4

Quibus non competat bonorum possessio 36.3

Quibus rebus ad eundem Iudicem eat 11.2

Qui, & a quibus manumissi, liberi non fiant, &c. 40.9

Qui petant tutores vel curatores, & ubi petantur 26.6

Qui potiores in pignore vel hypotheca habeantur, &c. 20.4

Qui satisfacere cogantur, vel jurato promittant, vel suae promissioni committantur. 2.8

Qui sine manumissione ad libertatem perveniunt 40.8

Qui testamenta facere possunt, & quemadmodum testamenta fiant 28.1

Quis a quo appelletur 49.3

Quis ordo in bonorum possessione servetur 38.15

Quod cuiusque universitatis nomine, vel contra eam agatur 3.4

Quod cum eo qui in aliena potestate est, negotium gestum esse dicitur 14.5

Quod falso tutore auctore gestum esse dicitur 27.6

Quod iussu 15.4

Quod legatorum 43.3

Quod metus causa gestum erit 4.2

Quod

DIGESTORVM.

<i>Quod quisque Iuris in al-</i>	<i>Rerum permutatione</i>	19.4
<i>terum statuerit, ut ipse</i>	<i>Rescindenda venditione,</i>	
<i>eodem Iure utatur</i>	<i>& quando licet de em-</i>	
2.2	<i>ptione discedere</i>	18.5
<i>Quod vi, aut clam</i>	<i>Ripa munienda</i>	43.15
43.24	<i>Ritu nuptiarum</i>	23.2
<i>Quorum bonorum</i>	<i>Rivis</i>	43.21
43.2		
R.	S.	
R <i>Atam rem haberi, &</i>	S <i>Alviano interdicto</i>	
<i>de rati habitione</i>		43.33
46.8	<i>Senatoribus</i>	1.9
<i>Rebus auctoritate iudicis</i>	<i>Senatusconsulto Macedo-</i>	
<i>possidendis, vel venden-</i>	<i>niano</i>	14.6
<i>dis</i>	<i>Senatusconsulto Silania-</i>	
42.5	<i>no, & Claudiano, quo-</i>	
<i>Rebus creditis, si certum</i>	<i>rum testamenta ne ape-</i>	
<i>petatur, & de condi-</i>	<i>riantur</i>	29.5
<i>ctione</i>	<i>Sententiam passis & re-</i>	
12.1	<i>stitutis</i>	48.23
<i>Rebus dubiis</i>	<i>Separationibus</i>	42.7
34.5	<i>Sepulchro violato</i>	47.12
<i>Rebus eorum qui sub tute-</i>	<i>Servis exportandis, vel si</i>	
<i>la vel cura sunt, sine de-</i>	<i>ita mancipium venierit</i>	
<i>creto non alienandis, vel</i>	<i>ut manumittatur, vel</i>	
<i>supponendis</i>	<i>contra</i>	18.7
27.9	<i>Servis fugitivis</i>	11.14
<i>Receptatoribus</i>	<i>Servitude legata</i>	33.3
47.16	<i>Servitutibus</i>	8.1
<i>Receptis, qui arbitrium</i>	<i>Servitutibus prædiorum</i>	
<i>receperunt, ut senten-</i>	<i>rusticorum</i>	8.3
<i>tiam dicant</i>	<i>Servitutibus prædiorum</i>	
4.8	<i>urbanorum</i>	8.2
<i>Regula Catoniana</i>	<i>Servo corrupto</i>	11.3
34.7	<i>Si à parente quis manu-</i>	
<i>Rei vindicatione</i>	<i>missus sit</i>	37.12
6.1	<i>Si ager vectigalis, id est,</i>	
<i>Re iudicata, & de effectu</i>	<i>emphiteuticiarius petat-</i>	
<i>sententiarum, & de in-</i>	<i>tur</i>	6.3
<i>terlocutionibus</i>	<i>Si certum petetur, de re-</i>	
49.1	<i>bus creditis, & de con-</i>	
<i>Re militari</i>	<i>ditione</i>	12.1
49.16		
<i>Religiosis, & sumptibus</i>		
<i>funerum, & ut funus</i>		
<i>ducere liceat</i>		
11.7		
<i>Remissionibus</i>		
43.25		
<i>Rem pupilli vel adolescen-</i>		
<i>tis salvam fore</i>		
46.6		
<i>Requirendis vel absenti-</i>		
<i>bus damnandis</i>		
48.17		
<i>Rerum amotarum actione</i>		
25.2		
<i>Rerum divisione & quali-</i>		
<i>tate</i>		
1.8		

T I T V L I

Si cui plus quam per legem Falcidiam licue-
rit legatum esse dicetur

35.3

Si ex noxali causa agatur,
quemadmodum cavea-
tur

2.9

Si familia furtum fecisse
dicetur

47.6

Si ingenuus esse dicetur

40.14

Si qui testamento liber
esse iussus erit post mor-
tem domini ante adi-
tam hereditatem subri-
puisse, aut corrupisse
quid dicatur

47.4

Si mensor falsum modum
dixerit

11.6

Si mulier ventris nomine
in possessione, calumnia
causa, esse dicetur

25.6

Si pars hereditatis petat-
ur

5.4

Si pendente appellatione
mors intervenerit

49.13

Si quadrupes pauperiem
fecisse dicetur

9.1

Si quid in fraudem patro-
ni factum sit

38.5

Si quis aliquem testari
prohibuerit vel coege-
rit

29.6

Si quis cautionibus in Iu-
dicio sistendi causa fa-
ctis non obtemperaverit

2.11

Si quis in ius vocatus non
ierit, siue quis eum vo-
caverit quem ex edicto
non debuerit

2.5

Si quis ius dicenti non ob-
temperaverit

2.3

Si quis omissa causa te-
stamenti ab intestato
vel alio modo possideas
hereditatem

29.4

Si servitus vindicetur vel
ad alium pertinere ne-
getur

8.5

Si tabulae testamenti ex-
tabunt

37.2

Si tabulae testamenti nulla
extabunt, unde liberi

38.6

Si tutor, vel curator vel
magistratus creatus, ap-
pellaverit

49.10

Si ventris nomine mulier
in possessionem missa,
eadem possessio dolo ma-
lo ad alium translata
esse dicatur

25.5

Si ususfructus petatur vel
ad alium pertinere ne-
getur

7.6

Solutionibus & liberatio-
nibus

46.3

Soluto matrimonio quem-
admodum dos petatur

24.3

Sponsalibus

23.1

Statu hominum

1.5

Statu liberis

40.7

Stellionatus

47.20

Stipulationibus praeioris

46.5

Stipulatione servorum

45.3

Successorio edicto

38.9

Suis & legitimis hae-
redibus

38.16

Su-

DIGESTORVM.

<i>Supellectile legata</i>	33.10	<i>ejus</i>	37.9
<i>Superficiebus</i>	43.8	<i>Ventre inspiciendo</i>	25.4
<i>Suspectis tutoribus & curatoribus</i>	26.10	<i>Verborum obligationibus</i>	45.1
T.		<i>Verborum significatione</i>	50.16
T <i>Abulis exhibendis</i>	43.5	<i>Veteranis</i>	49.18
<i>Termino moto</i>	47.21	<i>Veteranorum, & militum</i>	
<i>Testamenta quemadmodum aperiantur, inspiciantur, & describantur</i>	29.3	<i>successione</i>	38.12
<i>Testamentaria tutela</i>	26.2	<i>Via publica, & itinere publico reficiendo</i>	43.11
<i>Testamento militis</i>	29.1	<i>Via publica, & si quid in ea factum esse dicatur.</i>	43.10
<i>Testibus</i>	22.5	<i>Vi bonorum raptorum & de turba</i>	47.8
<i>Tigno juncto</i>	47.3	<i>Vi & vi armata</i>	43.16
<i>Transactionibus</i>	2.15	<i>Vnde cognati</i>	38.8
<i>Tributoria actione</i>	14.4	<i>Vnde legitimi</i>	38.7
<i>Tritico, vino vel oleo legato</i>	33.6	<i>Vnde liberi</i>	38.6
<i>Tutela, & rationibus distrahendis, & utili curationis causa actione</i>	27.3	<i>Vnde vir & uxor</i>	38.11
<i>Tutelis</i>	26.1	<i>Vsu & habitatione</i>	7.8
<i>Tutoribus & curatoribus datis ab his, qui jus dandi habent; & qui, & in quibus causis specialiter dari possunt</i>	26.5	<i>Vsu & usufructu, & reditu, & habitatione, & operis per legatum vel fidei-commissum datis</i>	33.2
V.		<i>Vsufuctu accrescendo</i>	7.2
V <i>Acatione & excusatione munerum</i>	50.5	<i>Vsufuctuarius quemadmodum caveat</i>	7.9
<i>Variis extraordinariis cognitionibus</i>	ibid.	<i>Vsufuctu earum rerum, quae usu consumuntur, vel minuantur</i>	7.5
<i>Vbi pupillus educari, vel morari debeat, & de alimentis ei praestandis</i>	27.2	<i>Vsufuctu, & quemadmodum quis utatur, fruatur</i>	7.1
<i>Ventre in possessionem mittendo, & curatore</i>		<i>Vsuris & fructibus, & causis, & omnibus accessionibus & mora</i>	22.1
		<i>Vsurpati nibus, & usucapionibus</i>	41.3
			Vf

T I T V L I

<i>Vt ex legibus, Senatusve</i>	<i>Vti possidetis</i>	43.17
<i>consultis possessio detur</i>	<i>Vt legatorum vel fidei-</i>	
38.14	<i>commissorum servando-</i>	
<i>Vt in flumine publico na-</i>	<i>rum causa caveatur</i>	
<i>vigare liceat.</i>		36.3
43.14	<i>Virubi</i>	43.31
<i>Vt in possessionem legato-</i>	<i>Vulgaris & pupillari sub-</i>	
<i>rum vel fideicommissio-</i>	<i>stitutione.</i>	28.6
<i>rum servandorum causa</i>		
<i>esse liceat</i>		36.4

F I N I S.

ARNOLDI CORVINI

A BELDEREN JCrī

DIGESTORVM

P E R

A P H O R I S M O S

S T R I C T I M

Explicatorum

P A R S I. L I B E R I.

De Iustitia & Iure.

T I T. I.



Disserunt Jurisconsulti initio de iustitia, tanquam sine artis: tum in genere de principiis, partibus ac speciebus juris: quæ viæ sunt, quibus ad iustitiam itur; primaque elementa ac fundamenta, undè per compositionem paulatim progrediendo, juris ars extruitur.

Justitiam ab eo dictam censet Alciatus *Parerg. lib. 1. c. 29.* quod vim sistat: Hotomannus *in Inst. tit. 1.* quod in ea jus sistatur: *ex Isidoro, c. forus. de V. S.* quasi juris status, quod in ea jus consistat. Simplicius est dicere, à jure justum; justitiam à justo justum esse, additâ particulâ *tia*.

Justitiæ vox, hac in disputatione legali & politica, legaliter accipi debet: videlicet de justitia operum, seu obedientia superiori debita, sive de ordine, quo, quæ inferiora sunt, superiori parent & obsequuntur.

Ut injustitia duplex est, sic & justitia, hac in significatione, bivariam accipitur: alia enim perhibetur esse injustitia universalis; quæ est inobedien-

A

tia

tia & contumacia universalis, contemptusque omnium ex æquo legum: Alia injustitia particularis, est defraudatio restrictior, & etiam in his esse potest, qui alijs iusti perhibentur.

Eâdem ratione vocabulum iustitiæ duobus modis accipitur.

Primò pro iustitia universali: quæ est obedientia universalis erga omnes leges, divinas & humanas, naturales & civiles; opponitur peccato. *Psal. 119. Rom. 1. & 2. 1. Ioh. 3.*

Secundò pro iustitia particulari; quæ tuetur personarum ordinem, vel efficit æqualitatem in contractibus.

Est enim ordinatio Hominis circa ea quæ sunt ad alterum Hominem, & quidem immediate, intribuendo unicuique quod suum.

Iustitia universalis, pro triplici hominis ordine atque respectu, triariam descripi solet. Vide *S. Paul. epist. ad Titum c. 2. v. 12.*

Primus est ordo hominis erga Dei cultum.

Qua in parte iustitia universalis ita definiri solet, ut sit obedientia omnium in homine virium necessariò præstanda Deo conditori juxta omnes leges.

Est hæc iustitia spiritualis; & pietas absoluta nominari potest: quæ peractâ demum hac mortalitate, in beatis angelis & hominibus, ad omnem æternitatem est effulsura.

Alter ordo est hominis erga se ipsum.

Hoc respectu iustitia non multum à virtute, & habitu virium interiorum ordinato differt: nisi quod virtus absolutè ponitur; iustitia relatè. Vide *Aristot. lib. 5. Ethic. cap. 3. 16.*

Tertius ordo est politicus, quo homo (utpote civili vitæ natus) ad leges, ad magistratus, ad concives, ad suos, ad omnes denique Reipublicæ partes, velut civis & homo politicus adaptatur. vide *Aristot. lib. 5. Ethic. c. ult. Cicer. lib. 1. de legib.*

In hac consideratione iustitia idem est cum disciplina externa: quæ est ordo vitæ, cavens nequis in legum præcepta committat.

Leges enim tantum externam obedientiam, non mentis,

mentis, aut voluntatis, aut cordis ordinatam dispositionem requirunt. *l. 18. ff. de pœnis.*

Hujus Justitiæ, (sicut & legum ipsarum) duæ sunt partes: videlicet faciendorum justus, & non committendorum prohibitio. Quomodo videre licet etiam in Sacris Literis, hæc duo conjunctim perpetuo præcipi. *vid. Psal. 34. vers. 15. & Esai. cap. 16.*

Justitia particularis, (sic dicta quia quodammodo pars est illius justitiæ universalis. *Aristot. lib. 5. Ethic. c. 3. 4. 5.*) est constans & perpetua voluntas, jus suum cuique tribuens. *l. justitia. 10. hic.*

Constans & perpetua voluntas: significat habitum, seu firmum propositum, quo ad id quod perpetua & constans præscribit ratio, firmiter & constanter movemur. Non enim tam justus est qui justa facit (Quid enim si casu faciat?) quam qui constanter & firmo animi proposito ea facit.

Et sic Jurisprudentia à Justitia distinguitur. Illa enim non voluntatis, ut Justitia; sed intellectus est habitus; non ab hoc, sed ab illo quis denominatur Justus. *Zoef. hic num. 8.*

Jus suum cuique tribuens: est, servans æqualitatem cum cæteris hominibus, & debitum cuique reddens: *D. Paul. Epist. ad Rom. c. 13. v. 7.* sive puta sit præmium, sive pœna, sive debitum privatum. *Cic. 3. ad Herenn.*

Addita est particula, *Cuique*, distinguens justitiam à liberalitate; quæ tribuit debitum speciei: hoc est, communi hominum societati officia præstat humanitatis, etiam non debita. At justitia cuique, hoc est, singulis individuis tribuit suum: nempe, debitum & conveniens, vel lege naturæ, vel jure civili.

Species hujus justitiæ, duæ sunt: Distributiva & Commutativa.

Utraque hic definitur: Illa tanquam ad jus publicum: Hæc tanquam ad privatum pertinens.

Ex quo fit, ut alia æqualitas in ordinandis personis, alia in rerum commutatione observetur.

- In personis observatur mediætas quoad nos, seu

personalis, similis proportioni Geometricæ. In rebus, medietas rerum, similis analogiæ Arithmeticæ quæritur.

Ut igitur hæc commutatio justa sit, opus est, rerum ab utraque parte æqualitatem adesse, numero, pondere & mensura exæquatam: alioquin alteruter contrahentium injuria afficietur, & damnum facturus est.

Rerum æqualitas eadem est, & una Arithmetica proportionem definitur.

Quâ in rerum commutatione utendum, *per l. 2. C. de rescind. vend. l. 3. C. com. utr. jud.*

Justitia Distributiva, est æqualis publicarum rerum omnium, munerum, præmiorum, pœnarum, &c. inter personas, pro cujusque merito, congruentia & dignitate, (& sic proportionem Geometricam) distributio. *l. ult. C. de stat. & imag.*

Communitiva Justitia, est virtus *συλλακτική*, in commutatione rerum familiarium & privatarum, ac patrimonii cujusque, cæterisque contractibus privatorum æqualitatem, proportionem Arithmeticam, observans. Vel brevius: Est justa commutationis rerum in contractibus privatorum ordinatio.

Quæ solam rerum æqualitatem considerat. *Covar. in c. peccatum. §. 17. nu. 1. 2. de reg. jur. in 6.*

Jus à jussu, seu jubendo dictum videtur. *Rebol. Agric. de Invent. lib. 1.*

Juris nomen variè, *l. pen. l. fin. hic.* in hoc tractatu trivariam accipitur. 1. Pro Jure Naturali, quod nobiscum nascitur. *l. 2. De ll. d. l. omnes. l. pen. h. t.* 2. Pro qualicunque jure, positivo, seu civili: *l. 1. De ll. d. l. omnes. §. 2. Inst. De I. N. G. & Civ.* 3. Propriè pro jure Romano. *§. sed jus. Inst. eod.*

Juri, hoc est, Jurisprudentiæ Romanæ operam daturum, nosse oportet, unde nomen juris descendat: quod est à justitia *l. 1. hic.* cujus quædam ars est, & doctrina.

Jus enim est ars boni & æqui. *d. l. 1.*

Ars, hoc est, scientia seu doctrina, vitæ utilis, quæ exercitatione addiscitur, partim ex demonstrationibus

nibus principiorum practitorum, partim probabilibus rationibus, collecta.

Æquum & Bonum pro exacta, & omnibus numeris absoluta æquitate, seu pro generali quadam iustitiæ atque æquitatis norma accipitur. *l. 32. ff. ff. cert. pet. l. 18. De Edil. Edict. l. 16. de cond. & demonst. l. 2. in fin. De O. & A.*

Potest Bonum ad universalem iustitiam, Æquum ad particularem referri.

Sed & Æquum de eo intelligi potest, quod natura tale est: æquitatis enim nomen, de jure naturali accipitur. *l. pen. hic.* Bonum dici illud potest, quod bonum & utile est in societate civili, quamvis interdum nonnihil in speciem ab illa naturali æquitate defleat. *arg. l. hac lege. C. de pac. conv. l. 6. hoc tit. & Pater in Inst. Enchir. Inst. hic.*

Jus seu Jurisprudentia, etiam definitur divinarum atque humanarum rerum notitia, justī atque injusti scientia. *l. 10. in fin. h. t.*

Notitia: quia ex principiis & notitiis naturalibus magna parte constat.

Scientia *ἐν πλάτει*, hic, est ars; quoniam non solo communi sensu, & naturali ratiocinatione mentis percipitur, sed etiam quadam doctrina omnium artium, & præceptis civilis prudentiæ continetur.

Additur notitia rerum, tam divinarum, quam humanarum, omnis justī atque injusti scientia & cognitio. Nam Jurisprudentia, ut perfecta sit, ex omnium rerum atque artium cognitione extruenda est, secundum Weseubecium hic. Sed non recte. Per res enim divinas non intelligit Jctus encyclopædiam, hoc est, concentum doctrinarum omnium, sed jus publicum & privatum: quorum illud in divinis rebus; id est, sacris, sacerdotibus & Magistratibus, hoc in humanis, quæ ad singulorum utilitatem pertinent, consistit. *l. 1. §. 2. hic.*

Hujus enim studii duæ sunt positiones.

Aliud publicum jus; quod ad statum rei Romanæ spectat: aliud privatum; quod ad singulorum utilitatem pertinet. *l. 1. §. hujus. h. t.*

Hæc eo differunt, quod jus Publicum magnâ sui

parte non aliunde ex præceptis naturæ, vel gentium, vel civilibus sit deductum; (ut privatum) sed constitutum pro usu & commodo Reipublicæ Romanæ.

Jus enim publicum hic intelligimus, non respectu formæ, quod publicè constitutum est, sed ratione objecti, & finis, quod ad Sacra, sacerdotes, ad leges, magistratus, aliaque jura publica moderanda refertur & collimat. *l. 1. §. 2. hic.*

Hoc cum arcana spectet Imperii, incognitum est, minusque in usu necessarium; *Cicer. lib. 1. de legib.* Unde hic tantum de jure privato, quod ad singulorum res pertinet, agitur. *§. 4. Inst. hic.*

Quod in reddendo cuique quod suum est, versatur; & eo ad normam æqualitatis & justitiæ congruere oportet.

Norma æqualitatis, sive æquitatis, eoque juris, triplex est: alia, ex affectione, & quadam *κοινωνία* communis naturæ: alia, ratione & sensu hominum communi: alia, præceptis institutisque civilibus dijudicatur.

Hinc ortum triplex jus privatum: unum Naturale; alterum Gentium: tertium Civile. *d. l. 1. §. 2.*

Divisio ea non inconcinna, si eam cum ad hominem, cujus causa jus omne constitutum est, *l. 1. & 2. de stat. hom.* tum ad ortum principatumque juris, deferamus.

Homo enim primò aspicitur & consideratur, ut animal: secundò, ut homo: tertio, ut homo civilis.

Propterea tria juris genera constituta, quorum singula singulis hominum aspectibus convenirent.

Jus Romanum si ad ortum fontesque suos arcesamus, partim ex rata & ordinata, ac à vitiis secreta communis naturæ inclinatione: partim à ratione mentis humanæ & immoto, quod in illa lucet, honestorum & turpium discrimine: partim ex rationatione & collatione utilitatum ac institutorum vitæ civilis, sumitur. *tot. tit. Inst. de Jur. Nat. Gent. & Civ.*

Jus Naturale efflorescit ex inclinationibus naturali-

ralibus, & facultate animæ, qua concupiscimus & afficimur; quæ est homini cum reliquis animantibus communis. *l. 1. §. jus naturale. 3. hic.*

Cujusmodi sunt, custodia & defensio vitæ, *l. 3. h. t. l. 1. §. 11. si quadr. paup. l. 4. l. scientiam. 4. §. pen. ad l. Aquil. libertas, §. jus a. gentium. Inst. de jur. nat. gent. & civ. . maris & fœminæ conjunctio: liberorum procreatio & educatio; l. 1. §. pen. h. t. communis omnium rerum usus, l. 1. de acq. rer. dom. §. 1. Inst. de rer. div. dilectio & reverentia cognati sanguinis, Nov. 12. c. 2. l. 8. de R. I. & similia.*

Dicuntur jus respectu hominis: qui solus jure, hoc est, recta ratione regitur.

Et quidem ided, quia sunt & ordinatio quædam legitima, divinitus naturæ impressa; & principium atque norma, seu fons omnis juris Romani; quod ad defensionem vitæ, libertatis, institutionem conjugiorum, educationem liberorum, reverentiam cognati sanguinis, prohibendosque incestus, pertinet.

Jus Gentium est, quod naturalis, hoc est, humanæ naturæ communis ratio, inter homines constituit, *l. 9. h. t. & deinceps in forum Romanum traduxit.*

Eo omnes gentes ex æquo utuntur, quæ quidem rectæ rationis sequuntur ductum: si quæ illud rumpant, non propterea Jus Gentium mutatur; ut mel non desinit esse dulce ed quod corrupto sensui videatur amarum. *vid. Arist. lib. 10. Ethic. cap. 3. Perversæ enim, ut inquit Augustinus 4. emend. 4. aliquorum mentes nihil pervertunt divinam omnium consensionem.*

Est duplex. *Bart. l. 5. n. 10. h. t.* Unum quod in simplici notitia, hoc est, in naturali justî atque injusti intelligentia, & immoto honestorum & turpium discrimine consistit.

Quod, quandoquidem unâ nobiscum nascitur, & nullo docente in mentibus singulorum, velut oculus quidam veri germanique juris elucet, scriptumque est in cordibus nostris, *Paul. Rom. 2. v. 15. verè ac propriè jus naturale est. Cic. de Invent. lib. 2. c. 5.*

12. & lib. 1. de legib. & lib. 3. de offic. Primævum appellant Interpretes.

De hoc vera est regula: Jus naturæ esse immutabile. §. pen. *Inst. de iur. N. G. & C.* Quia divina providentia est constitutum. d. §. pen.

Eo pertinent: religio erga Deum, quod parentibus & patriæ pareamus: l. 2. hic. honestè in hac societate civili vivamus: ne lædamus alterum: tribuamus cuique suum: l. 10. §. 1. hic. ut delicta puniantur: l. 1. in fin. *De furt.* nemo cum alieno damno locupletetur: l. 14. *De cond. ind.* incestarum nuptiarum prohibitio. l. ult. *De rit. nupt.*

Aliud jus Gentium est quod non tam ex naturali ratione, hoc est, simplici notitia; quam ex notitia composita, nempe, ratiocinatione commodorum vitæ defluxit, & ad opportunitates societatis humanæ parandas retinendasque introductum est. Secundarium vocant Interpretes.

Eo jure discretæ gentes, dominia distincta, agris termini positi ad cultum pacis, commercia instituta ad rerum commutationem: quæ bella, captivitates, servitutes, manumissiones sunt insecutæ. l. 4. & 5. hic.

Ea omnia ob utilitatem, pro rato jure inter omnes gentes semper habita sunt atque usurpata.

Sed vicissitudini sunt obnoxia: & pro diversis Rerumpublicarum formis, temporum atque opportunitatum præsentium rationibus, aliter atque aliter habentur. Cum salus populi in iis suprema lex sit. *Cic. de leg. 1.*

Quæ ita intelligenda, non ut principia & theses, ac regulæ Juris Gentium Secundarii contrariis principiis ac regulis mutantur, l. 188. *De R. I. l. 3. ff. de capit. minut.* Sed ut in hypothesibus (ut jus civile constituitur. l. 6. hic.) ab earundem tenore recedatur: l. 1. §. fin. *De const. Princ.* l. 8. §. 1. *De R. I. l. 3. ff. de pos. l. 8. C. de judic.* & sic quasi exceptio addatur regulæ, quæ in cæteris eandem firmet. *sec. l. 1. & ibi Dd. De R. I. Tim. Fab. disp. Inst. 3. thes. 11.*

Et hæc quidem, quod ad explicationem sententiæ Jurisconsulti attinet, satis.

Cæ-

Cæterum rationi magis consentaneum, ut jus naturæ, non ex naturalibus duntaxat inclinationibus, (quæ in hac naturæ depravatione vitiosæ planè sunt) sed de principiis practicis mentis repetamus, quæ immotæ sunt in natura ordinationes, divinitus sancitæ, & perpetuo recti iudicii vallo honesta à turpibus dividunt, & affectiones ac inclinationes naturæ depravatas, in gyrum rationis ducunt. Communes notiones docti vocant, ac in duo genera dispartiuntur.

In speculabilia principia, & in practica.

Speculabilia: ut notitiæ numerorum, ordinis, syllogismi, principia Geometrica & Physica, aliarumque artium semina.

Practica: notitiæ à Deo mentibus inditæ, ut monstrent obedientiam, Deo debitam, & discrimen honestorum & turpium, & regant mores.

Nos hic de practicis principiis, & demonstrationibus, quæ ex his colliguntur, loquimur.

Ex quibus sumitur vera & erudita definitio legis naturæ: Ut sit notitia principiorum, practico-
rum, & conclusionum inde extructarum, de regen-
dis moribus, congruens cum æterna & immota
norma mentis divinæ.

Paulus Apostolus brevissimè legem naturæ describit. Esse jus Dei, & opus legis, scriptum in cordibus, quod Deus nobis ostendit. *Rom. 1. & 2.*

Paulus Ictus *in l. pen. hic.* simpliciter quod æquum & bonum semper est, & iudicio hominum communi, tale esse apparet, id jus naturæ appellat.

Jus Civile etiam bivariam accipitur; vel pro cuiusque civitatis jure, quod quisque populus sibi constituit, (Ratione puta civili.) quasi jus proprium civium, five cuiusque civitatis: *l. 9. hic.* vel pro Jure populi Romani, seu Romanæ civitatis, ut in libris nostris. §. 3. *Inst. de I. N. G. & C.*

Jus Civile (quod ex jure naturali, non tanquam conclusio ex præmissis, sed per modum, ut loquuntur, determinationis, & arbitramenti humani, oritur; *Molin. de just. & jur. tom. 3. tract. 5. disp. 68.*)

non in totum à Jure Naturali recedit, nec per omnia ei servit, *l. 6. hic.* sed aut addit aliquid interpretando, ratiocinando, & ad hypotheses rerum præsentium naturæ theses accommodando: aut propter bonum publicum ei detrahit: ut in usucapionibus. *l. 1. de usuc.*

Ideò populus Romanus, partim de aliarum bene constitutarum Rerumpubl. institutis, partim ex se suorumque ingenio & sapientia prudentum, pro usu sui Imperii & πολιτῶν ματος jus ejusmodi paulatim sibi condidit.

Quod jus Romanum, quoad formam, in scriptum, (Id est, expressa sanctione præscriptum) & non scriptum distribuitur. *l. 6. §. 1. hic.*

Scriptum jus vel ex Legibus, Plebiscitis, Senatusconsultis, Decretis Principum, autoritate Prudentum venit: vel à Prætoribus, adjuvandi, corrigendi, hoc est, supplendi, §. 1. 2. *Inst. de bon. poss. juris civilis* gratia introductum: quod & Honorarium, ad honorem Prætorum, dicitur. *l. 7. hic.*

Jus non-scriptum mores & instituta majorum, quæ usus diuturnus approbavit, complectitur. *l. 31. de ll.*

Eodem refertur Æquitas: quæ tamen potius ad normam naturalem, quam ad civile Romanorum jus videtur pertinere.

Ejus usus elucet in tribus præcipue articulis.

1. In legibus, ex æquo & bono ad sanam rationem, & rectam sententiam accommodandis & interpretandis. *l. 24. l. 19. De ll. l. 91. §. sequitur. de V. O.*

2. In legibus ampliandis & probabili æquitatis ratione, ad similes species, quæ lege comprehensæ non sunt, ex paritate æquitatis extendendis. *l. 10. cum seqq. de ll. l. ult. ubi Gl. C. de const. pecun.*

3. Ut in his quæ nec de sententia legis, nec ratiocinationis argumento definiri possunt, pro regula judicii atque juris valeat. *l. 2. §. item Varus. 5. de aq. plu. arc. c. fin. ubi Gl. & Panorm. n. 6. 7. Exi. de transact.*

De Origine juris civilis, & omnium magistratuum, & successionem prudentium.

TIT. II.

O Rigo juris civilis, id est, Romani, l. 1. §. 2. de rei vindic. duplex: alia naturalis, de qua titulo superiori: alia civilis, historica Reipublicæ Romanæ propria, de quâ hoc in titulo, repetitis ab ipsâ condita urbe Jurisprudentiæ hujus incunabulis, tractatur.

Initio civitatis nullæ scriptæ fuerunt leges, sed arbitria Principum pro legibus erant: Tacit. lib. 3. l. 2. in pr. hic. nonnullæ tamen à Romulo aliisque Regibus latæ, Dion. Halicar. lib. 4. quæ postea à Papirio collectæ, & unum in librum redactæ, l. 2. §. 2. hic. Jus Civile Papirianum vocatæ sunt. d. l. 2. §. 2.

Verum ex exactis Regibus, brevi omnes, exceptis paucis, partim lege Tribuni Celerum abrogatæ: partim desuetudine obsoletæ sunt; & populus Romanus viginti ferè annis consuetudine magis, quam ullo certo jure usus est. d. l. 2. §. 3.

Deinde placuit publica autoritate (Id est, universi populi penes quem summum erat imperium) decem constitui viros, qui exploratis aliarum civitatum, præcipuè Græcarum, (quæ optimè tum temporis constitutæ habebantur) institutis: ex omnibus optima quæque excerpendo, civitatem legibus fundarent: quæ ad hunc modum conscriptæ, latæ, approbatæque in XII. tabulas æneas, anno ab urbe condita 303. sunt redactæ. d. l. 2. §. 4. Quæ omnibus Philosophorum bibliothecis anteposendæ, inquit Cic. lib. 2. de legib. & fons omnis publici privatiq; juris. Liv. lib. 2. & 3. dec. 1.

Cum autem brevitatis legum, omnium controversiarum articulis definiendis, non constaret, legesque interdum requirerent interpretationem: ideo ex Jurisprudentum (sine quibus jus non potest constare, l. 2. §. post originem. hic.) interpretatione, sine lege

lege scripta, jus natum, communi nomine Civile dictum. *d. l. 2. §. his legibus.*

Ne verò populus inconditè ageret, certæ composita sunt actiones; legis, seu legitimæ actiones appellatae. *d. l. 2. §. 6.*

Erant certæ solemnesque. *d. l. 2. §. 6.* Id est certis verborum formulis ac velut aucupiis conceptæ, in quibus proinde dictandis & proponendis necessarius esset usus Jurisperiti, propter periculum, quod suberat, ne, qui caderet à syllaba, & caderet à causa. Quapropter sublata. *l. 1. C. de formul.*

Sedatâ plebis cum patribus discordia plebiscita facta, iisque lege Hortensia, *Gell. lib. 15. c. 27.* vel Horatia, *Liv. lib. 3. dec. 1.* eadem quæ legibus scriptis auctoritas tributa est. *d. l. 2. §. 8.*

Et, cum populus in tanta turba non facile conveniret, Senatus, ad quem ea curâ deducta, tulit leges, Senatusconsulta dictas, *d. l. 2. §. 9.*

Magistratus, penes quos erat jurisdictio, ut Prætores, Ediles, proponebant etiam Edicta, ut sci- rent cives, quod jus de quaque re quisque dicturus esset, seque præmunirent. *d. l. 2. §. 9.* Id est, apud se decernerent, qua de re, & qua actione & contra quem illo anno agere vellent, aut si convenirentur, an & quomodo se defendere deberent. Multa enim erant in Prætorum Edictis nova & à Leg. XII. Tab. aliena; cum iis Juris Civilis adjuvandi, supplendi, adeoque corrigendi, jus esset. *l. 7. §. 1. cod.*

Ea juris auctoritatem habuerunt, & propter honorem Magistratus jus honorarium appellari cæperunt. *d. l. 2. §. 9.*

Novissimè potestate populi in Principem translata, datum ei, (Putâ à populo.) ut quod constitueret, esset ratum. *d. l. 2. §. novissimè. §. sed & quod. Inst. de I. N. G. & C.*

Constituerebat Princeps vel edicendo, vel rescribendo, vel decernendo. *vide infra. tit. de constit. Princ.*

De origine Magistratuum, ut & successione Jurisconsultorum, cum ad historiam magis pertineant, quam jus, hic agere superfedemus, lectoremque curiosum ad *d. l. 2.* remittimus. **De**

De Legibus, Senatusque Consultis, &
longa consuetudine.

T I T. III.

Species Juris Civilis Romani (ut suprà dictum) sunt jus scriptum, & non scriptum.

Juris scripti partes sunt: Lex, Plebiscitum, Senatusconsultum, Constitutiones Principum, Edicta Prætorum, Responsa Prudentum. §. 4. *Inst. de I. N. G. & C.*

Lex, angustâ significatione, est quod populus Rom: Senatorio magistratu rogante, veluti Consul, constituit. §. *lex est. Inst. de I. N. G. & C.*

Aliàs latins, (cum omnes juris scripti & non scripti species amplectatur) est commune præceptum, virorum prudentum consultum, delictorum, quæ sponte, vel ignorantia contrahuntur, coercitio, communis Reipublicæ sponsio; *l. 1. l. 2. hic.* vel est justorum, injustorumque distinctio, ad illam antiquissimam & rerum omnium principem naturam expressa. *Cic. lib. 2. de legib.*

Quid sit Plebiscitum, Senatusconsultum, &c. *vid. tit. Inst. eod.*

Legum aliæ divinæ sunt, aliæ humanæ: *cap. omnis. dist. 1.*

Harum aliæ naturales, aliæ civiles. *l. 9. l. pen. de I. & I.*

Hæ rursum aut universales, (de quibus, ut & civilibus, & Romanis quidem, tantum hic agitur) aut generales, aut singulares, aut particulares, seu locales. *l. 3. l. fin. l. 16. ff. hic.*

Conditum Romanum Jus est & leges per populum, §. 1. *vers. namque. Inst. de I. N. G. & Civ.* aut magistratum, cui imperium & potestatem condendi juris populus detulit: quales Senatus, *l. 9. hic.* Prætor, §. 7. *Inst. eod.* Princeps. §. 6. *Inst. eodem.*

Populus (Ut pote penes quem erat totius Imperii Majestas.) legem propriè condit, & Princeps, in quem jus populi translaturum. *l. 1. C. de const. princ.* Senatus jus potius facit. *d. l. 9.*

Et Consuetudo jus facit. Unde Modestinus, *l. pen. hic.* Omne jus, aut consensus fecit, aut firmavit consuetudo.

Hodie translatò in Principem imperio, legem generalem solus facit Princeps, *l. 1. & l. fin. C. hic.* localem (quæ in jure decretum, *t. t. de Decret. ab ord. fac.* hodie statutum vocatur. *c. ut animarum. de const. lib. 6.*) quisque præfectus inferior in suo territorio; *Bart. in l. omnes. 9. De I. & l. 1. 8.* & quæque universitas, municipium, civitas, etiam superiori subjecta; sed tum eo approbante. *c. pen. de consuet. Bart. in d. l. omnes. n. 7.*

Judices in judiciis interpretandi juris potestatem habent, *per l. 8. C. de jud.* non tamen in modum legis. *arg. l. 1. C. de ll. ubi Dd.*

Lex veratur, circa personas, res & actiones, sive judicia, *l. 1. de stat. hom.* non præterita aut præsentia, sed futura, *l. 7. C. hic.* Nisi aliter lege cautum. *d. l. 7. l. 22. §. 1. C. de SS. Eccl.*

In iis non minutissima quæque leges consecuntur, aut quæ forte uno aliquo casu eveniunt, *l. 4. hic.* aut quæ singulares respiciunt personas, *l. 8. hic:* sed quæ ἐπὶ τὸ πλείον evenire solent, *d. l. 8. l. 12. hic.*

Jus quod circa res versatur, aut in acquirendo, aut conservando, aut minuendo consistit. *l. ult. hic.*

Commune omnibus legibus est; primum, ut aut imperent, aut vetent, aut permittant, aut puniant. *l. 7. hic.*

Deinde ut, ad regulam summæ illius legis, quam in mente tanquam *κεντρίον* & normam omnis juris circumferimus, *Cic. lib. 2. de legib.* congruenter aptentur. *c. facta. c. erit autem lex. dist. 4.*

Rectè itaque dicitur, animam legis esse rationem: *arg. l. scire. 17. hic. c. scdulo. 38. dist.* idque demum legis nomen mereri, quod in æquitate consistit. *c. consuetudo. dist. 1.*

Ad formam legis, quoad jus Romanum, & scriptura requiritur: eâ enim specificè lex à consuetudine distinguitur. *cap. lex. dist. 1. l. 6. §. de I. & I.*

Licet etiam in eo differant, quod lex expressio
con-

consensu, approbatione & suffragiis, aut certè ex principis auctoritate, uno tempore & fertur & valet: consuetudo verò tacito totius populi tantum consensu, nec uno temporis puncto, sed longâ diurnitate inducitur & temporis progressu vires acquirit. *l. 1. §. ult. de aq. plu. l. 3. §. ductus aquæ. de aq. quot. & est.*

Feruntur leges, ut earum præsidio tuti ab injuriis simus. *Cic. lib. 2. off.*

Et omnes obligant ad scientiam, *l. 9. C. hic. t. t. De jur. & fact. ign. ad obedientiam, l. 7. de jur. pat. aut ad pœnam. l. 2. hic.*

Princeps tamen legibus solutus est, *l. 31. hic. etiamsi legibus (sicuti par est. l. Digna vox. C. hic. l. ex imperfecto. inf. de legat. 3.) vivat. §. fin. Inst. quibus mod. test. inf.* Nempe licet leges ipsum Principem tanquam legislatorem non ligent auctoritate; tamen constringunt eum honestate & ratione naturali.

De interpretatione legum multa hoc titulo proponuntur. Quo modo similes ad casus ex producendæ sint, vel ratiocinatione consultorum, *l. 11. l. 13. hic. vel jurisdictione magistratus, d. l. 11. cum seqq.* Quomodo *ὁμολογία*, quâdam temperandæ quoad mens & verba earum patiuntur, *l. 6. §. verbum. de V. S. Bart. in l. sed sciendum. de parricid.* Nisi aut contra rationem juris quid receptum contineant, *l. 14. cum seqq. hic.* aut certam semper habuerint interpretationem. *l. 23. hic.* Modò evidens utilitas aliud non suadeat. *l. 2. inf. tit. prox.*

Certam habuisse interpretationem dicuntur quarum sensus consuetudine receptus, probatusque est; etsi verba obscura vel ambigua sint. *l. 37. hic. l. 11. C. cod.*

Consuetudo dicitur jus non scriptum, vetustate comprobatum, *Cic. lib. 2. de Invent. c. 5. & 12. vel introductum moribus. c. consuetudo. 1. dist. tacitâ quasi conventionione. l. 32. l. 35. hic.*

Justiniano, §. *sine scripto. Inst. de I. N. G. & Civ.* consuetudo est jus, ex non scripto veniens, quod usus approbavit.

Est duplex: alia generalis, quæ est instar legis, d. l. 32. alia specialis seu localis, quæ vim habet statuti, sive legis municipalis. l. 3. §. 5. de sepul. viol. l. 1. 2. ubi Dd. C. de servitutib. l. 1. 2. C. quæ sit long. conf.

Consuetudinem introducere potest populus, qui & legem condere d. l. 32.

Si superiorem recognoscit, ejus patientiâ & scientiâ opus (ut quidam volunt) c. cum non ignores. 15. de præben. Cyn. & alii in l. 2. C. quæ sit long. conf. aut saltem (ut alii, quod & receptius) sufficit ut non contradicac. Bart. in l. de quibus. n. 11. Iason. n. 30. hic.

Nisi id vel privilegii loco, ut Plebi Romanæ, §. 4. Inst. eod. l. 2. §. 8. ff. de orig. jur. sit indultum, vel ea conditione in fidem deditionemque sint recepti, ut suis legibus relictis; ut Græci. Liv. 33. ab V. C.

Non tamen necesse, ut, aut à toto populo, aut majore ejus parte, inducatur: Ias. d. loc. ut obtinet in statutis. l. quod major. ad muncip.

Versatur consuetudo, circa res possibiles, atque honestas.

Debet enim esse rationabilis, c. fin. ubi Gl. ad verb. rationabilis. de consuet. nec juri divino, Bald. in l. 2. C. de usur. d. c. ubi Dd. de consuet. aut naturali præscribere, c. frustra. c. quæ contra. dist. 8. c. 1. de cons. in 6.

Quænam sit rationabilis, id judicantis arbitrio relinquendum. Host. Panor. Bald. in d. c. fin. ad verb. rationabilis.

Potest & consuetudo contra jus scriptum à populo libero, (qui ut expressè, sic & tacitè legem abrogare potest,) induci, d. l. 32. §. 1. hic. non à subdito. l. 2. C. quæ sit long. conf. c. fin. de consuet. Nisi Princeps eam confirmet.

Indistinctè tamen, secundum Doctores, Bart. Ias. & alios in d. l. 32. Canon. in d. c. fin. contra legem inducitur, ac præscribitur decennio in foro civili, quadraginta annis in foro Ecclesiæ. c. de quarta. de præscr. c. cum de beneficio. 5. ubi Gl. verb. legitima. de præben. in 6. Siquidem Superioris præsumpta scientia

ria allegari possit; aut populus non simpliciter eum agnoscat.

Ut consuetudo inducatur, nec titulo, nec bonâ fide opus. *Ias. in d. l. 32. n. 49.*

Sed 1. Actuum frequentia, *l. 1. C. quæ sit long. conf. l. 3. C. de adif. priv. duorum, aut Bart. n. 12. Ias. n. 85. in d. l. 32.* plurium, pro arbitrio judicis, *Bald. & Salic. in l. 2. C. quæ sit long. conf. maximè judicialium, si haberi possunt, l. 38. l. 34. hic.* 2. Diuturnitate temporis; *d. l. 32. cum ll. seqq. d. c. fin.* secundum Doctores decennii, *Bart. n. 14. Ias. n. 43. & 44. in d. l. 32.* 3. Principio rationabili, ut non errore, sed certâ scientia, introducta sit. *l. 39. hic.* Non enim rationem vincere potest consuetudo. *l. 2. C. quæ sit long. conf.*

Præcipua consuetudinis differentia ac forma in eo consistit, ut sine scripto in solo populi usu versetur. *per §. 9. Instit. de jur. nat. gent. & civ.*

In scriptis redigi tamen facilioris probationis gratia potest, nec propterea naturam mutat. *Bart. n. 8. & 21. Ias. n. 36. in d. l. 32.*

Probari, non allegari tantum convenit, *l. 4. de cust. reor. Castr. in l. un. C. ut quæ des. adv. part. cum in facto consistat. Menoch. conf. 37. n. 92. conf. 8. n. 16. conf. 95. n. 60.*

Probanda specificè, *Menoch. conf. 54. n. 37.* actuum frequentia uniformis, *Menoch. conf. 37. n. 39. & 67.* & temporis diuturnitas. *Ias. in d. l. 32. n. 88. Curt. in d. c. fin.*

Probantur aut scripturis, puta publicis, exemplis rerum judicatarum: *c. post cessionem. 7. de probat. Bart. in d. l. 32.* aut testibus, saltem duobus; *Bart. & Cyn. in l. 2. C. quæ sit lon. conf.* qui idoneam suæ opinionis causam reddant. *Bart. & Dd. in d. l. 2. Curt. in d. c. fin.*

Periti & seniores cujusque loci, qui ita semper observatum testantur, etiam sine alia causæ redditione, ostensioneque actuum probant. *Bart. in d. l. 32. n. 22.*

Finis consuetudinis est, qui omnium aliarum legum, salus populi. *c. erit. dist. 4.*

Effectus non minor quam ipsius legis, *Men. cons.* 34. n. 8.

Itaque omnes obligat ad scientiam, cum aperta & nota est. Item ad obedientiam, aut ad pœnam in contractibus, *l. 6. De evict. l. 31. §. 20. De Edil. Edict. delictis, Auth. qua in provincia. C. ubi de crim. l. 16. §. pen. de pœn. judiciis. l. 3. §. fin. ubi Gl. de testib. Auth. jubemus, ubi Bald. de jud.*

Optima interpretis est legis, *l. 37. hic.* scilicet tacita: Cum expressè legem Princeps tantum interpretetur. *l. 1. C. eod.*

Quando consuetudo legi contraria invenitur, legi & juri communi derogat. *l. 32. hic. Ias. in l. 2. n. 19. C. si cont. jus vel util. pub.*

Pro jure *Ias. & Dd. in d. l. 2. n. 19. & 17.* judici esse debet; aded ut contra eam judicans, litem faciat suam, *d. Auth. jubemus. ubi Bald. §. 1. Inst. de off. iud.* ac sententia ipso jure nulla sit. *Felin. in c. causam. q. 2. in fin. de test. vid. Guid. Pap. in proœm. decis. & ibi annot. marg. Tyraq. in tract. de pœn. in præfat. num. 7.*

De Constitutionibus Principum.

T I T. IV.

QUOD Principi placuit (Putat ut vim legis habeat, *l. 1. hic. l. 3. C. de legib.*) legis habet vigorem, *l. 1. hic.* cum lege Regiâ, populus ei, & in eum omne suum imperium & potestatem contulerit. *§. sed & quod. 6. Inst. de Iur. Nat. Gent. & Civ.*

Quod igitur constituit: vel per epistolam, qua absque consultoribus respondet; *l. 3. De testib.* aut per subscriptionem statuit, quando libellis supplicantium sententiam suam subscribit; *l. 32. §. 14. de recept. arb.* vel ipse de causa cognoscens solemniter in judicio, *l. 3. de his quæ in test. del.* aut de plano extra judicii locum, & citra usitatum ordinem decrevit; *l. 1. §. 1. hic. l. 3. C. eod.* aut edicto publicè vetuit, vel jussit; aut oratione, quæ in Senatu suadendæ legis causa solet à Principe haberi, præcepit; *l. 16. de spons. l. 1. de reb. cor. qui sub tutel. legem esse con-*

constat. *l. 1. hic. l. 3. C. eod.* Constitutiones appellamus.

Ex his quædam sunt generales, quas Princeps legum vigorem habere vult: *l. 1. hic.* quædam personales, quæ non sunt propriæ leges, cum ad exemplum non trahantur. Ut quod ob merita alicui indulget, aut si quam pœnam irrogavit, vel si cui sine exemplo subvenit, ut *Nevell. 139.* aut aliter interlocutus inter duos duntaxat est, non animo legis faciendæ. *l. 1. hic. l. 2. l. 3. in fin. C. de legib.*

Constitutiones posteriores prioribus sunt potiores, iisque derogant. *l. fin. hic.*

Contractus à Principe factus, licet vicem civilis legis obtineat, *l. pen. C. de don. int. vir. & ux.* tamen ex jure naturæ successores etiam obligat, *Bald. Cast. l. 4. C. de ll. text. in c. 1. de prob. ubi Can.*

Instar enim privatorum ex contractibus tenentur; *d. c. 1. Bald. in c. 1. de nat. feud.* etiam cum subditis initis: *Bald. in l. princeps. C. de ll. si quidem ii res patrimoniales concernant: si statum publicum, quæstionis est.*

De statu hominum.

T I T. V.

OMne jus, quo utimur, vel ad personas pertinet, quibus: vel ad res, de quibus: vel ad actiones sive judicia, per quæ jus redditur. *l. 1. & 2. hic.*

Primo de statu personarum, quarum causa jus constitutum est, *l. 2. hic.* dicendum.

Status hominis ad conditionem in qua quisque nascitur & ab origine quasi stat, pertinet. *l. 15. ubi Gl. qui test. fac.*

Hujus tria censentur capita: Libertas, Civitas, Familia. *l. 41. ubi Gl. ad verb. status. de reb. cred. l. ult. de cap. minut.*

Nec quicquam ad statum Civis Romani pertinens fingi potest, quod non ad unum ex his tribus referatur.

Cum unum ex his adimitur, caput hominis minui

nui dicitur, Maximâ, Mediâ, Minimâ capitis diminutione §. 1. 2. 3. *Inst. de cap. diminut.*

Personarum triplex est divisio : naturalis , juris gentium, civilis.

Natura homines in mares & fœminas tribuit: ex quibus hæc illis deteriore sunt conditione in multis juris articulis, *l. 9. hic.* ut potestate materna, quam in liberos non habent, §. *fœminæ. Inst. de adopt. muneribus gerendis* : *l. 2. De R. I. &c.* in quibusdam potiore. *ut l. omnes. C. de his qui ven. at at. impet. l. si fuerit. De reb. dub.*

Hermaphroditæ ejus sexus existimandi , qui in his prævalet. *l. 10. eod.* In dubio pro masculis habentur, & feudorum sunt capaces. *Bald. in l. quæries. 12. n. 10. 11. 12. C. de suis & leg. her.*

Monstra liberi non sunt , nec jus liberorum in bonis parentum habent , *l. 14. hic.* matri tamen ad jus trium liberorum consequendum profunt, *l. 135. de V. S.*

Qui in utero sunt, pro natis habentur , quotiens de commodis ipsorum quæritur. *l. 7. l. 26. ff. hic.* Aliis non profunt. *d. l. 7.* Quia privilegia personalia ad alios non porriguntur. *l. quia tale. 13. solut. matrim. l. ex pluribus. 42. de administr.*

Jure gentium homines aut liberi sunt, aut servi. *l. 3. hic.* Nulli partim liberi, partim servi; *l. 1. in fin. princ. C. de latin. libert. toll.* nec ulli, nec liberi, nec servi. *l. 9. in princ. l. 25. ff. de statu lib. l. 9. in princ. ff. de legat. 2.*

Liberi sunt, penes quos libertas est.

Quæ est , naturalis facultas ejus , quod cuique facere libet , nisi quid vi , aut jure prohibeatur. *l. 4. hic.*

Servi, (à servando dicti, quod homines bello captos servare, non occidere solent, *l. 4. §. 2. hic.*) sunt qui justam servitutem serviunt.

Servitus, est constitutio Juris gentium, quâ quis domino alieno, contra naturam. subjicitur. *d. l. 4.*

Est ergò Jure Gentium servitus introducta; *d. l. 4.* et si modi, quibus servi fiunt, partim sint Juris Gentium, ut cum quis ex ancilla nascitur, vel in bello capi-

De his qui sui vel alieni juris sunt. 21

capitur; partim juris civilis, ut cum quis ad pretium participandum patitur se bonæ fidei emptori venumdari. *l. 5. §. 1. hic.*

Servorum una conditio est, & jure gentium, & jure civili pro nullis habentur. *l. 32. de R. I.*

Liberi, alii sunt Ingenui, alii Libertini: *d. l. 5. §. 2. l. 6. hic.* Hodie in liberorum statu nulla est differentia. *Nov. 78. c. 1. & 2.*

Ingenui jure naturæ sunt, qui ex matre libera nascuntur. Licet serva, vel vulgò conceperit. *l. 5. vers. ingenui. hic.*

Jure civili, liberi ex justo matrimonio concepti, sequuntur patrem, etiam quoad statum; *l. 19. hic.* extra matrimonium concepti, jure naturæ, matrem. *l. 24. hic.*

Ingenui, rursus justii sunt, vel injusti.

Justi, qui ex justis, hoc est, legitimis nuptiis procreantur. *l. 12. l. 18. hic.*

Injusti, qui ex illegitima conjunctione. *l. 11. l. 23. l. 24. hic.*

Libertini sunt, qui ex justa servitute manumissi sunt. *l. 6. hic.* Iusta puta manumissione; id est, non tantum voluntate manumittendi, sed & juris auxilio & potestate munitâ.

Erant olim alii Cives Romani, alii Latini; alii Dediticii; postea, de Jure Novo, omnes cives Romani, *l. 1. C. de lat. lib. toll. l. un. C. de dedit. liber. de Jure novissimo ingenui facti sunt; salvo jure patronatus. Novel. 78.*

De his qui sui vel alieni juris sunt.

T I T. VI.

Jure Civili libero homini duplex caput est; Civitas, quæ mediâ capitis diminutione amittitur, *l. 2. l. 7. de cap. min.* (de qua, cum ad jus civitatis publicum spectet, hic non agitur) & familia, quæ minimâ capitis diminutione minuitur. *l. 6. eod.*

Quod ad statum caputque familiæ attinet, liberi homines, alii sui juris censentur, alii verò alieni. *l. 1. in princ. hic.*

Sui

Sui juris sunt familiarum suarum principes , pater, mater familiæ.

In dominorum potestate sunt servi, *l. 1. 2. hic.* in parentum liberi ex justis nuptiis , *l. 3. 4. 5. hic.* aut opinione saltem justis procreati, *c. 8. c. 11. c. pen. qui fil. sint leg. l. Qui in provincia. 57. §. 1. De R. N. Legitimati,* aut per subsequens matrimonium , *l. cum quis. 10. C. de nat. lib. Nov. 89. c. 8.* aut per oblationem curiæ civitatum , *§. sui. in verb. curia civitatum. Inst. de hered. qua ab int. l. 3. C. de nat. lib. Nov. 89. c. 1.* aut per speciale diploma Principis. *§. naturales. ubi Dd. si de feud. defun. 2. F. 26.* item legitimi facti per adoptionem. *pr. Inst. de adopt.* Non illegitimi, spurii, naturales ; quia pro liberis jure civili (ex quo est patria potestas. *pr. Inst. de pat. pot.*) non agnoscuntur. *l. 11. l. 23. cum l. seqq. de stat. hom.*

Potestas hæc ergo propria civium Romanorum est , *l. 3. 4. 5. 6. 7. 8. hic.* & major , quam quæ juris naturæ & gentium , (quâ reverentia & obedientia parentibus debetur, *l. 2. de Inst. & Iure*) & dominicæ par erat.

Postea tamen emendata & ad humanitatis rationem revocata est : ita ut nec patri quærantur indistinctè nunc omnia , quæ filius labore & industria sua paravit. Excipiuntur enim peculium castrense & quasi, & proprietas peculii adventitii: *l. fin. C. de bon. quæ lib.* nec crudeliter in eos possit sævire, *l. 3. C. de pat. pot.* nec eos occidere , *l. 5. de leg. Pomp. de parric. l. un. C. de his qui par. vel lib.* distrahere, *l. 1. C. de pat. qui fil. distr.* Nisi extrema cogat necessitas : *l. 2. C. eod.* oppignorare , *l. 6. C. quæ res pign. exheredare.* Nisi ex justa causa ; *Novel. 115. abdicare , l. 6. C. de pat. pot.* Imò alimenta iis victumque quærere & suppeditare cogatur. *l. pen. hic. t. r. C. de alen. lib.*

De Adoptionibus & emancipationibus, &
aliis modis, quibus patria pote-
stas solvitur.

T I T. VII.

Liberantur servi dominicâ potestate, per Manu-
missionem: filii, patriâ, per Adoptionem, Eman-
cipationem, & alios quosdam modos.

Adoptio, est actus legitimus naturam imitans, ad
eorum qui liberos non habent, solatium inventus.
Theoph. pr. Inst. hic.

Et quidem à jure civili, *arg. l. 77. de R. I.* quia pe-
culiarem quandam, & civilem adoptandi formam
Romani habuerunt.

Introducta à lege ut defectum naturæ suppleat;
& sterilitati, aut mortalitati familiarum medeatur:

Adoptio, vel est adoptio in specie, vel arrogatio:
Illa est filii-familias: hæc ejus qui sui juris est. *l. 1. l. 2. hic.*

Adoptantem, & eum qui adoptatur, oportet con-
sentire: *l. 5. l. 24. hic.* Et arrogatum expressè. *d. l. 5.*
Eum vero qui à patre in adoptionem datur, sufficit
non contradicere. *d. l. 5.* RATIO. Quia pubes qui ar-
rogatur ipse sibi author fieri debet. In adoptione
patris autoritas sufficit. Ita tamen ut filii consen-
sus, saltem tacitus adsit. *fac. l. ult. C. hic.*

Cæterorum non est necessaria approbatio. *l. 7. hic.*
Ut enim invitis agnascuntur fratres, & agnati, ita
& adoptantur.

Si tamen adoptionis non ritè factæ petatur con-
firmatio, agnatos consentire oportet: *l. 39. hic.* Quia
confirmatio fit à Principe, *l. 38. eod.* ad cujus digni-
tatem pertinet, nil in alterius statuere injuriam.
l. 2. §. 10. §. 16. ff. Ne quid in loc. publ.

Præterea requiritur, ut personæ ad adoptionem
sint idoneæ: quæ adoptare, adoptarive non prohi-
bentur.

Adoptare non possunt: fœminæ; nisi ex indul-
gentia Principis; §. *fœminæ. 10. Inst. eod.* cum libe-
ros non habeant in potestate: *d. §. 10.* licet rectè, sed

ex speciali rescripto Principis, adoptentur. *l. 20. l. 21. hic. 2.* Item castrati, *l. 2. §. illud. hic.* cum generare nequeant, & adoptio tantum in iis locum habeat, in quibus natura habere potest. *l. 16. hic.* Ideò spandonibus, cum spes sit, vitio sublato eos ad generandum fore idoneos, adoptio non inhibenda. *d. l. 2. §. illud. l. 40. §. fin. hic.* Omnino minori decem & octo annis, *d. l. 40. §. 1. ut & minori sexaginta annis, l. 15. §. 2. hic. l. 1. ff. solut. matr.* majori permitenda. *d. l. 15. §. penult. hic.*

Non debet, ei qui vel unum, vel plures liberos habet, permitti. *l. 17. §. 3. l. 15. §. fin. hic.*

Adoptari nequit absens, *l. 29. hic.* Is qui non octo & decem annis minor sit eo cui in adoptionem datur. *d. l. 15. §. fin. cum ll. seqq.* Impubes potest. *l. 42. hic.* Qui arrogari, nisi ex iustissimis causis, *l. 2. C. eod. §. 2. Inst. eod. l. 17. §. 1. hic.* nequit: præsertim à tutore, ad evitandam rationum reddendarum necessitatem, pupillus. *d. l. 17. hic.*

Adoptio non solum loco filii rectè fit, sed nepotis etiam, quasi ex filio nati, item pronepotis, *l. 10. l. 43. l. 37. l. 44. l. 15. §. duos. hic.* licet filium, aut nepotem non habeat, aut nunquam habuerit. *l. 43. eod.* Loco fratris, quem nemo natura gignit, nequaquam. *l. 7. C. de hered. Inst.*

Non fit ad tempus adoptio. *l. quesitum. 34. hic.*

Solennitates in adoptione olim requisitas (quas vide apud Gaium, *Inst. lib. 1. Gell. lib. 5. cap. 19.*) Iustinianus *l. fin. C. hic.* abrogavit; voluitque eam constare, si pater filium non contradicentem in adoptionem daret apud magistratum, penes quem legis esset actio, *l. 2. 3. 4. hic.* decreto iudicis, *Alex. conf. 126. ad utramque n. 11. vol. 4.* & actis publicis, *l. 11. C. de fid. instr. intervenientibus. §. 8. Inst. quib. mod. jus patr. pot. solv.* Non tamen causæ cognitione; quia voluntariæ est Iurisdictionis. *l. 2. ff. de off. Proconf. 26.*

Doctores adoptionem etiam extra acta & locum iudicii, coram iudice fieri, *Ang. in §. præterea. Inst. eod.* sicut & emancipationem, permittunt. *l. 3. l. fin. C. de emanc. d. §. præterea. d. l. 11. C. de fide instrum.*

Arro-

Arrogatio, olim fiebat in comitiis consensu populi; *Gell. lib. 5. c. 19.* nunc autoritate Principis, *l. 2. hic.* adhibitâ causæ cognitione: ut si forte minor sit arrogandus, diligenter perpendatur, conducibilis sit illi, nec ne, *l. 17. hic.* & arrogator datis fidejussoribus, *l. 2. C. hic.* caveat, si impubes decedat, se, quæ ex bonis ejus consecutus fuerit, restitutum illis; ad quos ea res perventura esset, si arrogatus in suo statu mansisset; *l. 18. cum ll. seqq. hic.* nec se cum sine causa justa exheredaturum aut emancipaturum; si faciat, præter bona arrogati, & quartam partem bonorum suorum omnium, §. 3. *Inst. l. 2. C. hic. l. 8. §. 15. ff. de inoff. testam.* ei relicturum. §. 2. *Inst. eod.*

Si quid ex solennitatibus omissum sit, solet à Principe impetrari adoptionis confirmatio, *l. 38. hic.* nisi in alterius vergat detrimentum. *l. 39. hic.*

Adoptio non confert jus sanguinis, *per. l. 6. de R. I.* sed jus agnationis inducit. *l. 23. hic.*

Olim adoptati in omnibus jura justorum liberorum obtinebant, *l. 45. l. 27. l. 15. hic.* & hodie, si ante emancipationem pater adoptivus decedat.

Cæteroquin civilis adoptionis actus contrariâ emancipationis solennitate plane dissolvitur, *l. 10. §. pen. C. hic. l. 14. ff. hic.*

Justinianus contra veteris juris observationem introduxit, *d. l. 10.* ut adoptivus in potestatem adoptantis hodie non transeat, nisi cum avi materni sacris inseritur.

Arrogationis jura intacta reliquit; *d. l. 10. in fin.* undè etiam hodie arrogatus potestati patris cum omnibus bonis subjicitur, & omnino eo est loco quo filius naturalis. *l. 2. in fin. d. l. 15. d. l. 40. hic.*

Emancipatio, ab emancipando (quod est solenni quodam, civilique modo alienare) dicta, est patriæ potestatis, per actum juris solemnem, dissolutio. §. 6. *Inst. quib. mod. pat. pot. sol.*

Solemnius olim venditionibus, & manumissionibus expediebatur: *d. §. præterea.* hodie nuda apud magistratum, apud quem legis est actio, & actus voluntariæ Jurisdictionis, qualis est Emancipatio,

fac. l. 24. cum l. seq. ff. hic. tractari & expediri possunt, *l. 2. ff. de off. Procons. contestatione, l. fin. C. de emanc. lib.* quocunque loco, coram iudice fieri potest: *d. §. 6. scripturâ tamen, seu actorum interpositione publicâ, interveniente. l. 11. ubi Dd. C. de fid. instr. l. 3. C. de emanc.*

Alii modi quibus jus patriæ potestatis solvitur, positi sunt vel in casu: ut cum morte, tam naturali, quam civili; puta deportatione, servitute, &c. alterutrius, patriæ potestatis relatio evanescit: vel in lege, quæ propter dignitatem filii patriam potestatem dissolvit. *l. ult. C. de cons. lib. 12. §. filius f. Inst. quib. mod. pat. pot. solv.*

Dissoluta his modis patria potestas tantum volente filio, per adoptionem, redintegratur, *l. 12. hic.* non invito; *l. fin. De his qui sui. vel al. jur.* nisi cum ingratos liberos lex in potestatem revocat. *l. un. C. de ingr. lib.*

Et in dissolutione & redintegratione patriæ potestatis est consentaneum, ut neque invitus quicumque emancipare, *l. 4. C. de emanc. lib.* (Nisi filium malè tractet, id est, patriam potestatem acerbè in eum exerceat: *l. ult. ff. si à par. quis manum sit.* Nisi pater leno filio vel filiæ, peccandi necessitatem imponat: *l. 6. C. de spect. & scen. l. 12. C. de Episc. aud.* Nisi legatum, eâ conditione ut filium emanciper relictum, acceperit: *l. 92. ff. de cond. & dem.* Nisi impubes arrogatus pubes factus, arrogationem sibi inutilem esse ostendat: *l. 32. ff. hic.*) neque emancipationem accipere, *l. 5. C. eod. Gl. & Dd. in d. l. 4.* Nisi ex ea causâ ex qua posset exheredari: *l. 132. ff. de verb. obl. Nov. 89. c. 11.* neque potestatem dissolutam redintegrare cogatur.

De Rerum divisione & qualitate.

TIT. VIII.

Rerum significatio varia est, *vid. l. 5. 6. 23. de V. S.* Divisio summa & prima, quod aliæ res sunt divini juris, aliæ humani. *l. 1. in princ. hic.*

Divini juris sunt, res sacræ, religiosæ, & sanctæ,
quæ

quæ in nullius existunt bonis. §. *nullius. Inst. hic.*
 Quia quæ Deo dicantur, à nobis abdicantur. *Auth. ingressi. C. de SS. Eccl.*

Sacræ sunt, quæ publicæ, non privata, l. 6. §. 3. *hic. Novel. 58.* autoritate, à summo magistratu, præeunte Pontifice: l. 6. §. *sacræ. 3. hic.* hodiè in Republica Christiana ab Antistite cujusque loci, Deo consecrantur. *Novel. 131. c. 8. t. t. Ext. de cons. Eccles.*

Religiosæ sunt, quæ privatâ alicujus voluntate religioni dicantur: ut cum quis mortuum corpus, humanum, sive totum, sive præcipuam ejus partem, ut caput, l. 44. ff. *de relig. & sumt. fun.* infert in locum suum. d. l. 6. §. 4. l. 2. §. 5. *ead.*

Sanctæ res sunt, quæ ab injuria hominum sanctione aliquâ & pœnarum terrore defenduntur, l. 8. *ubi Bald. hic.* ut sunt sanctiones legum, l. 41. *de pœn. l. 9. §. 3. hic.* muri & portæ civitatum. d. l. 8. d. l. 9. l. *fin. hic.*

Sanctio dicitur ea legis pars, quæ legem violentibus, pœnam irrogat.

Humani juris eæ res esse putantur, quæ plerumque in alicujus sunt bonis, & ad homines pertinent. l. 1. *pr. hic.*

Sunt aut publicæ, aut privatæ.

Publicæ, quæ vel jure naturali, id est Iure gentium, §. 1. *Inst. hic.* communes sunt omnium: vel jure gentium aut civili publicæ, eoque Imperii & populi sunt Romani.

Privatæ, hoc est, singulorum sunt, quæ ad singulos pertinent. d. l. 1. vel ex traditione, vel occupatione, vel usucapione aliisque causis. §. *singulorum. Inst. hic.*

Naturali jure communia sunt: aër, aqua, quocunque ex loco in publicum profluens, mare, & per hoc littora maris, lapilli, gemmæ, cæteraque quæ in mari, aut littore inveniuntur, l. 2. & 3. *hic.* Quia sunt primi occupantis. §. 18. *Inst. l. 14. l. 52. ff. de acq. rer. dom.*

Quarum rerum usus eo jure ita communis, ut utendo quis proprietatem etiam acquirere possit:

quomodo in mari inventa nostra sunt : *d. l. 3. & ædificio in littore posito, soli quoque cui illud impositum, domini efficimur ; d. l. 6. sed non ulterius quam ædificium manet; eo sublato, locus in casum pristinum revertitur. d. l. 6. in princ.*

Publica sunt jure gentium , ea quorum usus publicus & communis est, proprietas Imperii Romani: ut flumina, portus, jus piscandi, navigandi, usus riparum , *l. 4. 5. hic.*

Differunt à communibus. 1. Communium proprietas nullius est : Publicarum quidem nullius in bonis , *l. 6. l. littora. 51. de contr. emt.* sed ad aliquem populum pertinet , Iure gentium : aut occupatione veteri, quâ vacua occupata: aut occupatione belli, quâ res gentium victori populo acquisita sunt : *l. 3. Ne quid in loc. pub. l. 15. cum ll. seqq. de V. S.* 2. Illarum proprietas acquiri à singulis potest : quia nullius sunt. Harum non potest, quia alicujus populi, *d. l. 3. l. 14. de acq. rer. dom.* cui jus suum auferri nequit , *l. ult. de pact. l. ult. ubi Ias. n. 3, 4. C. si cont. util. pub. factæ sunt.* 3. Illarum usus communis omnium est hominum. Harum alicujus tantum populi *l. 2. & 3. de flum. l. 3. Ne quid in loc. pub.*

Iure Civili publica sunt, quæ ad aliquam civitatem pertinent; ut theatra, stadia, & si qua alia communia civitatum. §. *riparum. Inst. hic.*

Ea ab universalibus rebus populi , veluti magis speciales, distant : verbi gratia, Theatra urbis Romæ illius sunt urbis, & civium in illa habitantium, non etiam totius populi Romani , per omnes provincias diffusi.

Res quæ sunt in publico civitatis patrimonio , *vid. l. 9. de cont. emt. l. 14. de acq. rer. dom.* jure privatorum possidentur, & sunt in dominio Reipublicæ, nec usus earum ad singulos pertinet.

Res universitatis, de quibus hic agimus, propriè nullius sunt in bonis: usu verò singulis patent.

Res rursus sunt vel corporales, vel incorporales. Hæ sunt quæ in jure consistunt ; servitutes, obligationes, &c. Illæ corporaliter existunt, & sub aspectum oculorum sensumque tactus cadunt : ut fundus,

fundus, vestis, aurum, homo, alixque res. *d.l.1. §. quadam.*

Qualitates rerum, vocant Icti propria & acci-
dentia, quæ extra rerum substantiam sunt: ut quod
res corporales tangi, possideri, detineri, & usucapi
possint: *l.2. & r.r. de acq. poss.* Incorporales propriè
non tradantur, *l.43. §.1. de acq. rer. dom.* neque pos-
sidentur; *l.4. §.27. De usuc. nec usucapiantur. d.l.4.*
§. 27.

Item quod corporales divisionem recipiant, vel
naturâ, vel intellectu; *l.66. §.1. de leg.2. l.8. de V.O.*
& aut mobiles sint, aut immobiles, aut moventes:
l.93. de V.S. Incorporales nec dividi possint: *l.2.*
§.1. ubi Ias. l.72. ubi Bart. de V.O. nec aliis aggrega-
ri, *l.15. §.2. ubi Ias. de re jud.* nisi per interpreta-
tionem: & tum plerumque pro immobilibus ha-
beantur, *l.2. C. de servit. vid. l.14. ubi Dd. C. de S.S.*
Eccl. ut & mobilia.

Quæ vel solo cohærent, ut molendina, *tit. de feud.*
cogn. in fin.2. F.1. fodinæ; l.3. §. ult. de reb. cor. vel
ad jus incorporale pertinent, nec per se consideran-
tur, ut res hereditariæ, *l.4. ubi Cast. C. in quib. caus.*
cess. lon. temp. præsc. fundove, *l.17. de act. emt.* aut
castro, *c.1. ubi Bald. de cap. qui cur. vend.* ut ibi per-
petuo sint, *tot. tit. de fun. instru. assignatæ.*

De Senatoribus.

T I T. I X.

ANtequam ad Iudicia, tertium juris objectum,
progrediamur, necessarium Magistratum Ro-
manorum qui iis præsunt, genera, officia, ac juris-
dictiones, exponere.

Genera eorum duo erant: alii Domi, alii Foris
Rempublicam administrabant.

Domi Senatus. Constabat ex Patriciis, Conscri-
ptis, (quod nomen omnibus mansit) & Pedariis.
Fenest. de mag. c.1. Sub Augustis, ex Patriciis, Con-
sulibus, Illustribus, horumque liberis tantum.
l. fin. hic.

Senatus olim & maxima fuit dignitas, (quæ Libe-

ris, uxoribusque communicabatur. *l. 1. §. 6. 7. 8. 9. 12. hic.*) & auctoritas; cum eo inconsulto invitoque nihil magni Reges, Dictatores, Consules, & initio Augusti molirentur.

Senatorum alii erant Illustres, alii Spectabiles, alii Clarissimi. *Isidor. lib. 9. Etymol. c. 4. §. primi ordinis.*

De Officio Consulis.

T I T. X.

EXactis Regibus præcipua Romæ fuit potestas, & imperium, sed annuum, apud Consules lege rogata iis datum. *l. 2. §. 16. de origin. jur.*

Postea & legibus Valerii Publicolæ, & Tribunitiis intercessionibus enervatum: ab Imperatoribus verò nomen sine viribus relictum est.

Ut Consules haberent tantum ea quæ sunt spontaneæ Iurisdictionis; ut consilium præbere manumittere volentibus. *l. un. pr. hic.* Id est, cogere & convocare Iudices ad examinandas manumissionis causas, si opus sit, (Consilium enim pro conventu quinque Senatorum & totidem Equitum Præside Prætoris sumitur. *Vlp. in fragm. tit. de libertis.*) atque ita solemniter manumittere.

Ex Consulibus erant alii ordinarii qui Kalendis Ianuariis magistratum inibant; *l. Publicus. 36. ff. de condit. & demonstr.* alii suffecti, qui in locum deficientium substituebantur. *l. 2. §. 16. 17. de origine jur. Pac. Isag. hic.*

De Officio Præfecti Prætorio.

T I T. XI.

Præfectus prætorio, qui cohortibus prætoriis præerat, fuit ab Imperatoribus vice Magistri equitum institutus; datâ pleniori ei licentiâ ad disciplinæ publicæ emendationem. *l. un. pr. hic.*

Privilegio nitebatur, nè ab ipso appellare liceret, sed tantum ab ejus sententiis intra biennium supplicare: nec à sententiis ejus minores ætate ab aliis

Ma-

Magistratibus, nisi ab ipso Præfecto Prætorio, restitui possent. *l. un. §. 1. & 2. hic. l. un. C. de sen. præf. prat.*

Plures fuerunt Præfecti prætorio qui præcipuas Imperii partes gubernarunt, nempe Orientem, Illyricum, Africam. *sing. tit. C.*

De Officio Præfecti Urbis.

T I T. XII.

P Ræfectus Urbi ab Augusto vir consularis, ut flagitia & motus urbanos compesceret, præpositus.

Ejus officium, de criminibus intra urbem & extra intra centesimum lapidem commissis cognoscere & animadvertere: *l. 1. §. 4. & l. fin. hic.* de iis quæ ultra, jubere tantum & judicare: *d. l. 1. §. 1. & l. fin.* Mancipia tueri adversus intolerabiles dominorum injurias: patronorum jus adversus liberos: curare ut nummularii & argentarii probe se gerant circa omne negotium suum: *d. l. 1. in pr. §. 9. l. 2. hic.* caro & omnis annona justo pretio præbeatur: quies popularium, id est, consessuum theatralium: *Goth. ad d. l. 1. §. 11.* aut factionum agitatorum; *Cujac. 8. obs. 24.* & disciplina spectaculorum conservetur: *l. 1. §. 11. & seqq. hic.* tutores suspecti aliique qui deliquerunt puniantur. *d. l. 1. §. 7. & fin.*

Adiri etiam ex interdictis poterat, *d. l. 1. §. 6.* & omnibus dignitatibus & magistratibus urbanis erat major. *l. 7. C. de præf. prat.* Excepto præfecto prætorio: cui potestate cedebat, dignitate erat par. *l. 1. C. cod.*

De Officio Quæstoris.

T I T. XIII.

Q Uæstores, à quærendo dicti: *l. un. hic.* fuere multi. Alii Imperatores militiæ sequebantur, prædamque in rationes publicas referebant. *Tac. lib. 11.* Alii in urbe ærarium curabant: Alii in provinciis vectigalia colligebant: Alii inquirendis

maleficiis à populo præficiiebantur. *Cicer. in Brut. Quæstores parricidii dicti. l. 2. §. 23. de orig. jur. Erant & qui Candidati Principis dicebantur. d. l. un. §. fin.*

Eorum officium erat, orationes Principis, quæ Senatusconsulta solebant præcedere, in Senatu legere, *d. l. un. §. 4. & fin.* ejus rescripta dictare, *l. ult. C. de div. refer.* hisque subscribere, *Nov. 114. & curam gerere minoris laterculi. l. 1. & seqq. C. hic.*

Est & Quæstor à Justiniano institutus ad vagos homines, peregrinos & inertes inquirendos. *Nov. 80.*

De Officio Prætorum.

T I T. XIV.

CUM Consules avocarentur bellis finitimis, creatus est Prætor, qui eorum loco jus diceret in urbe, urbanus inde dictus, *l. 2. §. 27. de orig. jur.*

Penes quem fuit omnis publici priyatique juris potestas, sic ut causas cognosceret omnes, aut us cognoscendis iudices daret: *l. fin. hic.* formulas agendi, judiciorumque, postulantibus litigatoribus, præscriberet: *tit. C. de form. & imp.* quæ voluntariæ habentur jurisdictionis, *l. i. 2. hic.* & misti imperii, *l. 1. & seqq. de jurisd.* exequeretur: item adjuvandi, supplendi, emendandi juris civilis gratia, proponeret Edicta: *tit. Inst. de bon. poss.* jus Honorarium vocata: *l. 7. §. 1. de I. & I.* Initio pro arbitrato: quod postea correctum.

Ex Edicto enim perpetuo, à Salvio Iuliano composito, D. Adrianus, approbante Senatu, jus dici voluit: potestate nova edicta promulgandi sublatâ. *Spart. in Sever.*

Nec potest reos atrocium criminum punire, sed ad Præfectum urbi eos remittere jubetur. *l. 1. §. fin. l. 2. De susp. tut.*

Erat ab initio unus tantum Prætor in urbe, postea totidem, quot provinciæ in ditionem venerant, creati. *d. l. 2. §. 23. de orig. jur.*

De Officio Præfecti vigilum.

T I T. XV.

Quia superiores magistratus vespertinis temporibus in publico esse, inconueniens erat, *l. 2. §. 31. de orig. jur.* Augustus Præfectum vigilum (sic dictum, quia conhortibus vigilum præerat. *l. 3. hic.*) constituit. *Suet. in August.*

Cujus officium erat, per totam noctem vigilare & calceatum armatumque oberrare, cum hamis & dolabris, instrumentisque ad extinguenda incendia idoneis; atque omnes inquilinos admonere, ut curam adhiberent, ne per negligentiam incendii casus oriatur: ut quisque aquam in suo cænaculo haberet: & de incendiariis, furibus, effraCTORIBUS & capsariis, cognoscere; in eos pro merito usque ad fustem & flagella, animadvertere. *l. 2. per. tot. l. un. C. hic.*

De Officio Proconsulis & Legati.

T I T. XVI.

Senatus provinciis, ab Augusto sibi gubernandis relictis, præficebant Proconsules, cum consulari imperio. Inde dictos, quod pro consule provinciam administrabant.

Extra provinciam potestatem nullam contentiosam habebant, *l. 1. hic.* voluntariam Iurisdictionem statim ac urbem egressi essent. *l. 2. eod.*

Exeuntes civitatem, accipiebant: ingressi, deponebant imperium; *l. fin. eod.* Id est, insignia imperii & dignitatis, & jurisdictionem voluntariam: Contentiosam amittebant statim atque provinciæ suæ fines excesserant. Imò atque successorem nacti erant. *l. 1. l. 10. hic.*

Ingressi provinciam, mandare jurisdictionem, legatis suis de voluntate Senatus adjunctis, *Cujac. obs. 7. cap. 21.* debebant, qui eorum vicibus fungerentur, *l. 4. §. fin. hic.* & propriam

quandam exercerent jurisdictionem. *d. l. 4. de off. ejus cui. l. 13. hic.*

Gladii tamen potestas ab ipso Proconsule erat exercenda ; *l. 6. pr. hic.* ut qui debebat inquirere in malos , *l. 13. de Off. præsid.* non summam causas litigatorum, haud satis perpensas, definire : sed pro qualitate rei propositæ , seria & momentosa serid, atque cogitatè, & solenniter pro tribunali, examinare, facilia levique, & quæ expectationem judicii non ferrent, expedire de plano, etiam extra tribunal & locum editum judicii , stans in plano , ac iter faciens, ubicunque opus erat: *l. 13. de excus. tur.* in omnibus postulationibus modum atque ordinem retinere : *l. 9. per tot. hic.* Xenia, obsoniaque neque morosè repudiare , nec avarè recipere. *l. 6. §. 3. hic.*

Quod inferioribus magistratibus , præsertim judicibus, qui publica salaria habebant, omninò non licebat. *Gl. in l. 18. ubi & Coras. de off. præsid. vid. l. 1. & 2. & t. f. C. de pæn. jud. qui mal. jud. Ang. in Nov. 8. circa fin.*

De Officio Præfecti Augustalis.

T I T. XVII.

Augusti provinciis sibi reservatis, Præsides ad similitudinem Proconsulum mittebant , qui nomine eorum eas gubernarent. *l. un. hic.*

Ex iis Ægypto qui præficebatur, Augustalis, peculiari nomine, dicebatur , *l. un. ff. l. 2. C. hic.*

Erat , licet inter Præfectos prætorio numeraretur , cæteris autoritate & dignitate minor. *l. 1. 2. C. eodem.*

De Officio Præsidis.

T I T. XVIII.

Omnes provincias regentes (licet Senatores essent) Præsides appellabantur. *l. 1. hic.*

Præses majus imperium universis post Principem in provincia habebat , *l. 3. hic.* omniumque Romanæ

mæ Magistratum vice & officio fungebatur. *l. 10. l. 11. hic.*

Legatum non habebat, *Nov. 8. in fin.* cum ipse legatus (pro quo propriè hoc in titulo, & alibi accipitur) esset Cæsaris. *l. pen. hic.*

Officium ejus erat, curare ut parata esset & quiesca provincia, & ab hominibus malis repurgaretur: *l. 3. l. 13. hic.* neque illicitas exactiones, præsertim à potentioribus, provinciales perpeterentur: *l. 6. hic.* debebat humiliores ab injuriis defendere: calumniis obstruere vias: *d. l. 6. §. 2.* licitarum negotiationum usum cuilibet concedere, perniciosarum nemini: *d. l. 6. §. 4.* in jure reddendo, in adjuvando, nec nimia asperitate difficilem, neque immodica familiaritate contemptibilem sese præbere: *l. 19. hic.* in cognoscendo neque excandescere adversus eos, quos malos putabat, neque precibus calamitosorum illachrymari: ita jus reddere debebat, ut auctoritatem dignitatis ingenio augetet; *d. l. 19.* inque judicando magis spectare quid fieri debeat, quam quid ab aliis usitatum sit: *l. 12. hic.* munera capere, nisi esculentum poculentumve, quod intra dies proximos prodigatur, *l. 18. hic.* aut fines provincie egredi, ne ea rectore careret, fas non erat: *l. 15. hic.* nec poterat contrahere: *l. un. C. de contract. jud.* de suis causis parcissime jus dici finire debebat: *l. 16. hic.* jus gladii habebat, *d. l. 6. §. 8.* sed ita ut gladio, non securi, telo, fusti, laqueo, &c. animadverti oporteret, *l. aut damnum. 8. §. 1. de pæn. damnare in metallum, d. l. 6. §. 8.* non deportare, *l. 2. §. 1. de pæn.* poterat.

*De Officio Procuratoris Cæsaris,
vel Rationalis.*

T I T. X I X.

Sub Augustis Procuratores Cæsaris sive Rationales constituti: quorum alii fiscum, alii patrimonium Principis privatum curarent.

Qui fisco præerant, in urbe Præfecti ærario; *Gov. lib. 2. de jurisd.* in provinciis, Procuratores Cæsaris,

l. 5. l. 30. de jur. fis. aut Rationales summæ rei, l. 7. C. ubi caus. fis. aut Catholiciani; l. 9. §. fin. C. de bon. præscript. qui privatarum rerum curam gerebant, Rationales rei privatæ, l. 4. C. de fund. rei priv. lib. II. Comites rerum privatarum Sacri palatii, sacrique patrimonii, t. t. C. de off. Com. rer. priv. &c. dicebantur.

Officium Procuratorum erat, cogere pecuniam Principis, sive ex hæreditate, sive delicto, sive aliunde debitam; ac si de ejusmodi rebus oriretur controversia, eorum erat notio, inter Cæsarem & privatos judicarent. *t. t. C. ubi caus. fis. Imperii potestate destituebantur. per l. fin. hic. l. 2. C. de mod. mult. l. 2. C. si adv. fis.*

De Officio Iuridici Alexandria.

T I T. XX.

Alexandriæ Ægypti civitati ab Augusto iudex peculiaris erat præfectus, penes quem legis esset actio & ordinarius magistratus, adeo, ut ea quæ imperii esse videntur, exequi posset. *l. 1. 2. ff. l. un. C. hic.*

Dabat & tutores: *l. 2. hic.* sed non quia Iuridicus erat, vel vi propriæ jurisdictionis, sed quia nominatim ei datum erat.

De Officio ejus cui mandata est jurisdictionis.

T I T. XXI.

Quia Magistratus omnibus non sufficebant, mandare aliis jurisdictionem, puta Iure Magistratus competentem; non etiam specialiter datam; *l. 1. hic.* solebant, *l. 16. de jurisd.* vel in universum, ut Proconsules legatis, *l. 4. cum seqq. de off. proc.* vel etiam unam aliquam jurisdictionis speciem. *l. 1. hic. d. l. 16.*

Mandata jurisdictione, ea quæ specialiter (h. c. nominatim & designatè, *l. 8. §. 5. de pæn. l. 39. de act. emt. l. 15. §. 1. ad l. Corn. de falsis.*) lege, vel Senatus-

natusconsulto , vel constitutione Principum tribuuntur, non transferuntur. *l. 1. pr. hic.*

Undè merum imperium & jus gladii; quod lege dari solet , mandata jurisdictione non transeunt : quippe quæ ex speciali privilegio competant. *l. 1. pr. hic. l. 3. de jurisd.*

Et ne specialiter quidem delegari extra casum necessitatis , *l. 1. hic. l. 70. de R. I.* jus gladii potest : *l. 6. de off. proc.* Quod hodiè non obtinere, communiter receptum. *Gl. & Dd. Socin. in c. quod sedem. 10. de off. ord. Dec. & Cogn. in l. 7. de R. I.*

Eodem modo cætera, quæ meri quidem Imperii non sunt, nominatim tamen magistratui injunguntur, mandari nequeunt. *l. 8. §. 10. de transact. l. 1. §. abolitio. ad SC. Turp.*

Possunt datio tutoris, quoad Legatum, ex oratione D. Marci ; *l. 1. de tut. & cur. l. pen. de off. proc.* ex constitutione Severi & Antonini de suspecto tutore cognitio , *l. 4. pr. hic.* propter utilitatem, ne res pupilli deserta pessum eat.

Quæ jurisdictioni cohærent imperia, & sine quibus exerceri ea nequit , mandata jurisdictione unâ transferuntur , *l. 1. §. fin. hic.* ut est modica coërcitio. *l. fin. hic.*

Cætera quæ jure magistratus competunt , veniuntque more majorum, ex natura ipsius officii, sine ulla speciali lege ; aut Principis delegatione , mandari possunt : *l. 1. §. fin. hic.* item quæ mixti sunt imperii, & jure magistratus ad Prætores Præsidesve pertinent , *l. 4. §. fin. hic.*

Qui mandatam jurisdictionem suscepit, cum proprii nihil habeat, sed ejus qui mandavit jurisdictione utatur , *l. 1. §. fin. hic.* mandare eam alteri nequit. *l. fin. hic.* More enim majorum ita comparatum est , ut is demum jurisdictionem mandare possit, qui eam suo jure habet , non qui alieno beneficio ; *l. 5. ff. de jurisd.* Ne alioquin de aliena, non sua re, videatur disponere. *l. 8. §. 8. ff. de jure Codicill.*

De Officio Adfessorum.

T I T. XXII.

Magistratibus, & iis, qui mandatam à magistratibus Iurisdictionem suscipiebant, consiliarii affidebant jurisperiti.

Eorum officium constabat in cognitionibus, postulationibus, libellis, edictis, decretis, epistolis.
l. 1. hic.

Suo nomine nihil agebant, tantum consilium suggerebant judicanti, *l. 5. ff. l. 2. 3. C. hic.* & propterea non modo doli, sed imperitiæ quoque nomine tenebantur. *l. 2. quod quis. jur.*

Salarium illis de publico Alexander Imperator constituit. *l. 4. l. fin. hic. Lampr. in ejus vita.*

D I G E S T O R V M

L I B E R I I.

De Iurisdictione.

T I T. I.

Expositis breviter generibus magistratuum, & officiis eorum; ad explicationem iudiciorum veniendum.

In iis primò quæritur de Iurisdictione, seu competente iudice. *t. t. C. de jurisd. & for. comp.*

Ius dicunt majores tantum magistratus, qui pro tribunali; (In iis puta quæ causæ cognitionem desiderant. De plano in cæteris, *l. 9. §. ff. 1. de off. Proc. l. 1. §. 11. ff. ad SC. Turpill. l. 71. l. 105. de reg. jur. l. 3. §. pen. ff. de bon. poss.*) statim temporibus, more majorum, cognoscunt. *l. pen. de I. & I. l. un. C. ne quis in sua caus.*

Iurisdictione id propriè munus significat, quod magistratus ejusmodi jure suæ potestatis ordinario gerit & exercet. *l. 1. & t. t. hic. Ias. in Rubr. & l. 10. n. 10. eod.* Εν πλείτει tamen etiam pro omnimoda iurisdictione

iurisdictione, puta pro mero & mixto Imperio capitur: *Gl. ad verb. iurisd. in c. 3. v. oportet. Nov. 15.* & pro iurisdictione delegata. *l. 11. hic.*

Iurisdictione, est publica cognoscendi de causis civilibus vel criminalibus potestas; seu, notio & definitio causarum, quam Magistratus ex ordinario officii sui jure atque munere habet, exercet & mandat. *Wesf. par. hic.*

Et Ulpianus *in l. 3. hic.* cum ait, iurisdictionem etiam esse judicis dandi licentiam; non definire iurisdictionem voluisse, sed potestatem dandi judicis, iurisdictioni inclusisse videtur. *ut in l. 12. vers. Lege. de judic.*

Propria iurisdictionis sunt, esse jus incorporale, *Bald. cons. 161. proponeb. vol. 3.* individuum, *Gl. in c. prudentiam. ad verb. teneatur. ubi Panor. n. 12. Bart. in l. sicum. n. 8. de re jud.* transmissibile, *c. venerabilem, de elect. Bald. l. 1. C. de eman. lib. Bart. l. non ambigitur. C. de ll. perpetuum, Bald. in d. l. 1. Bart. in d. l. non ambigitur. juris publici. Bald. in c. ad hoc. 2. F. 50. n. 2. per. l. 7. hic.*

Species tres; Imperium Merum: Imperium Mixtum: & Iurisdictione Simplex. *Dd. in l. 3. hic.*

Merum Imperium (sic dictum, quia purum est, non cum Iurisdictione propriè dicta commixtum) est, habere gladii potestatem ad animadvertendum in facinorosos. Etiam potestas appellatur. *l. 3. hic. l. 215. de V. S. l. 70. de R. I.*

Hujus Imperii sex gradus faciunt Doctores. *quos vide apud Bart. n. 6. Ias. n. 24. in d. l. 3.*

Mixtum Imperium est, cui etiam iurisdictione inest: *l. 3. hic.* & competit magistratui ordinario. *l. 8. hic.*

Dicitur Imperium potius quam iurisdictione: quia non in jure dicendo, (ut Iurisdictione propriè dicta,) sed exequendo, imperando, jubendo, versatur. *l. 1. 4. hic.*

Cum autem magistratus non jubeat, neque exequatur citra causæ cognitionem, *l. 9. §. 1. ubi Bart. & Ias. de off. procoss. l. 15. §. 4. de re jud.* iurisdictionem illi inesse rectè dicitur. *l. 3. hic.*

Bartolus *in d. l. 3. n. 15.* Mixtum Imperium ita definit: ut sit jurisdictio, quæ officio judicis nobili expediatur, privatam utilitatem respiciens.

Ab hoc jurisditionem ita distinguit, ut jurisdictio sit, quæ officio judicis mercenario, non nobili, velut Imperium Mixtum, expediatur, privatam utilitatem respiciens. *Bart. in d. l. 3. n. 23.*

Sunt & aliæ jurisditionis divisiones passim traditæ. Alia enim dicitur esse voluntaria, alia contentiosa; *Specul. tit. de fer. §. sequitur. n. 7.* prout causarum aliæ sunt voluntariæ; ut manumissio adoptio; aliæ contentiosæ; ut restitutiones in integrum. *l. 2. de offic. procons.* Baldus *in l. 1. C. de emanc. lib.* statutariam adjicit; sed malè. Nulla enim potest esse oppositio. Cum dicta utraque Jurisdictio à lege vel statuto sit. *Bachov. ad Wesf. hic.* item alia ordinaria, alia delegata, *Specul. de jurisd. jud. data, l. 2. hic.* seu mandata, *l. 6. hic.* alia consensu partium prorogata. *l. 1. C. hic. l. 1. & 2. de jud. vid. Dd. in l. 18. hic.*

Hæc vel est Conventionalis; Eaque aut Tacita, quæ fit per litis contestationem: *quo pertinet l. 4. C. hic.* aut, Expressa; fieri etiam potest ab eo qui alias subiectus non est, etiam per nudum pactum: *juxt. l. pen. C. de pact.* vel Legalis; quæ fit per actionis editionem; ut qui contra me agit, cogitur etiam eundem Iudicem contra se admittere. *Bachov. in not. ibid.*

Conventionalis expressa hodie per Magistratus, Jurisdictionem patrimonialem habentes, eliditur; siquidem illi jus inhibendi & avocandi usurpant. *Boer. decis. 114. num. 1. Mandos. de inhibit. qu. 123.*

Mandata Jurisdictio propriè non est species Jurisdictionis, cum ejus non sit cui mandata est, sed magistratus qui mandavit. *l. solet. 16. hic. l. 1. §. qui mandatam. l. 3. sup. de offic. ejus cui mand. jurisd.*

Mandari non possunt, jus gladii, *l. 70. de R. I. l. ult. de off. ejus cui mand. jurisd.* & quæ nominatim privilegio aliquo, vel speciali legis dispositione magistratui injunguntur. *l. 2. C. de ped. jud. l. 8. §. sed nec. de transact. l. 16. §. tutoris. de tut.* Mixtum imperium potest; *l. fin. l. 1. §. fin. de offic. ejus cui mand..*

mand. iurif. quia cum iurisdictione cohæret, & transit, l. 2, 3. *hic.*

Hodie, cum hæc fere omnia & Iure Canonum *c. quod scdem. 10. ubi Gl. de off. ordin. & moribus nostris, Alber. Dec. in l. 1. Cagn. in d. l. 70.* iure magistratus competant, transferri & mandari indistinctè possunt.

Mandatur autem variè, pro vario mandantis arbitrio. l. 16. *hic.*

Omnis iurisdictione vel per legem, vel per populum, vel consuetudinem datur. *Bart. post Gl. in l. 6. hic.* Id est, Iurisdictionis causa efficiens est pars quæ Reipublicæ Principatum tenet, sive sit populus, sive Optimates, sive Princeps.

Legis & populi jus Princeps hodie ad se transulit. l. 1. *de const. princ. l. 1. & seqq. C. de ll.* Ideo ab eo iurisdictione, velut perenni fonte, in reliquos magistratus dimanare dicitur. l. un. ad l. Iul. *de amb. Nov. 15.*

Consuetudine quoque iurisdictione quæritur, l. 5. *ubi Gl. & Dd. hic. vid. Specul. de iurisd. om. jud. & præscriptione, Ias. in l. 3. n. 20. hic.* una cum territorio, annis decem vel viginti, ut res immobilis: *Bald. in l. fin. C. de præscr. long. temp. Boer. decis. 227. n. 9. per c. ex literis. de jur. patr. citra territorium, ut res incorporalis, triginta vel quadraginta annis. c. auditis. 15. c. cum olim. 18. de præscr. vid. Bald. de præscr. n. 2. part. 5. partis prim. q. 1, 2, 3.*

Regalia, non nisi tanti temporis usu cuius initii non extat memoria, acquiruntur. *Bart. in l. si publicam. 4. §. in omnibus. de public. Ias. in d. l. 3. n. 20. hic.*

Quæ obtinent, non de Iure Romano: cum eo Iure præscriptio circa ea tantum versetur, quæ sunt in patrimonio privatorum: sed hodierno: Quo Principes, Comites, aliique status, Iurisdictionem habent perpetuam, propriam, transmissibilem, una cum jure territorii aliisque regalibus.

Privatorum consensu non datur iurisdictione, l. 3. *C. hic. l. pen. de jud. sed tantummodo propagatur. l. 14. l. 18. hic. l. 1. & 2. de jud.* Privatorum enim
con-

consensus, licet non possit aliquam Iurisdictionem tribuere ei qui nullam habet, *l. 3. C. hic.* ejus tamen qui habet potest. prorogare, *l. 1. & 2. C. eod.* etiam sine Magistratus consensu. *d. l. 2. §. 1.*

Iurisdictione inest vel personæ, vel territorio. In territorio passivè & materialiter: in magistratus verò persona formaliter, & activè. *Bald. in l. 1. §. initio. n. 2. de off. præf. urb. Boër. decis. 227. n. 7. Ias. in l. 1. num. 15. hic.*

Magis tamen, & certè in dubio, cohærere territorio, quam personæ intelligitur. *Bart. in l. inter. 29. de acq. rer. dom. & cons. 189. Bald. & Dd. in c. qui cur. ven. 2. F. 51.*

Versatur circa personas, & res. *l. 1, 2, 4. & t. t. hic.*

Nemo sibi, aut suis jus reddere debet, *l. 10. hic.* neque superiori aut æquali: nisi sponte se subjecerint: *l. 14. eod.* neque de rebus ad suam jurisdictionem non pertinentibus. *l. 16. l. fin. eod.*

Aliorum enim jurisdictione ad certas personas, *l. 6. C. eod.* aliorum ad certas causas, *l. 61. de jud. l. fin. C. hic.* quorundam ad certas quantitates, *l. 11. cum l. seqq. l. 19. hic. Nov. 15. Nov. 23.* nonnullorum ad certa loca est adstricta. *t. t. de off. jur. Alex*

Exercetur jurisdictione aut solenniter in loco editiore, & pro tribunali sedente magistratu, *l. pen. de J. & I.* aut de plano, stante pedibus in plana terra, vel transeunte iudice, *l. 9. §. 1. & seqq. de off. pro. cons. l. 2. de feriis.*

Probatur per notorietatem, *Bald. in l. fin. n. 42. C. de Edict. D. Adr. toll. instrumenta, privilegia, c. cum causam. 13. de probat. antiqua, Bald. cons. 161. proponebatur. n. 3. vel. 3. per l. 10. de probat. testes qui de actibus exercitæ jurisdictionis testantur: Ias. in d. l. 3. n. 23. Bald. cons. 161. per antiquam famam, & per præsumptionem juris. arg. c. 2. de rest. spoliat. in 6. Panor. in c. si diligenti. de præscr. Socin. cons. 87. in causa. n. 6. vol. 1.*

Introducitur jurisdictione, ut religio conservetur, *l. 4. C. de sum. Trin. & pax, l. 13. de off. præf.* finiantur lites, & reddatur cuique suum.

Producit (Putat jurisdictione patrimonialis.) actionem

nem Confessoriam & Negatoriam, quâ defendatur. *Ferrar. in for. lib. act. confess. §. plenam. n. 7.*

Extinguitur Iurisdictione Ordinaria, morte ejus cui commissâ est, non Principis; *c. 2. de off. leg. Alex. in l. 5. hic.* Quia non constituit ut hic Princeps, sed simpliciter ut Princeps: item non utendo & concurrente in contrarium usu & præscriptione, *c. cum olim. 14. de privil. Bald. in tr. præscr. l. parte 5. partis constit. 12. n. 2.* (supremâ Principis potestate exceptâ, puta ut quis illâ eximatur. *c. cum non liceat. ubi Panor. & Canon. de præscr.*) scilicet possessione per prohibitionem interversa; *Corn. cons. 268. n. 25. vol. 4.* Aliâs enim iurisdictione, utpote res meræ facultatis, *Gl. in l. 6. in fin. de off. proc. Bald. in l. 5. n. 1. de serv. urb. præd. non præscribitur. Ias. in l. 3. n. 56. de const. princ. per l. 35. C. de decur. lib. 10.*

Delegata iurisdictione finitur morte delegati, *c. pen. de off. deleg. & delegantis: negotio per citationem, c. gratum. 20. eod. Ias. in l. 6. n. 56. & 77. hic.* necdum inchoato, & re adhuc existente integrâ: *d. l. 6.* item revocato mandato, *c. insinuante. 25. de off. del. & tempore, quod iudicio præstitum erat, transacto: c. 4. eod. l. 75. l. 58. de judic. recusatione, c. licet. de for. comp. appellatione, c. ut debitus. de appell. finitoque negotio commissio. l. 55. de re jud. &c.*

Prorogata finitur, etiam antequam iudex adeatur, pœnitentiâ. *l. 18. hic.*

Proponuntur de Iurisdictione tria Ediçta; primum hoc titulo, reliqua duo titulis sequentibus.

Primum est de albo corrupto; Quo prætor ne quis quæ perpetuæ iurisdictionis causa, in albo, vel charta, proposuit, corrumpat, dat in dolo malo id facientem, cuivis de populo actionem pœnalem, *§. pœnales. Inst. de act. ad pœnam quingentorum aureorum, l. 7. hic.* petitori applicandam, *Com. opin. teste Ias. in d. §. pœnales. n. 30. 40. per l. 3. de sepul. viol.* aut si delinquens inopia laborat, vel sit servus, nec à domino defendatur, ad pœnam corporalem. *l. 7. hic.* Potest etiam officio iudicis absque actione talis mulctari. *Dd. in d. l. 7. Nov. 134.*

Dolo malo quem fecisse præsumitur ex facto :
l. 1. C.

l. 1. C. unde vi. Old. in class. hic. nisi error, ignorantia, rusticitas, aut alia quæ excuset causâ, extet, *d. l. 7. & probetur. Bart. Ang. in l. si d. & si lege. §. scire. de pet. her.*

*Quod quisque juris in alterum statuerit,
ut ipse eodem jure utatur.*

T I T. I I.

NE Magistratus in perniciem subditorum, potestate suâ abuterentur, propositum hoc Edictum, cujus duo sunt præcipua capita.

Primò cavetur, quod qui Magistratum, potestatemve habet, si quid in aliquem novi juris, scilicet iniqui, dolo malo & cum effectu statuerit, ipse quandocunque, adversario postulante, eodem jure uti debeat. *l. 1. §. 1, 2. hic.*

Adfessoris imperitia, qui novum jus suggessit, non jus dicenti, sed ipsi Adfessori, nocere debet. *l. 2. ff. eod.*

Ex secundo capite si quis apud eum qui Magistratum potestatemve habet, aliquid novi juris obtinuerit, postea, quandocunque adversario ejus postulante, idem adversus eum decernetur. *l. 1. §. 1. C. hic.*

Quod enim quis in alterius persona æquum esse credidit, æquum id in sua quoque persona valere patiatur. *d. l. 1. §. 1. in fin.*

Sed hoc ita demum nocet, si vel postulatio præcessit, vel usus sit secutus. *l. 3. hic.* Nam ei qui nec petiit, nec usus est, nihil imputari potest.

Nec habet locum hoc Edictum, si jus novum dicentes vel impetrantes fecerint contra eum, qui idem juris antea dixerat vel impetraverat: ne, dum hujus Edicti beneficio utuntur, in ejus pœnam committant. *l. fin. hic.*

Pœna autem hæc adversus omnes statuitur, qui in Edictum inciderunt, non solum eo postulante qui læsus est, sed etiam quocunque alio: *l. 3. §. 2. hic.* & transit in hæredes. *d. l. 3. §. 5.*

Obtinet hoc Edictum & in instrumentis, ut iis
utens,

utens, pati debeat, ut eadem contra se valeant; *l. pen. Auth. adhæc. C. de fid. instr.* idemque in testibus; *l. 17. C. de test. libello*; *Panor. in c. examinata. n. 3. 4. de judic. præscriptionibus*; *Ias. in Auth. quas actiones. n. 16. C. de SS. Eccl. criminationibus*; *Exod. 21. v. 24. pœnis*; *l. 7. C. de vi publ. l. ult. C. de calum l. ult. C. de accus. l. 1. 2. C. quand. lic. unicui. & aliis innumerabilibus: etiam rescriptis. Myns. obs. 4. c. 3.*

Si quis jus dicenti non obtemperaverit.

T I T. III.

E Dictum hoc in eos proponitur, qui jus dicenti non obtemperaverint, hoc est, id non fecerint, quod extremum est in jurisdictione, ultra quod jus dicens non progreditur. *l. un. §. 1. hic.*

Est enim omnibus Magistratibus, exceptis Duumviris, permittum, secundum jus potestatis suæ, defendere jurisdictionem suam pœnali hoc judicio. *d. l. un. pr.*

Quo non ad id quod interest concluditur, sed quanti ea res est, id est, quanti contumacia non obtemperantis à judice æstimatur. *d. l. un. §. fin.*

Hoc est, actio de qua agitur hoc titulo non est proposita ipsi Magistratui Iudicive, aut Procuratori Fisci; sed est actio popularis, quæ cuivis ex populo datur, etiamsi ejus privatim nihil intersit. *d. l. un. §. 1. in fin. l. 5. §. 1. ff. ne quis eum qui in jus voc. vexim. l. 7. ff. de jurisd.*

Et cum meram pœnam contineat, neque post annum, neque in hæredem datur. *d. l. un. §. fin.*

Quæ pœna, hæc actio cum sit privata, non fisco, ut mulcta, *l. 5. C. de mod. multæ.* sed petitori applicatur. *Duaren. com. hic. & Disp. lib. 1. c. 50.*

Non solum in reum qui non obtemperavit, verum & actorem, hæc actio datur. *d. l. un. §. 3.*

De in jus vocando.

T I T. IV.

IN jus vocare, quod in omni lite primum, §. *fin.* *Inst. de pæn. tem. litig.* nihil aliud est, quam juris experiundi disceptandique, non alterius rei causa, vocare, l. 1. *hic.* ad eum qui jus dicturus est, d. §. *fin.* hoc est, ad Magistratum. *Cujac. obs. lib. 10. c. 19.*

Olim Romanis in usu fuit, adversarium in jus vocare, & aut cum illo de die certa locoque, seu foro certo, convenire, *arg. l. de die. 8. pr. qui satisd. cog.* aut invitum reluctantemque obtorto collo in jus, hoc est, ad tribunal Prætoris, testatò tamen, *Cujac. obs. lib. 7. c. 17.* trahere.

Nec cuiquam impunè licebat ita raptum vi eximere, t. t. *ne quis cum qui in jus.* aut impedimentum creare, quominus quis in jus perduceretur. l. 4. *ad l. Iul. de vi priv.*

Prætor postea Edicto suo quasdam personas in jus vocari planè vetuit: quasdam sine suo permisso vocari prohibuit: & pœnale judicium in contra facientes pollicitus est.

Eas omninò vocari Prætor prohibet, quæ, cum judicio careant, idoneam personam experiundi in judicio non habent, tit. C. *qui legit. pers.* & quas partim ex justis impedimentis, partim autoritate imperii & splendore dignitatis, ad parem minoremve magistratum vocare omninò non decet. *Enumerantur in l. 2. & seqq. hic.*

Sine jussu Prætoris non possunt in jus vocari eæ personæ, quibus reverentia præstanda, etiam si potestatem non habeant. l. 1. 2. 3. C. *hic. vid. l. 4. §. 1. & l. seqq. 13. ff. hic.*

Si quis adversus ea fecerit, pœnam sustinet quinquaginta aureorum: vel, si inopia laborat, corporaliter plectitur. l. *pen. & ult. hic.*

Applicatur & hic pœna contra Edictum vocato, non fisco; quia privata est injuria: eoque nec rescripto remittitur, l. 2. C. *hic.* ut nec aliud

jus

jus ad privatos pertinens. l. 2. l. ult. C. si contra jus.

Non datur Edictum hæredi, quia morte vocati, cui injuria per vocationem in jus illata, l. pen. hic. censetur remissa: §. 1. Inst. de perp. & temp. act. non in hæredem, quia pœnale: nec ultra annum. d. l. pen.

Ratio suadet, licet verba Edicti non patiantur, ut hic *ὁμολογία* utamur, & pœnitentiæ locum demus, l. 11. hic. sicuti in cæteris, l. 1. §. 1. quod quisq. jur. etiam atrocioribus. l. 19. de fals.

Nec hoc Edictum ullum de domo sua in jus vocari, hoc est, obtorto collo rapi, permittit: Nisi aditum ad se præstet, aut ex publico conspiciatur. l. 19. vers. sed si. hic. quia satis pœnæ subit is, qui domo se continet, si non defendatur, & latitet; l. 18. hic. quando hoc casu actor in bonorum ejus possessionem mittitur. d. l. 18. & l. 19. eod.

Nec impuberes puellas, quæ alieni juris sunt, in jus vocare permissum. l. 22. hic.

In jus vocatus dimittendus est, si quis eum defendat: vel si, dum in jus venit, de re transactum fuerit: d. l. 22. §. 1. Quod si quis eum nihilominus ducere trahereve pergat, injuriarum tenetur. l. 5. §. 1. qui satisd. cog. t. t. in jus voc. ut eant.

Hodie quemlibet de domo sua in jus vocare licet; Can. in c. ult. de eo qui in poss. mitt. etiam extrahere in criminalibus.

Quod olim in jus vocare, id hodie, sublato jam juris & judicii discrimine, de quo in l. 4. de inter. act. l. 3. Ne quis eum. citare dicitur.

Citatio est actus judicialis, seu judicii præparatorius, quo is, quem coram sisti opus est, judicis mandato legitime vocatur, juris experiundi gratiâ. l. 1. hic.

Partes ejus tres: 1. Præceptio judicis: c. 1. §. contrahentes. de for. comp. in 6. Maran. in spec. aur. c. de cit. n. 51. 2. Verbalis citatio, quam nuncius exsequitur: 3. Et ejusdem nuncii relatio. Maran. d. loc. n. 55.

Nuncio hac in re creditur, utpote jurato, & de suo

suo officio testificanti, donec contrarium ostendatur. *Bart. in l. 1. §. cura. de off. præf. urbi. Gl. 2. in cap. cum à nobis. de testib.*

Dividitur citatio in Realem & Verbalem.

Realis dicitur apprehensio personæ: *c. si clericus. de sent. excom. lib. 6. Auth. qua in provincia. C. ubi de crim. ag. op. vel bonorum, propter delictum, æs alienum, aut aliam justam causam. Auth. qui semel. C. quem. & quand. jud. l. 18. ubi Ias. n. 33. ff. hic. Locum habet regulariter in criminalibus: Marant. de citat. num. 58. Irregulariter in civilibus. l. 10. §. 16. ff. quæ in fraud. cred. l. 7. ult. C. de his qui ad Eccl. conf.*

Verbalis, quæ fit verbo: Aut est Privata, cum quis privatim ad domum citatur: *Ias. in l. plerique. n. 33. hic.* aut Publica, quæ scilicet publicè fit, aut affixis citationis literis, *Bart. in ext. ad reprimendum. verb. edictum. Maran. præall. loc. n. 82.* aut per præconem, *Bald. & Dd. in l. fin. §. cum igitur. C. de jur. delib. & in Auth. si omnes. C. si min. se abst.* aut per campanam seu tubam, *l. 2. ubi. Gl. & Dd. C. de decur.*

Citatio etiam alia Peremptoria, *l. 68. de judic.* alia Dilatoria. *l. 8. C. quom. & quan. jud.*

Hæc contumacem non constituit reum, nisi teritiò sit facta. Illa omninò si die præfinita non venerit. *l. 60. cum l. seq. ff. de judic.* Peremptoriè quis interdum post tres quæ præcesserunt citationes, nonnunquam post unam vel alteram; nonnunquam statim à Iudice citatur: *l. 72. ff. eod.* Qui hoc æstimare oportet, & pro conditione causæ, vel personæ, vel temporis citationum ordinem & compendium moderari. *d. l. 72. §. 1.*

Regulariter singulæ citationes ex jure veteri & novo Codicis decem dierum intervallo, *l. 69. l. 13. §. 2. C. eod.* ex jure Novissimo triginta distinguì debent. *Novel. 112. cap. 3.*

Origo citationis est ex jure naturæ. Est enim ejus finis defensio. *Clem. pastoralis. de re jud. Maran. d. loc. n. 3.*

Fit præcepto judicis: *l. 2. l. 8. C. quom. & quan. jud. Bart. & Dd. in l. neminem. C. de exh. reis.* per apparitorem:

nitorem : ad instantiam & postulationem litigatoris : citra quam judex neminem citare debet in causis privatis , *c. significasti. verb. petition. de for. comp. l. 68. de jud. sed tantummodo in publicis. c. qualiter. 23. de accus. Socin. de cit. art. 6. n. 2.*

Citare possunt judices Ordinarii : item, sed non per edictum; *Gail. 1. obs. 57. num. 13. Delegati; licet dubit. Gl. in l. 8. C. quom. & quand. jud. per. Nov. 53. c. 4. Puta intra locum ubi judicare tenentur: c. fin. c. 1. conservatores. c. statutum. 11. §. in nullo. de rescript. in 6. cum absque citatione mandatam jurisdictionem exequi nequeant. per l. 2. De jurisd. Et arbiter citare potest. l. 21. §. 5. & sim. De recep. arb.*

Citari debent omnes; quorum interest, quorumque causa agitur , *l. 47. de re jud. Auth. si omnes. C. si minor. ab hered. c. 2. de testib. Maran. d. loc. n. 2. 3. 4. licet præsentés sint: Bart. Ias. & Dd. hic. in l. 1. & d. l. 47. modò non verentur. vid. Guidel. lib. 4. de Iur. Noviss. c. 5.*

Citatio facienda , non modò in singulis causis , quæ causæ cognitionem desiderant ; *l. 13. §. 1. ff. de minor. l. 1. §. ex eodem. ff. quæ sint sine appell. l. 7. C. quom. & quand. judex. sed singulis etiam causarum actibus & partibus expediendis : c. 1. de caus. poss. c. inter. de major. & obed. Cl. pastoralis. de re jud. nisi ubi causæ cognitione non est opus , l. fin. C. si per vim. l. nec quicquam. 9. §. ubi decret. de off. proc. & non obstante partis contradictione potest procedi. Bald. Ias. in d. §. ubi decret. Socin. in tr. cit. art. 7. n. 35. & 36.*

Citatio hodie fieri debet secundum statuta cujusque loci : *Bald. in l. cessante. 2. num. 8. C. quom. & quand. jud.* Si iis nulla specialis forma data, juris communis forma est servanda; puta Citatio ut valeat, debet committi à judice , *l. fin. C. de exhib. reis. nuncius juxta præscriptum suæ commissionis eam exequi , c. venerabili. de off. deleg. c. cum dilect. de rescr. in personam, si illa haberi & inveniri potest, l. 1. §. permittit. de lib. agn. l. 4. §. prator. ubi Bar. Imol. Cast. Alex. de dam. inf. si non, ad domum , l. aut qui. §. 2. quod vi aut clam. l. 18. hic. l. 39. §. 3. ff. de adule.*

adult. aut uxorem & familiam; *Myns.* 3. *obs.* 37. vel amicos, *l. 5. §. 2. ff. quod vi aut clam.* vel, si nec hi quidem in promptu sint, affixâ citationis Scripturâ: *Bald. & Ang. in l. ut perfectius. C. de ann. exc.* Eò puta loci, undè verisimiliter notitiæ ejus qui citatur, insinuari possit. *Dd. in c. ult. de eo qui mitti. in poss.*

Continere ea debet. 1. Nomen judicis citantis. 2. Ejus qui vocatur. 3. Illius ad cujus petitionem fit. 4. Causam propter quam fit citatio. 5. Locum idoneum, *Bart. in d. l. aut qui. text. in c. cum parati. 19. de app.* in quo citatus compareat. 6. Tempus oportunitum & justum, *Panorm. in c. cum dilect. n. 20. de dol. & cont. Spec. de cit. §. 1. n. 12. & §. nunc de tempore,* quo compareat.

Fit citatio, ut quis compareat & se ad defensionem præparet. *Bald. in l. cum fratrem. 9. C. de his quib. ut ind. Marant. part. 6. de cit. n. 13.*

Operatur præventionem; *c. proposuisti. ubi Socin. de for. comp. Gl. in Cl. 1. de jud. Sec. d. rr. art. 31. n. 2. & 4.* non tollit declinatoriam exceptionem; *l. 5. de judic. l. 2. si quis in jus voc.* perpetuat jurisdictionem; *c. gratum. c. relatum. de off. del. clem. 2. ut lit. pen. & Iure Canonico, actionem; d. c. gratum. cum seq. clem. 1. 2. ut lit. pen. Dd. in l. ubi acceptum. de jud. interruptit longi temporis præscriptionem. Nov. 119. §. ultra. l. 3. l. 7. C. de præscr. 30. ann.*

Actor causa cadit, si vocatum, oblato libello, in aliud post judicium vocet atque pertrahat. *Cujac. lib. obs. 16. c. 10.* Licet justam causam habuerit. *l. ult. §. 1. & ult. C. hic.*

Si quis in jus vocatus non ierit: siue quis eum vocaverit, quem ex Edicto non debuerit.

T I T. V.

CItatus, siue jure, siue injuria, ab eo qui jus dicit, hoc est, superiore Magistratu, *Duar. disp. ann. lib. 1. c. 1. & 53.* venire debet, nec contemnere autho-

Si quis in jus , &c.

51

authoritatem ejus : *l. 2. hic. l. 5. de judic.* nisi major, aut par sit , aut ea conditione , ut venire , propter causas Edicto expressas , non debeat. *l. 2. 4. de in jus voc.*

Ab adversario temerè , & contra Edictum , si vocetur , impunè licet non venire. *l. 11. sup. eod.* Ut & vocatus ab inferiore judice , supra jurisdictionem jus dicere volente. *l. fin. de jurisd.*

Si in jus vocatus non ierit , ex causâ , id est , causâ cognitâ ; à competente Iudice , multâ pro jurisdictione , id est , quatenus jus dicendæ multæ habet , fac. *l. ult. C. de mod. multæ.* judicis damnatur. *l. 2. §. 1. hic.*

Eam Prætor rusticitati , quæ scilicet à dolo abest , *l. 7. cum l. seqq. de jurisd.* remittit : vid. *Ias. in l. 1. §. fin. si quis jus dic.* Et , si nihil interfit actoris , eo tempore in jus adversarium venissè : puta , quia feriatus dies fuit. *l. 2. §. 1. hic.*

Si quis promiserit iudicio sisti , & non stiterit , etiam in hoc tenebitur adversario , ut , si nulla certa pœna adjecta fuerit , incerti ad id quod interest conveniri possit. *l. fin. hic.* Quia in obligationibus faciendi si non fiat quod convenit succedit obligatio & præstatio ejus quod interest : *l. 72. l. 81. ff. de V. O. l. 13. ff. de re jud.* Quoniam nemo ad factum præcisè cogi potest , cum hoc sine vi & impressione , quam Legislator exosam habet , *l. 4. ff. de statu hom.* fieri non possit.

In jus vocati ut eant , aut satis , vel cautum dent.

T I T. V I.

SI is qui vocatur , (scilicet à privato , non magistratu ; Is enim omninò venire debet. *l. 2. si quis in jus voc. l. 5. de jud.*) fortè sit occupatus , vel iusta prætexat impedimenta , quo minus venire possit , satisfactionemque iudicio sisti certo aliquo commo-
doque die offerat , est dimittendus. *l. 22. in fin. de in jus voc.*

C 2

Si

Si non contentus, pro reidē qua agitur, quantitate, *l. 1. hic.* & conveniendi facilitate, *l. 1. si quis in jus voc.* locuplete fidejussore, Aëtor, in jus porro trahere pergat, injuriarum tenetur, *l. 5. §. 1. qui satisd. cog.* Et Reo; quia non levīs est injuria in jus duci: Et Fidejussori; Quia ejus æstimationem apud bonos & graves viros Aëtor, cum cum pro inope habeat, non leviter suggillat: sive quod minus prudentiæ in præteritum tempus habuisse credatur; sive quod in futurum non tam facile sit reperturus, qui cum eo, sive pignoribus, sive fidejussoribus, velint contrahere.

Ab hac regula, ob reverentiam, excipiuntur necessariæ personæ, pro quibus, quamvis datā veniā vocatis, qualemcunque fidejussorem accipi Prætor jubet. *l. 1. 2. & seq. hic. l. 2. §. 1. qui satisd. cog.* Quia propter favorem personarum, hic pro locuplete habetur, *l. 9. hic.* quantum ad facultates. *l. 2. §. pen. ff. qui satisd. cog.*

*Ne quis eum qui in jus vocabitur,
vi eximat.*

T I T. V I I.

IN eum qui vi adhibitā moram fecit, quo minus in jus iretur, unde actionis dies exiit, vel res tempore amissa est, *l. 4. hic.* & qui vi exemit, vel dolo malo fecit quo magis eximeretur, *l. 1. l. 3. in fin. l. 4. in fin. hic.* in factum judicium datur. *l. 5. §. 1. §. 3. eod.*

Quo continetur quanti ea res, de quo controversia est, ab aëtore jurejurando erit æstimata: *Bart. & Ias. in l. pen. §. 1. hic. arg. l. si quando. C. unde vi.* etiamsi calumniandi animo lis sit instituta. *l. 5. §. 1. hic.*

Non enim jus aëtoris, sed factum eximentis contra popularem legem, Prætor respiciit & coërcet.

Undē & si plures sint qui deliquerunt, in singulos in solidum, *l. 7. cum l. seq. de jurisd. l. 5. §. fin. hic.* hoc judicium datur, manente nihilominus eo qui

qui exemptus est obligato; *l. fin. hic.* Licet is qui exemit jam solverit. Quia pœnam suam solvit; *d. l. fin.* Quod enim quis proprio, non debitoris nomine, solvit, nunquam debitorem liberat. *l. 31. in princ. ff. de petit. hered. l. 28. ff. mand.* Nunquam enim actus, ultra agentium intentionem operantur. *l. 19. ff. de reb. cred.*

Lege etiam Juliâ de vi privata tenetur, si concursus & cœtum, quo minus quis in iudicium produceretur, faciat: *l. 4. ad l. Iul. de vi priv.* benignâ tamen Iurisconsultorum interpretatione ad eos tantum casus, de quibus præcipuè loquitur, severitas hujus Edicti restricta est.

Undè huic actioni locus non est, si persona, quæ in jus vocari non potuit, exempta est: *l. 1. §. fin. & l. 2. hic.* idem in eo, qui aliò quam quò debuerat, vocatus est; *d. l. 2.* item in servo; *l. 3. hic.* quia frustra vocatur, quando cum illo agi nequeat. *t. r. C. qui leg. pers. stan.* & si quis ad pedaneum iudicem, *l. 3. §. 1. hic.* & alios iudices minores, vocatum eximat.

Datur hoc iudicium hæredibus, si inter sit; puta si jus eorum sit factum deterius, & damnum datum rei familiari: non in hæredem. Cum pœnalis sit actio. Qualis neque heredi, neque in heredem datur: *l. 35. ff. de obl. & act. nec post annum. l. 5. §. fin. hic.*

Qui iudici ejusque satellitio, vel custodiæ, quem eximere non verentur, ad idem obligantur, quod reus principalis, si damnatus fuisset, pendere cogeretur, tam in civilibus, *l. 3. C. de exact. trib. lib. 10.* quam in criminalibus causis. *l. 4. C. de cust. reor.*

Si quis capitis damnatum eximat, aut privatim interficiat, majestatis reus est, & capite plectitur. *l. 4. ubi Bart. ad l. Iul. majest. Ias. in l. 3. §. fin. n. 12. hic. per l. fin. C. de malefic.* Tum scilicet cum summi Principis violatur Majestas & jurisdictio. In reliquis inferioribus pœna arbitraria in quocunque modo eximientes sufficit. *Fab. Ias. n. 102. 107. in §. pen. Inst. de action. & in d. §. quod prator. n. 2. per l. 4. l. 9. de cust. reor. Gnid. Pap. qu. 579.*

Qui satisfacere cogantur, vel jurato promittant, vel sua promissioni committantur.

TIT. VIII.

Satisfacere adversario nostro dicimur, cum pro eo, quod à nobis petiit, ita cavemus, ut eum hoc nomine securum faciamus datis fidejussoribus. *l. 1. hic.*

Satisfactio aut Necessaria est, quæ à lege, vel Magistratu imponitur; *l. 7. cum sig. hic.* ut de sistendo, de se præsentando, *l. 1. ubi Ias. si quis in jus voc.* de non offendendo, *Bart. in l. 6. §. 2. de off. præf.* dilapidando, *d. l. 7. l. 41. de jud.* de expensis, *Auth. generaliter. C. de Episc. & Cler. Nov. 112.* & similes. Aut voluntaria; quæ ex conventionem contractibus apponitur. *l. 10. rem rat. hab.*

Alia fit fidejussoribus, aut pignoribus. *l. 1. hic.* Alia per jusjurandum, & juratoria; *l. fin. eod.* Alia nudâ promissione, & cautio simplex dicitur. *l. 61. de V. S. vid. l. 3. C. hic.*

Hæc locum habet cum creditor consentit. *l. 5. §. 4. ff. jud. solvi.* Quia creditori consentienti aliud pro alio licitè solvitur. *l. 17. C. de solut. §. 1. & 2. Inst. quib. mod. toll. oblig.*

Introduxit satisfactionum jus & Prætor: *pr. Inst. de satisfd.* qui nolentem satisfacere cogit; aut missione in possessionem bonorum, aut rei ipsius ablatione: *l. 7. §. fin. hic.* Et voluntas litigatoris conventi, & fidejussorum pro eo ex Edicto repromittentium.

Satisfactionem præstare omnes qui conveniuntur (etiam filii familias) debent. *l. 14. hic.*

Rei citra procuratorem litigantes olim judicatum solvi satisfacere tenebantur: *princ. Inst. hic. l. 46. §. 2. ff. de procurat.* Hodie tantum de judicio sisti, hoc est, proseguenda ad finem lite cavent: *§. 2. Inst. eod.* Reorum procuratores vel defensores, etiam sub gestorum testificatione facti; satisfactionem judicatum

tum solvi præstare coguntur; etiam si de mandatis constet. *l. un. C. hic.* Quia nulli alienæ rei sine satisfactione idonei sunt defensores. *vid. §. 5. Inst. cod. l. 110. ff. de reg. jur.*

Est interdum renovanda, si fortè prior, etiam ex facto alterius quam promissoris, evanescat; *l. 8. §. 3. hic.* vel medio tempore, prolapsis in insignem calamitatem fidejussoribus, reddatur inutilis. *l. 10. §. 1. hic.*

Actores Jure Civili veteri minimè; *pr. Inst. de satisfd.* novo satisfacere omninò coguntur. *d. Auth. generaliter. Auth. libellum. C. de lit. cont.*

Nempe intra duos, à tempore porrecti libelli, menses, se litem contestaturos: ad finem usque judicii in litè permansuros: litis decimam partem reo vincenti expensarum nomine soluturos: *Nov. vel. 96. cap. 1. Novel. 112. c. 2.* Hodie tantum cavent de sumptibus litis & damnis resarciendis, si succumbant. De qua cautione in. *d. Auth. generaliter.*

Si lites per procuratores inferant, ii satisfacere coguntur rem ratam habituros dominos, & quicquid gesserint approbaturus; *l. un. C. hic.* Nisi dominorum mandata in judiciis exhibuerint & actis insinuarint; *d. l. un.* aut dominorum litteris ad adversarios scriptis confirmetur; *l. 65. ff. de procur.* aut pro præsentibus procurent. *d. l. un.*

Sine mandato procuratores nequidem cum cautione admittuntur; nisi sint conjunctæ personæ: *l. 35. in princ. ff. l. 2. l. 12. l. 21. C. de procurat.* intra quartum gradum. *Gl. in l. cum alienam. C. de legat.*

Non decernenda satisfactio à judice, nisi, ad petitionem partis. *Hipp. in prax. crim. §. nunc videndum. n. 3. per l. 4. §. hoc. a. de dam. inf. l. 13. C. de procur.*

Quæ, cum sit dilatoria, post litis contestationem non admittitur. *l. 40. §. 3. de procur. d. l. 13. d. l. un.*

Versatur satisfactio, circa judicii statum diem.

Constituitur propriè fidejussoribus. *d. l. 1. hic.*

In civilibus unus idoneus locuples sufficit: *l. 2. 3. 4. 5. §. 1. l. 1. hic.* Puta in levioribus: In gravioribus enim causis plures requiruntur. *Marant. de*

satisfd. num. 76. Sic & in criminalibus, pro qualitate delicti & personarum, plures exiguntur. *Marant. tr. judic. de satisfd. n. 7.* Nisi sint causæ capitales. In quibus satisfdatio non admittitur: *l. 3. ff. de cust. reor.* sed vinculis & carceribus rei asservantur. *Bald. in l. 1. ff. eod. & l. 2. C. eod.*

Hodie est receptum, etiam pignoribus, puta depositione pecuniæ, in judicio caveri posse. *Gl. & Dd. in l. 1. hic. Gl. & Bald. in l. 7. C. de A. & O. per l. 41. C. quæ res pign.* Iis actionibus exceptis, pro quibus rei bona sunt pignori tacite obligata. Ut in judicio tutelæ, dotis, *Inf. in quib. caus. pign. tac. cont.* Plus enim sit in cautione, quam in principali actione oportet.

Debet & satisfdatio esse sufficiens; *l. 2. hic.* id est, fidejussor debet non tantum satis idoneè habere pro magnitudine rei quam actor petit; *l. 234. §. 1. de V. S.* sed & facile posse conveniri. *d. l. 2. in princ.*

Fiebat olim hoc modo; De die assignanda, quâ judicio stetur, inter litigatores conveniebat: & stipulatione interpositâ, vadimonium de sistendo eâ die eum à litigatore convento, tum pro ipso à fidejussoribus promittebatur: Quod si de die ponenda conveniri nequibat; Actoris erat diem assignare, nequa, tergiversante Reo, & minus actori commodum fraudulentè deligente, ad elabendum fenestra aperiretur; *l. 73. de V. O.* moderato tamen spacio de hoc à judice statuendo. *l. 8. hic.*

Novissimo jure; qui à judice litis causa citatur, debet initio satisfdare, se usque ad finem in lite permanfurum. *§. sed hodie. Inst. de satisfd. d. Auth. libellum. Auth. quod fieri. C. de dilat.*

Hodie omisâ satisfdatione plerisque in locis coguntur litigatores domicilium in territorio, ubi agitur, eligere; unde citari, & nisi respondeant, pro contumacibus haberi, judicari possunt.

Diximus satisfdandum fidejussoribus idoneis: tales non sunt mulier, propter exceptionem Vellejani: *l. 8. §. 1. hic. t. t. ad SC. Vell.* miles, quia ex privilegio militari fidejussione solvitur: *d. l. 8. §. 1. l. 31. C. de*

C. de loc. & cond. (Cui tamen privilegio hodie, *l. pen. C. de pact. non olim, l. 9. C. de procur. l. 31. C. locat. renuntiare potest.*) minor propter restitutionis in integrum beneficium: *d. l. 8. §. 1. & 2.* Nec ei beneficio renuntiare potest: Quia adversus eam renuntiationem in minore ætate factam æque restitueretur: *l. 19. vers. idemque est. ff. de novation. servus, quia personam legitimam standi in judicio non habet. l. 1. C. de prec. imp. off. tit. C. qui pers. leg. stan.*

Qua in parte si quid fraudis struatur, arbitri ad probandos fidejussores idoneos constitui solent: qui si in alterutram partem iniquum judicium dixisse videbuntur, querela ad competentem judicem deferri per provocationem potest. *l. 9. & 10. hic.*

Qui satisfactionem offert, non potest violenter in jus pertrahi. *l. 5. §. 1. hic.*

Nec eam petendo vel præstando, quis videtur in Judicem consentire. *l. 52. §. fin. de judic. Inf. in l. 18. n. 22. de jurisd.*

Procurator qui satisfecit est loco domini. *l. 7. de procur.*

Datur in fidejussorem actio à Prætoribus, quanti ea res est, id est, in veram quantitatem, nisi pro certa quantitate accessit. *l. 2. §. fin. hic.* Id est, nisi pœnam certam promissit: quamvis eam deberi necdum appareat. *l. 3. hic. l. fin. de eo per quem fac.*

Jurato promittunt nonnulli ob dignitatem, *vid. Nov. 53. c. 4. Nov. 112. c. 2. ut illustres, l. pen. C. de dign. lib. 12. ubi Gl. Senatorii: plerique propter necessitatem: qui nec ab onere satisfactionis liberantur, neque tamen fidejussores idoneos invenire possunt, Wes. hic. nedum in civilibus sed etiam interdum in criminalibus. Novell. 134. c. 9. Par. de Put. in tr. Synd. in verb. fidejussores c. 1.*

Cui cautioni si non stent illustres & senatorii, placentur pœnis lege ordinatis; *d. l. pen. reliqui, causa cadunt: Cujac. in l. 2. C. de reb. cred. Perjurium extra ordinem punitur. l. ult. ubi Dd. de crim. stell.*

Si suspectus de fuga sit reus aut peregrinus, non facile cautioni juratoriae committi, sed potius arrestari debet, ut revera agenti cautum esse possit. *l. litibus. ubi Bar. n. 8. C. de agric. lib. II. Alb. in l. 7. §. ult. hic. Bald. not. in l. ult. C. de ord. cogn.*

Hujus jurisjurandi duo sunt ex more capita.

Ut litigator juret, se fidejussores invenire idoneos, quamvis summâ adhibitâ diligentiam, nequivisse. Deinde, de quibus cavendum erat, ut ea sanctè se facturum, staturumque judicio promittat.

Suæ promissioni committitur, qui res immobiles in territorio, *vid. Ias. in l. 7. §. 1. n. 8. hic. ubi litigatur, l. 15. hic.* suo jure, & irrevocabiliter, jure directi, utilisve dominii, *d. l. 15. §. 1. pro quantitate æstimationis rei petitiæ, possidet. Gl. in d. l. 15. in pr. verb. compelli. & in §. sed hodie Inst. de statud.*

Quod verum in civilibus, secus in criminalibus. *Ias. in d. l. 15. n. 3. in 10. lim.*

Procuratorem sic possidere non sufficit: nisi pro domino, qui nihil immobilium ibi possideat, se ut vadem interponat.

Si ex noxali causa agatur, quemadmodum caveatur.

T I T. IX.

SI quis servum, de quo noxalis actio est, judicio sisti promiserit, Prætor edicit, ut in eadem causa eum exhibeat, in qua tunc est, donec judicium accipiatur. *l. 1. in pr. hic.* hoc est, donec vel ipse judicium, tanquam principalis, nomine servi subeat; aut servum noxæ dedat. *Wesf. hic.*

In eadem causa sistere videtur, qui ad experendum non facit actoris jus deterius. *d. l. 1. §. 1. l. 11. l. 12. si quis caut.*

*De eo per quem factum erit, quo minus
quis in iudicio sistat.*

T I T. X.

Hoc titulo Prætor dolum ejus coercet, qui impedit aliquem iudicio sisti. *l. 1. in pr. hic.*

Dolo malo fecisse videtur, sive per se, sive per alium fecerit; *d. l. 1. §. 1. & sive vi, sive dolo tantum. d. l. 1. §. 1. & 2.*

Datur actio tum, non ei solum, qui in jus vocaverit, sive se, sive eum, quem in jus vocavit, impeditum fuisse dicat, *l. ult. hic.* sed etiam in jus vocato, nisi ab actore impeditus fuerit: quo casu sufficit ei exceptio, si de pœna promissa conveniatur eò quòd ad iudicem non venerit. *l. 1. §. 3. hic.*

Est hæc actio in factum, in id quod interest; *d. l. ult.* sed ex parte ejus qui dolo fecit, pœnalis est: Unde nec post annum, nec in heredem datur: *l. 1. §. fin. hic.* Nisi hætenus, ut ex defuncti dolo non lucretur. *l. 17. §. 1. ff. de dolo.*

Si plures dolo fecerint, omnes quidem tenentur: sed si unus præstiterit pœnam, cæteri liberantur. *d. l. 1. §. 4.* Est enim rei persecutoria hæc actio. *arg. l. 2. & 3. de duob. reis.*

Si stipulator dolo promissoris; promissor dolo stipulatoris fuerit impeditus quo minus ad iudicium veniret; neutri datur actio, sed dolum dolum compensat: *l. 3. §. 3. hic.* Id est, actio quæ adversus alium de dolo vel propter dolum competeret, amittitur.

Si quis cautionibus in iudicio sistendi causa factis non obtemperaverit.

T I T. XI.

Si litigator cautionibus de iudicio sistendi causa factis, consultò non obtemperat, neque vadimonium obit; committitur stipulatio, tam adversus

reum principalem, quam ejus fidejussores. *l. 4. pr. & §. 5. l. 6. l. 11. hic.*

Ex ea actio competit, quæ est, aut Certi conditio, si certa quantitas promissa sit: aut Incerti, in id quod interest, ad illud tempus quo sisti promissior debuit, *l. 12. hic.* si simpliciter promissum satisfactumque sit. *l. ult. si quis in jus voc. non ier. l. ult. de stip. serv. pr. Inst. de V. O.*

Sisti non videtur, qui vadimonium deserit, qui non in eadem causa sistitur, *l. 11. hic.* qui novo fori privilegio utitur. *l. 12. eod.* Quod Actoris conditio præscriptione fori reddatur in agendo durior. *l. 1. & 2. 3. de alien. jud. mut. caus. fact.*

Datur hæc actio heredi, & in heredem, nisi stipulatio propter actionem quæ ad heredem non transit, ut injuriarum, interposita sit. *l. si eum. i o. §. qui injuriarum. 2. hic.*

Tollitur hæc actio per exceptionem, si Reus justam causam afferat, quâ impeditur, judicio non sistit; veluti si adversam valetudinem, tempestatem, vim fluminis excuset, *l. 2. & passim. hic.* item si postea se sistat, nec Actoris jus ex mora deterius factum sit. *l. 8. hic.*

Ipsò jure non competit, si principalis actio transactione, morte, vel alio modo, sublata est. *d. l. 2. pr. l. 10. §. 2. ult. hic.*

De feriis & dilationibus, & diversis temporibus.

T I T. X I I.

SI feriæ inciderint, aut dilationes legitimæ fuerint concessæ, in ea causa promissior est, ut adversus eum stipulatio non committatur. *l. 2. in fin. si quis in jus voc. non ier. l. 3. C. de dilat.*

Feriæ sunt dies feriati, quibus jus non dicitur, nec sui potestatem magistratus facit. *l. 5. h. t.*

Sunt aut publicæ, totius populi; aut privatæ, aliqujus collegii vel familiæ. *Macr. Satur. l. 1. c. 16.*

De publicis tantum hic agitur, quarum species ponunt

ponunt Doctores tres : scilicet Solennes , Indictas, & Repentinas. *Vid. Spec. de fer. §. 1. n. 4.*

Rectius Jurisconsulti in *l. 26. §. 7. Ex quib. caus. major. l. 3. C. de dilat.* in Solennes seu ordinarias tribuunt, & in Repentinas, seu extraordinarias.

Illæ, certo spatio quotannis recurrentes , aut Sacræ sunt, divini cultus causa institutæ : *l. 2. 3. 6. 7. 8. l. ult. C. hic.* aut Honorariæ, in honorem Principis: *d. l. 26. §. 7. l. 7. C. hic.* aut Necessariæ, ad colligendum fructus autumnales, & fervores æstivos mitigandum , concessæ. *l. 4. hic. d. l. 7. C. eod.* Hisce deputantur menses duo ; *d. l. 7. in princ. l. 5. C. l. 4. ff. hic.* Et extenduntur moribus ad tempora seminationis. *ex ratione l. 1. C. de agric. & censit. lib. 11.*

Repentinæ ex causis variis variè & arbitrato jus dicentis distinguuntur. *d. l. 26. §. 7.*

Princeps ut leges , sic solus ferias statuit generales : *arg. l. 4. C. hic.* Inferiores, ut leges & statuta, sic ferias non prohibentur in sua diœcesi condere locales. Modò Principis consensus adsit. *l. 4. C. hic. & ibi gloss. Bart. Duar. hic.*

Judex quilibet potest ferias à Principe , vel lege jam indictas & definitas, pro ratione & maturitate fructuum moderari, & aut citius, aut tardius, prout usus fert, indicare. *Gl. & Dd. in d. l. 4. & l. præfides. 7. hic. Spec. d. loc.*

Earum ratio non habetur in iis quæ sunt voluntariæ jurisdictionis , *per l. 8. C. hic. Spec. d. loc. §. sequitur. n. 1.* & quæ expediri, nec differri Reipublicæ interest. *l. 5. l. pen. C. eod. l. 3. l. pen. ff. eod. c. 3. Ext. eod.*

Institutæ feriæ sacræ , ut multitudo à curis prophanis feriata, cultui divino det operam: *l. 7. l. fin. C. eod.* Necessariæ, ut agricolæ, litibus vacui, colligendis tempestivè fructibus vacare possint : *l. 1. ff. l. 3. C. eod.* Repentinæ, ut publicum gaudium luctusve, publico justitio celebretur.

Tempore feriarum nec à judice, *l. 1. hic. nec arbitro, l. 7. in fin. C. eod.* jus dici, aut citatio fieri, aut solutio debitorum publicorum exigi potest. *d. l. 7. in fin.*

Parte alterutrâ emanente , actus à judice tem-

pore feriarum factus, est ipso jure nullus: *d.l. 1. in fin. l. 6. hic. las. in l. 4. n. 3. hic.* Nec appellatio est necessaria: *l. 1. §. 1. ff. hic.* Quia non contra jus litigatoris, sed contra leges est factus.

Sententia die feriato lata licet nulla sit; tamen dies feriat in appellationum temporibus computantur: *l. 1. C. hic.*

Solennibus, *c. fin. Ext. god. & repentinis, Bald. in l. 1. in fine. C. eod.* à privatis renunciari nequit, quia privatorum causa non constituuntur: *Spec. de fer. §. fin. Gl. Salic. in l. 7. C. eod.* Potest necessariis, & expressis, *l. 1. §. 1. ff. hic. & tacite;* ut si in jus vocati veniant, *d. l. 1. vel dies compromissi exitura sit. l. 13. §. 3. ff. de recept. arbitr.*

Dilatio est diei judicii diffusio atque prorogatio, quâ pendente cognitio sustinetur, *l. 36. pr. de judic. & officium judicis quiescit. l. 3. C. de dilat.*

Dividitur in Peremptoriam, Non peremptoriam, *l. 68. de judic.* Conventionalem, Judicalem & Legalem.

Peremptoria est, quæ perimit disceptationem, neq; ultra patitur adversarium tergiversari. *l. 70. eod.*

Non peremptoria est, quæ disceptationem duntaxat profert, non perimit. *d. l. 36. d. l. 3.*

Conventionalis est, quæ fit ex consensu litigatorum. *arg. l. 26. de re jud. l. 4. in fin. C. de dilat.*

Judicialis est, quæ fit à judice, vel ad instantiam partis; *l. 1. l. 4. C. eod.* vel proprio motu, *Spec. de dilat. §. 2. n. 6.* ex bono & æquò; *Spec. d. loc. n. 26. 27.* sedente puta eo pro Tribunali, utraque parte præsentem, causâ cognitâ. *l. 4. C. de dilat.*

Non enim pro Judicis libitu, sed rerum necessitate cogente; puta ut instrumenta producantur, vel testes exhibeantur, *l. 1. in pr. & §. ult. C. hic.* dari, & nec iterum petenti concedi, *l. ult. ff. hic.* (id est, non faciliè. *d. l. 1. §. ult. l. 7. ff. eod.*) debent. *l. 1. C. hic.* Et, de Jure Civili, (non Canonico, quo dilationum spatia sunt arbitraria; *c. quoad consult. de sent. & re jud. c. oblata. §. licet. de appellat.*) si ex eadem provincia, ubi lis agitur, probationes seu instrumenta poscantur, non amplius, quam tres menses; si ex
alia,

alia, sex; si ex ultramarina, novem, nec ultra concedere potest. *d. 1. & ult. C. de dilat. & Nov. 69. c. 2.*

Legalis est, quæ fit à lege, veluti propter ferias. *l. 3. 6. 8. 10. C. de fer.*

In pecuniariis causis, una tantum dilatio in singulos actus datur: in criminalibus, duæ Actori, tres Reo dantur: *l. fin. hic.* Si quidem in suo iudicio reus litiget: sin ad alienum trahatur iudicium, datur ipsi & dilatio ad convincenda precum mendacia, vel instrumenta, aut testes producendos. Instructus enim esse non potuit, qui præter spem ad alienum trahitur iudicium. *l. 2. C. eod.*

Quæ actori denegatur. *d. l. 2.*

In civilibus quandoque ex magna causa nova dilatio datur; *Marant. de dilat. n. 6. 7. 8. 9. & seq.* tempore litis contestatæ: ante eam, reo triplex terminus ex lege est concessus. *l. 68. & seq. de judic.* Olim per intervallum non minus decem dierum, *l. 68. cum ll. seqq. ff. de judic.* Hodie triginta. *Auth. qui semel. C. quom. & quand. jud. Novel. 112. cap. 3.*

Dantur dilationes; ut litigatores idoneum habeant spacium, quo se ad iudicium præparare & instruere possint. *l. 1. C. de dilat. c. fin. Ext. eod.*

Unde omnes, modo longiores, modo breviores, pro locorum intervallis dari debent. *l. 7. hic. l. 1. l. ult. C. de dilat.*

Iis durantibus iudicis officium conquiescit. *l. 3. C. eod.*

De Edendo.

T I T. XIII.

VOcato ad iudicium Reo, & sui copiam faciente, Actor actionem suam libello comprehensam offerat, *Auth. offeratur. C. de lit. cont.* atque edat: *l. 1. hic. l. 3. C. eod.* Judici; ut sciat super qua re cognoscat & sententiam ferat, cum hæc libello debeat esse conformis; *l. 18. ff. com. divid. l. ult. C. de fideicom. libert.* & Reo, ut deliberare possit, cedere, id est, solvere; an contendere ultra debeat: & si contendendum putet, veniat instructus cognitâ actione, quâ conveniatur. *l. 1. hic in pr.*

Libel-

Libellus, hoc in argumento, proprie pro scriptura, quæ actionem continet, accipitur. *l. 3. de accus. Auth. offeratur. C. de lit. cont.*

Ejus partes tres. 1. Major propositio, quæ justam ex jure petitionis causam ostendit. 2. Narratio, seu minor, quâ infertur in proposita specie facti, eam justam petitionis causam subesse. 3. Petitio, seu conclusio.

In civilibus omninò, in criminalibus conclusione non est opus. *Bart. in l. quid ergo. §. pœna. de his qui not. inf. in §. omnium. n. 137. Inst. de action.*

Debet esse libellus rotundus, dilucidus, concludens, non obscurus, non incertus, neque generalis, aut alternativus. *vid. Spec. de lit. con. §. ult.*

Lex d. aut offeratur, eum offerri jubet judici, *c. 1. de lib. obl. competentis; Spec. eod. §. restat. §. videamus.* quia hujus officium super petitione imploratur: *l. 1. C. de lit. cont.* deinde etiam parti adversæ. *d. Auth. offeratur. l. 1. pr. hic.*

In omnibus causis, de quibus constitutum judicium, & inter duos lis est: *Spec. de lit. cont. §. nunc dicendum. per c. licet. de Simon.* tam civilibus, quam criminalibus; *d. l. 3. de accus.* tam petitoriis, *l. 6. de rer. vind.* quam possessoriiis, *Spec. d. loc. n. 2. §. fin. Inst. de integ. d.* libellus offerendus: Non tamen semper in summariis, *Clem. sepe. verb. libellum non exigat. ubi Gl. de V. S.* puta executionibus. *Specul. d. loc. n. 17.*

In his enim qualiscunque petitio, etiam sine scriptura, sufficit: quemadmodum & cum per modum inquisitionis proceditur, *l. 4. ubi Gl. ad verb. continua. C. de apost. vid. Can. in c. qualiter. 24 de accus.* aut judicis officium extra ordinem imploratur. *Spec. d. loc. n. 7.*

Concipiendus libellus juxta stylum & consuetudinem cujusque Curie: *Spec. eod. §. nunc dicendum. n. 3. & §. fin. pr. l. 3. l. fin. de test.* ubi nulla specialis extat consuetudo, scripto completendus est. *l. 1. verb. describendi. hic. d. Auth. offeratur.*

Præcipua ejus forma in conclusione consistit. *Bald. in l. 2. n. 2. vers. præterea. C. de prob.*

Ex ea sufficit certum actionis genus intelligi, etiam si nullum ejus nomen exprimat: *c. dilecti, ubi Dd. de jud. olim contra fuit. per l. 3. C. hic. l. ult. C. de interd.*

Probationum articuli ad libellum accommodandi sunt, *c. licet. 9. §. iidem. de prob. c. significaverunt. de test. & sententia secundum eum ferenda. l. fin. C. de fideicom. lib. l. 18. com. div.*

Debet libellus ultrò ab auctore, etiam non monito, *Spec. de lib. obl. §. utrum. n. 4. offerri. d. Auth. offeratur.*

Eo nullo existente, processus nullus redditur, *c. examinata, ubi Felin. 14. de jud. c. 1. ubi Can. Ext. de oblat.*

Intentione tamen ejus apta, licet petitio sit inepta, sustineri debet; *Felin. d. loc. n. 11. & super parte ejus apta totus fundandus processus, licet in reliquis sit ineptus. Bald. in c. 1. n. 4. de mil. vas. 2. F. 21.*

Potest libellus, interveniente decreto Iudicis, *l. 3. C. hic. causa pro tribunali cognita, l. 9. §. 1. ff. de offic. Procons. ad sententiam usque emendari & declarari, l. 4. §. fin. de nox. act. l. 4. l. 41. de pet. her. mutari verò, & actione vetere relicta, nova intentari, duntaxat ad litem usque contestatam. Dd. in l. 3. C. hic. Can. in c. inter. de fid. instr.*

Jam de edendo. Editio est prolatio seu demonstratio, *l. 1. §. 1. ff. l. 3. C. hic. quam litigaturus suâ, vel adversarii causa facit. Est vel Judicialis, vel Extrajudicialis, Imol. in. c. 1. de prob. vel Libelli, (de quo jam dictum) vel Instrumentorum, vel Rationum, vel Actorum. vid. Gl. Alex. & Dd. in Rubr. hic.*

Quam fieri debere Prætor hoc Edicto suo, *l. 1. l. 6. §. prætor. ff. l. 3. C. eod. introduxit: & eam Juxta, l. 1. in verb. ad officium judicis. Gl. & Dd. C. hic. l. 2. C. eod. ad petitionem partis decernit. Ias. in l. 9. hic. per l. 6. §. 5. vers. pertinere. eod. Si negligit, actio in factum in eum competit. l. 10. §. fin. ff. eod.*

Quæ petitio, æquitate & justâ aliquâ causâ initi debet

debet, *l. 1. pr. l. 4. §. 1. hic.* Puta quod petentis intersit (quod probandum, *l. un. C. de sent. quæ pro eo quod inter. l. 2. de eo quod cert. Ioc.*) editionem fieri, *l. 6. §. hic.* quæ ratio maximè valet in publicis instrumentis edendis, *l. 2. ubi Ias. n. 2. 3. C. eod.* non æquè in privatis: *l. pen. ad exhib.* quod æquum sit, instrumentum quasi suum, aut saltem commune edi. *l. 4. l. 6. §. 5. & seq. hic. l. 6. C. eod.*

Actor Reo petenti omnia instrumenta ad causam pertinentia, etiam si iis non utatur, modo iis petitionem suam fundet, *l. ult. C. hic. edere debet, l. 3. hic.* non reus actori: *l. 1. C. eod.* ne quidem rationes. *l. fin. C. l. 4. l. 6. §. rationem. ff. hic.*

Durum enim est Reum cogi, ut ipse adversarium suis documentis instruat: *l. 7. C. de test. l. 1. C. hic. c. 1. de prob.* Et æquius ad id eum non compelli, nisi forte in favorabilibus, *l. 1. C. eod. l. 2. §. 1. de jur. fisci. Clem. 1. §. ceterum. de usur. Dd. in d. l. fin.*

Sanè exceptiones, & reliqua, quibus reus in iudicio utitur, Actori edenda sunt; cum sint pars actorum. *l. 2. ubi Ias. n. 2. C. eod. l. fin. ubi Bart. Bald. C. de re jud.* Fit enim excipiendo actor. *l. 1. ff. de except.*

Omnes qui ex officio publico libros rationum conficiunt; ut Argentarii, Numularii, Rationales, & hodie Notarii, instrumentum petentibus iis quorum nomine conscripserunt, edere tenentur. *l. 6. C. hic. Bald. in rubr. C. de fid. inst. n. 5. Purpur. Dec. & Dd. in l. 2. C. hic.*

Privati rationes suas denudare non coguntur, *l. 2. C. quan. & quib. quar. pars. lib. 10. l. fin. C. de alim.* nisi ex æquitate mercatores illi, qui varias negotiationes exercent, & ipsi rationibus quasi publicis utuntur. *Bart. in l. 9. in pr. hic. per Gl. in l. fin. C. de pact. con.*

Editio instrumentorum fit in iudicio sine die & Consule, quo instrumentum conscriptum est: *l. 1. §. 2. hic.* Nam dies non ad causam editionis; sed ad fidem instrumenti & probationem spectat.

Dies instrumenti ante litem contestatam, ob timorem subordinationis, non proferendus. *d. l. 1. §. 2.*

Dies

Dies solutionis edendus, & dies rationum. *d. l.*

1. §. 2.

Acta quoque cum die & anno edi, receptum est.
Gl. in l. 1. hic. Bal. & Dd. in l. 2. C. eo.

Non tamen Authentica edenda, *Goff. & Bart. in l. 2. hic.* sed exempla duntaxat sine subscriptione edentis, *l. antepen. ff. hic.* nisi ad finem probationis, (Ille enim sola probant. *Auth. si quis in aliquo. C. eod.*) aut si instrumentum falsum esse dicatur, aut alia iusta causa subsit. *Bart. Bald. in l. 7. C. hic.*

Ratio tota, quatenus ad petentem pertinet & à capite, est edenda. *l. 10. §. 2. h. t.* Et quidem cum die & Consule. *l. 6. §. pen. l. 7. ff. eod.*

In libris, registris, quorum varia & discrepantia sunt capita, sufficit cum articulum edi, qui ad causam pertinet & quo quis usus est. *arg. d. l. 1. §. 3. in verb. quib. quis usus.*

Editio fit sumptibus petentis: *l. 4. §. fin. ubi Dd. & in l. 10. ubi Bald. h. t.* & semel tantum, nisi iusta ejus iterandæ causa subsit. *l. 6. fin. eod.*

Eam qui non vult facere, aut malitiosè, nec integrè facit, tenetur petenti ad interessè, *l. 6. §. 4. l. 7. 8. 9. l. 10. §. 3. hic.* & à iudice ex officio, manu militari, *Bart. in l. 72. n. 37. de V. O. captis pignori- bus, l. 1. ubi Gl. & Dd. C. hic.* aut denegatâ in posterum audientiâ, *Gl. fin. in l. 1. §. fin. hic. text. in l. 26. §. 4. ex quib. caus. major. ed. adigi potest.*

Rusticitati, ætati, sexui, tamen subvenitur; *d. l. 1. §. fin. ff. hic.* Quia & minoribus, & rusticis, & fœminis, jus ignorare impune permittitur. *l. 9. ff. de jur. & fact. ign.*

Æstimatio ejus quod interest, refertur ad tempus quo edi debuit, non ad illud quo agitur. *d. l. 8. §. 1. hic.*

De Pactis,

T I T. XIV.

P Actum, ut genus, omnes contractus, transactiones, & si qua sunt similia conventa, complectitur;

tur; l. 1. §. 3. *hic*. ac idem est quod *Conventio* : *Cujac. obs. 2. cap. 15.*

Contractus enim illas tantummodo conventiones comprehendit, in quibus obligatio inest mutua, seu *συνάλλαγμα*. l. 19. *de V. S.*

Transactio ad ea conventiona pertinet, quibus res dubiæ terminantur. l. 229. & *seq. de V. S.*

Pactum dicitur à pactione. d. l. 1. §. 1. Quæ, est duorum pluriumve in idem placitum consensus atque conventio, d. l. 1. §. 2. de re aliqua danda, vel facienda.

Pactum propriè est jus, quod ex pactione existit, sive obligatio, quæ ex paciscendi actu nascitur. *secund. Wesenb. hic.*

Sed sæpenumero vocabula pactionis & pacti confunduntur. l. 7. §. 4. & *seqq. hic.*

Pactum, nisi præsens quis absentis nomine acceptet, iniri non potest. *Dd. in l. 40. hic.*

Nec quod contra honestatem, hoc est, jus naturæ sit, aut illicitum, id est, contra leges civiles, seu juris regulas, l. 28. *hic*. pactum dici potest.

Pactum in specialiore significato, sumitur pro ea conventionione, quæ separata est à contractibus nominatis & innominatis. *Ias. in d. l. 7. §. 4. n. 27.*

Qualia sunt Pacta, quæ nullum *συνάλλαγμα* continent, & sola conventionis æquitate subsistunt. d. l. 7. §. 4. unde Nuda dicta. d. l. 7. §. 4. l. 13. *C. eod.*

Quo in significato Pactum ita definiri potest. Ut sit nuda conventio; quæ nullum *συνάλλαγμα*, seu mutuam obligationis causam contineat, super re certa facta, nullam producens jure civili actionem, sed ex Edicto Prætoris ad excipiendum accommodata.

Pacta omnia sua natura sunt realia, d. l. 7. §. 8. *ubi Bart.* respectu transmissionis; non obligationis; quæ personalia. *facit. l. 27. §. 4. hic.*

Pacta suâ naturâ sunt stricti juris, *Gl. in d. l. 7. §. quin imo. hic.* & in l. 6. *C. eod.* nisi contractibus bonæ fidei sint apposita.

Con-

Contractus enim accessorii, induunt naturam principalis contractus cui accedunt. *l. 4. de usur. Ias. in l. 1. pr. de V. O.*

Pacta in genere, aut sunt Publica, aut Privata. *l. 5. hic.*

Publica, quæ Reipublicæ causa fiunt; propriè fœdera.

Privata, quæ de rebus privatorum fiunt.

Ea, aut æquitati naturali, aut civili nitantur oportet.

Unde alia sunt Jurisgentium, alia Legitima. *d. l. 5.*

Jurisgentium conventio est, quæ ex æquitate & usurpatione gentium, ortum, vires, & effectum habet. *d. l. 7. hic.*

Legitima conventio est, quæ specialiter aliqua lege, vel Edicto Prætoris, vel constitutione Principis, confirmatur; *l. 6. hic.* ut est pactum constitutæ pecuniæ, *l. 1. de const. pec. pignoris, l. 4. de pignor. dotis, l. 4. C. de dot. prom. donationis. l. si quis argentum. C. de donat.*

Quod cum fit, aut nascitur, inquit Jurisconsultus, actio ex pacto, aut tollitur. *d. l. 6.*

Nascitur actio in his conventionibus, in quibus de obligando agitur, *vid. l. 1. de V. O. l. 35. §. 1. C. de donat. Inst. t. 1. de lit. obl.* nec ullum *συνάλλαγμα* continent.

Tollitur actio legitimis pactis liberatoriis, ipso jure, *l. 4. de transact.* non obligatoriis, ut acceptilatione, & similibus. *t. t. ff. de accept. §. 1. Inst. quib. mod. toll. obl.*

Liberatoria verò pacta jurisgentium, non tollunt ipso jure actionem, sed tantum ope exceptionis. *l. 40. hic. §. 3. Inst. de excep.*

Quare nisi objiciatur exceptio pacti, tenet actio. *d. §. 3. l. 41. §. fin. ubi Gl. de re jud.*

Judex enim non supplet exceptiones; quia sunt facti. *Cast. in l. un. in pr. C. ut qua def. adv.*

Pacta rursus omnia, sunt Expressa, aut Tacita. *l. 2. hic. Personalialia, aut Realialia. d. l. 7. §. 8.*

Expressa, quæ expressio verbis aut literis consensu constant. *l. 2. & passim hic.* Id est, cum palam verbis

verbis declaratur paciscentium voluntas ; nec scriptura. (quæ tantum probationis gratia interponitur.) si alio modo res probari possit , opus est. *l. 7. C. hic. l. 4. C. de pign.*

Tacita, quæ ex præsumpta contrahentium eliciamus voluntate, quæ vide in *l. 2. 3. 4. l. 27. §. pen. l. 30. §. 1. l. 57. hic. l. 2. C. eod.* Vel potius : Cum consensus & sententia convenientium , tantum facto aliquo ostenditur , & conjectura colligitur. *l. 2. l. 18. C. hic.*

Personale pactum (quod est cum paciscitur , nè à persona, id est; nè à Titio petatur. *l. 7. §. ult. Præter. hic*) aliud personam non egreditur, nec in alium transit. *l. 17. §. 4. l. 25. §. 1. hic.* aliud vivente eo qui pepigit , in alium transire potest ; *d. l. 17. §. pactum. ubi Bart. hic.* Modò alias paciscenti non prodesset. Hinc pactum venditoris & donatoris prodest , illis adhuc viventibus emtori & donatario : *d. l. 17. §. 5. pactum filii , patri & heredi patris : l. 19. §. 1. l. 20. l. 21. ff. hñ.* Paciscentibus mortuis non prodest.

Reale pactum est, quod generaliter fit. Non demonstratâ personâ à qua petatur , veluti nè petatur. *d. l. 7. §. 8. vers. in rem.*

Sunt & pacta alia Extrajudicialia , quæ non pariunt actionem : alia Judicialia , quæ fiunt in judiciis , & valent & efficacia sunt ad agendum. *Bald. in l. 40. §. 1. ubi & Ias. hic.*

Omnia pacta aut Obligatoria sunt , quæ obligationem constituunt , aut Liberatoria , quæ obligationem infirmant. *d. l. 17. §. 1. Ias. in rubr. de V. O. n. 6. & 7. Dd. in d. l. 40.*

Obligatoria non perficiuntur, nisi acceptante alterâ parte : Siquidem agatur de illo obligando : Si de utroque, consensu opus est. Liberatoria valent, facta nedum præsentis , quamvis non ipse , verum etiam absenti , dummodo alius ejus nomine acceptet. In commodis enim tacens absensque præsumitur acceptare. *d. l. 4. in pr. ubi Ias. & Dd. Dec. conf. 35. in causa pac.*

Pacta introducta sunt consensu contrahentium,
l. 1.

l. 1. §. pen. hic. lege eum approbante, *l. 5. 6. 7. hic.* ex justa conventionis causâ, puta compensationis, aut donationis, aut similis. *l. 56. hic.*

Quæ causâ si fuerit erronea, pactum non valet. *l. 51. hic.*

In obligatoriis pactis, causâ donationis nunquam præsumitur, nisi exprimatur: *l. 25. §. fin. de prob. vid. Ias. in l. 3. & 4. hic. Bald. in l. 3. 4. & seqq. C. de non num. pec.* eoque, nullâ expressâ causâ, nullius momenti sunt.

In liberatoriis, causa donationis præsumitur; idèd & causâ non expressâ pactum valet. *l. 1. de transact. l. 40. ubi Ias. n. 4. & 7. hic.*

Pacisci omnes possunt qui non prohibentur. *arg. l. 43. de proc.* Est enim de genere permissorum. *l. 24. §. non semper. de minor. l. 5. C. de O. & A. l. 17. §. sicut. commod.*

Prohibentur naturâ, qui consensum non possunt adhibere: ut amentes; furiosi; *l. 1. §. furiosum. de O. & A.* infantes; muti surdi naturâ; *d. l. 1. §. pen.* ex accidenti, nutu, subscriptione, &c. possunt pacisci. *l. 4. hic. l. 48. de O. & A. l. 124. de R. I.*

Lege, impuberes; quia eorum consensus infirmus est & multis captionibus obnoxius, *l. 1. de minor.*

Quod verum, cum paciscendo sese obligant, aut deteriorem conditionem suam faciunt: Meliorem enim etiam sine autoritate tutorum paciscendo facere possunt. *l. 28. hic.*

In eadem causâ sunt prodigi: *d. l. 28. §. 1. l. 6. ubi Dd. de V. O.* item minores qui curatorem habent. *l. 3. C. de in int. rest. min.*

Nam minor qui non habet curatorem, pacta extrajudicialia facere potest: non judicialia. *Dd. in d. l. 3.*

Cum autoritate tutoris, vel curatoris, minores rectè paciscuntur, & horum etiam nomine tutores. *d. l. 28. §. 1.* Nisi jus minorum liquidum, paciscendo remittant. *l. 37. hic. l. 22. C. eod.*

Filiusfamilias qui est in potestate patris, lege non

non prohibetur pacisci cum extraneis; *l. 18. hic.* quia non minus ac paterfamilias, mutuo excepto, obligatur; *l. 39. ff. de oblig. & action.* non tamen patris in detrimentum: *l. 23. hic.* nec servus, extra quam si domino pactum sit damnosum. *l. 17. cum ll. seqq. hic.*

Cum his quorum sunt in potestate, nullam jure civili obligationem contrahere possunt. *l. 2. de cont. emt. l. 2. de stip. serv. Dd. in l. 38. de cond. deb.*

Paciscitur quisque sibi, suisque heredibus; non alteri. *l. 17. §. 4. hic. l. 38. §. 17. l. 126. §. 2. de V. O. l. 33. hic. l. 26. §. 4. de pact. dotal. l. 6. C. si quis alter.*

Pacisci de omnibus rebus, quæ in commercio aut existunt, aut futuræ sunt, *l. 46. hic. l. 73. de V. O. licet: l. 34. §. omnium. de contr. emt.* modò sint paciscentium propriæ. *d. l. 46. verb. sui juris.*

Nam licet aliena res vendi possit, & locari: *l. 28. de cont. emt.* tamen non rectè res, aut jus alienum in pactum (nudum scilicet) deducitur: Quia eo non datur actio, non de jure tertii in pactum deducto, exceptio. *l. 4. §. competit. ubi Bart. si serv. vind. l. 8. §. 1. C. de prescr. 30. ann. Bart. & Dd. com. in l. 1. & 2. de exc. rei. jud.*

De rebus aut juribus publicis, nisi secundum jura publica, pacisci non licet. Nam quæ publica sunt, pactis privatorum mutari non possunt. *l. 38. hic. l. 27. l. 45. §. 1. de R. I.*

De injuriis & furtis jure civili pacisci, *l. 27. §. 3. hic.* (quia crimina sunt privata) licet. Siquidem ea delicta jam sint admissa: *l. 27. §. 4. hic.* Alias non. Turpia enim ea sunt quæ ad delinquendum invi-
tant: ut non tantum sunt, quæ idè fiunt ut male-
ficio fiat, aut non fiat; *l. 7. §. 3. l. 27. §. 4. eod.*
sed & quibus actio delicti nondum facti remittitur.
d. l. 27. §. 4.

Non valent ergò pacta de iis, quæ aut lege pro-
hibita sunt, aut naturâ. *l. 6. C. eod. d. l. 7. §. ait Præ-
ter. ff. eod.*

Naturâ ea prohibentur, quæ in se turpitudinem
con-

continent. *vid. l. 53. l. 57. pro socio. l. 26. ubi Dd. de V. O. l. 5. C. de postul. l. 15. l. 19. l. fin. C. hic. nec facta, sunt observanda. l. 27. §. 4. hic.*

Pacta nullo verborum ordine, nulla forma, sed tantum æquitate conventionis, constant.

Si talis apparet verborum forma, quæ stipulationem inducat, potius stipulatio contracta videbitur, quam pactum. In dubio enim firmior contractus celebratus præsumitur. *Bald. in rubr. C. de fid. inst. n. 8.*

Verba enuntiativa, ut *profiteor te non teneri*: ad liberandum valent, *l. 40. hic. non ad obligandum, eum, qui non expressè consentit. Ias. in d. l. 40. n. 7. Salic. & Dd. in l. 4. C. eod.*

Exceptio enim, nisi illi cui aliquid remissum est, & cum quo potest agi, competere non potest. Nam exceptio est actionis exclusio. *l. 2. C. de except.*

Ut igitur competat exceptio ex pacto, necessum est aliquid de jure actionis pacto remissum esse, siue gratuito; siue ob causam, scil. impulsivam.

Ex pacto, jure naturali, seu gentium, nascitur obligatio naturalis, *l. 95. §. naturalis. ff. de solut. junct. l. 1. ff. de pecul. non civilis, l. 7. §. 2. hic. quæ illo jure, l. 1. l. 7. §. 1. hic. l. 20. l. 13. C. eod. ad exigendum & excipiendum sit efficax.*

De jure civili ex Jurisgentium conventiones actiones pariunt, quæ non manent in genere conventionis, sed transeunt in proprium nomen contractus: *d. l. 7. §. 1. legitimæ, à confirmatione legis dictæ. l. 6. hic. Unde actio legitima.*

Reliquæ de jure civili nec actionem, & nequidem expressam exceptionem, producant. *d. l. 7. §. 4.*

Ex illis enim, quibus jus civile non assistit, (quod eò factum, ne quis promiscuè, & quadam incogitantia, ac temerè prolatis verbis obligetur) actio civilis nasci non potest. *Bald. & Dd. in l. 27. §. pactus ne hic.*

Nudis ergo ex pactis de jure civili actio non datur.

tur, *d. l. 7. §. 4. l. 41. & 45. hic. l. 13. l. 21. C. eod.* Nisi aut stipulatione munita sint, *d. l. 7. §. quod ferè. aut jurejurando, l. 41. ubi Dd. C. de transact. Sacin. in fall. reg. 9.* aut rei traditione impleantur; *l. 48. hic.* aut bonæ fidei, *d. l. 7. §. 5. l. 13. C. hic.* non stricti juris judiciis; *l. 3. de rescind. vend.* (nisi ex parte excipientis debitoris & rei, *l. 40. si cert. per.*) insint.

Inesse ea videntur, quæ in ingressu contractus, hoc est, antequam is perfectus sit, & absolutus, adduntur. *d. l. 7. §. 5. & §. 6.* non quæ post contractum consensu perfectum, & postquam ad alia omnia conventiona contrahentes discesserunt, *l. 21. §. fin. de testam. vid. Dd. in. l. 1. §. 1. de V. O.* accedunt.

Ea tamen, cum traditione insecutâ muniuntur, efficacia sunt ad agendum, ex implemento rei. *d. l. 7. in pr. l. 48. hic.*

Pacta quæ reformant contractum, hoc est, quæ mutant substantiam contractus, puta pretium, aut mercem; ea, ex intervallo facta, insunt ex parte agentis, & produciunt actionem.

Sunt enim novus contractus: quia prioris contractus substantia iis immutatur. *d. l. 7. §. 5. l. 58. hic.*

In contractibus tamen, qui re & verbis constant, tum profunt ad excipiendum. *d. l. 58. in fin.*

Et cum non informatur pacto præcedens contractus, sed solummodo accidens aliqua qualitas, aut detrahendo, aut adjiciendo immutatur, non putaverim ea pacta ex intervallo apposita, jure civili prodesse ad agendum, nisi quatenus traditione firmantur. *per l. 72. de contr. emt.*

Pacta jure novissimo profunt ad agendum, cum chirographo, aut scripturâ muniuntur. Transeunt enim in contractum qui literis constare dicitur. *Panor. in c. 1. n. 4. & 5. Ext. hic.*

Proficit etiam pactum ad agendum, cum fit in judicio, *l. 4. §. fin. de fidejuss. tut. l. 40. §. 1. ubi Bart. hic.* Quoniam in judiciis quasi contrahitur. *l. 3. §. 11. de pecul.*

Jure prætorio, ex pacto, contractui appposito, (conventum dicitur, *t. l. C. de pact. convent.*) aut rei traditione implementoque causæ, aut aliâ aliquâ efficacîâ obligationis civili munito, actio datur, & exceptio. *d. l. 7. §. 7. l. 44. §. 1. fam. ercisc.*

Sed hæc juris veteris subtilitatis non sunt in usu.

Jure Pontificio, ex quolibet pacto oritur actio. *c. 1. & 3. ubi Can. Ext. hic.* Nisi conditio pacti defecerit; *c. pervenit. 3. c. sicuti. 29. in fin. de jurejur.* Pontifex ex causa à promissione absolverit; *ut in c. auctoritatem. c. 2. alius. & c. 4. nos sanctorum. 15. qu. 6. c. 2. de voto.* qui pactum vult impleri, à sua parte non impleverit. *d. c. pervenit. d. c. sicut. §. fin.*

Quod hodie in omni foro, ubi ex bono & æquo, & ex suprema potestate judicatur, obtinet. *Bart. & Dd. in d. l. 7. §. 5. hic. & in l. 29. §. quadam. mand.*

Et indistinctè hodie ex pactis nudis, serîo & deliberatò initis, actio datur. *Bald. & Salic. in l. petens. 2 l. C. eod. & Bald. in l. 6. pr. hic.*

Ea est actio præscriptis verbis, quando res intervenit, *d. l. 7. §. 2. l. 6. l. 33. C. de transact.* Si non; conditio ex lege, vel potius canone, *arg. l. un. ubi Bart. de condict. ex lege. Innoc. Panor. in c. 1. de pact. Socin. in fall. reg. 9. n. 2.*

Exceptio quæ datur ex pactis, non tollit actionem civilem, nisi & pactum sit civile, *l. 27. §. 2. l. 6. hic.* & est tantum peremptoria, nec impedit litis ingressum. *text. in §. 1. Inst. de except. & d. l. 27. §. 2. & §. 6.*

Interpretes tamen, omnes ferè peremptorias ad impediendum litis ingressum, admittunt, dum in continenti probari queant. *vid. Phil. Franc. cap. 1. de lit. cont. n. 6. Gl. in l. 6. C. eod. & l. 7. §. 5. ubi Dd. hic.*

Deficiente exceptione conventionis, competit exceptio doli; *l. 1. 2. cum tl. seqq. de dol. mal. exc.* quotiescunque scilicet ex æquitate aliqua danda est. *l. 7. §. pen. & fin. l. 21. l. 10. §. fin. hic.*

Si solvatur quod pacto remissum est, competit indebiti conditio; quasi id indebitè sit solutum,

lutum. l. 5. in fin. C. hic. l. 26. §. indebitum. de cond. ind.

Pacta licet (ut dictum) stricti juris sint ; d. l. 7. §. 5. ubi Gl. & Ias. n. 12. hic. tamen , quia & tacite conveniri potest , l. 2. cum seq. hic. idè & ea conventiona intelliguntur , (ut & in aliis strictis , l. 134. §. 1. l. 126. §. pen. l. 111. de V. O.) de quibus verissimiliter est actum.

Qua interpretatione, pactum procuratoris pertinet ad dominum : ita ut ei tam noceat, quam per exceptionem doli profit : l. 12. l. 10. §. fin. hic. tutoris , ad pupillum : ita ut ei profit , non noceat : l. 15. hic. magistratus, aut magistri collegii, ad universitatem civitatis, vel collegii, l. 14. eod. l. 12. C. de transact. principalis debitoris , ad fideiussorem : l. 21. §. fin. hic. Si nempe illis profit. Non semper quando nocet. vid. l. 28. §. 1. ff. l. 22. C. l. 12. l. ult. ff. hic. l. centum Capuæ. de eo quod cert. loc.

In correis unius pactum ad alterum extenditur, quando alter habet regressum contra alterum : non autem nocet. l. si unus. 27. hic. vid. inf. de duob. reis.

Pacta generalia , etiam ad illa pertinent , quæ specialiter comprehensa non sunt , aut quæ ignorabantur : quandoquidem apparet , de his quoque verissimiliter actum esse , & in genere cogitatum. l. 9 §. fin. de transact. l. 29. ubi Dd. comm. C. eod. l. 47. in fin. hic. vide tamen Dd. in l. un. C. de error. calc.

Aliàs pacta & transactiones, præsertim speciales, non extenduntur ultra species, de quibus actum est. d. l. 27. §. ante omnia hic. l. 3. l. si certa. cum simil. C. de transact.

Pactio obscura , vel ambigua , semper nocet ei, qui potuit dicere apertius, ut venditori. l. 39. hic. l. 21. l. 33. l. 34. de cont. emt. l. ult. C. de pact. int. emt. vend. Modò nihil sit, quod melius dici possit, id est, si neque probari possit, quid actum fuerit, neque verissimiliter conjici. Nam aliàs in obscuris est suspiciendum quid verissimilius est, aut quod plerumque fieri solet. l. 114. ff. de reg. jur. junct. l. 34. ff. eod.

eod. In ambiguis autem id quod rei gerendæ aptius est *l. 67. ff. eod.*

Interpretatio etiam in stipulationibus fit contra stipulantem: *Schurf. conf. 58. questionis. n. 2. cent. 1.* in reliquis pactis, in dubiis fit pro debitore, cui aliquid remissum est, & sic pro liberatione. *l. 47. de O. & A. cum similibus.*

Pacta dolo, aut metu inita, *d. l. 7. §. 7. ff. l. 9. C. hic.* & quæ adversantur legibus, *l. 27. §. pacta. l. 28. ff. l. 6. C. hic.* nihil operantur.

Contrariis pactis priora tolluntur. *l. 58. hic. l. pacta novissima. C. eod.*

De Transactionibus.

T I T. XV.

PActi species est Transactio. Quæ bivariam accipitur.

Uno modo, pro quolibet actu quo ab obligatione receditur, *Bart. in l. 2. de jurejur. Ias. in Rubr. hic. n. 9. & C. eod.* & quasi transitur. *l. 1. §. 3. verb. contrahendi transigendique. ubi Ias. de pact. Bart. in d. l. 2.*

Altero modo, & quidem propriè, pro ea compositione, quâ res dubia, litigiosa, partium consensu componitur. *l. 1. hic.*

Quo in significato Transactio, est rei dubiæ, & litis incertæ neque finitæ conventa decisio, id est, diremptio. *l. 13. l. 16. l. 30. C. hic.*

Potest, secundum Wesembecium. *hic.* (Sed malè: Quia est pactum nudum. *l. 5. l. 15. ff. l. 31. C. hic. l. 27. ff. de inoff. testam. Cujac. in par. hic. & 11. obs. 17. in fin. Duar. in l. 1. §. 1. hic.*) & ad hunc modum non incommodè definiri: Ut sit contractus, *Ias. & Dd. in l. 2. C. eod. text. in l. 7. l. ult. C. de his quæ vi met. caus. l. 17. C. de fid. instr.* (vel potius distractus. *l. 1. ff. l. 2. C. hic.*) jurisgentium, *Bart. in l. 23. C. hic. l. 7. §. 1. de pact. innominatus, l. 1. §. 3. eod. Bart. Ang. Ias. Dd. com. in l. 28. C. hic.* stricti juris: *Ias. in d. l. 28. n. 8. & 13. l. 6. & Gl. & Dd. in l. 29. C. hic.* quo inter litigatores res dubia, *l. 1.*

hic. & litigiosa, *Gl. fin. in d. l. 29. Bald. in l. 65. de cond. ind.* aliquo contra dato aut promisso, *d. l. 1.* remittitur & finitur, nullam pariens jure civili actionem, sed tantum ad exceptionem proficiens. *Wesf. hic.*

Partes ergo transactionis sunt duæ: Remissio litis, non tantum præsentis, sed & ejus quam suspicio est, non tantum de jure, sed & de facto extitutam: *l. 2. ubi Sichard. C. hic.* & pro remissione alicujus rei præstatio. *l. 38. C. hic.*

Species itidem duæ: Simplex, & illa quæ Aquiliana stipulatione munita est. *Gl. pen. & Dd. in l. 32. C. hic. ubi Bart. n. 5.*

Potest & distribui in Generalem, quæ ad bonorum universitatem, vel ad omnes controversias pertinet; *l. 12. ff. l. 29. ubi Gl. & Dd. C. eod. & Specialem, quæ de re certa fit. l. 9. ff. l. 3. l. 31. C. eod.* item in Juratam, & Injuratam. *l. 41. l. pen. C. eod.*

Fit Transactio consensu, *l. 13. l. 20. l. 24. C. eod.* ob dubium litis eventum. *l. 51. de pecul. Gl. in l. 58. §. fin. ff. ad SC. Treb.*

Transigere possunt, qui pacisci, hoc est, consentire possunt, & sunt mente sana. *l. 27. C. hic.*

Non procurator sine speciali mandato, *e. qui ad agendum. de procur. in 6. l. 17. §. fin. cum ll. seqq. l. 34. §. 1. de jurejur.* etiamsi liberam habeat agendi potestatem. *l. 63. de procur.*

Potest, si aut cum speciali ad hoc mandato, *d. l. 17. §. fin. cum l. seq. d. l. 34. §. 1.* aut in rem suam, *d. l. 17. §. fin. cum l. seq. l. 55. de procur.* aut omnium bonorum, *Gl. in l. 7. C. hic.* sit procurator datus.

Tutores, procuratores fisci, vasalli, & similes, quibus magna ex parte commissorum bonorum interdicta est alienatio, *l. 1. C. de præd. min. Ext. de his quæ sunt a præl. & de reb. Eccl. non al. & de prohib. feud. alien. in usib. Feud.* possunt transigere: *Gl. Bart. & Dd. in l. 12. C. hic.* non tamen contra legis prohibitionem transigendo donare vel alienare, *l. 4. C. de præd. min. l. 1. C. de off. proc. Cas. l. 13. hic. vid. in c. 1. §. vasallus. si de feud. def. 2. F. 26. Curr. de feud. part. 4. aut jus liquidum remittere. d. l. 12. C. hic. l. 22. C. de pact.*

Trans-

Transigitur de rebus dubiis, litigiosis, *l. 1. hic. hoc est, de quibus lis est, vel esse potest. l. 2. C. ubi las. & Dd. eod.*

De re judicata ergò transigi nequit, *l. 11. ff. l. 32. C. eod.* quia cum transacta & finita sit, de ea amplius lis esse nequit. *l. sub specie. & t. r. C. de re jud.*

Finita lis non censetur, cum post rem judicatam lis subesse & aliquo remedio attentari potest. *l. 7. l. 11. ff. l. 32. C. hic.* Ut si aliqua exceptio opponatur, ex iis nimirum quas placet etiam post rem judicatam opponi posse, *de quib. in l. 1. C. de jur. & fact. ignor.* sive ad sententiam infirmandam, sive judicati executionem impediendam tendant.

Pacto res judicata remitti potest: *Bart. & Dd. in d. l. 32.* De ejusmodi tamen pacto liberatorio, agi in transactione non præsumitur, nisi appareat. *Bart. in d. l. 32. Dd. in l. 21. C. de pact. Bald. in l. 3. C. de non num. pec.*

Cum res nondum finita est, quamvis certa sit, hoc est, certum jus habeat, tamen ob timorem, aut odium litis, dominus super ea rectè transigere potest, *l. 2. C. hic.* non procurator, & administrator rei alienæ: *d. l. 22. l. 12. C. hic.* cum remissio certi juris in donationem (quæ illis interdicta, *l. contra. de pact. l. 12. de tur. fur.*) incidat. *l. 12. ubi Bart. De novat.*

De controversiis, quæ ex testamento proficiuntur, transigi nequit: Nisi inspectis verbis testamenti: cum quia tales transactiones captiosæ sunt, eoque improbæ, *l. 5. 6. hic:* tum, quod ultimis voluntatibus adversantur, earumque exitum eludunt.

De alimentis futuris, testamento relictis, eadem ratione, sine auctore Prætoris, & causæ cognitione transigi nequit, *l. 8. hic. de præteritis potest. l. 8. C. eod.*

De crimine capitali (id est, ex quo pœna mors est, *l. 1. de bon. eor. qui ante sent. mort. l. ult. de prævar. l. 2. de publ. judic. Cujac. 6. obs. 11.*) transigere aut pacisci prohibitum non est, *l. 18. C. hic.* quia cuique licet sanguinem suum quovis modo redimere,

l. 1. de bon. cor. videturque id non facinoris conscientia, sed declinandi periculi causa, fieri. *l. fin. de pravar.*

De adulterio tamen transigi nequit. *d. l. 18.* Quia ejusmodi conventio, quæ aliena matrimonia redimuntur, *l. 23. in fin. C. ad. l. l. l. de adult.* in lenocinium incidit. *l. 2. l. 8. l. 29 ff. eod. l. 10. C. eod.*

Extra causam pacti remitti, ac pro derelicto haberi accusatio adulterii, necdum instituta, potest. *l. 15. §. 5. eod.* nemo enim invitus accusare tenetur. *l. 1. C. ut nem. ag. vel accus.*

Nec pacta, de suspicionibus adulterii facta, improbantur. *§. fin. Nov. 117.*

De reliquis criminibus, quæ sanguinis poenam non ingerunt, transigere contra leges absque damno infamiae non licet: *d. l. 18. C. hic.* quoniam enim in his cessat periculum sanguinis, transigentes non se excusare, sed pretio adversarium corrumpere reus videtur. *l. fin. de præv. l. 4. de jur. fisc.*

Ante tamen publicum iudicium coeptum, transigi quidem potest, non de ipso iudicio, *l. 9. C. de contr. stipul.* (concussionis enim species est, intentato periculo accusationis, pecuniam exprimere, *l. 1. §. pen. de calumn.*) sed injuria ejus qui vel agere vel accusare potest. *d. l. 1. §. pen. l. 7. C. de fals. l. pen. C. hic.*

Non enim pro convicto confessoque, qui ante & extra iudicium transigit, *arg. Gl. pen. in l. 4. de inter. act. vid. Dd. in l. admonendi. de jurejur.* & per consequens nec pro infami, haberi potest. *arg. l. 14. de his qui not. inf.*

Transactio fit aut simplici Pacto, aut per Aquilianam stipulationem: *l. 2. ff. l. 4. C. hic.* aut Purè: aut sub Conditione: *l. 9. C. eod.* aut sub Modo, *l. 6. C. eod.* aut Poena: *l. 15. l. pen. ff. l. 40. l. 17. C. eod.* aut Juramento: *l. 41. l. pen. C. d. t.* aut in: aut extra iudicium: *l. 28. C. eod. ubi las. n. 1. & 2.* aut scriptura, aut sine ea. *l. 5. l. frve. C. d. t.*

Transactio nullo dato, vel retento, aut promissio, non procedit. *l. 38. C. hic.*

Cum aliquid datur, transactione dominium transfertur:

fertur : cum aliquid promittitur , actio nascitur : cum aliquid retinetur , actio perimitur. *l. 35. C. hic.*

Auctoritas non minor transactionis , quam rei judicatae ; *l. 20. C. eod. jurisjurandi. l. 2. ubi Bart. l. 31. de jurejur.*

Quare nec rescripto Principis, *l. causas. C. hic.* nec prætectu specierum. *l. 19. C. eod. instrumentorum-que post repertorum, d. l. 19. retractari potest.*

Tollit transactio, ope exceptionis, *l. 17. C. eod.* (quæ hodie est litis finitæ, *c. 1. de lit. cont. in 6. ubi Gl. & Dd.*) primam actionem: non tollit, *l. 14. l. 16. C. eod.* nec inducit eam, *l. 28. C. eod.* jure conventionis : nisi addita sit Aquiliana stipulatio. *l. 4. l. 19. C. eod.*

Eadem ergo actio competet , si non , *l. 4. l. 14. l. 19. l. 28. C. eod.* aut quidem impleta sint promissa , sed dolo aliquo Rei ad transigendum Actor sit inductus. *l. 15. l. 56. ff. l. 28. C. hic. l. 27. in princ. ff. de inoff. test.*

Primâ actione sublatâ ; si non impletum quod convenit, agi potest præscriptis verbis : *l. 6. l. 17. l. 33. C. hic.* non jure conventionis ; sed quia traditione & præstatione ejus quod à sua parte convenerat , agens sibi alterum obligavit. *l. 7. in pr. de pact. l. 5. de præscr. verb..*

Nec invitus Actor cogitur ab intentione suæ actionis , nempe præscriptis verbis , discedere , etiam si redhibitionem & pœnam pars altera offerat. *arg. l. fin. C. de rer. perm.*

Pœnitentia enim in contractibus innominatis tantum ei conceditur, qui dedit : non illi qui accepit, & accipiendo se ad implementum jam obligavit. *Gl. in l. 5. in pr. verb. sed cum liceat. de cond. caus. dat.*

Contractu ab utraque parte rebus impleto , exclusa est pœnitentia, & volenti repetere obstat contractus exceptio. *l. 17. l. 40. C. hic.*

Mutuo tamen partium consensu ab eo recedi potest ; & tum quicquid hinc inde datum & acceptum fuit , restitui debet. *l. 14. l. 17. l. 41. C. hic.*

Qui contra juratam transactionem venit, amissione juris sui, atque adeo existimationis, plectitur. *l. 41. C. eod.*

Impedit transactionem Error: *l. 29. C. eod.* Eam retractat per in integrum restitutionem, Metus. *vid. inf. De eo quod met. caus.* Nisi coram amicis, *l. 35. C. hic.* id est, testibus, *fāc. l. 39. §. 1. ff. de legat. 3.* sit transactum.

Dolus, quia consensus non est expers, non rescindit eam, sed purgatur aut exceptione, aut replicatione, si prima actio superest, *l. 28. C. hic.* aut, illa extincta, actione doli: *l. 4. l. 19. C. eod.* nisi dolus in falsi, *l. pen. C. eod.* aut calumniæ crimen, *l. 65. de cond. jud.* incidat.

Si super casu & dubio mortalitatis eventu transactum sit, licet, siue minores, siue majores, ultra dimidiam partem justæ æstimationis seu juris, læsi sint, restitutio non dabitur ex *l. 2. C. de resc. vend. l. 11. C. hic. ubi Castr.*

Dabitur, ex sententia Bart. in *d. l. 2.* si quis in certo jure, puta hereditate dividenda, probare possit, se transigendo ultra dimidiam partem ejus, quod consequi probabiliter potuit, læsum esse. *Dec. conf. 6. viso. n. 4. Corn. conf. 17. in pr. lib. 4.*

DIGESTORVM

LIBER III.

De Postulando.

TIT. I.

Sequitur de postulando; quia legitimè ad iudicium perveniri non potest, nisi in limine causæ, jus dicenti negotium exponatur.

Postulare, est desiderium suum, vel amici sui, in jure, id est, pro Tribunali, *l. 4. §. pen. ff. de dam. inf.* apud eum qui jurisdictioni præest, exponere; vel alterius desiderio contradicere. *l. 1. §. 2. hic.*

Et

Et quia publicum quodammodo munus, *l. 2. in verb. postulare. de R. I.* Prætor, seu ordinarius Magistratus, dat petentibus litigatoribus, patronos, etiam invitos, *l. 7. C. hic. Gl. in l. 1. §. 4. hic.* qui eorum & nomine postulent, *l. 1. §. 4. ff. l. fin. C. hic. & sumptibus. Gl. ad d. l. 1. §. 4. l. 4. §. fin. de edend. Bart. in l. 1. §. Divus. ad SC. Syllanian.*

Si tenuiores sint litigatores, quam ut salarium præbere postulantibus suo nomine possint, Magistratus sumptum de publico suppeditet oportet. *Gl. & Dd. in d. l. 1. §. 4.*

In criminalibus, si quis custodiæ traditus, sibi ipsi quærere advocatum nequeat, accusator, cujus rogatu incarceratus, ut eum alimentare debet, sic & sumptum ipsi præbere. *Gl. in l. 17. C. de erog. mil. ann. lib. 12. per Nov. 115. §. si unum. Paris de Puteo. in tr. Syndic. ad verb. carcer. & carceratus. c. 4. per tot.*

Postulare possunt omnes, qui non prohibentur. *l. 43. de procur.*

Prohibentur quidam Edicto, quidam Lege, quidam Sententiâ Judicis.

Edicto tres hominum ordines vetantur. *l. 1. §. 1. hic.*

Primus ordo & pro se, & pro aliis; ut minores septendecim annis, *d. l. 1. §. initium. hic.* surdi, qui jussu judicis exaudire non possunt, *d. l. 1. §. initium.*

Secundus ordo tantum pro aliis postulare vetatur; in eo sunt cæci, insigni quâdam turpitudine notati, scæminæ. *d. l. 1. §. 5.*

Virile enim est officium alienæ causæ præesse, intercedere & patrocinari. *l. 2. de R. I. l. 18. C. de procur.*

Cæcus prohibetur: quia revereri magistratus dignitatem nequit: *d. l. 1. §. 5. vers. cæcum.* judex tamen dari potest. *l. 6. de judic.*

Personæ insigni quâdam turpitudine deformatæ, etiam apud judices pedaneos, Senatusconsulto prohibentur postulare. *d. l. 1. §. 6. vers. item.*

Si tamen ejusmodi personæ tutelam vel curam administrant, (sicuti possunt, cum hoc munus sit privatum. *Bart. in l. 3. hic.*) postulare pro his quorum curam gerunt, possunt, *d. l. 1. §. fin. l. 6. hic.*

Tertius ordo tantum pro se & personis certis, puta conjunctis, fortè ad quartum usque gradum: *Gl. in l. 4. de testib. Gl. & Dd. in c. fin. Ext. cod.* & pro personis quarum tutelam curationemve gerunt, *d. l. 1. §. fin. cum ll. seqq.* postulare potest; pro aliis personis edicto non comprehensis, prohibetur.

Qui ordines, nequidem volente adversario, contra Edictum rectè postulant; *l. 7. hic.* quin puniantur pœna arbitraria. *l. 1. §. 6. hic.*

Lege postulatio pro aliis interdicta est, iudicibus, arbitris, in ea causa quam judicaturi sunt: *l. 6. C. hic.* hæreticis, *l. fin. C. eod.* clericis, nisi pro se & conjunctis agant; *c. 1. & c. fin. hic.* libertis, contra patrum; *l. 2. C. eod.* vasallo, contra dominum: *c. 1. §. item si delator. ubi Gl. verb. perd. quæ fuit. pr. caus. bon. am. 2. F. 24.* & illis omnibus qui legitimam personam standi in iudicio non habent. *vid. tit. C. qui legit. pers. stan. in jud.*

Judicis sententiâ, advocatis aut procuratoribus, ob contumaciam, vel delictum, vel aliam causam, postulatione interdictur ad tempus, non in perpetuum. *l. 9. de pœn. l. 5. & 6. 8. hic. l. ult. ff. de pœn.* Si quis tamen ita postulare prohibitus, non appellaverit, placitis obtemperare, & causis agendis perpetuò abstinere debet. *l. 1. C. hic.*

Si apud se Magistratus postulare prohibuerit, coram successore ejus nulla obstat prohibitio: aliter si indefinitè postulationibus sit interdictum. *l. 6. hic. l. 1. C. eod.* Nam tum ad longum tempus, id est, decennium, censetur prohibuisse. *l. 23. ff. de pen.*

Erit iudicis, in postulationibus admittendis, providere, nè peritissimi quique advocati ab una stent parte, sed ut æqualiter utrinque distribuantur, nè alterutra causâ ab inopia boni patrociniî damnum faciat. *l. 7. C. eod.* Est enim æqualitas in iudiciis servanda. *l. pen. C. eod.*

Quamdiu

Quamdiu quis idoneum advocatum non habet aut habere potest, tamdiu propter contumaciam damnari nequit. *c. 1. ut lit. non cont. ubi Gl.*

Negotia tamen, propter contumaciam, ante definita, non retractantur. Imputet enim sibi qui à tali definitione non appellavit. *l. 1. l. 4. C. hic.*

Quanquam enim à contumacia non appelletur: *l. 1. ubi Gl. C. quor. app.* tamen, si quis neget se in eâ causa fuisse, ut pro contumaci debuerit condemnari, justas excusationis suæ causas per appellationem inducere potest. *l. 73. §. ult. de jud. Gl. & Dd. in d. l. 1.*

De his qui notantur infamia.

T I T. II.

INter eos, qui postulare pro aliis prohibentur, infames enumerantur. *l. 1. §. 5. §. 6. & §. 8. sup. de postul.* Et merito. Nam cum infamibus portæ dignitatum non pateant, *l. 2. C. de dignit. lib. 12.* & ab advocacy (quæ dignitatem habet. *l. 7. verb. nobilissimus. C. de postul. & ibi Bald.*) arceri debent. *Gl. in d. l. 2. per l. 1. §. 8. ff. de postul.* Indignum enim est, eum clientis honorem defendere, qui suum perdidit.

Infamia, est existimationis læsio. *l. 8. C. hic.*

Existimatio, est dignitatis illæsiæ status, legibus ac moribus comprobatus. *l. pen. §. existimatio. de extraor. cogn.*

Infamia est duplex: *Gl. Bart. & Dd. in l. 1. hic.* alia Juris, alia Facti.

Juris infamia, (de qua propriè hic agitur) est quam lex, ob turpe aliquod commissum, nocenti irrogat.

Facti infamia est, quæ famam solum cujusquam apud bonos & honestos viros gravat. *l. 20. hic. l. 13. l. 17. l. 19. C. eod.*

Hæc, secundum Doctores, triplex est. Alia quæ ortum à vulgo habet, & incerto autore: (quæ revera nulla est. *Freher. lib. 3. de existim. cap. 2.*) Alia quæ à judice, aut patre, aut viro quoquam honesto,

per increpationem aliquam ignominiosam infer-
tur. *d. l. 19. l. 17. C. hic.* Tertia quæ oritur à sectæ
diversitate. Puta propter hæresin. *Bald. in l. 1. n. 5.*
per illum text. C. de sum. Trin. (Quæ est juris infamia.)

Vult Baldus *in c. 1. an removeri testes. 2. F. 19.* &
rectè, *Freher. c. 1. num. 9.* aliam esse graviolem, aliam
leviorem; prout est gravis, aut levis causa, ex qua
Infamia ortum habet.

Irrogatur infamia juris, partim Edicto Prætoris;
l. 1. & 2. hic. partim Lege; Senatusconsulto; *l. 2. §. 3.*
hic. l. 41. C. de transact. partim sententiâ judicis: *l. 6.*
l. 13. hic. non arbitri: *d. l. 13. §. 5.* Famæ enim causa,
capitali æquiparatur. *l. justa. de man. vind. l. 104. ubi*
Dec. & Cagn. de R. I.

Ut igitur de vita, & capite privatim statui ne-
quit: *l. 13. ad l. Aquil. Dd. contra Gl. in l. 56. de furt.*
in l. pen. C. de cond. ob. turp. Hipp. sing. 164. Ita nec
compromisso existimatio cujusquam minui potest.
l. 32 §. Iulianus. ubi Bald. de recept. arb.

Imponitur infamia propter dolum, vel simile
crimen, quod in dolum incidit: ut perfidiam, stel-
lionatum, imposturam, perjurium, &c. *l. 6. §. fin.*
l. 13. §. fin. hic.

Dolum appellamus malitiosam scientiam, quâ
vel simulatur falsum, vel dissimulatur verum, alte-
rius fraudandi causâ. *l. 8. hic. vid. l. 1. de dol. mal.*

Delictum ex lata culpa commissum, §. *fin. Inst. de*
susp. tut. Gl. in l. fin. C. eod. aut ex supina ignorantia,
d. l. 8. aut crasso aliquo errore, *d. l. 6. §. fin.* non læ-
dit existimationem.

Quælibet enim, etiam injusta causa, excusat à do-
lo, *Gl. in l. un. ubi Dd. si quis jus dic. per l. utique. de lib.*
caus. & ejus pœnis.

Judex non modò disertis verbis infamiam irro-
gat, sed quandoque etiam facto; puta motione ab
ordine, fustigatione, turpi aliqua præclusionem, &c.
quæ tamen non infamant per sese, sed ex causa, pro-
pter quam talibus utendum judex putavit. *l. 22.*
hic. l. 6. C. eod.

Edicto notantur, milites, ab exercitu ignominia
causâ

causâ missi: *l. 1. §. 1. hic.* qui in scenam, aut arenam prodeunt, non gratis exercitationis & oblectationis, *Baro. & Ant. Fab. ad l. 2. §. fin. hic. vid. Alber. Gentil. disp. de actor. & spect. scul. non notand. c. 15.* sed quæstus faciendi causâ: *l. 2. l. 4. hic. Nov. 51.* qui lenocinium faciunt: *d. l. 1. & 4. calumniæ aut prævaricationis nomine in publico judicio commissæ damnati: d. l. 1. l. 4. §. 4. item furti; vid. l. 42. de V. S. injuriarum, vi bonorum raptorum, de dolo malo, damnati. d. l. 4. §. fin. l. 6. hic.*

Furti; si actione furti damnentur, non etiam si ex conditione furtiva. Quia in hac non de dolo, sed de restitutione rei quæritur. *vid. inf. de cond. furt.*

Idèd conditiones non ipso jure, sed tantum de facto infamant. *l. 36. de O. & A. l. 8. in fin. C. hic.*

Actio quod metus causa, non infamat: *Gl. & Dd. in l. 14 §. 13. quod met. caus.* cum sit rei persecutoria suâ naturâ, quamvis in quadruplum ex contumacia rei crescere possit.

Qui alieno nomine damnatur, non fit infamis. Iniquum enim esset alieni doli dedecus huic inuri: *d. l. 6. §. 2. l. 13. hic. ex ratione l. 22. C. de pæn. Cum delicta suos tenere debeant auctores. l. 22. C. de pænis. l. 6. §. 2. hic.*

Qui, in delictorum privatorum actionibus suo nomine pretio, *l. 18. C. hic.* post litem contestatam; non, si ante, *l. 13. C. de furt. l. 56. §. pen. ff. eod. l. 17. §. 1. de pact. pactus est, l. 4. 5. hic.* Edicto notatur.

Nam (cum nemo suum præsumatur jactare; *l. 25. de probat.*) non sine causa, sed ex conscientia delicti, pretium dedisse præsumitur.

Si pretium non intervenit; remissionis acceptatio nulli fraudi esse debet. *arg. l. 5. §. fin. ff. commod.*

Judicia etiam ex contractu orta, in quibus de fide rupta agitur, labem damnato inferunt: ut sunt actio mandati, pro socio, tutelæ, *vid. l. 42. de V. S. & depositi; d. l. 6. §. fin. l. fin. C. hic.* si quidem sint actiones directæ: & suo nomine, *l. 1. l. 6. §. 2. hic.*

& ob dolum, non culpam, *Accurf. ad d. l. 6. §. ult.* sic damnatus: Contrariæ enim, in quibus de impensis agitur, non infamant; nisi & in his de perfidia quæ-
ratur. *d. l. 6. §. 5. & §. fin.*

In quibus judiciis fidei ruptæ civilibus, sententia quidem definitiva, *l. verbum. l. 22. C. hic.* non verò transactio, ut in superioribus, *l. fin. C. eod. l. 7. ff. eod.* existimationem lædit. De contractibus enim licet pacisci & transigere impunè. *l. 27. §. illud. de pact.*

Mortuo marito, aut etiam dissolutis per facinus, puta adulterium mariti, nuptiis: *l. 8. §. 4. C. de repud. l. 2. C. de secund. nupt.* vidua intra annum luctus nubens, si quidem sui juris sit, & is qui scienter cum ea suo nomine, non jussu ejus in cujus est potestate, *l. 11. §. ult. hic.* contrahit, quamvis miles sit; dedecus incurrunt. *l. 15. C. hic.* Sin autem alieni juris mulier existat; pater vel avus, cujus jussu contraxit, notatur. *d. l. 15.* Siquidem generum esse mortuum sciverunt; non si ignoraverunt. *l. 8. hic.*

Et quidem ipso jure notantur, citra sententiam, *l. 1. l. 11. hic. d. l. 15.* ne stirpes & familiæ confundantur, si statim à morte primi mariti ad secundas nuptias mulier properet.

Quam verò certò constat esse gravidam ex prior marito, aut quæ peperit, intra annum impunè nubit: ut & quæ potestatem nubendi à Principe impetravit. *l. 10. hic.*

Nec mariti, nec sponsi, nec sponsæ, hac lege tenentur. *d. l. 11. cum seqq. l. 9. hic.*

Et jure Canonico hodie mulier intra annum luctus impunè nubit. *Inn. & Dd. in c. pen. & c. fin. de secund. nupt.* Præstat enim incertam prolem ex festinatis nuptiis, quam ex furtiva Venere metui. *c. pen. & ult. de sec. nupt.*

Notatur etiam Edicto, qui binas nuptias, aut sponsalia, eodem tempore, constituta habet: *l. 1. in fin. hic.* & pater cujus jussu sunt contracta. *l. 13. §. 1. hic.*

Ut & mulier, quæ ventris nomine per calumniam

niam in possessionem bonorum defuncti mariti missa est. *l. 15. cum ll. seqq. hic.*

Lege & Senatusconsulto notantur expilatores hereditatum; *l. 12. C. eod. sepulchrorum violatores: l. 1. de sepul. viol. exercentes improbum fœnus: l. 20. C. hic. id est, ultra modum: l. 26. §. 1. C. de usur. perjuri: l. 41. ubi Dd. C. de transact. mulier in adulterio deprehensa: in publico lenocinio, aut stupro, turpem vitam viventes, l. 43. pr. & §. fin. de R. N. fœminæ ipso jure, per d. l. 43. §. pen. cum ll. seqq. marces per sententiam damnati: Gl. sing. in l. 12. C. ad l. Iul. de adult. Rom. sing. 825. qui appellando iudici convitium facit; l. 42. de injur. temerè appellat: l. 6. §. ne temerè. l. 19. C. de appell. Siquidem impudentius & cum manifesta injustitia Magistratum fatiget. Alioqui enim ei mulcta irrogatur. l. 5. C. quor. appell. l. 6. §. 4. C. de appell. Iudex, qui pœnam aut graviolem aut mitiorem ordinariâ, citra causam imponit, l. servos. in fin. de vi publ. aut munera ob judicandum accipit: l. iudices. C. de dignit. qui pupillam adultam, cujus curam gerit, uxorem sibi vel filio ducit: l. 4. l. 17. C. de excus. tur. qui incestas prohibitasque nuptias contrahit: l. 4. C. de incest. nupt. qui contra juratam transactionem venit: l. 41. C. de transact. qui se in curationem uxoris bonorumque ejus ingerit, neque excusatione utitur: l. 17. C. de excus. tur. qui detrectatores, publicorum munerum functionem subterfugientes, occultant: l. 31. C. de decur. lib. 10. notarius, qui prohibitam alienationem, aut contractum legibus vetitum, conscripsit. c. 1. §. callidis. de prohib. Feud. alie. per Frider. 2. F. 55. vid. alios casus in l. un. C. de his qui pot. l. un. C. de Senatuscons. l. 1. C. de stat. hom. l. 1. C. de sum. Trin. l. 8. C. de hæret. l. 2. C. de ll. &c.*

Ob id, quod quis vincula, aut carcerem, l. 1. C. hic. aut torturam, aut fustigationem passus est, existimationis detrimentum non patitur; non enim cruciatus, sed causa facit infamem. l. 22. hic. l. 14. C. eod.

Debitorum qui bonis cedunt, aut qui creditores effu-

effugiunt, probrosi non sunt ipso jure, *l. 11. C. eod.* Quod bonis cedere etiam boni calamitate aliquā circumventi, quandoque cogantur. Infamiam tamen facti non evitant. *Novel. 135.*

Nec testes, quorum fides & testimonia in judicio reprobantur, infames sunt. *l. 21. hic.*

Probanda infamia dilucidè & plenè, veluti delictum capitale, *l. fin. C. de probat.* nec probationibus privilegiatis, puta jurejurando, satis edocetur. *Inf. in l. admonendi. de jurejur.*

Nec testes infamiam juris probant, nisi ejusmodi causam scientiæ afferant, quæ ostendat, aut lege, aut genere pœnæ, aut sententiâ, labem cuiquam irrogatam esse. *Wes. hic. n. 7.*

Infamis infamia facti, à dignitatibus publicis excluditur: *l. 2. cum ibi not. C. de dign. lib. 12.* & heres institutus, à fratribus præteritis, per querelam inofficiosi testamenti, quasi turpi persona instituta, potest repelli, *l. 27. C. de inoff. test. Bart. & Gl. in l. 1. hic. Bart. l. 3. C. eod.* ejusque testimonium non est omni exceptione majus. *Duar. disp. lib. 2. cap. 22.*

Juris verò infamia inusti, communi usû, intestabiles sunt, *Gl. & Dd. in l. 1. C. de sum. Trin. per l. ob carmen. de testib.* nec cum integris personis, alicujus muneris publici possunt esse participes: *l. 2. ubi Gl. C. de dign. lib. 12. l. un. C. de infam. lib. 10.* puta in postulando, *Gl. in d. l. 2. assidendo, l. 2. de off. assess. judicando, l. 12. §. non autem. de judic. militando. l. 3. C. de re milit. lib. 12. l. 2. §. 4. hic.*

Pœna tamen eos non liberat ab oneribus, quæ etiam honesti sufferre coguntur: *l. 3. §. 2. de muner. ut tutela, l. 1. §. ait Prætor. l. cui eorum. ubi Bart. de postul. arbitrio. Gl. in d. l. 2. C. de dign. lib. 12. per l. 7. de recept. arb. procuratorio. Gl. in d. l. 2. §. fin. Inst. de except.*

Infamia, semel jure imposita, perpetuè durat; *Gl. & Dd. in l. 3. & 4. C. hic. per l. 43. de R. N.* Nisi sit à Principe, ut not. in *l. 10. hic. in l. 1. 3. 4. & fin. C. de sent. pass. & rest.* aut populo non recognoscente superiorem, remissa. *Bart. in l. 1. §. de qua autem. n. 1. & 3. de postul.*

Et

Et dedecus perpetuū adhæret, etiam si pœna tantum temporalis sit imposita, si crimen ipso jure turpitudinem habet annexam.

Legis enim effectus perpetuus est, ut quæ tantum considerat delictum: de quo ubi per sententiam constat, sequitur ex legis ordinatione infamia: quæ nec revocatur amplius; ut nec ipsum delictum cui accedit. *arg. l. in bello. §. factum. de capt. & postl. rev. & sic accipe l. 6. C. hic. l. fin. C. de gener. abolit. l. 43. de R. N.*

Si delictum est punishmentis arbitrariæ, cui non lex pœnam turpitudinis præstituit, sed judex: tunc nota unà cum animadversione durat & extinguitur. *arg. l. 3. & 4. C. hic.*

Quod & obtinet quando certam legis vindictam judex ex probabili causa, & in casu quo potest, facit arbitrariam. *Tiraq. latissimè in tract. de pœn.*

Si durius plectit; censetur dispensasse cum infamia: *l. 6. §. pen. hic. l. 3. de decur.* si levius: *ut est text. in l. 3. C. hic. l. 13. §. 1. de fals. l. 8. de postul. l. 3. de decur.* cum pœnæ tempore dedecus terminabitur.

Cujacio *lib. obs. 7. cap. 19.* ex veteri jure & legibus nota durat perpetuū. Constitutionibus verò Principum post expletionem coercitionis, tempore remittitur.

Vitat infamiam Reus variis modis.

1. Si per procuratorem in judicio famoso se defendat. *Bald. in l. 20. n. 6. C. de procur. Socin. reg. 179. fall. 1. l. 6. §. 1. & seqq. hic.* Ad infamiam enim & condemnatio, & causa seu delictum, requiritur. Alterum in procuratore deest, alterum in domino. *Ant. Fab. in l. 6. §. 2. hic.* Et quia dominus non condemnatur nisi fecte, nec in eum obligatio descendit à procuratore, quæ non in hujus persona prius initium cœpit. *l. 11 ff. de oblig. & act.* Quare infamia quæ non hæsit in persona procuratoris, per eam ad dominum transferri nequit. *Marcus de Mantua sing. 16.*

2. Si pœnam pecuniariam, quæ per sententiam imponi

imponi potest, ante sententiam condemnatoriam latam, *l. 73. de procur. offerat realiter, aut, recipere nolente adversario, apud acta deponat. Iuxta. l. 19. C. de usur. l. 9. C. de solut.*

3. Si ante sententiam paciscatur aut transigat, autoritate judicis impetratâ. *l. 6. §. qui jussu. hic.* Quia confessio ejus fingi non potest, qui parere coactus, aut citra jussum judicis, adhibitâ protestatione, se transigere tantum quod à vexatione litis se redimat. *Iason. in l. 18. n. 3. C. de transact.* Siquidem paratus sit docere, se non pro mala conscientia dedisse, sed studio litis fugiendæ, seu si innocentiam suam probare possit. *arg. l. 18. C. hic. Ant. Fab. 1. l. 5. hic.*

4. Si judex recedat ab ordinaria pœna, & severiorem reo imponat, quam quæ ex lege debeat. *l. 10. §. in personis. de pœn. d. l. 6. l. quid ergo. §. pen. hic. l. 3. & 4. C. eod.* Quasi tum sententia transactum sit, *ut l. 13. ff. l. 4. C. hic. l. 15. ff. ad munic. l. 5. ff. de de surion. l. 10. §. ult. ff. de pœnis.*

5. Si judex expressè reo in sententia existimationem conservet, additâ clausula: Se illud ex justa causa (in sententia expressa, *c. sicut. ubi Dd. de sent. & re jud.*) facere. *Bart. in d. l. quid ergo. §. 8. Bald. & Dd. in l. 3. C. hic.*

6. Si condemnatus, à sententia provocet, & pendente appellatione, det operam, aut pacto, aut solutione, aut alio quovis modo, nè altera sententia subsequatur. *Bald. in d. l. 3. n. 3. & 4.* Quia hæc vis est appellationis ut extinguat judicatum; *l. 1. §. ult. ff. ad SC. Turpill. reducatque negotium ad terminos litis contestatæ.*

7. Si existimationi pristinæ per Principem restituatur. *l. 10. hic. Bald. in d. l. 3. n. 3. & 4. Bart. in d. l. §. fin. de postul.*

De Procuratoribus & Defensoribus.

T I T. III.

PROCURATOR, est qui aliena negotia mandatu domini administrat. *l. 1. hic.*

Constituitur aut universorum bonorum, *l. 60. ff. hic.* (qui universalis, vel generalis, *l. 58. hic.*) aut certæ alicujus rei, vel litis, negotiive, *l. 1. §. 1. hic.* (qui specialis dicitur, *d. l. 58. c. 5. de procur. in 6.*) aut cum libera administrandi potestate. *d. l. 58.*

Alius constituitur in rem alienam, alius in rem suam: qui quidem alienum negotium mandatu domini gerit, sed ad suum tamen emolumentum. *l. 33. §. fin. hic.* Ut est cui dominus aut vendidit, aut quoquo modo actiones cessit. *l. 55. l. 34. hic.* Tamen si hunc æquivocè procuratorem dici & in statutis nomine procuratoris non venire velint Cæsa, Contardus *in l. diffamari. c. 5. num. 162. & seqq.* Giphanius. *ad l. 1. hic.* Nisi statutum sit favorabile, ut vult Vasquius. *2. contr. illustr. 23. n. 10. 11. & c. 39. n. 8. 9.*

Rursus alius est judicialis, qui lites in judicio: alius extrajudicialis, qui negotia curat. *l. 33. hic.*

Et est vel verus procurator, vel falsus: *l. 24. C. eod. l. 19. C. de furt.* qui nullum habet mandatum, aut extinctum, impertinens, insufficiens, secundum Gl. Bart. Bald. Salic. *in d. l. 19. C. de furt. & Ias. in l. licet. n. 4. & 5. C. hic.* Sed hic revera procurator non est, cum mandatum non habeat, aut, quod idem est, nullum.

Constituuntur Procuratores, aut jussu judicis, petentibus; Gl. & Dd. *in l. 1. §. 1. de postul.* Puta secundum Jus hodiernum, quo procuratores sunt ordinarii: non Jus Civile, quo Edictum de postulando ad procuratores non pertinet: aut consensu privatorum & ratificatione, quæ pro mandato est. Gl. & Dd. *in l. 9. C. de neg. gest. Myns. obs. 44. cent. 1.*

Procuratorem constituere potest, omnis (cum Edictum

Edictum hoc prohibitorium sit) qui non prohibetur. *l.43. §.1. hic.*

Prohibetur excommunicatus, *c. fin. Ext. eod.* pupillus, minor, qui curatorem habet, nisi tutore vel curatore authore: *l. 11. C. eod.* si non habet, procuratorem ad extrajudicialia negotia constituere potest: *l.43. §.3. ff. hic.* non ad judicia. *l.54. ff. de reg. jur.*

Nec Syndicus universitatis, tutor, curator, procuratorem ad litem constituunt, ante eam contestatam, (nondum enim sunt domini litis, *d. l. 11. ubi Gl.*) sed tantum ad eam. *l.74. ff. hic. l.11. l.23. C. eod.*

Filius familias procuratorem ad negotia suo nomine recte constituit, non ad lites: exceptis quibusdam casibus, ut actione injuriarum, & similibus: *l.8. ff. hic.* Modò & tum pater absit: *l.8. hic.* Alioqui patris auctoritas est necessaria, nè iudicium sine patris voluntate consistere videatur. *l. ult. §. fin. autem, C. de bon. qua liber.*

Mutus & surdus eo modo procuratores dant, quo dare possunt, ut nutu, vel scriptura. *l.43. ff. hic.* Siquidem casu tales sint facti.

Plures simul agentes aut defendentes, unum procuratorem constituere possunt. Non tamen coheredes, inter se familiæ eriscundæ iudicio contententes: propter adjudicationes & condemnationes, quæ invicem fiunt, ne idem eidem ac sibi ipsi condemnentur. *l.42. §. pen. ff. h. t.*

Procuratores in iudicio dare coguntur, qui per se litigare non possunt: ut illustres, *l.25. & Auth. seq. C. hic.* Puta in causis pecuniariis: criminales enim, excepta injuriarum causa, *l. ult. C. de injur.* per se sustinere compelluntur: *l. 15. C. de accus. Novel. 71. c. 1. minores. l.2. C. de accus.*

Dari in iudicio procuratores non possunt, minores, *l.12. C. eod. ubi las. n. 19. & 20.* Puta in causis in quibus satisfactione opus: quia ob in integrum restitutionem cavere utiliter nequeunt: *l.51. hic. fœminæ, l.18. C. eod.* (nisi litem suam, *l.4. C. hic.* aut patrum, siquidem hi aut absint, aut eos morbus,

aut

aut ætas impediatur, nec quemquam qui agat, habeant: *l. 41. hic.* aut, liberorum, in causis putæ morbi vel absentię; non ætatis: *fac. l. 18. C. eod.* aut etiam mariti captivi & deserti, *dec. Neap. 143. Spec. hic. §. ratione. n. 1. per l. 3. de lib. caus. agant*) milites in aliena causa, *l. 7. l. 8. C. hic. l. 8. §. 2. ff. eod.* Decuriones, alique digniores, *l. 16. l. 34. C. de decur. lib. 10.* servus, *l. 1. & t. t. C. qui leg. pers. stan. in jud. rei causæ capitalis, l. 6. C. hic.* redemptores alienarum litium, *l. 15. C. eod. l. 20. C. mand. excommunicati, c. intelleximus. de jud. fiscus, universitas, aut civitas. l. 3. & t. t. C. ne fisc. vel resp.*

Dari possunt, filiusfamilias major vigintiquinque annis: *l. 8. in pr. ff. hic.* mutus furdus ad negotia: non ad litem: *l. 43. ff. eod.* infames, de jure civili, ad omnem causam. *§. fin. Inst. de except.*

Est enim, eo jure, procuratoris officium onus, ut *Gl. in l. 2. de dignit. lib. 12.* sed voluntarium, & vile. *l. 34. ubi Gl. Bart. C. decur. lib. 10.*

Jure Canonico infames, pro secularibus personis, non Ecclesiasticis, admittuntur. *Panor. in c. imperatorum. n. 9. de jura. calum. Tiraq. in tr. de Nobilit. c. 30. n. 2. & seqq.*

Quia Procurator consensu constituitur, & absens dari poterit, *l. 1. in fin. ff. hic.* dum tamen aut sciat se dari procuratorem, aut constitutionem habeat ratam, *fac. l. 65. ff. hic. Bart. in l. quo enim. §. fin. ff. rem. rat. hab.* Id est, mandatum procuratorium suscipiat. Nec enim mandatum est, quod facit procuratorem, sed mandati susceptio. *l. 22. §. ult. ff. mand.*

Invitus, & qui dissentit, procurator dari nequit. *l. 8. §. 1. ff. hic.*

Unius litis plures procuratores, sed in solidum, aut conjunctim, non per partes, *l. 3. ff. fam. ercisc. l. 38. ff. hic.* dari possunt. *l. 31. §. 1. ff. hic.* Nisi lis sit una plurium personarum, scilicet si vel pluribus debetur quid individuum; ut servitus: vel uni à pluribus. *l. 2. §. 2. l. 72. ff. de verb. oblig.* Nam si individuum, actio dividitur, & plures fiunt lites, *l. 6. C. l. 25. §. 9 ff. fam. ercisc.* proinde plures admittuntur procuratores.

Qui

Qui invitatus iudicium non patitur, idoneus procurator non est, & repudiari potest. *l. 54. ff. hic.*

Coniunctæ personæ pro consanguineis, puta proximis, *fac. l. 35. in princ. hic.* maritus pro uxore, etiam sine mandato, procuratores esse possunt, præstitâ de rato cautione. *l. 40. §. fin. ff. l. 21. C. cod.* Modò non apertè repugnet voluntas eorum pro quibus agunt. *d. l. 40. §. fin.*

Procurator omnibus causis & negotiis adhiberi potest, nisi quæ disertè exceptæ sint. *arg. l. 43. §. 1. hic.*

Excipiuntur eæ causæ, quæ per procuratorem agitari nequeunt: ut sunt iudicia publica, *l. pen. §. fin. ff. de publ. iud. l. 2. 3. & 5. C. de his qui accus. poss.* & non publica, criminalia; & ejusmodi ut poena supra relegationem damnato queat imponi. *l. 1. ff. an per al. caus. app. Dd. in d. l. pen. §. ad crimen.*

Nisi absentiae causa defendatur: *l. 71. ff. hic. Bart. Gl. & Dd. in d. l. 1.* suam suorumque injuriam quis persequatur: *Bart. in l. 42. in pr. ff. hic.* aut actio criminalis civiliter, id est, ad poenam pecuniariam; fisco applicandam; sit instituta. *Bart. in l. 1. & 2. de priv. del. Marant. in Spec. part. 4. dist. 1. n. 51. 57. 58.*

Ubi certa poena petitur, quæ minor sit relegatione, rectè procurator accipitur: *in d. l. 42. ff. hic.* non si poena arbitraria. *Marant. de jud. part. 4. dist. 1. n. 52.* Cum extendi possit usque ad mortem. *com. concl. in l. sacrilegii. ff. ad L. Iul. pec. per Gl. & Dd. in §. in summa. Inst. de injur. Bald. in c. 1. §. injuria. de pact. jur. fir. Bart. in l. fin. ff. ubi pup. educ.*

Constituitur Procurator & expressio consensu, & tacito; ut cum dominus præsens alterum patitur causam suam agere: *l. 18. ff. mand.* aut quando mulier permittit marito suorum negotiorum curam. *l. 21. C. hic. &c.*

Constituitur tam præsens & coram, quam absens: *l. 1. & 2. l. 5. & 6. l. 33. ff. hic.* item vel in præsens, vel in diem, vel ad diem: *l. 3. ff. hic.* vel sub conditione: *d. l. 3.* vel generaliter, vel specialiter:

l. 60.

l. 60. ff. eod. c. generaliter. §. eod. in 6. item cum clausula, Cum libera. hoc est, adjectâ potestate plenâ & liberâ pro domino agendi, faciendi, administrandi ea omnia, quæ cunque in causa dominus ipse agere, facere coram posset. d. l. 60. l. 63. ff. hic. c. 4. §. fin. eod. in 6. Bart. in l. Lucius. ff. mand. l. 58. ff. hic. Gl. in c. per tuas. & in c. ex parte. de arbit. Bald. in l. si procurator. C. hic. & in c. 1. in fin. de pac. Constant.

Extra judicium constitui procurator potest coram notario & testibus: aut, si is haberi nequit, literis, privato, vel publico sigillo consignatis. *l. 65. ubi Bart. ff. hic. Spec. in tit. de proc. §. ratione forme. n. 8. 9.*

In judicio; si dominus mandatum actis insinuat.

De quo cum constat; de rato cavere procurator Actoris non cogitur; *l. un. C. de satisfd. l. 1. ubi Dd. C. hic.* Omnino; si de eo probabiliter dubitetur. *§. si vero in personam. Inst. de satisfd. Gl. & Dd. in d. l. 1. Spec. de procur. §. 1. n. 31.*

Procurator Rei satisfdat judicatum solvi, *l. 6. ff. jud. solv.* si ipse principalis hanc satisfactionem non præstitit. *l. un. C. de satisfd.*

Nec hoc remittitur propter facultates aut dignitates; *l. 51. §. ult. l. 52. & seqq. hic.* Neque idem supervacua cautio exigitur; *contra. l. 14. §. ult. ff. ut legat. nom. cav.* Cum quia inter moras judicii facultatibus labi potest; tum quia quo potentior, eo facilius solutionem detrectare potest. Quod non ita metuendum fidejussoribus datis.

Instrumentum procuratorium continere debet, nomen constituentis, constituti, contra quem, in qua causa, coram quo iudice, & ad quos actus procurator constituatur. *Spec. d. §. ratione. n. 20. per. d. l. 65. hic.*

In eo, talia quæ speciale mandatum requirunt (ut sunt juramentum deferre, referre, præstare, *l. 17. §. fin. de jurej.* transigere, pacisci, petere in integrum restitutionem, & similia. *c. 4. in fin. hic. in 6.)* exprimenda.

Ut & ei inferenda clausula, Ratum haberi, quicquid procurator gesserit. *d. l. 65. ubi Bart. ff. hic.*

Sed stylus illius curiæ, ubi procurator constituitur, servandus est. *l. 34. l. 23. de R. I. l. 6. De evict. Spec. in d. t. de proc. §. ut autem, per tot.*

Qui mandatum procuratorium suscepit, etiam invitatus illud exsequi & absolvere, autoritate Magistratus, non quidem per vim & impressionem, quam semper execratur Magistratus, sed pignori- bus captis & pœnarum cōmunicatione, *l. 43. §. ult. hic. cogitur. l. 8. §. fin. l. 35. §. fin. ff. hic.*

Nisi se justissima de causa excusare possit. Puta valetudinis, necessariæ peregrinationis, inimici- tiarum, quæ postea inter dominum & ipsum sunt exortæ, muneris publicè impositi, aut aliarum occupationum, à quibus non nisi cum damno possit abesse. *d. l. 8. §. fin. cum ll. seqq. l. 18. cum seqq. hic.*

Procurator qui negotium tractare incepit, ipsâ tractatione, postquam res desit esse integra, fit dominus negotii, tam extra, *l. eum. §. 6. de const. pec. Bart. in l. 1. n. 5. C. de sent. & interl.* quam in judicio.

Quare potest omnia agere & facere, ex bona ta- men fide, *l. 35. §. 2. l. 46. §. procurator. ff. hic.* quæ do- minus facere possit. *c. 1. ut lit. non cont.*

Nam ejus factum domino nocet & prodest, *t. t. de confess. in 6. l. 3. ubi Salic. C. hic.* si quid intra fines mandati (quas diligenter custodire debet, *l. 10. C. hic.* nec has egredi potest, *d. l. 10. l. 5. pr. ff. mand.*) gerat vel committat; non, si extra. Nisi dominus, sciens fines mandati cum excedere, passus sit. *l. 27 ff. hic. l. 10. C. eod. Ias. post Bart. in l. un. §. si præ. n. 7. & 8. ff. si quis jus dicent.*

Procuratoris persona eadem esse cum domini persona fingitur: *l. 11. ubi Gl. de doli mal. except.* quanquam alienare, innovare, vel transigere ne- queat; nisi sit cum libera. *l. 63. l. 58. l. 59. l. 60. ff. l. 16. C. hic.*

Datur domino, contra procuratorem, mandati actio: *l. 42. §. 1. ff. hic.* si susceptum negotium ex- equi

equi nolit: *l. 8. ff. hic. l. 8. §. sed et si. ff. mand.* si in officio aliquid detrimenti, per dolum aut negligentiam, intulit: *l. 38. §. 8. De pæn.* si per injuriam, collusionem, adversarium absolvi passus sit: *d. l. 8. §. sed et si.* item, ut rationem omnium, quæ ex mandato & gestu consecutus est, sive justè sive injustè, *l. 46. §. 4. ff. hic.* reddat, quæsitæque cedat actiones. *d. l. 8. §. fin. cum ll. seqq. ff. mand.*

Procuratori in dominum datur ex mandato actio contraria: *d. l. 42. §. 2. l. 46. §. item. ff. hic.* ut si quid præstitit ex mandato, nomine domini, id consequatur. *l. 31. l. 46. §. procurator. & §. pen. ff. hic.*

Si quid profusè & non necessariò consumpsit, ejus sumptus in hoc contrario judicio non habetur ratio. *d. l. 46. §. 4.*

Potest procurator retentione rerum quæsitarum uti: nec ante rationes reddere tenetur, quam illi planè sit à domino satisfactum. *l. 25. in fin. cum l. seqq. ff. hic.*

Procurator constitutus ad prosequendum judicium petitorium, videtur etiam constitutus ad exercenda judicia præparatoria & possessoria. *text. in l. 56. l. 62. ff. hic.*

Nam cum aliquid mandatur, omnia intelliguntur injungi, sine quibus commodè ad exitum res mandata perducere nequit. *l. 2. De jurisd.* Posito enim consequente; ponuntur, ut aiunt Philosophi, necessaria antecedentia.

Sic datus procurator ad agendum, videtur etiam datus ad defendendum. *l. 15. in fin. ff. hic.*

Omnibus causis præpositus, etiam datus futuris, non tamen criminalibus, *Spec. d. 1. de proc. §. ratione forme. n. 8. & 9.* aut facta donandi potestas, *l. 4. C. de novat. Dd. in l. 12. C. de pact.* intelligitur.

Cum procuratores plures simul dantur, alter sine altero agere non potest; nisi fuerit aliter cautum. *c. si duo. 6. hic. in 6. Myns. obs. 47. c. 1.*

Si procurator speciale & generale mandatum habet, posterius derogat priori: *arg. l. 12. C. de pact. aut.*

si eodem tempore data, speciale præfertur generali.
c. non injustè. de proc. Spec. eod. §. n. 13.

Si quid obscuritatis in mandato, interpretatio à procuratore contra dominum est faciendâ: huic enim imputandum, quod legem instrumenti non dixerit apertius. *jux. reg. l. 39. De pact. l. 21. De cont. emt.*

Dominus, quandiu res est integra, tam extra judicium, quam in judicio, procuratori inchoandi negotii potestatem rectè prævertit & adimit.

Postquam verò lis cœpta est, non; §. *item si. Inst. mand.* nisi ex justis causis revocare mandatum potest. *l. 17 §. hic.* Quia per litis contestationem procurator fit dominus litis; *l. 22. cum l. seq. C. hic.* & ex eo ejus interest, ne sine eausa mutetur, cum ea mutatio ipsius pudorem & existimationem quodammodo oneret. *l. 25. hic.*

Justæ causæ sunt, ætas procuratoris minus apta negotiis, valetudo, occupationes, & reliqua impedimenta, quibus dominus ita distringi procuratorem animadvertat, ut suis negotiis commodè præesse nequeat: *d. l. 17. cum mult. ll. seqq.* item & suspiciones, propter quas probabiliter opinatur procuratorem suis rebus minus utilem affectumque esse: ut sunt inimicitie, affinitates, aut amicitie cum adversario contractæ. *l. 21. cum mult. ll. seqq. ff. hic.*

.. Finita instantia, & finitur mandatum. Nec enim cogitur procurator in secunda instantia operam præbere. *l. 17. ubi Dd. C. eod.*

Non ergò tenetur, ut quidam Doctores volunt, ut appellare, ita & appellationem persequi. Quia persecutio non est de appendiciis & connexis primæ instantiæ. *teste Paulo de Castro in d. l. 17. num. 4. & 5.*

Et procurator, juste domino nuncium mittit, si hic solvendo esse desiit, aut bona ejus à creditoribus possidentur, ne fortè in damnum incidat. *l. 35. §. fin. ff. hic.*

Revocatur etiam mandatum tacitè ex sola fortunæ procuratoris mutatione ac calamitate. *l. 38.*

in pr. ubi Bart. l. 82. ubi Bart. n. 1. De solut. Bald. in l. mandatum. n. 19. C. mand. Siquidem mandatum sit diffusum, & procuratori sit permiffa alienandi facultas, &c. Alias non. Bachov. in not. ad Wesemb. hic.

Solvitur & mandatum morte; domini, re integra; nec obligatus est heredibus procurator: l. 15. ff. hic. l. 26. l. 34. §. fin. ff. mand. procuratoris, etiam re non integra. l. 57. de jud. l. 27. §. qui mand. ff. mand.

Nec enim ad heredes transit; quod electa videatur personæ industria. l. un. §. ubi autem. C. de caduc. toll.

Adversantur & constitutioni procuratoris exceptiones dilatoriæ, ante litem contestatam obijciendæ. l. 13. ubi Dd. C. hic.

Tales sunt: si allegatur, falsum, aut dolo, vel errore, vel metu expressum mandatum esse: constituentem jus non habere: l. neque C. eod. procuratorem causam non intelligere, nec commodè tractare posse: l. 29. ff. eod. Spec. eod. §. ratione igitur sui. n. 35. nec procuratorem esse posse: causam, quæ agitur, procuratorem non admittere; aliud mandatum requirere: mandatum esse insufficiens: non ritè, aut plenè, aut non authentice sigillatum esse: l. 22. ubi Bald. C. de Episc. & Cler. aut non debita forma ad judicem vel adversarium transmissum: juxta. l. 65. ff. hic. Spec. d. §. ratione a. firma. aut revocatum, vel aliqua in parte mutatum esse mutilatumque. l. 16. cum seq. ff. hic. &c.

Defendere est, judicium Rei nomine suscipere, & eandem vicem subire, quam reus subiturus esset. l. 35. §. 3. l. 8. ff. hic.

Quidam defendunt necessariò, quidam spontaneè. l. 31. §. litem. de neg. gest. l. tutori. C. eod.

Necessariò, qui alieno nomine agunt. l. 33. §. pen. & fin. ff. hic. Ne alioqui melioris conditionis sint qui per alios agunt, quam qui per se ipsos.

Ut enim principalis dominus agens, non haberet excusationem reconventus, quin se defendere cogeretur: l. 2. §. 5. vers. sed & si. De judic. l. 14. C. de sentent. ita nec procurator habet, qui loco domini est. l. 39. §. 1. ff. hic.

Spontè quilibet potest defendere, dummodò personam standi legitimam in iudicio habeat.

Publicè enim interest, cunctos, etiam ignorantes, defendi: *l. 33. §. publice ff. hic. ne ignari damnari faciant. l. 1. §. fin. ff. quod cuiusque univ.*

Invitus qui defendere cogitur, is omnium actionum, quæ intentantur, nomine, se ad defensionem offerre debet: *l. 37. l. 35. l. 39. ff. hic. sed non alio loco quam ubi agit. d. l. 35. §. 2. l. 54. ff. eod.*

Qui ultrò ad defendendum accessit, non aliam subire cogitur disputationem, quam quæ ab illo voluntariè fuit suscepta. *l. 46. §. 1. ff. eod.* Sufficit enim si cui vel in paucis amici labore consulatur. *l. 20. C. de negot. gest.*

Nec ob id incommodo ullo actor afficitur. Dominus enim plurium rerum nomine plures planeque separatas actiones exercet, non autem unam quæ sit individua plurium rerum nomine; hoc enim casu non potest scindi defensio: *l. 3. §. pen. ff. judic. solvi.* Ponimus item in solidum defendi eam rem pro qua defensor iudicium accipere sit paratus. Nam si vellet pro parte defendere, non audiretur, quia nec videtur boni viri arbitrato defensa res, quæ non in solidum defensa sit. *l. 17. ff. rem rat. hab. l. 3. §. ult. ff. rer. amot. l. 23. ff. de damn. infect. l. 139. ff. de verb. oblig.*

Defendere defensor boni viri arbitrato debet, *l. pen. ff. eod. & satisfacere, d. l. 35. §. 3. hic. iudicatum solvi. ibid. Gl. & Dd.*

Rem ratam habiturum dominum, cavere debet, qui sine mandato agit, ut conjuncta persona, & qui non agens, citra mandatum se ad defensionem offert. *l. 40. §. 2. ff. eod.*

Debet & defensor iudicium ex bona fide suscipere, & omnia quæ dominus in iudicio factururus erat, quæque diligentem procuratorem facere par est, obire. *d. l. 35. §. 3. & §. prætor. cum ll. seqq. ff. eod.*

*Quod cujusque universitatis nomine, vel
contra eam agatur.*

T I T. IV.

PROCURATORES Universitatum & Collegiorum, Syndici, Actores, & *Εκδικοι*, appellantur.

Universitas, dicitur hominum in civili societate viventium communitas. *Ang. & Fab. in §. universitatis. Inst. de rer. div.*

Collegia à simul legendo, quia plures in unum corpus colliguntur, dicta sunt.

Nec enim unus constituit collegium, quamvis retineat; *l. 7. §. fin. ff. h. c.* sed plures, & non pauciores quam tres. *l. 85. ff. de V. S.*

Regulariter collegia in jure sunt prohibita, *t. t. De colleg. illic.* ut & privata conventicula, *l. 15. C. de Episc. & Cler.* Exceptis iis quæ lex vel Princeps bono publico vel constituit, vel patitur & permittit.

Hæc formam quandam habent parvæ universitatis.

Nam sicut universitas, ita & collegium perpetuò durat, quoad persona superest: *l. 76. De jud. l. 7. §. 2. ff. h. c.* & habent communia jura: ut privilegia, statuta, & pecuniam, arcas communes, & Syndicos atque actores, perinde ac quælibet universitas. *ut in l. 1. ff. h. c. in l. 1. De colleg. illic.*

Syndicus, est propriè procurator universitatis, qui communi mandato causas & lites universitatis in judicio persequitur & administrat. *l. 1. ff. h. c.*

Εκδικοι, sunt, qui causas reipublicæ tractant criminales, & exigunt multas ac pœnas universitati debitas. *Alciat. ad l. 12. C. de transact.*

Actor, est procurator specialis, qui ad unam tantum causam, vel plures, impedito forte Syndico, constituitur. *Gl. in d. l. 1. ad verb. Syndicum. ff. h. c.*

Sed in hac materia procuratorum publicorum sæpe Actor pro Syndico, & è diverso ponitur. *l. 1. §. 1. ff. h. c. l. 74. De procur.*

Administrator universitatis propriè dicitur, qui præest ejus pecuniæ, aliaque negotia eò pertinentia tractat. *l. 1. De adm. rer. ad civ. pert.*

Curator, qui alia negotia civitatis extrajudicialia persequitur.

Subcurator, qui curator substituitur. *l. 30. ff. de neg. gest.*

Servus publicus dicitur, qui judiciis inservit: ut sunt scribæ publici, actuarii hodie dicti. *l. fin. ubi Dd. ff. hic. l. non aliter. cum ll. seqq. De adopt.*

A lege constituitur Syndicus, cum majorem natu, aut peritia potiozem, aut alium ex certo ordine certave familia hominum, *l. 3. ff. hic. constitui jubet.*

Eâ deficiente, ab universitate, aut tota, aut majore ejus parte, computatis etiam iis qui domo absumunt. *d. l. 3. l. quod major. ff. ad munic. l. 2. De decr. ab ord. fac.*

Omnes tamen citandi sunt; *Bart. in l. nulli. 2. n. 8. ff. hic. per l. 2. C. de decur. lib. 10.* modò jus suffragiorum habeant. *Spec. de synd. n. 3. 4.*

Si aliqui emanent, præsentem possunt actum perficere. *Bart. in l. 3. n. 3. De alb. scrib. per Auth. si omnes. C. si min. ab hered. se abst.*

In parvis universitatibus, omnium nomina instrumeto Syndicatus sunt consignanda: non in magnis; *Bart. in l. 1. in pr. de alb. scrib. Spec. de synd. circ. pr. per text. in l. fin. C. de legat. lib. 10.* nisi ad alienandum syndicus constituatur. *l. fin. C. de vend. rer. civ. lib. 11. c. fin. de proc.*

Constituatur & Syndicus ab Ordine Decurionum; *l. 3. l. 6. in pr. & §. si decuriones. ff. hic. vel his quibus ea res ab ordine est commissa. Bart. in l. 6. §. 1. ff. hic.*

Magistratus enim jus populi exercet. *l. 9. De ll. l. 2. §. 9. ff. de orig. jur.*

Eligi Syndicus debet ex corpore & ordine Decurionum, si quidem idoneus inde desumi potest: *l. 4. ff. hic. Gl. & Bart. in l. in Eccl. C. de Episc. & cler. cæteroqui ex ipsa universitate. Præsumitur enim majore fide & studio communitatis suæ causas acturus,*

rus, quam quisvis extraneus. *c. un. Ext. de Synd. d. l. 4. ff. hic.*

Qui, si ne in ipsa quidem universitate quisquam idoneus reperiatur, in syndicum eligi potest. *Spec. in d. t. de synd. n. 20. per c. in pertractandis. 3. de juram. calum.*

Idonei esse putantur literati, & causarum rerumque intelligentes ac periti. *Bald. & Panorm. in d. c. in pertractandis. in pr.*

Potest quis sumi ex illorum ordine, quibus potestas eligendi data. *l. 4. ff. hic.*

Si tamen uni hæc electio commissæ, ipse se constituere & nominare non potest: *l. præses. ff. de off. præf. Accurs. Bart. in d. l. 4.* Eò enim suspectus est, quod sese spontè ingerit. *l. 25. in pr. ff. de procur.*

Constituuntur Syndici, aut unus, aut plures, plerumque duo aut tres.

Qui singuli in solidum videntur creati, licet id instrumento non sit expressum. *Castr. & Alex. in l. 1. §. 1. ff. hic. Bald. in c. 1. §. privilegia. de pac. Const.*

Qui procuratores esse possunt, hi & Syndici: & qui prohibentur procuratores esse, nec Syndicatum exercere possunt.

Syndicatus, est publicum munus: ideò & nolentibus imponitur. *Spec. de Synd. in pr.*

Universitatis causam nemo agere potest præter Syndicum: *l. 2. ff. hic.* defendi tamen universitas à quolibet, non (ut vult Wesembecius hic) cautionem de rato, (Eam enim non defensor, sed actoris procurator, præstat,) sed de iudicatum solvendo, offerente, potest. *l. 1. §. fin. ff. eod.*

Syndicus dari potest ad omnia negotia, omnesque causas Reipublicæ: *l. fin. ff. hic. Bart. in l. 1. De alb. srib. civiles, criminales, Distinct. Bart. in l. aut facta. §. nonnunquam. ff. de pæn. sed cum mandato speciali: vid. Bart. in l. 2. §. fin. De accus. Bald. in l. Polla. C. de hijs quib. ut ind. etiam hodie, non olim, futuras: l. 6. §. 1. vers. sed si. ff. hic. & contra superiorem. Spec. d. tit. de Synd. n. 19. per c. cum Eccles. de election.*

In constituendo Syndico, potissimum usitata consuetudo attendenda est. *l. 6. in pr. ubi Gl. & Bald. ff. hic.*

Quæ si deest, forma juris servanda: nempe ut omnes qui constituere debent, convocentur in locum aliquem publicum, *l. 2. C. de decur. lib. 10. l. pen. C. de legat. lib. 10.* uno eodemque tempore, *d. l. 2. Bart. in l. nulli. 3. n. 8. ff. hic.* per signum usitatum, *Spec. d. t. de Synd. n. 16.*

Nec potest hæc suffragatio dividi, aut per rati- habitationem absentium suppleri; *l. fin. C. de præd. decur. lib. 10. Spec. d. loc. n. 2.* quamvis confirmatio superioris, ex intervallo subsequi possit. *Spec. d. loc. n. 17. & 18.*

Electo Syndico, instrumentum ea super re est conficiendum.

Quo consignandum, non modò legitimè lectum esse Syndicum, sed majorem quoque partem universitatis in electione adfuisse. *Spec. d. tit. n. 10. Bart. in l. 1. de alb. scrib.*

Nomina omnium constituentium exprimi, & auctoritatem superioris adhiberi, non necessarium: sed tutius, si fieri potest. *Specul. d. t. n. 9. & 11. per l. 1. de alb. scrib. Auth. præsidet. C. de episc. aud. Bart. in d. l. 1. n. 2. & 3.*

Syndicus ad certum constitui tempus potest, quo elapso, diutius cogi nequit. *Ias. in l. neque. 11. C. de procur. & Dd. in l. 3. De proc.*

Syndicus regulariter ad satisfaciendum, cautionem- que præstandam, non urgetur: nisi cum de syndica- tu & mandato probabiliter dubitari potest. *Gl. in l. item. 6. §. fin. ad verb. de rato. ff. hic.*

Non enim æquum est, Syndicum, velut perso- nam publicam, aliquâ satisfactione onerari: præ- sertim, cum universitas, cujus causas agit, sem- per præsumatur esse solvendo. *fac. l. 1. ff. ut legat. nom.*

Syndicus omnia agit, quæ universitas agere po- test: etiam juramentum deferre ac præstare nomine universitatis non prohibetur. *Gl. in d. l. item. 6. §. fin. ad verb. de rato.*

Cum intelligatur semper cum libera constitui potestate, etiamsi hoc non sit expressum. *Inf. in l. preses. 12. n. 7. C. de transact. Alex. cons. 22. n. 11. vol. 1.*

Tutius tamen speciale mandatum dari, *vid. Bald. in l. Polla. C. de his quib. ut ind. in his quæ illud requirunt.*

Debet Syndicus non rem privatam aut singulorum, sed tantummodo communem sibi commissam accurare. *l. 2. ff. hic.* Quia non habetur quasi ab omnibus & singulis ex universitate sit datus; sed tanquam ab uno corpore universitatis, collectivè scilicet, non distributive considerato. Non enim qui dicit universitatem, dicit singulos, nec contra qui singulos dicit, universitatem. *l. 7. §. 1. hic. l. 76. ff. de judic. l. 30. ff. de usurp. & usuc.*

Ei opponitur; Duas partes in constituendo non adfuisse: *Spec. d. tit. de Synd. n. 11.* Ipsum ineptum & inhabilem esse; *l. 1. §. 2. ff. hic.* vitium esse in forma Syndicatus.

Non vitiatur Syndicatus, si error tantum sit in verbis, non re ipsa. *Spec. d. tit. n. 11. Bart. in l. 1. §. quibus. n. 3. ff. hic.*

Verba enim instrumentorum potius improprianda sunt, quam ut actus rectè gestus annihilatur. *l. 21. ubi Bart. & Dd. C. de locat. l. si uno. in pr. ff. eod.*

Opponendæ exceptiones Syndico sunt, in modum dilatoriarum, ante litem contestatam. *ita Spec. d. tit. n. 11. & 12. per l. 13. C. de proc.*

Finitur Syndicatus iisdem prope modis quibus mandatum procuratorium: puta morte Syndici, non constituentium: quia communitas semper perdurare intelligitur: *l. 7. §. fin. ff. hic. l. 56. De usuf. item revocatione; l. 6. §. fin. ff. hic.* totius universitatis, vel majoris partis. *Bart. in d. l. item. §. quid si actor. per l. 50. De acq. hered. c. presentium. 2. de testib. in 6.*

De Negotiis gestis.

TIT. V.

Qui negotia alterius sine mandato spontè gerit, dicitur negotiorum gestor.

De quo extat Edictum Prætoris, in hæc verba conceptum. *Si quis negotia alterius, sive negotia, quæ cujusque, cum is moreretur, fuerint, gesserit: judicium eo nomine dabo.* l. 3. ff. hic.

Ex hoc Edicto non solum datur actio prætoris, arg. l. 47. & l. 3. in pr. ubi Gl. ff. eod. bonæ fidei, l. 7. l. 38. ff. eod. ex quasi contractu; l. 5. De O. & A. sed & compensationis exceptio. d. l. 3. §. 4. l. 8. §. 2. hic. Nam cum ad hoc sint comparatæ compensationes, quod interfit nostra non solvere potius, quam solutum repetere; l. 3. ff. de compens. l. 15. ff. de fidejuss. quidni poterit compensari quod etiam actione negotiorum gestorum peti potest? Si quidem longe facilius est ut retentionem quis habeat & exceptionem, qualis est compensatio; quam actionem. l. 156. §. 1. De R. I.

Competit actio iis quorum negotium esse gestum interfuit; d. l. 46. ff. hic. sive principaliter, sive in consequentiam. l. 6. l. 4. ff. hic.

Dividitur in directam & utilem. l. 47. §. 1. ff. eod.

Directa negotiorum gestorum actio est ea; quæ competit non solum ex verbis & mente certa Edicti, sed etiam in eum quem sibi gestor obligare voluit: Utilis verò non tam quæ inducitur per interpretationem voluntatis, quam quæ ex necessitate, & in subsidium alterius actionis ex sola æquitate, & ob eam duntaxat causam: ne alioqui is versetur in damno qui gessit. ut in specie l. 19. §. si libero. l. 45. §. ult. l. 29. ff. hic. junct. l. 24. ff. de tur. & rat. distr. h.

Illà datur ex verbis Edicti: hæc ex interpretatione: ut si quis non spontè, sed necessitate, coactus, vid. l. 29. ff. eod. vel necessitatis suspitione, gessit: (ut qui falsò existimat se mandatum curamve suscepisse,

cepisse. *l. 17. C. eod.* vel justam servitutem mandanti servire. *l. 19. ff. eod.*) aut ea gessit, quæ post mortem rebus hæreditariis accesserunt. *l. 3. §. 6. vers. sed si quid. ff. eod.*

Quæ effectu eadem est cum actione directa. *l. antep. ff. eod.*

Directa datur domino cujus negotium, licet alterius contemplatione, *l. 5. §. 1. hic.* gestum est, ad quem præcipuè tota gestio pertinet.

Quâ postulatur, ut actus sui rationem gestor reddat, *l. 3. ff. hic.* & eo nomine condemnetur id, quod vel non gessit, si gerere debuit, *l. 21. §. 2. ff. l. 20. C. hic.* vel non ut oportuit gessit: puta dolo, *l. 6. §. 3. ff. eod.* aut culpâ, quamvis levi: *d. l. 6. §. fin. cum ll. seqq. l. 20. C. eod.* Non levissima; *l. 11. ff. l. 20. l. 22. C. eod. vid. Arum. exercit. 15. thes. 1.*

De casu & inopinato eventu non tenetur, sed sufficit utiliter inchoasse; *l. 10. §. 1. ff. eod.* nisi in culpa hæreat. *l. 11. ff. eod.*

In culpa herere intelligitur, cum novum negotium gessit, quod dominus facere non solebat. *l. 10. §. 1. vers. sed istam. ff. hic.*

Venit & id in hanc actionem, ut gestor restituat, quicquid ex gestu, quocunque modo, acquisitum, *l. 3. §. 2. hic.* unâ cum usuris, *l. 19. §. 4. l. 31. §. 3. l. 37. §. 1. ff. hic.* & fructibus. *d. l. 8. §. 1.*

Contrariam actionem dat Prætor gestori: qui utiliter, *l. 2. ff. hic.* & non donandi animo, *l. 44. ff. l. 1. l. 15. C. hic.* gessit: (quamvis conventus compensationis exceptione uti possit: *l. 3. §. 4. l. 8. §. 2. ff. hic.*) quâ consequetur quicquid necessariò & utiliter, *l. 2. l. 45. ff. eod.* non voluptatis causa; *l. 29. ff. eod.* impendit, vel amisit, ratione gestionis: item ut liberetur ab obligatione: ut indemnitas rerum administratarum, & quicquid abest, vel eo nomine ab futurum est, præstetur. *d. l. 2. in fin. l. 19. §. pen. cum ll. seqq. l. 23. l. 31. §. 4. l. 45. ff. eod.*

De his hoc accipe, quæ sine culpa, *l. 22. ff. hic.* utiliter accurantur, quamvis eventus non respondeat. *l. 10. §. 1. cum seqq. ff. eod.*

Est enim (ut dictum) bonæ fidei hæc actio. *l. 7. ff. eod.*

Utilitas non ex opinione gerentis, sed ex illius cujus negotia gesta sunt, metiri debet. *d. l. 10. §. 1. vers. sed istam.*

Cessat hæc actio. Si quid post domini prohibitionem gesserit; *l. ult. C. hic.* Si pietate ductus gesserit, & sumptus, animo nè repeteret, fecerit: *l. 44. l. 34. hic.* Si lucri sui causâ negotium gesserit. *l. 5. §. sed si quis. eod.*

Habet tamen hic actionem contrariam in quantum dominus locupletior est factus; non ut ultrò eam exercere possit, si is non negat, (Nec enim hoc ei est permittendum; neque novum est, ut non possit ultrò agere is qui conventus agere possit; *l. 10. in princ. ff. hic.* licet contrariarum actionum omnium alia soleat esse natura. *l. 17. §. 1. ff. commod. l. 1. in fin. ff. de contr. & util. tut. act.*) sed potius ut à me conventus possit vicissim me reconvenire; ut se tueatur exceptionis quodammodo & compensationis cujusdam magis, quam actionis jure. *quod indicant in d. l. 6 §. 3. ff. hic. verba illa, ipso tamen.*

De Calumniatoribus.

T I T. V I.

Calumniari in Criminalibus, est falsa crimina intentare, *l. 1. §. 1. ff. ad SC. Turp. in Civilibus,* per mendacium & calumniam agere vel excipere, ad negotium alicui malitiosè faciendum. *2. r. C. de jurejur. propt. cal. Paul. lib. 1. sent. c. 5.*

Calumniator ergò alibi appellatur, qui falsa crimina sciens intendit. *l. 1. §. 1. ad. SC. Turp.*

In hoc edicto is dicitur, qui pecuniam, ut alicui negotium faceret, vel non faceret, accepit. *Paul. d. c. 5. l. 1. & l. pen. ff. hic.*

Nam quocunque modo quis deceptus est: hoc est, non transigendo, sed sordidis concussionibus, pecuniam accepit, ut calumniosa lite abstinere, hoc edicto comprehenditur. *l. 1. §. pen. l. 2. l. 3. ff. eod.*

In hunc intra annum in quadruplum ejus pecuniæ quam accepisse dicetur, post annum in simplicum,

plum, in factum actio competit, *d. l. 1. in pr.* Scilicet subsidiaria; quam Prætor inducit ex facto ipso; Nulla enim Jure Civili actio in hanc rem comparata est.

Et cum accepit; sive negotium deinde fecit, sive non fecit, tenetur. *l. 3. §. 1. ff. eod.*

Habet hoc judicium non tantum in pecuniariis causis locum, sed etiam in criminalibus. *d. l. 1. §. 1.*

Datur ei, propter quem datum est, ut calumnia ei fieret: *d. l. 3. §. illud.* illi qui dedit ne fieret, & cuius nomine datum. *l. 7. ff. eod.*

Heredi, non competit; quia sufficere ei debet, quod pecuniam à defuncto datam potest conditione ob turpem causam repetere. *l. 4. ff. eod.*

In heredem in id datur, quod ad eum pervenit. *l. 5. ff. eod.* Scelere enim alieno ditari non debet. *l. 38. §. de reg. jur.*

Ex constitutione Imperatoria is qui Judici, vel adversario pecuniam dedit, causâ, si eam habet justam, cadit. *l. 1. §. 3. hic. l. 1. C. de pæn. jud. qui mal. jud.*

Sed distinctio hic est adhibenda; puta an bona fide & non per calumniam transigendi animo quis pecuniam dederit, an vero transactionis præteritus sit quæsitus ad calumniam. Nec enim licitis transactionibus est interdictum, sed sordidis concussionibus. *l. 1. §. 3. hic.*

Tenantur & Calumniatores, pœnâ talionis, *l. fin. ubi Gl. & t. t. C. hic.* lege Juliâ repetundarum, *l. 1. §. 1. hic. l. lex Julia. §. ult. ff. ad l. Iul. rep. judicio concussionis, l. 1. & 2. ff. de concuss. de falsis: l. 1. §. 1. ff. ad l. Corn. de falsi;* atque variè pro modo & varietate delicti plectuntur. *l. ult. C. hic. l. 1. §. calumniatoribus. ff. ad SC. Turpil.*

DIGESTORVM

LIBER IV.

De in integrum restitutionibus.

TIT. I.

SOlet interdum, qui in iudicium vocatur, (olim à Prætore, *tot. hoc. tit.* jure novissimo, à quolibet Magistratu ordinario, *l. fin. ubi & apud quem. Bart. in l. in causa. 16. §. nunc. 5. De minor.*) petere in integrum restitutionem: quod vel metu compulsus, vel dolo adversarii, aut ætatis lapsu circumscriptus, vel absentia, vel status mutatione, vel justo errore, aut alia de causa, quæ excusationem mereatur, in captionem incidisse se dicat. *l. 7. ff. hic.*

Quæ causa, si adhibitâ cognitione justa esse videbitur, *l. 3. ff. hic.* & res majoris sit momenti, (nam propter minimam summam audiendus non est, qui contra jus civile petit in integrum restitui; ne majori rei vel summæ præjudicetur. *l. 4. ff. eod.*) æquum est Prætorem ita læsis, *l. 1. & 2. ff. eod.* etiam eorum hæredibus subvenire: *l. 6. ff. eod.* quamvis ex conventionem, aut alio juris vinculo teneantur.

Restituit qui in integrum statum reducit. *l. 75. De V. S. l. 2. §. 35. & seqq. ff. ne quid in loc. public.*

Restitutio, est redintegrandæ rei, puta perfectæ, id est, datæ; vel causæ, puta rei promissæ: *l. 9. §. 3. quod met. caus. actio. Paul. in lib. 1. sent. 7. in pr. qui eam considerat, quatenus petitur. vel est, sec. Isid. l. 5. Erym. c. 15. considerantem eam, quatenus a magistratu conceditur, causæ vel rei reparatio.*

Tribuitur vel extraordinariâ Prætoris cognitione, ut ex titulo de minoribus. *l. 24. §. ult. De minor. vel datâ actione, ut quod metus causa. l. 9. §. pen. l. 14. §. 1. & §. 4. ff. quod met. caus.*

Proponenda est intra tempora legitima, *l. 6. ff. hic. l. fin. C. de temp. in int. rest. ut causâ plenè cognitâ*

gnitâ & probatâ, vid. *Myns. obs.* 48. & 49. 52. cent. 1. citatisque partibus, l. 3. l. fin. ff. hic. fiat.

Postulari eo in loco debet, ubi reus domicilium habet. l. 2. l. 16. C. ubi & apud quem.

A Judice qui vel propriam, vel mandatam habeat jurisdictionem. l. 3. C. eod.

Is eam plus quam semel decernere non debet. *Paul. d. lib. 1. sent. 7.*

Quod metus causa gestum erit.

T I T. II.

A It' Prætor: *Quod metus causa gestum erit, ratum non habeo.* l. 1. hic.

Quo extraordinario Prætoris auxilio opus fuit: quia de jure civili contractus vi metuve factus, (eum eo jure etiam vi metuve coactus, consentiat. l. 21. §. pen. ff. hic. Nam coactus velle & nolle retinet, ac ejus quod geritur principium in illius potestate est constitutum. *Loriot. ad l. 3. ff. de reg. jur.*) tanquam consensu initus, valebat, nec de eo quicquam antiquis legibus cautum erat.

In spiritualibus vi metuve gesta pro nullis habentur. *Auth. sacramenta puberum, ubi Ias. n. 5. & 43. C. si adver. ven. Hippol. sing. 347. Guid. Papa. sing. 969.*

Vis, est majoris rei impetus, qui repelli non potest. l. 2. hic.

Qui eam infert, & metum facit: l. 1. in fin. hic. Vis enim corpori intentata semper metum animo incutit. l. 7. l. 8. hic. Idem vim clausula metus continet. l. 3. ff. eod.

Vim accipimus, quæ adversus bonos mores fit; non eam quam magistratus, jure licito, infert. d. l. 3. l. 29. §. pen. ff. ad l. Aquil. Quia ea injuriam non habet. l. 13. §. 1. de injur.

Metum, in hoc Edicto, tantum justum, id est, non vni hominis, l. 6. hic. l. 13. in pr. ff. de re jud. sed majoris mali, l. 5. hic. intelligimus, præsentem, l. 9. ff. hic. & qui in hominem constantissimum, à formidine objectorum, cadit; l. 5. 6. ff. eod. ut vitæ, l. 7.

l. 7. 8. 9. ff. l. 9. C. eod. cruciatus corporis, *l. 4. C. eod.* & status, *l. 4. l. 8. ff. hic.* servitutis, *d. l. 8.* fortunarum, *Bart. in l. pen. n. 5. De cond. ob turp. caus.* pudoris & infamiae realis, *d. l. 8. §. 2.* vinculorum, & carceris, *l. 7. l. 8. hic.* illiciti & privati; non publici; *l. 3. l. 21. ff. hic. l. 10. C. eod.* nisi indignè incarcerationetur. *Bart. in l. qui neque. §. solutum. De V. S. Hipp. sing. 177.*

Non interest, in se quis hæc vereatur, an in conjugē, & liberis. *d. l. 8. in fin.*

Si tamen constaret, metu levi & vano factum quid esse, crediderim restitutioni, saltem ex officio judicis, locum fore. *Bart. & Bald. in fin. Cast. & Dd. in l. interpositas. 14. C. de transact.*

Metus enim ex personæ cujusque qualitate, rerumque circumstantiis æstimandus. *Dec. in l. in omnibus. 39. n. 3. De R. I.*

Cum alii aliis sint timidiore, & naturâ mulieres facilius commoveantur quam viri: eoque & ex leviori metu restituantur, *c. cum locum. ubi Gl. de sponsal. Ias. & Dd. in d. l. interpositas. Roman. sing. 226.*

Metus tamen reverentialis in hoc Edicto non venit: *l. 8. l. fin. l. 6. C. hic.* Nisi accedat alia impressio & violentia. *l. pen. l. fin. C. eod.*

Solius potentiae, dignitatisque timor, non suffecerit, *d. l. 6.* nec minarum; *l. 9. C. eod.* nisi sint ab eo qui exequi solet, jactatae. *l. 7. l. pen. C. hic. Gl. & Dd. in d. l. 9.*

Datur ex hoc Edicto, metum passio, actio & exceptio quod metus causa; siue res perfecta sit, siue imperfecta. *l. 9. §. 3. ff. hic.*

Dat & Prætor volenti pristinam actionem, quæ ante metum illatum competebat. *d. l. 9. §. 4.* Sed rescissâ antea per in integrum restitutionem traditione & alienatione. Et restitutâ actione agens, petit tantum quod ex ea olim competebat, antequam amitteret, non autem quadruplum. *Duar. hic. cap. 1.*

Unâ tamen electâ, altera consumitur. *d. l. 9. §. 6.*

Exigit

Exigit hæc actio damnum, *l. 12. §. ult. ff. hic. nec datur ei cui nihil abest. l. 14. in pr. ff. eod.*

Et, cum in rem, id est, adversus rem gestam, scripta sit, non solum adversus eum qui metum intulit, sed etiam contra quemlibet, qui inde commodum sensit, datur: *l. 9. §. fin. cum ll. seqq. ff. eod.* etsi crimine careat. *d. l. 14. §. 3.*

Datur intra annum in quadruplum; post annum in simplum; sed tum causâ cognitâ, hoc est, si alia actio non sit. *d. l. 14. §. 1. & 2.*

In quadruplo simplum est; ita ut res restituatur, & pœna tripli sit. *d. l. 14. §. 10.*

Cum (ut dictum) rei persecutoria sit hæc actio, *d. l. 14. §. 2. l. 16. §. 2. ff. eod.* & heredibus cæterisque successoribus datur in quadruplum. *d. l. 14. §. 2.*

In heredes, & successores cæteros, in id competit, quod ad eos pervenit. *l. 16. §. 1. l. 19. l. 20. ff. eod.* Interitum & casum non præstant; *l. 18. eod.* secundum Cujacium: Sed malè. Non enim de herede, sed de tertio possessore *d. l. 18. hic.* est accipienda. Quia quoad heredem sufficit vel momento uno ad eum rem pervenisse. *l. 127. ff. de reg. jur.* Heres enim personam repræsentat defuncti, qui in mora semper fuisse intelligitur. Quod in tertio possessore dici nequit.

Quadruplatur autem, quicquid restitui oportuit, *d. l. 1. §. 1. §. 7. §. ult.* ut fructus percepti, & qui percipi potuerunt, & omnium denique causa: *l. 12. ff. hic.* Id tamen, quod verè interest, & in quo quis certo damnum patitur.

Sed, cum actio arbitraria sit, pœnam vitabit reus, qui metum intulit, si rem, ante sententiam restituat. *d. l. 14. §. 1. & §. 4.*

Si intra tempora judicati res perierit, tripli pœna sufficit: *l. 14. §. 11. hic.* Secus si ante sententiam. *d. l. 14. §. 11. vers. Hæc si post.* quia post sententiam transfusa est prior actio in actionem judicati. *l. 16. §. 6. De pignor.* In judicato autem faciendo, condemnatus non fecit moram. Liberatur ergo per interitum præstatione rei, quæ quadruplo inest. Unde tripli pœna superest. *Govean. 1. jur. lect. 11.*

De dolo malo.

T I T. III.

A It Prætor : *Quæ dolo malo facta esse dicentur, si de his rebus alia actio non erit, & iusta causa esse videbitur: iudicium dabo.* l. 1. in princ. hic.

Quo Edicto Prætor illis, qui dolo malo adversariorum circumventi, in fraudem & damnum inciderunt, dando actionem, l. 1. pr. ff. hic. subvenit: ne illis vel malitia sua sit lucrosa, l. 2. De eo per quem fact. l. 5. ff. si quis caut. l. 134. De R. I. vel istis simplicitas sit damnosa. l. 4. in fin. l. 11. & passim. ff. de dol. mal. except.

Dolus malus, secund. Labeon. in l. 1. §. 2. hic. est omnis calliditas, fallacia, machinatio, ad circumveniens, fallendum, decipiendum alterum, adhibita.

Consistit ergo in committendo. Quo à culpa lata discriminatur; quæ magis in negligentia, vel ignorantia consistit. l. si mora. ubi Gl. ff. sol. matr. l. 226. l. 223. De V. S.

Prætor hanc actionem ita demum pollicetur, si alia actio, non sit; d. l. in pr. id est, si res alio modo ei ad quem pertinet, salva esse non possit. l. 7. in princ. hic. Duar. h. t. c. 1.

Non enim ejusmodi agendi genus, quo perpetua ignominie nota condemnato inuitur, l. 1. in verb. dolo. De his qui not. inf. temerè à Prætoribus debuit decerni: si alia sit actio, qua quis possit experiri, vel exceptione sit tutus. d. l. 1. §. 4.

Itaque non est huic Edicto locus in judiciis bonæ fidei. Quibus omnibus exceptio doli inest. l. 84. §. 5. De legat. 1. l. 21. ff. solut. matr.

Denique, quocunque tandem modo quis tutus sit, denegabitur ei ex hoc Edicto in integrum restitutio: d. l. 1. §. 4. cum mult. seqq. l. 2. 3. 7 §. 1 & 2. §. pen. l. 18. §. 1. & §. 2. ff. hic. Nisi probabiliter, an alia actio competere possit, dubitetur: d. l. 7. §. 3. Aut nisi alia actio quæ concurret æque famosa sit: & oriatur non ex contractu, sed ex delicto, l. 5. hic.

ut

ut stellionatus. *l. 3. de crim. stell. vid. Gl. & Dd. in l. 19. C. de transact.*

Hæc actio, cum sit tam gravis, non sine justa causa *d. l. 1. in pr.* nec passim est indulgenda. *l. 9. §. fin. ff. hic.*

Quare, si modica sit summa, hoc est, ad duos usque aureos, non hæc, *d. l. 9. §. fin. & l. seq.* sed subsidiaria in factum potius actio, *Gl. & Dd. cum d. §. fin. danda.*

Nec etiam liberis vel libertis, adversus parentes patronosve: nec humili, ut plebeio, adversus consularem: prodigo, aut vili, adversus hominem vitæ emendationis, (cum parcendum sit talium hominum existimationi,) danda; nisi temperata bonæ fidei clausulâ. *l. 11. §. 1. ff. h. t.* Id est, ut detur in id omne quod ex bona fide præstari oporteat. Effectus enim ipso his verbis dolus satis indicatur & vindicatur; cui nihil tam contrarium quam bona fides. *l. 5. C. de rescind. vend.*

Prætor in hoc, ut & superiori Edicto, iudicium, dat, non modò tribuendo exceptionem, *l. fin. hic.*, sed & actionem.

Hæc actio, (utpote tristis & famosa) ne nimium evagetur, non in rem, ut superior quod metus causa, sed in personam quæ dolum fecit, scripta est. Quæ propterea designari debet; *l. 15. §. fin. ff. eod.* ut, & id quod Dolo factum. *l. 16. eod.*

Et, cum ab eo, qui dolum commisit, recesseris, in alios non competat; nisi quatenus ad eos pervenit *d. l. 15. §. pen. l. 17. §. fin. ff. eod.*

Si plurium dolo quid factum, omnes quidem ex suo crimine obligantur: sed uno rem, vel quanti ea res fuit restituente, omnes liberantur. *d. l. 17.* Quia actio de dolo non ad aliud datur, quam ut actori res sua restituatur; id est, quod ei per adversarii dolum abest *l. 18. hic.* Atqui post restitutionem ab uno factam nihil jam actori abest; nec potest ei magis restitui quod jam semel fuit restitutum. Ergo cum, qui restituit non tantum, sed & alios liberari oportet.

Est & hæc actio arbitraria, utpote in qua restitutio

tutio fieri arbitrio judicis jubetur: quæ ni fiat, sequitur condemnatio. Quanti ea res est: Cujus æstimatione jurejurando in litem actoris committitur. *vid. tit. ff. & C. de in lit. jur. l. 18. ff. hic.*

Si manifestum, rem restitui non posse, protinus reus condemnari debet in id quod interfuit actoris. *l. 18. §. 1. ff. hic.*

Nec hic ad quadruplum crescit in contumacem condemnatio. Quia decepto volenti, non invito aufertur.

Ideo visum fuit sufficere, si refusus actori damnis, reus, in vindictam doli, existimationis jacturâ plebatur, *l. 1. §. 4. ff. hic.* non contractus hoc prætextu rescindi.

Hæc actio olim intra annum utilem, hodie intra biennium continuum, cedens à die doli admissi, etsi deceptus abfuerit, vel ignoraverit, competit: *l. fin. C. hic.* & ne quidem litis contestatione perpetuatur. *Gl. & Dd. in d. l. fin.* Quia est famosa & odiosa, & contra jus Civile datur. *l. 35. ff. de oblig. & action.*

In factum actio, quæ datur in quantum factus reus est locupletior, perpetua est: *l. 28. in fin. ff. eod.* Cum, quia cessat acerbitas ignominie, *l. 29. ff. eod.* tum, quod hæc sit merè rei persecutoria. *l. 34. De action. tit. Inst. de perp. & temp. action.*

Quâ ratione etiam doli exceptio est perpetua. *l. 5. §. ult. De dol. mal. exc.*

Hæredibus datur hæc actio, quia rei persecutoria est. In heredes autem ceterosque successores perpetuo, eatenus, quatenus ad eos pervenit, *l. 17. §. 1. l. 26. cum ll. seqq. ff. hic.* vel dolo eorum factum quo minus perveniret. *d. l. 17. §. 1. d. l. 26. cum ll. seqq.*

Quod enim ultra est, pœna est in persona heredum. Quo pœnali genere actionis, hæredes conveniri non solent. *l. 1. De priv. del. l. un. C. ex del. def.*

De minoribus viginti quinque annis.

T I T. I V.

PRætor sciens fragile & infirmum esse minorum judicium, & multis captionibus obnoxium, hoc titulo eorum tutelam, naturalem æquitatem secutus, suscepit.

Et sic edixit: *Quod cum minore quam viginti quinque annis natu gestum esse dicetur: uti quæque res erit animadvertam. l. 1. ff. hic.* Id est, prout quæque res gesta postulat & mereri videbitur, animadvertam; id est, emendabo, corrigam in melius, adeoque in integrum restituam. Ut ita illis, verbis restitutio ipsa pariter & ejus causa exprimat. *Donel. 21. comment. 6.*

Minorem dicimus etiam die natalis sui, ante horam, qua natus est, computatione temporis à momento in momentum, id est, ab hora in horam, factâ. *l. 3. §. 3. ff. eod.*

Gestum sic accipimus, qualitercunque gestum sit, id est, sive contractum sit, sive quid aliud contigit. *l. 7. hic.* Putà quod minor ipse gessit: alias non. *vide l. 11. §. 2. 3. hic.*

In delictis sanè nulla restitutio est, *l. 37. l. 9. §. 2. & seq. ff. eod.* quanquam pœna miseratione ætatis in his arbitrio judicantis, *l. 11. ff. de pœnis.* mitigari soleat. *l. 108. de R. I. d. l. 37.*

Delicta hic intellige non quæ re ipsa per ignorantiam contrahuntur, in iis enim conceditur restitutio. *l. 1. C. Si adv. delict. l. 2. C. eod. l. 38. §. stuprum. ff. ad leg. Jul. de adult.* Sed quæ ex animo veniunt; ut furta, adulteria; & quæ dolo malo contra leges & in contractibus admittuntur. *l. 9. §. 2. l. 37. ff. hic. d. l. 1.* Etenim malorum mores animi infirmitas non excusat, *d. l. 1.* & contra leges committens indignus est earum beneficio. *d. l. 37. in fin.*

Nequaquam etiam audiendus, si post repudiatam hereditatem, ad partem laboribus substituti pecuniam, velit minor admitti, *l. 24. §. 2. ff. hic.* Nisi forte durante minore ætate res hereditariæ, non à sub-

substituto, aut, quod idem est, agnato proximo; sed à creditore sint venditæ: *l. ult. C. de re jud. vel abstin. hered.* aut si ipse, se majorem simulando, fallaciam alii struxerit. *l. 3. C. si min. se major. dix.*

Cessat & restitutio, cum minor mandato alterius gessit, *l. 23. hic.* & cum actus ipso jure non valet; quamvis & cum aliis actionibus hoc restitutionis remedium non concurrat: *l. 16. §. 1. eod.* & cum major factus probavit, quod in minori ætate gessit. *l. 3. §. 1. ff. eod. & t. t. C. si major. fact.*

Petenda erat olim hæc restitutio intra annum utilem, hodie, & petenda, & lis cœpta terminanda est intra quadriennium continuum. *l. ult. C. de temp. in int. rest.*

Quod currit post vicesimum quintum annum completum, nisi per adversarium steterit, quominus res finem acciperet. *l. 39. ff. hic.*

Nihil autem refert, minores sint patres-familias, filii-familias, mares an foeminae, dummodò eorum interfit restitui. *l. 3. §. 4. & §. 7. ff. hic.*

Idèd ea tantum, in quibus manifesta est circumscriptio, irrita fient: *vid. d. l. 7. l. 6. l. 34. §. 1. l. 44. ff. eod.* affectionis etiam habita ratione. *l. 35. ff. eod.*

Sed non aliter in his, minoribus subvenitur, quam si, causâ cognita, & rem alicujus esse momenti, *l. 4. De in int. rest.* & in eo se ætatis lubrico lapsos, probarint. *l. 11. §. 3. hic.*

Cum non mali eventus, sed inconsulta facilitas pariat restitutionem, *d. l. 11. §. 2.* & læsio hærens in ipso contractus principio. *d. l. 11. §. 5. ff. l. pen. C. eod.*

An verò soli minori sit succurrendum, an etiam iis qui pro eo sunt obligati, an potius creditoribus, *l. 13. ff. hic.* denique quis, contra quem, (nam neque adversus parem, hoc est, ætate minorem, *d. l. 11. §. pen.* (Siquidem læsi sint ambo: Nam tum privilegiatus contra privilegiatum non potest uti privilegio suo; Sin unus læsus sit ei succurretur.) item libertatem, *l. 9. §. 6. ff. eod.* (Nisi minor à Principe hoc ex magna causa consecutus fuerit. *l. 10. hic.*) nec
semper

semper contra bonæ fidei possessorem, restitutio dari solet. *l. 14. ff. eod.*) ex qua gestione, propter quam causam, & quatenus, *d. l. 9. l. 23. ff. eod.* restituendus sit, diligenter ex circumstantiis rerum est perpendendum. *d. l. 13. §. 1.*

Causæ autem cognitio præsentibus adversariis; aut legitimè evocatis, facienda. *d. l. 13. in pr. vers. causa.*

Ex quâ Prætoris, *l. 24. §. 1. §. ult. ff. hic.* aut minoris magistratus, *l. 11. eod.* in provinciis Præsidis: *l. 42. hic.* cognitione, totum hoc iudicium pendet: Cum ex Edicto nulla propriè actio vel cautio proficiscatur.

Restitutione in integrum decretâ, unusquisque jus suum integrum recipit, sumptusque in rem facti restituuntur: *l. 24. §. pen. l. 27. in fin. ff. hic.* unâ cum fructibus, usuris, & omni causâ, tam minori, *d. l. 24. §. pen. l. 27. §. 1.* quam ei, qui cum hoc contraxit. *l. 40. fin. ff. eod.*

Nam & illi qui cum eis contraxerunt, in eam conditionem, quâ ante contractum fuerant, sunt reponendi. *l. 39. §. fin. hic.*

Quod & in omnibus in integrum restitutionibus (exigente ita æquitate) observatur. *l. 22. ff. ex quib. caus. major. l. un. C. de reput. quæ fiunt.*

De capite minutis.

T I T. V.

Quia, si debitor, sive per adoptionem, sive emancipationem, capite minuatur, actio, quæ contra eum competebat, stricto jure extinguitur; cum statu mutato, & persona mutetur, utpote quæ sine statu suo stare & subsistere nequit, idcò Prætor eam hoc Edicto restituit.

Et ait: *Qui quæve, posteaquam quid cum his actum, contractumve sit, capite diminuti, diminute esse dicentur, in eos easve, perinde quasi id factum non sit, iudicium dabo. l. 2. §. 1. hic.*

Cum capitis diminutio sit status permutatio; in pejus puta & deterius; *l. 1. hic.* & tria sint status

capita, libertas, civitas, familia : triplex etiam est capitis diminutio : maxima , cum libertas , civitas & familia, amittuntur : media cum civitas & familia amittitur : & minima , cum tantum familia mutatur. *l. ult. hic. & Inst. eod.*

Hoc autem Edictum ad minimam capitis diminutionem pertinet.

Nam si ve amissione libertatis, si ve civitatis, contingat capitis diminutio , locus Edicto esse nequit. Quia sic minuti penitus non possunt conveniri. *l. 2. ff. eod.*

Utilis tamen actio dabitur in eos , ad quos bona capite sic minuti pervenerunt, si ve fiscum, si ve dominum. *d. l. 2. §. fin. ff. eod.*

Nec habet hoc Edictum locum in his , quæ post capitis diminutionem contracta sunt. *d. l. 2. §. 2. neque in delictis. d. l. 2. §. 3.*

Et cum sit rei persecutorium, perpetuum quidem est, & in heredes, & heredibus datur; *d. l. 2. §. ult.* sed non in solidum; sed quatenus, si ve capite minuti, si ve eorum heredes, facere possunt. *l. 2. C. quod cum eo qui in alien. sit.*

Ex quibus causis majores viginti quinque annis in integrum restituantur.

T I T. VI.

MAJORIBUS viginti quinque annis læsis & qui ab illis læsi sunt , vel propter absentiam necessariam, puta justî metus, *l. 3. hic. vinculorum, l. 9. l. 10. hic.* Reipublicæ , *l. 4. hic.* alteriusve justâ causâ & necessariâ, *l. 5. hic.* vel probabilem, Reipublicæ utilem, ut studiorum, *l. 28. hic.* hoc Edicto per in integrum restitutionem succurrit Prætor. *vid. l. 1. §. 1. cum ll. seqq. ff. eod.*

Modò à nemine domi fuerint defensi : amicis eorum interrogatis an defendere vellent : aut nemine existente qui interrogari posset. *l. 21. §. ult. l. 22. ff. eod.*

Constat hoc Edictum duabus partibus ; quarum

rum prior specialiter loquitur de absentibus, & iis qui in vinculis, vel servitute, vel hostium potestate sunt: Posterior est generalis, & omnes alias causas edicto non expressas, complectitur. *d. l. 1. §. 1.*

Prior pars minus est in usu; quia personis in ea expressis, extra ordinem jus, ex Senatufconsultis, & principalibus constitutionibus, dici solet. *l. 2. ff. eod.*

Datur ex hoc Edicto restitutio intra annum utilem, hodie, ex Justiniani constitutione, intra quadriennium continuum. *l. ult. C. de temp. in int. rest.*

Et quidem, non si leges permittant; sed si leges non expresse prohibeant, eam pollicetur Prætor. *l. 28. §. 2. ff. hic.*

Ex capite ignorantie non datur restitutio. *l. ult. C. de long. temp. præscr.*

Officio tamen judicis illis succurritur ad triginta annos. *l. 3. C. hic.* In contractibus puta bonæ fidei; *l. 3. C. hic.* Quia in illis judiciis amplissima judicii potestas judicandi quid ex bono & æquo præstari oporteat, data est. *§. in bonæ fidei. Inst. de action.*

De alienatione judicii mutandi causa facta.

T I T. VII.

Vltima restitutionum species ad alienationem judicii mutandi causa factam pertinet.

Edicto Prætoris introducta, ne cujus deterior causa ex facto alieno fiat. *l. 1. hic.* Ne scilicet in aliena potestate sit, conditionem alterius non delinquentis facere deteriorem. *contra l. 2. ff. quod vi aut clam.*

Prætor ergo actionem in factum dat, *d. l. 1. l. 3. §. 4. l. 8. hic.* si quis, re vel possessione, dolo malo, quocunque modo, etiam donationis causâ, *l. pen. hic.* alienatâ, molestum, aut quocunque modo duriorum adversarium, priyaturn (nam si publica potestate

testate prædito mancipet, ipso jure alienatio est nulla. *l. 2. C. ne lic. pot.*) pro se subjecerit. *l. 1. 2. 3. ff. hic.*

Competit ad id quod nostra interest, *l. 4. §. 5. ff. eod.* alium adversarium non habuisse. Quia hæc actio non est pœnalis, sed rei persecutionem arbitrio judicis continet. *l. 4. §. 6. hic.* Ergo neque alii competere potest, quam ei cujus interest, neque ad aliud quam ad id quod interest. Ea demum namque actio rei persecutoria est, per quam persequimur quod nobis ex patrimonio abest. *l. 35. ff. de obl. & act.* Nihil autem abest ei cujus nihil interest; cum appellatione ejus quod interest contineatur, & quod aëtori abest, & quod lucrari potuit. *l. 13. ff. rem rat. hab.*

Constare debet, dolo malo, inter vivos, *l. 4. §. 2. l. 8. §. 1. hic.* & causa mutandi judicii, alienationem esse factam. *Bart. l. 4. §. fin. hic. text. in d. l. 4. §. 1. & §. 3.*

Ad futura judicia hæc alienatio pertinet. Cum rei litigiosæ alienatio sit invalida. *l. 2. l. fin. C. de litig.*

Datur & heredi: *d. l. 4. §. fin.* & in heredem, vel similem, quatenus ad eum pervenit. *l. 7. l. 4. §. 6. hic.*

Non post annum continuum: *l. 5. 6. 7. hic.* quia licet pertineat ad rei persecutionem, tamen ex parte debitoris ex delicto; cum ex dolo nascatur, (quod delictum est, *l. 16. De dol. mal.*) dari videtur. *l. 7. hic.*

Cæterum non modò personalis actio ad id quod interest, sed etiam restitutio in integrum, ex hoc Edicto data fuit. Idque vel jure actionis in factum, vel actionis utilis in rem, seu utilis rei vindicationis. *l. un. C. hic.*

Restituebatur enim aëtor ut hac actione prætoriana uti posset: cum nullam adversus eum qui non possidet, puta eum qui rem alienavit, jure Civili haberet actionem; ut & in actione de dolo obtinet. *l. 18. de dolo.*

*De Receptis, qui arbitrium receperunt,
ut sententiam dicant.*

T I T. VIII.

Solent litigatores ad judiciorum moras & sumptus, cæteraque incommoda declinanda, privato alicui viro bono, *l. 3. §. 1. ff. hic.* uni aut pluribus, sed numero potius impari quam pari, *l. 17. §. 6. l. 27. §. 3. hic.* controversiam dijudicandam credere: *l. 32. §. 16. l. 37. §. 44. ff. eod.* in eumque ita compromittere, ut quicquid statuerit, ratum atque firmum & pro judicato habeatur. *l. 27. §. stari. & fin. ff. eod.*

Quod ne elusorium esset, Prætor se interposuit, & hoc modo edixit: *Qui arbitrium pecunia compromissa receperit, l. 3. §. 2. hic. sententiam eum dicere cogam, & nisi arbitrio pareatur, qua de re rectè compromissum erit, pecuniam compromissam solvi jubebo.*

Recepisse arbitrium videtur, qui Judicis partes suscepit, finemque se suâ sententiâ controversiis impositurum pollicitus est; non qui hætenus tantum intervenit, ut experiretur, an consilio, vel auctoritate sua, litem discutere posset. *l. 13. §. 2. hic.*

Arbitrorum duo sunt genera: Unum ejusmodi, ut, si æquum, si iniquum statuatur, parere debeamus: *l. 27. §. 2. hic.* aut pœnam ex stipulatione solvere: *l. 2. hic.* vel, eâ non adjunctâ, interesse: *d. l. 27. §. ult.* Quod observatur, cum ex compromisso ad arbitrum itum est. Quo de genere hic agitur.

Alterum ejusmodi, ut ad boni viri arbitrium redigi debeat, etiamsi persona certa sit comprehensa, cujus arbitrato fiat. *l. 76. ff. pro. Soc.* Ad quod hoc Edictum non pertinet.

Hujus Edicti duæ sunt partes, quarum alterâ eum qui recepit arbitrium, sententiam dicere; id est, ea mente aliquid pronuntiare ut secundum id litigatores discedere à controversia velit: *l. 19. §. 1.*

hic. alterâ litigatores dictæ sententiæ stare, ac morem gerere, metu pœnæ Prætor compellit.

Jure quippe veteri nullum erat arbitrii munimentum, nulla vis, nisi pecunia esset compromissa, danda ab eo qui arbitrio non pareret. *vid. l. 27. §. fin. hic.*

Non cogit Prætor arbitrum sententiam dicere, si ex justa causa excusatur, *l. 4. l. 9. §. 3. §. 10. §. 11. l. 32. §. 4. ff. hic.* vel, si compromissum aut sit nullum, vel ratione arbitri, *l. 1. l. 41. eod.* vel propter compromittentes, *l. 32. §. si servus. l. 35. eod.* vel rem, de qua compromissum, *d. l. 32. §. 6.* aut sit incertum, an ex eo pœna ob adjectam conditionem exigì possit, *l. 11. §. fin. eod.* aut sit finitum. *d. l. 32. §. 3.*

Finitur, vel die, *d. l. 32. §. 3.* intra quem arbiter definire ex compromisso debuit, exeunte; nisi is omnium voluntate prorogetur, *l. 25. l. 27. eod.* vel morte arbitri, aut utriusve qui compromisit, *d. l. 27. §. 1.* vel acceptilatione, *l. 13. in pr. eod. judicio, l. 30. eod. pacto. d. l. 32. §. 5. ff. eod. &c.*

Justæ causæ ob quas à sententia dicenda arbiter excusatur sunt. Si cum litigatores infamaverint: *l. 3 §. 4. hic.* Si spreta ejus auctoritate ad judicem, *d. l. 9. §. fin.* vel alios arbitros, *l. 10. eod.* iverint: si multò post ad eum revertantur. *l. 17. §. 1. eod.* (quod arbitrio judicis erit æstimandum, aliàs cæpta arbitrandi potestas triennio finietur. *l. 13. §. 1. C. de judic.*) Si unus ex litigatoribus bonis cedat: *d. l. 17. in princ.* Si inimicitie capitales inter arbitrum & litigatores intercesserint: Si ætas aut valetudo, quæ postea contingit, id munus ei remittat: aut alioqui incommoditas rei post arbitrium susceptum incidat. *l. 16. hic. &c.*

Qualem sententiam arbiter dicat, ad Prætorem non pertinet; dummodò dicat quod sibi videtur, *l. 19. in pr. hic.* idque non tantum corpore, sed & animo, *vid. l. 27. §. 5. l. 47. & seqq. hic. l. 209. ff. de verb. signif.* præsentibus litigatoribus; *d. l. 27. §. 4.* nec sit incerta, *l. quid tamén. 21. §. 3. hic.* & sit de care, de qua compromissum, *l. 32 §. 13. & §. ult. l. 46. ff. hic.* & quatenus compromissum. *d. l. 32. §. 15. & §. fin.*

In ea, nec appellatio, *l. 1. ubi Bald. C. hic. Mar. par. 6. de app. n. 270.* nec reductio ad arbitrium boni viri, *Panorm. & Dd. in c. quinta vallis. 23. de jurejur. Bart. in l. in societatem. vers. arbitrorum. ff. pro soc. Mar. d. loc. n. 267.* locum habet.

Non appellatio; quia nec judicati actio inde præstari potest, & ob hoc invicem pœna promittitur, ut metu ejus à placitis non recedatur, *l. 1. C. hic.* quamvis etiam inique arbiter pronuntiaverit. Imputet enim sibi qui talem elegit. *l. 27. §. stari. hic.*

Hodie, contra quam olim, *l. 2. hic.* ex sententia arbitri actio & exceptio datur, si partes eam vel consensu expresso, id est, subscriptione: vel tacito, id est, decem dierum silentio, probaverint. *l. 5. C. hic.*

Nec post illud tempus reductio ad arbitrium boni viri peti potest. *l. pen. C. hic. ubi Bald. Mar. d. loc. n. 213.*

Si tamen enormis & evidens læsio in arbitrio extat, etiam post decem dies exceptio doli, contra illius iniquitatem, *l. 36. de V. O.* opponi potest, executionem impeditura. *l. 32. §. cum quidam. ff. hic. Paner. in c. 2. Ext. eod. Mar. d. loc. n. 266.*

Nautæ, caupones, stabularii, ut recepta restituant.

T I T. IX.

U T arbitri, *l. 3. §. 1. supra. de rec. arb.* sic & nautæ, caupones, stabularii, de recepto tenentur, ne alioqui, cum sit necesse fidem eorum sequi, & res eorum custodiæ committere, occasio eis detur cum furibus adversus illos quos recipiunt, coëundi. *l. 1. §. 1. hic.*

Ait igitur Prætor; *Nautæ, caupones, stabularii, quod cujusque saluum fore receperint, nisi restituent, in eos judicium dabo. d. l. 1. in pr.*

Nautæ, caupones, stabularii dicuntur, qui navem, cauponam, stabulum exercent. *d. l. 1. §. 2. & §§.*

seqq. id est, ad quos quæstus & reditus præcipui perveniunt. *l. 1. §. 15. De exerc. act.*

Receptæ res videntur, etsi non expressè custodiæ eorum sint assignatæ, sed solum immissæ: *l. 1. §. fin. hic.* modò immissas esse sciverint, aut scire potuerint. Ignorantes enim obligari certe durum esset.

Custodiæ ergò nomine tenentur, *d. l. 1. in fin. d. l. 5. in pr. hic.* etiam si dolo & culpâ careant; Nisi quid vi fatali aut majori contigerit; *d. l. 3. §. 1. hic.* aut prædixerint, ut quisque vectorum aut hospitem res suas servet, neque se damnum velle præstare, & vectores prædictioni consenserint. *l. fin. in pr. vers. item si prædixerit. ff. eod.*

Tenentur non solum de suo facto, sed & omnium qui in navi, caupona, stabulo sunt, habitant, vel diversantur. *l. 1. §. fin. l. 2. l. 3. in pr. & §. 1. ff. eod.*

Datur ex hoc Edicto, ni restitutio fiat, actio in factum Honorariâ de Recepto; *d. l. 3. §. fin.* quæ cum rei persecutionem contineat, perpetua est; & tam heredi, quam contra heredem competit. *d. l. 3. §. pen.*

Præter dictam actionem, & hæ personæ tenentur actione in factum in duplum, si vel ipsi, vel aliquis eorum, quorum operâ in exercendo utuntur, furtum fecerit, aut damnum dederit, ei qui res suas credidit. *l. 6. & 7. hic. l. un. ff. furt. adv. naut. caup. stab.*

Datur ex quasi maleficio. Culpa enim est, malis ministris uti. *l. ult. §. 4. hic.*

Factum vectorum, aut viatorum, non præstant, *d. l. 6. §. 3.* ut nec servorum suorum, ut quorum nomine noxali duntaxat tenentur. *l. ult. §. 4. vers. servorum. hic.*

Hæc actio perpetua est; sed cum sit pœnalis, non transit in hæredem. *l. fin. §. 6. ff. hic.*

Competit etiam, si nautæ his qui in navi sunt, prædixerint, ut res suas servant; nisi consenserint: *d. l. ult. in princ. vers. item si.* etiam tacitè remanendo in navi. Nam & hoc casu sibi imputent, qui ma-

maluerunt hac lege in navi remanere. *Accurs. Anr. Fab. ad d. l. ult. in princ.*

Plures si sint nautæ, adversus singulos non in solidum, ut exercitoria, l. 1. §. ult. l. 2. de exercit. action. sed pro parte datur. l. ult. §. plures. hic.

DIGEST. PARS II.

LIBER V.

*De Iudiciis, & ubi quisque agere vel
conveniri debeat.*

TIT. I.



Actenus de Jurisprudentiæ judicio-
rumque principiis : jam ad judicia
ipsa progrediamur.

Judicium, est legitima contro-
versæ apud judicem tractatio &
dijudicatio. *arg. c. forus. 10. de V. S.*

Partes judicii præcipuæ sunt, Litis contestatio &
Sententia. l. 1. C. de lit. cont. l. 55. De re jud.

Reliqua, quæ in judiciis versantur, aut præpara-
toria sunt, ut citatio; l. 15. ff. rem rat. hab. aut me-
dia, ut probationes; aut consequentia, ut executio,
vid. Auth. ad hæc. C. hic.

Dicitur hodie lis contestari, quando res agi dis-
ceptarique cœpta est, per Actionem propositam,
& responsionem rei subsequutam. d. c. 1. ubi Socin.
Ext. de lit. cont. Puta talem, per quam actori con-
tradicit. l. 2. in princ. C. de jurejur. propt. calum. l. 14.
§. 1. hic. Nam sine contradictione lis non est. l. 73.
ff. de procur. l. 25. §. ult. & l. seq. ff. ad l. Aquil.

Judicia sunt aut Extraordinaria, sive fiscalia, in
quibus formularum subtilitas non est necessaria,
l. 47. §. 1. de negor. gest. ut hodie, sublati veterum
formulis, l. 1. C. de formul. sunt omnia; §. ult. Inst. de
interd. l. 1. §. pen. De calum. aut Ordinaria, in quibus
solennes formulæ observantur.

Hæc aut Civilia, aut Prætoria, aut Criminalia.

Civilia civili jure & legibus, ac officio mercenario. *l. 55. de re jud.*

Prætoria vivâ magistratus voce & autoritate, ac nobili plurimum officio.

Criminalia pœnis & imperio expediuntur.

Criminalia rursus aut sunt Privata, quæ privatam: aut Publica, quæ publicam vindictam expèrunt & perfequuntur.

Tractatur primo loco de civilibus: quæ sunt aut Realia, aut Personalia, aut ex his Mixta. §. 1. & 2. §. 21. *Inst. de action.*

Realia, aut Petitoria, aut Possessoria. *vid. Dd. in l. 12. §. nihil. De acq. poss.*

Petitoria, aut Universalia; quibus universum corpus multorum diversorum jurium petitur; *Bart. & Dd. in Rubr. ff. solut. matr. Gl. in l. 1. De edend.* aut Generalia; in quibus de uno quidem jure, sed quod multas habeat species, *Spec. de act. seu pet. §. & sequitur. Ias. in l. 3. C. de edend.* agitur; aut Particularia; quibus una tantum species vindicatur.

Constituunt judicium, Judex, Actor, Reus, *d. c. forus. verb. in omni. de V. S. & personæ his administrantes.*

Judicem dant, quibus hoc lege, vel constitutione, vel Senatusconsulto, conceditur. *l. 12. ff. hic.*

Dari judices omnes possunt, qui non prohibentur.

Prohibentur quidam Naturâ; ut furdus, mutus, furiosus, impubes: quidam Lege; ut Senatus motus: quidam Moribus; ut fœminæ & servi. *d. l. 12. §. 2.*

Actor, est is qui actionem proponit, & prior ad judicem provocat. *l. 13. l. 29. ff. hic.*

Agere omnes possunt; exceptis his, qui, aut legitimam personam standi in judicio non habent: *tit. C. qui leg. pers.* aut edicto de postulando excluduntur. *Sup. de postul.*

Rei possunt omnes fieri, tam civilibus; quàm crimi-

criminalibus actionibus, si paucas excipias. *l. 12.*

De accus.

Verfantur judicia circa causas & lites, omnes, siue de pecuniaria re, siue de existimatione, aut de crimine capitali quærat, siue de muneribus, & honoribus, agatur. *per l. 5. De extraord. cogn.*

Nemo tamen in sua causa jus dicit, vel iudicat. *t. t. ne quis in sua caus.*

Nec in causa suorum, *l. 10. De jurisd.* jus dicit: *d. l. 10.* eoque nec iudex in publica ac capitali, vel status causa, esse potest. Hæc enim jurisdictionis sunt. *l. 1. De off. ejus cui. l. 4. 6. De off. proc. l. 32. §. 7. De rec. arb.*

In privatis causis iudex quis suis esse potest, *l. 77. ff. hic.* (non sibi) quia cogitur, *l. pen. §. 2. De voc. mun.* cum publicum sit officium. *l. 78. ff. hic.*

Sublatis formulis & impetrationibus iudiciorum, *l. 1. & 2. C. de form.* hic ordo ferè servatur.

Appellato juridicè reo, offertur libellus, qui, acceptis ad deliberandum induciis, velit contendere, nec ne, postquam contendendum putavit, negando affirmandove intentionem actoris, exceptionibusque propositis, litem contestatur: exceptiones actor replicatione diluit, hanc reus duplicando, atque ita deinceps, *l. 1. §. 2. cum seqq. de except. vid. Inst. de replic.* donec omnibus allegationibus propositis, & iis quæ in facto consistunt probatis cognitisque, causâ conclusâ, iudicibusque commissâ, tandem sententiâ definiatur: quam iudex exequendam curat, legitimo tempore; nisi fuerit appellatum. *Auth. offeratur. C. de lit. cont. l. 13. C. hic. c. quoniam contra. de prob. l. 15. De re jud. l. 2. & 3. C. de usur. rei jud.*

Si reus, ad iudicium peremptoriis edictis vocatus, copiam sui non faciat, iudex in bonorum ejus, aut rei litigiosæ possessionem, actorem mittere consuevit. *l. 19. §. 1. l. 26. ff. hic. c. Romana §. contra-hentes. de for. comp. in 6.*

Sunt judicia ideo constituta, ut sint legitimum & publicum unicuique præsidium, ne quis per semet ipsum, sed per iudicem jus suum repetat.

l. 17. l. 78. hic. l. 13. Quod met. caus. l. 13. C. de Iudais.

Redduntur in invitum, *l. 83. §. 1. De V. O.* perpetuant actiones, *l. un. C. ex del. def.* interrumpunt prescriptionem, *l. fin. C. de præscr. 30. an.* constituunt possesorem in mala fide, *l. nemo. C. de acq. poss.* quasi ex contractu obligant, *l. 3. §. 11. De pecul. nullius jus deterius, sed firmitus, l. 87. l. 86. De R. I.* quatenus scilicet jus est, aliaque multa, efficiunt.

Finitur iudicium sententiâ, *l. 55. De re jud. præscriptione. l. 13. C. hic. l. ult. C. de præscr. 30. ann.*

Remittitur judicandi necessitas, ob morbum fonticum, *l. 46. ff. hic.*

Actor sequitur forum rei, *l. 2. C. de jur. om. jud. l. fin. C. ubi in rem act.*

Reus jurisdictioni obnoxius fit, quatuor præcipuè ex causis, *c. fin. de for. comp. domicilio, l. 2. §. 3. §. 6. hic. contractu, l. 19. §. 1. & 2. eod. delicto, l. 20. l. 45. hic. & re qua de agitur: (eo enim in territorio defendi debet, in quo res sita est. l. 38. hic. d. l. fin.)* ni sponte se alienæ jurisdictioni submittat, *l. 1. 2. 51. 74. ff. hic.*

Si pluribus locis forum sortiatur, in electione est actoris, ubi velit agere, *d. l. 19. §. fin. l. 3. de eo quod cert. loc. neque reus poterit declinare, nisi sit legatus, aut aliam justam habeat recusandi judicis causam. l. 2. §. legatus. cum §. seq. l. 5. 7. 8. 22. 24. 26. 27. 36. 49. ff. hic.*

Exire tamen domo citatus, & in loco contractus, aliove competente, causam dicere non cogitur, nisi citatio cum ibi apprehenderit, *Dd. in d. l. 19. per illum text. ff. eod.*

In delictis ibi nocentes hodie puniuntur, & sortiuntur forum, ubi reperiuntur; maximè vagabundi. *Vid. Gl. & Dd. in l. 1. C. ubi de crim. Bart. in l. ult. de furt. & l. 10. C. eod.*

De inofficioso testamento.

T I T. II.

V Ideamus jam de judiciis Universalibus.

Ea sunt, quæ ad petendam hæreditatem, aut per Querelam inofficiosi testamenti, aut Petitionem hereditatis, proponuntur.

Querela (Quæ moribus, non legibus introducta. *princ. Inst. hic. l. 1. 2. 5. l. 24. ff. eod. Valer. Maxim. lib. 7. cap. 7. Hortom. ad d. princ.*) est, imploratio officii judicis, quâ quis accusat scriptum aut nuncupativum testamentum: quia se illo, contra officium pietatis, & sine justa causa, exheredatum dicit, petitque illud, ut injustum, rescindi. *l. 8. §. 12. & §. fin. ff. hic.*

Cum dico exheredatum, eo verbo & præteritionem maternam, cæterorumque cognatorum complector. *§. fin. Inst. de Exher. lib. non paternam;* quæ ipso jure testamentum annihilat. *eod. tit. Inst.*

Adjici solet huic actioni, petitio hereditatis, hoc modo, ut quis, rescisso testamento, petat se heredem declarari, sibi que hereditatem adjudicari. *l. qui de. 20. ubi Gl. & Bart. ff. hic. Pac. Isag. hic. Duar. hic. c. 1. 2. & 10.*

Datur querela contra cujuscunque testamentum, etiam veterani, *l. 8. §. 3. hic.* non tamen militis; *l. 27. §. 2. ff. l. 9. l. 24. C. eod.* non filii familias de peculio quasi castrensi: *l. ult. C. eod.* nisi fuerit clericus. *Nov. 123. c. 19.*

Competit actio de inofficioso omnibus utriusque sexus liberis, *l. 1. 5. 6. 8. l. 29. §. 1. l. 30. hic.* tam primi, quam ulterioris gradus; si primis sublati in eorum locum successerint: *l. 1. l. 6. l. 15. l. 22. l. 7. C. eod. & parentibus, l. 14. l. 15. eod. fratribus & sororibus germanis, l. 1. C. Theod. eod. & consanguineis, l. 1. 3. 4. 5. l. 14. ff. l. 27. C. hic.* (si quidem turpes personæ sint institutæ. *§. soror. 2. Inst. eod.* vel testatoris liberti, qui nec maximis erga patronum beneficiis hoc sunt promeriti, nec sint servi necessarij heredes

instituti: *l. 27. C. hic.*) non fratribus uterinis cæterisque ulterius cognatis. *l. 1. ff. l. 21. C. eod.*

Ac ne illis ipsis quidem aliter datur querela, quam si ab intestato sint successuri. Nam alioqui frustra agent, atque aded etiam obtinebunt, si causa intestati ad alios sit perventura. *l. 6. §. pen. hic.*

Quodsi plures ab intestato venire possunt; victoria unius prodest omnibus. *l. 8. §. 8. hic.* Nisi pro sua tantum parte egerit. *ut in l. 16. eod. Duar. hic. c. 17. Govean. 1. var. lect. 5.*

Si quis legitimam portionem sit consecutus, non admittetur: *d. l. 8. §. 6. §. 15.* tutoque testari quis poterit, quarta legitimis heredibus relicta. *l. 6. C. eod.* Quæ hodie tertia est. *Auth. novissima. C. eod.* Puta si quatuor aut pauciores relictæ sint liberi: sin plures, semis. *Novel. 1. Novel. 18. cap. 1.*

Quod non tantum in legitima descendantium, sed & adscendentium obtinet. Cum Imperator, *in d. Novel. 18. c. 1. in fin.* dicat hoc observandum esse in omnibus personis, quibus olim quarta, ne de inofficioso agerent, debebatur; puta ex propria persona, aut jure proprio. Proinde cum fratribus querela, non ex propria persona, sed odio turpis personæ instituta competat, illud in eorum legitima non obtinebit.

Si minus relictum, quoquo titulo, *d. l. 8. §. 6. l. 30. l. 36 §. 1. ff. l. 30. C. eod.* sit, salvo testamento, ad supplementum tantum agi potest. *d. l. 30. C. eodem.*

Hodiè, secundum communem Doctorum opinionem, ex Constitutione Justiniani, Institutionis titulo, filiis legitima relinquenda. *Novell. 115. c. aliud. 2.* Quæ tamen constitutio tantum jubet liberos & parentes heredes institui, non illis legitimam institutionis titulo relinqui. Proinde ut olim ita & hodie quovis titulo relinqui potest.

Nec querelam habet, qui quoquo modo agnovit sibi à testatore relictum: *l. 10. in fin. l. 12. l. 22. hic.* aut aliter voluntatem ejus approbavit: *d. l. 8. §. 10. l. 23. §. pen. ff. hic.* aut querelæ renunciavit: *l. 17. l. 15. §. 1. hic.* aut per quinquennium, à tempore aditæ here-

hereditatis, conticuit. *l. 36. §. fin. l. 34. in fin. C. eod. l. 8. §. ult. ubi Gl. fin. hic.*

Condictio tamen, quâ ad supplementum legitimæ agitur, quinquennio non præscribitur, sed perpetuè, hoc est, 30 annis, ut reliquæ actiones personales, durat; *com. opin. Bald. Ias. & alior. cont. Barr. in l. si quis. 34. C. hic. Guid. Pap. dec. 82. nec extinguitur, quamvis quis sibi relictum acceptarit. l. 35. §. fin. C. eod. vid. Myns. obs. 36. cent. 1.* Eo enim petitioni supplenti renuntiassè non videtur. Nisi expressè, sive in apocha, sive in transactione scripserit vel pactus fuerit, quod contentus relictò, de eo quod deest, nullam habeat questionem. *d. l. 35. §. pen. & ult.*

Novissimo jure vix est, ut in recta linea locus sit accusationi. Nam cum non modò liberi, sed etiam parentes sint heredes instituendi; nisi justis expressisque de causis exheredentur, *Novell. 115. c. justum. 4. ubi Dd. quas heres probare cogitur; d. c. justum. §. si tales;* in omnem eventum, citra querelam, videtur iis prospectum.

Nam si in legitima instituti; defunctus officio suo satisfecit: sin in minore parte, agent ad supplementum: sin exhæredentur, aut id sit injuriâ, & testamento, quoad institutionem attinet, evacuato, ab intestato succedunt: aut jure factum est, & meritò omni aditu consequendæ hereditatis, quâ se indignos reddiderunt, atque ita etiam querelâ inofficiosi, excluduntur. *l. 132. vers. quid ergo. De V. O.*

Potest tamen & hodie querelæ esse locus; scilicet cum justitia causæ expressæ negatur, inque dubium vocatur. Utrique quo casu nulla alia actio jure sit prodita, nec vetus sublata; & proinde etiam vigere intellegenda est. *sec. reg. in l. 27. C. de testam.*

Transit querela in hæredes, iisque competit: liberis indistinctè, *l. si quis. 34. C. hic.* extraneis non nisi à defuncto præparata. *l. 6. §. fin. ff. hic.*

Præparata intelligitur per comminationem, (sed, ut puto, testatò factam. *arg. l. 24. in fin. ff. de testam. milit.*) denuntiationem, libelli dationem. *l. 7. in princ. ff. hic.*

Da-

Datur contra heredes, l. 8. §. 10. ff. eod. scriptos vel nuncupatos, l. 31. l. pen. §. illuc. C. eod. cujuscunque sint dignitatis & conditionis, l. 8. §. 2. l. pen. §. 1. ff. eod. (quantum scilicet ad querelam liberorum & parentum attinet: in fratrum enim distinctui diximus, turpis an honesta persona sit heres instituta) & qui eorum locum obtinent; l. 10. ff. l. 1. l. 10. C. eod. ut heredem heredis, fiscum, l. 10. C. hic. fidei-commissarium universalem: l. 1. C. eod. nonnunquam etiam in particularem legatarium, qui suspecta collusionem, ad defendendum testamentum venit. l. 29. in pr. ff. eod.

Nisi privilegio, quod relictum est, defendatur. vid. l. 8. §. 3. ff. l. fin. C. eod.

Querelæ, secundum Jus Vetus, modus est, ut dicat actor, doceatque, immerentem, atque indignè præteritum se, vel exheredatum. l. 3. l. 5. ff. hic. Nisi heres sponte sua ingratitudinem probare velit. l. 28. in princ. C. eod.

De jure novo (cum quilibet præsumatur gratus, nisi probetur ingratus.) heredi scripto, expressam ingratitudinis causam in exheredato, probare incumbit. l. 30. C. eod.

Probatâ causâ, declaratur testamentum inofficiosum: eoquæ rescissio, legata quoque & libertates inscriptæ pereunt, l. 8. §. pen. l. 13. l. 28. ff. hic. (hodie tantum institutio. d. Nov. 115. Auth. ex causa. C. de lib. prat.) & in ea causa res constituitur, atque si nullum testamentum scriptum esset: l. 21. in fin. hic. & victori hereditas ab intestato restituitur, si docuerit se ab intestato heredem. l. 6. §. pen. l. 15. in fin. ff. eod.

Sententiâ secundum querelam latâ, totum testamentum corrumpit, quasi vitiosum & à demente factum: l. 13. in fin. l. 21. l. 28. eod. & victor solus hereditatem obtinet; nec concurrunt, qui alioqui ab intestato partem facerent, si agentem deseruerint; l. 16 l. 17. ff. hic. Nisi sint instituti, l. 19. l. 23. ff. hic. Nam hi adeundo & propugnando testamentum, jus suum nolle repudiare, satis ostenderunt.

Pro parte tamen rescinditur testamentum, si plu-

res sint heredes scripti, quorum alii hoc iudicio obtineant, alii succumbant; & sic paterfamilias, pro parte fit testatus, pro parte intestatus. *l. 13. §. ult. l. 24. ff. hic. l. 13. C. eod.*

De Hereditatis petitione.

T I T. I I I.

Hereditas, est successio in universum ius quod defunctus habuit. *l. 62. De R. I. l. 24. De V. S.*

Petitur, aut ex Jure Civili, aut ex Jure Prætorio, aut ex Senatusconsulto: & vel tota, vel pro parte.

Universalis hereditatis petitio, est actio civilis, universalis, in rem, petitorii iudicii, bonæ fidei: quæ quis petit heredem se declarari, hereditatemque iure ad se pertinentem, ab eo qui pro herede, vel pro possessore possidet, sibi restitui.

Est civilis, quia Prætor eam quidem in Edicto, *l. 1. ff. si pars hered. pet.* sed ex jure civili, quo hereditates petuntur, *l. 1. & 2. hic. l. 130. de V. S.* proponit.

Est universalis, *l. 1. De rei vind. Gl. in l. 1. de edend.* quia petitur eâ corpus bonorum, hoc est, universitas.

Et qui rem singularem petit ut hereditariam, universaliter agit: petit enim se declarari heredem, hoc est, universitatis dominum. *l. 1. si pars her. pet.*

Qui partem petit hereditatis, universitatem petit. Quod enim juris obtinet in toto, idem & in qualibet ejus parte. *l. 76. De rei vind.*

Est realis; *l. 25. §. 18. hic.* Quia datur contra possidentem, eâ ratione quod possidet: *l. 13. §. fin. cum ll. seqq. hic.* Et actor in hac actione non innititur alicui facto, vel obligationi adversarii sui, (ut fit in actione personali) sed totum metitur ex jure suo. Tantum enim petit declarari sibi ius esse, quo declarato, sponte restitutio officio iudicis sequitur. *l. 1. §. 1. ff. si pars hered. pet.*

Dicitur & mixtam causam obtinere: *l. 7. C. eod. §. quæ-*

§. *quadam*. *Inst. de action.* Quia habet præstationes quasdam personales. *d. l. 25. §. 18.*

Quandoquidem enim universalis est, in eamque veniunt omnia quæ ex bona fide, (unde bonæ fidei quoque existimatur, *l. fin. C. eod. §. actionum. in fin. Inst. de action.*) præstari æquum est: fit ut interdum dari etiam quippiam à possessore petatur. Puta pretia rerum distrahtarum, aut æs alienum à debitoribus exactum. *l. 20. cum ll. seqq. hic.*

Petere autem & dari, proprium est actionum personalium, in quibus ad dandum vel faciendum agitur, sicut in realibus ad restituendum. §. 1. *Inst. de action. l. 25. de O. & A.*

Proponitur hereditatis petitio tam ex testamento, quam tam ab intestato, ab omnibus qui se heredes esse intendunt. Sed primò datur scriptis heredibus: *l. 8. hic. l. 9. C. eod. Bart. in l. 7. hic.* post, causâ testamenti evacuata, illis qui ab intestato veniunt. *d. l. 8.*

Non ante quam constat hereditatem esse: hoc est, eum, de cujus hereditate consequenda lis est, esse defunctum. *Roff. in summa. de pet. hered. Wesenb. hic.*

Viventis enim nulla est hereditas. *l. 1. De hered. vel act. vend.*

Et tum datur heredi, quando heres factus est ad-eundo; *Roff. d. loc.* necdum autem possessionem est adeptus.

Utrum ex testamento, an ab intestato sit heres actor in libello, parte non opponente, licet non teneatur, *Bart. in l. 3. ff. hic. num. 2. Ias. ad §. actionum. num. 191. Inst. de action.* ad evitandas tamen exceptiones dilatorias tutius est ut exprimat: *Bart. & Ias. d. loc.* Se heredem (quia hoc est intentionis suæ fundamentum. *l. 10. §. 1. hic.*) & res esse hereditarias, *Bart. & Dd. in l. 7. C. hic.* ut probet necesse est.

Proponi potest hæc actio, vel ubi domicilium possessor reus habet; *Bart. & Bald. in l. un. C. ubi de her. ag.* vel ubi major pars hereditatis sita est: *Gl. Bart. & Dd. in d. l. un. Bald. in l. 2. quemad. test. ap. electione actori concessa. l. fin. C. de jurisd. l. fin. C. de long. temp. præsc.*

Com-

Competit adversus eum, qui pro herede vel pro possessore, jus aut rem hereditariam, licet minimam, *l. 9. cum ll. seqq. l. 4. hic.* possidet: *d. l. 9. l. 7. C. eod.* ejusque heredem; *l. 13. §. Neratius. hic. l. qui in jus. 177. ff. de R. I. & utiliter, l. 13. §. 14. hic.* adversus eum, qui scit se non esse heredem, tamen contendit: *l. 11. hic.* Nec enim interest, quis bona, an mala fide, possideat.

Cum oporteat possessorem esse, qui conveniatur; idè qui restituit hereditatem, aut res alienavit, hac actione teneri nequit; nisi dolo & sciens fecit, atque ita ob dolum pro possessore teneatur. *d. l. 13. §. fin. l. 16. cum ll. seqq. hic.*

Debitor hereditatis, sive sit in diem, sive sub conditione, *l. 16. hic.* sive ex delicto, sive ex contractu debeat, *l. 14. hic.* & pro possessore habetur, quia possessor juris est. *d. l. 13. §. fin. l. 14. cum ll. seqq. hic.* Videlicet si idè nolit solvere quod se heredem contendat; aliud est si sit vero heredi solvere paratus; sed neget petitorum heredem esse; tum enim petitione hereditatis non tenetur. *l. si debitor. 24. hic.*

Nec qui alio titulo, quam qui ex hereditate fluat, possidet, sive singulari, sive universali, petitione hereditatis tenetur, sed rei vindicatione conveniendus. *l. 7. C. hic. l. 4. C. in quib. causis. cess. lon. temp. præscr.*

Hinc possessor cogitur dicere, utrum pro herede, an pro possessore, & quo titulo possideat, *l. 11. C. hic.* licet hoc aliàs incivile sit. *d. l. 11. l. 23. C. de probat.*

Veniunt in hereditatis petitionem. 1. Universæ res hereditariæ, sive sint corpora, sive jura: *l. 18. §. ult. hic.* quæ in eadem causa durant. *l. 9. C. eod. exceptis servitutibus. l. 19. §. ult. eod.* 2. Corpora non hereditaria, quorum periculum ad heredem pertinet, ut res defuncto pignori datæ, vel commodatæ, vel depositæ. *d. l. 19. in pr.* 3. Quæ hereditatis causa comparata sunt: ut mancipia, pecora, &c. *l. 20. in pr. eod.* 4. Non solum ea, quæ mortis tempore erant in hereditate, sed etiam quæ postea accesserunt; ut partus, fructus, &c. Hereditas enim augmen-

augmentum, & diminutionem recipit. *d. l. 20. §. 3.*

Malæ fidei possessor, omnimodò fructus restituit: bonæ fidei possessor, eatenus tenetur, quatenus locupletior factus est. *d. l. 20. §. pridie.*

Bonæ fidei possessor est, qui iustis ex causis existimat ad se hereditatem pertinere. *l. 20. §. 6. hic.*

Iusta causa etiam error juris est; *l. 25. §. 6. hic.* Quia quælibet causa, etiam frivola, à dolo & mala fide excusat. *l. 22. de lib. cau. Gl. fin. & Dd. in l. un. si quis ius dic. non obr.*

Malæ fidei possessor est, qui sciens hereditatem ad se non pertinere, eam invalit, cum nullam haberet iustam possidendi causam. *l. 25. §. 2. hic.*

Post petitam hereditatem, quilibet incipit esse malæ fidei. *d. l. 20. §. 11. l. 31. §. 1. hic.* Quia de suo jure dubitare incipit: nec opus est litis contestatione, sed sufficit moveri controversiam, *d. l. 25. §. 7. & à quocunque denunciari. d. l. 20. §. 11.*

Sed etsi non denunciatur, sciat autem possessor ad aliam rem pertinere, & peti posse, malæ fidei possessor efficitur. *d. l. 20. §. 11.*

Peti & hoc in iudicio potest, cautio de non alienando, minuendo; &c. *l. 5. l. 16. hic.* & bonorum atque fructuum descriptio. *Bald. Bart. & Dd. in l. si creditores. de priv. cred. l. de bonis. §. ult. l. quæritur. de Carb. edict. l. un. C. de prob. seqq.*

Sustinetur in hoc iudicio universali, incertus etiam ac generalis libellus: *l. 1. §. fin. si pars her. pet. quemadmodum & sententia: Bart. in rubr. solut. matr. n. 12. respectu rerum singularium, non juris: Bart. d. loc. Dd. in l. un. C. de sent. quæ sine cert. quant. ac sufficit in executione declarationem fieri; Gl. & Dd. in l. 1. de edend. in l. 2. C. de sent. quæ sine cert. quant.* Puta quoad res quas heres putativus penes se habet: aliàs sufficit heredis declaratio; cui paratæ sunt actiones propriæ pro singulis rebus. *Bachov. in not. ad Wesenb. hic. num. 12. vers. porro.*

Nec, ut dictum, quid actor aliud probare debet, quam se heredem, *l. 10. hic.* & res hereditarias esse. *Bart. & Dd. in l. hereditatis. C. eod. Marant. par. jud. 4. dist. 3. n. 58.*

Et

Si pars hereditatis petatur. 141

Et potest contra reum, non exhibentem inventarium, nec iuramentum de bonis possessoris præstantem, in litem jurare. *l. 20. §. 12. l. 25. §. 10. hic.*

Si pars hereditatis petatur.

T I T. I V.

HAc in petitione idem juris observatur in parte quoad partem, quod est in toto quoad totum. *l. quæ de tota. 76. De rei vindic.*

Qui totam hereditatem, vel partem ejus petit, jus non ex eo metitur, quod possessor occupavit, sed ex suo jure. *l. 1. §. 1. hic.*

De possessoria hereditatis petitione.

T I T. V.

Bonorum possessoribus, quos Prætor velut heredes facit, *l. 1. hic.* dat possessoriæ hereditatis petitionem; per quam tantundem consequuntur, quantum superioribus civilibus actionibus heres consequi potest. *l. 2. hic.* Quia bonorum possessor in effectu nihil ab herede distat.

De fideicommissaria hereditatis petitione.

T I T. V I.

Actio hæc ex Senatusconsulto Trebelliano descendit. *l. 1. hic.*

Recipit eadem, quæ superiores hereditatis petitiones. *l. 2. hic.*

Datur ei, cui hereditas fidei-commissa verbo tenus, *Gl. in d. l. 1. restituta est, d. l. 1. ejusque successor. l. 3. in pr. eod.*

Ut enim hereditatis petitio non competit, nisi hereditas sit adita; ita nec fideicommissaria, nisi verbis sit restituta. *Accurs. in d. l. 1. ex l. restituta. 37. l. facta. 63. ad SC. Trebell.*

In eum ergo qui hereditatem re restituit, non competit. *d. l. 3. §. 1.*

Causa

Causa est quod, si quid non integrè restitutum sit, id potest ex testamento actione personali, aut reali petere.

DIGESTORVM

LIBER VI.

De rei Vindicatione.

TIT. I.

Actio, quâ singulares res petuntur; aut pertinet ad res corporales, tam mobiles, quam soli, tam animatas, quam inanimatas; *l. 1. pr. & 1. hic.* & tum appellatur rei vindicatio: aut ad res incorporeales, puta servitutes; & confessoria, negatoriaque dicitur.

Rei vindicatio, est actio realis, specialis, *l. 7. C. de pet. her. l. 3. C. de præsc. 30. an.* quâ quis petit se dominum rei controversæ declarari, *l. 35. §. 1. hic. l. 8. §. 3. si serv. vind.* & eam officio judicis à possessore sibi restitui. *§. 1. Inst. de action. l. 68. hic.*

Eam directè in judicio proponit atque agit, is qui vel jure gentium, vel civili, dominium acquisivit, *l. 23. in pr. hic.* etiam revocabiliter: *l. 66. hic.* puta conditione legati vel libertatis existente: *d. l. 66.* utiliter qui pro domino habetur; ut superficialius, id est, qui superficiem in alieno solo habet; *l. 73. §. 1. l. 74. l. prator. 75. hic.* is qui rem usucapere cœpit, necdum usucepit; *de quo tit. seqq. emphyteuta. de quo tit. 3.*

Directè datur adversus eum, qui nullo quidem jure sibi obligatus est, sed rem, quam suam intendit, possidet: *l. 9. l. 24. hic.* Utiliter adversus eum qui pro possessore habetur; ut eum qui dolo possidere, *l. 27. §. 2. hic.* sive antè, sive post litem contestatam, desuit. *Bart. & Dd. in l. 2. 3. l. quia. §. fin. de alien. jud. mut. per l. fin. autem. §. sed & u. 3. hic.* qui se liti quasi possideret obtulit. *l. u. qui se obtulit. 25. & u. seqq.*

l. seqq. eod. Quia ut ille, propter dolum, *l. 13. l. 157. §. 1. ff. de Reg. Jur. l. 27. §. seu & u. l. 36. §. 1. l. 69. hic.* ita & hic, propter mendacium pro possessore est; *Giphani. ad l. 25. ff. de obl. & alt.* si & litem contestatus sit, *l. 25. hic.* & interrogatus respondeat se possidere: secus est si simpliciter litem secum contestari passus est; quia non se offert, qui citatus venit, cum judicia reddantur in invitos. *Obrecht. disp. 12. p. 1. num. 73. & de litis contest. cap. 10. num. 34.*

Veniunt in hanc actionem omnes res corporales, *§. 1. ubi Gl. Fab. n. 26. las. n. 109. Inst. de action.* quæ dominio alicujus contineri possiderive possunt, *l. 1. §. 1. hic.* tam mobiles, quam soli, *d. l. 1. nec modo singulæ, sed etiam universitas specierum, d. l. 1. §. fin. cum ll. seqq.* non juris.

Eâ qui vult agere (hodie,) in libello se proponit esse dominum vel quasi (nam Publicianam adjici rei vindicationi, propter difficultatem probandi dominii, *vid. Dd in l. 4. & l. 12. C. de prob.* usitatum est, *c. Abbate sanè. circa fin. de jud. in 6.*) &, aut causam sui juris exprimit, aut omne jus suum, nullâ causæ specialis dominii mentione factâ, in judicium deducit, prout illi commodum est: *d. c. abbate. l. 14. l. 11. §. 4. de exc. rei jud.* & quia dominus est, sicuti declarari cupit, ab adversario, qui possidet rem suam, petit sibi restitui: *d. l. 68. d. l. un. vid. Ferr. in pract. in form. lib. ac rea. decla.*

Sententia ergo Judicis, quia petitioni debet esse conformis, *l. ult. §. de fideicom. libert.* duo debet continere. Declarationem dominii, *l. 35. §. 1. hic.* & condemnationem.

Quæ alia est cum res petita exstat; habens. 1. Jussum judicis de re intra certum tempus restituenda; *d. l. 35. §. 1. l. 68. hic.* 2. Si non paret ejus restitutionem ac velut executionem. Et aut reus rem apud se habet, contumaciter non restituens, ac manu militari transfertur possessio; *d. l. 68.* aut non habet, & fit in totius litis æstimationem condemnation. *d. l. 68.*

Potest etiam postulare cautionem, de re, quæ vindicatur, conservanda: quam si præstare possessor

fessor tergiverfetur, in agentem transfertur poffeffio. *l. un. C. uti poff. Paul. lib. 1. fent. r. 11. ubi Cujac.*

Restituendi verbum, hic totam rem cum fuâ caufa, id eft, utilitate, quæ è re caufatur & provenit, *l. 17. l. 20. l. 62. hic. complectitur. d. l. 20. l. 173. §. 1. De R. I.*

Ideoquæ fi dolo culpave poffefforis perierit, vel deterior, poft litem conteftatam, facta fit, vel fi fructus percepti, aut aliud emolumentum è re natum fit; ratio horum omnium, officio judicis, in restituendo habebitur. *l. 33. d. l. 20. l. 13. ff. hic.*

Fructus percepti, non pendentes (nam hi pars fundi funt. *l. 44. hic.* eoque petitioni fundi infunt) ante litem conteftatam, nominatim funt petendi. *l. 10. de ufur. Felin. inc. inter. 6. n. 2. de fid. in ftr. Bald. in l. ampliore. in pr. C. de appell.*

Eos poffeffor bonæ fidei præftat, quatenus exftant: *l. 22. C. de rei vend. l. 45. de ufur. l. 48. §. 1. de acq. rer. dom. d. l. 33. l. 62. hic. confumptos propter bonam fidem lucratur. §. fed et fi hereditas. Inft. de off. jud. d. l. 22.*

Malæ fidei poffeffor omnes indiftinctè, perceptos, confumptos, & qui percipi potuerunt, reftituit. *l. 3. C. de cond. ex leg. l. 17. C. hic. d. l. 13. §. 35. Inft. de rer. div.*

De ea re bonus judex variè, ex complexu perfonarum & rerum, conftituet. *l. 38. hic.*

Qui hanc actionem rectè vult formare, rem quæ vendicatur, finibus, nomine, qualitate, forma, aliisque accidentibus, ita exprimat & defignet necesse, ut qua de re lis fit & quæftio, certò conftare poffit. *l. 6. hic. vid. Spec. lat. declar. tit. de lib. concl. §. juxta. n. 17. cum feqq. Ferr. in form. lib. act. real.*

De Publiciana in rem actione.

T I T. II.

P Rætor ei, qui rem usucapere cœpit, nec dum verò usucapionem absolvit, actionem utilem in rem, quasi domino, hoc est, quasi ususceperit, *l. 1. §. 1. hic. Inst. de action. §. 4.* dat, contra quemcunque possessorem, præterquam verum dominum. *l. pen. & ult. hic.* Quæ Publiciana, à Publicio Prætoris, dicta. *d. l. §. 4.*

Est Civili in rem actioni simillima, *l. 7. §. 8. hic.* Nam æque ac rei vindicatio, est specialis, in rem. *d. l. 1. §. 1. d. §. 4. petitoria, d. l. 7. §. 6. arbitraria. §. 4. Inst. de action.*

Datque eam Prætor eodem ferè modo, quo in rei vindicatione.

Quippe ut in ea, approbato actoris dominio, iudex rem illi officio suo restitui jubet: ita in hac, probato justo agentis titulo, & bona fide, ac traditione subsecuta, res ei, tanquam domino, restituitur, omniaque ferè eadem sunt in hac, quæ in rei vindicatione. *l. 7. §. 7. §. sed istæ. ubi Ias. Inst. de action.*

Differunt tamen quod hæc sit prætoris, rei vindicatio civilis; *l. 1. hic. §. 3. Inst. de act.* hæc detur ei qui nondum dominus, illa domino; *d. l. 1. §. 1.* hac etiam res incorporales, *l. 6. l. 11. l. 12. hic.* illa tantum corporales petantur. *l. 1. §. 1. de rei vind.*

Si ager vectigalis, id est, Emphyteuticarius petatur.

T I T. III.

D Atur Emphyteutæ, quasi domino, utilis in rem actio, contra quemcunque possessorem, etiam contra ipsum dominum: ita tamen si vectigal solvat. *l. 1. §. 1. §. 2. hic.*

Est ex contractu emphyteutico: Qui (specialis contractus à Zenone Imperatore factus: *l. 1. C. de jur.*

jur. emph.) est civilis, nominatus; stricti juris: in quo dominus utile dominium ac possessionem sui prædii profani, perpetuò, *Ias. in d. l. 1. n. 6. & l. 2. n. 160. C. eod.* Ecclesiastici, pro tempore, *Ias. in d. l. 1. n. 26. & d. l. 2. n. 202. per Nov. 7. c. 7.* in emphyteutam transfert; eâ lege, ut is prædium colendo reddat melius, & in recognitionem dominii directi, quod dominus retinet, Canonem, hoc est, certam pensionem quotannis præstet. *vid. Panorm. c. potuit. de locat.*

Perficitur, ex dispositione legis, consensu contrahentium. *Spec. de emph. n. 5. fac. l. 1. C. de jur. emph. §. 3. Inst. de locat. & cond.*

Quæritur & emphyteusis præscriptione, quasi ex tacito domini & possidentis consensu. *l. litibus. C. de agr. & censit. lib. 11. l. fin. C. de fun. pat. lib. 11. Spec. eod. n. 69. in fin.*

Constituitur, vel testamento; puta per legatum; vel pactione, *l. 1. C. de jur. emphyt.* quam subsequi debet traditio, aut aliud quo dominia transferuntur, *l. 12. in fin. C. de fund. patrimonial. lib. 12.* idque non nisi in rebus soli: *Ias. in l. 1. n. 100. cum seqq. C. hic. Gl. in c. potuit. ubi Imol. n. 5. Ext. de locat.* eâ formâ de qua pactione contrahentium convenit.

Si nihil convenit, dominus dominium directum retinet, emphyteuta utile consequitur. Sic tamen, ut in recognitionem directi dominii certam pensionem quotannis solvat.

Contrahitur plerunque in scriptis, *l. 1. & 2. C. hic.* etiam si ad solemnitatem scriptura non requiratur. *com. op. in d. l. 1. ubi Ang. Ias. n. 12. n. 71. Spec. de emph. n. 5.* nisi in Ecclesiastica emphyteusi. *l. jubemus. Auth. hoc jus. C. de SS. Eccl. & Nov. 128. c. 5.*

Ad eum finem, ut agri inculti & steriles, per culturam meliorentur. *l. 3. & 7. C. de fund. patr. lib. 11.*

Non licet in hoc contractu pœnitere. *d. l. 1. ubi Ias. n. 9.*

Ex eo oritur actio, quæ Condictio ex lege est,
Sal.

Si ager vectigalis, id est, &c.

147

Sal. Bart. in d. l. 1. in fin. Bart. in l. un. de cond. ex lege. sæpe etiam actio realis. Spec. de emph. n. 68. & 153. l. 1. in fin. hic.

Contractu hoc perfecto, omne commodum atque incommodum rei emphyteuticæ, transit in emphyteutam. *l. 1. ubi Ias. n. 29. & 77. C. eod. Spec. eod. n. 157. 158. & 161.* Quia rem emphyteuticam non quidem jure proprietatis, sed ei proximo habet. *l. 1. hic. §. 3. Inst. de action.*

Ex quo quamdiu annuam pensionem solvit, *l. 1. 2. hic.* in omnibus fere domini jure utitur; nisi quod nec jus emphyteuticum, nec meliorationes; nisi in personas idoneas; *l. 3. C. de jur. emphyt. prærogativâ tamen domino concessâ; d. l. 3.* eoque requisito an emere velit: si nolit, expectatis duobus mensibus; *d. l. 3.* alienare potest.

Finitur emphyteusis finita generatione, seu sobole ejus, qui accepit: *Spec. eod. n. 130.* item præscriptione libertatis. *Salic. in l. 2. n. 23. Ias. n. 72. 156. C. hic.*

Cadit & Emphyteuta jure suo, si canonem (licet de solutione non interpellatus) totum; *l. 85. §. pen. de V. O. Zoan. c. 8. & 37. rem quot.* per biennium in Ecclesiasticis, triennium in temporalibus non solvat: *l. 2. C. hic. c. potuit. de locat.* alienet rem ignorante domino: *l. fin. C. hic.* conventis pactis stare detrectet: *Nov. 120. c. 11. Ias. in l. 1. n. 11. C. hic.* dolo malo domino jus suum intervertere conetur: *Ias. in d. l. 2. n. 86. per c. vassallus. si de feud. def. 2. F. 26.* non ob solam inficiationem. *Ias. d. loc. in fin.*

Libertatem à directo dominio (licet canonem non solvat. *Salicet. in l. cum satis. 23. C. de agric. & censit.*) non aliter Emphyteuta præscribit, quam si causam possessionis domino mutet: & ei dominium directum inficietur, atque exinde per triginta annos pro suo possideat.

Causa possessionis non mutata, (quia alieno nomine possidet) non præscribit: etiam si canonem non solvat. *l. 2. l. 7. §. fin. C. de præscr. 30. an.*

Libertatem quidem à Canone, hoc modo tri-

ginta annis poterit præscribere : *d.l.7. d. plures. C. de fid. instr.* non directum dominium, donec mutata sit possessionis causa : Quam ipse sibi, sine aliquo novo facto, mutare nequit. *l.3. §. pen. l.19. §.1. de acq. poss.*

Potest enim recognosci dominium, etiam sine pensione, domino eam remittente; quamvis initio emphyteusis, sine canonis constitutione induci non potuisset. *Sal. in d.l.7. §. fin. fac. l.23. C. de agr. & cens. lib. 11.*

D I G E S T O R V M

L I B E R VII.

*De usufructu, & quemadmodum quis
utatur fruatur.*

T I T. I.

Res incorporales, quæ in rei vindicationem cadunt, sunt Servitutes : non hominis, sed fundi.

Harum aliæ Personales sunt; aliæ Reales. Personales personis debentur, & sine persona utentis esse nequeunt.

Sunt, Ususfructus, Usus, Habitatio. *l.1. de serv.*

Ususfructus, secundum Doctores, est vel Causalis, vel Formalis. *Gl. verb. jus. ubi Ang. Fab. & Dd. in pr. Inst. hic.*

Causalis est, qui conjunctus est cum causa rei, hoc est, quem dominus habet ex causa rei, seu jure domini. *l.21. §. pen. de exc. rei jud. l.4. hic.*

De quo usufructu hoc titulo non agitur. *l. quod. 63. hic.*

Formalis, (sic dictus, quoniam est forma quædam utendi fruendi, à proprietate separata. *Gl. in d.l.21. §. pen. ad verb. si. um. Bald. & Dd. in l. usufructu ff. solut. matr.*) est jus alienis rebus utendi-fruendi, salva rerum substantia. *l.1. hic.* Id est, est jus utendi fruendi,

endi, quamdiu res salvæ manent. *Theophil. Inst. h. r.* Rebus enim extinctis usufructus quoque extinguitur. §. pen. *Inst. eod.*

Verbum utendi-fruendi, omnes fructus, omniaque omnino emolumenta, quæcunque ex fundo, aut ejus occasione, percipiuntur, non modò naturalia, l. 9. *hic.* sed etiam civilia; ut pensiones, usuræ, aliasque obventiones civiles, comprehendit. l. 7. *hic.*

Qui enim fructum habet, etiam omne omnino commodum, non modò ad necessitatem, sed etiam ad lucrum & voluptatem pertinens, habet.

Qui usum, non plus habet quam quantum quotidianis suis necessitatibus satis est. *in pr. Inst. de usu & hab.*

Usufructuarius non debet deteriore facere rei substantiam, sed uti frui arbitrato boni viri, & patrisfamilias: l. 65. *hic.* ut securus sit dominus de proprietate. l. 13. *in pr. eod. l. 1. usufr. quemad. cau.*

Alioqui ab eo conveniri potest ad interesse, ex stipulatione; quam præstare usufructuarius cogitur. l. 18. §. 2. l. 20. *de dam. inf. vid. Gl. & Dd. in l. 4. C. hic.*

Constituitur usufructus, pactione contrahentium, §. 2. *Inst. eod.* ut stipulatione, l. pen. *in princ. C. eod. dote, l. 6. C. eod. locatione, l. 10. C. eod. præscriptione, item ultima voluntate, qua usufructus relinquitur, d. §. 2. & t. t. de usufr. leg. sive usufructus legetur, d. l. pen. in princ. sive, legata proprietate, nudus usufructus penes heredem maneat. l. 14. C. eod.*

Et quidem constituitur, in corpore aliquo, l. 2. *hic. l. 5. §. 2. quib. mod. usufr. am. mobili, l. 7. l. 15. §. 3. l. 28. l. 41. hic. movente, l. 3. l. 21. l. 68. hic. immobili: §. 2. Inst. eod. l. 1. uti poss.* Cujus tamen usus absque abusu esse possit. d. §. 2.

Introducitur, patientia constituentis, & usurpatione ejus cui constitutus est. l. 3. *hic.* Quæ in incorporalibus (cujusmodi est usufructus, §. 1. *Inst. de reb. corp.*) pro traditione habetur. l. 2. *de act. empt.*

Usufuctu tamen ultima voluntate constituto traditione vel patientia opus non est, quia legatum ipso jure ignorantia etiam legatario cedit. *l. 19. §. 1. ff. quem. servit. amitt. l. 86. §. 1. ff. de legat. 1. l. 64. in fin. ff. de furt.*

Durat ad vitam tantum utentis, non ulterius. *§. 3. Inst. hic.*

De usufuctu accrescendo.

T I T. II.

ET per jus accrescendi interdum usufuctus acquiritur.

Sed non, nisi conjunctim usufuctus legatus sit. *l. 1. pr. hic.*

Est jus accrescendi, cum duobus, aut pluribus conjunctis, altero deficiente, alteri, pars deficientis adjicitur & accrescit.

Conjuncti vocantur, qui à lege, vel homine, ita connectuntur, ut pro uno habeantur. *l. 34. in pr. de legat. 1.*

Conjunctio hæc fit: Re, Verbis, ac Re & Verbis simul. *l. 142. de V. S. l. 89. de legat. 3.*

Re, cum duobus in solidum usufuctus est legatus: ut, *Titio usumfructum fundi lego, Sejo ejusdem fundi usumfructum lego.*

Quamobrem, altero legatariorum mortuo, aut repudiante legatum, (quia concursus cessat,) alteri in solidum usufuctus, jure non decrescendi, cedit.

Verbis conjunguntur, quibus æquis pro indiviso portionibus usufuctus relinquitur: ut, *Titio & Mavio usumfructum æquis partibus do, lego. d. l. 89.*

In his propriè locum habet jus accrescendi: in legatis puta proprietatis, *l. un. §. his ita. C. de Caduc. toll.* non usu-fructu legato, ubi cessat. *l. 1. §. ult. cum ll. seqq. hic.* Quia in his qui tantum verbis conjuncti sunt jus accrescendi propriè sumitur, ita ut unius portio alicui legata ab ejus persona discedat & alteri accrescat; quod in usufuctu locum habere nequit.

quit, cum usufructus sit jus personale, quod personam egredi non potest quin extinguatur & ad proprietatem revertatur. *l. 66. ff. de jur. dot.*

Re & verbis junguntur, quibus idem, partibus nullis expressis, in eadem oratione, conjunctim relinquitur. ut, *Titto & Mavio usumfructum Tusculanum do, lego.*

Hi, tam jure non decrescendi, quod est re conjunctorum, quam accrescendi, quod conjunctis verbo proprium esse diximus, utuntur, cæterisque sunt potiores. *d. l. 1. §. 2. hic. d. l. 89. ubi Dd. & præcipue Ias. de legat. 3.* Quia non tantum re, sed & unitate sermonis in unum quodammodo corpus videntur redacti; *d. l. un. §. 10. vers. sin autem.* proinde pars deficiens illius corporis & quasi ab eo avulsa, eodem ut redeat consentaneum est.

Quando dies Vsfusfructus legati cedat.

T I T. I I I.

Dies usufructus, ut & usus, *l. un. §. dies. 2. hic. l. 2. quan. dies leg. ced.* legati cedit ab adita hereditate. *l. un. §. 2. hic.* licet proprietatis legatæ dies cedat à morte testatoris. *l. un. §. 1. & §. 5. C. de caduc. toll.*

Cum, quia usufructus intelligi non potest, nisi sit qui eum constituat, quique frui patiatur: *l. 3. usufr.* (nempe hæres, qui ante aditam hereditatem non existit.) tum, quod ratio, quamobrem cæterorum legatorum dies cedat à morte testatoris, hic cessat.

In cæteris enim legatis, idèd statim dies cedit, ut ea, moriente ante aditam hereditatem legatario, ad heredem ejus transmitti possint; neque fiant caduca. *§. si eadem res. Inst. de leg. d. l. un. §. 1. & §. 5.*

Quod in usufructu (cum moriente usufructuario, utpote personæ cohærens, extinguatur,) locum habere non potest. *l. 2. & 3. quand. dies leg. cod. d. l. un. §. libertatibus.*

Sed hoc obtinet in usufructu & usu purè legato;

Legatum enim in diem non prius cedit, quam dies venerit; *d. l. un. §. item si. 3.* & si dies ante hereditatem aditam veniat, hereditatis aditio expectanda est. *d. l. 2.*

*Quibus modis ususfructus, vel usus
amittitur.*

T I T. I V.

EXtinguitur Ususfructus, morte, & capitis diminutione maximâ & mediâ, usufructuarii, non minima, *l. 1. l. 3. hic.* jure novo, *l. pen. in princ. & §. sed neque. C. de usufr.* olim qualicunque.

Et tum fructus ultimi anni non pertinent ad usufructuarii heredem, nisi quatenus sunt percepti. *§. 36. Inst. de rer. div.*

Amittitur etiam ususfructus Interitu, seu formæ mutatione rei totius, quæ servitutem debet, non partis, *l. 53. de usufr.* (in qua & totus ususfructus retinetur. *vid. d. l. 53. l. 5. §. 2. l. 23. l. seq. hic.*) non dominii interitu seu mutatione, *l. 19. hic.* omnino Consolidatione, id est, acquisitione dominii rei quæ servitutem debet, *l. 17. hic. l. 6. de usufr. accr. §. 4. Inst. hic.* cedendo proprietario, *l. 5. §. fin. hic. l. 10. l. 23. eod.* non extrauco: *§. 4. Inst. de usufr. Hortom. in §. 3. Inst. eod. Balduin. ibid. num. 16.* conditione, sub qua relictus est, existente; *l. 15. eod. l. 12. C. de usufr.* non utendo per decennium inter præsentem, vicennium inter absentes. *l. 25. hic. l. pen. C. de serv. l. 16. C. de usufr.*

Non malè utendo. Cum ex cautione, in id quod interest, teneatur. *l. 1. & s. r. usufr. quem. cau.* Nisi res in non usum incidat; Ut, quando hieme utitur, cum tantum æstate concessus ususfructus esset. *l. 10. quemad. serv. am.*

In municipiis, & universitatibus finitur usufructus iis everfis, vel quasi morte dissolutis; *l. 1. l. 2. l. hic. aut post centum annos. l. 56. de usufr.*

Usus iisdem modis designare solet. *l. 1. ff. & pr. Inst. de usu. & hab.*

De usufructu earum rerum qua usu consumuntur, vel minuuntur.

T I T. V.

Quasi usufructus, Senatusconsulto constitutus est iis in rebus, quæ usu pereunt vel minuuntur; *l. 1. l. 2. in fin. hic.* ut sunt, pecunia, vinum, frumentum, & similia.

Usus appellatione, in hac specie, & fructus continetur. *l. 10 §. 1. l. 5. §. fin. hic.*

Usufructuarius hic, quia rerum usufructuarius dominus est, *l. 7. hic.* cautionem datis fidejussoribus, fac. *l. 7. ff. de præst. stip. junct. §. 2. Inst. de usufr.* præstare tenetur: ut quando mortuus, aut capite minutus, fuerit, ejusdem res qualitatis restituatur. *l. 6. hic.*

Ponuntur in hac stipulatione de reddendo usufructu, tantum duo casus, quibus finitur usufructus: mors & capitis diminutio usufructuarii. Quia harum rerum usus aliter amitti non potest. *l. 9. cum l. seq. hic.*

Nec enim mutationem, aut interitum patiuntur, cum in genere consistent: *l. 11. C. si cert. pet.* neque non utendo amittuntur: vel quia ipso usu pereunt, ut hic temporis diuturnitas momentum afferre nequeat, vel quia proprietas cum possessione rei ad usufructuarium devolvitur: ut ille continuè possidendo uti semper intelligatur.

Si usufructus petatur, vel ad alium pertinere negetur.

T I T. VI.

Cum usufructus vel petatur tanquam debitus, vel ad aliquem pertinere negetur quasi non debitus: proditæ sunt in hanc rem duæ actiones, *l. 1. hic.* quarum alterâ quis confitetur & asserit, sibi usumfructum deberi, undè & actio Confessoria vocatur.

catur: l. 2. *si serv. vind.* l. 5. §. 7. *hic*. Altera asseritur libertas prædii, negaturque ususfructus, quem quis indebitè sibi usurpat: Negatoria inde dicta. d. l. 2. d. l. 5. §. 7.

Utraque realis est, quia ratione rei competit. §. *aque. ubi Dd. Inst. de action.*

Confessoria competit fructuario usumfructum vindicanti, non tantum adversus dominum, qui servitutem debet, sed omnes omninò qui usumfructum, quocunque modo, impediunt, l. 10. §. *agi. si serv. vind.* l. 5. §. 1. *hic*.

Ad hoc, ut iudex declaret, usumfructum agenti competere, condemnètque adversarium, ut patiarur actorem uti frui, nec in posterum impediat; eoque nomine caveat; l. *un. ubi Bart. C. uti poss. c. fin. de rest. spol.* l. 7. l. 12. *si serv. vind.* præstetque fructus perceptos, & id quod interest actoris. d. l. 5. §. 3. *cum duob. §§. seqq.*

Negatoria actio datur domino fundi, adversus eum, qui usu aliquo servitutis, libertatem rei impedit, & sibi usurpat: *Bald. in l. quemadmodum.* 22. §. 1. *ad L. Aquil.* contra quem dominus hac actione libertatem sui prædii astringit: negatque adversario servitutem deberi, d. l. 5. §. *sicut.* 7.

Petit, ut iudex declaret, suum prædium esse liberum: jubeatque cavere adversarium, ne in posterum jus servitutis ullum usurpet, & quanti interest præterito tempore non usurpatum fuisse, ut id sibi rependat. d. l. 5. *hic.* l. 12. *si serv. vind.*

Cum ergo utraque hæc actio, sit vindicatio, una servitutis, altera libertatis; durant eodem tempore, quo rei vindicationes, & sic triginta annis, *vid. Ias. dubit. in d. §. aque. n. 39. l. 3. C. de præscr. 30. ann.* tantum præscribuntur.

Nec eam præscriptionem, de jure civili mala fides inhibet; *vid. l. 3. 4. 6. 7. 8. C. d. t. Bart. n. 3. Cast. n. 6. & Dd. in l. sequitur. §. viam. de usucap. Felin. rubr. de præsc. n. 18. & inc. fin. n. 6. eod. Socin. jun. conf. 145. n. 65. vol. 1. & alios.* cum absque respectu possidentium, neque considerato, utrum bonæ malæve fidei sint, tantum in odium agere negligentium sit indu-

Etia. l. ult. C. de ann. exc. Bart. & Dd. in l. cum notiffimi. C. de præscr. 30. ann.

Jure Canonico aliud inducitur volunt. Canon. c. ult. de præscr. Tiraq. de retract. com. §. 1. Gl. 2. n. 20. com. op. test. Ant. Gabr. lib. 5. concl. 3.

De Operis servorum.

T I T. VII.

Legatis, vel concessis operis servorum, & fructus, *l. 4. hic.* & usufructus effectum concessus intelligitur. *l. 5. hic.*

Operæ tamen, cum in actione hominis constant, neque sint in rerum natura priusquam præstantur; *l. 9. de oper. lib.* nec capitis diminutione, nec morte ejus cui debentur, *l. 2. de usufr. leg. Bald. & Dd. in Rubr. C. de usufr.* neque non utendo, *l. 2. hic.* (ut usus-fructus) amittuntur.

Ut igitur dominium non extinguatur primo domino moriente, sed transit ad ejus heredes: ita & legatarius ad successores suos operarum legatum transmittit: quæ operæ præstandæ erunt, donec is à quo sunt edendæ, fuerit superstes: ejus morte finiuntur. *arg. l. 34. de oper. lib. l. un. §. 9. C. de caduc. toll.*

Quæ de operis servorum diximus, & in operis aliorum animalium obtinent. Quippe & ceterorum animalium operæ dici possunt. *l. 5. usufr. quem. cau.*

De usu & habitatione.

T I T. VIII.

USus, est jus alienis rebus utendi, salvâ earum substantiâ. *§. 1. Inst. hic. l. 1. & 2. ff. eod.*

Constituitur sine fructu, ut quis utatur re ad suas necessitates, non verò fruatur ad utilitatem. *l. 1. l. 14. §. 1. l. 12. hic.*

Iisdem omninò modis, quibus usufructus, constitui ac desinere solet. *d. l. 1. in pr. Inst. eod.*

Sed non constituitur semper ad eundem modum. Nec enim sicut usufructus, ita & usus pro parte constitui potest; quia est individuus, sicuti cæteræ servitutes omnes, excepto usufructu, qui dividiuus est. *l. 1. §. 9. ff. ad leg. Falcid. l. 3. §. ult. ff. de usufr. l. 3. in princ. ff. usufr. quem. cav. l. 25. ff. quib. mod. usufr. amitt. l. 16. ff. fam. ercisc. l. 13. §. 1. ff. de usufr. leg.*

Usu ædium legato, habitare cum conjuge, & familia, parentibusque, & inquilinum quoque recipere, dum ipse inhabitat, uluarius potest. *l. 2. 3. 4. §. 6. 7. hic.*

Locare verò seorsim, aut concedere habitationem sine se, aut usum vendere, permissum non est. *l. 8. l. 10. in fin. eod.*

Usus nomine, aliquando & fructus continetur; quoties ex verbis testatoris, vel rei natura, vel conditione legatarii, fieri id oportere ratio suadet. *l. 22. hic.*

Licet usuarius usum alii concedere nequeat: tamen fructus, quos ad usum & necessitates suas percepit, si velit, vendere poterit. *arg. l. 12. §. fin. cum l. seq. hic.*

Usus pars legari nequit. Frui enim pro parte possumus, uti pro parte non possumus. *l. 19. hic.*

Ratio differentię est duplex. Prima Quod ut ipsi fructus divisionem admittunt, ita & effectu Ususfructus: at Usus (cum ad victum quotidianum, necessitatesque vitæ tolerandas, referatur) sub partitionem non cadit: quia partim vivi nequit. Altera Quod usufructus, licet formaliter in jure consistat, materialiter tamen consistit in fructibus; qui cum sint corporales, dividiui quoque sunt. Usus autem totus consistit in utendo, quod meri facti est. Facta verò omnia sunt individua. *l. 2. §. 4. ff. de oblig. act.*

Habitatio, est jus habitandi in ædibus alienis vel per se, vel per alium, salvā earum substantiā. *§. pen. Inst. hic.*

Habitatio & usus ædium, idem effectu ferè sunt. *l. 10. hic.*

Differt ab usu, quod hic in jure, habitatio verò in

in facto consistat. Unde nec capitis diminutione, nec non utendo, quemadmodum ususfructus, & usus, amittitur. *d. l. 10.*

Morte habitatio corrumpitur: quoniam personalis est: & factum ejus cui competit, (videlicet Inhabitationem,) omninè requirit.

Eaque de causa olim nonnullis Jurisconsultis visum fuit, habitationem alteri non posse locari, aut quoquo modo cedi. *d. l. 10.*

Sed postea Justinianus, aliorum sententiam secutus, *l. 1. commod. locandi facultatem concessit. l. 13. C. de usufr. & habit.*

Dominus proprietatis, causam habitantis, aut usufructuarii, nullo modo debet facere deteriorem: quod facit etiam re in meliorem statum commutatâ. *l. fin. hic.*

Si plus utatur usufructarius quam oportet, officio judicis continetur, ne aliter quam debet utatur: *l. pen. in fin. h. t.* Id est, tanquam bonus paterfamilias; *l. 15. §. 1. hic.* & ita ne utendi fines excedat.

Vsufuctuarius quemadmodum caveat.

T R T. I X.

HAc de causa recte à Prætoro provisum est, ut legatarius, vel is cui alio modo constitutus esset ususfructus, aut usus, de utroque caveret: & usum se boni viri arbitratur: &, cum ususfructus ad eum pertinere desuisset, restitutum quod inde extabit. *l. 1. pr. hic. Paul. lib. 3. sent. 6.*

Duas causas habet hæc stipulatio: unam, si aliter quis utatur, quam vir bonus arbitrabitur: id est, si non percipiat boni viri arbitratu, & deteriorem causam ususfructus faciat, cæteraque non faciat, quæ in re sua faceret: *d. l. 1. §. 3. aliam de usufructu restituendo.*

Earum prior toties committitur, quoties aliter quis utitur, quam uti debet.

Sequens verò committitur, finito demum usufructu. *d. l. 1. §. penult.*

Rectè facient hæres & legatarius, si qualis res sit,

fit, cum frui incipit usufructuarius, in testatum sedigant: undè apparere possit, an, & quatenus, peior facta sit. *d. l. 1. §. 4.*

Hac stipulatione etiam continetur, dolum malum abesse abfuturumque esse. *l. 5. hic.*

Quæ clausula Doli cum stipulationi huic adjicitur & inferitur, concipienda est in rem & impersonaliter, non in aliquam personam certam; his scilicet verbis, *Dolum malum abesse abfuturumque esse*: ut scilicet non solus promissoris & fructuarii dolus stipulatione contineatur, sed omnium ejus successorum. *d. l. 5. Ant. Fab. ibid. in rational.*

Si habitatio, vel operæ hominis, vel cujus alterius animalis, relictae fuerint, licet per omnia hæc usumfructum non imitentur, nihilominus tamen cogendus est cavere. *l. 5. l. 6. hic.* Quia in hoc saltem imitantur; cum in hujusmodi legatis omnibus eadem juris & æquitatis ratio militet; quod per legatarium nunquam deteriore fieri causam proprietatis oporteat; quoniam id contra testantis voluntatem sit futurum; qui non nisi usumfructum, vel usum, vel habitationem, vel operas servi aut alterius animalis legavit, proprietatem verò heredi salvam esse voluit. *Ant. Fab. in ration. ad d. l. 5. §. fin.*

Cautio, non de nuda promissione intelligitur, ut in *l. 3. C. de V. S.* sed datis fidejussoribus, *l. 4. ubi Gl. C. de usufr. l. 1. qui satisf. cog.* siquidem haberi possunt.

Si verò nec fidejussoribus, neque pignoribus, ob inopiam, cavere usufructuarius queat, æquius est eum ad juratoriam cautionem admitti. *Anth. generaliter. C. de Episc. & Cler. Cyn. Bald. in l. 4. C. de usufr. Diss. Bart. in d. l. 4.*

DIGESTORVM

LIBER VIII.

De Servitutibus.

TIT. I.

EGimus superiore libro de servitutibus personalibus, ad reales (quæ propriè servitutes dicuntur. *rubr. hic.*) tranſeamus.

Dicuntur reales; quia licet & hominum cauſa mediate comparatæ ſint; ut alia jura; hoc tamen reſpectu maximè conſtituuntur & prædiis debentur.

Servitus realis, eſt jus agendi, habendive aliquid in prædio alieno ad ſui prædii utilitatem, quod jure communi agere, habere, non licet.

Sine prædio, & quidem alieno, conſtitui, aut eſſe nequit: *l. 8. l. 15. hic. l. 1. com. præd.* Reſ enim ſua nemini ſervit. *l. 26. de ſerv. præd. urb. l. 33. §. fin. de ſerv. ruſt. præd.*

Nec conſtituitur de eo quod nihil intereſt, neque utilitatem prædio dominantî præſtat. *d. l. 15.*

Hinc, non continua, *l. 6. ff. com. præd.* ſed vicina debent eſſe Prædia, in quibus ſervitus conſtituitur: cæteroquin nihil intererit ſervitutem imponi. *l. 38. cum. l. ſeq. de ſerv. præd. urb. l. 7. §. fin. de ſerv. ruſt. præd.*

Undè etiam eſt, quod ut pomum decerpere liceat, ut ſpaciari, ut cænare in alieno quis poſſit, ſervitus prædialis imponi nequeat: *l. 8. hic.* Quoniam hæc magis ad voluptatem hominis, quam ad veram prædii utilitatem, comparantur.

Sanè quamvis revera nullam utilitatem ſervitus apportet, tamen ſi conſtituentes illam fore utilem exiſtiment, veluti ſi aquam alicui ducere non expediat, ſervitus ea utilis erit. *l. ei fundo. 19. hic.*

Conſtituuntur ſervitutes pactionibus & ſtipulationibus inter vivos, & ultimis voluntatibus, ab
his

his qui jus constituendi habent. l. 19. l. 16. *com. prad.*
§. *fin. Inst. hic.*

Acquiruntur hodie (non olim. l. 10. §. *hoc jure. de usucap.*) exemplo rerum immobilium, præscriptione longi temporis, l. *fin. C. de præscr. long. temp.* l. 2. *C. de servit.* Quando scilicet cum titulo possidentur. *Cyn. Castr. in d. l. 2. per d. fin. l.*

Quando verò sine titulo, scientiâ & patientiâ domini opus est, d. l. 2. *C. de serv.* quæ sit loco tituli; l. 10. *si serv. vind.* ad usucapionem longi temporis complendam: Nam ad præscriptionem longissimi temporis, seu triginta annorum, complendam, neutro est opus. *Capol. de serv. urb. prad. c. 20. per doctrinam Castr. in d. l. 2.*

Quo ad constitutionem servitutis, differunt promissio, & constitutio.

Promissio personam tantum obligat; & diem & conditionem recipit. *Capol. de serv. urb. prad. cap. 22. per l. 4. §. 1. hic. l. 29. de serv. urb. prad.*

Constituitur servitus non aliter quam patientia domini, qui fundum servientem possidet, & usu ejus cui servitus constituta. l. *fin. hic.*

Quod factum patientiæ, præsentaneum ut sit, necesse est, quo prædio servitus imponatur.

Nec recipit servitus diem aut conditionem. l. 4. *hic.*

Habet enim suâ naturâ causam continuam. l. 28. *de serv. prad. urb.*

Quæ natura, seu potentia, quodcumque libet, utendi, magis consideratur, quam continuus actus. Sufficere enim debet, posse quem uti, & actum servitutis semper posse existere. d. l. 28. *vid. Alex. conf. 16. in causa. n. 13. vol. 5.*

Modus servitutibus adjici potest; veluti quo genere vehiculi agatur, &c. l. 4. §. 1. *cum l. seq. hic.*

Nec enim modus facit quo minus servitus sit simplex, continua, & perpetua; sed usum tantum servitutis definit, ac certis legibus moderatur.

Servitutum non ea natura est, ut quis aliquid faciat; l. 15. §. *fin. hic.* sed ut patiat, aut non faciat aliquid, idque principaliter.

In consequentiam aliquando quid facere quod prædio utile est, cogitur, vel natura servitutis, vel pacto contrahentium id postulante. *l. 6. §. 2. l. 8. §. 2. ff. serv. vind.*

Natura servitutes (ut dictum) sunt perpetuæ, & continuam habent causam: *d. l. 28. non semper possessionem. l. 14. in pr. hic.*

Divisionem non recipiunt.

Unde pro parte neque legari, nec adimi via potest, nec pro parte dominii acquiri. *l. 11. hic.*

Servitus in toto fundo tota est, *l. 9. hic.* & tota in qualibet ejus parte. *l. 6. hic.*

Hinc & in parte fundi tota servitus retinetur. *l. 8. §. fin. hic.* Licet enim servitus non possit acquiri pro parte, nec servitutis stipulatio fieri, *l. 11. hic. l. 16. ff. com. præd.* potest tamen acquisita in totum pro parte retineri, quia facilius est retentio, quam acquisitio: *l. pen. ff. de verb. oblig. l. 1. ff. de pignor.* & servitus jam constituta cæpit afficere totum prædium & consequenter quamlibet ejus partem; *l. 13. §. 1. inf. de servit. præd. rustic.* & confusio alterius partis non potest effectum causâ suâ latiore inducere. *l. 16. ff. de acq. rer. dom. l. 34. ff. de serv. præd. rustic. l. 30. ff. de serv. præd. urb.*

Servitutes per se non possunt possideri: sed possessionem earum habere intelligitur is, qui prædium possidet. *l. 32. §. fin. de serv. urb. præd.*

De Servitutibus urbanorum prædiorum.

T I T. II.

PRædium, aliud est Urbanum, (nempe ædificium habitandi vel urbani alicujus usus, vel voluptatis, causâ ubicunque extructum:) aliud Rusticum, id est, quodvis aliud prædium, ut ager, area, stabulum, ab ædificio separatum, & agriculturæ gratiâ extructum, sive in civitate, sive in agro. Non enim loco, sed qualitate & materia prædia differunt. *l. 1. in pr. com. præd. l. 198. de V. S. §. 1. Inst. hic. l. 16. C. de præd. minor. l. 4. §. 1. In quib. caus. pig. tac. const.*

Hinc

Hinc servitutum aliæ sunt urbanæ, aliæ rusticæ; id est, urbanorū, vel rusticorum prædiorum. *l. 1. de servit.*

Urbanorū prædiorum jura, *l. 2. hic.* sunt: In primis, Jus altius tollendi, §. 3. *Inst. de action. præter uſitatum ædificandi morem, l. 26. de except. rei jud.*

2. Altius non tollendi, cum vicino nostro, contra naturalem libertatem, imponimus necessitatem, ne ædes suas ultra præscriptam aliquam altitudinem extollat. *l. 8. C. de servit.*

Qui tamen viridaria, quæ nomine ædificii minime veniunt, super eam altitudinem habere poterit. *l. 12. hic.*

3. Immittendorum luminum, quo, ut vicinus lumina nostra excipiat, *l. 4. hic.* in parietem suum, aut communem, *l. 40. hic.* nec obstruat, acquiritur.

4. Ne luminibus officiatur servitute, hoc adepti maximè videmur, ne jus sit vicino altius ædificare, & luminibus nostris, *d. l. 4. l. 15. l. 17. hic.* sive quæ nunc sunt, sive futuris, officere. Nisi disertè cautum sit de præsentibus, *Lumina qua nunc sunt, ut ita sint. l. 23. hic.*

5. In servitute Ne prospectui officiatur, *l. 3. hic.* id amplius est, nequid objiciatur ad minuendum prospectum gratiorem, & liberum. *d. l. 15.*

6. 7. Est Stillicidii, id est, aquæ guttatim cadentis, vel Fluminis, id est, aquæ continuè fluentis, in tectum areamve vicini avertendi, vel Non avertendi (ut quia mihi utile sit) servitus. *l. 2. hic. §. 1. Inst. hic.*

8. Tigni immittendi est servitus; qua licet domino ædium, cui ea debetur, ex ædibus illis tignum immittere in parietem vicini, ut in eo requiescat. *l. 20. hic.*

9. Projiciendi servitus est; si stipuler ut liceat mihi protendere aliquid, nimirum arceras, super aream tuam, ut nusquam requiescant. *l. 2. hic. l. 24. 2. §. 1. De V. S.*

10. Protegendi servitus est, licere tectum suum supra

supra alterius arcem extendere, ad protegendas ab injuria pluviz ædes.

Ejusmodi protecta, suggrundæ & suggrundia vocantur. *l. 5. §. ait Prætor. ubi Budæus. de his qui de j. vel eff. t. t. de damm. inf.*

11. Oneris ferendi servitus est, ut paries aut columna aliena onus nostrarum ædium ferat. *l. 33. hic.*

12. Cloacæ servitus, quâ cui licet sordes in, aut per alterius ædes, derivare. *l. 7. de servit. l. 1. l. 2. de cloac.*

13. Foramen proluendi servitus est, hoc est, aquâ adhibitâ abluendi pavimenti causa in pariete conclavis. Modò ex cælo in locum illum aqua veniat, alioqui non est servitus. *l. 28. hic.* Quia servitutes perpetuam debent habere causam, *d. l. 28.* Si non actû, saltem habitu & aptitudine: ut Philosophi loquuntur.

14. Est & Servitus positum non habendi quod quoquo modo prædio meo nocere possit. *l. 17. §. 1. si serv. vind.*

De Servitutibus rusticorum prædiorum.

T I T. III.

Rusticæ servitutes sunt, quibus rustica, vel urbana prædia, rusticis prædiis serviunt: ut sunt, Iter, Actus, Via, Aquæductus, *l. 1. hic.* aquæhaustus, pecoris ad aquam appulsus, jus pascendi, calcis coquendæ, haronæ fodiendæ. *d. l. 1. §. 1.*

Iter, est jus eundi, ambulandi, hominis, non etiam iumentum agendi. *d. l. 1.*

Eundi non modò pedibus, sed etiam sella, aut le-
cicâ, aut equo. *l. 7. l. 12. eod.*

Competit ei soli, ad quem fundus cui servitus constituitur pertinet; nec (cum omnis locatio fiat ad tempus, quod servitutum naturæ repugnat) locare servitutem potest: *l. 44. locati.* quanquam per alios qui ejus nomine possident, ea uti possit. *l. 20. quem. serv. am. l. 22. quib. mod. usus f. am.*

Actus

Actus, est jus agendi, vel jumentum, vel vehiculum. *l. 1. vers. actus. hic.*

Itaque qui iter habet, actum non habet; qui actum obtinet, iter habere videtur. *d. l. 1. vers. actus.* Nam in majori includitur id quod minus est.

Jumenti appellatione hic non tantum equus, ut videtur velle *l. 38. §. 4. 5. 6. ff. de A. dil. Edict. l. 6. 1. §. 1. ff. de legat. 3. Paul. 3. sent. 6. sed & bos venit. sec. Isidor. lib. 12. cap. 1. & lib. 17. cap. 17.*

Via, est jus eundi, & agendi, & ambulandi. Nam iter & actum via in se continet. *d. l. 1. in pr. vers. via.*

Itaque qui actum habet, tantummodò agere potest: trahere verò lapidem, aut lignum, hactamque rectam, ferre non potest. Quæ omnia faciendi jus illi est, cui viæ servitus debetur. *d. l. 7. hic.*

Latitudinis modus in itinere actuque aut conventionem constituentium, aut, si nihil convenit, per arbitrum determinatur. *l. 13. §. 1. 2. hic.*

Si de via nihil convenit, legitima latitudo debetur: *d. l. 13. §. 1.* quæ in porrectum octo pedes habet: in anfractum, hoc est, ubi flexum est, sedecim. *l. 8. hic.*

Harum servitutum jus ita per omnem agrum diffunditur, ut omnes glebæ serviant, *d. l. 13. §. 1.* & per quamlibet fundi partem ire liceat. *l. 21. hic.* Quia quælibet pars fundi servientis, sicut est fundus, *l. 6. §. 1. inf. com. pr. d. l. 6. ff. de V. S.* ita est serviens. *l. 3. §. 1. l. 21. l. 23. §. ult. hic.*

Sed civili modo, & cum minimo servientis fundi detrimento, utendum est. *l. 9. De servit.*

Itaque aut convenire inter constituentes de modo itineris solet, aut, dato arbitro, iter determinari: & quam primum determinatum est, servitus inibi consistit. Cæteræ partes agri ab usu servitutis liberæ sunt. *d. l. 13. §. 1.*

Aquæductus, est jus aquam (scilicet perennem; *l. 1. §. 5. l. 2. ff. de aqua quot. & act.*) ducendi per fundum alienum, *d. l. 1. hic.* quatenus fundo dominantis opus est. *l. Imperatores. 17. l. ergo. §. 1. in fin. hic.*

Scilicet si ex flumine, fonte, publico ducatur; *l. 17. hic.* Sin ex privato quatenus in servitutem deducta est aqua. Nempe tum non consideramus modum & quantitatem prædii dominantis, sed ipsius servitutis constitutionem. *l. 12. C. de servit. & aqua.*

Ducitur aqua, vel ex aqua publica, (quod cuivis licet; nisi sit prohibitum ab eo qui jure potest, aut aqua illa sit in usu publico. *l. 2. de flum. l. 17. hic. l. 10. §. fin. de aq. pluvi. arc.* Puta flumen sit navigabile, aut ex eo aliud fiat navigabile. *l. 2. ff. de flumin. l. 41. ff. de aqua quot. & est*) vel ex aqua privata; quod non licet; nisi consensu ejus cujus interest. *l. 8. de aq. pluvi. arc. l. 2. C. de serv. per l. ult. C. de auth. præst.* Id est, non tantum domini cujus ex loco oritur; *l. 6. C. de servit. & aqua.* sed & ejus cui dominus jam antea ejusdem aquæ usum concessit. *l. 4. C. eod.* Pluribus enim aquæductus concedi potest, ut vel diversis horis ac diebus aqua utantur, vel si omnibus sufficiat, simul & eodem tempore; *l. 2. §. 1. & 2. l. 3. §. ult. hic:* modò concessio posterior, sine prioris fiat injuria. *l. 1. eod.*

Aquæhaustus, est jus hauriendi aquam ex flumine, fonte, puteove privato, quatenus ad fundum nostrum opus sit. *l. 5. in fin. hic.*

Ex flumine publico etiam sine servitute haurire licet. *l. 3. §. fin. hic:* Iter tamen ad illud cedi debet. *d. l. 3. §. fin.*

Jus pecoris ad aquam appellendi aut pascendi; *d. l. 1. l. 3. l. 4. hic.* jus calcis coquendæ, arenæ fodiendæ, cretæ lapidisque eximendi, *l. 5. hic. l. 13. com. prad.* (scilicet ædificandi ejus gratia quod in fundo est. *l. 6. hic.*) jus navigandi per perpetuum vicini lacum, *l. 23. §. 1. hic.* aliaque id genus, *l. 3. l. 29. hic. d. l. 13.* & inter servitutes rusticorum prædiorum computantur.

Quæ si personæ constituentur ad ejus usum, personalia sunt, *l. 12. l. 22. l. usus: de usus. & hab. l. pen. l. 37. hic. l. quidam. ubi Bart. & Dd. de alim. leg. nec in heredem transmittuntur, d. l. usus. l. 5. l. 37. hic.*

*Communia prædiorum, tam urbanorum,
quam rusticorum.*

T I T. IV.

• **C**ommania utrique servitutum generi sunt.
1. Quod fundum sequantur, & per alienationem transeant. *l. 12. hic.*

Sunt enim servitutes jura prædiorum, *l. 1. §. ult. ff. de rer. div.* Ea autem nihil aliud sunt, quam prædia ipsa qualiter se habentia; *l. 86. ff. de verb. signi.* Ac proinde necesse est, ut servitutes sequantur fundum in quemcunque transeant possessorem; nisi aliud sit dictum: quia alienatio fit semper cum sua causa. *l. 23. §. 1. sup. tit. prox. l. 67. ff. de contr. emt. l. pen. ff. de evictio.*

2. Quod conventionibus & testamento constituuntur. *l. 16. hic.*

3. Quod unusquisque eas suo tantum fundo imponere vel acquirere potest. Non alieno. *l. 8. hic.* Quia nemo alteri stipulari potest. *l. 11. ff. de oblig. & act. l. 38. §. alteri. ff. de verb. oblig. d. l. 8.*

4. Duorum prædiorum dominus alteri, quod tradit, servitutem potest acquirere vel imponere. *l. 3. §. 6. 7. eod.*

5. Quod rebus humano juri exemptis, vel publicis, servitutes ullæ imponi nequeant. *l. 4. l. 12. eod.*

6. Si per hereditatis additionem servitutes confusæ sunt, hereditate venditâ restituuntur: quia id agitur, ut emptor heres extitisse videatur. *l. 9. hic.*

7. Concessâ servitute, intelliguntur & ea concessâ, sine quibus servitute uti integrum non est: Ideo (cum resectio ad eum pertineat, qui servitutem sibi deberi asserit. *l. 6. §. etiam. si serv. vind.*) resectionis gratia etiam ad ea loca quæ non serviunt is accedere poterit. *l. 11. hic.* Sed non nisi quatenus necesse est. *d. l. 11. l. 5. in fin. l. 6. supr. tit. prox.*

8. Uni

8. Uni loco plures servitutes imponi possunt, si prior à posteriore non impediatur. *l. 15. hic. l. 1. §. 1. l. 14. de serv. præd. rust.*

Si Servitus vindicetur , vel ad alium pertinere negetur.

T I T. V.

Communes omnibus servitutibus etiã sunt actiones in rem, Confessoria & Negatoria. *l. 2. l. 6. §. 3. hic.*

Illa est vindicatio servitutis: *l. 9. de oper. nov. nunc.* Hæc libertatis, servitutemquẽ deberi negat. *Gl. verb. jus. & altius. in §. æque. Inst. de act.*

Utraque est civilis, *d. §. æque. specialis, & perpetua, l. 3. in pr. C. de præscr. 30. an. in rem, l. 2. com. præd. l. 6. §. 3. hic.* petitorii judicii, *d. l. 6. §. 1. arbitria, l. 7. hic. alia directa, l. 1. 2. 4. eod. alia utilis. l. 16. de serv. l. 20. §. 2. de serv. urb. præd.*

Confessoria, competit domino prædii dominantis, qui servitutem suam esse intendit; *l. 2. §. 1. hic.* aut aliis qui jus in re habent cujus nomine vindicare possint: *l. 16. de serv. l. 9. de oper. nov. nunc.* ut superficiario, *l. 1. §. ult. ff. de superfic. usufructuario, l. un. §. 1. ff. de remission. bonæ fidei emtori, l. 18. ff. de pignor. creditori, l. 16. ff. de servit. l. 11. §. 1. ff. de publ. in rem. act.* Sed his tantum utiliter.

Negatoria, domino prædii servientis, *l. 2. hic. Ias. & Dd. in d. §. æque.* qui deberi servitutem negat, datur.

Is de jure suo probare debet, *l. priusquam. de oper. nov. nunc.* Nempe secundum Wesemb. *hic.* Cifner. in interpr. *l. 15. ff. de oper. novi nunciat.* quod fundus servire desierit: *l. 28. de servit. rust. præd. l. 21. de serv. urb. præd. l. 4. §. ult. de usucap.* Secundum alios tantum probat gravamen prætensum; Reus servitutem, si velit obtinere. *l. 7. l. 8. l. 9. l. 10. C. de servit. & aqua. l. 8. §. 3. hic. vid. Fachin. 11. contr. 56. Ant. Fab. in C. h. t. de fin. 8.* Vel ædes quibus servitutem debet Sempronianæ, non Scianæ sint. *l. 4. §. 7. hic.* Quia qui

qui agit negatoria, non negat semper absolute ædes suas servitutem debere; sed negat debere ædibus adversarii.

Servitutem communis prædii unus ex sociis aut confiteri, aut negare post. l. 11. l. 14. §. 1. l. 19. hic.

Unicuique enim, & adversus unumquemlibet sociorum, actio in solidum competit, cum solida & tota servitus debeat, & toti fundo, & omnibus fundi partibus. l. 4. §. 3. eod. l. 6. §. 1. quem. serv. am.

Confessoria non tantum adversus dominum prædii, qui servitutem deberi negat, sed adversus omnem omnino qui eam impedit, datur. l. 10. §. 1. hic.

Item Negatoria adversus quemlibet indebitum sibi servitutis jus usurpantem.

Hæc in actiones veniunt quoque fructus, l. 6. §. 2. hic. ex tempore litis contestatæ: arg. l. 2. ff. de usuc. l. 20. ff. de rei vind. junct. l. 15. ff. rem rat. hab. l. 25. §. si ante. ff. de petit. hered. & si quid interest, actoris servitutem, aut non fuisse impeditam, l. 4. §. 2. hic. aut non usurpatam. l. 4. §. 2. l. 6. §. pen. hic.

Continetur & officio judicis, jubere ut in posterum caveat reus de jure agentis non imminuendo, aut impediendo. l. 7. l. 12. hic. l. un. C. uti possid.

Licet enim regulariter ad arbitrium judicis non pertineat futuri temporis tractus, aut tractatus; l. 1. §. 1. ff. de usur. tamen cum in actionibus confessoria & negatoria, cautio quæ arbitrio judicis irrogatur, loco rei sit, l. 7. hic. & cautio non præstetur nisi de futuro; d. l. 7. l. 21. in fin. l. 57. l. 69. ff. de Rei vind. l. 22. ff. de serv. præd. urb. l. 13. §. cum igitur. ff. de usufruct. merito hic admittitur.

Quemadmodum servitutes amittuntur.

T I T. VI.

Servitutes prædiales morte, aut capitis diminutione, non pereunt; l. 3. hic, sed salvo prædio, salva integræque perdurant.

Ex-

Extinguuntur 1. Confusione, id est, si idem utriusque prædii dominus esse cæperit in solidum, *l. 1. hic.* si pro parte, & servitutem totam retinebit. *l. 8. §. 1. de serv.*

2. Permissione actus contrarii servituti. *l. 8. hic.*

3. Rei interitu. *l. 14. hic.* puta totali, non partis. *l. 20. §. 2. ff. de serv. præd. urb. l. 13. pr. ff. de ser. præd. rust.*

Viâ tamen publicâ vi fluminis amissâ, vicinus proximus eam restituere tenetur. *d. l. 14. in fin.*

4. Si heres prædio sub conditione legato servitutem imposuerit, extinguitur ea, legati conditione existente. *l. 11. §. 1. hic. l. 105. de cond. & dem.*

5. Non utentis negligentia amittitur decem annis inter præsentis, viginti inter absentes. *l. pen. C. de serv.* Idque simpliciter ratione rusticarum servitutum; ratione urbanarum, si libertatis accesserit usufructus. *vide l. 6. ff. de serv. urb. præd.*

Si ita sit constituta aqua, ut vel æstate tantum ducatur, vel alternis annis, aut mensibus, duplicato constituto tempore, nempe viginti annis inter præsentis, quadraginta inter absentes, amittetur. *l. 7. hic. l. fin. C. de servit.*

Necessitas tamen qua quis servitute uti prohibetur, ut semper aliâs, *l. un. §. 1. ubi Gl. de off. cons.* ita & hic excusationem habet. *l. 14. hic. l. 34. in fin. cum l. seq. de serv. præd. rust.*

Libertas non amittitur non utendo, nisi fuerit interpellata. *l. 18. in fin. hic.*

DIGESTORVM

LIBER IX.

Si quadrupes pauperiem fecisse dicatur.

T I T. I.

Post judicia realia sequuntur personalia, quæ, quando nec ex contractu, neque ex maleficio dentur, naturam realium induunt.

Ex his vetustissima est de Quadrupede actio, prodita lege 12 Tabularum: Quæ lex voluit, aut dare id quod nocuit, id est, id animal, quod noxiam commisit: aut astimationem noxiæ offerre. l. 1. hic.

Pauperies, est damnum sine injuria facientis datum. Nec enim potest dici animal injuriam fecisse, quod sensu caret; d. l. 1. §. 2. scilicet rationis, ex qua jus æstimatur; l. 39. ff. de legib. l. 32. inf. tit. prox. ex hoc. a. injuria. l. 1. ff. de injur.

Itaque, tum hæc actio locum habet, cum commorâ feritate, contra naturam ejus generis communem, nocuit quadrupes. d. l. 1. §. 3. cum §§. seqq.

Si in custodia negligentius asservata, damnum dederit, non hac actione, sed ex Ædilitio Edicto, dominus convenitur. l. 40. cum ll. seqq. de ædil. edict.

Si culpâ alicujus, vel instigatu, pauperiem fecit, hac actione cessante, damni injuriæ ex Lege Aquilia, cum eo qui in culpa est, agetur. d. l. 1. §. 4. vers. quod si propter.

Datur hæc actio adversus dominum quadrupedis, non cujus fuerit cum noceret, sed cujus nunc est cum agitur. d. l. 1. §. 10. Noxa enim caput sequitur. eod. §. 10.

Si plurium sit animal, adversus singulos in solidum erit noxalis actio, sicuti in homine. d. l. 1. §. 12.

Ad

Ad id, ut vel damnum resarciat, vel animal no-
xæ dedat. *d.l.1. in pr.*

Condemnabitur tamen in solidam damni æsti-
mationem, si in jure interrogatus, an sua sit quadru-
pes, falsò respondeat suam non esse. *d.l.1. §.13.*

Si animal non quadrupes pauperiem fecerit,
actio utilis competit, non directæ, cessantibus legis
verbis, quæ nominatim de quadrupede loquitur.
l.1. §.2. l.pen. hic.

Ad Legem Aquiliam.

T I T. II.

DE damno injuria dato ex lege Aquilia est
actio.

Cujus legis tria sunt capita.

Primo capite is qui alienum Mancipium vel pe-
cudem injuriâ occidit, in tantum condemnatur,
quanti id eo anno, retrorsum computato, plurimi
fuit. *l.2. hic.*

Pecudum appellatione significantur quadrupe-
des; quæ gregatim pascuntur; ut oves, boves, equi,
sues, capræ, muli, asini, elephant, cameli; non
aliæ feræ bestię, nec canes. *d.l.2. §.2. hic.*

Injuriam hic accipe, quod non jure factum est;
l.1. de injur. hoc est, si contra jus & per culpam,
etiam levissimam; *l.30. §.3. l.44. hic* quis occiderit,
etiamsi nocere noluit. *l.5. §.1. hic.*

Ubi injuria deest, legi Aquiliæ locus non erit.

Ut, si quis adgredientem ad sui defensionem,
vel rerum suarum tutelam, læserit. *l.3.4.5. l.45.
§.4. hic.*

Neque tamen sufficit alterum causam rixæ de-
disse. Nam quomocunque defensionis modus ex-
cedatur, semper injuriâ damnum fit: *l.45. §.4. l.52.
§.1. hic.* & proinde civili huic actioni locus est;
etiamsi in criminalibus judiciis provocato, & mo-
dum excedenti parci, pœnaque mitigari soleat. *vid.
Ias. in l.1. ff. de leg.*

Magistratus qui non ex lege, neque jure, aliquem
damno afficit; hac lege tenetur; *l.29. §.pen. hic.* &

eius illicitis jussis parentes, damnum injuriâ inferunt. *vid. Bald. in d. l. 29. §. pen. Dec. in l. 167. §. qui jussu. de R. I.* Nè unde jura nascuntur, inde proficiatur injuriarum occasio. *l. 6. C. unde vi. junct. l. 13. §. 1. & 2. ff. de injur. l. 15. §. si publicus. ff. de damn. inf. l. 3. ff. quod met. caus.*

Dat actionem lex domino, *l. 11. §. 6. hic.* soli; non ei cujus interest; ut commodatario, creditori, *d. l. 11. §. 3.* directam ex verbis legis: utilem verò ex interpretatione & aliis præstati, cæptum est: ut usufructuario, usufructuario. *d. l. 11. §. fin. l. 12. hic.* Quia uterque quodammodo domini procurator est. *l. 1. §. ult. ff. de oper. nov. nunc.*

Undè liber homo, si illi sit nocitum, directam actionem non habet, (quia non est dominus rei læsæ: Debet enim inter Dominum, & eam rem quæ in alicujus dominio est, realis esse distinctio.) sed tantum, ex sententia legis, utilem. *l. 13. hic.*

Quam in actionem impendia in medicos facta, & quicquid lucri interversum, aut damni per vulnus ac cædem datum est, venit: *l. 1. §. hac autem. l. fin. de his qui effud. non autem ipsius corporis liberi hominis æstimatorio. d. l. fin. Gl. in l. 7. §. 4. in verb. gloria. hic.*

Datur adversus omnes qui suo corpore damnum dederunt. Lex enim Aquilia occidentis factum requirit.

Nam si alio modo necaverint, utilis, in factum actio, ex interpretatione legis, competit. *§. fin. Inst. hic. l. 9. §. 2. hic.*

Adversus mandantem non datur. (Quia corpore suo damnum non dedit;) nisi jus imperandi habuerit. *l. 37. eod. l. 169. de R. I.* Quia is damnum dat, qui jubet dare. Culpa verò caret qui parere habuit necesse. *l. 163. §. 1. l. 169. ff. de R. I. l. 10. §. ult. ff. de his quæ ut indign. l. 13. ff. ad l. Falcid.*

Adversus contententem dirigitur in simplex; contra fraudulenter, non justo errore, *Nov. 18. c. 8. negantem, ad vindictam mendacii, in duplum. l. 2. l. 23. §. 10. ff. l. 4. C. hic.*

Æsti-

Æstimatur autem omne quod ullo modo interest. *l. 21. cum ll. seqq. ff. §. illud. Inst. hic.*

Quo verbo comprehenditur non modò damnum datum, sed & quod consequi potuimus, aut erogare cogimur. *l. 33. l. 23. §. 6. hic.*

Idedque, quamvis heredi, cæterisque successoribus, hæc actio detur, quia ex parte agentis est rei persecutoria, & damnum refarciri postulat: tamen in heredem non transit, nisi fortè ex damno locupletior sit factus. *d. l. 23. §. 8.*

Secundum hujus legis caput, nec extat, nec est in usu. *l. 27. §. 4. hic.* Cujacius *in par. C. hic.* putat de intercepta aliqua utilitate fuisse. Sed ut inquit Ant. Faber *ad l. 27. §. 4.* divinare facile est, bene divinare difficile.

Tertium est de omni alio damno, præter mancipium, aut animal, quod pecudum numero sit, occisum.

Ex hoc capite similiter dolus vel culpa punitur: *l. 30. §. fin. hic.* sed res tanti æstimatur, quanti plurimi fuit eo mense, retrorsus computato. *d. l. 27. §. 5. & §. 6. l. 29. §. ult. l. 30. §. 3. hic.*

Culpa est, cum quod diligenter provideri potuerat, non est provisum. *l. 30. eod.* Nam in lege Aquilia & levissima culpa venit. *l. 44. hic.* Quia non aliter quis Lege Aquilia non tenetur quam si nulla ejus culpa interveniat. *§. 3. Inst. hic.* Aliqua autem culpa est quæ levissima. Excipiendus tamen est casus, *l. 34. §. 1. vers. sed damnum. ff. de acquir. rer. dom.* si liber homo bona fide mihi serviens damnum dederit. Culpam enim ab eo exigere debemus graviolem, nec tam levem quam ab extraneo. Sic enim ibi legendum est, non, ut vulgo, non tamen. Ant. Faber *ad d. l. 44.*

Si plures vulneraverint, nec ictus quo occisus, discerni potest, omnes tenebuntur de occiso, etiam tota quandoque universitas: *vid. Bart. in l. aut facta. §. nonnunquam. n. 3. 4. 5. de pæn.* Nisi ipsi inter se certò designare eum qui fecit possint: *Gl. in l. si in rixa. 17. ad l. Corn. de sic.* & is tum tenebitur de occiso, cæteri de vulnerato. *l. 11. §. 2. 3. hic.* Nam

ictus cujusque, in hoc collectorum contemplari oportet; *l. ult. ff. ad leg. Corn. de sicar.* ut pro varietate ictuum poena constituatur. *Gothofr. ad d. l. ult.*

Cum plures in rixa se mutuo vulnerant, nec constat uter provocaverit, delicta solent mutuam compensationem tolli. *l. 45. §. 3. hic. Gl. & Barr. in l. 1. §. cum arietes. si quadr. paup. fec.* Scilicet ubi par omnium est culpa; & quoad Legis Aquiliæ, non criminalem, actionem.

Qui damnum in rebus inanimis infert, & hac actione tenetur. *l. 27. §. 18. cum seq. l. 40. cum ll. seqq. hic.*

Ut autem ex primo; ita etiam ex isto capite utiles actiones, de sententia legis, dantur, ut libero homini suo nomine; *d. l. 37. hic.* cum res non corrupta, sed consumpta plane est: *l. 30. §. 2. eod.* cum quis non suo corpore damnum dedit, sed occasionem damni præstitit; Quæ quidem actio utilis in factum aliquando nominatur. *l. 14. de præsc. verb. l. 9. §. 1. l. 7. §. 3. l. 11. §. si alius. l. 27. §. 21. l. 29. §. pen. hic.*

Quanquam propriè illa dicatur actio in factum subsidaria, quæ datur propter damna Lege Aquiliâ non comprehensa: *l. 33. in fin. hic.* ut si servum meum, aut animal compositum solveris, ut fugeretur. *§. fin. Inst. eod.*

De his qui dejecerint, vel effuderint.

T I T. I I I.

D At Prætor actionem in factum adversus eum, ex cujus habitatione aliquid solidum dejectum, vel liquidum effusum est, quod alteri nocuit. *l. 1. hic.*

Non datur in dominum ædium. Nisi & ipse in eadem domo habitet. *l. un. ff. furt. adv. aut caup. stab.* Culpa enim penes habitatorem est; *d. l. 1. §. 4. vel quia dejecit, vel quia ne sui dejicerent curæ non habuit.*

Suorum enim unusquisque culpam præstat. *l. 5. l. pen. §. fin. hic.*

Hospes

Hospes qui paulisper alicubi hospitatur, non tenetur, sed is qui hospitium dedit. *d.l. 1. §. 9.*

Huic tamen ex æquitate in verum dejectorem actio vel in factum utilis & subsidiaria; *fac. l. 11. l. 21. ff. de præscr. verb. vel locati*, si ei cœnaculum locavit, dabitur, si ob id quod dejectum dicitur condemnatus est. *d.l. 5. §. 4. hic.*

Si plures in eodem cœnaculo habitent, undè quid dejectum est, ita ut difficulter sciri possit, quisnam effuderit; in quemvis dirigi potest actio, & quidem in solidum. *d.l. 1. §. fin. cum. ll. seqq.* Quia quoties contra plures datur actio ex facto aliquo individuo, ut hic est effusio vel dejectio; actio quoque debet esse individua; ut effectus causæ respondeat. *l. 51. §. 2. ff. ad leg. Aquil.*

Si cum uno fuerit actum, cæteri, non electione, sed solutione ipsius damni, liberabuntur: præstaturi partem detrimenti societatis iudicio, vel utili in factum actione, ei qui solvit. *l. 3. & 4. hic.*

Hæc actio ad exemplum Legis Aquiliæ introducta est: *d.l. 5. §. 4.* sed semper in duplum damni illati datur. *l. 1. pr. 4. §. 4. hic.*

Non fit tamen damni æstimatio in duplum, si liber homo dejectione periit. (Quia duplum non nisi ex comparatione simpli potest constitui; simplum autem hic nullum esse potest, cum in homine libero nulla corporis æstimatio fieri possit: *l. 1. §. 5. l. ult. hic. l. 3. ff. si quadr. paup. fec.*) sed quinquaginta aureorum iudicium datur. *l. 1. hic.*

Si viveret, nocitumque ejus corpori esse diceretur: quanti iudici æquum esse videbitur, tanti iudicium erit: *d.l. 1. §. hæc autem. 6. in fin.* habitæ ratione, non ipsius corporis, (quod, cum liberum sit, nullam recipit æstimationem) sed impensarum in curationem factarum, & operarum, quibus ob illud factum curavit, vel cariturus est. *l. fin. hic.*

Si verò id servus insciente domino fecerit, noxalis actio est: ac dominus poterit, servum noxæ dedendo, poenam vitare. *l. in pr. & §. 6. hic.*

Est hæc actio perpetua, & heredi datur: nisi ho-

mo liber periisse dicatur : quo casu est actio mere pœnalis, popularis, annua. *l. 1. §. 5. hic.*

In qua movenda extraneis præferuntur hi qui agnatione, vel affinitate, defunctum contingebant. *d. l. 1. §. 5.*

Si homini libero nocitum sit, ipsi agere volenti perpetua est actio, alii annua. *l. 5. §. 5. hic.*

Dat etiam hoc titulo Prætor actionem popularem in factum adversus eum, qui in suggrunda, vel protecto supra eum locum quâ vulgo iter fiat, aut in quo consistitur, id positum habet, quod, si cadat, alicui nocere potest. Publice enim interest, ut non tantum sine damno, sed etiam siue metu & periculo damni per itinera commeari liceat. *l. 1. §. 1. hic.*

Pœna est decem atreorum, & si servus inscio domino posuerit, similiter est actio noxalis. *l. 5. §. Prætor. 6. hic.*

Utilis actio datur, si neque in suggrunda, neque in protecto, positum sit, sed in pergula, vel simili loco. *d. l. 5. §. pen.*

De noxalibus actionibus.

T I T. I V.

CUm servus personam standi in judicio legitimam non habeat, *l. servus. C. de jud.* nec quid proprii possideat, ex quo damnum resarciri possit: *l. 12. §. 4. de accus.* æquum visum fuit dominum ex noxa, id est, maleficio servi, Noxalibus actionibus obligari: ut cui emolumenta & fructus acquirerentur, ad eundem detrimenta, culpa servi contracta, pertinerent.

Quod intelligendum de privatis judiciis: ad publica maleficia Noxalis actio non pertinet. *l. 2. C. de accus. d. l. 12. §. omnibus.*

Dominus, quo ignorante servus deliquit, si damnatur, habet deditioe ipsius corporis facultatem evitandi litis æstimationem. *l. 1. hic.*

Si eo sciente, & cum posset, non prohibente, servus deliquit; ad integram litis æstimationem, perinde ac si jussisset, alligatur. *l. 2. cum 3. ll. seqq. eod.*

Ut

Ut etiam si dolo desine possidere servum, aut per mendacium negat se habere eum in potestate: nec, deferente adversario, velit jurare, se nec in potestate habere, nec dolo fecisse quominus haberet. *l. 5. l. 21. §. 2. & §§. seqq.*

Hodie apud nos, qui ministris, non servis, utimur, hujus Edicti non magnus est usus: cum illorum nomine non teneamur, §. *omnis. Inst. hic. t. t. C. ne uxor pro mar.* nisi quatenus eorum merces se extendat.

D I G E S T O R V M

L I B E R X.

Finium regundorum.

T I T. I.

Post judicia in rem, & personam exposita, ad mixta veniamus, quæ simul & in rem sunt & in personam: §. 20. *Inst. de action.* aut saltem aliquid reale, & aliquid personale in se habent. *vid. l. 1. l. 3. §. 3. ad exhib.*

Inter ea primum est finium regundorum iudicium; quod ad distinctionem agrorum pertinet.

Datur enim inter confines de finibus regundis, id est, dirigendis.

Fines agrorum, sunt spatium quinque pedum, quod ex lege Manilia purum à cultura relinqui debet, ut illac iri sine incommodo, agri colendi causa, & aratrum circumduci possit. *Paul. lib. 1. sent. tit. 15. Cujac. in l. 4. §. ult. de usuc. Gothofr. ad l. 5. C. hic.*

Ergò de hoc spatio est quæstio finalis, id est, de finibus agrorum, quæ per hoc iudicium terminatur.

Ultra quinque pedes autem quæstio proprietatis est, ad rei vindicationem pertinens. *l. 3. C. Th. hic.*

Pertinet hoc iudicium ad prædia rustica, eorumque confinia. *l. 2. l. 4. §. 10. hic.* Licet ædificia, *l. 2. in princ. hic.* vel rivi privati, *l. 6. eod.* interveniant; non si publica flumina, rivi, viæ: *l. 4. §. fin. l. 5. eod.* nec pertinet ad prædia urbana; neque enim confinia hæc, sed magis vicina dicuntur; & ea communibus parietibus plerumque determinantur. *d. l. 4. §. 10.*

In urbe tamen hortorum latitudo efficit interdum, ut etiam finium regundorum agi utiliter possit. *d. l. 4. §. 10.*

Competit hoc iudicium dominis prædiorum, etiam utilibus, item fructuario & creditori, qui iure pignoris possidet: *d. l. 4. §. 9.* propter jus quod in re possident.

Contra eosdem omnes eadem ratione competit: quia duplex est hoc iudicium; *l. 10. hic. l. 12. de jud.* & neuter agentium vel actor est vel reus, sed unusquisque & actoris & rei partes sustinet; siquidem uterque petit & ab utroque petitur. *d. l. 10.*

Inter socios, qui communes agros possident, locum habere non potest. Quia omnes unius loco habentur. *l. 4. §. 6. & 7. hic.*

Datur partim in personam; vel ex maleficio, vel ex negatione: partim in rem, ut domino, vel potius agris, suum adjudicetur, *d. l. 1. d. l. 4. §. 5.* sive ut termini constituentur novi, sive ut antiqui reparentur. *d. l. 4. §. 4. l. 8. hic.*

Post litem contestatam & fructuum habetur ratio. Ante percepti in hoc iudicium non veniunt. Nam si bonæ fide percepti sunt, lucro ejus cedunt qui consumpsit: mala fide, condicuntur. *d. l. 4. §. 2.*

Cum de finibus queritur, primò de possessionis jure queri solet, *l. 24. de rei vind.* quo videlicet modo & loco termini hætenus sint observati & possessi: *l. 3. C. hic.* ad quod utrinque sunt probationes producendæ. *c. 3. de probat.*

Probantur fines veteribus monumentis, *l. 11. hic.* testimoniis: *l. pen. ff. l. 1. C. eod.* famâ antiquâ, præsumptione juris, & similibus. *vid. Bald. conf. 161. proponebatur. vol. 3, Socin. conf. 86. n. 2. 4. 5. incipit*

capit: in causa. vol. 1. Gl. in c. cum causam. 13. de prob.

In obscuris iudex potest novos fines, ex bono & æquo, dirigere. §. *quadam. 21. in fin. Inst. de act.*

Quod ut rectè fiat, est iudicis vel in rem præsentem ire: aut agrimensores mittere. *l. 8. ff. l. 3. C. hic.*

Qui, post delatam finium regundorum questionem, non expectatâ iudicis sententiâ, partem fundi alieni usurpat; quod petebat amittit, & tantum agri modum quantum adimere tentabat. *l. 4. C. eod.*

Qui terminos moverint, ex Lege Agraria Julii Cæsaris, quinquaginta aureos, in singulos terminos in publicum dare jubentur. *l. fin. de term. mot.*

Rescripto D. Adriani pœna corporalis irrogatur. *l. 2. de term. mot.*

Quæ accusatio civile finium regundorum iudicium non tollit, neque ab eo tollitur. *l. 4. §. 4. hic.*

Familia erciscunda.

T I T. II.

EX Lege XII. Tabularum actio descendit, quæ res hæreditariæ, inter heredes, à communione discedere volentes, dividi officio iudicis petuntur. *l. 1. hic.*

Invitum enim in communione detineri lex vetat. *l. fin. C. tom. divid.*

Quæ actio, iudicium familiæ erciscundæ nominatur.

Quod iudicium est civile, *l. 1. hic. duplex, l. 2. §. 3. hic. mixtum, l. 22. §. pen. hic. bonæ fidei, l. 9. C. eod. universale, quoad divisionem hereditatis, officio iudicis inter coheredes faciendam, agitur.*

Est tantum ei inter coheredes, *l. 36. hic. sive suo nomine, sive jure successionis, l. 48. hic. locus.*

Generaliter qui hereditatem petere possunt, hi & divisionem rectè petunt. *l. 2. hic.*

Bonorum possessoribus, fideicommissariis, reliquisque qui vicem heredis repræsentant, ex sententia legis utile iudicium competit. *d. l. 2. §. 1. l. 24. l. 40. ff. hic.*

Ad omnem hereditatem, etiam plures communes, *l. 25. §. 3. hic.* siue ex testamento, siue ab intestato, pertinet: *l. 2. hic.* deque omnibus rebus hereditariis: *l. 8. 9. 10. 11. 12. hic.* etiam alienis, quas bona fide defunctus possedit, *l. 10. hic.* aut pignori habuit: *l. 29. hic.* & de omnibus omnino commodis & incommodis hereditatis competit. *l. 19. l. 22. hic.*

Unde & præteriti temporis fructus veniunt: *l. pen. cod.* item ea quæ vel dolo, vel culpâ coheredis, aut amissa, aut deteriora reddita sunt. *l. 25. §. non tantum. l. 16. §. 4. cod.*

Non veniunt in iudicium familiæ creiscundæ, nomina: *l. 4. hic.* (Sunt enim sine ullo iudicio inter heredes ex lege XII. Tabb. divisa. *d. l. 25. l. 6. C. cod.* Dividuntur enim ipso jure tam activa, quam passiva pro portionibus hereditariis, *l. 1. C. si cert. pet. l. 1. & 2. C. si unus ex plur. hered. l. 6. C. hic.*) nec perniciofa: ut sunt libri improbatæ lectionis, magici, & similes, venena mala: (sed à bono iudice statim sunt corrumpenda:) neque crimine acquisita, (quæ dominis restituenda: *d. l. 4. §. 2.*) nec quæ speciali titulo possidentur. *d. l. 25. §. 7.* Non enim venit in hoc iudicium nisi quod est hereditatis, aut quod occasione hereditatis possidetur. *l. 2. in pr. l. 54. hic.*

Illa etiam in hoc iudicium deduci & reputari debent, quæ à morte testatoris in res hereditarias insumpta sunt: & quicquid coheres ex necessitate, non voluptate, *l. 27. de neg. gest. fecit, aut expendit. l. 18. §. 3. l. 25. §. 15. l. 39. in pr. hic.*

Debent coheredi ut præcipua adjudicari, prælegata, *l. 8. l. 42. cod.* salvâ tamen coheredibus Falcidiâ: *l. 10. l. 18. l. 21. l. 24. l. ult. C. hic.* & quod defunctus ipsi debuit: *l. 20 §. 1. l. 51. hic.* nec expensæ, nomine studiorum filii factæ, reputandæ. *l. 50. hic.* Quia quod pater in liberos studiorum causa erogat, pietatis intuitu facere credendus est potius, quam

quam animo repetendi, & tanquam pater, nunquam quasi creditor. Nisi contrarium probetur.

Tabulæ testamenti apud eum manent, qui majore ex parte heres est, cæteri descripta & recognita habent: si omnes iisdem partibus heredes sint, sortiri, aut amicum apud quem deponant, eligere debent. *l. 4. §. 3. l. 5. 6. hic.*

Judex debet nihil indivisum relinquere, *l. 25. §. 20. eod.* de actionibus aliisque juribus cautiones ex bono & æquo interponi jubere: *d. l. 25. §. 21. l. 47. eod.* quæ commodè divisionem non recipiunt, vel alternis temporibus adjudicare; *l. 16. §. 3. eod.* vel alteri rem, alteri pretium addicere: *l. 22. §. 1. eod.* Potest & in dubiis, sorti rem committere. *l. 3. C. com. de leg. inf. in l. 1. n. 39. si cert. pet.*

Competit hoc judicium tum demum cum jam adita est hereditas, *l. 49. in fin. hic.* & durat per triginta annos. *l. 1. C. de annal. except.* Non ultra, si quidem unus coheredum solus hereditatem possideat: sin omnes communiter, & post illud tempus huic judicio est locus. *Schneidw. ad §. quadam. Inst. de action. de act. fam. erisc. num. 68. & seqq.*

Semel tantum intentari potest, quia universale est. Ideò si res quæpiam remanserint indivisæ, communi dividundo erit agendum. *l. 20. §. 4. hic.*

Retractatur divisio, si cum herede putativo divisum sit: *l. 36. hic. l. cum quis. C. de juris & fact. ign. aut læsio ultra dimidiam justæ portionis partem intervenit. l. 3. C. com. utr. jud.*

Communi dividundo.

T I T. III.

CUm citra societatis affectionem possint res inter aliquos esse communes, *l. 2. hic.* opus fuit hoc judicio communi dividundo, quo res quomodocunque communes dividerentur.

Nec enim quisquam invitus in societate communionem retinendus. *l. fin. C. eod.* Quoniam communio rixas & discordias parere, *l. 77. §. 20 ff. de legat. 2. & negligentioris culturæ ac tutelæ rei occa-*

tionem suggerere solet. *l. 2. in princ. C. quand. & quib. quarta pars &c. lib. 10.*

Ex hoc iudicio competit actio Directa inter dominos rei communis corporalis; *l. 4. in pr. eod. vel inter omnes, vel certos ex his. l. 8. l. 29. in fin. hic. Patet si alii absint, adeoque contradicant; sed ita tamen ut absentium & contradicentium jus saluum maneat pro ipsorum portionibus. l. 17. C. fam. ercisc.*

• Utilis datur, si, aut quasi domini agant, (ut emphyteutæ, *l. 7. in pr. hic.* bonæ fidei possessores, *l. 6. l. 7. §. 2. hic.* & missi in possessionem ejusdem rei. *d. l. 7. §. 3.*) aut domini Juris, (ut fructuarii; *d. l. 7. §. sed et si. & §. 10.* usufructuarii; *l. 10. §. 1. hic.* habentes servitutem prædialem, *l. 19. §. ult. eod.* & creditores qui eandem rem pignori acceperunt. *d. l. 7. §. 6.*) aut qui dominium alienarunt, ita ut tantum ob præstationes personales agatur. *d. l. 6. §. ult.*

• Si rei communis pars alienata, (ante scilicet intentatum iudicium. *l. 2. C. hic.* Eo enim pendente pars rei communis cæteris invitis alienari nequit. *l. 1. C. eod.*) non cum eo qui alienavit, sed cum novo domino est agendum. *l. 1. l. 3. C. eod.*

• In heredes transit, contraque cæteros successores, non tanquam heredes, sed ut dominos & possessores: quo tamen in iudicio etiam id veniet, quod defunctus percepit. *d. l. 4. §. sicut. l. 22. hic.*

• Quibus autem datur hæc actio, & contra eodem, cum duplex sit iudicium, datur. *l. 2. in fin. hic.*

Quo in iudicio, præter divisionem, veniunt & præstationes personales: veluti, quia cum partem suam separatim administrare non potuerit; impensas in re, communi nomine, fecit, *l. 4. §. sicut. l. antep. hic.* (nam si proprio, retentionem tantum habet. *l. 14. l. antep. hic.*) fructus ex re communi ultra partem suam percepit, *d. l. 4. & seq.* aut in ea damnum dedit, *l. 3. l. 8. §. 2. l. 20. hic.* aut quia alicui aliquid ex parte focii adjudicatum est. *§. 3. Inst. de off. jud.*

• De quibus agi utiliter potest etiam si res non petatur dividi. *l. 14. l. 6. hic.*

In divisione hic facienda, omnia eadem observanda sunt quæ in familiæ exciscundæ actione. *l. 6. §. 11. l. 19. in fin. hic.*

Nam & hoc iudicium est bonæ fidei, *d. l. 4. §. 2. d. l. 14. §. 1. duplex, d. l. 2. & mixtum, d. l. 4. §. sicut.*

Unde iudex debet res de quibus actum, dividere, *l. 13. eod.* & singulis partes suas, si commodè regionibus, mensura, vel temporibus dividi possunt, assignare: *l. 3. in princ. l. pen. C. l. 19. in fin. l. 7. §. 10. ff. eod.* si unius pars prægravari videatur, eum invicem certa pecunia alteri condemnare: *d. l. 13.* quæ divisionem non recipiunt, uni adjudicare: scilicet ei qui plus jûris, majoremque partem, aut etiam affectionem probabilem, in re habet: *l. 34. §. 1. ubi Bald. C. de don. Bald. in l. fin. C. com. de leg. Gl. in l. 2. ad verb. in servum. C. quan. & quib. quar. pars. lib. 10.* eumque in partem æstimationis alteri, cui res abjudicata est, condemnare: *d. l. 6. §. pen. l. 7. l. 10. cum simil. hic.* si de æstimatione non conveniat publicâ licitatione factâ, (etiam admissio extraneo si unus ex sociis justum pretium ob pauperatatem offerre nequeat) ei rem, qui licitando & amplius pretium offerendo, vicerit, addicere, diviso postea inter alios pretio: *l. 1. 2. 3. C. l. 7. §. ult. ff. hic.* si omnium jura æqualia sunt, sorti rem committere: *l. fin. ubi Dd. C. com. de leg. d. l. 2. C. si quid damni datum sit, vel eo nomine absit alicui sociorum, aut superfit, ejus rationem habere: l. 3. C. hic.* unâ cum accessionibus & decessionibus omnibus: *d. l. 6. §. 3. & denique in universum providere, ut omne commodum, atque incommodum, æquabiliter dividatur, nisi quid dolo, culpâ, aut facto socii, sit contractum. l. 20. hic.*

Ad exhibendum.

TIT. IV.

EXhibere in jure variis modis accipitur; Hic nihil aliud est, quam in eadem causa præstare rem, in qua fuit, cum iudicium acciperetur: *l. 9. §. 5. hic.*
Qua-

Quapropter actio ad exhibendum, est personalis, in rem directæ, quâ petitur, ut res exhibeatur, ejusque videndæ apprehendendæque copia actori fiat. *vid. l. 3. §. 3. §. fin. hic.*

Datur ei qui in rem acturus est qualicunq; actione, etiam pignoratitiâ aut noxali: *d. l. 3. §. 3. & §. 4. item ei qui personali actione rem condicturus est; in §. 28. Inst. de rer. div. & generaliter ei cujus aliquo modo ex honesta, l. 10. cum seqq. ff. de furt. & probabili causa, l. pen. hic. interest exhiberi. d. l. 3. §. 12. modò in aut ad rem jus habeat.*

Judex igitur summam cognoscere debet, an ejus inter sit: id est, an probabilem causam habeat actionis, propter quam exhiberi sibi desiderat: *d. l. 3. §. 9. & §. 11. in fin.*

Interesse ejus qui agit ad exhibendum, oportet, utroque tempore, & quo lis contestatur, & quo fit condemnatio: *l. 7. §. fin. hic. & quidem interesse pecuniariter: l. 13. hic. aut ut alia saltem probabilis subsit causa, quamobrem exhibitio sit facienda. l. fin. eod. Ut ratione rei quæ ipsi debetur, aut in qua jus habet, quæve pretio æstimari potest. l. 3. §. 11. hic. l. 1. 2. ult. C. eod.*

Unde qui idè ad exhibendum agit quod ipse ab alio eadem actione conveniatur; aut quod dolo defuit rem possidere; item fur vel raptor rem exhiberi cupiens; non auditur. *d. l. 3. §. 11. hic.*

Datur contra eum, qui facultatem exhibendi habet; sive civiliter possideat, sive naturaliter possessioni incumbat: proinde datur etiam contra depositarium, commodatarium, & conductorem. *d. l. 3. §. ult. l. 4. l. 5. in pr. ff. l. pen. C. eod.*

Et, si quis non possideat litis contestatæ tempore, postea autem, ante sententiam, possidere incipiat; condemnandus est, nisi restituat: non is qui cum judicii accepti tempore possideret, postea sine dolo malo possidere defuit. *l. 7. §. 4. l. 9. hic. Quia an reus possideat tempore ferendæ sententiæ, spectatur. l. 7. §. 4. 5. 6. ff. eod.*

Datur hæc actio de omnibus rebus mobilibus, *l. 3. §. fin. l. 5. §. 1. l. 6. hic. vel se moventibus, l. 1. 2. C. hic.*

hic. non soli , *l. 5. 6. de procur. cum per se pateant,*
oculisque subjiciantur.

Est arbitraria. *d. l. 3. §. 13. & 31. Inst. de action.*
Cujus effectus est, ut, nisi reus arbitrio judicis rem
exhibeat, in id condemnetur quod actoris interest.
d. l. 3. §. 15. l. 9. §. pen. & ult. hic. Ita ut propter cul-
pam vera à Judice æstimatio fiat ; ob dolum actori
iurjurandum in litem deferatur. *l. 4. C. hic. l. 4. §. ult.*
l. 5. §. sed cum his. ff. de in lit. jur.

Et, cum omnis causa restituenda sit ; partus quo-
que & fructus ; omnesque utilitates quæ amissæ
sunt ob hoc quod res non exhiberetur , vel tardius
exhibita est, æstimabuntur. *d. l. 9. §. fin. l. 10. l. 11.*
l. 12. §. 4. eod. Nisi reus justam habuerit non exhi-
bendi, aut ad iudicium provocandi, causam ? Quia
tum non videtur in mora fuisse. *l. 24. ff. de usur.*

Res ibi exhibenda est , ubi fuit cum lis conte-
staretur ; *l. 11. §. 1. hic.* & quidem sumptibus
actoris. Nisi dolo rei translata proponatur. *d. l.*
11. §. 1.

D I G E S T O R U M

L I B E R X I.

De Interrogationibus in jure faciendis, & interrogatoriis actionibus.

T I T. I.

Actionibus realibus ancillantur interro-
gationes in jure faciendæ ; puta , vindic-
ationibus & maximè petitioni hæredi-
tatis.

De quibus Prætor Edictum proposuit ; quo vo-
luit adstringere eum qui convenitur, ex sua in judi-
cio aut jure , *l. 2. C. de pedan. jud.* responsione , ut,
vel confitendo, vel mentiendo, sese oneraret : simul
& illud erueretur, quo quisque jure ex testamento,
an ab intestato, & quota ex parte, heres esset. *l. 2.*
3. 4.

3. 4. *hic*. Ex qua confessione certam efficacemque actionem voluit impetrari. l. 4. §. *fin. hic*.

Quæ vocabatur Interrogatoria actio. *Duaren. lib. 1. disp. cap. 43.* nec erat species actionis ab aliis distincta, sed qualitas quædam:

Sed interrogatoriæ actiones in defuetudinem abierunt; quia nemo cogitur ante iudicium cæptum de jure suo respondere. Quare probationis tantum causa utimur interrogationibus, ut adversarius sua confessione vincatur. l. 1. §. 1. *hic*.

Et hodie id obtinet; ut interrogationes, siue, ut nunc loquuntur, Positiones, lite demum contestatâ fiant: ad quas si fuerit iussu iudicis responsum, reus ex confessione tenetur: *t. s. de confess. c. 1. & 2. eod. in 6.* Sin autem contumaciter non fuerit responsum, reus aut pro negante habetur, si damnosa illi est negatio: aut pro confesso, si confessio illi damno futura est. *Spec. de pos. §. 9. num. 4. per jura ibi all.*

*De quibus rebus ad eundem iudicem
eat.*

T I T. II.

SI plures, familie & eriscundæ, & vel communi dividundo, vel finium regundorum, agant; omnes coram eodem iudice litigare debent. l. 1. *hæc*.

Quia ea est horum iudiciorum ratio ut sint duplicia & mixta; id est, ut in iis uterque actor sit & reus: proinde non refert an de una tantum re, an de pluribus litigent apud eundem iudicem siue agendo, siue defendendo; ac siue unus tantum ad agendum provocet in omnibus iudiciis; siue unus in uno, siue alius in alio. *Ant. Fab. in ration. ad l. 1. hic*.

Plures qui tutelæ tenentur & coram eodem iudice experiri debent; l. 2. *hic*. Quia una eademque actionis est causa; & unum idemque negotium, de quo proinde unum eundemque iudicem cognoscere æquum est. Cum jus tutoris, qui convenitur in solidum, ex aliorum iure pendat. Ita ut nec nisi

præ-

præsentibus omnibus quos causa contingit; de hac cognosci & pronuntiari oporteat. *l. 47. ff. de re jud. Ant. Fab. ad d. l. 2. in ration.*

De Servo corrupto.

T I T. III.

Qui alienum servum dolo malo recepit, id est, refugium abscondendi causâ servo præstitit; *l. 1. §. 2. hic.* aut corruptit, id est, persuasit, ut eum deteriore fecerit; *d. l. 1. §. 3.* prætoriâ actione tenetur, in duplum quanti ea res est. *l. 1. l. 5. l. 9. §. datur. hic.*

Quæ perpetua est: & heredi, non in heredem competit, quia est pœnalis. *l. 13. eod.*

Utilis de filio vel filia familias corruptis datur. *l. 14. §. 1. eod.* Quoniam interest nostra animum liberorum nostrorum non corrupti. *d. l. 14. §. 1.*

Ex quo Zasius in *d. l. 14. §. 1.* vult & hodie hanc actionem in iis qui nobis serviunt, locum habere.

De Fugitivis.

T I T. IV.

Qui fugitivum aut erronem servum apud se celat, furti crimine se obligat. *l. 1. pr. hic.*

Et Senatusconsultum in eum qui fugitivum quæri apud se prohibuit, mulctam, fisco applicandam, *l. pen. C. de mod. mulct.* centum solidorum statuit; quæ etiam in Magistratus, si literis (quæ dari solebant volentibus inquirere, à Senatu, *l. 1. §. 2. hic.* & Præside, *l. 3. hic.*) acceptis, inquirentes non adjuvent, statuta. *d. l. 1. §. 2. l. 3. hic. l. 4. C. eod.*

De Aleatoribus.

T I T. V.

Prætor in odium suscipientis aleatores damnum, vel injuriam ubicunque, & quandocunque ei factam, non vindicat: ob furtum autem ei factum actio-

actionem tam in rem , quam in personam , ita de-
num denegat , si domi lusus tempore hoc passus
sit. *l. 1. pr. & §. 2. & §. 3. hic.*

Pœna compellentis ludere est arbitraria. *d. l. 1. pr.
& §. ult. & l. 2. hic.*

Qui ludo victus, solvere non tenetur: imò, si sol-
vat, conditione indebiti tam ipse , quam ejus he-
res, à victore ejusque herede , etiam ultra triginta,
id est, quinquaginta annos , repetere potest : & eo
nolente , quivis alius , præsertim pater & defensor
civitatis; *l. 1. & 2. C. eod.* id quod exegerint in opera
publica impensuri.

Cautio lusus causa præstita irrita est , & condici
potest. *l. 1. C. hic.*

Extra pœnam sunt ludi qui virtutis causa & us-
que ad unum alterumve tantum solidum , *l. 1. 2. C.
eod. l. 2. §. 1. l. 3. hic.* & qui de iis quæ vescendi cau-
sâ in conviviis ponuntur, fiunt. *l. fin. §. 2. eod.* Puta
à familia ; *d. l. fin. in princ.* non aliis qui extra fa-
miliam sunt. Ne alioqui facile esset hoc prætextu
Scito fraudem facere.

Qui pœnam promittit , si deinceps luserit , lu-
dendo ad pœnam obligatur. *l. 121. §. 1. ubi Bart.
De V. O.*

Si mensor falsum modum dixerit.

T I T. V I.

PRætor actionem in factum ob dolum malum
mensoris, aut latam culpam, quæ dolo compa-
ratur, proposuit. *l. 1. pr. §. 1. hic.*

Si imperitè aut negligenter mensor versatus sit,
securus erit, eique imputabitur qui illum adhibuit.
d. l. 1. §. 1. Nec enim, ut aliàs, *l. 132. ff. de R. I.* im-
peritia in mensore culpæ annumeratur. Quia civi-
liter obligatus non est. Nec enim ex mandato, nec
ex conducto, aliove contractu, tenetur.

Competit ei cujus interest falsum modum re-
nunciatum non esse : qui damnum propter falsam
mensuræ renunciationem passus est ; *l. 3. §. 1. hic.*
& heredibus: *d. l. 3. §. 5.* Quia hæc actio rem perse-
qui-

quitur, & ex negotio descendit. Unde & perpetua est. *l. 4. eod.*

Intenditur adversus agrorum mensorem, qui falsum modum mensuramve renunciavit, sive unum, sive plures, & quidem quia singuli ex proprio dolo (qui est individuus) conveniuntur, *fac. l. 9. ff. de noxal. action.* in solidum; unâ tamen solutione actio adversus omnes tollitur: *d. l. 3. in pr.* non datur in heredem, *l. 3. §. 5. hic.*

Pertinet hæc actio non solum ad agrorum, sed etiam ad aliarum rerum mensuram. *l. 5. §. fin. & l. seqq. hic.* Cum in iis eadem militet ratio.

Competit Utilis actio, in eum qui mensor quidem non fuit, fefellit tamen in modo, *l. fin. §. 2. hic.* vel in computatione. *d. l. fin. §. fin. hic.* Quia ad dolum augendum & vindicandum nihil interest, an dolo malo falsus modus, an falsus calculus renunciatus sit.

Venit in hanc actionem id quod interest agentis, falsum modum non esse renunciatum. *d. l. 3. §. 1.*

*De religiosis & sumptibus funerum, & ut
funus ducere liceat.*

T I T. VII.

H Oc titulo Prætor duo Edicta, ad res religiosas, & divini juris, rectas factasque conservandas, proponit.

Ex primo Actionem in factum dat, ex facto ejus qui contra jus locum alienum religiosum facere molitur. *l. 2. §. 2. hic.*

Quæ continet, ut, aut is qui intulit tollat quod est illatum; aut loci pretium præstet. *l. 7. eodem.*

Unde cum actio sit rei persecutoria, perpetua est, & heredi, inque heredem, competit. *d. l. 7.*

Ei qui prohibitus est inferre in eum locum quo ei jus inferendi esset, in factum actio competit, ad id quod interest. *l. 8. §. fin. cum l. seqq. hic.*

Non

Non enim sepultura, nequidem ob æs alienum, inhiberi, & cadaver arrectari, potest. *Nov. 116. c. 5. Nov. 60. c. 1. Covar. var. resol. lib. 2. cap. 1. n. 10.*

Ex Secundo Edicto dat' Prætor actionem, (funerariam dictam, *l. 14. §. 7. hic*) ei qui propter funus, ad alium pertinens, aliquid impendit, adversus eos, ad quos funus pertinet, *l. 12. §. 2. hic*. ad repetendum id quod funeris causa impensum.

Non recipit si pietatis gratiâ, non quasi recepturus, sumptum impendit: *l. 14. §. 8. hic*. sumptum nimis modicum contumeliosè fecit. *l. 14. §. Iudicem. 10. hic.*

Funeris causa sumptus factus dicitur, sine quo funus duci non potuit; veluti ad mortui deilationem, & loci, in quod inferatur, emtionem. *l. 14. §. 3.*

Hujus actionis tantus favor est ob religionem; ut hæc impensa ante omne creditum, cum bona solvendo non sunt, ex hereditate deducatur. *l. pen. eod.*

Quod & ad eas expensas quæ ob morbum defuncti, puta in pharmacopolio, contractæ sunt, extendi consuevit. *Ias. in l. fin. §. in computatione. C. de jur. delib. text. in l. 4. C. de pet. hered. l. 3. C. hic.*

De mortuo inferendo, & sepulchro adificando.

T I T. VIII.

EI qui inferre mortuum prohibetur, quo inferendi jus habet, duplex remedium Prætor tribuit.

Nam liberum arbitrium ei permittit, utrum male statim interdicto uti, quo prohibetur ei vis fieri, (de quo *hic. l. 1. in pr.*) aut alio inferre, & postea in facinus agere, in id quod sua interest prohibitum non esse. *l. 4. de rel. & sunt fun.*

Dat etiam Prætor ei, qui prohibetur ibi sepulchrum

thrum ædificare, ubi mortuum sepeliendi jus habet, interdictum prohibitorium, ne ei vis fiat, quominus eo loco ædificet. *d. l. 1. §. 5.*

Non incidit in hoc Edictum, qui vetat mulierem quæ prægnans mortua est, humari antequam partus ei excidatur. *l. 2. hic.*

DIGEST. PARS III.

LIBER XII.

De rebus creditis, si certum petatur, & de condictione.

TIT. I.



Actenus de judiciis quibus rem nostram, nunc de iis quibus nobis debitam, petimus, dicendum.

Inscribitur hic titulus de rebus creditis. Ut toti huic tertie parti conveniat, *l. 2. §. in tertia. C. de vet. jar. enuel.* quia rerum creditarum appellatio ad omnes contractus extenditur. *l. 1. hic.*

Speciali & propria significatione creditum pro mutuo accipitur. *l. 2. §. 1. eod.*

Quare in creditum ire proprie dicitur, qui mutuum, vel quasi mutuum contrahit. *l. 5. §. sed si dedi. de trib. act.*

Mutuum, est contractus juris gentium, *l. 7. de pact. nominatus, stricti juris, l. 6. de eo quod cert. loc.* qui se perficitur: in quo damus rem fungibilem, eo animo ut nunc quidem accipientis fiat, aliquando tamen is non eandem speciem, quam dedimus, sed idem genus, reddat.

Est stricti juris: quia strictam ex sua natura habet regulam, qua omnia Arithmetica proportionem, ad æqualitatem eorum quæ data sunt, exiguntur. *l. 1. hic.*

Nam

Nam ultra id quod datum est non contrahitur mutuum, etiamsi sit promissum. *l. 11. §. 1. eod.*

Quod ultra promissum, nec est solvendum, nec peti potest tanquam usura; quia hæc non nisi ex stipulatione in contractibus stricti juris debetur: *l. 3. ff. de usur. l. 9. C. si cert. pet.* neque ut donatio; quia hoc ut donetur non est actum; donatio autem sine utriusque voluntate & animo non contrahitur. *l. 25. ff. de donat. Bart. in l. 11. §. 1. ff. hic.*

Licet tamen, de jure civili, (non Canonico. *c. consuluit. de usur. Panorm. & Dd. in c. fin. eod.*) quid supra mutuum stipulari, ad legitimum usurarum modum, *l. 9. C. de non num. pec.* aut pactum mutuo adjicere. *Ias. post Bart. in l. rogasti. 11. ubi Bald. hic.*

Contrahi mutuum potest in rebus quæ pondere, numero, & mensurâ constant. *d. l. 2. §. 1.* Quia in genere suo functionem recipiunt per solutionem magis quam in specie: hoc est, quoniam in his rebus magis perspicimus quantitatem, vim ac valorem, quam corpora: *l. 74. de legat. 2. l. 94. de solut.* eò fit, ut una res pro altera reddatur, ita ut una tantum præstet quantum altera. *Connan, lib. 1. cap. 1.*

In cæteris rebus idè in creditum ire non possumus, quia functionem non recipiunt, etiam in eodem genere. Individua enim ipsa specie, probitate & usu differunt. *Dd. in l. 32. depos.* Idè, cum pecus alicui datur, ut in eodem genere restituatur aliud, hic contractus non mutuum, sed est permutatio.

Ut mutuum contrahatur, requiritur, ut sit quantitas, in rebus fungibilibus consistens, quæ datur: *l. 2. §. 4. hic.* Ut dans sit dominus: *d. l. 2. §. 4.* Dominium rei mutuatae transeat in mutuatarium: *l. 1. §. 2. eod.* Ut reddatur res eadem in genere, non in specie: *l. 3. eod.* Ut is sit animus contrahentium. *vid. l. 32. hic. l. 24. l. 25. §. 1. depos.* Non enim omnis numeratio accipientem obligat, sed quoties id ipsum agitur ut ex mutuo obligetur. *l. 3. §. 1. ff. de obl. & action. junct. l. 19. in princ. hic.*

Mu-

Mutuum, cum ex initio non est contractum, confirmatur aliquando ex post facto: puta, per consumptionem pecuniæ alienæ mutuatae; *l. 13. hic.* per usucapionem; *Gl. in l. 15. §. sed si nummi. de cond. indeb.* conditionis, eventum; *l. 8. hic.* supervenientiam dominii in mutuantem, ex causâ de præterito; *d. l. 8. vers. item si. ratihabitionem. Schneid. ad Inst. quib. mod. re cont. obl. n. 27.* Unde utilis conditio competit. *l. 4. C. hic. l. 32. ff. eod.*

Alioqui ex hoc contractu nascitur actio certi conditio, *pr. Inst. quib. mod. re cont. obl.* mutui actio, *l. 5. C. quib. non ob long. temp. præsc.* actio si certum petatur, *l. 1. pr. de cond. triticar. & si quidem pecunia sub usuris sit credita, Calendarii actio, dicta. l. 39. §. 14. de admin. tut.*

Competit ei, qui res, quæ mutuari possunt, mutuo dedit: *§. mutui autem. Inst. d. t.* vel cujus nomine siue scientis, siue ignorantis, cum abesset pecunia credita fuit, siue pecunia sit absentis, siue numerantis: *l. 9. §. 8. hic.* si plures dederint, singulis pro parte; nisi sit aliud conventum: *l. cum te. C. si cert. pet.* aut nisi unus tanquam cæterorum procurator agat. *d. l. 9. C. si cert. pet.*

Adversus eum, qui mutuum, suo nomine, accepit: *l. 13. C. eod.* qui pecuniam creditam accepturus, creditori futuro spondit, *l. 30. ff. eod.* & accepit; si non, conditio hæc in eum non competit; *l. 30. hic.* tenetur tamen in id quod agentis interest. *Ias. & Zas. ad d. l. 30.*

Si plures simpliciter mutuati fuerint; in singulos, pro parte, competit actio: etsi uni, omnium nomine, facta sit numeratio; nisi in solidum promiserint, *l. 5. C. eod.* aut pro se invicem fidejusserint. *l. 12. C. si cert. petat.*

Hac actione conventus, creditum, & totum quidem, *l. 41. §. 1. De usur.* in eodem genere, bonitate, & qualitate; licet hoc nominatim cautum non sit, reddere compellitur. *l. 2. l. 1. l. 3. hic.* Ratio est; In stipulationibus cæterisque contractibus id semper sequimur quod actum est: *l. 94 ff. de R. I.* ac proinde in contrahendo quod agitur pro cauto est habendum:

dum: *l. 3. hic. l. 9. ff. de servit. l. 62. ff. de ritu nupt. l. 54. ff. de jur. dot.* Id autem agi intelligitur inter eos qui mutuum contrahunt; ut ejusdem generis & in eadem bonitate solvatur quod datum est. In eadem bonitate, puta intrinseca, licet valor sit diminutus. *Accurs. ad d. l. 3. hic. per l. 22. eod.*

Nummos proinde mutuo acceptos, eadem formâ, vel materiâ, debitor reddere non cogitur. Ob æstimationem potius nummorum, quam corpora credita: *arg. l. 94. §. 1. de solut. l. 19. §. 2. de cond. ind.* Nisi creditor ex ea re damnum aliquod passurus sit, *l. 99. de solut.* aut id ab initio convenerit. *l. 99. ff. de solut. Don. ad l. 3. hic. Hotom. ill. qu. 15. Diff. Cujac. ad l. 59. ff. de verb. oblig.*

Reddere eos cogitur in eodem valore & pretio, quo dati fuerunt, etiamsi postmodum valor auctus sit, vel decreverit. *l. 3. hic. l. 3. §. ult. De act. emt. l. 69. De contr. emt. vid. Molin. in tr. de usur. q. 92. n. 693. cum seqq. Curt. senior. in l. cum quid. hic. Hotom. ill. quæst. 15. Cujac. ad Nov 4. c. 3. Covarr. c. 7. §. un. de collat. veter. numism.* Quia contrahentes ad publicum pecuniæ valorem non corpus respexisse censentur; & verisimilius est eos in id quod præsens fuit consensisse, quam quod sub incerto esse potuit. *l. 7. l. 9. ff. de aur. & arg. leg.*

Si res debita amplius non reperitur, aut à debitorè præstari non possit, ejus æstimatio rectè solvitur. *l. 71. §. 3. de legat. 1. Nov 4. c. 3.*

In cujus inducendæ ratione, (pro natura judiciorum bonæ fidei, sive stricti juris, item obligationum in diem conceptarum,) rei judicatæ, sive litis contestatæ, *l. 22. hic.* sive ejus temporis quo dies venit, *d. l. 22. l. 59. de V. O.* habenda ratio.

Casus fortuitus, quo res mutuo accepta amissa est, debitorem ab hac actione non liberat. *l. 11. C. hic.* Quia genus debet, quod nunquam perit. *§. 2. vers. & is quidem. Inst. quib. mod. re cont. obl. l. 1. §. 4. ff. de obl. & act.* Genera enim aliquid materiale non sunt, sed intellectuale quid, quod passionem, & sic interitum non patitur.

Quæ actio durat perpetuò; & intenditur ex obligatione

gatione mutui pura, statim; ex conditionali, vel in diem, existente die, vel conditione. *l.8.hic.*

De jurejurando, sive voluntario, sive necessario, sive judiciali.

T I T. I I.

I Usjurandum, est invocatio Dei, qua petimus ut sit testis nostræ asseverationis, *Cic. lib.3. offic. & puniat fallentes.*

Quod, quoties ad veritatis confirmationem adhibetur, licitè & legitimè à Christiano præstari potest: *Deut. 6. vers. 10. Paul. ad Hebr. 6. ad Rom. 1. vers. 9. & adhibitum servandum est; modo non vergat in æternæ salutis dispendium. c. 28. de jurejur. c. 58. de R.I. in 6.*

Licet jurare de rebus honestis & licitis. Contra bonos enim mores præstitum juramentum, non est obligatorium. *c. non est obligatorium. eod. in 6.*

Jusjurandum ad quatuor ferè adhiberi solèt: ad fidei promissionem: ut cum Vasallus domino fidelitatem jurat; &c. ad obligationem producendam: cum aliquis jurat se daturum quid aut facturum: ad contractuum confirmationem: & ad litis decisionem, in supplementum, vel defectum probationis.

Romani olim, aut per genium Principis, aut per Jovem lapidem: Hodie Christiani, tantum jurant per nomen Dei, *Exod. 23. Judic. 11. Deut. 6. & 10. Matth. 5.* aut secundum Canonistas, per creaturas, agnoscendo in istis Majestatem Creatoris; *Canon. ad c. 16. hic.* ut Euangelia, Crucem: *c. si aliqui. 22. qu. 1. & qu. 5. c. 2. & seqq.* mares erectis primis duobus digitis, fœminæ appositâ ad sinistrum pectus dextera; coram judice, in loco publico. *Wes. hic. n. 6.*

Adhibetur juramentum, aut de causa non controversa, aut de controversa. *Trenil. disp. de jurejur. th. 1. lit. b.*

In causis controversis adhibentur juramenta, aut

folius religionis injiciendæ causa, ut juramentum calumniæ, malitiæ, testimonii, purgationis: aut causæ decidendæ; ut, voluntarium, necessarium, judiciale, in litem. *Donel. tract. de jurejur. c. 2. in pr.*

Calumniæ juramentum, est credulitatis, quod litigantis præstant de conscientia & bonitate causæ, quam habere opinantur. *l. 2. C. de jurejur. propt. cal. & t. r. Ext. eod.*

Olim in singulis partibus judicii, *l. 1. C. eod.* hodie in initio tantum litis, exigitur. *Auth. hoc sacramentum. C. eod. Nov. 49. c. 3.*

Præstandum ab Actore & Reo: *l. 2. & Auth. principales. C. eod.* non Procuratore; nisi speciale ad hoc habeat mandatum: (De Jure puta Canonico: *c. 1. & 2. §. 1. c. 3. c. pen. & ult. hic. in 6.* De Jure enim Civili nunquam juratur per procuratorem, sed ipse dominus litis jurare debet. *l. 2. §. pen. ff. de noxal. act.*) in omni causa, non criminali, utpote in qua calumniosus accusator, ad pœnæ similitudinem obligatur; *l. ult. C. de calumniar.* sed civili, tam primæ, quam secundæ instantiæ: *c. 2. de jur. cal. in 6.* ubi probatio necessaria. *l. 1. l. 2. C. eod.*

Præstatur petente, & præsentente, adversâ parte, vel ejus procuratore, *l. 34. §. 4. hic. l. 2. §. 4. C. de jurejur. prop. cal.* jussu & auctoritate judicis, *d. l. 2.* in judicio, coram judicibus: *d. l. 2. Auth. principales. C. eod.* Nisi dignitas, vel sexus, inpediat quominus honeste venire possit: Tum enim domi suæ coram missis à judice & adversâ parte, aut ejus procuratore: *d. l. 2. §. 3. & 5.* statim, post litem contestatam, propositis Sacro-sanctis Evangeliiis. *d. l. 2.* Hodie apud acta publicè. *d. Auth. principales. vers. 1. & 4.*

Hujus juramenti capita sunt. 1. Quod jurans credat se justè, non malitiosè agere: 2. Veritatem super omnibus se responsurum: 3. Non usurum falsâ probatione: 4. Non judicem corrupturum, nec tabellionem: 5. Non calumniosam dilationem petiturum. *Specul. de jur. calum. §. nunc dicamus. vid. Bart. & Dd. in d. Auth. princ.*

Quod, si non præstitum, viriat processum: *Gail. 1. obs. 8.*

obs. 8. Marant. de jur. cal. n. 2. & Aëtor recusans illud præstare, causa cadit, Reus pro confesso habetur: Nov. 134. c. 1. in fin. accedente puta judicis sententia declaratoria. d. l. 2. §. quod si aëtor. ubi Bart. n. 5. Gail. 1. obs. 86. n. 5. d. Auth. principales. vers. 5. In criminalibus, si recusetur, indicium ad torturam facit, secundum Aretin. in tract. de malef. verb. juramentum. Menoch. de præsumt. lib. 1. præsum. qu. 89. n. 138. Cum revera in his de calumniis non juretur. arg. d. l. ult. C. de calumniis.

Tacite omitti, non expressè remitti, potest. *Gail. 1. obs. 84. n. 23. Puta de jure Canonico: c. 1. §. 1. de jurejur. propt. calum. in 6. De Jure Civili nullo modo prætermitti, d. l. 2. §. 4. aut à partibus remitti potest. d. l. 2. §. 4.*

Juramentum Malitiæ, quando aliquid malitiosè propositum præsumitur, præstatur tam ante, quam post litem contestatam, in quacunque parte judicii, ex officio judicis delatum. *c. cum dilectus. §. nos verò. Ext. de elect.*

Illud non præstans, habetur, respectu illius articuli super quem pars de malitia petit jurari, pro confesso. *Gail. 1. obs. 87. n. 2.*

Juramentum testimonii, est quod testibus injungitur priusquam ad dicendum testimonium admittantur. *l. 9. C. de testib. c. testimonium. Ext. eadem.*

Testi enim injurato, in præjudicium alterius, præsertim in criminalibus, non creditur. *d. l. 9. c. quoties. c. licet. c. nuper. eod. Felin. in c. tuis. eod.*

Jurare debent omnes, *l. 9. C. de test.* ante depositionem, *d. l. 9.* non post, nisi in continenti; *l. 7. §. 5. ubi Gl. & Dd. de pact. citati, Gail. 1. obs. 100. n. 9. 10.* parte utraque; nisi unus vocatus contumaciter absit, *l. 19. C. de testib. c. in nomine domini. eod. præsentem; congruo loco & tempore. Lanfr. pract. tit. de test. de pos. n. 7. & 9. Specul. tit. de fer. §. 2.*

Jurant, se veritatem, ejus rei super qua interrogantur, dicturos: nihil falsi intermisturos: pro utraque parte, & tam ad interrogatoria, quam articulos productos, veritatem quam noverint, dicturos;

non prece, pretio, timore, odio, commodi proprii causa, quid, quod ad veritatis testimonium spectet, intermissuros. *Rosb. in prax. civ. de juram. test. per Dd. allegg. n. 15.*

Juramentum purgationis, est quo Reus, alioqui ab Actore non convictus, purgandi sui causa jurat, rem ita se habere ut dicit. *Novell. 72. c. 3. Novell. 124. c. 2. Auth. novo jure. C. de pæn. jud. mal. jud.*

Defertur in causis arduis, ut criminalibus, matrimonialibus; & civilibus, quando contra reum sunt aliqua indicia vel semiplena probatio. *Marant. eod. n. 28. & Dd. com. per l. 3. C. de reb. cred.*

Juramentum voluntarium est, quod parti à parte, in l. 13. l. 17. l. 25. l. 26. l. 28. §. ult. l. 34 §. 6. hic. l. 1 C. de reb. cred. l. 34. ff. eod. vel extra judicium, ex conventionione, defertur, & spontè suscipitur. l. 17. l. 28. §. 10. ff. hic.

Illud deferre possunt, & qui rerum suarum, & qui litis, sunt domini; puta, procurator universorum bonorum, in rem suam datus, & cum speciali mandato; l. 17. §. fin. l. 18. hic. tutor & curator aliis probationibus destituti; d. l. 17. in pr. §. 1. & 2. servus & filius familias, liberam peculii administrationem si habeant; l. 20. 21. 22. 23. eod. in re peculiari sine; in re patris, vel domini, non, nisi cum speciali mandato. d. l. 20. & seqq. l. 7. C. eod.

Deferri potest, exceptis Clericis, l. 25. §. 1. & Auth. sed judex. C. de Episc. & Cler. & Episcopis, l. 7. Auth. ibi juxta. C. eod. omnibus, qui convenire, & conveniri possunt. l. tutor. §. 1. 2. ff. hic.

In omnibus causis & controversiis civilibus: l. 3. §. 1. eod. non in criminalibus: l. ult. C. de probat. *Duar. cap. 10. ad tit. de jurejur. nec, de Jure Canonico, matrimonialibus, contra matrimonium, c. lator. de re jud. c. fraternitatis, de frigid. & malef. omnino pro eo. Duar. tit. de jurejur. capit. 9.*

Delatum liberè quidem suscipitur, sed susceptum, omnino præstandum: l. 5. §. ult. l. 17. l. 18. hic. nec perjurio postea detecto retractatur. l. 31. in fin. ff. l. 1. C. eod.

A deferente, si nondum susceptum, revocari potest: *l. 5. ff. l. 11. C. eod.* Si susceptum revocetur, pro remisso, & ac si juratum esset, habetur. *d. l. 5. §. ult. Ias. in §. 11. Inst. de action. n. 31.*

Præstitum ab Actore, parit actionem in factum, per quam non illud quæritur, an ei pecunia debeatur, sed an juraverit. *§. 11. Inst. de action.* A Reo præstitum, actionem Actori aufert; puta cum constitat recte juratum; sin dubitetur an recte juratum sit, exceptionem reo parit: *l. 7. l. 9. pr. & §. 1. ff. hic.* etiam successoribus, tam in rem, quam in personam: *l. 8. d. l. 7. eod.* id est successoribus non tantum universalibus, sed & particularibus.

Judiciale juramentum, est quod Judex in causis dubiis defert. *l. 31. hic. l. 3. C. de reb. cred. Cujac. in par. hic.*

Hoc delatum, nisi justa recusandi causa sit, *l. ult. hic.* est præstandum, *l. 34. §. 6. 7. l. 38. l. 8. eod.* & quidem ita prout delatum est, *l. 3. §. ult. l. 33. eod.* licet nihil probatum sit: *Cujac. 22. obs. 28. Duar. hic. c. 6. aut referendum; l. 9. C. de reb. cred. l. 34. §. 7. l. 35. in princ. l. 38. hic. l. ult. C. de fideicom. l. 12. princ. C. de reb. cred.* Nec is cui juramentum defertur conqueri potest. Quia Judex constituitur in propria causa. *l. ult. C. de jur. delib.*

Justæ recusandi causæ sunt; si deferens non juravit de calumnia: *l. 34. §. 4. hic.* si ob desperatas probationes semel revocatum rursus defertur: *l. 11. C. eod.* si is cui defertur, illud referat: *d. l. 34. §. 7. l. 38. eod. l. 9. C. eod.* si aliundè intentionem probare velit: *Ias. eod. n. 86.* si ex jurejurando aliquod damnum, sive existimationis, sive rei familiaris, incidere poterit. *Bart. in d. l. 38. n. 4. Don. tr. de jurejur. c. 13. n. 1. 7. 8.*

Præstandum, vel coram judice coram quo causa ventilatur, seu ejus in præsentia: *l. 3. §. ult. hic.* vel, si juraturus sit absens, valetudinarius, *l. 15. ubi Dd. eod. senex, Accurs. ibid.* persona egregia, *d. l. 15. mulier, Obrecht. de jur. cal. c. 9. n. 23.* coram ejus Commissario. *arg. Auth. sed judex. C. de Episc. & Cler. & Dd. comm.*

Effectus hujus juramenti præstiti, est quod exceptio & actio Actori & Reo acquiratur: *l. 9. pr. & §. 1. hic. Wes. hic. n. 9. Dd. com.* habeat speciem transactionis: auctoritatem rei judicatæ: *l. 2. eod.* vim novationis, delegationis, & solutionis. *l. 26. §. fin. l. 28. §. 1. l. 40. eod.*

Appellare, putà à causa jurejurando decisa, nec juramentum deferens, *l. 12. §. 3. C. hic.* nec delatum referens, *Fachin. 1. cont. 23.* nec is cui refertur, si illo jurare nolente referens victoriam reportet, *d. l. 12. §. 1.* potest. Sed omninò is, qui, five delatum, five relatum juramentum, præstare justè recusans, quasi contumaciter recusasset, condemnatur. *d. l. 12. §. 2: Dd. comm.*

Necessarium juramentum, est quod inopia probationum à judice causà cognitâ litigatori imponitur. *l. 31. ff. l. 3. C. hic.*

Sic dictum, quia inopia probationum, & à parte cui delatum necessariò præstandum, *l. pen. §. fin. autem. C. eod.* & à judice, si petitum, necessariò deferendum.

Defertur à judice solo, *l. 31. ff. l. 12. §. 2. C. eod.* ad instantiam partis, vel ex officio suo: *Gail. 1. obs. 108. n. 5.*

Actori, qui semiplenè probavit; *d. l. 31. §. 3.* nisi veritatem ignoret, aut Rei persona legalior sit: *Bart. in d. l. 31.*

In omnibus causis, *l. 31. l. 3. §. quicumque. ff. l. in bonafidei. C. eod.* in defectum legitimæ probationis: *d. l. 3.* Nisi sint graves, *Gail. 2. obs. 94. n. 8.* aut criminales, *Gl. in d. l. 3. verb. agitur.* in quibus non nisi plus quam semiplenè probatum sit, deferri potest.

Facienda hæc delatio, parte petente, *Bald. in l. 1. ff. l. 3. C. hic.* & alterâ præsentē, vel citatā, *Gail. 1. obs. 108. n. 8.* ante conclusionem. *Myns. obs. 68. n. 1.*

Judex tamen illud ex officio, tam ante, quam post conclusionem, deferre potest. *Gail. d. obs. 108. n. 4. Diff. Dd.*

Deferri ut possit, requiritur: Ut sit semiplenè probatum:

batur : ut persona delationem petens , sit bonæ & honestæ famæ , & vitæ : *Myns. cent. 1. obs. 68.* sciat veritatem per sensum corporeum : *Marant. tit. de jurej. n. 5.* causa sit civilis, parva, & modica. *Gail. d. obs. 108. n. 12. Myns. eod. n. 4.*

In pari utriusque Actoris & Rei conditione, paribusque probationibus , Reo potius deferendum . *Menoch. de arbit. cas. 190. n. 19.* Ut pote cujus causa favorabilior. *c. ult. & ibi Gl. hic.*

Unâ parte jurante, altera condemnatur *l. 74. de judic. l. 1. de re jud.*

Undè actio & exceptio rei judicatæ ex eo competit. *t. t. de re jud. & de except. rei jud.*

Repertis tamen novis instrumentis, causa hoc juramento decisa, retractari potest. *l. 31. ff. l. 12. §. sed juramento. C. hic.* Quia causa , non ex veris , sed fictis probationibus ex juramento , quod citra voluntatem & consensum partis intervenit decisa.

Et tum instauratur causa , non ipso jure , ut vult *Ias. in l. admonendi. 31. hic.* sed restitutione in integrum præcedente. *l. 53. ff. de re jud.*

De in litem jurando.

T I T. III.

Iuramentum in litem , est quo actor jurat quanti litem, id est, rem de quâ litigatur, æstimet. *t. t. ff. & C. hic.*

Est duplex, Affectionis (quod in specie juramentum in litem vocatur , *Rosb. in prax. civ. de jurej. in lit. n. 4.*) & Veritatis. *l. 2. §. 1. l. 5. §. ult. hic.*

Affectionis est, quo permittitur Actori rem æstimare pro arbitrio. *l. 1. 2. 9. l. 5. §. 2. ff. hic.*

Defertur à solo judice, non parte: *l. 4. §. 3. ubi Ias. n. 1. & 2. l. 8. hic.* Nè voluntas unius ex litigatoribus authoritati Judicis anteposita videatur, si quod soli Judici ex officio facere incumbit, puta ut litem æstimet & ad eam æstimationem invitum quoque reum condemnet, *l. ult. hic.* adversario facere concedatur. *arg. l. 1. §. inde quaritur. ff. de oper. novi nunt.*

Illi qui litis dominus, & eam suo nomine est contestatus. *l. 4. in pr. l. vulgo. eod.*

Adversus eum, qui ob dolum, & quidem solum, *l. 3. hic.* non culpam, *l. 5. §. 4. hic.* rem restituere, exhibere, vel non vult, vel non potest: *l. 1. 2. §. 1. l. 4. l. 5. §. 3. hic. l. 68. de rei vind.* non contra heredem, qua talem. *l. 2. l. 4. l. ult. C. eod.*

Locum habet potissimum in actionibus bonæ fidei, *l. 2. l. 5. hic.* tum scilicet, cum res à nobis profecta, quæ nostra mansit, repetitur: *Azo. Fulgos. Duar. ad h. t. num. 21. Coras. ad d. l. 5. num. 18. & seq. Ant. Fab. 6. conject. 17.* ut in commodato, *l. 32. ff. commod. deposito, l. 1. §. 26. ff. depos. locatione, l. 48. §. 1. ff. locati,* rei uxoriæ actione, *l. 25. §. 1. ff. solut. matr. tutelæ,* cum res suas pupillus repetit: *l. 8. hic.* non si de re aliena, nunc primum nobis præstanda agatur, ut in actione empti, et si procacia sit non tradentis. *l. 4. C. de act. empr.* Quia hic nec dominus est actor, nec rem sui juris persequitur. Item locum habet in actionibus arbitrariis; *l. 68. ff. de rei vind. l. 18. ff. de dolo. §. 31. Inst. de action.* quibus ad restituendum vel exhibendum agitur; *d. l. 2. & l. 3. l. 5. §. 2. ff. ad exhib.* Idque hoc casu non tantum, ut quidem volunt *Duar. h. t. c. 10. & 11. Coras. ad l. 5. hic. Ant. Fab. 16. conject. 15.* cum actor se dicit dominum, sed semper qualicunque actione usus per hanc aditum sibi parit. *l. 3. §. 1. junct. §§. seqq. ff. ad exhib.* Idque in rebus æstimationem non habentibus. *l. 1. l. 3. hic.* Non in actionibus strictis. *l. 5. §. ult. cum ll. seqq. eod.* Cum, quia his actionibus ad restitutionem non agitur, sed petitur dari aut fieri; tum quod stricta est & angusta in his Judicis potestas.

Jurat Actor, quanti rem æstimet: *l. 18. pr. de dolo. l. 68. ubi Gl. de R. V.* Non enim certa quantitas ad quam usque in singulis causis juret, in jure expressa.

Ut tamen intra certam quantitatem juret, judex statuere, *d. l. 18. d. l. 4. §. 2. hic.* imò etiam præstito juramento, æstimationem jurantis commendare potest, & minoris Reum condemnare.

Dd.

Dd. comm. per d. l. 4. §. 2. ubi Gl. §. 3. l. 5. §. 2. hic. Nov. 82. c. 10.

Ergo iudex, nisi ex iusta causa recedat à iuramento, tanti reum condemnabit, quanti Actor in litem iuraverit. *d. l. 68.*

Juramentum veritatis est, quo iuratur quanti res revera est, seu quanti interest. *l. 5. l. 8. l. 2. l. 9. hic.*

Defertur à solo iudice, *d. l. 4. §. 1. & ibi Bart. l. 8. hic.* (à Reo tamen, sed præsentè Iudice, offerri potest. *d. l. 2. §. 1. l. 8. eod.*) in omnibus, etiam stricti juris actionibus, in quibus non ex arbitrio actoris in litem iuratur; Idque sive dolo, sive culpa etiam levi; quia ob moram, quæ ejus species, præstatur; *l. 5. §. ult. hic.* res in iudicium deducta, non extet, vel deteriorata sit. *l. 2. §. 1. l. 4. §. ult. d. l. 5. §. fin. cum ll. seqq. eod.*

Ad hoc, ut rem iuratus æstimet quanti verè sit, sive amissa, sive deteriorata; modò ipsa æstimatio aliunde non constet. *d. l. 5. §. ult. d. l. 3.*

Venit hic in æstimationem, non tantum res, verum & id quod revera interest. *l. 3. hic. l. 2. §. ult. de eo quod cert. loc. l. ult. de per. & com. rei vend.*

Debet iudex æstimationem jurantis sequi, nec Reum minoris condemnare potest. *Auth. post iurandum. C. de jud. Nov. 82. c. 10.*

De conditione causâ datâ, causâ non secutâ.

T I T. I V.

Condictionem Certi ex mutuo sequuntur quæ ex quasi mutuo oriuntur: videlicet cum aliquid datum est, aut ob rem, vel honestam, vel turpem; aut ob causam, puta finalem; aut sine causa.

Nam, si ob rem honestam data sit pecunia, vel alia res fungibilis, causâ quidem secutâ, repetitio cessat, perfecto nimirum & absoluto contractu. *l. 1. hic.*

Sin secuta non est causâ, propter quam dedi;

æquissimum est, conditionem ad repetendam id quod datum est, mihi dari. Nè re meâ injustè, contra voluntatem meam locupletare. *l. 1. 2. 3. 4. 5. & 1. hoc tit.*

Si in nulla noxa existas, inhibenda erit repetitio, donec constet te satisfacere aut nolle, aut non posse. *l. 8. in pr. eod.*

Non agitur hic ad implementum Contractus; quia hi contractus innominati, nullam in se continent implendi necessitatem, cum non ex conventionem, sed sola rei contrectatione, accipiens obligetur: quam si restituat, deficit contractus æquitas, & obligationis substantia.

Possum etiam, si tibi dederò ut quid facias, pœnitere & repetere quod dedi: *l. 3. §. 2. l. 5. in pr. & §. 1. hic.* cum nihil à te mihi sit præstitum, quo æquum sit me tibi obligari.

Quod si tu aliquid præstiteris, non modo facto impleto, sed & affecto, aut inchoato, quia res non est integra, neque sine tuo damno pœnitere possum; inhibenda erit repetitio: nisi indemnitas tibi præstetur ejus quod impendisti. *d. l. 5. in pr. & §. 1. 2.*

De conditione ob turpem vel injustam causam.

T I T. (V.)

Datum ob turpem causam, id est, bonis moribus adversam; si solius dantis turpitudine sit, non repetitur: Quia propriam qui allegat turpitudinem, non est audiendus: *l. 5. C. hic.* ut si meretrici quid detur. Etsi enim illa turpiter faciat quod sit meretrix: non tamen turpiter accipit, cum sit meretrix. *l. 4. §. 3. hic.*

Quod adeò verum, ut pecunia stipulatione promissa, à Meretrice exigì possit. Cum non turpiter stipuletur meretrix, sed turpiter ei promittatur; Non enim turpis videri potest stipulatio ejus. pecuniæ, quæ non turpiter accipi potest. Nec etiam adde-

adfectionis gratia donatio, siue honesta, siue inhonesta, est prohibita; puta circa meretricem: *l. 5. ff. de donat.* Donatio autem non minus per stipulationem, quam per traditionem, fieri potest. *l. 23. l. 33. ff. de donat. int. vir. & ux.*

Quodsi turpis causa accipientis fuerit, etiam si res secuta sit propter quam datum est, repeti potest. *l. 1. §. 2. & l. 2. eod.* Nè ex sua turpitudine lucratur.

Qui in bona causa aliquid iudici dedit, etsi turpiter dare non videatur: tamen nè venum prostent sententiæ, & ad corruptelam iudicum animi, malo munerum exemplo, assuefiant, atque adeò quia is qui dat, quantum in se est, iudicem corrumpit, ex Imperatoris Antonini Constitutione litem perdit: *l. 1. cum Auth. seq. C. de pæn. jud. mal. jud.* Nec data, ut volunt Martin. Duar. ad *h. t. cap. 10.* condicere potest. Quia & crimen contrahit qui in bona causa dat. *l. 2. §. fin. ubi Gloss. l. 3. hic. l. 1. C. de pæn. jud. male judic.*

Ubi & dantis, & accipientis turpitudine versatur, non potest repeti: *l. 3. hic. l. 2. l. 4. C. eod.* & apud accipientem res data manet. Quia ejus, utpote possessoris, in pari causa potior est conditio. *l. 2. C. l. 3. l. 4. in princ. & §. 1. ff. hic.* etiam si causa non sit secuta; *l. 8. C. de cond. ob caus.* Quia laudandus qui à maleficio, turpiter licet à se promissio, sibi temperavit. *l. 5. C. de inst. & subst.*

Res autem an turpis sit secundum naturam, ut adulterium; *l. 5. C. hic.* an juris dispositione, *l. 3. C. eod.* nihil refert.

Quod de turpi causa dictum, idem etiam in omni injusta causa obtinet. *Gl. in l. perpetuo. 6. hic.*

De conditione Indebiti.

T I T. VI.

Quia is qui indebitum solvit, hoc ipso aliquid contrahit, *l. 2. l. 3. hic.* (Tacitè enim videtur conventum, ut si debitum non sit, illud reddatur. *l. 13. §. ult. ff. commod.*) idèd quasi ex mutuo is qui

accipit, ad reddendum, aut id quod datum est, aut simile, obligatur, & (si ita quidem indebitum, ignoranter solutum) Conditione indebiti tenetur. *l. 1. §. 1. hic. §. si cui. Inst. de obl. qua quas. ex contr.*

Indebitum est, quod omninò non debetur: *l. 65. §. fin. hic.* aut, quod nullo jure, vel saltem non jure naturæ, vel gentium, debetur: *l. 47. hic.* vel sub conditione, aut incertâ omninò die debetur: *l. 16. eod.* (quæ an extitura sit, dubium adhuc est,) vel quod supra debitum est solutum: *l. 45. eod.* vel quod alii debetur; alii solvitur: vel si quod alius debebat, alius quasi ipse debeat, suo nomine solvat. *d. l. 65. §. fin. l. si pænæ. §. 1. hic.*

Indebitum illud quoque accipimus, quod, propter aliquam perpetuam excèptionem, peti non potest. Nam & hoc conditionem parit. *l. si non. 26. §. 3. & §. 7. eod.* Quando tamen in odium ejus cui debetur, exceptio datur, (ut in Senatusconsulto Macedoniano) perperam solutum non repetitur. *l. 40. eod.*

Quod naturali æquitate quidem, sed non jure civili debitum, si solvatur, peti non potest. *l. 26. §. 16. l. 28. l. 60. l. 26. in pr. hic.*

Sed & quod pro dote datur, ad quam qui dat obligatum se credit, non repetitur; propter pietatis causam, quâ dotibus mulierum favetur. *l. 32. §. pen. hic.*

Etiam quæ per inficiationem in litè crescunt, si per errorem indebitè solvantur, peti non possunt. *l. ea quæ. C. eod.* Quia transactionis causa solvi videntur.

Quod autem ob transactionem datur, peti non potest: *l. 65. §. 1. hic. l. 2. C. eod.* ut nec illud quod ex causa judicati præstatur; idque propter rerum judicatarum auctoritatem. *l. 1. C. eod.*

Sed & quod in diem debetur, cum verè debeatur, quamvis nondum venerit dies, *l. 213. de V. S.* ante diem solutum peti non potest, *l. 10. hic.* etiamsi incerta sit dies, *l. 17. eod.* non quidem an, sed quando sit extitura: ut, si cum moriar dare promiserò:

fero: certum enim est me moriturum, sed quando incertum. *l. 1. de cond. & dem.*

Interdum & persona locum facit repetitioni; puta, si pupillus, vel furiosus, vel is cui bonis interdictum est, solverit.

Et si quidem extant nummi, vindicabuntur: pro consumptis verò condictio locum habebit: *l. 29. hic.* si videlicet utilius sit pupillo, aut aliis ejusmodi personis, condici pecuniam, quam solutionem ratificari: ut cum solutum est naturale debitum.

Quod si omni jure debitum fuit, quod solutum est, (cum frustra sit exacturus quod statim restituere debeat) ratificatâ solutione, pupillus liberabitur. *l. 14. §. fin. de solut. l. 19. §. 1. si cert. pet.*

Qui sciens se non debere solverit, non repetit, *l. 1. in fin. hic.* quia donare videtur: *l. 53. de R. I.* Si scilicet & accipiens non deberi sciat. Quod si is ignoret, donatio non est; quæ non fit nisi scienti. *l. 18. ff. de reb. cred. Tyraquell. in l. 8. C. de revocan. donat. v. donatione largitus. num 342. Menoch. 3. præsumpt. 31.* Nec tamen huic condictioni locus, cum possit aëtori imputari cur solverit. *l. 7. §. 1. ff. qui satisd. cog.*

Quod si quis errore solvit, quia error nullum habet consensum, *l. 15. de jurisd.* perinde est ac si ignorans solvisset, & repetet; *l. 23. l. 22. hic.* nisi in jure erratur: Quia condictio hac conditione non datur. *l. 6. & seq. C. hic.* Quia juris error diserte negatur. *l. 10. C. l. 9. §. ult. ff. de jur. & facti ign. l. 9. C. ad l. Falcid.*

Non datur de indebitè soluto rei vindicatio: Quia, cum, concurrente utriusque affectu, translatum sit dominium; *l. in omnibus. 55. de O. & A.* non potest vindicari quod est alienatum: sed tantum actione personali condici. §. appellamus. *Inst. de action.*

Est enim Condictio indebiti actio personalis, civilis, stricti juris, quâ aëtor intendit, sibi ex æquitate reddi à reo oportere, quod indebitè est solutum. *l. 53. hic. d. §. appellamus.*

Solis illis pecunia condicitor, quibus quoquo modo soluta est, non quibus proficit. *l. 49. hic.*

Veniunt in conditionem, (quia naturalis est,) & rei solutæ accessiones, fructus, *l. 15. hic.* deducta tamen impensâ. *l. 56. §. ei qui. hic.*

De conditione sine causa.

T I T. VII.

SI res nostra apud alium sine causa sit, ad eam repetendam, datur condictio sine causa.

Res nostra apud alium est. 1. Si ab initio nulla sit causa: veluti si promissum sit nomine dotis, cum matrimonium jure non consistat. 2. Si causa non sit secuta: veluti, si quis promiserit spe accipiendæ mutuo pecuniæ, quam postea non accepit. 3. Si causa sit finita, veluti, si is qui chirographum creditori dedit, pecuniam, cujus obligatio eo Chirographo continebatur, creditori solverit. *l. 1. §. pen. l. 4. l. ult. hic. l. 2. & l. ult. C. de cond. ex lege.*

Est hæc condictio, cum eâ, tam solutum, quam promissum, repeti possit, modò certi, modò incerti: *l. 1. l. 3. hic.* ut & superiores. *l. 3. hic. l. 3. C. de cond. ind. l. 2. §. item si. de donat. l. 7. §. 1. de dol. except. l. 10. de cond. caus. dat.*

Et est generalis, quæ cæteras complectatur: & dari solet, ubi nulla ex specialibus competit, vel quænam danda sit dubitari probabiliter possit. *ut in l. 1. & t. t. de æstim. act. & de præscr. verb. vid. l. 2. l. ult. hic.*

DIGESTORVM

LIBER XIII.

De condictione furtiva.

TIT. I.

Condictio furtiva (quæ, præter rei vindicationem, actionem ad exhibendum, actionem furti, l. 7. §. 3. *hic*. §. ult. *Inst. de obl. qua ex del.* & cognitionem extraordinariam, l. ult. *de furt.* ex furto nascitur) est actio personalis, rei surreptæ, & fructuum persecutoria, ei competens, qui furtum passus est, adversus furem, & ejus heredem, pro qua parte heres est, d. l. 7. §. 1. & 2. l. 8. §. ult. & ll. *seqq. hic*. *Diss. Cujac.* 7. obs. 37. & 13. obs. 37. *sed male, ut ostendit Ant. Fab.* 1. *conject.* 11. & 4. *conject.* 1.

Est partem certi condictio, quæ datur soli domino, rem suam condicenti; l. 1. *hic*. l. 14. §. *qualis. de furt.* partim incerti, quæ datur non domino, condicenti possessionem; ut creditori, cui pignus surreptum fuit. l. 12. §. ult. *hic*.

Tollitur hæc actio, si res domini facto ad alium transferatur, l. 10. §. *tamdiu. eod.* aut domino offeratur, vel obligatio novetur: l. 17. *eod.* non morte furis, d. l. 7. §. 1. l. 9. *eod.* nec rei interitu, d. l. 1. *in pr.* l. ult. *hic*. nec transactione de furto. d. l. 7. *in pr.*

Non tollitur rei interitu, quia fur rei loco æstimationem tenetur præstare; l. 3. *hic*. quia semper est in mora, l. ult. *eod.* & quia debitores specierum interitu non liberantur, nisi ante moram perierint. l. 23. *De V. O.*

Competit in re furtiva condictio ipsorum corporum, d. l. 8. *in pr.* etiam si in aliam speciem sint mutata; l. 13. *hic*. & si desierint in rebus esse humanis, & fur ea non obtulit, æstimationis con-

condictio nihilominus durat. *d.l. 8. l. fin. ff. l. fin. C. eod.*

Et venit in condictioem, non modò quanti plurimi, scilicet à tempore furti commissi; *l. 8. §. 1. hic.* sed omne id quod interest agentis, rem surreptam non fuisse, & fructus partusque, ac quidquid ex re quæstus haberi potuit. *l. 3. l. 9. §. fin. hic.*

De condictioe ex lege.

T I T. II.

SI nova lex (id est, legibus XII Tabularum posterior. *l. 7. de cap. min.*) obligationem inducat, neque caveat, quo genere actionis experiri oporteat, condictioe ex lege agendum. *l. un. hic.*

Quæ, certi est condictio, rem si certam; incerti, si rem incertam, persequatur.

Legem oportet esse civilem; nam ex Jure prætorio actio in factum, non condictio, oritur. *l. 11. de præscr. verb.*

Condictioe ex lege plurimus hodie est usus, cum ex novis Principum constitutionibus, & mandatis agitur. *§. 25. §. 26. Inst. de action.*

De condictioe triticiaria.

T I T. III.

Condictioe triticiaria, (à Tritico Prætoris sic dicta. *Bart. & Dd. in l. 1. hic. ubi & Duar. Donell.*) præter pecuniam, aliæ res omnes, sive pondere, sive mensurâ constent, sive mobiles, sive soli, sive incorporales, *l. 1. hic.* sive certæ sive incertæ sint, *d.l. 1. pr. petuntur.*

Datur ad res arbitrio judicis, pro ratione locorum, ac temporum, æstimandas. *l. pen. l. ult. eod.*

Nec tamen propterea dicenda est arbitraria: ut vult Cujac. in par. *hic.* Quia sola rei æstimatio actionem arbitrariam non facit. *§. 31. Inst. de action.* Sed est stricti juris; quia in æstimanda re tempus accepti judicii spectatur: *Wesemb. hic. Donell. ad l. 3. hic. num. 18. Robert. 2. animadvers. 4. & 5. Alii existi-*

existimant, modò bonæ fidei, modò stricti juris esse; prout causa ex qua datur vel bonæ fidei, vel stricti juris fuerit.

Non datur domino, nisi ob rem furto surreptam, aut vi raptam, aut quam quis vi invasit. *l. 1. in fin. l. 2. eod.*

Quod odio furis introductum. *l. ult. ff. usufr. quem. cav.* Cum aliàs nulla conditio sit per quam actor intendat sibi dari oportere. §. 17. *Inst. de action.* Nam cum dare nihil aliud sit quam dominium transferre; *l. 75. §. ult. ff. de verb. oblig.* apparet id quod actoris est, dari ipsi amplius non posse; quia nec magis ipsius fieri potest. *d. §. 14. l. 91. ff. de reg. jur. l. 12. §. si quis servum. ff. de capt. & postlim. rev.*

De eo quod certo loco dari oportet.

T I T. I V.

Est hæc actio de eo quod certo loco, Utilis, arbitraria, quâ id quod certo loco ex stricta actione dari debuit, alio loco, idoneo puta; §. *loco. Inst. de action. ubi Donel.* peti potest, facta commemoratione ejus loci quo dari debuit. *l. un. C. ubi conv. qui cert. loc. l. 1. 2. hic.*

Non refert quoquo modo se soluturum obligarit reus, sive cautione, *l. 1. l. 2. §. 1. 2. hic.* sive credito, *l. 6. eod.* sive constituto, *l. 16. §. 1. tit. seq.* sive aliis conventionibus, *l. 5. hic.* modò sint strictæ. *l. 7. ubi Bart. hic. Don. in l. 2. eod.*

Ex æquitate est introducta hæc actio, *l. 1. hic.* nè Actor, secundum subtilitatem stricti juris, alio loco quam erat promissum, petens, videretur plus loco petere, & sic causa caderet. §. *si quis agens. Inst. de action.*

Proponitur datâ judici facultate æstimandi quanti Actoris vel Rei interfit, suo potius loco solvi, quam ubi petitum est. *d. l. 2. in pr. d. l. un. §. plus autem. Inst. de act.*

Rei autem quod interest semper habenda est ratio: non semper quod actoris. *Wes. hic. n. 6. Treutl. tb. 4. disp. 23.*

Reus,

Reus, si loco convento pecuniam obtulit, aut deposuit, aut alioqui difficultate justâ (quæ à mora excusat. *l. 21. cum ll. seqq. de usur.*) impeditus fuit, quominus accederet, absolvendus: *l. 4 §. 1. hic.* aut in solam contractus quantitatem condemnandus.

Tum solum ratio ejus quod Actoris interest inhibetur, cum culpâ, aut morâ, debitoris, factum est, quominus loco convento solutio explicaretur. *d. l. 2. §. fin. hic.*

Nec fidejussoris obligatio augetur, si non per eum, sed per debitorem principalem, steterit, quominus suo loco solveretur: *l. 3. hic.* nisi in omnem contractus bonæ fidei causam se obligarit. *l. 54. in pr. locati.*

Bonæ fidei judicia, cum ipsis clausula illa *ut ex bono & aequo arbitretur*; à natura insit, sine ulla naturæ propriæ mutatione, aliave externâ clausulâ, rectè etiam alio loco proponi possunt; nec propterea nomen arbitrariorum actionum induunt. *l. 7. hic.*

De pecunia constituta.

TIT. V.

Iure Prætorio introducta est actio, quæ vocatur de constituta pecunia, *l. 5. §. 1. hic.* aut Constitutoria; *l. 2. hic.* quam Prætor dat, adversus eos qui pecuniam ex priori aliqua obligatione, siue valida jure civili, siue invalidâ, soluturos se, sine stipulatione, *l. 1. hic.* constituerunt.

Est enim, constitutum, conventio, id est, nudum pactum, *d. l. 1. in pr. de re debita,* vel alia ejus loco, solvenda, *d. l. 1. §. an potest.* intra aliquod tempus: quod si in conventionem non expressum, modicum, hoc est, decem dierum, subauditur. *l. 21. §. 1. hic.*

Sustinetur Jure Prætorio; & ex eo datur actio, non ob geminationem pacti; *ut volunt communiter Doctores & Sichard. ad rubr. C. hic. Costal. ad l. 1. ff. eod. Wesemb. num. 2. 3. hic.* (cum pactum nudum, etiam

etiam centies repetitum, actionem non producat. *l. 7. §. 4. ff. de pact.*) sed quod non simpliciter qui constituit se daturum promittat, (ut alias pacto nudo fieri solet) sed deliberatè; id quod ante debebatur se soluturum constituat, & idèd non tam novum debitum, contrahat, quam contractum agnoscat, atque ita orta ex constituto obligatio, priori accedat.

Constituitur pecunia. Quo verbo olim res, quæ pondere, numero, & mensura constant: hodie, ex Justiniani constitutione omnes omninò res, comprehenduntur. *l. 2. C. hie.*

Constitutum ut valeat, debet id, quod constituitur, debitum esse, vel naturaliter, *d. l. 1. §. pen.* vel jure prætorio, *d. l. 1. §. ult.* vel civiliter, ita ut ei non obstat exceptio. *l. 3. §. 1. hic.*

Civile debitum cui obstat exceptio prætoria, id est, naturalem æquitatem habens; ut pacti, jurisjurandi, non numeratæ pecuniæ, doli, *l. 95. §. naturalis. ff. de solution. l. ult. ff. de jurejur. l. 14. C. de non num. pec. l. 2. §. circa. ff. de doli mali except.* constitui nequit. *l. 3. §. 1. hic.* Quia revera non est debitum. Nihil enim refert an quid ipso jure non debeatur, an verò debeatur quidem ipso jure, sed per exceptionem aliquam summoverti actor possit. *l. 102. ff. de reg. jur. l. 10. l. 108. ff. de verb. signif.*

Perindè est, sive purè, sive sub conditione, sive in diem, debeatur. *d. l. 3. §. 1. 2. & l. seq.*

Quod tamen sub conditione debetur, sive purè, sive certo die constituatur, eandem nihilominus habet conditionem: alioqui non debitum videretur constitutum. *l. 19. hic.*

Nihil refert, utrum is, qui debet, constituat, an alius: nec utrum ei cui debetur, an alii constituatur. *l. 5. §. 2. eod.*

Actione, quæ ex eo oritur, (cum rei persecutionem contineat: *d. l. 18. §. pen.*) agitur in hoc, ut quod constitutum est fiat, *l. 14. §. 1. l. 21. §. fin. eod.* aut in id quod interest, promissor condemnatur. *d. l. 14. §. 2.*

Quod judicium non consumit actionem civilem,

si qua ex prior obligatione, cui subiectum est constitutum, competeat, nec è contrario.

Solutione enim magis utraque actio tollitur, quam litis contestatione; cum ex diversis causis & obligationibus oriatur. *d. l. 18. fin. l. 28. hic.*

Commodati, vel contra.

T I T. VI.

DICTUM hætenus de conditionibus, strictis, vel arbitrariis, quæque, vel ex contractibus, vel ex bono & æquo, vel odio reorum, dantur: transcamus nunc ad alias, maximè bonæ fidei, & ex contractibus descendentes: & primum ad eas quæ ex commodato nascuntur.

Commodatum est contractus, quo res gratis traditur, certi usus gratiâ, ut, eo finito, eadem species restituatur.

Commodari possunt, res omnes tam mobiles quam soli, *l. 1. §. 1. hic.* etiam alienæ, *l. 15. hic.* non quæ usu consumuntur: nisi ad ostentationem, vel dicis gratia. *l. 3. §. fin. l. 4. eod.*

Dicis gratia fit, quod fit, ut non serîd, sed perfunctoriè, *arg. l. 1. ff. ad SC. Sill. Duar. 1. disp. 47. Cujac. 5. obs. 33.* factum esse dicatur.

Commodari res debent gratuitò. Nam accedente mercede, non est commodatum, sed locatio & conductio. *§. item is cui. Inst. quib. mod. re cont. obl.*

Datur commodatum ad certum præscriptumque usum, *l. 17. §. 3. hic.* extra quem qui aliter utitur, furtum committit. *l. 5. §. 8. eod. §. placuit. Inst. de obl. quæ ex del.*

Nec ante usum finitum, commodatarius rem restituere cogitur. *d. l. 17. §. sicut.*

Vim majorem, interitum, aut damnum rei, casu fortuito accidens, non præstat: *l. 5. §. 2. & §. 4. l. 10. l. 18. l. 20. l. fin. hic.* dummodò non ipsius culpa casus interveniat.

Nam dolum & culpam, diligentiam & custodiam, qualem à vigilantissimo patrefamilias requiri-

quirimus, (quæ levissimæ culpæ opponitur) commodatarius præstat, *d.l.5. §.2. §.9. §. pen. l.18. hic.* cum ipsius gratia contractus initur: *d.l.5. §.2. d.l.18.* Si commodantis causâ, dolum tantum præstabit: *d.l.5. §.10. l.10. in pr. hic.* Si utriusque, dolum & culpam, non custodiam. *d.l.18. in fin. pr.*

Oritur ex hoc contractu, actio commodati, tam Directa, quam Contraria.

Directa commodanti datur, adversus commodatarium, & ejus heredem: *l.17. §.2. hic.* quâ usu in quem res data est, finito; commodans agit, ut sibi ea salva & integra restituatur: *l.3. §.1. eod.* nec solum petitur res, sed etiam accessoria, & quicquid ex re fructus, quocunque tempore, utilitatique, obvenit. *d.l.5. §. usque adeo.*

Contraria datur commodatario, adversus commodantem, ad petendum quod sua interest, si res commodata, ante usum expletum, auferatur, *d.l.17. §.3. in fin. l.21. in pr. eod.* aut vitio rei, quod vitium sciens celarit commodator, damnum fecerit: *d.l.8. §.3.* item ad petendos sumptus in rem commodatam factos, extra cibaria & modica impendia, quæ naturâ ratione ad eum qui re utitur pertinent. *d.l.18. §.2.*

De pignoratitia actione, vel contra.

T I T. VII.

Actio quâ pignus repetitur. Pignoratitia dicitur: non Hypothecaria. Quia non ad hypothecam, quæ manet penes debitorem; sed ad pignus, quod creditori traditur, repetendum competit. *vid. l.9. §.1. hic. l.238. §. pignus. de V. S.*

Aliæ actiones dantur durante pignoris contractu: aliæ eo soluto.

Durante contractu pignoris, datur actio Serviana & quasi Serviana, id est, Hypothecaria, qua creditor pignus suum persequitur: Soluta, Actio Pignoratitia, debitori directa, creditori contraria. De his duabus agitur hoc in titulo.

Directa, est actio personalis, *l. ult. C. de destr. pign. civilis;*

civilis, quâ debitor, qui rem (etiam alienam, l. 9. §. pen. hic.) pignori opposuit, soluta pecunia, vel si alia quacunque ratione creditori, l. 9. §. omnis. hic. ipsi aut voluntate ejus alii, l. 11. §. 5. eod. sit satisfactum, agit, adversus creditorem, ut rem reddat, & damnum in ea dolo culpave ejus datum, resarciat. d. l. 9. §. 3. l. 40. §. ult. ff. l. pen. l. 7. C. hic.

Qui ante solutionem agit Pignoratitiâ, licet non recte agat, tamen si offerat in judicio pecuniam, non si aliam satisfactionem, l. 10. hic. debet & rem pignoratam, & quod sua interest, consequi. d. l. 9. §. fin.

Sed & si fortè re abutatur creditor, & dolo debitorem impediat, quominus jure suo uti queat, in id quod interest agetur. l. fin. in pr. vers. operam. hic.

Agitur adversus creditorem, qui cum est contractum, & qui pignus possidet, l. 32. vers. creditor. de neg. gest. aut ejus heredem; Non adversus alium rei possessorem, l. 27. hic. l. fin. C. de distr. pign. de jure civili: de Jure Pontificio etiam in tertium possessorem. c. cum contra. 6. de pign. ubi Inn.

In hoc agitur, ut res restituatur, l. 40. §. fin. hic. una cum fructibus, tam naturalibus, quam civilibus, l. 2. l. 3. in princ. C. hic. quos percepit, vel percipere debuit: d. l. 3. exceptis iis quos creditor vel cum usuris pecuniæ compensat, vel in sortem debitam imputat: l. 1. l. ult. C. l. 1. C. de distr. pign. l. 9. C. de pignor. l. 22. §. 2. hic. & ut præstetur damnum quod creditor in re pignorata dolo vel culpa dedit. l. 9. §. ult. l. 25. hic. l. 11. C. eod.

Dolum enim & culpam, & vigilantissimi patrisfamilias diligentiam, præstare creditor debet. Quia ejus potissimum gratiâ pignus constituitur. l. 13. §. fin. cum ll. seqq. l. 22. §. fin. l. 25. hic.

Vim majorem & casum non præstat. Custodia enim adversus vim parum proficit. l. 31. de act. emt.

Itaque ad dominum rei periculum pertinebit: l. 30. l. fin. §. fin. ff. l. 9. C. hic. Nisi debitor culpa creditoris
eam

eam periisse probare possit: *vid. Gl. & Dd. in l. 4. C. eod. Bart. in l. 6. §. an verò. de edendo. in fin.* Nisi ut amissio rei pignoratæ debitorem liberet inter contrahentes placuerit. *l. 5. l. 6. C. hic.*

Quodsi venditum sit pignus, (ut vendi cessante in solutione debitore potest, *l. 4. hic.*) agitur ut residuum pretii cum usuris creditor restituat. *l. 24. §. 2. in fin. l. 42. hic.*

Contraria pignoratitia datur creditori, adversus debitorem, *l. 16. §. 1. hic.* ut ab eo indemnitas servetur, si fortè per id quod pignori accepit, damnum passus sit, *l. 31. eod.* aut si deceptus sit, accipiens (verbi gratiâ) æs pro auro: *l. 1. §. ult. l. 9. in pr. l. 16. §. 1. l. 36. eod.* aut si in rem pignoratam impensas fecit necessarias, *l. 8. hic.* utilesve: *d. l. 31. aut si falsâ solutionis spe ostensa, debitor pignus recuperavit; l. 3. hic.* ac in similibus casibus, *l. 22. §. pen. cum ll. seqq. hic.* in quibus æquitas suadet, indemnem creditorem præstari. *l. si servus. 31. eod.*

Utilis actio pignoratitia contraria datur creditori adversus heredem, ut rem ejus, à defuncto sibi obligatam, nexu teneri patiatur; cum factum defuncti præstare & approbare debeat. *l. cum à matre. 14. C. de rei vind. l. si Titio. 22. ff. de pignor.*

D I G E S T O R V M

L I B E R XIV.

De exercitoria actione.

T I T. I.

P Offumus non solum per nostras, sed & per alias personas obligari, tam ex negotiatione terrestri, quam maritima.

Ex negotiatione maritima oritur actio Exercitoria, ab exercitore sic dicta.

Exercitor est, ad quem omnes obventiones & redditus ex navì perveniunt; sive sit dominus navis,

sive à domino per averfionem (id est, non ad numerum certarum amphorarum; sed integram navem in univcrsum, averfo in se à locatore omni periculo, lucro & damno, *l. fin. §. fin. tit. seq. l. 36. locati. l. 4. §. si averfione. de peric. & com. rei vend. vel ad tempus, vel in perpetuum, conduxit. l. 1. §. 15. hic.*

Magister navis est, cui totius navis anchora & gubernatio mandata est, vel ab ipso exereitore, vel à primo navis magistro. *d. l. 1. §. 1. & 5.*

In illum exercitorem datur actio, si quid cum magistro navis contractum sit; in eam tamen rem, cui præpositus est, *d. l. 1. §. 7. l. fin. hic.* (præpositio enim legem dat contrahentibus, extra quam si contrahunt, æquum est exercitorem non teneri. *d. l. 1. §. 12.*) idque propter utilitatem navigantium, ne facile decipiantur. *d. l. 1. §. 5. cum §§. seqq.*

Quæ actio est Prætoria, *d. l. 1. in pr. & §. pen. l. 5. §. 1. eod.* in personam, rei persecutoria, in solidum, *d. l. 1. §. ult. l. 6. §. 1. hic.* perpetua, & ad heredes transitoria. *l. 4. §. ult. eod.*

Cum eâ concurrit actio directa, contra magistrum qui contraxit, *d. l. 1. §. 17. & §. pen. & contra ipsum exercitorem, quasi ipse contraxerit, dum contrahi cum magistro permisit. §. ult. Inst. quod cum eo.*

Si tamen ab altero exactum sit, cum altero agi non poterit. *d. l. 1. §. pen.*

Et hæc quidem ita se habent, si quando cum magistro navis contractum est. Quod si cum nautarum aliquo contrahatur, non competit actio in exercitorem.

Nam qui nautas quasi instrumenta navis adhibet, non contrahendi cum eis potestatem facere videtur; culpâ tamen & dolo carere eos curare debet: *d. l. 1. §. 2. culpæ suæ imputaturus, si minus idoneos, quasi vitiosa instrumenta, adhibuerit. l. fin. §. 4. naut. camp. stab.*

Ex delicto tamen eorum non convenitur si extra navem illud sit commissum; si, ut quisque vectorum res suas servet, neque se damnum velle præ-

præstare, prædixerit, & prædictioni vectores consenserint. *l. fin. ubi Bart. ff. naut. caup. stat.*

De Lege Rhodia de jactu.

T I T. II.

Lege Rhodia cavetur, ut si levandæ navis gratiâ jactus mercium factus sit, omnium contributione farciatur, quod pro omnibus datum jactumque est. *l. 1. hic.*

Æquissimum enim est, commune detrimentum fieri eorum, qui propter amissas aliorum res, consecuti sunt, ut merces suas haberent salvas. *l. 2. in pr. vers. æquissimum. eod.*

Dominus igitur amissarum mercium, (qui contra alios, qui unâ vehuntur, nullam habet actionem, quia cum eis non contraxit,) cum magistro agat ex locato vel conducto (prout merces vehendas locavit, aut locum in navi conduxit,) ut merces aliorum retineat, donec portionem damni præstent. *l. 2. in pr. hic.*

Quæ portio pro æstimatione ac pretio rerum quæ salvæ, quæque amissæ sunt, præstari solet. *d. l. 2. §. 4.*

Sed in rebus, quarum nomine conferendum est, æstimatio haberi debet, non quanti emptæ sint, sed quanti venire possint, *d. §. 4. vers. sed in his.* ac pretio rerum præsentis. *l. 4. §. fin. eod.*

Sed hæc tum demum locum habent, cum servandæ navis causâ jactum est: id est, ubi jactus, nave salvâ, in tributum venit. *l. 4. in pr. & §. 1. hic.*

Quod si ante jactum, vel in ipso jactu naufragium fiat, quod quisque ex eo servare potest, sibi servat, tanquam ex incendio: nec amissæ navis, merciumve dampnum collationis consortio farcitur. *l. 5. l. 7. l. 4. hic.*

Quocirca etiamsi navis, jactu levata, postea tempestate pereat, nihil contribuendum est, nisi merces perditæ extrahantur. *d. l. 4. §. 1.*

Si antennæ armamentave navis deusta aut cor-

rupta sint, aliaque parare magister navis cogatur, nihil contribui debet: ut nec fabro, cui locatum opus est, si malleum fregerit: neque aurigæ, cujus currus conductus est, si equum currumve ruperit, quippiam eo nomine debetur. *d.l.2. §.1. l.6. hic.*

Res jactæ domini manent, nec fiunt apprehendentis, quia pro derelicto non habentur. *l.2. §.fin. l.8. hic.*

De institoria actione.

T I T. III.

UT ex negotiatione maritima nascitur actio Exercitoria, sic ex terrestri oritur Institoria; ab institore sic dicta.

Institor, (appellatus ex eo, quod negotio gerendo instet, *l.3. hic.*) est is, qui tabernæ locove, ad emendum vendendumve, quive sine loco ad eundem actum, præponitur. *l.18. hic.*

Ex hujus contractibus dantur actiones, quæ vocantur institoria, quod ex Institoris contractu non directò, & Jure civili, sed ex Edicto Prætoris, in præponentem, quicum non est contractum, competant: *l.17. in pr. hic. & quidem in solidum, l.2. C. eod. etiam si plures sint qui præposuerint: l.13. §.fin. cum l. seq. eod. & quamvis in rem versum esse eorum nihil probetur. l. ult. de exerc. act. Dd. in l.27. si cert. pet.*

Nec enim contrahentes decipi debent, *l.11. §.5. vers. item si hic.* qui fidem præponentis sequi videntur. *l. fin. pro socio. l. si institorem. si cert. pet.*

Id quod cum Institore gestum est, tum etiam præponentem obligat, si ejus rei gratia cui præpositus fuerat, aut de eo quod ad eam rem aliquo modo pertinet, *d.l.5. §.3. cum §§. seqq. l. pen. §. fin. hic.* (quod actori probandum. *l.1. l.5. C. hic.*) contractum est. *l.5. §.11. l. pen. §.2. ff. l.3. C. hic.*

Conditio enim præpositionis diligenter est servanda: *l.11. §.5. hic.* & videndum qua lege, qua forma & conditione institor sit præpositus, ut si fi-

nes mandati excesserit, præponens non teneatur. *d. l. 11. §. 5. cum §. seq.*

Tamdiu tenetur dominus, quoad præpositio durat, quæ morte domini non finitur, ut cætera mandata: §. *item Inst. de mand. l. 26. mand.* sed durat in heredem, donec institorum mandatum expresse revocetur. *l. 17. §. 2. l. pen. §. 1. hic.*

Non sufficit institorum prohiberi ne contrahat, sed & prohibendi sunt omnes, qui cum eo aliquando contrahere vellent, ne in posterum contrahant. Qui autem illi sint cum ignoretur, utile est palam, ne quis contrahat cum præposito, proscribere. *d. l. 11. §. 2.*

Datur, ad similitudinem institoriarum, utilis interdictum actio, *l. 12. l. 13. l. 19. ff. l. pen. C. cod. & quasi actio Institoria; cum ex contractu delictive quasi Institoris agitur. l. 5. §. item: cod. Bald. in l. mandatum. 15. n. 3. C. mand.*

Quasi Institor dici potest, qui non ad negociandum, sed uni alicui negotio, aut certo facto præpositus est. *d. l. 19. ubi not. d. l. 5. §. item. Bald. in d. l. mandatum. n. 3. & 4. Bart. Ias. in d. l. si institorem.*

Potest Institor, ex contractu tempore præpositionis habito, non tantum durante præpositione conveniri; *l. fin. ubi not. hic. Dd. in l. 1. §. 7. ubi Castr. de exerc. act. Ias. in d. l. si institorem.* sed & eâ finitâ: *arg. l. 7. §. 11. ff. ad SC. Mac. perinde ut Magister navis finito officio. l. 1. §. 17. ff. de exerc. act. Cum argumentum à Magistro ad Institorem valeat. arg. l. 23. §. si duo. hic. Duar. ibid. num. 4. Wesemb. n. 6. Costal. ad l. ult. C. cod. quem vide.*

Domino, adversus contrahentes cum Institore, nulla datur actio extraordinaria; *l. 1. hic.* quia legitimis remediis securus est. *d. l. 1.*

Si tamen aliter rem servare nequeat, dantur ei utiles actiones in eos qui cum Institore contraxerunt. *d. l. 1. in fin. l. 2. hic. l. 13. §. 25. de act. emr.*

Hæ omnes actiones perpetuæ sunt, & heredibus atque in heredes dantur. *l. 15. hic.*

De tributoria actione.

T I T. IV.

HÆc Actio Tributoria, dicta est à distribuendo vel dividendo. Nam si filiusfamilias vel servus, vel liber homo qui bona fide servit; *l. 1. in fin. l. 2. & seqq. hic.* sciente nec contradicente patre vel domino, in peculio negotietur, creditores ejus, adversus patrem vel dominum, hanc actionem habent, ut merx peculiaris inter omnes creditores, pro rata portione, dividatur, ita ut nec patris vel domini, nec occupantis, melior sit conditio. *l. 1. in pr. §. 3. §. 4. l. 5. §. mercis. l. 6. hic.*

Si patris vel domini dolo factum sit, quominus, merx peculiaris inter creditores geometrica proportionem distribueretur, in eum datur hæc actio, ut quantum minus alicui tribuerit, præstet. *l. 7. §. si ejus. hic.*

Est hæc actio prætorial, *d. l. 1. in pr. hic.* personalis, rei persecutoria, perpetua, qua heres de eo duntaxat tenetur, quod ad eum pervenit. *l. 7. §. fin. l. 8. l. 9. in pr. hic.*

*Quod cum eo qui in aliena potestate est,
negocium gestum esse dicetur.*

T I T. V.

Filiusfamilias ex contractu, dum in potestate est constitutus inito, etiam post emancipationem, aut alio modo solutam patriam potestatem, manet quidem obligatus & conveniri potest, *l. 39. de act. l. 57. de jud. l. 2. de cap. dim.* sed per hoc Edictum non ulterius quam facere potest; *l. 1. 2. hic.* hoc est, deducto ne egeat. *l. 3. eod. l. 173. de R. I.*

Quod Edictum ex æquitate jus rigidum (quo filiusfamilias sui juris factus, utpote capite diminutus & quodammodo alius & novus homo factus; *l. 58. §. 8. ff. de solut. l. 27. ff. de adim. leg.* non amplius

amplius tenebatur) corrigens, & creditoribus, ne propter juris subtilitatem debito fraudentur, consuluit, & filiumfamilias cis teneri voluit; sed quia iniquum esset eum ex eo contractu ex quo nullum emolumentum percepit, gravari, ne ultra quam facere potest. *l. 2. l. 3. C. l. 2. ff. hic.*

Quod beneficium ipsi non competit, si vel patri etiam ex parte, sed non modica, heres, aut bonorum possessor, *d. l. 4. pr. l. 5. §. 1. hic.* vel se patremfamilias esse, mentitus est. *d. l. 4. §. 1.*

Nec ejus heredi, sed ipsi filio soli succurritur. *d. l. 4. §. soli.* Quia privilegia personalia, quale hoc, non transeunt in heredem. *d. 42. ff. de admin. tut. l. 12. ff. soluto matrim.*

Si cum servo contractum est, actio de peculio vel in rem verso, vel quod jussu, in dominum competit, *l. 1. hic.* nulla contra servum; quia Jure Civili pro mortuo habetur. *l. quod attinet. 32. l. servitutem. 209. ff. de R. I.*

De Senatusconsulto Macedoniano.

T I T. VI.

HUjus Senatusconsulti introducendi causam præbuit fœnerator Macedo: qui filiis-familias mutuam pecuniam, puta numeratam, *l. 7. §. 3. hic.* ad luxum credere solebat: unde tandem flagitiis obruti, ad quodvis flagitium impellebantur. *l. 1. hic.*

Quod hoc Senatusconsulto in tantum prohibitum, ut nec actio, nec petitio, etiam post mortem patris, vel postquam alia ex causa sui juris facti sunt; *l. 1. pr. l. 7. §. 4. §. 5. hic.* ex tali mutuo detur: *d. l. 1. nec danti, nec successoribus, aut sociis ejus: dummodò creditor sciat, aut scire potuerit, l. 19. de R. I. filiumfamilias esse cui credebatur. l. pen. hic.*

Nam si justa simplicitate deceptus sit, ut quia is se patremfamilias affirmavit, vel simulavit: *l. 3. ff. l. 1. C. h. t.* aut ætatis beneficio excusetur, ut si minor minori mutuo det, cessat SCtum. *d. l. 3. l. 1. 2. C. eod.*

Et, si castrense peculium filiusfamilias habeat cessat in eo Senatus-consultum, usque ad quantitatem peculii. Cum in eo patrisfamilias vice fungatur. *l. 1. §. fin. l. 2. hic.*

Habet hoc Senatusconsultum locum in filiofamilias utriusque sexus, *l. 9. §. 2. hic.* cuiusque etiam dignitatis. *l. 1. §. 3. eod.* Non tamen ejus qua jure potestas patria solvitur. *Nov. 81.*

Sed in pecunia tantum inutuo data, non etiam aliis in contractibus; si non sit fraus Senatusconsulto cogitata. *l. 3. §. 3. l. 7. in pr. & §. 3. hic.* Veluti si aliæ res, pro pecunia numerata, vel unde pecunia constari possit, quæ in mutuum veniret, sint datæ. *l. 3. §. pen. l. 7. §. 3. hic.* Fraus enim Senatusconsulto fit, ubi quod fieri noluit, fieri autem non vetuit, fit. *l. 29. l. 30. ff. de legib. l. 5. C. eod.*

Et succurritur non filiofamilias tantum, sed & ejus fidejussori, *d. l. 9. §. 3. patri, l. pen. C. eod. heredi. d. l. 7. 10.*

Adeo ut actio, quæ ex mutuo competit, exceptione hujus Senatusconsulti elidatur, *d. l. 7. in pr. & §. 1. l. 11. eod.* & sic creditor jus agendi non habere videatur, cum perpetuâ exceptione removeri possit. *l. 13. l. 12. de R. I.*

D I G E S T O R V M

L I B E R X V.

De peculio.

T I T. I.

Peculium, (dictum quasi pusilla pecunia, seu pusillum patrimonium, *l. 5. §. pen. hic.*) est universitas, *l. 32. in fin. pr. hic.* eorum, quæ filiusfamilias aut servus, *l. 47. §. ult. hic. l. 8. §. ult. de pecul. leg. patre vel domino permittente, d. l. 5. §. ult. l. 1. §. ult. l. 2. l. 49. hic.* habet à paternis vel dominicis rationibus separata. *l. 4. pr. & §. ex hñ. l. 5. hic.*

Ex

Ex contractu servi in merces peculiari negotiantis, l. 2. §. 5. l. 47. §. 1. hic. l. 19. cum l. seq. ff. de fidejuss. & filii etiam extra merces peculiarem, d. l. 2. §. 9. & 10. l. 5. C. hic. quibuslibet actionibus inde descendentibus, dominus paterve de peculio, puta dominico & profectitio, l. 5. §. ult. l. 39. l. 4. ff. eod. conveniri potest, ut quatenus in peculio est, cate- nus actori satisfaciatur: deducto tamen semper eo, quod ipsi qui convenitur, à filio, aut servo, debe- tur: quia prævenisse dominus paterve creditur; l. 9. §. peculium. §. præterea. hic. & computato in peculium eo, quod pater vel dominus, aut ipsi filio vel servo naturaliter debet; l. 7. §. pen. eod. aut dolo malo fecit quominus ius in peculio esset. l. summa. 21. in princ. eod.

Quando de peculio actio annalis est.

T I T. II.

Actio de peculio, quamdiu servus vel filius in potestate sunt, perpetua est: post mortem vero, aut emancipationem filii familias, manumissionem vel alienationem servi, annalis esse incipit. l. 1. in pr. hic. id est, anno utili terminatur.

De in rem verso.

T I T. III.

Si hi qui in aliena potestate sunt, nihil in peculio habent, vel habeant quidem, non in soli- dum tamen; tenentur qui eos habent in potesta- te, si in rem eorum quod acceptum est, conver- sum sit.

De in rem verso actio perpetua est, & locum ha- bet, siue peculium ademptum sit sine dolo malo, siue actio de peculio anno finita sit. l. 1. pr. §. 1. hic. Quia æquum est, patrem vel dominum cum alte- rius jactura non locupletari. l. 14. ff. de cond. ind. l. 206. ff. de reg. jur.

In rem domini versum intelligitur, quicquid ne-

cessariò utiliterque (non voluptatis causa. *l. 3. §. 4. hic.*) in rem ejus servus impenderit. *d. l. 3. §. 1.*

Et toties de in rem versò actio est, quoties procurator mandati, vel qui negotium gessit, negotiorum gestorum habet actionem, quotiesque aliquid ita consumpsit servus, ut, aut meliorem rem dominus habuerit, aut non deteriore. *d. l. 3. §. 3.*

Cujus rei probatio agenti incumbit. *§. ceterum. Inst. quod cum eo qui in al. pot.*

Si in probatione deficiat; dominus vel pater tenetur quatenus est in peculio. *l. 7. C. quod cum eo qui in al. pot. est.*

Quod jussu.

T I T. I V.

DE eo quod jussu aut mandatu patris dominive contractum est; quia quodammodo cum eo contrahitur qui jubet, *l. 1. pr. hic.* (cujus fidem qui contrahit sequi videtur. *§. 2. Inst. quod cum eo qui in al. pot.*) in solidum, videlicet quatenus jussit, *l. 3. hic.* adversus eum hæc actio quod jussu datur.

Jussui & rati habitio comparatur. *d. l. 1. §. 6. hic.* Accipitur enim hic pro quovis consensu. *l. 1. §. 1. cum §§. seqq. §. ratum. eod.*

D I G E S T O R U M

L I B E R XVI.

Ad Senatus-Consultum Vellejanum.

T I T. I.

Mulieres suo nomine contrahentes, efficaciter obligantur; alieno vero nomine intercedentes Senatusconsulto hoc Vellejano obligationi, ob sexus imbecillitatem, eximuntur, actione in pristinum debitorem restituta. *l. 2. §. 1. §. 2. hic.*

Et

Et non tantum illis si quidem deceptæ sint, non si decipiant, *d. l. 2. §. 3. l. 23. eod.* (nec enim dolo earum amplissimus ordo opitulatur. *l. 30. hic.*) subvenit, sed & harum fidejussoribus, mandatoribus, ac procuratoribus, &c. *l. 6. eod.* non modò quod regressum, si exigantur, adversus illas habeant, sed quia totam obligationem Senatus improbat. *l. 16. §. fin. eod.*

Omnis contractus Senatusconsulto comprehenditur, & quocunque modo intercesserunt, alienam, suo periculo, suscipientes obligationem. *d. l. 2. §. 4. l. 8. §. si mulier. l. 9. hic.*

Non si creditor scivit eas intercedere, colorque quæsitus est obligationi. *l. 12. l. 3. §. 14. eod.*

Adjuvatur ita mulier, ut si ex intercessione conveniatur, excipere de Senatusconsulto; si quid præstiterit, solverit, delegarit, condicere, *d. l. 8. §. 1. & §. 3. unà cum fructibus, l. 32. §. 1. eod.* possit.

Cum hæc exceptio sit in favorem mulierum introducta. *l. 40. de cond. ind.*

Non adjuvatur hoc Senatusconsulto mulier, si post biennium ab intercessione iterum se obstringat, & pignora det; quia non potest dici levitate quadam intercessisse. *l. 22. C. hic.* si huic beneficio, tam in, quam extra judicium, renunciaret, *l. fin. §. 4. ff. l. 21. C. eod. Nov. 94. c. Nov. 118. c. 5.* monita modò sui beneficii sit à Notario. *Accurs. hic. l. 5. de transact.*

Rescissâ intercessione, dantur ex æquitate Prætorie actiones, *l. 1. §. ult. hic.* contra eos, quorum negotium mulier gessit: vel utilis, vel nova.

Utilis, (quæ & rescissoria, *l. 26. C. hic.* vel restitutoria dicitur. *l. 8. C. l. 3. §. 12. cum §. seq. ff. eod.*) si per novationem actio creditoribus extincta est. *l. 8. §. 8. hic.*

Nova, si obligatio in mulieris persona initium sumit: *l. 13. §. 1. hic.* ut si mulier obligationem suscepit, ne alius obligaretur. *d. l. 8. §. pen. l. 1. in fin. ff. eod.*

De compensationibus.

T I T. I I.

Compensatio, est debiti & crediti inter se contributio. *l. 1. hic.*

Quâ, qui convenitur, creditorem suum, eundemque debitorem petentem, vel quoad totum debitum, si æquale; vel, ad quantitatem concurrentem si non, *l. 4. C. hic.* submovet, paratus compensare. *l. 2. eod.*

Interest enim nostra potius non solvere, quam solum repetere: *l. 3. hic.* ne fiat per plura quod confici potest per pauciora. *l. 39. §. 1. C. de appell. l. 10. C. de jud.*

Compensationi locus est, sive ex contractu; (non depositi. *l. ult. C. hic.* puta directa; *l. pen. C. de pos.*) sive ex maleficio, dum tamen civiliter: *l. 10. §. 2. hic.* & sive personali, sive reali actione, agatur. *l. fin. C. eod. §. 30. Inst. de action. Cujac. 15. obs. 12. Donel. ad d. §. 30. num. 6. & 13.*

In publicis judiciis, ubi non privatorum jus, sed publica vindicta, ad coercenda maleficia, spectatur, non admittitur compensatio, sed utrumque fontem sue pœnæ manent. *l. 2. §. qui hoc. l. 13. ad L. Iul. de adult.*

Nec admittitur compensatio, si species hinc inde, vel individuum, vel quantitas obligationi inest, vel in genere species debeatur: ut homo: *l. 22. & Gl. & Dd. in l. 1. hic. & in l. fin. C. eod.* Quia aliud pro alio invito creditori solvi nequit. *l. 2. §. 1. si cert. pet.*

Compensatio autem nihil aliud est, quam solutio. *l. 19. de lib. caus. l. amplius. rem rat. hab.*

Quantitatis ad quantitatem rectè fit compensatio, vel speciei cum specie, cum idem genus debetur, ut hominis cum homine. *Paul. lib. 2. sent. cap. 5. Accurs. Bald. in l. 78. ff. de hered. inst. Sichard. ad l. 14. l. 22. C. hic.*

Huic ita demum locus est, si debitum quod in compensationem deducitur, verè subsistat, vel jure civili,

civili, & gentium, vel certè æquitate naturali, *l. 6. hic.* & sit purum, *l. 7. hic.* liquidum: *l. fin. C. eod.* id est, quod certum sit deberi, aut facile probari & ostendi possit: *d. l. fin. §. 1. & ibi Dd.* Quale est confessum, præsens, quod ex iudicato venit.

Si æquitatem nullam habet obligatio, & exceptione perimi potest, non venit in compensationem. *l. 14. eod.* Veluti si debitum præscriptione vel sententia absolutoria inane sit redditum. *Goth. ad l. 14. ff. hic.*

Compensatio hodie ipso jure inest omnibus, *l. 4. & 5. l. fin. C. eod.* uti & olim bonæ fidei actionibus: *l. 11. l. si ambo. hic.* strictis doli mali exceptione opposita. *Cujac. l. 8. obs. cap. 16.*

Ipso jure tamen non aliter fiunt compensationes, quam si paratus sit Reus eas facere, *l. 2. hic.* & obijciat, *d. l. fin.* atque opponat: §. *in bonafidei.* *Inst. de action.* Potest enim iudex eas reprobare. *l. 7. §. 1. hic. d. l. fin. vide Doncl. in l. 4. num. 8. C. hic.*

Depositi, vel contra.

T I T. III.

REs, quoniam non modò ad usum, verum etiam ad custodiam credi solent, idcò pauca de deposito ejusque actione dicenda.

Depositum, (acceptum pro re deposita) est quodd custodiendum alicui datum est. *l. 1. pr. hic.*

Pro contractu acceptum, est contractus, quo res gratis custodienda, & quotiescunque deponens reposcet, in eadem specie restituenda, traditur. §. *pen. Inst. quib. mod. re cont. obl.*

Deponens quovis tempore potest rem repetere, *d. l. 1. §. 22. §. pen.* & depositarius suo officio liberari. *l. 5. §. fin. eod.* Quia ad rem custodiendam, non servandam, tenetur.

Depositum, vel est Depositum in specie, quo res non litigiosa ab uno, vel pluribus, deponitur: *d. l. 1. §. 22. 25. 27. 43. & c. hic.* vel Sequestratio; quæ est depositio rei litigiosæ, seu controversæ, apud sequestrum, à pluribus, in solidum, ea lege, ut lite pen-

dente custodiatur, finitâ verò restituatur victori, factâ, l. 5. §. 1. & 2. l. 7. & pen. hic.

Depositum in specie dictum, plerunque est voluntarium; interdum tamen necessarium, puta tribus illis casibus, incendii, ruinæ, naufragii. l. 1. §. 1. 2. 3. hic.

• Sic & Sequestratio, vel fit magistratus auctoritate, parte, sive utraque, sive alterutra invitâ; quæ judicialis: l. un. C. de prob. pec. seq. vel partium consensu; quæ conventionalis dicitur. l. 39. De solut. l. 39. de acq. poss.

Conventionalis sequestratio regulariter est licita, l. 5. & 6. hic. Judicialis non, d. l. un. nisi ex justis & urgentibus causis: ut denegatæ cautionis, l. 7. §. fin. qui satisf. cog. metus armorum, l. 13. §. 3. de usufr. dilapidationis rei litigiosæ, c. 3. de seq. poss. & fruct. denique quotiescunque, ex periculo in mora, ejus est necessitas. Ferr. in form. sequest. Gail. 1. obs. 148.

Conventionalis, possessionem in sequestrum transfert, nisi convenerit, ut tantum detineat. l. 17. §. 1. hic. Judicialis non, sed quoniam est dubia, eam relinquit in suspenso, donec vel partes inter se de lite amicè convenerint, vel judicis sententia quis possessor sit, & esse debeat, declaretur, l. 39. de acq. poss.

Sequester tenetur ad rem commissam diligenter custodiendam, etiam distrahendam; puta si servando servari nequeat, & si ejus diuturnior custodia bono patrifamilias displiceret: Dd. in l. 7. §. fin. qui satisf. cog. Et finitâ sequestratione bonâ fide reddendam: fac. l. 1. §. 2. l. 2. l. 5. §. 2. hic. Denique quod pacto, vel judicis sententia continebitur, implendum. d. l. 5. §. 2. l. 12. §. 2. 3. eod.

Tollitur sequestrum solo judicis decreto, d. l. un. Dd. ad l. 7. §. fin. nisi sufficienter satisfideretur. Auth. generaliter. C. de SS. Eccl. l. 16. de off. præsid. d. l. 7. Nec enim juratoria cautio sufficit. Myns. 2. obs. 11.

Deponere possunt omnes, sive patres, sive filii familias sint, l. 19. hic. sive liberi, sive servi, l. 1.

§. 27. l. 11. *cod.* etiam prædones & fures, d. l. 1. §. 39. (quibus tamen dominus verus, superveniens, ex æquitate, non stricto jure, præfertur. l. 31. §. 1. *hic.*) & quidem sive unus, sive plures, (quo casu singuli pro parte tantum agent, nisi aliter convenerit. d. l. 1. §. 44. d. l. 17. *cod.*) apud quemcunque, etiam servum, l. 1. §. 8. *hic.* filium familias, d. l. 1. §. 42. pupillum, d. l. 1. §. 15. Judicem, l. 6. §. *fin. ff. de offic. Præsid.* & tam unum, quam plures. Quo casu singuli pro parte restituere teneantur, nisi aliter convenerit. d. l. 1. §. 43. *cum §. seq.*

Deponi possunt res omnes quæ sub custodiam cadunt, d. l. 1. tam propriæ, quam alienæ: l. 3. §. 39. l. 31. *hic.* Apud dominum tamen hæ frustra deponuntur; l. 15. l. 31. *cod.* Quatenus puta is ex eo non obligatur alteri rem suam restituere. d. l. 31. §. 1. d. l. 15.

Tenetur depositarius ad rem, eandem in specie, reddendam.

Aliquando tamen fit ut in genere restituatur, ut, in quantitate non obsignatò deposita, *arg. l. 29. pr. hic.* (quia eo casu actum videtur ut tantundem modò reddatur.) vel si convenerit, ut depositâ pecuniâ depositarius utatur, & usuras solvat. l. 24. l. 25. §. 1. *hic.*

Licet enim (cum in deposito idem corpus sit reddendum, & contractus debeat esse gratuitus; l. 1. §. 9. *hic.*) termini depositi excedantur, tamen lex contractus servanda. l. 27. l. 26. §. 1. l. 28. *hic.* Quoniam ex bona fide quod gestum & conventum est inspicitur; d. l. 1. §. 6. Nec locatio aut mutuum contra intentionem agentium inducitur. d. l. 1. §. 34. l. 7. §. *fin. cod. l. 19. ff. si cert. pet.*

Præstat depositarius dolum, d. l. 1. §. *ult.* & (ut subaudiunt Doctores) latam culpam: l. 32. *cod.* non levem, minus levissimam, aut casum fortuitum, §. *pen. Inst. quib. mod. re cont. obl.*

Quem tamen, ut & levissimam culpam, præstat, si de eo expressè conventum, d. l. 1. §. 6. §. 35. si fuit in mora restituendi, l. 12. §. *fin. cod.* si culpa casum præcessit, c. *fin. cod.* si obtulit se deposito, d. l. 1.

d. l. 1. §. 35. si pro custodia quid accipit. d. l. 1. §. 8.

Debet etiam usuras, ex mora in restituendo facta, ut in omnibus bonæ fidei judiciis. *l. 24. l. 25. §. 1. ff. l. 2. C. eod.*

Attamen qui eas accipit, depositi privilegiis renunciassè videtur. *l. 7. §. 2. hic.*

Ea sunt: Quod ei neque compensatio, neque deductio, vel doli, aut non numeratæ pecuniæ exceptio objici possit: *l. pen. C. hic. l. ult. C. de compens. l. 14. §. 1. C. de non num. pec.* Quod condemnato depositario, non datur quadrimestre tempus ad solvendum; *l. ult. C. hic.* prout in cæteris judiciis personalibus damnato indulgetur: *l. 2. C. de usur. rei jud.* Quod deponens in repetitione rei depositæ exstantis omnibus depositariis anterioribus creditoribus, etiam mulieribus, præfertur: *l. 7. §. 1. hic. Vaud. 1. var. quest. 21. in fin.* Idque quia rei depositæ non modo proprietatem, sed & possessionem retinuit. *l. 17. §. 1. hic.*

Oriuntur ex hoc depositi contractu duæ actiones, Directa, & Contraria.

Directa, datur deponenti: etiam furi & latroni: *d. l. 1. §. 39. domino ex depositione servi, sive proprii, sive bonæ fidei servientis: d. l. 1. §. 30. heredibus; bonorum possessoribus: d. l. 1. §. 19: si plures sint, cuilibet pro parte hereditaria, si depositum commodè dividi potest: d. l. 1. §. 36. ac utiliter etiam tertio, si, ut res deposita ei reddatur, conventum.* *l. 26. hic.*

Competit adversus depositarium, ejus heredem, vel habentes, vel dolo malo desinentes habere restituendi facultatem; *d. l. 1. §. 21. in heredem quidem si unus sit, ex dolo defuncti in solidum; si plures, in singulos pro parte hereditaria; d. l. 7. §. 1. hic. ex proprio facto in eum tantum qui fecit in solidum: l. 1. l. 9. C. l. 9. l. 14. §. 1. l. 22. ff. hic. contra filium, vel servum post manumissionem, si rem teneat, l. 21. hic. in solidum; contra patrem vel dominum peculio tenus; d. l. 1. §. 42. contra tertium possessionem, non nisi cessis actionibus. l. 1. §. 11. l. 16. hic.*

Si

Si apud plures res sit deposita, adversus unumquemque eorum actio datur, (Licet non sint correi debendi, (Cujusmodi certe non sunt, nisi appareat eum qui deposuit singulorum fidem in solidum secutum esse. *ut in l. 9. ff. de duob. reis.*) nec liberabitur alter si cum altero agatur. Non enim electione, sed solutione liberantur. *d. l. 1. §. 43. hic.*

Datur ad repetendam rem depositam, vel ejus æstimationem, si dolo, vel latâ culpâ depositarii perempta, aut deteriorata arguitur: & regulariter in simplum. *d. l. 1. §. Prætor ait.*

Nisi incendii, ruinæ, naufragii, vel tumultus causâ, res sit deposita; vel depositarius mendacii sit convictus; utpote quibus casibus condemnatur in duplum. *l. 1. §. 1. §. 2. l. 18. eod.*

Contraria, datur depositario, & ejus heredibus, contra deponentem, & ejus heredes, ad repetendos sumtus in rem depositam impensos: *l. 5. l. 23. eod.* aliquando etiam ad interesse. Puta si servum furem quis sciens deponat.

Datur & actio in sequestrem sequestraria dicta, *l. 12. §. 2. l. 5. §. 1. hic.* in hoc, ut res quæ apud ipsum est sequestrata, ad voluntatem litigantium, vel ipsis invitis, ei qui superior inter ipsos fuerit, restituatur.

D I G E S T O R V M L I B E R XVII.

Mandati, vel contra.

T I T. I.

Diximus de contractibus qui re perficiuntur: transgrediamur nunc ad eos qui consensu fieri eo dicuntur, quia nec rei traditio necessaria, nec verba requiruntur, nec scripturâ opus est, ut ex his obligatio sequatur.

His vel industriam operamque hominum, ad usum

usum utilitatesque nostras, vel res ipsas adjungimus: operam, mandato & societati: res verò, emptioni venditioni, locationi conductioni: de quibus, & primo mandato, videndum.

Mandatum, est contractus jurisgentium, nominatus, l. 7. *De pact.* l. 1. *hic.* l. 1. §. 2. *de rer. perm.* solo consensu constans, l. 1. *in pr. hic.* l. 2. *de O. & A.* quo dominus negotium suum, l. 2. §. *fin. hic.* bonâ fide gerendum, l. 10 *pr. hic.* sine mercede, d. l. 1. §. *ult.* animo procuratoris suscipienti alteri committit: d. l. 10. §. *si quis ea.* l. 2. *de proxen.* id est, rogat. d. l. 1. *pr. & §. 2.*

Est aliud voluntarium, (de quo hic.) aliud Necessarium, cum magistratui mandanti parere cogimur. l. 167. §. 1. *de R. I. c. quod quis eod.* in 6.

Rursus aliud est gratuitum, quod propriè est mandatum: l. 1. l. 36. *hic.* aliud Mercenarium, cum remunerandi gratia honor intervenit, l. 6. *in pr. eod.* aut si salarium extra ordinem in genere est promissum. l. 7. *eod.*

Nam si de certa mercede initio conveniat, non mandatum, sed locatio conductio operæ est.

Mandari possunt res omnes futuræ, l. 12. §. *si poss.* *hic.* exque honestæ & licitæ.

Turpis rei mandatum nullum est. d. l. 6. §. 3. *in pr.* Nam generaliter, nulla rerum turpium est obligatio. l. 26. *de V. O.* Imò Mandatarius rei turpis mandatum implens ob id eadem cum mandatore pœnâ punitur. *Clar. lib. 5. sent. §. fin. qu. 89.*

Undè nec in generali mandato unquam dolus aut flagitium inclusum intelligitur. l. 60. §. *Lucius. hic.*

Si quis solum commendet, cum commendatio vim obligandi non habeat, sed potius rogandi, l. 11. §. 2. *de legat. 3.* non contrahitur mandatum: d. l. 12. §. 12. *hic.* sed si commendatio aut consilium fraudulentè (puta lucri captandi gratia) fiant; l. 8. *ff. de dolo malo.* l. 47. *ff. de R. I.* nascitur de dolo actio. d. l. 10. §. 7. *in fin. hic.*

Nec qui non animo procuratoris intervenit, sed studii solum causâ defert officium, mandati tenetur. d. l. 10. §. 7. *hic.*

Mandati forma diligenter tenenda; *l. 5. eod. si* puta ea sit certa: Ne alioqui non tam aliter, quam aliud videatur fecisse, si excesserit: sin forma sit incerta, aut illud plurimum sit causarum; potest illud per æquipollens adimpleri. *l. fin. §. fin. ubi Gl. eod.*

Nec enim quicquam mandantis interest, quomodocunque id quod confectum voluit, conficiatur. *l. 12. §. 5. hic.*

Quin etiam ex bona fide omnia mandata intelliguntur, sine quibus mandatum commodè explicari nequit. *l. 2. de iurisd. l. 56. l. 62. de procur.*

Mandare possum non solum meâ tantum gratiâ, sed & alienâ, vel meâ & tuâ, vel meâ & alienâ. *l. 6. §. 4. & sim. l. 2. per tot. hic.* non tua tantum gratia. *d. l. 2. §. fin.*

Neque enim ego ex consilio non fraudulento obligor: *d. l. 2. §. fin. l. 47. de R. I. & tibi liberum est explorare, an id expediat. d. l. 2. §. fin.*

Si tamen, nisi mandassem facturum non eras, dabitur tibi Contraria mandati actio. *d. l. 6. §. 5.*

Suscepto mandato, mandatarius illud, forma præscripta, *l. 3. 4. 5. hic.* debet perficere; *l. 22. §. fin. hic.* ac quicquid inde consecutus est præstare, *l. 8. §. fin. l. 10. §. fin. hic.* Mandator autem cum indemnem servare, ne ex officio suo damno afficiatur. *l. 14. l. 15. hic.*

Dissolvitur mandatum, solius mandantis voluntate: *l. 12. §. pen. l. 40. §. 1. eod. & re adhuc integra, §. rectè. Inst. eod. l. 16. de proc. ejus morte. l. 26. l. 34. §. fin. hic.*

Potest mandatarius mandato renunciare, dummodò integrum jus mandatori, vel per se, vel per alium, rem commodè explicandi, *d. l. 22. §. fin. reservetur.*

Actio enim mandati, cum tantum ad interesse detur, *d. l. 8. §. mandati. hic.* ei non competit, cujus nihil referat mandatum impleri, aut qui per alium exequi potest.

Quodsi mandatoris interfit, non deferi officium; ad id tenebitur mandatarius: *l. 27. §. 2. eod.* Nisi iustas habeat causas, quare vel implere quod suscep-

pit, vel renunciare non potuerit. *d.l.27. §.2. l.22. §. fin. cum ll. seqq. hic.*

Morte quoque mandatarii, si is integrò mandato decesserit, solvitur mandatum. *d.l.27. §.3.* Electa enim intelligitur personæ industria. *l.un. §.ne autem. C. de caduc. toll*

Unde si heres impleat; non mandati, *d.l.27. §.3.* sed negotiorum gestorum habet actionem. *l.12. §. si vivo. de neg. gest.*

Actio Mandati, quia utrò citroque competit; *l.19. hic.* vel est Directa, vel Contraria.

Directa, datur mandatori, & ejus heredibus, *§. item si adhuc. Inst. eod.* ad id quod interest: *l.16. C. eod.* (puta si mandatum non sit impletum, *d.l.27. §.2.* vel perperam, aut extra fines præscriptos gestum, *l.5. §. fin. eod.* vel si quid dolo, culpa, negligentia, sit admissum: *l.8. §. fin. ff. l.11. l.13. C. eod.*) & ut præstet quicquid ex mandato, aut ejus occasione, ad illum pervenit: *d.l.8. §. fin. l.10. §.8. eod.* unà cum fructibus & usuris: *d.l.10. in pr. & §.2. & actiones cedat. d.l.8. §.5. & §. fin. l.44. eod.*

Est hæc actio famosa, si de fide rupta agatur. *l.1. vers. qui pro socio. de his qui not. inf.*

Contraria, datur mandatario, *l.12. §.6. hic.* ad repetendum quicquid sumptus in exequendo mandato factum est, *d.l.10. §.9. l.26. §. fin. l.27. §. pen. l.45. §.6. hic.* & quicquid omninò illius interesse potest: *d.l.12. §. si mihi. l.16. l.22. §.2. hic.* etiamsi negotium implere, casu aliquo nequiverit: *l.56. hic. l.4. C. eod.* & antequam exequatur ut sumptus necessarii præstentur. *d.l.12. §. fin.*

Indemnitas enim mandatarius servari debet, ne afficiatur damno, qui officium fidei, amico postulanti, præstitit. *l.15. eod.*

Pro socio.

TIT. II.

Societas, est contractus juris gentium, *l.19. De V. S. l.7. §.1. de pact.* qui consensu perficitur, *l.2. de O. & A. de re vel negotiatione, l.5. pr. ff. pr.*

pr. Inst. hic. honesta, l. 57. eod. ejusque lucro vel damno communicando. l. 29. l. 67. ff. §. 1. & seqq. Inst. eod.

Alia est Universalis, id est, omnium bonorum : *l. 1. §. 1. l. 2. hic.* (quæ etiam intelligitur contrahi, si de particularibus negotiis nihil sit actum. *l. 7. l. 8. eod.*) alia Particularis alicujus negotiationis vel rei : *l. 5. eod.* alia de rebus publicis, ut de vectigalibus; alia de privatis.

Contrahitur consensu & animo contrahendæ societatis, *l. 19. l. 31. l. 32. l. 37. l. 44. eod.* sive expresso, sive tacito : *l. 4. eod.* ut si duo eandem rem communiter & simul animo societatis (alias secus est, *l. 31. cum seqq. hic.*) emant, & non expressim inter eos conveniat, ut res inter eos communicetur : *l. 2. C. hic.* ut & si duo simul habitant, quæstus & lucra simul participant, damna communiter tolerant. *l. 52. §. 6. ff. eod.*

De rebus omnibus & operis honestis, *d. l. 5.* quæ in commercium cadunt. *l. 63. §. fin. eod.*

Turpium enim, ut monopolii, *l. un. C. de monop.* nulla est societas. *l. 53. l. 57. eod.*

Unde quæ delicto parta, vel ob pœnam amissa præstitaque, inter socios non communicantur. *l. 52. §. 17. l. 53. hic.*

Contrahitur societas, vel ad tempus, vel in perpetuum: hoc est, quoad socii vivunt: *d. l. 1. hic.* (nulla enim societatis in æternum coitio est. *l. 70. eod.*) vel sub-conditione: *d. l. 1. l. 3. §. 2. eod.* partibus societatis expressis, aut non expressis.

Non expressis partibus, æquales erunt partes, etiamsi quæ conferuntur, inæqualia existant. *l. 5. l. 29. hic.*

Portius tamen putat, in *§. 1. Inst. eod.* Partibus non expressis, partes analogia Geometrica, pro cuiusque sorte & opera, esse statuendas: alioqui, inquit, esset verè inæqualitas. *l. 6. eod.*

Una parte expressa, puta lucri, eadem servabitur in altera, puta damni. *§. illud. Inst. eod.*

Potest conveniri, ut alter unam, alter duas lucri damnive partes sustineat, vel ut nullam damni, aliquæ

aliquam lucri partem consequatur : si tanti opera socii est , quanti verisimiliter damnum esse queat. *d. l. 29.*

Si operæ compensatione hæc inæqualitas non compensetur , verius est ne jure quidem pacti societatem valere. *d. l. 29. verb. quod ita demum valebit.*

Ufus ejusmodi pacta sustinet , ut aliquam lucri, nullam damni partem sustineant. *Porr. Angel. in §. 1. Inst. eod.*

Inutilis est societas , si convenerit , ut quis damnum, non etiam lucrum, percipiat. *d. l. 29. §. fin.*

Nam tum societas contrahitur , tam lucri quam damni communio iniri debet. *l. 67. l. 52. §. 4. hic.*

Societas enim lucri & quæstus gratia excogitata est. *arg. l. 7. l. 8. hic.*

Lucrum solum intelligitur, quod, compensatione cum damno facta, superest. *§. 3. Inst. l. 30. ff. eod.*

Si convenerit (ut conveniri potest. *l. 1. C. hic.*) ut unus pecuniã, alter nihil præter operam daret, & tamen commune inter eos esset lucrum , finita societate pecunia non communicabitur ; sed eam qui contulit præcipuam habebit. Cum non collata sit ut communis esset , sed ut ex ea negotiaretur ad quæstum faciendum , qui deinde communis esset. *§. 2. Inst. l. 52. §. 2. ff. hic. Madaus in l. 29. eod. Donell. in l. 1. num. 3. C. hic. & ibid. Sichard. Gayl. 2. obs. 24. n. 6.* Nec eo injuria fit ei qui operas contulit. Quia alter caret usu pecuniæ suæ , si lucrum factum non sit.

Est Societatis proprium, ut jure quodam fraternitatis lucra & damna, periculaque, (ex causa puta societatis accidentia) inter socios communicentur. *l. 7. l. 52. §. 4. hic.*

Non ergo hereditas communicanda ; *l. 9. & seqq. hic.* Nisi in universum omnium omnino bonorum sit inita societas. *l. 3. §. 1. l. 52. §. socium. 26. hic.*

Damnum societati per fraudem neglectiõnemque socii illatum, præstare debet.

Sufficit tamen , talem diligentiam rebus communibus

munibus adhibere, qualem tempore contractus fuis: *l. 72. hic*. Imputet enim sibi socius, quod minus diligentem socium elegerit.

Solvitur Societas; morte civili, unius ex sociis, id est, maxima & media capitis diminutione; *l. 4. l. 63. §. fin. hic*. non minima: *l. 58. §. 2. hic*. aut morte naturali. *d. l. 65. §. 9. d. l. 52. §. 9. hic*.

Non enim transit in heredes, etiam ex pacto: *l. 35. l. 59. eod.* ne quis invitatus socius fiat ei, cui non vult. *d. l. 65. §. 9.*

In societate tamen vectigalium; & post mortem socii, manet cum ejus heredibus societas; *l. 59. l. 63. §. 3. eod.* idque propter negotii magnitudinem, ac ne locatio publica (quæ sui natura transit in heredem, *l. 10. C. de locatione cond.* & societati vectigalium semper inest) damnum faciat. *d. l. 65. §. pen.*

Rei quoque quæ interiit, vel commercio exempta est, societas non durat: *d. l. 63. §. fin.* Ut, si finis sit negotio, cujus gratia contractum erat, impositus; *§. 7. Inst. eod.* si publicata sint, aut à creditoribus distracta, socii bona, aut facta cessio. *d. l. 65. in pr. & §. 9. l. 4. eod.*

Distrahitur & societas, cum ei non fraudulenter renunciatur, vel expressè, *l. 4. l. 5. l. 6. eod.* vel tacitè: ut cum separatim socii agere cæperint, & unusquisque sibi negotiatur: *l. 64. eod.* Tandiu enim durat societas, quamdiu consensus partium integer manet. Integer autem non manet si mutatus sit.

Renuntiari societati etiam ab uno, *l. 5. C. l. 4. §. 1. l. 63. §. fin. ff. §. 4. Inst. hic*. etiam per alium, *d. l. 63. §. 3.* potest. Nemo enim hodie, extra conjugii causam, in societate invitatus manere cogitur. *l. ult. C. com. divid.*

Si tamen societatis interest ei non renuntiari, renuntians ad id tenetur: jure societatis, quod ex consensu tantum durat, nihilominus, propter contrariam voluntatem dissensumque, dissoluto. *d. l. 65. §. 5. §. manent. Inst. eod.*

Distrahitur etiam societas actione, aut stipulatione interposita animo novandi, qua alter alteri partem se daturum promittit: aut iudicio, quo agitur

tur in id ut distrahatur: quia mutata est causa societatis, & per novationem, & per mutationem voluntatis. *d.l. 65. pr.*

Oritur ex hoc contractu actio pro Socio ultrò citròque directà, quæ generalis, *l. 38. hic.* rei persecutoria, *l. 50. eod.* bonæ fidei. *l. 79. l. 45. eod.*

Datur, ut plurimum, absoluta societate, *l. 65. §. pen. hic.* socio in socium, vel quia societati damnum dedit, *l. 39. l. 48. & l. seq. eod.* vel quia ultra quam ad se pertineat, ex re communi fructus percepit. *d.l. 38. §. 1.* vel quia pecuniam communem in usus suos convertit, *l. 1. §. 1. de usur.* vel quia Actor in rem communem impendit, *d.l. 38. §. 1. l. 52. §. 12. §. 15.* damnumve ob societatem, puta in itinere, à latronibus passus est, cum ad mercarum proficisceretur. *d.l. 52. §. 4.*

Datur hæc actio singulis sociis, in singulos, cum omnium par sit conditio & causa: heredibus & in heredes; ut lucra percepta communicentur, *d.l. 63. §. 8. d.l. 65. §. 9.* utque heres præstet si quid dolo aut culpa malè gessit. *l. 35. l. 36. hic.*

Hæres enim inchoata negotia (licet morte sit soluta societas) absolvere, utilitatis causa, debet. *l. 40. eod.* Nova si velit inchoare non potest, neque tanquam socius, neque tanquam heres socii; sed tanquam alius negotiorum gestor: *l. 21. ff. 2. ff. de neg. gest.* adedque nec si dolo malo aut culpa quid fecerit, actione pro socio teneri debet.

D I G E S T O R U M

L I B E R X V I I I .

De contrahenda emptione, & de pactis inter emptorem & venditorem compositis: & qua res venire non possunt.

T I T. I.

Emptio venditio, est contractus, *l. 3. hic. juris gentium, l. 1. §. 2. hic. bonæ fidei, solo consensu initus, de re aliqua emptori tradenda, idque pro certo pretio venditori in nummis ab eo dando. l. 2. §. 1. hic. l. 3. de O. & A.*

Itaque emtionem venditionem constituit solus consensus; sed ita si versetur circa rem & pretium: quorum neutrum ut sit emtio venditio abesse potest. *l. 2. §. 1. l. 8. in princ. l. 9. ff. l. 3. l. 9. §. 1. C. hic.* Uterque enim contrahentium in id consentiat necesse, quod alter rem venditam, & pro ea sibi pretium solvi, alter eandem emptam & præstari à se pretium velit. *d. l. 3. d. l. 9. §. 1. C. l. 38. ff. eod.*

Pretium est numeratæ pecuniæ quantitas, *l. 1. §. 1. hic. l. 5. §. 1. de præscr. verb. l. pen. C. de permut. qua res æstimatur. l. 16. §. ult. de pignor. l. 21. C. de jur. dot.*

Debet hoc esse certum: *§. 1. Inst. l. 9. in princ. C. l. 1. ff. hic.* siue contrahentes id certò definierunt, siue aliunde constet, quid quantumve sit: *d. §. 1. Inst. l. 7. §. 1. & 2. l. 35. §. 1. ff. eod.* Veluti; Tantum dabis, quanti emi; aut Tanti emo, quantum pecuniæ in arca habeo. *d. l. 7. §. pen.* Quippe nihil interest res verbis designetur, an aliàs sufficienter demonstratur. *arg. l. 6. ff. de reb. cred.*

Si, vel in pretio, vel in re, dissentiant contrahentes, contractus erit imperfectus: scilicet si in to-

242 *Digest. Lib. XVIII. Tit. I.*
tum in materia erretur; *l. 41. §. fin. eod.* non si pro
parte. *l. 14. eod.*

In pretio dissentiunt contrahentes si in ejus
quantitate non conveniant: *d. l. 9. C. hic.* Quod si mi-
nus emtor, majus venditor putavit, impeditur con-
tractus; non, si contra. *Accurs. in l. 9. verb. in pretio.*
ff. eod. Quia in majori summa minor continetur;
non contra.

In re dissentiunt, si dissensus aut error sit, vel in
ipso rei corpore; cum aliud corpus emtum, aliud
venditum putatur: *d. l. 9. §. 1. vel in unius corporis*
substantia seu qualitate substantiali, seu materia
rei; puta si æs pro auro, plumbum pro argento ve-
neat. d. l. 9. §. 2. l. 14. ff. eod.

Emere vendere regulariter possunt hi, qui con-
sentire; quoniam hic contractus, cum sit juris gen-
tium, solo consensu perficitur; proinde & inter ab-
sentes contrahi potest, & per nuncium, vel per epi-
stolam. *d. l. 1. §. ult.*

Neque tamen conditionalis venditio ante condi-
tionem existentem. *l. 7. in pr. hic.*

Neque venditio ad pondus, numerum, vel
mensuram facta, antequam res appendatur, vel nu-
meretur, vel mensuretur. *l. 35. §. in his. cum 21.*
§§. seqq.

Neque si de contractu in scriptis redigendo con-
venerit, ante perfectam scripturam emptio venditio
perfectè contracta dici potest. *l. 17. C. de fid. instr. in*
pr. Inst. de emt. vend.

Dies (qui adjici potest, *l. 41. l. 80. §. sylv. l. fin.*
hic.) non suspendit obligationem, sed traditionem
& implementum contractus. *§. 3. Inst. de V. O. l. 213.*
de V. S.

Sic & traditio rei & solutio pretii, non perfici-
unt, sed implent contractum. *l. 46. de act. empt.*
l. 4. C. eod.

Traditio arrharum, neque contractum perficit,
in pr. de emt. vend. neque implet: *l. 2. C. de resc. vend.*
Sed fit tantum in argumentum contractus. *l. 35. in*
pr. hic. Puta regulariter. Nonnunquam enim dan-
tur antequam de pretio convenerit; eo fine, nequis
cum

eum qui de re emenda tractare cœpit, prævertat. *l. 17. in fin. C. de fid. instr.*

Qui arrhas remittere, aut duplicatas, quas accepit, reddere vult, impunè à contractu nondum perfectò recedere potest. *d. l. 17. l. 2. C. quand. lic. ab emt. rec.*

At contractu, per consensum, ab omnibus partibus absoluto, pœnitere non est integrum: *pr. Inst. eod. l. sicut. C. de actio. & arrhæ nomine datum in partem pretii imputabitur. l. ult. de leg. commiss.*

Emi vendi possunt res omnes, sive corporales, sive incorporales: *l. 80. §. 1. hic. quas quidem habere vel possidere possumus. l. 34. §. omnium. 1. hic.*

Quæ extra commercium sunt, earum nulla venditio, *l. 6. l. 62. l. 70. hic.* nisi ab ignorante emanant: quo casu is habet actionem. *l. 4. & 5. l. 70. l. 2. hic.* Puta eatenus ut venditorem ad id quod interest ipsius, convenire possit. Non etiam ut dominium in ipsum transferatur. Hoc enim respectu semper verum est, rei quæ extra commercium est, contractum non valere. *l. 62. §. 1. ff. hic.*

Rerum quæ extinctæ sunt, nec præstari possunt, ut sunt domus exusta, equus mortuus, non valet emptio, quia sine re fieri nequit. *l. 8. l. 57. eod.*

Quæ futura sperantur, ut fructus futuri, (& tum tenet emptio, si quid, licet exiguum, natum sit: *l. 8. ff. hic. fac. l. 1. in fin. ff. de cond. & demonstr.*) captura piscationis, seu jactus retis; (& tum tenet emptio, & pretium est solvendum etsi nihil fuerit captum; *d. l. 8. l. 12. ff. de act. emt.*) & similia, rectè emuntur. *d. l. 8. d. l. 12. de act. empt.*

Res etiam aliena rectè venditur, quia sufficit, venditorem pro evictione teneri: *l. 28. hic.* quâ tamen nihil juris invito domino aufertur. *d. l. 6. 28. C. de reb. alien. l. 9. C. de Rei vind.* Quia venditor rem emptoris non facit, si ipse dominus non sit. *l. 25. §. 1. ff. hic.* Haftenus enim tantum tenetur facere, ut emptori rem habere liceat. *l. 30. §. 1. ff. de act. emt.*

Non possunt vendi domus, ut destruantur; *l. 52.*

hic. Reipublicæ enim utilitas (quæ privatæ præferenda. *l. 51. §. ult. ff. ad l. Aquil.*) exigit, ne ædificia destruantur, & sic ruinis civitas deformetur. *l. 2. §. si quis. l. ult. ff. nequid in loc. publ. l. 20. §. hoc interdictum ff. de nov. oper. nunc. venena;* (nisi adjectione alterius materiæ fieri possunt salutaria: *l. 35. §. veneni. eod.*) res litigiosæ, *l. fin. C. de litig.* nec lites, nisi juxta præscriptam formam *l. per diversas. cum ll. seqq. C. mand.*

Rei venditæ quicquid cohæret, etiam venditum intelligitur. *l. 73. hic.* quod quidem tempore contractus fuerit. *l. 69. l. 77. eod.*

Undè fundo vendito, fructus & instrumenta adhærentia, quasi pars fundi, vendita intelliguntur: *l. 40. §. 2. & §. fin. l. 47. cum ll. seqq. hic.* & domum distrahantur sequuntur quæ terræ quæque opere struendi testoriove continentur; & consequenter etiam census, ac pensitationes, sine quibus, quamvis præteritis & jam cessis, *l. 2. ubi Salic. C. sine cens. vel rel.* fundi ac prædia comparari non possunt. *d. r. C. sine cens. vel. rel.*

Ruta & cæsa, id est, eruta & cæsa à terra, non veneunt. *l. 66. §. fin. hic. l. 17. §. si ruta. de act. emt.*

A contractu (ut dictum) perfecto recedere non licet; *l. 2. C. quan. lic. l. ratas. C. de resc. vend.* sed emptor pretium dare cogitur venditori: *l. 1. de rer. per. l. 7. C. de act. em.* hic contra rem tradere emptori: non tamen præcisè rem emptoris (ut ille pretium. *d. l. 7. d. l. 1.*) facere tenetur. *l. 25. §. fin. hic.* quia, per evictionis præstationem, emptor indemnus servatur. *l. 66. hic. l. 2. l. 11. de act. emt.*

Traditio rei venditæ, non aliter transfert dominium, quam si vacua possessio, ut fieri debet; *l. 2. l. 3. l. 8. C. de act. emt.* tradatur: *Cont. disp. lib. 1. cap. 8.* & pretium contra solutum sit, aut fides de eo habita. *l. 19. l. 53. hic.*

Si venditor, non spe præsentis numerationis, quæ secuta non est; *l. 3. ff. de pignor. act.* sed simpliciter tradit, videtur eo ipso traditionis facto fidem de pretio habere; Nisi aliud ex circumstantiis appareat. *l. 5. pen. ubi Gl. & Dd. de tribut. act.*

Dolus

Dolus vitiat contractum emtionis venditionis, si ab utraque parte interveniat, *l. 34. §. 3. l. 57. hic.* si ab alterutra, & dolus causam contractui dederit, annihilatur, eo volente, qui deceptus est. *Gl. & Dd. in l. si dolo. C. de resc. vend.*

Incidens dolus, per actionem contractus, purgatur. *d. l. si dolo. l. dolus. cum l. seq. de resc. vend.*

Dolus hic, non ex quantitate pretii, sed qualitate facti probatur; *l. 4. l. 10. C. de rescind. vend.* id est, ex calliditate & insidiis emtoris vel venditoris. *l. 8. C. eod.*

Ad emptionis venditionis contrahendæ modum pertinent etiam pacta, quæ à contrahentibus adjici solent, quia pacta conventa informant & reformant contractus, quibus apponuntur, & actiones ex iis contractibus descendentes. *l. 7. §. 5. & §. 6. De pact.*

Ex iis frequentissima sunt additio in diem, & Lex commissoria.

De in diem additione.

T I T. II.

Additio in diem ita fit: *ille fundus est tibi centum emptus, nisi quis intra Calendas Ianuarias proximas meliorem conditionem fecerit*, (hoc est, attulerit) quo res à domino (videlicet emptore) abeat. *l. 1. hic.*

Quæ venditio pura est, nisi aliud sit actum, & sub conditione resolvitur. *l. 2. eod.*

Quodsi aliud sit actum, id est, venditio sub conditione; *Nisi quis meliorem conditionem intra diem obtulerit*; contrahatur: tum ante conditionis eventum venditio est imperfecta; *l. 7. ff. de contr. emt.* & proinde ex ea nec dominium, licet traditio sit subsequuta, *l. 31. ff. de acq. rer. dom.* nec usucapiendi conditio transferri; *l. 4. hic.* nec fructus sibi acquirere emptor potest: *d. l. 4.* Quia usucapio & fructuum acquisitio, *l. 74. tit. præced. l. 109. ff. de verb. signif.* titulum præcedentem & bonam fidem requirunt.

Quodsi aliter non sit actum, & melior conditio

hic non offeratur, omne periculum, lucrum, & damnum, quod interea temporis obvenit, unâ cum fructibus, *l. 2. l. 4. eod.* ad emptorem, tanquam dominum, *l. 1. hic.* pertinent: meliore conditione, reverâ, non fraudulenter, *d. l. 4. §. 5.* oblatâ, rescinditur prior venditio & fructus venditori refundendi sunt. *l. 2. 4. 6. l. 16. hic.* Emptorem enim qui meliorem conditionem obtulit, præter corpus quod venierit, nihil sequitur. *l. 14. §. 4. hic.*

Melior conditio offerri videtur, si vel pretio sit additum, vel solutio faciliior, aut maturior, vel locus solvendi oportunior, vel persona secundi emptoris magis idonea, vel quid utilius venditori afferatur. *d. l. 4. §. fin. cum ll. seqq.*

Meliore allata conditione, licet venditori addicere posteriori, nisi prior plus, (hoc est tantundem quantum nunc ab alio offertur;) paratus sit adjicere: Quod ut facere possit, necesse habebit venditor priorem emptorem certiores facere, ut si quid alius adjecit, ipse quoque adjicere, & licitando vincere possit. *l. 6. §. fin. cum 2. ll. seqq. hic.*

Meliores conditiones oblatâs venditor acceptare non cogitur; sed eam abjicere & primam emtionem sequi potest; cum in ipsius favorem hoc pactum sit adjectum: *l. 9. hic.* & nemo invitus jure suo uti cogatur; cum favori suo quilibet renunciare possit. *l. 41. ff. de minor. l. pen. ff. de pact. l. 2. inf. tit. prox.*

Acceptatâ à venditore meliore conditione dominium rei, in emptorem traditione translatum, ipso jure sola pacti potestate ad venditorem non redit: ut vult Gloss. Bart. & alii in *l. 41. ff. de rei vind. Bald. in l. 3. hic.* sed retro traditione (Cum non nudis pactis, id est, traditione destitutis; sed rerum traditionibus transferantur dominia. *l. 20. C. de pact.*) opus est.

Unde ea actione personali ex vendito est petenda. *l. 3. C. de pact. int. emt. & vend.* Alioqui post resolutam venditionem, danda esset venditori rei vindicatio; quæ tamen ipsi (utpote qui traditione dominium transtulit, & sic possidere desuit: *l. 20. in fin. ff. de*

ff. de acq. rer. dom. l. 8. C. de acquir. poss. denegatur. d. l. 3. Nisi emptori precariam modo possessionem tradiderit; *d. l. 3.* & sic adhuc magis possideat; quam is qui precario rogavit. *l. 6. §. si qui. l. 15. §. eum qui. ff. de precar.*

Hoc pactum, licet non expressum, in venditione fiscali inest, aded ut intra certum tempus, liceat meliorem conditionem offerre, & priori emptori, nisi tantundem solvere sit paratus, rem auferre. *l. Lucius. 21. §. ult. ad munic. l. ult. de jure fisc. l. 4. C. de fi. & in. hast. fisc. l. 1. C. de vend. rer. civit.*

De lege commissoria.

T I T. I I I.

LEge commissoria venditiones celebrantur cum convenit, ut, nisi intra certum diem pretium exsolvatur, res inempta sit. *l. 4. hic.*

Est itaque hic contractus purus, qui resolvitur sub conditione; puta per defectum solutionis. *l. 1. eodem.*

Committitur, si emptor, quamvis non interpellatus, pretium vel totum si nihil solutum fuit; vel residuum, si pars soluta fuit; sua die non offerat, *l. 4. §. fin. eod.* & solvat, si venditor solutionem accipere possit & velit; *l. 3. C. de pact. int. emt. & vend. d. l. 4. §. 1. & §. fin.* sin minus, obsignet. ut in *l. ult. hic.*

Dies enim interpellat pro homine: *l. magnam. C. de cont. stip.* nisi emptor justas causas probare possit, quibus impeditus fuerit.

Commissa pactione, est in potestate venditoris suo jure uti, vel non. *d. l. 4. §. 2.* Quia in ipsius favorem hæc pactio additur; *l. 2. l. 3. hic.* cui proinde renuntiare potest. *l. pen. C. de pact.*

Alterâ tamen viâ electâ, variare nequit. *d. l. 4. §. 2.* quia emptori jus quæsitum est; quod variatione venditoris rursus interverti nequit. *l. 4. §. 2. eod. l. apud Ausidium. de opt. leg.*

Commissoriâ electâ emptor fundum, una cum

fructibus, etiam antequam lex committeretur, perceptis, ut inemptum restituere debet, & amittit quod arrhæ aut pretii nomine dedit, in pœnâ moræ, & ex verisimili contrahentium mente; nisi aliud actum appareat. *l. 25. de per. hereditar. l. 4. §. 1. l. 5. in pr. hic.*

Emptor, solutâ parte pretii, fructus interea perceptos lucratur, non si nihil solvit. *d. l. 4. §. 1. & ibi Bald.*

Probatur quidem hoc pactum, in venditione, *l. 1. C. de pact. in empt.* non tamen in pignore; id est, ut, si debitor intra certam diem non solverit quod debet, pignus creditori sit emptum. *l. ult. C. de pact. pignor.*

De hæreditate vel actione vendita.

T I T. IV.

Quia jura incorporalia, ut sunt hæreditas & actiones, vendi possunt, de iis aliquid dicendum.

Hæreditas defuncti vendi potest, viventis nullo modo. *l. 1. hic.* Viventis enim nulla est hæreditas. *gl. in d. l. 1.* Imò qui eam vendit, si postea ei succedat defuncto, hereditate, tanquam indignus, privatur. *arg. l. 2. §. ult. de his que ut indign. l. 29. §. ult. l. 30. De donat.*

Venditor non præstat certam hæreditatis quantitatem, nisi eam affirmaverit; *l. 14. §. 1. & l. seq. eod.* sed tantum hæreditatem esse, & ad se pertinere. *l. 7. 8. & 9. eod.*

Non tenetur de eviçtione rerum singularium, quia non tanquam dominus, sed tanquam hæres vendit.

Sufficit hæreditatem præstari, qualem adiit; non etiam rerum particularium dominium. *l. 2. hic. l. 1. C. de eviçt.*

Venditor manet hæres, quia qui semel est hæres, non desinit esse hæres. *l. 7. §. 10. de minor. l. 88. de hæred. inst.* Emptor tamen vicem hæredis, respectu non creditorum hereditariorum, sed venditoris, obtinet:

obtinet: *d. l. 2. §. 18.* Ideòque non habet actiones directas, nisi sint à venditore sibi mandatæ; sed utiles. *l. 5. C. hic. l. 16. de pact.*

Venditor hæres jus creditorum & legatariorum contrahendo nec tollere, nec mutare potest, *l. 25. 26. C. de pact.* nec in aliam personam transferre obligationem, quam adita hæreditate suscepit. *§. hæres l. ult. de obl. qua ex qu. cont.*

Unde rectè à creditoribus, etiam post factam venditionem, convenitur: emptor verò invitus nequaquam, quia nullum negotium cum iis gessit. *l. 2. C. eod.*

In hæreditate vendita plerumque hoc agi videtur, ut quod ex hereditate pervenit, in id tempus, quo venditio fit, id videatur vænissè. *l. 2. §. 1. hic.*

Sumptus ante hereditatem venditam factos, non venditor, sed emptor sustinet, ad quem & emolumenta pertinent. *d. l. 2. §. 16.*

Nomina, hoc est, debita, siue sit actio personalis, siue in rem, *l. ult. C. hic.* siue pure sit contracta obligatio, siue in diem, aut sub conditione; *l. 17. ff. eod.* vendi possunt, etiam invito debitore. *l. nominis. 3. C. eod.* Quia ejus non interest cui solvat.

In venditione non oportet præstare locupletem debitorem, sed duntaxat debitorem esse. *l. 4. hic. l. 74. §. ult. de evict.*

Actio vendi potest ante, non post litem contestatam: *l. 2. C. de litig.*

Emptor non potest plus exigere à debitore cujus nomen emit, quam ipse venditori solverit. *l. pen. & ult. C. mand.*

Nomen, *l. 4. l. 6. hic.* actio, *Rubr. eod.* obligatio; *l. 19. eod.* vendatur, idem est.

Emptor actionis, non minus quam emptor hereditatis, nec minus quam venditor cui nomen debitoris oppignoratam est, (ut pignori potest. *l. 7. C. hic.*) vel directam actionem sibi à venditore mandatam seu cessam; vel ea cessione cessante, utilem suo nomine movere potest. *d. l. 7. cum l. siqq. C. eod.*

De rescindenda venditione, & quando licet ab emptione discedere.

T I T. V.

E Mptio ut mutuo consensu contrahitur, ita consensu contrario, dum res est integra, distrahitur, §. *fin. Inst. quibus. mod. toll. obl.* si vel simpliciter à venditione recedatur, vel acceptum invicem feratur, vel nova alterius pretii venditio fiat, dum tamen perindè valida sit atque prior. *l. 2. 3. 5. hic. d. §. fin.*

Nam si quod purè emi, sub conditione rursus emam, imperfecta hac venditione non tollitur prior. *l. 7. hic.*

Alterutrâ parte invitâ abiri emptione non potest, *l. 1. ff. l. 3. 4. l. ratas. C. eod.* etiamsi duplum quis reddere paratus sit, *l. non est. C. eod.* vel altera pars in implendo contractu moram faciat, *l. 14. C. eod. l. 8. 9. C. de cont. emt.* aut inæquali injustoque pretio res venierit. *l. 4. l. si voluntate. l. quisque. C. eod.*

Licet enim contrahentibus invicem naturaliter, quadantenus, (nam ultra dimidiam partem justipretii captio, propter nimiam inæqualitatem, revocatur. *l. 2. C. eod.*) dolo, non malo, *l. & eleganter de dolo mal.* sed in re ipsa, circumvenire. *l. 16. §. pen. de minor.*

Soluto pretio & traditione factâ, solo consensu à contractu recedi nequit, sed opus est, retro rem tradi ac redhiberi, & pretium restitui. *l. 2. hic. l. ab emptione. ubi Dd. de pact.*

Metu puta justo, qui in constantem virum cadit, *l. 8. C. hic.* facta emptio, quia res mali exempli est, rescinditur. *l. 1. C. hic.*

Interitu quoque rei, qui perfectionem venditionis præcedit, *l. 15. l. 57. de cont. emt.* (nam cû perfectâ emtori res perit. §. *cum a. Inst. de emt.*) item moribus retractu proximitatis vel vicinitatis, quandoque rescinditur venditio rerum immobilium, non mobilium: *vid. Tirag. de retract. Chass.*

in *conf. Burg. eod. tit. ut & retractu conventionali*, l. 2. *C. de pact. int. emp. & vend.* quo casu fructus perceptos non restituit emptor. *Tiraq. de retract. lig. §. 15. gl. 2.*

Hoc interest, quod petitio retractus proximitatis, anno & die præscribitur, *Bald. in c. 1. §. hoc quoque. de suc. feud. lib. 1. F. Tiraq. eod. §. 1. gl. 10. n. 3. 4. 5.* petitio retractus ex contractu non item, sed durat (ut aliqui volunt. *Bald. in l. quod si velit. §. si quid de edil. edit. Tiraq. in retr. conv. §. 1. Gl. 2. n. 15. Myns. obs. 16. cent. 1.*) in perpetuum; quia juri offerendi, quasi meræ facultatis, non præscribitur: *l. viam publicam. de via publ. l. ult. C. de cond. inser.* ut verò communior sententia, triginta annis; *Bald. in tr. præscr. in 3. q. 4. part. 5. Part. 1. Tiraq. in retr. conv. §. 1. Gl. 2. n. 1. 2. Cujac. in l. si pignori. 13. de usuc. Alex. conf. 228. ponderatis. lib. 6. exemplo reliquarum præscriptionum. l. 3. cum l. seq. C. de præsc. 30. ann.*

Nam & hæc petitio est ex contractu, non magis meræ existens facultatis, quam quælibet actio, qua unicuique liberum est, aut agere, aut non agere. *l. un. C. ut nem. accus. vel ag.*

De periculo & commodo rei vendita.

T I T. VI.

Perfectâ venditione periculum rei ad emptorem pertinet: *l. 7. l. 8. hic. l. 1. l. 4. C. eod. l. 5. §. mortuo. ff. de resc. vend. l. 11. ff. de evict.* Nisi in mora venditor fuerit. *l. 17. eod.*

Perfecta intelligitur emptio, cum de pretio convenit, & id quod vœnit apparet, quid, quale, quantumque sit, ac purè vœnit. *d. l. 8.*

Itaque, si vinum ad degustationem, vel mensuram venditum, perfecta tantum videbitur venditio, *l. 4. §. 1. hic. (nisi aliud sit actum, l. 15. eod.)* & per consequens, periculum ad emptorem pertinebit, postquam degustatum vel admensum fuerit.

Si utraque conditione venditur, periculum qualitatis puta acoris & mucoris, usque ad degustatio-

nem ad venditorem, post eam demum ad emptorem; periculum substantiæ (seu rei interitus) donec vinum admetriatur, (quamvis degustatum,) ad venditorem pertinet. *l. 34. §. alia. l. 35. §. pen. de cont. emt. l. 15. l. 4. §. 1. l. 1. l. 5. hic.*

Si vinum simpliciter, seu per averfionem, vendatur; omne periculum statim ad emptorem transit. *l. 4. §. fin. l. si vina. eod.*

In conditionali venditione pendente conditione emptoris periculo est deterioratio, non rei interitus: & perit res venditori, quasi nondum perfecta sit venditio, non emptori. *d. l. 8. Nisi aliud sit pactum. l. 10. eod.*

Si emptio in diem sit contracta, & traditioni dies tantum adjecta, (cum perfecta & pura sit venditio, *§. 3. Inst. de V. O.*) emptoris erit periculum: *d. l. 1. si ipsi venditioni, planè ut si dies degustationi præstituitur; venditoris. Videtur enim sub conditione contractum.*

Venditor, licet emptione perfectâ periculum non sustineat: tamen custodiam, usque ad traditionem, præstare debet: *d. l. 1. in pr. & l. 2. in fin. hic.* & quidem talem ferè, qualem ii, quibus res commodata est, aut alioqui in re aliena versantur. *d. l. 2. 3. & 4.*

Fatale damnum, aut casum, non præstat; ne incendium quidem, vel furtum: *l. 11. hic.* quamvis difficile est alterutrum sine culpa & negligentia admitti; dummodò quam debent homines frugi & diligentes ipse custodiam præstiterit. *l. 11. ff. hic. l. 35. §. 4. ff. de contr. emt.*

Si tamen ejus culpa probetur, meritò ex bona fide tenebitur. Ut, si cum sciret vinum non esse duraturum; emptori nihil renuntiavit ut tolleretur, *d. l. 15. aut, si in mora tradendi fuerit. d. l. 4. in pr. l. 17. hic.*

Emptor si in mora accipiendi sit; denunciabit ei venditor ut tollat; si cesset, aut licet ei vinum effundere, si forte vasis suis opus habeat, aut quantum sua interest illud tolli, postulare. *l. 1. circa fin. l. 4. §. fin. hic.*

Quodsi

Quodsi per utrumque mora fuerit, veluti si venditor moram rei tradendæ adhibere cæperit, deinde eam obtulerit, emptor autem noluerit accipere, prior mora per posteriorem purgatur, & posterior sola nocet. *l. 17. C. hic.*

De servis exportandis: vel si ita mancipium vanierit, ut manumittatur, vel contra.

T I T. VII.

Solebant cum his pactionibus mancipia distrahi. Ne quo loco morentur: Ut in alias terras exportentur: Ut manumittantur post tempus, vel contra: Ne prostituantur: &c. ac, ni pactis stetur, ut certa pœna pendatur, vel sit manus injectio. *l. 1. & t. t. C. si manc. ita ven. l. 2. & t. t. C. si serv. export. ven. l. 9. & seq. hic.*

Qualia pacta erant permissa; ex iisque agi poterat, quod emtionis, aut pretii, pars essent: *l. 6. §. fin. eod. l. 79. de cont. emt. l. 21. §. 4. de act. empt. aded ut fiscus cessantis venditoris vice fungeretur. l. 1. 2. 3. C. si serv. exp. van.*

Et, si de manumittendo erat conventum, nisi ex pacto emptor manumitteret, servus ipso jure libertatem nancisceretur. *l. 3. hic. l. 1. & t. t. C. si manc. ita alien. ut man.*

Pacta, in quibus sola turpitudine, aut crudelitas inesset, non putarem valuisse: *d. l. 6. in fin.* nisi in eo, ut licuerit petere, Quanti minoris eo nomine mancipium venditum fuisset, tanquam interesse pecuniarium. *d. l. 6. in fin.*

DIGESTORVM

LIBER XIX.

De actionibus empti & venditi.

TIT. I.

ORiuntur ex præcedenti emptionis venditionis contractu actiones, quæ plerunque nominantur ab eo cui, raro ab eo contra quem, dantur: ut actio ex empto plerunque dicitur quæ datur emptori, *in rub. hac. & l. 19. de hered. vel act. vend.* interdum quæ contra emptorem competit. *l. 4. §. pen. de leg. comm. l. 26. l. 66. §. pen. de evict.* & actio ex vendito plerunque dicitur, quæ datur venditori, *in rub. l. 13. §. ex vendito. hic.* interdum quæ contra venditorem.

Nos in sequentibus actionem ex empto vocabimus, quæ emptori competit: ex vendito, quæ venditori.

Utraque civilis est, *l. 33. de adil. edict.* bonæ fidei, *l. 11. hic.* perpetua, *Dd. in l. 2. C. de pact. int. empt. & vend. l. 2. C. de resc. vend.* transitoria, directa; quia contractus hinc inde æqualis est. Id est, Uterque contrahentium agit ad id de quo contractus principaliter est initus. Exempli gratia. Emptor petit rem venditam sibi tradi, venditor petit pretium sibi solvi.

In personam utraque. Contractus enim emptionis solo naturali consensu perficitur. *d. l. 11. l. 1. de contr. empt.*

Actio ex empto directa, competit ei qui emit rem præsens, vel absens, per nuntium vel epistolam, *l. cum per eos. C. si quis alt. vel sibi. l. 1. §. fin. de cont. empt.* etiam patri, vel fratri à filiofamilias vel fratre (sed bona tantum castrensia vel quasi) ementi, *l. frater à fratre. de cond. ind. l. 2. de cont. empt.* eorumque heredibus, *l. 10. l. 47. hic. & successoribus*

bus universalibus, l. 2. C. de pact. int. emt. l. 3. C. de reb. alien. l. 12. l. 49. de O. & A. non singularibus. Schurf. conf. 13. Senatus. n. 1. per l. 1. & 2. C. de hered. act. Quia non contraxerunt. l. 7. C. si quis alteri vel sibi &c. Utiliter datur &c ei, cujus procurator, l. 13. §. 25. hic. tutor, curator, emit; l. 4. C. quand. ex fact. tut. vel cur. l. 5. §. 9. ff. de const. pec. ei, qui se rem certo pretio, puta centum; emisse juravit; siquidem contractus ex solo iurejurando probetur. l. 1. §. ult. l. 13. §. Marcellus. l. 29. ff. de iurejur.

Adversus eum qui rem suo nomine vendidit; ejusque successores; sed universales; arg. l. 47. hic. Nov. 48. pr. non singulares; l. fin. §. fin. de cont. emt. non procuratorem venditoris; Utiliter adversus dominum mandantem, l. 13. §. si procurator. hic. aut per tutorem, curatorem vendentem; l. 2. C. quand. ex fact. tut. adversus eum cujus adversarius juravit eum ipsi vendidisse; sed eadem ratione, qua hoc casu utilem dari actionem statim diximus.

Venit in hanc actionem, quicquid inter contrahentes actum est. Quod si nihil specialiter convenit, quicquid naturaliter inest hujus judicii potestate. l. 11. hic.

Insunt naturaliter hæc, ut venditor aut heres ejus si res corporalis vendita; necesse habeat rem tradere (præcise, si tradendi facultatem habet; sin non, præstando interesse puta quod consistit circa rem ipsam, non extra; l. 21. §. 3. ff. l. 4. C. hic. liberatur. l. 1. in pr. hic.) unà cum fructibus &c reliquis accessionibus à tempore moræ. l. pen. C. l. 11. §. 17. ubi Gl. hic.

Post moram in id quod interest emptor agere potest. l. si jactum. hic. l. 13. §. fin. de re jud.

Vacuam quoque possessionem venditor præstare debet, l. 3. §. 1. l. 11. §. 13. hic. ac dominium transferre, vel ejus loco usucapiendi conditionem; unà cum evictionis cautione, ad quam pretii solutione obligatur, Paul. lib. 2. tit. 27. & quæ loco domini securum facit emptorem. d. l. 11. in pr.

Si res vitiosa tradatur, nec de vitio emptor cer-

tior

tior factus est, agit hoc iudicio ad redhibendum; *d.l.11. §. 3.* aut si alias emisset, & uterque vitium ignoravit, quanto minoris: sed si venditor astute vitium celavit, quicquid damni ejus fraude accidit, sarcire tenetur. *l. 13. in pr. eod.*

Cum ex falsa commendatione res pluris iusto vendita est, in id agetur, ut, quanto pluris empta, reddatur. *d.l.13. §.4.*

Nam, quod commendandi causâ dicitur, venditorem obligat: nisi palam esse appareat. *l.43. de contr. emt.*

Denique, quicquid dolo, vel culpa, venditoris, abest, quidque præstare æquum est, aut pactis comprehensum, in hoc iudicium venit. *l.6. §.2. l.11. hic. l.72. de contr. emt.*

Non tamen ad hanc agendi facultatem admittitur emptor, nisi ex sua parte contractum impleverit, & pretium solverit, aut certe obtulerit. *d.l.13. §. offerri. 8.* Quippe contractus cum ab emptore incipiat, ab eo primum impleri debet. *l.39. ff. de solut. l.21. C. de pact.*

Alioqui venditor rem venditam tanquam pignus retinere potest. *d.l.13. §.8.*

Actio ex vendito datur venditori, *d.l.13. §.19.* ejusque hæredibus: Domino ex venditione sui procuratoris utiliter; *d.l.13. §. si procurator.* etiam pupillo absque tutoris autoritate vendenti. *d.l.13. §. si quis à pupillo.*

Contra emptorem, ejusque hæredes, & successores universales: non successores singulares: *l. fin. §. fin. ff. de contr. emt. l. 1. §. si heres. ff. ad SC. Treb.* Est enim actio personalis; *l.1. C. hic.* quæ rem non sequitur, nec ejus possessorem; *l.1. §. 16. ff. ad SC. Vell.* Utiliter tamen datur ex contractu procuratoris adversus dominum. *d.l.13. §.25. ff. hic.*

Sed si venditor, re non traditâ, ad pretium agat, obstat ei exceptio rei non traditæ, donec plenè tradat. *l.25. hic.*

Re traditâ, agit ad pretium & ad fructus à tempore moræ, & usque ad quantitatem fructuum quos percepit, *l.5. C. de pact. int. emt. & vend. d.l.13.*

§.ve-

§. *veniunt. junct. l. 16. §. 1. ff. de usur.* ad usuras à tempore rei traditæ; unà cum sumptibus in re vendita post venditionem factis, & quanti pluris rem vendere potuisset, nisi ab emptore deceptus esset. *l. 13. §. 19. §. 22. §. 5. hic. l. jurabit. l. 13. C. eod.*

Ubi nec traditio facta, nec mora emptoris intervenit, usuræ non debentur. *d. l. 13. C. tamen si emptor à tempore contractus perfecti fructus lucretur: §. cum autem. Inst. de empr. cum ejus periculo res sit.*

Pretium verò promissum non est periculo venditoris, Quia generis est obligatio, quæ non perit interitu speciei. *l. incendium si cert. pet.* Idèd venditori usuræ pretii non à tempore contractus, sed à mora, veniunt. *l. 32. §. in bonæ. de usur.*

Emptor pretium venditoris facere debet. *d. l. 11. pr.* Non enim fit solutio, nisi dominium pecuniæ aut alterius cujuslibet rei solutæ à creditore in debitorem transeat. *l. 22. §. 3. ff. mand. l. 78. junct. l. 60. ff. de solution.*

Agit quoque venditor ut emptor res emptas aut tollat, aut præstet id quod interest, *l. 1. §. licet. de per. & com. rei vend.* & ut fiat, quod pacto nominatim est conventum. *l. 6. §. 1. l. 13. hic.* Nisi in fraudem legis sit conventum; puta si venditor pœnam dupli, pretio ad diem non soluto, stipulatus sit. Ea enim in fraudem legitimarum usurarum adjecta esse videtur. *d. l. 13. §. 26.*

Utrivis, ultra dimidium justii pretii (juxta communem æstimationem, *Gl. in l. non est. 6. C. de rescin. vend.*) decepto, licet agere, & quidem cōditione ex lege; *Salic. & Dd. in l. 2. C. eod.* ut præstetur justum pretium, sive reddatur, aut iniquo contractu abeat. *d. l. 2.*

Hæ actiones in simplum, nisi aliter actum sit, concipiuntur. *l. si fundus emptori. l. si dictum. de Evict.*

Singulares sunt: attamen omnia accessoria rei venditæ complectuntur. *l. 11. §. 17. hic.*

Universales quodammodò tunc sunt, cum dantur ad universitatem emptam; ut est hereditas. *ut tract. in t. s. C. & ff. de hered. & act. vend.*

Locati conducti.

T I T. I I.

Locatio Conductio proxima est emptioni venditioni, iisdemque regulis juris consistit. *l. 2. hic.*

Et, ut veteres emptionis & venditionis; ita etiam locationis & conductionis appellationibus, promiscuè utebantur. *l. 19. l. 20. de act. empt.*

Sed, ut supra actionem empti emptori, venditi venditori; ita etiam hic actionem locati locatori, conducti conductor, tribuimus.

Locatio & conductio, est contractus nominatus, in quo personarum, vel rerum, usus, pro certa aliqua mercede, conceditur.

Contrahitur consensu, *l. 1. hic.* expressio, vel tacito: ut si quis post elapsum locationis tempus patiat inquilinum in domo manere. *l. 13. §. fin. cum l. seq. eod.* Nisi contractus ab initio in scriptis fuerit celebratus. Hoc enim casu qui post tempus conventum habitat reconduxisse non intelligitur; quia taciturnitas, non, ut consensum nudum, ita & scripturam supplet. *l. 13. §. fin. vers. in urbanis. hic.*

Qui consensus, & debet esse de re quæ fruenda conceditur, *l. 15. §. 3. eod.* & de certa mercede. *d. l. 2. hic.*

Merces (Quæ est facti vel usus æstimatio; interdum pretium appellatur. *l. 56. in pr. hic. l. ult. §. ult. de leg. Rhod.*) constitui potest, vel in nummis, vel pecunia, vel partibus.

Nummis; ut fit plerunque: Pecuniâ, ut si quis certum frumenti aut olei numerum polliceatur loco mercedis: *l. si olei. 21. C. eod.* Partibus; cum colonus in vicem mercedis, partem fructuum tertiam, aut dimidiam fortè, promittit. *Dd. in l. si pascenda. C. de pact.*

Sed colonus partiarius propriè conductor non est: non quia fructibus, non nummis colit; sed quia incertam mercedem præstat; cum certam partem incertorum fructuum fundi domino præstet. Nam cum

cum plures fructus percipit, plus; cum pauciores, minus præstat: quippe qui quodam societatis jure fructus cum domino partitur. *l. 25. §. 6. hic.*

Locari possunt res omnes quæ vendi, mobiles, immobiles: propriæ, (non conduci. *l. 9. §. fin. hic.*) alienæ: *l. 7. hic.* incorporales, ut usufructus: *l. 12. §. 2. de usufr. l. 9. §. 1. hic.* servitutes prædiales, sed non nisi cum fundo. *l. 44. eod.*

Fit locatio, vel in perpetuum, si prædium ita locetur, ut quamdiu merces præstabitur, id auferre, nequidem à conductoris heredibus, liceat: *l. 10. C. eod.* vel ad tempus: vel breve intra decennium, vel longum, quod ultra: *l. 1. & 2. si ager vect.* Sed ubi ultra decennium, vel (ut quidam volunt) quinquennium fit, transire solet in aliud nomen contractus: Cujac. *1. de loc. per Nov. 120.* ut, emphyteusim, libellum, censum, &c. *Dd. in Clem. 1. de reb. eccl. non al. & in l. codicillis. de ann. leg. Ias. in l. 2. C. de jur. emph.*

Nam de communi Doctorum sententia, ex locatione decennali, aut longiore, semper utile dominium transfertur. *l. 1. §. quod a. de superf.*

Id non verum esse ex eo apparet, quod conductoribus etiam longissimæ possessionis, adimatur præscribendi jus, tanquam alienæ rei possessoribus; *l. 2. C. de præsc. 30. ann.* Et quod actiones reales à Præatore non iudistinctè, sed causâ cognitâ, dentur. *l. 1. §. quod autem. ff. de superfic.*

Tamen cui ædificandi jus conceditur, utendæ pro arbitrio areæ jus, atque ita utile dominium, concedi videtur. *l. 1. de superf.* Quia nec recte, nec commode fit ædificatio, ab alio, quam à domino.

Fieri potest locatio quoad is qui locavit, voluerit. Mutatione voluntatis, aut morte finitur. *l. 4. hic.*

Si nullum tempus expressum; in rusticis prædiis in annum, quo fructus (quorum gratia facta conductio) percipi possint, videtur facta: in urbanis tamdiu, quoad alteruter contractui renuntiet. *l. 13. §. fin. hic.*

Quæ renunciatio cum temperatione aliqua facienda.

cienda, ut usus rei conductori constare possit, neque subito migrare cogatur. *l. 17. §. sicut. commod.*

Durante locatione, periculum rei ad locatorem pertinet, non conductorem. *l. 9. §. 3. 4. l. 15. §. 2. l. 25. §. 6. hic.*

Qui tamen re uti debet ut bonus paterfamilias, *d. l. 25. §. 3.* & culpam atque dolum præstat, *d. l. 9. §. 3.* etiam eorum quos induxit, si in inducendis culpam admisit, *l. 11. l. 30. §. fin. hic.* atque aded inimicorum suorum, si ejus odio rem fecerint deteriore. *d. l. 25. §. 4.*

Imperitia quoque artificis culpæ annumeratur. *d. l. 9. §. pen. l. 13. §. 5. l. 51. §. 1. eod.*

Custodia, & levisissima culpa, non ex natura locationis, (Quia ea utriusque utilitatem continet: at in iis præstatur tantum culpa levis: *l. 5. §. 2. ff. commod. l. 3. §. 1. ff. naut. caup. stab. l. 9. §. si colonus. ff. hic. l. 23. ff. de reg. jur.*) sed ratione circumstantiarum, aut pactionum, interdum præstanda: ut ab iis qui pro custodia mercedem accipiunt, *l. 40. cum ll. seqq. eod.* vel si res naturâ suâ exactissimam diligentiam requirat. *d. l. 25. §. pen.*

Item à farcinatore, & fullone, & cæteris, qui tanquam artifices locant operas, & rebus recipiendis, custodiendis, reficiendisve quæstum faciunt. *d. l. 13. §. 6. l. 25. §. pen. §. ult. eod.*

Vitiant locationem, nimia inæqualitas mercedis; (ut si uno nummo fiat, *l. 46. hic.*) aut ultra dimidium iusti pretii deceptio. *Id. in l. 2. C. de rescin. vend.*

Oritur ex hoc contractu duplex actio, puta locati & conducti: quarum illa locatori, hæc conductori competit: Utraque bonæ fidei, *l. 54. hic.* & in hæredem transitoria: *l. 19. §. 8. ff. l. viam. C. eod.* non in singularem successorem. *l. 11. ff. eod.*

Actiōne locati petitur, ut merces debita de qua (etiam contra consuetudinem regionis.) convenit, non major; *l. 16. C. hic.* eaque integra; *d. l. 16.* si de ea nihil convenit, pro more regionis præstari solita; *l. 18. C. eod.* tempore convento; si nihil convenit,

consueto; si de consuetudine non apparet, in fine anni; *Gl. in l. 3. C. hic. & ibi Dd. commun.* solvatur; unâ cum usuris, post moram: *l. 17. C. eod.* (quæ tamen non debentur jure actionis, sed officio judicis actioni accedente. *l. 54. hic.*) & ut damna culpa conductoris contracta præstentur: *l. 9. §. pen. l. 11. §. item. 2. l. 43. eod.* item, id quod interit, si ante finitum locationis tempus, sine causa, gem conductor deserat: *l. 14. §. si domus. l. 55. §. fin. hic.* item, ut exacto locationis tempore res reddatur. *l. si quis conductio- nis. C. eod. d. l. 11. §. pen.*

Contra non restituentem juratur in litem. *l. 48. eod.*

Nonnunquam datur ante finitum locationis tempus, si dominus novâ necessitate coactus, re suâ opus habeat, vel inquilinus eâ abutatur. *d. l. 54. §. 1. l. 3. C. eod.*

Conducti actione agit conductor, ad hoc, ut sibi re conductâ uti frui liceat, vel solvatur id quod interest: *l. 7. 8. 9. in pr. & §. 1. hoc. s.* vel ut merces ante soluta reddatur: *l. 15. §. 6. l. 24. §. 4. l. 33. hic.* ut locator domum reficiat, aut mercedem pro rata temporis, quo uti nequit, remittat: *l. 15. l. 27. hic.* ut damna vitio rei locatæ contracta præstet, si virium facile sciri potuit, & ad certum usum res quasi ab artifice locata est: *l. 19. §. 1. eod.* item in hoc agit ut propter interitum rei, aut sterilitatem fructuum labe aliquâ contractam, vel incendium aut aliud impedimentum usus rei, merces pro rata temporis, quo conductor usus non est, remittatur: *d. l. 9. §. 1. l. 25. §. vis major. l. 15. §. 2. §. 7. hic.* Item ad impen-
sarium in re conducta necessario factarum (etsi de iis repetendis nihil sit conventum) refusionem; *l. 55. §. 1. l. 61. in princ. hic.* aut ut eas tollere, *l. 19. §. 4. eod.* & finita locatione solutaque mercede commo-
da quæ intulit, efferre liceat. *l. inquilino. ff. damni. inf.*

De æstimatoria.

T I T. III.

Cessantibus proditis ac vulgaribus quidem iudiciis, descendendum ad ea quæ sunt in factum, generalibus verbis præscripta, prout cujusque facti natura exigit. *l. 1. de præscr. verb.*

Quod sit vel cum contractus est incertus, vel cum est innominatus.

Incertus est, cum res æstimata vendenda datur, ut is qui accepit aut rem, aut æstimationem, restituat.

Hic enim probabiliter dubitatur; utrum ex vendito pariat actionem, quia æstimatio vim habere solet venditionis; *l. 10. §. 4. l. 16. ff. l. quoties. C. de jur. dos. an ex locato; quasi rem vendendam locaverit; an mandati, quasi rem vendendam mandaverit.*

Sed, tollendæ dubitationis causâ, & ut vitetur periculum actoris, ineptam actionem proponentis; placuit actionem æstimatoriam præscriptis verbis proponi.

Quæ civilis est, bonæ fidei. *l. 1. hic. utilis etiam si merces intervenit. l. 2. hic.*

De rerum permutatione.

T I T. IV.

Permutatio, est contractus, *l. 1. hic. innominatus, d. l. 1. similis emptioni, l. 2. C. eod. eoque bonæ fidei, d. l. 2. quo species rerum certæ cum speciebus commutantur. d. l. 1. l. 7. l. 1. 2. 3. 4. & t. t. C. eod.*

Si genus cum genere, aut cum specie, commutetur, non est propriè permutatio, sed magis contractus innominatus, do ut des. *l. 1. ubi Gl. & Dd. hic. Gl. in l. 1. C. eod.*

A quo differt; Quia ex hoc actio bonæ fidei oritur, ex illo nequaquam. *Ias. in l. 2. n. 8. si cert pet. & l. 1. n. 10. hic.*

Differt

Differt etiam ab emptione venditione: In eâ enim ex utraque parte requiritur res & pretium: in permutatione, ex utraque parte res tantum: Venditor rem tradere solummodo: permutator tenetur permutatorem dominum facere ipsius rei. *d.l.1. §.2.* Venditio solo consensu; permutatio non nisi rei interventu perficitur: *d.l.1. §.2.* Venditor alienam rem vendere, permutator non nisi suam permutare potest. *d.l.1. §.3. l. ult. C. hic.*

Partes permutationis sunt, species rerum, consensus, ac traditio, & nonnunquam stipulatio. *l.3. C. eod.*

Perficitur aut traditione, aut stipulatione. *l.77. §. hereditatem. de legat. 2.*

Ex ea, peræque ac ex venditione, paratur usufructuendi conditio, *l.4. §. sed & si. 17. de usucap. præstatutur evictio, l.1. C. eod. animantium sanitas, l.2. hic. ac fit ob vitia redhibitio. l. sciendum. §. pen. de edil. edict.*

Oritur hinc actio, bonæ fidei, *§. actionum. Inst. de action. præscriptis verbis: l.4. l.6. l. fin. C. hic.* quâ ad exemplum actionis empti, *l.1. C. eod.* agi potest, aut ut impleatur quod promissum est, *l.4. l. ult. C. eod.* aut id quod interest præstetur. *d.l.1. C. eod.*

Adjectâ stipulatione agi potest ex stipulatu. *l.3. 4.7. C. eod.*

De præscriptis verbis, & in factum actionibus.

T I T. V.

Actio Præscriptis verbis dari solet, quoties contractus existunt, quorum appellationes nullæ jure civili proditæ sunt. *l.1. hic.*

Qui, quamvis nomen & formam specialem non habent: tamen, quia habent in se *συνάλλαγμα*, & negotium aliquod civile, nempe rerum commercium, civilem etiam actionem producant necesse est. *l.7. in pr. de pact.*

Solent istiusmodi contractus ad quatuor ferè genera

nera redigi: puta Do ut des, Do ut facias, Facio ut des, Facio ut facias.

Do ut des, contractus est, quo res datur ut res accipiat. *l. 5. §. 1. hic.*

Differt à permutatione ; in qua (ut dictum) species certa cum certâ specie commutatur: in hoc autem contractu res incerta pro incertâ (puta genus pro genere) aut certa pro incerta, aut incerta pro certa datur. *l. 1. ubi Gl. & Dd. ff. Gl. in l. 1. C. de rer. perm. Sichard. ad rubr. C. hic. n. 4. Diff. Dd.*

Do ut facias, contractus est, quando res, quæ sit mercedis loco, datur ut aliquid faciam, vel pecunia data tale factum est, quod locari non solet: puta quod fruitionis usum non recipiat. Quia neutro casu locatio est, fit civilis obligatio innominata. *l. 5. §. 2. hic. Wesf. eod. n. 4.*

Facio ut des, contractus est, non quo mercedem do, ut facias; vel facio ut mercedem des, (sic enim est locatio, *l. 22 §. cum insulam. l. 51. §. locavi. locati.*) sed cum facio aliquid, ut quid des id quod non sit merces.

Cui negotio, (cum neque emptioni, neque locationi, nec alicui cuiquam contractui sit simile; & ex facto non perindè quis obligetur alicui, ac ex datione, quod fieri possit ut ex eo nihil ad eum perveniat;) non videtur subesse civilis obligatio, quæ formam civilis contractus habeat. *d. l. 5. §. 3. hic.*

Undè de actione quæ indè detur, variant Doctores. Communiter tamen statuunt actionem de dolo subsidiariam dari. *per l. 5. §. 3. l. 16. §. 1. hic. l. 4. C. locat. Govean. 2. lect. 28. Cujac. in l. 7. C. de pact. Bart. in d. l. 5. §. 3. ubi & Ias.*

Contractus Facio ut facias est, cum mutua facta contrahuntur. *d. l. 5. §. 4.*

Actio præscriptis verbis, quæ ex istis contractibus datur, est stricti juris. *§. actionum. Inst. de action.*

Actio de dolo, quam diximus dari ex contractu facio ut des, est arbitraria. *l. 18. in pr. De dolo.*

Actio præscriptis verbis, cum sit civilis, etiam civili

civili ordinariæ actioni adjungi, & cum eâ concurrere potest secundum Wesemb. hic. per l. 50. de contr. empr. l. 23. com. div. l. 6. de rescind. vend. sed revera tum demum actioni præscriptis verbis locus est, cum de ordinaria dubitatur. l. 1. tit. preced. l. 1. & seqq. hic.

Deficiente obligatione, & causâ civili, aut verbis legis, ex æquitate à Præatore datur actio in factum. l. 11. l. 21. hic.

Quæ planè subsidiaria est, ut aliis civilibus extantibus nequaquam datur. d. l. 21.

DIGEST. PARS IV.

LIBER XX.

De pignoribus & hypothecis, & qualiter ea contrahantur, & de pactis eorum.

TIT. I.



Contractibus quibus in creditum itur, quædam solent adjici: quæ vel ad securitatem contractus pertinent, ut pignora, hypothecæ: (de quibus hoc libro:) vel ad implementum; ut Edilictum Edictum; Evictio, usuræ: vel ad probationem; ut testes & instrumenta.

Inter pignus & hypothecam, quod ad usum attinet, tantum nominis sonus differt: l. 5. §. 1. hic. Alias pignus dicitur rei traditæ, hypotheca non traditæ. l. si rem. §. 2. de pign. act. l. 238. §. pen. de V. S.

Pignus dicitur, tam ipsa res quæ pignori obligata est, t. t. de distr. pign. quam jus quod creditor in pignore habet. t. t. quæ res pign. obl.

Propriè pignus est, jus reale, quo creditor nomine ejus quod sibi debetur, rem obligatam tenet.

Potest etiam ipse contractus, quo res creditori obligatur, pignus dici. *l. 1. §. fin. de pact.*

Pignus propriè dictum re contrahitur: *l. 1. §. creditor. de O. & A. hypotheca nudo pacto. l. 4. hic.*

Utrumque vel purè, vel in diem, vel sub conditione. *l. 13. §. pen. hic. l. 7. §. 1. l. 12. §. unde. qui potior. in pign. hab.*

Est pignus, vel Prætorium, t. t. *C. de prat. pign.* quod Prætor, decretâ missione possessioneque bonorum, inducit: vel judiciale, captis à judice pro re judicata pignoribus: *l. 15. de re jud. t. t. C. de bon. auth. jud. poss.* vel Conventionale, quod consensu & conventionione partium constituitur. *l. 1. de pign. act. vid. Neguz. in tract. pign. part. 3.*

Est & hypotheca quædam generalis, omnium bonorum: (Et tum res omnes quas is qui pignori dedit, habet habiturusve est, tam sunt obligatæ, quam si specialiter singulâs enumerasset: *l. Paulus. §. ult. l. pen. §. ult. hic.* Exceptis iis quæ verisimile est, debitorem obligaturum non fuisse, vel propter usum quotidianum, vel affectionem: *l. 6. cum ll. seqq. hic.*) quædam specialis, unius rei: (Et tum ea demum res pignori est, quæ conventionione est comprehensa. *l. 1. §. 1. l. fidejussor. §. ult. hic.*) Et iterum quædam expressa, quædam tacita. *l. 1. 2. 5. C. de pact. pign.*

Loquimur hic de pignore conventionali & expresso, quod contractibus accedit, & rei traditione, consensu & nuda voluntate contrahitur. *l. 1. de pign. act.*

Neque ad rem pertinet, quibus verbis, & an sine scriptura fiat, si probari potest convenisse. *l. 4. hic.*

Et possunt ei præter pactum de re obliganda, quo hypotheca constituitur; & alia adjici pacta. Veluti, ut creditor loco usurarum ex re pignoratâ fructus percipiat. Quo casu antichresis dicitur. *l. 6. §. 1. hic.* Et, ut non soluto debito, pignus creditori emptum sit. *l. 16. §. ult. hic.* & alia.

Pactum tamen legis commissoriæ (ut supra dictum) ei adjici nequit; Cum id oneris egentibus multò

In quibus causis pignus, &c. 267
multò gravius ac perniciosius accidat quam ulla
usura. *l. fin. C. de pact. pign.*

*In quibus causis pignus, vel hypotheca
tacitè contrahitur.*

T I T. II.

T Acitum Pignus Senatusconsultum concedit ei,
qui ad refectiorem ædium mutuò dedit, in iis
ædibus, ad quas creditum est. *l. 1. hic. l. 8. §. 1. de
priv. cred.*

Obligantur & tacitè investita & illata in prædium
urbanum, pro pensione; *l. 2. cum seqq. hic.* Non in
rusticum; *l. 4. eod.* Quia sufficit fructus teneri.
l. 7. eod.

Tacitæ locationi coheret & pignoris renovatio.
l. 13. §. 11. locati.

Rei oppignoratæ & fructus extantes, pactione
subintellecta, pignori creduntur inesse. *l. 3. C. hic.*

Habet & pupillus hypothecam tacitam in bonis
tutoris, *l. pen. C. eod.* uxor in bonis (allodialibus, non
feudalibus. *Bald. in c. imperialem. de prohib. feud. al.
per Fred. & in l. 1. C. quæ res pign. obl.*) mariti, *l. un.
§. 1. C. de res ux. act.* sponsa in sponsi, *Ang. in §. parti-
tur. n. 3. Inst. de injur. adulti scilicet ætate, non mi-
noris. Gl. in l. fin. verb. teneri. C. de leg. tut. Bart. in l.
si constante. solut. matr.*

Quæ hypotheca non modò pro dote intelligitur
contracta, *Dd. in l. ubi. C. de jur. dot. l. si cum dotem. §.
sin autem in. ubi Gl. & Dd. solut. matr. vid. l. asiduis.
§. 1. C. qui pot. in pign.* sed etiam nomine alimentor-
um, ac bonorum paraphernalium, *Ias. in l. maritus.
21. n. 14. C. de procur.*

Eandem hypothecam tacitam habet & pupillus
in bonis procuratoris: *Gl. in l. pro officio. 20. C. de
adm. tut. minor in patrimonio curatoris: d. l. pro
officio. in verb. curatoris.* fiscus in bonis administra-
torum suorum: *l. 11. C. de priv. fisc. vel debitorum:
l. 1. & 2. C. eod.* filius respectu adventitiorum, ut
maternorum bonorum & hæreditatis in re patris

qui illa administrat. *l. si quis prioris. C. de sec. nupt. vid. Neguz. eod. par. 2. memb. 4. n. 13.*

Civitates non habent; nisi in bonis suorum administratorum, *Neguz. eod. par. 2. mem. 2. n. 119.* aut ex privilegio principis: *l. 10. ad munic.* Quia loco privatorum sunt. *l. 16. de V. S.*

Res tacite obligatæ, liberè, antequam præcluduntur, (hoc est, arrestantur) alienari possunt: *l. pen. hic.* Tacitum enim pignus generale est, & omnia complectitur bona.

Res expressim obligatæ alienari nequeunt, nisi cum suo onere. *l. si debitor. C. de distr. pig.*

Per expressum pignus non tollitur tacitum aut contra. *las. in §. item Serviana. n. 70. Inst. action. Dd. in l. ult. C. de pact. conv.*

Quæ res pignori vel hypotheca data obligari non possunt.

T I T. III.

Res pignorari nequeunt, vel quia suâ naturâ nexum non recipiunt; vel quod à non idoneis, aut non idoneè, necuntur.

Suâ naturâ nexum respuunt, quæ sunt extra commercium; *l. 1. §. 2. ff. l. 3. l. 6. C. hic.* & quæ lege prohibentur alienari. *d. l. 1. §. fin.*

Undè feudalialia invito domino, aut agnatis, non rectè subjiuntur hypothecæ. *c. imperialem. in pr. ubi Dd. de prob. feud. alien. per Fred.* quamvis fructus feudi pignori posse esse, receptum sit. *Specul. de pign. §. 1.*

Qui ab hostibus redimitur, loco pignoris est apud redemptorem, donec pretium reddat. *l. 15. de capt. & possl. rev. l. 2. C. hic.*

Res etiam non idoneè necuntur. Quia potestatem necendi, qui dedit, non habet. Ut, si res aliena pignori detur. *t. t. C. si res alien.* aut pupillus sine voluntate tutoris, & decreto, servus sine domini, filius sint patris, de his quidem rebus quæ patri quærantur, oppignoret. *l. 1. in pr. §. 1. hic.* Vel quia
de

de rei obligatione actum non videatur, ut cum secundus creditor in prioris locum succedit, non intelligitur pignus revocari, nisi expresse conveniat. *l. 3. cum ll. seqq.*

Qui potiores in pignore vel hypotheca habeantur, & de his qui in priorum creditorum locum succedunt.

T I T. IV.

EX obligatione pignoris creditor, & potestatem persequendi pignoris, *l. 17. de pign.* & (nisi solutio principalis debiti fiat) distrahendi, *et inf. con-*sequitur.

Sed quia eadem res pluribus nonnunquam obligatur, fit ut in persecutione & distractione pignoris disputari soleat, uter alteri sit præferendus.

In quo tenenda regula, potiolem esse in jure pignoris, cui prius res est obligata. *l. 8. l. 10. ff. l. 3. l. 2. l. licet. C. hic.* Siquidem cum effectu pignus vel hypothecam acceperit: *l. 11. in princ. hic.* Licet alius ante eum pecuniam crediderit. *l. 12. in princ. & §. 2. eod.*

Nec interest pignus conventionale, prætorium sit, an judiciale: *l. 5. C. eod. Neguz. in tr. pign. 2 memb. 5. part. n. 6.* res specialiter obligetur, an generaliter, *l. 2. 3. §. 1. ff. l. 2. C. h. t.* an etiam tacite. *l. un. C. rem al. ger. l. 8. ubi Dd. hic.*

Si tamen, ex aliis bonis possit creditum redigere is cui generaliter sunt bona obligata; non debet interim secundo creditori suum speciale pignus auferre. *l. 2. C. de pign.*

Nec interest, privati sint creditores omnes, an privilegiati. *d. l. 8. in fin. §. fin. hic. l. ult. §. exceptis. C. hic. Nov. 91. c. 1.*

Sin creditores alii sint privilegiati, alii non: Illi his, etiam tempore prioribus præferuntur. *l. 5. l. 6. ff. l. ult. C. hic.* Hinc est ut pupillus, quamvis posterior, propter favorem personæ, in re quæ ejus pe-

cunia empta, ut rem salvam habeat, præferatur prioribus, *l. 7. l. fin. eod.* & mulier favore dotis, *l. assiduis. C. eod. Nov. 97. c. 3.* item fiscus in debitis, non in pœnis: *l. 11. l. 17. l. 28. ubi Bart. de jur. fisc. l. un. C. de pœn. fisc. lib. 10.* tamen, mulieres ne quidem expressam hypothecam habentibus prioribus regulariter præferuntur, *secundum Gl. & Dd. in d. l. assiduis (quorum sententia, licet contraria sit de jure veteri, Pac. in Analys. C. hic. consuetudine recepta.)* sed tantum iis qui tacitam obtinent.

Nisi lex discretè ejusmodi prioritatem indulgeat. *Auth. quo jure. C. eod.*

Qui in morbum, funus, exequias crediderunt, solent aliis etiam expressam hypothecam habentibus præferri, *l. 43. hic. Ias. & Dd. in l. fin. §. in computatione. C. de jur. delib.*

Ut & qui in rei oppignoratæ conservationem credidit, fecit enim totius pignoris causam salvam. *l. 5. & 6. hic. Modò specialiter de pignore convenit. l. 7. C. l. 5. 6. ff. eod.*

Qui succedit in locum primi creditoris, cui, recepto hypothecæ jure, solvit, meritò præfertur secundo. *l. 12. §. 8. l. 9. eod.*

Secundus cui voluntate prioris res fuit oblata: si recuset accipere, intelligitur pignus sponte remisisse. *l. 3. §. 1. eod.*

De distractione pignorum & hypothecarum.

T I T. V.

Debitor non solvente, aut suspecto, *l. 9. hic.* permissum est ex contractu pignoris creditori, actione hypothecaria pignus persequi, & possessionem ejus consequi: & postquam illam fuerit consecutus, si nihilominus debitor frustretur & solutionem extrahat, hoc casu (non ante. *l. 4. eod.*) pignus vendere, & sibi de pretio satisfacere.

Et, quamvis pactum de distrahendo pignore non appositum, pro convento tamen habetur. *l. 4. de pign.*

pign. act. l. 8. hic. Quia distrahendi potestas juri pignoris cohæret, & ejus quodammodo est accessio. fac. l. 1. §. 1. ff. de pign. junct. l. 3. §. ult. tit. preced.

Itaque si pactio sit adjecta, potest creditor ex conventionem tanquam ex voluntate debitoris distrahere; l. fin. §. 1. C. de jur. dom. imp. commonefacto prius debitore; alioqui pignoratitia tenetur. l. 4. l. 9. C. eod. t. t. C. si vend. pign. az.

Nullo pacto interposito, aut interposito Ne Creditori liceat pignus vendere; denunciabit creditor testatò, l. 4. C. eod. idque ter, Paul. lib. 2. tit. 5. debitori, se velle distrahere, ni fiat solutio: postquam denunciationem expectabit ex lege Justiniani biennium, antequam vendere possit. d. l. fin. autem.

Si pactum sit, Ne liceat debitori vendere; (quoniam multum interest creditoris, non alium sibi substitui duriorum adversarium) nulla futura est venditio, ut pactio steretur. l. 7. §. fin. hic.

Pacto enim quod justam habet causam, rectè domino interdici potest rei suæ alienatio. l. fin. C. de pact. int. empt. l. 114. §. 11. de leg. 1. l. 135. de V. Oblig.

Vendito ritè pignore, creditor transfert jus, quale habuit debitor, qui pignori dedit, aut dominii, aut quasi dominii, sic ut avocari amplius ab emptore res per debitorem, aliumve qui ab eo causam habeat, non possit. l. 2. ff. l. 18. C. hic. l. 1. 2. 3. C. si antiq. cred.

Tertio aliquo, jure dominii, rem evincente, creditor qui vendidit, de evictione non tenetur, Non enim suâ, sed alienâ, id est, debitoris fidè, distraxit.

Debitor tamen, ne ex aliena jactura locupletetur, utili actione conveniri poterit ad pretium, aut jure postulabit emptor cedi sibi pignoratitiam contrariam à creditore actionem: quâ in id quod interest, debitorem conveniet, qui rem alienam contra bonam fidem obligavit. l. 12. §. 1. hic. l. 50. l. 74. §. 1. ff. l. 13. C. de evict.

Nemine pignus emente, creditor jus dominii,

M 4.

non

non à Magistratu, cujus (quia nec heredem, nec dominum facere potest, §. 1. *Inst. de bon. pass.*) auctoritas non sufficit; sed à Principe impetrare potest. *l. fin. C. de jur. dom. imp.*

Si ipse debitor hypothecam teneat, & solvere cesset, potest, & debet, creditor agere ad possessionem hypothecæ consequendam, auferendamque debitori, ut deinceps suo jure utatur. *l. 66. de evict. l. si fundus. §. creditor. de pign.*

Neque enim debet sibi jus dicere, & possessionem hypothecæ privatâ auctoritate invadere, *l. 5. C. ad l. lul. de vi.* & ne tum quidem, cum illud conventionis jure fuit permissum. *l. 3. C. de pign. l. pen. C. de pign. act.*

Quibus modis pignus, vel hypotheca solvitur.

TIT. VI.

Pignoris nexus dissolvitur solutione ejus quod debetur: *l. 1. l. 5. §. 2. hic.* oblatione, *l. 6. §. 1. eod.* ac depositione; *l. 19. C. de usur. l. 9. C. de solut.* solutione fictâ: ut si creditor quod debetur donet debitori: *d. l. 1. §. 1.* paciscatur ne petat: *d. l. 5.* obligationem novet: *l. 18. de novat.* debiri nomine sibi satisfieri permittat. *d. l. 6. in pr. & §. 1.*

Solvitur etiam pignus voluntate creditoris: vel expressâ, *d. l. 5.* vel tacitâ, ut si creditor alienationi, *l. 4. §. 1. l. 8. §. 6. & seqq. hic.* aut novæ obligationi pignoris, *l. 12. hic.* consentiat.

Si tamen eò consentit ut salva maneat pignoris causa, vel ut sibi de pretio venditionis satisfiat: non secutâ solutione, jus suum retinet. *d. l. 8. §. 11.*

Non videtur consensisse creditor; etiamsi sciat rem distrahi. Nisi cum de libertate, *l. 1. C. de remiss.* aut re fisci, *l. antep. C. hic.* aut aliis causis privilegii agitur. *Negut. in tr. pig. par. 6. memb. 3.*

Sed necesse est, alicunde apparere ejus consensum: puta ex verbis, aut ex subscriptione contractus,

• *Aut, d. l. §. 15. aut si reddat chirographum, quo pignus erat obligatum. l. 7. C. de remiss. pign.*

Finitur pignus, res si tota intereat, non si pars ejus: ut, domo combustâ, area nihilominus manebit obligata, & quicquid illi deinceps inædificatur. *l. 21. de pign. act. l. 29. §. domus. l. fin. de pign.*

Nam cum mutatur tantum rei qualitas, & hypotheca durat. *l. 16. §. si res. de pign.*

Si de tempore convenit, quo vel principalis obligatio duraret, vel hypothecaria, finito tempore convento debitor exceptione rectè utetur. *l. 44. §. 1. de action.*

Item, si præscriptio potest objici. Quamvis enim usucapio proprietatis non extinguat pignus, *l. 7. C. de pign.* longo tamen tempore, etiam hypothecariæ actioni præscribit: *l. 12. de divers. temp. præscr. in extraneo possessore ad triginta annos: l. 4. C. de præscr. 30. vel 40. an. in debitore & ejus successoribus ad quadraginta. l. fin. C. eod.*

Extinguitur etiam mutatione personæ. *l. 1 §. fin. hic.*

Et sententiâ, vel jurejurando; si judicatum, juratumve sit, nihil deberi, aut pignus non esse obligatum. *l. 5. §. fin. l. 13. hic.*

D I G E S T O R U M

L I B E R XXI.

De Ædilitio Edicto, & redhibitione, & quanti minoris.

T I T. I.

Æ Dilitium Edictum, (quod ad implendos bonæ fidei contractus spectat,) partim ad extirpandas fraudes, coërcendasque venditorum pertinet fallacias, *l. 1. 3. 2. hic. parim liberum viarum commercium ruetur. l. 40. cum ll. seqq. eod.*

M 5

Ejus

Ejus tria sunt capita. Primo agitur de fervis: ut si servus morbo, vitiove, aut noxæ obnoxius, aut fugitivus, vel erro venditus sit, quod vitium clam emptorem venditor habuerit, redhibere liceat. *l. 1. & 2. cod. & datur ad id actio, redhibitoria inde dicta.*

De corporalibus vitiis loquuntur Aediles. Nam propter animi vitia non redhibetur servus, nisi usum servi impediant. *l. 1. §. pen. cum. l. seqq. l. 4. cum seqq. cod.*

Itaque cessante redhibitione, ex empto, Quanti minoris erit agendum: *d. l. 1. in fin.* vel potius in id quod interest: si aut venditor se præstiturum esse vitium promisit, aut cum vitium sciret, id reticuit. *d. l. 4. §. 3. & 4.*

Redhibere est, facere ut rursus habeat venditor, quod habuerat. *l. 21. cod.*

Redhibitio igitur est venditionis resolutio. *l. 13. §. 2. de acq. poss.* quâ omnia in integrum restituuntur, perinde ac si neque emptio, neque venditio intercessisset. *l. 60. hic. l. 89. de usucap.*

Itaque emptori restituere debet venditor pretium, tantum si ignorans rem vitiosam vendidit; *arg. l. 13. in princ. ff. de act. emti. junct. l. 33. hic.* si sciens, præter illud & omne damnum quod ex re vitiosæ emtori contigit, unâ cum usuris, & quod interest pretio non caruisse; *l. 27. l. 29. hic.* & contra huic emptor rem cum omnibus accessionibus, & emolumentis, & præstatione damni, si quod culpâ emptoris accidit, redhibere cogitur.

Quod si quid damni casu factum est, emptori non nocet, unde & extinctum corpus potest redhibere. *l. 38. l. 47. in fin. cod.*

Si falso quid affirmarit venditor, ut equum non esse calcitrosus cum esset, tenetur ad redhibitionem. *per d. l. 1. §. 3.*

Secundo capite agitur de jumentis redhibendis, vel ornamentorum detractorum causa, in sexaginta diebus; vel ob vitium corporis intra semestrem; *l. 19. §. fin. l. 55. hic.* nisi aliud sit actum. *l. 18. l. 31. cod.*

Si redhibere nolit emptor, actio quanto minoris res cum veniret, fuerit, illi datur. *d.l. 33. in pr. hic.*

Sed tantum intra annum utilem à die contractus vel dicti seu promissi computandum. *l. 2. C. l. 19. §. fin. ff. hic.*

Quæ diximus de jumentis, & omni in pecude, *d.l. 38. §. 5. ex benigna interpretatione, & in re quavis mobili, vel immobili, obtinent. l. 1. pr. l. 49. ff. l. 4. C. eod.*

Si vitium nec dum appareat, sed suspicio sit subesse, ad hoc agi potest, ut; vel caveat de vitio, vel redhiberi patiat. *l. 28. l. 31. §. 21. hic.*

Utraque actio redhibitoria & quanti minoris, in heredes transit, *d.l. 23. §. 5. hic.* est arbitraria; ita ut Judicis arbitrio obtemperans, præstet simplum, duplum contumax. *d.l. 23. §. 4. l. 45. hic.*

Differunt quod illa datur solum in vitiis usum rei impediens; *l. 5. hic.* hæc etiam in aliis: illa ob rei vitium intra sex menses, ob ornamenta jumentorum intra sexaginta dies; hæc intra annum, instituenda. *l. 19. §. fin. l. 38. l. 55. eod.*

Tertio capite datur actio in factum, *l. 42. hic.* in eum, qui ullum, quod nocere posset animal, solum ligatumve, quâ vulgo iter fit, habuit, ita ut damnum dare possit: *l. 40. cum ll. seqq. hic.* si liber homo ex eo perierit, in solidos ducentos: si ei tantum nocitum, quanti bonum æquum judici esse videbitur, condemnantur: cæterarum rerum quantum damnum datum sit, dupli. *d.l. 42.*

De evictionibus, & dupla stipulatione.

T I T. I F.

E VICTIO, est rei nostræ, quam adversarius legitimo titulo acquisiverat, per judicem facta recuperatio. *l. 24. l. 56. & seq. hic.*

Tenetur de ea præstanda venditor, vel ex natura contractus; *l. 6. C. eod. l. 11. de act. empt.* & quidem ad pretii restitutionem, & id quod interest, *l. 60. l. 70. hic.* vel per stipulationem (per quam, sine ta-

men satisfactione, *l. 56. hic.* caveri hoc nomine solebat.) eamque vel simplæ, quando conventum inter partes, ut re evictâ, simplum pretium præstetur, (quo casu & ad pretium, & ad interesse similiter agi potest, *dd. ll.* utpote quod semper contractui inest, nisi aliud sit actum, *d. l. 60.*) vel duplæ, quando venditor duplum pretii re evictâ promissit, *l. 17. l. 48. l. 53. hic.* & tenetur in id modum quod per stipulationem promissum.

Committuntur hæ stipulationes, cum res aut evincenti iudicio restituta est, aut æstimationem præstare coactus emptor, aut possessor ab emptore conventus absolutus est: *l. 16. §. 1. l. 21. l. 34. §. 1. hic.*

Ut emptor adversus venditorem regressum habeat, debet ei maturè denunciare dictatum esse iudicium, cujusmodi illud sit: *l. 29. §. 2. l. 37. l. 53. l. 55. l. 63. hic. l. 8. C. eod.* nisi notoriè injusta fuerit venditoris causa. *l. 8. ubi Bald. n. 4. C. hic. Crav. conf. 83. n. 6. conf. 179. n. 6.*

Evictione secutâ competit Actio ex empto, vel ex stipulatione simplæ, qua petitur & totale interesse; hoc est, æstimatio rei, sive pretium, quo res æstimata est: *Dd. in l. 1. de act. empt. d. l. 60. d. l. 70. d. l. 74. hic.* & interesse particulare, id est, quanti interest rem evictam non esse. *d. l. 60.*

Quod recipit augmentum & diminutionem, prout quandoque plus minusve interfuit. *l. 43. de act. empt. l. 8. l. 15. l. 16. in pr. & §. fin. d. l. 60. hic.*

Duplæ actio non recipit augmentum, aut diminutionem. Quippe in illa non consideratur interesse, sed ejus locum duplicatum pretium ex stipulatione exigitur. *l. 64. hic: l. 44. de act. empt. vid. Cujac. lib. 5. obs. c. 23. & in l. cum qui ades. de usuc.*

Competit tum demum actio ex stipulatu, cum res (& quidem specie vindicationis, *l. 38. §. 2. de V. O. Cujac. eod. c. 23.*) aut tota, aut pro parte quæ totius nomen retinet, *l. 1. l. 36. hic.* evincitur; cæterum, *l. 36. l. 56. §. 2. hic.* actio ex empto solum superest. *d. l. cum qui ades. ubi Cujac. l. 8. l. 42. hic.*

Cessant.

Cessant hæ actiones : si sciens emptor rem alienam emit : *l. 27. C. hic.* si spontè cum agente pepigit, transegit, compromisit : *l. 56. §. 1. l. 63. hic.* si iustis defensionibus, *l. 29. §. 1. Gl. in l. 18. hic.* & appellationibus non est usus: *Bald. in l. emptor. C. eod. l. 66. hic.* si p̄r injuriam res ei aufertur : *l. 51. hic.* vel ex factò, aut culpa sua, *l. 27. eod.* vel negligentia: *l. 55. l. 66. eod.* si præscriptio à tempore venditionis cucurrit : *l. 54. eod.* si litem contra se motam auctori suo, aut heredi, *l. 8. 21. C. eod.* etiam scienti, *l. 55. §. fin. l. 56. §. 4. hic.* ante condemnationem, *l. 29. §. 2. eod.* nunciare emptor neglexit ; si non contra formam conventionis ; *Cravet. conf. 211. n. 1.* aut si ex natura sua ; *Gl. Bart. in l. si familia. C. sum. erisc. Crav. conf. 24. n. 1.* vel factò auctorum ipsius emptoris, res evincitur. *Bart. in l. qui Roma. §. duo fratres. q. 1. de V. O. Crav. conf. 24. n. 1.*

De exceptione rei vendita & tradita.

T I T. III.

Emp̄tor aut ejus successor nec non secundus, vel tertius emptor, si ipsis evictio intenteretur, objicere possunt, *l. ult. hic.* exceptionem rei vendita & tradita, ex regula ; Quem de evictione tenet actio, eundem multo magis agentem repellit exceptio. *l. 1. hic. l. 17. de evict.*

Quæ est litis finitæ. *l. 6. C. de fid. instr. l. cum à matre. C. de R. V.*

Competit adversus venditorem, *l. 1. pr. hic.* ejus successorem, tam universalem, quam singularem in rem venditam, *l. 1. §. 1. l. ult. §. 1. eod.* fidejussorem ; *l. 11. C. de rei vind.* ejusque heredem. *l. 2. §. ult. l. 1. C. de hered. act.*

D I G E S T O R V M

L I B E R XXII.

De usuris & fructibus, & causis, & omnibus accessionibus, & mora.

T I T. I.

U Sura, (dicta ab usu, utpote usus pretium) interdum pro omni rei debitæ accessione & augmento, ex quacunque causa, ut pro fructibus, capitur. *l. 13. §. 20. de action. emp. l. 5. l. 13. C. hic. l. 2. C. de usur. l. 32. hic.*

Quæ accessiones & fructus in bonæ fidei judiciis, quæque his sunt similia, t. r. C. de usur. & fruct. leg. veniunt à tempore moræ; *l. 32. §. 2. l. 3. in pr. hic.* in quibus & usuræ locum fructuum obtinent. *l. 34. hic.* In strictis, si sint stipulatæ, *l. 2. 3. 4. C. l. 31. l. 41. §. fin. ff. hic. l. 10. §. si quis Titio. ff. mand. l. 24. ff. de præsc. verb. Hott. ill. qu. 36. Duar. h. t. c. 2. Donel. in l. 36. ff. hic. non ut vult Wesimb. hic.* à tempore litis contestatæ. *arg. l. 1. C. de cond. ind. l. 2. C. de non num. pec. Cujac. 14. obs. 22. Duar. h. t. c. 2. Don. i. lect. l. 13. C. hic.*

Mora fit, non ex re; id est, dilata ejus rei quæ debetur solutione, sed ex personâ, si videlicet interpellatus debitor, cum exigi posset, *l. 127. de V. O. opportuno loco & tempore non solvat. d. l. 32. in pr.*

Usura propriè (ut & hoc titulo) capitur pro eo quod accedit sorti in mutuo. *l. 17. in pr. de pact. l. 11. §. si tibi. de reb. cred.*

Est, vel Lucratoria, quæ ex mero mutuationis officio, contra contractus naturam, lucrum facit; vel Compensatoria, quæ præstatur, ut justum interesse, quod habet creditor, eò quod pecuniâ caret, compenset; vel Punitoria, quæ non propter lucrum petentium, sed moram non solventium,

pro

pro pœna, aut à lege, aut ab homine infligitur.
l. 17. §. 3. hic.

Lucratoriæ suo genere improbæ illicitæque sunt:
l. 20. C. ex quib. caus. inf. irr. cum, quia præcepto di-
 vino prohibita: *Levi. 25. Exod. 23. Psal. 15. Luc. 6.*
 tum, quia lucrum non est quærendum ea ex re, cu-
 jus damnum aut periculum ad nos non spectat. *l. 67.*
§. 1. l. 55. pro socio. Pecuniæ autem creditæ pericu-
 lum pertinet ad debitorem. *l. 11. C. si cert. pet.* Jure
 Civili & constitutionibus Principum Christiano-
 rum (licet sint odiosæ) permittuntur, sed ad cer-
 tum usque finem pro personarum conditione; quia
 avaritia hominum in totum prohiberi non potest.
l. 26. C. hic. Covarr. 3. var. resolut. cap. 1.

Compensatoriæ, nec turpes, nec in universum
 interdictæ. Quia non sunt lucrum supra fortem ex-
 actum propter officium mutuationis; sed pretium,
 vel æstimatio usus fortis consumptæ cum damno
 creditoris.

Sed certus modus legibus definitus est, intra
 quem fœnerari liceret. *l. eos. §. 1. C. hic.*

Nec idem minus hæ usuræ toto suo genere, (cum
 lex civilis eas non approbet, sed propter commu-
 nem necessitatem quadantenus tantum permittat)
 sunt improbæ turpesque: nisi de indubitato & pro-
 pinquo creditoris damno, vel lucro, propter mutua-
 tionem cessante, appareat. Quod compensari po-
 test. *l. un. C. de sent. quæ pro eo quod inter. l. 2. in fin. de*
eo quod cert. loc.

Punitorias usuras duræ causæ sustinent. A parte
 creditoris præsumptum damnum: (interesse vul-
 gò nominant.) A parte debitoris mora. Quæ cum
 delictum sit, *l. 22. ubi Gl. fin. mand.* merito pu-
 nitur.

Adeò ut ipsa lex, à tempore moræ legitimas, hoc
 est, semisses usuras, jubeat, juxta cujusque contra-
 ctus naturam, præstari. *l. 26. C. hic.*

Ex quo Paulus Ictus inquit, Usuræ non propter
 lucrum petentium, sed propter moram non solven-
 tium, infliguntur. *l. 17. §. 3. hic.*

Itaque quotiescunque creditoris nihil interest,
 scia

sciat toties se contra officium facere, & indulgentia legum abuti, si ex officio mutationis, quod debet esse gratuitum, arg. *l. fin. de cond. ob temp. tuss.* vel ante, vel etiam post moram; lucrum, aucupetur.

Et ex Justiniani constitutione, in *d. l. 26.* nobilioribus & illustribus personis permittitur trientales duntaxat usuras exercere, id est, tertiam centesimæ: pariens, ac nunc rationem subducimus, annua quatuor in centum. His enim negotiationes sunt interdictæ. *l. nobiles. C. de commer. & merc.*

Mercatoribus, qui alioqui questum pecuniæ facere solet, duplicatæ conceduntur, videlicet besales: quæ sunt duæ trientales centesimæ partes, centesimam quinquagesimam portionem sortis singulis mensibus efficientes: ac quolibet anno octo in centum producant.

Cæteris hominibus semissem, hoc est, dimidiam tantummodo centesimæ, usurarum nomine stipulari permittitur: quæ quolibet anno sex in centum reddunt.

Centesimæ autem usuræ, (quæ quolibet mense centesimam sortis, anno duodecim in centum redemptæ) non nisi in tractatibus contractibus sunt permittæ.

Usura, & id quod interest, differunt. Illa simpliciter lucrum est, & proinde non aliter, quam ex stipulatione debetur, sine respectu ejus quod interest. Hoc lucrum cessans, aut damnum emergens, propter moram debitoris, & ut inquit Jurisconsultus, quantum mihi abest, quantumque lucrari potui. *l. 13. rem. rat. hab.*

Itaque non opus est stipulatione; sed debetur, ex æquitate, officio judicis: *l. 4. C. de pos. l. 8. De eo quod cert. loc.* Quia iniquum foret, moram debitoris creditori damno esse.

Ab usuris differunt emptiones redditus. In iis enim neque fors redditur, & pretium transit perpetuo in venditorem, ut emptor illud repetere nequeat: neque quid supra sortem solvitur, sed redditus pro sorte.

Quæ,

Quæ, servatâ moderatione legum si fiant; permiffæ sunt: c. 1. & 2. de empt. & vend. Non, si sunt usurariæ: aut, cum propter temporis solutioni præstituti dilationem arctationemve, vel enormiter intenduntur, vel minuuntur pretia. c. in civitate. c. fin. de usu. c. ad nostram. de empt. vend. Bald. in rubr. C. hic.

Fructus propriè omne id quod fertur, dummodò renasciturum, significant. l. 7. §. 13. solut. matr. ἐπλάττει, eo nomine quælibet rei fruitio & utilitas venit. l. 72. De R. I. l. 24. l. 18. l. 12. de usufr. l. 34. l. 36. hic.

Sunt, aut Naturales; qui sine hominis factò, ex ipso rei corpore, naturâ producuntur, ut fœnum: l. 45. hic. aut Industriales; qui industriam & factum hominis requirunt, ut fruges: d. l. 45. l. 25. §. 1. eod. aut Civiles; qui non ex ipso corpore nascuntur, sed ratione rei jure Civili percipiuntur: nec sunt, sed habentur fructuum loco: ut usura, pensio: &c. l. 62. de rei vend. l. 121. de V. S. l. 34. hic.

Causa, pro omni accessione capitur, quæ causatur, & proficiscitur vel ex ipsa re, vel ejus usu: & generaliter hoc verbo, quicquid actor habiturus esset, si tempore debito res soluta fuisset, comprehenditur. l. 35. de V. S. l. 17. §. 1. l. 20. l. 62. de rei vind. l. 38. §. 7. hic. l. 31. si cert. pet.

Mora, est culpa ejus, qui non solvit, quodolvere debet; vel oblatum non accepit, quod debet accipere.

Committitur, vel per interpellationem extrajudicalem, oportuno loco & tempore factam; l. 32. hic. l. 24. de V. O. vel per litis contestationem, vel per sententiam. l. 3. in pr. hic. vel in re sine interpellatione; ut si minori debeatur; l. 3. C. quib. caus. in int. rest. nec. obligatio sit in diem; l. 2. C. de jur. emph. ex delicto debeatur. l. 8. §. 1. de cond. furt.

De nautico fœnore.

TIT. III.

DE usuris (cum in earum conventionem nullum sit *συμβαλμα*.) frustra nudo pacto convenit: *l. Titius. de præscr. verb. &* (cum sint odiosæ) non nisi ex solennibus stipulationibus debentur. *l. 3. C. de usur.*

Ex sola tamen conventionem etiam debentur in pecunia trajectitia, *l. 7. hic.* sic dicta, quia trans mare periculo creditoris vehitur. *l. 1. hic.*

Unde si eodem loci consumatur, non erit trajectitia; nisi ex ea merces sint comparatæ, quæ creditoris periculo trajicerentur. *l. 1. vers. sed videndum. ff. hic.*

Quæ periculi susceptio facit, ut creditor usuras sortis pacisci possit, si ea salva pervenerit, non modo legitimas, sed etiam centesimas. *l. 1. l. fin. C. hic. l. 26. vers. in trajectitiu. C. de usur.* Sed eatenus tantum exigere ut ne ultra duplum, aut usuræ usurarum debeantur. *l. 4. ff. hic.*

Quæ usura vocatur Fœnus nauticum. Quia ratione navigationis, & periculorum maris permittitur.

Et nave submersa amissaque pecunia, nihil omnino debetur. Nisi id culpa debitoris contigerit. *l. 3. C. hic. l. 5. §. 4. ff. commod.*

De probationibus & presumptionibus.

TIT. III.

Restat ut de contractuum probationibus aliquid dicamus.

Nam, quæ probari ostendique nequeunt, ea pro non gestis, neque existentibus, habentur. *l. 77. de contr. empt. l. 17. de in diem. add. l. 10. de reb. dub.*

Probare, hic, est plenam fidem rei gestæ in iudicio facere.

Est ergo Probatio, actus judicialis, *l. 18. C. hic. l. 3. de*

l. 3. de cond. ob turp. caus. per quem, de re dubia & controversa, fides judici fit. l. 12. hic. l. 5. l. 19. de testib. l. 1. de cond. ob turp. caus. l. 1. quand. dies leg. ced.

Debet esse conformis libello, *l. 22. ubi Dd. C. hic. Host. in rubr. eod. n. 5. per c. significaverunt. c. de testibus. Ext. de testib. c. licet. §. idem. de probat. concludens, d. l. 22. c. cum contingat. de off. deleg. hoc est, quæ necessariò id quod intendit inferat, non impertinens, l. 17. ubi Bald. C. hic. l. pen. in fin. ff. eod. (quæ nec per se, nec unà cum aliis adminiculis, ad causæ fidem facit, Bald. in l. ad ei. C. hic.) non dubia, c. in præsentia, ubi Can. hic. l. 10. C. eod. neque incerta, Bald. in l. pen. C. de sent. quæ sine cert. quan. & l. 1. C. de furt. nec superflua. Schurf. cons. 1. cent. 1. per d. l. 22.*

Probatio est sua natura arbitraria, Cast. in l. admonendi. n. 39. de jurejur. hoc est, pendet ab arbitrio judicis, qui quantum illi fidei sit tribuendum, potest, sed secundum legum dispositionem, & boni viri judicium, l. 22. §. 1. de R. I. l. 1. de legat. 2. Bald. in l. certi. C. de jud. arbitrari. l. 3. §. 1. de testib. Cast. in d. l. admonendi. n. 54.

Est, vel Artificialis; quæ ex ipsa causa, argumentis & indiciis trahitur: vel Inartificialis; quæ extra causam, à testibus, tabulis, confessione, juramento, accipitur. Dd. in d. l. admonendi. l. in bonæ fidei. C. de reb. cred.

Doctores, quoad effectum probationis, eam partiuntur, in Plenam; quæ plenam fidem judici de re aliqua facit: & Semiplenam; quæ opinionem quandam inducit.

Fieri non debet probatio, nisi à iudice, (cui facienda, l. 12. hic. l. 3. ff. de test.) per sententiam interlocutoriam, alterutri parti imponatur. Spec. de prob. in pr. vid. l. à procedente. ubi Bart. & Bald. C. de dilat.

Imponitur ei qui allegat, dicit, agit aliquid in iudicio: l. 2. l. 5. l. 15. l. 22. l. 21. hic. Negantis enim per rerum naturam nulla est probatio. l. 23. ubi Bald. C. hic. nisi juris negationem alleget. d. l. 5.

Alle-

Alleganti igitur incumbit probatio : hoc est , se fundanti in aliquo facto , quod adversarius negat. *l. 3. 32. 11. 23. 8. 13. 17. 25. ff. l. 3. 11. 9. C. hic.*

Et in genere, quicumque se fundat in aliqua qualitate, probare suæ intentionis fundamentum debet, *Gl. in l. 5. §. qui pro rei. ubi & Ias. n. 14. 15. qui sariud. cog.* nisi sit in possessione ejus juris in quo se fundat. *l. 2. l. 14. C. l. 14. l. 15. ff. hic.*

Ac, quoniam Actor plerumque non possidet , sed petit , & aliquid ad suæ petitionis fundamentum allegat, idè actori , *l. 18. l. 23. ff. l. 1. l. 23. C. hic.* non etiam Reo , *l. 8. C. eod. l. 7. C. de test.* regulariter incumbit probatio. *l. 1. de except.*

Versatur probatio circa facta , *l. 16. C. hic.* (nam quæ juris sunt , cum jùdici per se pateant , & nota sint, *vid. Castr. & Dd. in l. un. C. ut qua des. adv.* non indigent probatione , *vid. Bald. in add. ad Spec. de test. §. nunc videndum.* nisi cum jus negatur. *l. 5. hic.*) & facta quidem , quæ probari possunt , aut directò , aut saltem per conjecturas: *l. dolum. C. de dol. mal. Gl. in l. 1. ff. eod.* Ut sunt quæ sui natura occultò & clàm arbitris fieri solent , in quibus probatio per conjecturas , aut jusjurandum, recipitur. *l. 5. §. 6. de re milit. Gl. in l. 7. §. 2. de accus. Bald. in l. quicumque. C. de serv. fug. Everar. in loc. leg. in proæm.* item facta incerta, & de quibus dubitatur.

Notoria non egent probatione, *c. 3. de test. cogen. c. evidentia. ubi Gl. de accus. Bald. in l. 7. C. de accus. Gl. in l. 1. C. qui adver. quos.* ut nec illa quæ ante aut per sententiam , aut transiçionem, aut alio modo, *l. 13. §. 2. de jurejur. Alex. in l. qui jurasse. 26. §. si pater. eod. tit. decisa & definita sunt. l. 19. §. 2. C. de transact.*

Facta illa probari debent , quæ ad causam pertinent , & in quibus quis se fundat , *l. doce. C. de rei vind. l. matrem. C. hic. l. 2. & passim. ff. eod.* & quæ probata profutura sunt probanti. *Spec. tit. de probat. §. nunc dicendum. in pr. per l. si ut proponis. C. eod.*

Nam articuli super ipsius adversarii , vel tertii alicujus jure fundati , veluti impertinentes , non admit-

admittuntur. *Bald. in l. uti fuit. per illum text. ff. usufr. per. Spec. tit. de teste. §. nunc videndum. vers. item agens. & n. 6.*

Probatio, citatâ ad ejus expeditionem adversâ parte, & termino justo ad id præstituto, *Auth. sed etsi quis. C. de testib. post litem contestatam, r. t. Ext. ut lit. non cont. facienda.*

Nam antè ignoratur, utrum Reus negaturus, an confessurus sit quod intenditur.

Quod verum est in probatione quæ versatur in judicio: secus in ea quæ extra litem fit. Nam ubi nulla lis est, ibi nulla ejus contestatio exspectari potest. Quod usu venit in examinationibus quæ fiunt ad æternam rei memoriam. *d. Auth. sed & si quis. c. fin. §. 1. Ext. ut lit. non cont.*

Sic, ubi ex conventionem, citra solennem ordinem, litigatores procedunt, *l. quoties. C. de priv. schol. lib. 12. Auth. generaliter. C. de Episc. & Cler. potest etiam ante libellum probatio admitti. Bald. in l. diffamari. n. 9. C. de ingen. man.*

Judex etiam quandoque volentibus partibus decernit, ut præter usitatam jurisdictionis rationem utraque pars jus suum intra certum terminum deducat & ostendat. *Spec. de lib. oblat. in §. nunc dicendum. n. 14.*

Quod potissimum in possessoriis, *vid. Spec. de petitio. & poss. §. 1. n. 38. de lib. concept. §. nunc dicendum. n. 14. ubi Bald. ac summariis judiciis, Marant. in spec. aur. par. 6. act. 4. n. 4. usurpatur. vid. Spec. de locc. per c. 2. de ord. cogn.*

Post quartam productionem, aut post publicata testimonia, *Auth. atqui semel. C. hic. aut conclusionem in causa, Inf. in d. l. admonendi. n. 50. 51. 60. & seq. probatio non est admittenda.*

In criminalibus, ad probandam rei innocentiam, etiam post sententiam & rem judicatam est admittenda. *Hippol. in pract. §. occurrunt. n. 3. & seq. n. 8. & 9. & in l. unius. 18. §. 9. n. 36. 37. de quest.*

Potest fieri probatio, tam in loco judicii, quam extra judicium: Secretò tamen & remotis parti-

bus,

bus, *Bart. in l. nullum. C. de test. testium examinatio facienda.*

Judex debet secundum probata sententiam ferre, *l. 2. l. 5. l. 9. C. de rei vend. Alioqui in id quod interest condemnabitur. l. 10. §. fin. ubi Bart. de edend. l. 3. ubi Bald. C. si cont. jus vel util. pub.*

Diffidentes in speciem probationes, conciliare & in unam redigere harmoniam debet. *c. cum tu. 16. c. in nostra. 32. ubi Gl. de test. Dd. in l. scriptura. C. de fid. instr.*

Quæ dubiæ sunt aut impertinentes, contra eum interpretandæ sunt, qui illas produxit. *Bart. in l. inter. 83. §. Stichum. de V. O.*

Interpretatio tamen in dubio talis sumenda, quæ pro fit favorabilibus personis, vel reis. *l. 13. hic.*

Præsumptio probationi, quod quidem ad effectum attinet, par est: quia pro probatione habetur. *l. 74. de legat. 1. l. 16. C. de prob. t. t. Ext. de præsum.*

Est probabilis conjectura, ex certo signo proveniens, quæ, alio non adducto, pro veritate habetur. *Alciat. tract. de præsum. in pr. part. 3. incipit: veniamus. n. 1.*

Est vel Legis, vel Hominis. *Menoch. de præsumpt. lib. 1. q. 2. in fin.*

Præsumptio legis est, cum lex ipsa conjecturam facit.

Quæ vel Necessaria, nempe ex signis certis & necessariis orta, & vocata à Doctoribus Præsumptio juris & de jure. *Menoch. eod. q. 3. per tot. Exempla vid. in l. fin. C. arb. tut. l. 34. C. de adult. l. 23. C. ad SC. Vell. l. fin. in fin. C. ad SC. Maced. &c. vel Probabilis, quæ ex signis probabilibus colligitur, dicta usitate præsumptio juris. Menoch. d. lib. q. 4. Mascard. de prob. q. 10. n. 82.*

Præsumptio hominis, (quæ etiam modica dicitur,) est conjectura, quæ fit ab homine, & lege comprehensa non est. *Menoch. d. lib. 1. q. 5. per tot.*

Homo hic est judex, qui tanquam vir bonus in casibus à lege non præsumptis, ex veritate conscriptorum, præsumit. *Menoch. d. q. 5. n. 8. q. 8. n. 117. q. 36. n. 16.*

Sum-

Sumuntur præsumptiones , ex signis , indicis , conjecturis , qualitatibus , actionibus , aliisque variis causarum figuris & circumstantiis. *Menoch. d. lib. 1. q. 13. 14. 15. 19. 20. de præsumpt.*

Verfantur circa personas, res, judicia potissimum, & circa actiones, vel cogitationes hominum. *Menoch. d. lib. 1. q. 11. n. 9. q. 12. n. 16.*

Quatenus scilicet de facto, non de jure, quæritur. *l. 30. §. suum. de acq. her. Menoch. d. q. 8. n. 29. Cum jus semper certum sit. l. 2. de jur. & fact. ign.*

Circa personam præsumuntur ea quæ naturaliter homini insunt : *Gl. in c. si forte. de elect. in 6. Arg. in repet. l. sciendum. 30. in fin. de V. O. ut sensus communis , l. 14. C. de testam. potentia generandi. c. quia. dist. 50. Innoc. in c. 1. de frigid. & malef. &c.*

Circa res, qualiter à naturali qualitate , & insita vi, permittuntur esse.

Circa judicia capiuntur præsumptiones pro judice & processu. *Menoch. lib. 2. præsum. 67. per tot.*

Quando lex præsumit ex signis necessariis , non admittitur probatio in contrarium. *l. 23. C. ad SC. Vell. l. fin. C. ad SC. Mac. Bald. in rubr. C. hic. in rubr. Ext. de præsum. n. 1. Menoch. eod. q. 3. n. 1. Nisi per confessionem partis, Alciat. tract. de præsumt. in pr. part. 2. num. 6. post Felin. in c. quoniam. in pr. hic. notorium. Felin. in c. quanto. de præsumt. Præsumptio enim qualiscunque sit , veritati cedere debet.*

Quando ex signis probabilibus , admittitur ; sed relevat ab onere probandi. *l. 16. C. de prob. Bart. in l. in illa. in fin. de V. O. Hypp. sing. 451. & tamdiu stat, donec probeatur contrarium. d. l. 16. ubi Dd. l. 25. circa fin. hic. Menoch. eod. q. 31.*

Quando homo præsumit , sine adminiculis aliis non facit plenam fidem. *l. 5. l. 6. C. hic. l. 19. C. de rei vind. nec transfert onus probandi , nisi sit urgens. Crav. in tr. de antiq. tem. p. 1. pr. in 10. part. n. 24.*

In his præsumptionibus judicis est arbitrium ,
non

288 *Digest. Lib. XXIII. Tit. IV.*
non in aliis. *Bald. in l. milites. n. 1. C. de quæst. Menoch.*
d. lib. 1. q. 44. per tot.

Prout est vel major, vel minor præsumptio juris,
ita majorem vel minorem requirit contrariam proba-
tionem. *Menoch. cod. q. 4. in fin.*

Minor præsumptio per majorem eliditur & tol-
litur. *Exemp. in l. 6. de his qui sui vel al. jur. l. 24. hic.*
l. 73. de legat. 3.

Specialis præsumptio est fortior generali; *Me-
noch. de arb. jud. lib. 2. Cas. 472. n. 1.* naturalis acciden-
tali; *d. cas. 472. n. 19.* quæ actum valere, & pro Reo,
facit, &c. *cod. per tot.*

Affinis præsumptioni juris & de jure, est fictio.
Gl. ad verb. præsum. in l. fin. in pr. de eo quod met. caus.
Quæ est legis, adversus veritatem; in re possi-
bili, ex justa causa, dispositio. *Bald. & Dd. in*
l. si u qui pro. de usucap. adversus quam probare non
licet.

De fide instrumentorum & amis- sione eorum.

T I T. I V.

I Nstrumentum, in hac probationum materia,
intelligimus, quo causa instruitur, & fides judi-
ci fit.

Et proprie pro qualibet scriptura, quæ fidem rei
facit, & causam instruit, capitur. *Bart. in l. Labeo.*
de supell. leg. Ferr. in practt. de form. instr. ad verb.
exhiberi.

Propriissimè publicas literas, quæ plenam fidem
faciunt, designat. *l. 1. ubi not. C. de jurejur. propt.*
sal. dan.

Instrumenta proprie accepta, in universum aut
sunt publica, aut privata. *l. 5. l. 6. C. de prob. Ferr. in*
form. product. instr. ad verb. exhibens. n. 5.

Publica sunt, quæ publicam habent auctorita-
tem; qualia sunt quæ à publicis personis (ut nota-
riis, *l. gesta. C. de re jud.*) conficiuntur; *Nov. 73. c. 2.*
quæ sigillo aliquo publico signata, *c. script. Ext. de*
fid.

fid. instr. c. tertio loco. de prob. quæ autoritate magistratus interveniente publicantur; l. publicati. ubi Dd. C. de testam. l. fin. C. de re jud. c. G. perpetuus. Ext. de fid. instr. quæ de archivo publico extrahuntur; Auth. ad hæc. C. hic. quæ fiunt apud acta publica; l. omnium. C. de testam. Bald. in rubr. C. hic. n. 4. & 6. quæ habent subscriptionem scribentis & testium. l. i. C. qui pot. in pign. c. 2. Ext. hic. l. contractus. C. eod. Sed hæc quidem publica proprie non sunt, verum respectu effectus dicuntur, quia fidem in judicio faciunt. Inn. in c. 1. de fid. instr. Ferr. in for. prod. instr. ad verb. exhibens. n. 3.

Privata sunt, quæ autoritate privatâ fiunt à privatis personis: ut rationes, l. 6. C. de prob. inventaria privata seu registra, l. fin. C. de jur. delib. l. fin. C. de adm. tut. apochæ, aut apochæ. l. 19. C. hic.

Sunt etiam instrumenta, vel Authentica, quæ per se sunt perfecta, & probant; nec ex alia scriptura pendent: vel exempla, quæ ex authenticis describuntur; sive manu publica, ut Notarii; sive privata. *Auth. si quis in aliquo. ubi Bart. n. 3. 4. Castr. & com. Dd. C. de eden. Bald. in l. publicati. 2. in fin. C. de testib.*

Hæc fidem non faciunt, sed tantum conjecturam & suspicionem vix delationi jurisjurandi sufficientem, l. 2. ff. c. 1. Ext. hic. inducunt; *Gloss. in l. 5. verb. facile. C. hic. Dd. in d. Auth. si quis. Nisi auctore Judice & vocata parte; l. 57. ff. de adm. tut. l. ult. C. hic. c. fin. Ext. eod. aut ab eodem Notario, qui authentica confecit, eo animo fuerint scripta, ut perinde ac authentica valerent; Tertacinq. de probat. resp. 5. num. 8. Dd. per c. dudum. 20. Ext. de convers. conjug. l. 29. ff. de testam. aut utriusque partis consensu in præsentia testium, Bart. & Ias. in d. Auth. si quis. scripta; aut in archivo publico reperta fuerint. Tertacinq. d. loc. num. 10.*

Notarius, sine partium rogatione instrumentum inter privatos conficere nequit. §. ut ergo. in *Auth. de tabellion. Bald. in rubr. n. 6. C. hic.*

Frustra rogatur Notarius, & frustra fit instrumentum, de his quæ ab ordine & rato cursu naturæ
N manant;

manant; nisi causâ à iudice cognitâ, & decreto ejus intercedente: exempli gratiâ: super statu, morte, consanguinitate. *c. series. ubi Inn. n. 2. Panorm. n. 3. Felin. n. 3. & 4. de testib.*

Specialiter à lege prohibetur per Notarios fieri instrumentum, de contractibus lege statutove prohibitis, *l. 14. §. 3. C. de SS. Eccl. l. 29. in fin. C. de testam. de delicto aliquo, puta homicidio, vi, metuve, vulnere, aut injuriâ alicui factâ, de defensione necessaria: nisi interveniat judicis cognitio & sententia: Bald. in d. rubr. n. 17. Quia in ejusmodi non est testimoniis scripturarum credendum, sed potius testibus. l. 3. §. idem Divus. ubi Bart. de testib.*

His exceptis, de omnibus quæ non sunt contra juris dispositionem licitè instrumenta conficiuntur. *Bald. ibid. n. 17.*

In instrumento à Tabellione conscribendo, hodierna praxis octo requirit: 1. Invocationem nominis divini. (Quæ de Jure non est necessaria: *fac. Nov. 47. c. 1. Nov. 73. c. 5. Covarr. pr. qu. 10. num. 1.*) 2. Annum à Christo nato, vel incarnato, prout loci consuetudo exigit. 3. Romanam indicationem: 4. Mensem & diem rei gestæ: 5. Nomen Imperatoris aut Principis, in cujus ditione instrumentum fit: 6. Rerum gestarum seriem: 7. Nomina testium: 8. Subscriptionem, & signum tabellionis. *Specul. de instrum. edit. §. 2. in pr.*

Subsignatio tam contrahentium, quam testium in publicis instrumentis ad muniendam eorum fidem non requiritur. *Salic. in l. contractus, 17. n. 3. C. hic. nisi cum lex expressè eam requirit. ut in l. 31. C. de don. l. 21. C. de testam. Omnino necessaria est in privatis, quia hoc solo munimento ad fidem faciendam, Panorm. post Innoc. in c. 1. n. 4. de his quæ fiunt à prel. sine cons. cap. proficiunt.*

Producuntur instrumenta in judicio, post litem contestatam, *Spec. de instr. edit. §. nunc dicamus. n. 2.* exceptis iis, quorum in libello fit mentio. Ea enim unâ cum actione petenti adversario sunt edenda. *l. 1. §. 1. & §. 3. de edend.*

Facienda productio sollemniter & in iudicio, *Castr. in l. 1. §. 15. post Gl. de edend. & parte adversa ad id citata. Bald. in l. sancimus. & l. iudices. C. de jud.*

Fieri potest usque ad conclusionem in causa; *c. cum dilectus. 9. de fid. inst. Marant. in spec. aur. par. 6. n. 8. & n. 26. nisi iudex certum tempus disertè præstituerit, intra quod omnia instrumenta sint producenda. Spec. de instr. edit. §. nunc dicamus. in pr. per text. in d. c. cum dilectus.*

Fiunt instrumenta, vel ad sollemnitatem actus perficiendam, quando scilicet scriptura necessaria est; *c. 1. ubi Gl. de cens. in 6. vel ad cautionem probationis, videlicet ut in promptu semper habeatur probatio. c. Albertus. de testib. l. 4. de pign. l. 10. l. seq. C. hic. Bald. in rub. C. eod.*

Ex instrumento duæ præcipuè oriuntur præsumptiones: quod sit verum: quod sit solenne: *Bald. in l. 1. in pr. C. de test. l. 14. C. de contr. & com. stip. l. 18. C. de prob. Quæ plenam fidem faciunt in iudicio. l. 15. C. hic. Nov. 73. c. 1. Nisi contra instrumenta excipiat.*

Excipitur autem; quod sint invicem contraria producta; *l. 14. C. hic. falsa; l. 18. c. de probat. l. 2. 3. C. hic. à non Tabellione, vel non rite facta; cancellata; rasa; innovata; Specul. de instr. edit. §. instrumentum. num. 1. & §. repetit. in princ. &c.*

Imò publica instrumenta, testibus præponderant, *l. 10. de prob. l. 31. C. de donat. l. 22. ubi Bald. C. de Episc. & cler. nec contra instrumenta testes interrogari possunt, nisi cum tabularum fides arguitur: Paul. lib. sent. 5. t. 15. Non tamen obtinent vim sententiæ, sed probationis. Unde nec executionem paratam habent ut sententia; nisi ubi illud aut pactione conventum est, aut statuto, consuetudineve, obtentum: l. 40. de minor. l. ult. C. de pos. Ang. in l. omnibus. C. de jud. Bald. in l. 1. & 2. C. de exc. rei jud. quæ instrumenta guarentigionata appellantur. vid. Bart. & Dd. in l. si quis pecunias. C. de pos. Bald. in l. 1. C. de exc. rei jud.*

Quod dixi plenam fidem facere instrumentum,

accipi oportet de authentico, *l. 2. l. ult. hic. Auth. si quis. ubi Bald. C. de edendo. Gl. in Nov. 127. c. 2. ad verb. monumenta.* & de his quæ dispositivè in instrumento posita sunt; non de illis quæ enuntiativè & incidenter narrantur. *Inn. in c. cum in jure. n. 7. de off. & pot. jud. deleg.*

Exempla regulariter fidem non faciunt, sed tantum conjecturam inducunt, & suspicionem. *Gl. in l. sicut. 5. ad verb. facile. C. hic. Dd. in d. Auth. si quis.*

Et hæc in publicis obtinent: in privatis instrumentis, quantam fidem mereantur, certa regula tradi non potest.

Libris quidem argentariorum & rationibus, puta civitatum, collegiorum, hodiè in rebus alienis creditur, *l. census. de probat.* in juribus verò ipsius civitatis probandis plenè non creditur, nisi cum in archivum publicum sunt redactæ. *Ias. in rep. l. admonendi. n. 137. de jurejur. Bald. in l. exemplo. 7. C. de prob.*

Multò minus creditur scripturis & rationibus quas mercatores, aut rei alienæ administratores conficiunt, *Bald. in rubr. C. hic. n. 33.* Nisi contra scribentem producantur. *l. 26. §. fin. de pos. Ias. in d. rep. l. admonendi. n. 114. cum seq.*

Sic multo minorem fidem faciunt literæ privatæ extra rationes, *vid. Bart. in l. admonendi. n. 34. cum seq. de jurej.* Nisi contra scribentem producantur, *d. l. 26. §. fin. Auth. si quis. C. qui pot. in pign.* aut contra eum qui eas acceptavit, *Bald. in d. rubr. n. 3. Lanf. in c. quoniam. ad verb. instrum. n. 50. de prob. per l. si filius. ad SC. Maced.* aut nisi subscriptione trium testium, vel contrahentium, vel vetustate temporis, vel judiciariâ cognitione, sint roboratæ. *Bald. in d. rubr. n. 44. & 45. C. hic.*

Doctores tamen instrumenta privata quæ nullos testes habent (quorum variæ sunt species; puta rationes, privatæ annotationes, apochæ, antapochæ.) pro scribente semiplene probare volunt; si altera pars eandem scripturam ejusve partem produxerit: *l. 17. ubi Gl. & Dd. C. de testib.* si sint antiqua, si scriptor

scriptor nobilis, aut integræ famæ fuerit; mors scriptoris fidem scripturæ auxerit. *vide Menoch. conf. 402. num. 46. & seqq. Myns. cent. 5. obs. 79.*

Instrumenta stricti juris sunt, *Socin. conf. 73. vol. 1.* nec recipiunt extraneam interpretationem: sed eam quæ ex verbis desumitur, & quod illis non continetur, habetur pro omisso. *l. 21. ubi Bald. C. de prob.*

Unde rectè dicitur, non adjuvari scripturâ eum, qui illâ non continetur. *Bald. in d. l. 21.*

Item quod instrumentum non dicit, nec nos dicere atque inferre debere. *Bald. in l. interest. 21. n. 2. C. de solut. & conf. 189. vol. 2.*

Nec extendi solet extra ea de quibus Notarius rogatus est, & quibus interfuit. *l. prædia. 48. ubi Bart. de acq. poss.*

Ut autem instrumentum tantum iis prodest qui nominantur, non aliis, *Bald. in d. l. 21. Bart. in d. l. admonendi. n. 32.* ita nec aliis obest, nec contra alios probat. *Bald. in Auth. si quis in aliquo. C. de edend.*

Literarum tamen monumenta ad successores, vel juris, vel rei etiam singularis, extenduntur, & contra hos vel pro his, peræque fidem faciunt, atque contra authorem cujus jure utuntur. *Bald. n. 1. Castr. n. 2. in l. 21. C. de probat.*

Amisso instrumento, obligatio eo contenta non extinguitur, nec est inutilis, sed aliis quibuscunque modis probari potest. *l. 1. C. hic. l. 18. C. de testib.*

De testibus.

T I T. V.

IN probatione facienda testi æque creditur ac instrumentis. *l. 15. C. de fid. instr. Nov. 73.*

Testis est, qui de aliquo facto controverso testimonium dicit, vel alicui actui adhibetur, ut possit de eo, quandocunque opus erit, testimonium dicere.

Testimonium est ipsius testis asseveratio.

Quia verò testes ad veritatem eruendam adhibentur, *c. 1. testib. cogen.* ex cujus occultatione nulli jus suum inverti publicè utile est; *c. fin. eod. l. 22. hic.* idèd testimonii dictio quodammodò juris publici est. *d. l. 22. t. t. Ext. de test. cog.*

Quare in judiciis omnes regulariter à Judice competente (Id est, ab eo cujus jurisdictioni subjei sunt: Alioqui impune ei non parerent. *l. ult. ff. de jurisd.*) vel ejus delegato, coguntur esse testes, *Ext. de testib. cog. Spec. de teste. §. 13. n. 5.* tam in civilibus, (hodie, non olim.) quam in criminalibus causis: *l. 16. l. pen. in pr. C. hic.* nisi vel prohibeantur, vel excusentur. *l. 1. §. 1. ff. eod.*

In contractibus non coguntur, nisi testium inopiâ, magistratus ex officio, negotiorum expediendorum causa, testes præbeat. *l. 22. eod. Reuber. in tract. de testib. par. 2. n. 168.*

Prohibentur omninò esse testes. 1. Pupillus; *l. 3. §. pen. hic.* præterquam in crimine læsæ majestatis: *l. 10. de quæstion.* 2. Furiosus, præterquam tempore dilucidi intervalli: *l. 20. §. ne furiosus. qui test. fidei. poss.* 3. Infamis, *c. 54. Ext. hic. l. 3. §. pen. hic.* nisi rei necessitas exigat; ut, quia deficient alii testes, quo casu admittitur ejus testimonium, sed non sine tormentis: *l. 21. §. si ea. hic.* 4. Servus: *l. 11. C. eod. Nov. 90. c. 6.* verum si aliæ probationes deficient, ejus responso credendum est, *l. 7. hic.* id est, quæstioni. *l. 7. de probat.*

Quidam in certis tantum causis repelluntur: Ut, 1. nemo potest esse testis in re sua. *l. 10. ff. l. 10. C. hic.* 2. Nec domesticus, *l. 3. C. eod.* neque pro domestico, *l. pen. hic.* neque contra domesticum, nisi in crimine læsæ majestatis, *l. ult. §. 1. & l. 6. §. 2. C. ad l. Iul. majest.* vel adulterii; vel fraudati census, *l. 1. C. de quæst.* vel crimine domestico, quod non facile per extraneos testes probari potest: *l. 22. C. de adm. tut. l. ult. C. de fidei. 3.* Non auditur testis contra eum, cui est, aut præsumitur esse, inimicus capitalis, ut, quia inter eos fuit judicium criminale, *Nov. 90. c. 7.* vel, quia testimonium contra eum antea, in judicio criminali, dixit: *l. 23. hic.* 4. Nemo potest

test eum testem producere, cui, ut testis fiat, impedire potest. *l. 6. eod.* Qualis est domesticus, id est, in alicujus domo vivens & ejusdem imperio & potestati obnoxius: *l. 6. hic. l. 25. § 2. l. 31. § 15. ff. de Edil. Edict.* ut sunt pater & filius; *l. 5. l. 6. ff. quod ejusque. l. 9. hic.* maritus & uxor; libertus, patronus; servus, dominus; mercenarius & is apud quem quis degit. *Farin. qu. 54. n. 250. & 139. & seq. Duar. 1. disp. 28. §.* Judæi & hæretici, contra orthodoxos produci in judicio testes nequeunt: *l. pen. C. de heret. Nov. 45.* nisi sit quæstio de conditione curiali. *d. Nov. 45. §.* 6. In causis criminalibus non possunt esse testes minores viginti annis, *l. 20. hic.* rei publicorum criminum, *d. l. 20.* socii & participes criminis. *l. 11. C. eod.* 7. Mulier in testamentis: *l. 20. §. 1. qui test. fac.* & in causis feudalis, *lib. 2. Feud. tit. 32.*

Testimonium illustres dicere non tenentur, nisi ex speciali jussu Principis. *l. 16. in pr. C. hic.*

Excusantur à testimonio dicendo. 1. Cognati usque ad septimum gradum. 2. Affines, qui inter se loco parentum & liberorum sunt; ut, socer, gener, vitricus, privignus: & ex sponsalibus quasi affines, ut, sponsa filii, & pater sponsæ. 3. Patronus, patrona, libertus, liberta. *l. 4. ubi Gl. & l. 5. hic. l. ult. in pr. de gradib. Wesf. hic. n. 3.*

Volentes admittuntur, etiam intra tertium gradum sed transversalem. *Hipp. sing. 133. Ang. conf. 193. Ioan. And. in c. nonnulli. de rescrip.* etiam in causa criminali: *Bart. in tr. testium. verb. consanguineo. vid. in l. parentes. C. hic. Spec. de teste. §. 1. n. 9.*

Sed quoties recipiuntur, toties in actis ponendum volentes esse examinatos, ut impugnatio evitetur. *Bald. in l. presbyteros. C. de Episc. & Cler.*

In causa civili mediatores (id est, proxenetae, vel arbitri compromissarii, *Reuber. d. tract. de testib. par. 2. n. 104.*) non coguntur testimonium dicere; nisi utraque parte consentiente. *Nov. 90. c. 8.*

Quo minus quis ad judicem testimonii dicendi

causa venire cogatur, excusat 1. Absentia, præsertim si longum iter sit, neque consuetudo requirat testes evocari. *l. 3. §. ult. hic.* Sed iudex hoc casu disquiret, utrum testes evocare debeat, an procuratores partium eò destinare ubi testes sunt, ut ibi testimonium feratur: *l. 16. C. eod. l. 18. C. de fid. instr. Nov. 90. c. 3.* 2. Militia: *d. l. 3. §. ult. & l. 8. hic.* 3. Dignitas, *l. 15. de jurejur.* ut Episcopatus. *Nov. 123. c. 7.* 4. Sexus muliebris, si mulier sit honesta: *l. 2. §. 1. C. de jurej. propt. cal. dan. Nov. 124. c. 1.* 5. Imbecillitas corporis ob adversam valerudinem, vel senectutem: *d. l. 15. d. l. 8.* 6. Inopia. *c. si qui testium. 8. Ext. hic.*

Hæc ita obtinent in causis civilibus, non omnino in criminalibus; in quibus necessaria videtur testium præsentia: *d. l. 3. §. 3. hic. Nov. 90. c. 5. in fin.*

Examinantur testes de factis, causarum tam criminalium quam civilium, *l. 1. hic. c. de testibus. 29. c. 54. hic.* ad quæ se testes referre debent. *Alex. cons. 248. ad prædicta. n. 6. per l. stipulatio. §. hi quoque. 3. de V. O.*

Nec enim jus, quod certum est, *l. 2. de jur. & fact. 19n.* testium approbatione indiget, *Bald. in add. ad Spec. §. nunc videndum. in pr.* Nisi quando cum facto aliquo est conjunctum, ut in consuetudine probanda.

Est & extra iudicium testimoniorum usus; puta in probanda nativitate, statu, *l. 6. C. de fid. instr.* moribus cujusque, *Inn. in c. 1. n. 10. de fid. instr. Spec. de probat. §. 1.*

Testificari debent testes, super articulis duntaxat propositis. *Gl. in l. 7. de pet. har. Bart. in tract. testium. §. qualiter. n. 3.*

Examinantur etiam super interrogatoriis adversæ partis, *c. 2. hic. in 6.* item connexis, *Bart. d. §. qualiter. n. 3.* & circumstantiis loci, temporis, *l. 14. l. antep. C. de contr. stip. l. 5. §. 1. quod vi aut clam. Spec. de teste. c. de inter. n. 10 11. & 12.* non de re ignota, *Spec. §. 1. n. 8.* aut facto alieno, *Spec. de interrog. n. 20. per l. Marcellus. §. 1. rer. amot. neque verisimili, l. 21. hic.*

hic. sed de facto proprio: hoc est, de eo quod per aliquem sensum corporis rectè & verè perceperunt, & percipere atque cognoscere potuerunt. *l. 18. C. hic. Bart. in l. 3. §. ejus. n. 2. hic.*

Nam ex certa scientia, non verò super credulitate, *c. relatum. Ext. de test. Spec. §. 1. n. 58.* aut auditu auditus; *Gl. in l. 2. §. 8. de aq. plu. arc. Spec. §. nunc tractandum. n. 8. hic.* seu de auditu alieno, *Nov. 1. c. 2. l. testium. ubi Gl. & Dd. C. hic.* testimonium perhibendum est. *d. l. testium. Spec. §. 1. n. 1. n. 55 54.*

Testes producendi demum post litem contestatam; *c. 1. c. 2. ut lit. non cont. Spec. de test. §. 2. in pr.* nisi cum ad æternam rei memoriam examinantur; *c. quoniam. eod.* aut aliâ justâ causâ; puta, valetudinis, senii; peregrinationis, accelerationem examinationis urget; *d. c. quoniam.* aut periculum sit in mora; ut in causa matrimonii; ne conjugum alter qui ad vota properat, diutius eludatur; *l. 2. C. de sponsal. vel in electione Prælati confirmanda; ne Ecclesia, Pastore destituta, damnum patiatur. c. 41. de electione.*

Alias verò judex, lite demum negativè contestatâ probationem fieri decernit; *l. 4. ubi Bart. C. de dilat. sumptibus producentis. l. 11. C. hic. Spec. d. §. qualiter. n. 12.*

Qui; facto ejusmodi decreto, testes nominare, & ut examinentur postulare, *l. 18. C. de fid. instr. l. 4. §. hoc. 5. ubi Bart. de dam. inf. ac articulos, de quibus interrogentur, congruentes libello, Spec. de testib. §. nunc videndum. n. 1. 3. 4. in scriptis, Spec. eod. offerre debet.*

Quo facto judex per se; *Spec. de test. §. de examinatione. n. 2.* aut, si testes longè remoti sint, per subsidium juris, implorato loci illius iudice; *l. 18. Auth. apud eloquentiss. C. de fid. instr. Spec. eod. §. 1. n. 45.* aut si personæ egregiæ sint, vel debiles, missio ad eas notario; *l. 15. de jurejur. c. 1. c. cum olim; Ext. hic.* examinationem ita instituet, ut & testes citet, *l. 3. §. fin. hic.* iisdemque, si necesse fuerit, securitatem præstet, *Spec. d. §. qualiter. n. 13.* & adversæ parti examinationem denunciaret, *c. 2. Ext. hic. Auth.*

Id est. C. hic. eaque præfente, vel contumaciter absente, *Spec. d. §. n. 12.* testes recipiat, & ab iisdem iurandum de veritate citra affectionem, ad totam causam, *Bart. n. 8 9. Cast. Iaf. in l. si duo. 8. §. idem Iulianus. de iurejur. Spec. de test. §. 1. n. 65.* dicenda exigat; *l. 9. C. hic. l. 18. C. de fid. instr. Nov. 90. c. 1. Spec. eod. §. sequitur.* idque intra terminum productioni præstitutum; *vid. l. 1. C. de dilat.* articulos probatorios adversæ parti communicet, ut interrogatoria (quæ producenti non communicanda. *Spec. de test. §. jam de interrogatoriis. Bald. in l. 2. C. ut lit. pend. Rom. sing. 266. Duen. in reg. 5. cum foll.*) concipere atque exhibere, *c. 2. hic. in 6. Spec. d. §. jam.* & protestationem de excipiendo contra testes facere, *Spec. §. 1. n. 41.* opportunè queat: quibus perfectis iudex clam partibus, *l. 14. C. hic. Spec. §. nunc tractandum. n. 1.* (secundum vulgarem, sed erroneam, *Nov. 90. c. ult. l. pen. C. hic. l. 18. C. de fide instr. l. 27. §. quaestioni. ff. ad l. Iul. de adult. licet usu approbatam, Guidelin. lib. 2. de jur. noviss. c. 10. Doctorem sententiam.*) adhibito tantum notario qui dicta consignet, *Spec. eod. §. n. 1. & 2.* figillatim, *Spec. d. §. per Nov. 90. c. 4.* testes examinet; & religiose super omnibus articulis atque interrogatoriis, & causæ scientiæ, *c. 37. Ext. hic. Dd. in l. sola. C. hic. Spec. §. 1. n. 60.* interroget. *l. 7. in fin. ubi Gl. & Bart. de hered. pet.*

Si tamen iudex videat articulos, aut interrogatoria parum rectè concepta esse, potest ex officio super tota causa (dummodò super tota sit iuratum, *c. 29. Ext. hic.*) testem examinare, & impertinentium articulorum vel interrogatoriorum nullam rationem habere. *Spec. de interrogat. §. 3.*

Examinatione peractâ & diligenter per notarium consignatâ, operam iudex dare debet, ut partes ulteriori productioni renuncient: *Spec. §. satis. in pr. & §. ult. & coram illis, ad id citatis, attestations aperiantur & publicentur, Spec. d. §. satis. & copia attestatorum litigatoribus communicetur, quo contra excipere, aut pro illis dicere alterius possint. Spec. §. sape. n. 3.*

Testes:

Testes (si omni exceptione majores) æque magnam fidem faciunt, atque instrumentum publicum: *l. 15. C. de fid. instr.* scilicet quando duo, vel tres, cum minimum, idem asseverant, *l. 12 hic.* cumque idoneam testimonii & scientiæ suæ rationem reddunt.

Qui eam non reddunt interrogati; ne præsumptionem quidem ullam faciunt. *l. sola. ubi Dd. C. hic. Spec. §. 1. n. 60. 61.*

Sin autem de ea interrogati non sint, in his quæ sensibus quidem sunt exposita, fidem merentur: in illis verò quæ tantum intellectu comprehenduntur nequaquam. *Bart. in tr. test. §. 2. & §. conventiculum. Bald. & Dd. in d. l. sola.*

Uni affirmanti plus creditur, quam decem negantibus: *Gl. in l. 27. §. si plures. de recep. arb. Bald. in l. 1. C. hic. Socin. in full. reg. 426.*

Si separata ac diversa dicant, ita ut eorum dicta conjungi nequeant, *Bald. in l. testium. & l. 8. n. 12. C. hic. Alex. conf. 53. in casu. vol. 1.* tunc veluti singulares, etiam si plures sint, integrè non probant. *c. licet. 23. c. licet. 47. Ext. eod. Hip. sing. 11.*

Cæterum in universum hæc tota res pendet judicis ab arbitrio: cujus est prudenter æstimare, quantum fidei testibus adhibere debeat. *l. 3. §. 1. l. 21. §. fin. hic.*

Quod ex fide, dignitate, moribus, fortuna, constantia, religione testium, *l. 1. §. fin. l. 3. §. 1. l. 21 §. fin. hic. ubi Bart. l. 4. l. 18. C. eod.* non tantum ex testimoniorum verisimilitudine & congruentia, *d. l. 3. §. 1. d. l. 21. §. fin.* est ponderandum. Testibus enim, non testimoniis, est credendum. *l. 3. §. 3. hic.*

Est & illud providi judicis, examinatorum dicta, quoad ejus fieri potest, conciliare, ut valeant potius, quam pereant: *c. in nostra. 32. c. cum tu. 16. Ext. hic. Spec. de interrog. n. 11. & in benigniorem partem, l. 125. de R. I. c. ex literis. 3. Ext. de fid. instr. Spec. §. 1. n. 51.* ac maximè pro reo, nisi causæ favor diversum postulet, *c. cum tu. Ext. hic.* interpretari: *c. fin. de re jud. l. 85. de R. I. Spec. de testam. §. 1. n. 51.* ac, ubi aperta est contrarietas, potioribus atque pluribus,

300. *Digest. Lib. XXII. Tit. VI.*
potiorem fidem adhibere. *vid. Spec. in §. postquam.*
n. 2. 3. 4. 5. 6. 7. Bart. in tr. test. c. de contrarietate. incip.
cum test.

Qui testem seimel probavit, eum postea, nisi ex
nova causa, reprobare non potest. *l. 17. C. hic.*

Sic qui testem pro se produxit, cogitur eum con-
tra se admittere. *d. l. 17.*

De juris & facti ignorantia.

T I T. VI.

Ignorantiæ præsumptio ab onere probandi rele-
vat, *l. 21. de probat.* donec contrarium probetur.
l. 6. ubi. Bart. C. qui milit. poss. lib. 12. l. 7. §. 1. de
accus.

Ignorantia alia juris est, alia facti. *l. 1. hic.*

Facti, quæ est error rei gestæ, versatur vel circa
factum proprium, vel alienum. *l. 7. ad SC. Vell. l. 3.*
hic. l. fin. pro suo.

Proprii facti, scilicet præteriti, aut præsentis, non
futuri, ignorantia, tolerabilis non est, nec licet
cuiquam prætendere ejus errorem. *d. l. 7. Gl. &*
d. l. fin.

Est enim supina ignorantia, quæ excusationem
non habet. *l. 3. 6. hic.*

Et quidem in lucro captando nunquam excusat:
l. 46. ubi Alex. de furt. omnino in damno vitando:
l. 22. ubi. Gl. l. 2. ubi. Gl. de cond. ind. ut & si quæ-
stio est de facto admodum antiquo, puta gesto in
tèneriore ætate; *l. 44. ubi Dd. de acq. poss.* aut intri-
cato, *Bart. in l. quod jussit. n. 62. de re jud. per l. 7. de*
confess. cujusve oblivio facile obrepit. *l. 11. de acq.*
poss. Ias. in d. l. quod jussit. n. 51.

Hæ enim circumstantiæ ad hoc profunt, ut im-
minuant præsumptionem juris, & admittant
probationem ignorantie per conjecturas & jusju-
randum; *Gl. Bart. & Dd. in l. si cui. §. iisdem. ad*
verb. doceatur. de accus. Non onus probandi de-
rivent in adversarium, cum alioqui juramenti pro-
batio non admittatur. *Ias. in §. sed ista. n. 89. Inst.*
de action.

In re aliena probabilis est ignorantia; *l. fin. pro suo.* cum & prudentissimos alieni facti interpretatio sæpe decipiat. *l. 2. hic.*

Quare excusationem meretur, nec cuiquam nocet in delictis, *Bald. in l. error. C. hic Bart. in l. fin. si quis testam. lib.* (nisi quis det operam rei, quam scit, vel scire debet, esse illicitam. *Bart. in l. 18. §. pen. de injur.* Id est, nisi præcedat aut concurrat culpa:) in mora, *Alex. in l. quod te, si cert. pet. præscriptionibus, l. pen. ubi. Bald. C. qui admitt. ad bon. usucapionibus, l. 4. hic. transactionibus, l. 6. C. hic. divisionibus, contractibus, l. 9. C. hic. solutionibus, l. pen. §. pen. §. fin. hic. coudictionibus, l. 10. C. eod. tam in commodis denique adipiscendis, quam in damnis vitandis. l. 8. l. pen. ff. l. 7. C. eod.*

Quod verum antequam negotium planè est finitum. *d. l. 7.*

Nam ubi causa ignorantie quasi transacta est, *l. un. ubi Sal. Ias. C. de error. calc. per rem judicatam, l. 4. C. de re jud. transactionem, l. 1. & 2. C. de transact. aut similem modum, negotium semel sopitum, istiusmodi prætextu non instauratur. l. 7. C. hic.*

Verum item est in ignorantia justa, non supina negligentia. *l. 3. 6. hic.*

Qualis est non scire, quod omnes in civitate sciunt, *c. 1. de postul. præl. Gl. in c. nulli. de elect. in 6.* (nisi sit valetudinarius, *Bart. in l. 15. potest. de acq. her. absens, Bart. eod.*) aut affectatâ ignorantia, *Card. in clem. 1. n. 8. q. de consang. & cum aliqua ignavia culpa conjuncta. Bald. in l. quamdiu. C. qui admitt. ad bon. Bart. in l. genero. de his qui not. inf.*

Ignoscitur tamen in hisce plerumque minoribus vigintiquinque annis, foeminis, militibus, rusticis. *l. pen. ff. l. 1. l. fin. C. hic.*

Probatum regulariter ignorantia, eo ipso quod non probetur contrarium, *l. super. 6. ubi Bart. C. qui mil. non poss. lib. 12.* quia semper præsumitur facti alieni ignoratio, donec probetur scientia. *l. 21. de prob. c. præsumitur. de R. I.*

Cum tamen alicui adversatur præsumptio juris, tunc per conjecturas, *c. ut circa. de elect. in 6. Alex. in d. l. si cui. 7. §. 1. de accus. vel per juramentum, Gl. in d. l. si cui. §. 1. ad verb. doceatque. probari ignorantia potest. c. præsentium. de testib. in 6.*

Juris ignorantia est, cum jus nostrum ignoramus. *l. 3. 7. hic.*

Est, vel juris Naturalis, seu Divini. Quæ nunquam excusationem meretur, sed semper obest, *l. 2. C. de in jus voc. l. 38. §. 3. de adult. Card. clem. 1. q. 6. de consang. etiam mulieribus, d. l. 38. in pr. rusticis. Ias. in l. 7. n. 32. de jurisd.*

Vel juris Positivi. *Gl. in l. 9. ad verb. regul. hic. Quæ in lucro non prodest, nec excusationem habet. l. 4. l. 7. cum ll. seqq. ff. l. 10. C. hic.*

Petentibus tamen rem propriam non incommodat: *l. 7. hic.* Nam in damnis amittendæ rei suæ, juris error nemini obest. *l. 8. eod.*

In pœnalibus error juris non excusat à pœnis lætæ culpæ, *l. 11. §. fin. de his qui not. inf. scilicet cum ea tendit in alterius injuriam: Bart. in d. l. 38. ff. n. 14. excusat tamen à pœnis doli. Bald. in l. sicut. C. de præscr. 30. ann. Corn. conf. 177. in hac. vol. 2.*

Præsumptio juris contra eum est, qui juris ignorantiam allegat: *Castr. conf. 189. l. quemadmodum. C. de agr. & cens. lib. 11. quia omnes jus scire debent, l. leges. C. de legib. excusantur minores viginti quinque annis, l. pen. ff. l. 2. C. hic. milites, l. 1. C. eod. quandoque fœminæ, l. 11. C. d. l. pen. hic. rustici, l. 7. ubi Gl. de jurisd. quando peritiores consulere non poterunt. d. l. pen §. 2. l. 6. ubi Bald. C. qui admitt. ad bon.*

Alias error juris probandus, ut, si postea admoniti se probent destitisse, *Bart. in d. l. 38. n. 13. & in l. 2. de confess. vel demonstrent jus esse minus frequentatum, Alex. in l. non fatetur. de confess. aut dubium. Felin. in c. 2. de re jud. Corn. conf. 181. vis. par. 3.*

Ad juramentum hic non admittuntur; quia contra eos stat juris præsumptio. *Ias. in §. sed ista. n. 89. Inst. de adtion. Gl. in l. fin. ad verb. præsumptio. de eo quod met. caus.*

D I G E S T O R U M

L I B E R XXIII.

De sponsalibus.

T I T. I.

Sequuntur contractus omninò personales; id est, quibus ipsæ personæ invicem quasi communicantur, & una alteri creditur: inter quos primum locum obtinent sponsalia.

Quæ hic sunt mutua repromissio futurarum nuptiarum, ritè inter eos, quibus jure licet, facta. *l. 1. hic.*

Dicta à spondendo, quia veteribus moris fuit stipulari, & spondere futuras uxores, *l. 2. eod.* undè sponsi sponsæque appellatio nata: *l. 3. eod.* sed hodie nudo consensu fiunt, *l. 4. eod.* Consensu puta tam contrahentium quam quorum in potestate sunt. *l. 7. §. 1. l. 11. hic.*

Qui expresse, an tacite; id est, verbis, aut non contradicendo, nutu, vel aliis indiciis, *c. 23. eod.* exprimitur, nihil interest. *l. 7. l. 6. l. 12. l. 13. ff. eod.*

Alia, de Jure Canonico, dicuntur de futuro; cum verba in futurum tempus concipiuntur; nec continent in se consensum purum & absolutum, sed cum tractu temporis; ut; *Ego te in uxorem accipiam;* aut arrhæ tantummodo dantur. *l. 3. C. hic.* Qualia Jus Civile tantum agnoscit. Alia de præsentì; cum verba in præsens tempus concipiuntur; & purum absolutum & præsentem consensum continent: ut, *Ego te in uxorem accipio. c. pen. ext. hic.*

Hæc verba de præsentì, si ab impuberibus proferantur, faciunt vera sponsalia; quia, cum ab illis non possit contrahi matrimonium, resolvuntur, interpretatione juris, in sponsalia de futuro: *c. un. Ext. eod. lib. 6.* cum proferuntur à puberibus, faciunt de Jure Civili matrimonium: si quidem illud
solo

solo consensu efficitur. *l. pen. de don int. vir. & ux. l. 15. de cond. & demonst. l. 30. de R. I.* De Jure Canonico tantum sponsalia, puta respectu executionis matrimonii & futuræ copulæ, quæ in eis spondentur. *Abb. inc. pen. hic.*

Nempe hoc jus proprie matrimonium appellat quod coitu est consummatum : quippe quod ante illum adhuc dissolvi possit, tanquam re aliquatenus integra : ut si alteruter contrahentium vitam religiosam amplectatur ; aded ut tum alteri alias liceat nuptias contrahere. *c. ex publico. de convers. conjug.*

Cum verba sunt ambigua, pro matrimonio fit interpretatio. *c. tua. 26. hic. c. continebatur de despons. imp.*

In actibus enim quæ pendent à mera voluntate & dispositione loquentis ejusmodi verba pro præsentibus accipiuntur. *Panor. in c. quemadmodum. per illum text. de jurejur.* Providi tamen & prudentis erit Judicis, & ex personarum & rerum circumstantiis æstimare, quid inter partes verisimiliter actum fuerit.

Contrahuntur sponsalia absque verborum solennitate, solo consensu, *l. 4. l. 7. l. 11. hic.* tam eorum qui conjunguntur, *d. l. 11. l. 6. l. 13. eod.* quam quorum sunt in-potestate, *l. 7. l. 11. cum ll. seqq. eod.*

Filia à patre nequit dissentire, nisi cum indignum moribus sponsum ipsi pater elegerit, *l. 12. eod.* alias dissentiendo justam ingratitudeis atque exhæredationis præbet causam. *Nov. 115. c. 3. §. 11.*

Quod nec jure Pontificio, nec moribus nostris obtinet ; *c. 1. ubi Dd. de despons. Imp.* Nempe matrimonia omninò debent esse libera. *c. cum locum. 14. c. gemma. 29. de spons.* Quia invita difficiles solent habere exitus. *c. 17. c. 19 hic.*

Possunt sponsalia contrahere qui & nuptias. *l. 15. hic.*

Quamquam impuberes, etsi non rectè conjungantur, *l. 9. hic.* tamen sponsalia, dilatis ad pubertatem nuptiis, rectè contrahunt : dummodò intelligantur.

ligant, quod agunt, puta: non sint minores quam septem annorum. *l. 14. eod.*

Contrahi possunt, vel inter præsentes, vel inter absentes, vel per nuncium, vel per epistolam, *l. 4. l. ult. hic.* per se, vel per alium, *d. l. ult.* adhibitâ, vel omisâ scripturâ, *d. l. 7. in pr. purè, c. 2. Ext. eod.* vel adjectâ die, *c. sicut ex litteris. c. de illis. ubi Abbas. num. 5. hic.* vel sub conditione: *c. 3. & 6. de cond. appof.* Honestâ putâ; ut *Si Pater voluerit; Si dederis mihi centum*: Ea enim quousque impleatur suspendit sponsalia. *c. de illis, c. super eo. c. per tuos. de cond. appof.* Turpis; si sit contra matrimonii substantiam; ut, *Contraham tecum donec meliorem, nobiliorem, aut ditiozem te invenero*: *Si generationem prolis evitabis*: *Si pro quæstu te adulterandam dabis*: annihilat sponsalia. *c. fin. eod. c. aliquando. c. solet. 32. qu. 2.* Si non sit contra matrimonii substantiam; ut *Si furatus fueris; Si occideris*: pro non appositâ habetur. *d. c. fin.*

Sponsalia de futuro spem certam & jus matrimonii futuri inducunt: *l. 13. §. Divus. ad L. Iul. de adult.* aded ut sponsus mariti, sponsa uxoris loco habeatur: *l. 58. de jur. dot. l. lex Iulia. de fun. dot. l. 15. §. sponsa. de injur. l. non sine. C. de bon. quæ lib. d. l. 13. in favorabilibus: non strictis. l. oratio. ubi Bald. hic. Bart. in l. nihil. rerum amot. Bald. in l. ult. C. unde vi.*

Olim licuit siue ulla pœna, *l. 34. de V. O.* pœnitere alterutri personæ, aut ejus patri: *l. 1. C. hic. l. 10. ff. eod.* hodie qui pœnitet, arrhas quas dedit, amittit, aut acceptas tenetur reddere duplicatas; *l. fin. C. eod.* Si quidem is major sit: sin minor, in simplum tantum restituit: sin pater vel frater ejus pœnitet, in duplum. *l. 5. in pr. §. omnia C. hic.*

Jure Pontificio ne pœnitere quidem licet: *c. ex litteris. Ext. eod.* nisi sponsalia mutuo dissolvantur consensu, *c. 2. Ext. eod. ubi Panor.* aut justissima aliqua ex causa, puta de fornicitatis subsecutæ, *c. ult. de conjug. lep. stupri subsecuti: d. c. quemadmodum. de jurejur. ex præcedente non distrahuntur. d. c. quemadmodum.*

Spon-

Sponsalia de præsentis, ne mutuâ quidem voluntate, justave aliqua ex causa dissolvuntur: quia in matrimonium transeunt, *c. pen. Ext. hic. c. 1. c. 3. de spons. duo.* ut & illa quæ concubitus subsequitur. *c. is qui fidem. c. pen. Ext. eod. c. 1. de spons. duo.*

De ritu nuptiarum.

TIT. II.

Nuptiæ seu matrimonium (utroque enim vocabulo promiscue utimur, *l. 10. l. 11. hic. est.* (ut Imperator. *In §. 1. Inst. de nupt. definit*) viri & mulieris conjunctio, individuum vitæ consuetudinem continens: Vel, (ut definit Modestinus *in l. 1. hic.*) conjunctio maris & fœminæ & confortium omnis vitæ, divini & humani juris communicatio.

Matrimonium, est aut publicum, aut clandestinum. Quod quidem non contrahi, *t. t. de clandest. despons. c. 30. q. 5.* contractum tamen dissolvi nequit. *c. fin. 28. q. 1. c. nec illud. §. sed objiciens. 30. q. 5.*

Est & canonibus aliud legitimum & non ratum, aliud legitimum & ratum, aliud ratum & non legitimum.

Legitimum dicitur, & non ratum, quod inter Judæos & infideles contrahitur, juxta leges Mosai-
cas & forenses cujusque loci.

Conjugium ratum & legitimum, est quod fideles, servatis legum & canonum solennitatibus, celebrant. *c. fin. 28. q. 1. c. quanto. de div.*

Conjugium ratum & non legitimum est, quod Christiani & fideles citra solemnitates canonicas contrahunt.

Deinde aliud dicitur initiatum, videlicet consensu: aliud consummatum, scilicet carnali copula. *c. 2. de conver. conjug. c. statutum. cum seq. 27. q. 1.*

Est conjugium origine & affectione juris naturæ: institutione juris divini: consensu juris gentium: forma & solennitate juris civilis.

Nulla cohabitatione & præscriptione jus conjugii

jugii induci potest: *l. 57. §. divus. hic. Bald. in rep. l. 1. n. 4. C. de emanc. lib.* sed solum consensu, *l. 21. l. 2. hic. l. 30. ubi Dec. de R. I. & eorum qui conjunguntur, & quorum in potestate sunt, d. l. 2. in pr. Inst. eod. ut patris, avi, &c.*

Quorum consensus aded de Jure Civili est necessarius, *l. 2. l. 9. l. 22. hic. l. 5. l. 12. C. de nupt. ut velut autoritas atque justius præcedere debeat. §. 1. Inst. eod.*

Consentire, favore matrimonii, pater præsumitur, qui sciens contrahi non contradicit. *d. l. 5. l. 7. §. 1. de spons.*

Quodsi, honestâ filiis nuptias contrahendi conditione oblatâ, pater consentire nolit, Magistratus implorabunt officium, qui causâ cognitâ cum cogit. *l. 19. hic.*

Approbatione patris filio filiæve emancipatæ, jure civili, ad essentiam nuptiarum non erat opus, *l. 25. ubi Gl. hic. nisi minores essent. Gl. in d. l. 25. l. 18. l. 20. C. de nupt.*

Minoribus etiam, ob ætatis infirmitatem, puto, si patre orbatî, matris ac tutorum consensum fore hodie necessarium; *l. 1. l. 20. C. eod. aut illis dissidentibus, judicis autoritatem interponendam esse. d. l. 1. d. l. 20. in fin. ubi Bald. Qui voluntatem puellæ, curatoris & propinquorum voluntati præferre debet. l. 18. c. hic.*

De Jure Canonico utrorumque parentum consensus indistinctè requiritur, *c. sufficiat. 27. q. 2. c. 1. de desp. impr. c. cum causa. de rapt. magis tamen ex honestate, quam necessitate.*

Quod Concilio Tridentino introductum, *sess. 24. cap. 1. Cum olim contra obtineret. c. non omnis. 12. cum seq. 32. qu. 2. c. 1. aliter. 30. qu. 5.*

De jure civili nuptiæ, parentibus, quorum in potestate contrahentes, dissentientibus contractæ, non quidem dissolvebantur, *Paul. lib. sent. 2. c. 20.* sed tamen nuptiæ injustæ, liberi injusti; quod ad jus civile, puta familiæ, patriæ potestatis, successionis, attinebat, habebantur; etiamsi quoad jus naturæ, gentium & peregrinorum, conjugium ejus-

eiusmodi raturum, & liberi inde nati pro veris ac naturalibus filiis, essent. *l.17. de pæn. l.13 pen. §. plane. de adult.*

Moribus Hollandiæ utrorumque parentum suffragium in liberorum minorum viginti quinque annis, nuptiis contrahendis necessarium est: aded ut contractæ ob parentum dissenfum dissolvantur, siue sint initiatæ; siue consummatæ. *Orden. van Polic. binnen Holl. art. 3. & 13. fac. l.8. in fin. de his qui sunt sui vel al. iur.*

Prohibentur in matrimonium consentire & contrahere, Natura furiosi, *d. l.8. impotentes, l.10. C. de repud. impuberes: l.9. l.14. de spons. nisi malitia ætatem suppleat. c. de illis. 9. c. ult. de de-spons. imp.*

Lege divinâ, *Gen. 2. Lev. 20. 1. Cor. 5.* & naturali, atque aded omnium gentium, prohibentur nuptiæ inter adscendentes & descendentes, iu infinitum, *l.53. l. fin. ff. l.17. C. de nupt. vid. tit. C. de incest. nupt. per tot. & inter collaterales primo gradu: l.8. hic. §. item. Inst. eod. l.17. C. eod. item inter plures quam duos, uno eodemque tempore. l.2. C. de incest. nupt. l.18. C. de adult. Gen. 3. Matth. 22.*

Lege civili contrahere nuptias vetantur servi; *l.3. C. de incest. nupt.* & peregrini, impuberes, non viri potentes; *pr. Inst. hic.* tutor, curator, aut horum filii, cum pupilla vel minore, cujus cura tutelave geritur: *l.36. l.62. hic. t. t. C. interd. matr.* conjuncti sibi invicem ex latere, secundo gradu consanguinitatis, ut sunt fratres & sorores: *§.2. Inst. hic.* Non qui sunt in quarto gradu: ut sunt consobrini, patrueles, amitini. *§.4. Inst. l.19. C. eod.* Non tamen jungi possunt qui parentum & liberorum locum obtinent, licet sint ultra quartum gradum; *§.3. & 5. Inst. eod.* puta cum amita, matertera, etiam magna; *d. §.5. fratris vel sororis filia, nepte, pronepte. d. §.9. l.3. ff. hic. l. fin. C. de incest. nupt.* Pari modo conjungi vetantur ratione affinitatis usque ad secundum gradum; *l.5. l. pen. C. eod.* puta inter eos qui fratrum & sororum sunt loco: *l. ult. C. de incest. nupt. vid. Gl. in §. si uxor. Inst. eod. & in l.4. de grad. aff.*

aff. Item raptor cum rapta; *Nov.* 134. l. un. C. de rapt. præses cum provinciali; l. 38. l. 57. hic. amplissimus cum humili; l. humilem. C. de incest. nupt. Senatorius cum libertina aut vili. l. 44. cum ll. seqq. hic.

Sed hæc quatuor postremæ prohibitiones civiles, iure Novellarum, *Auth. sed novo jure. C. de nupt. & Pontificio*, (quod in hac causa spirituali attendimus, *Canon. in c. 1. & 2. de oper. nov. nunc. Castr. in Auth. atqui semel. C. de probat.*) non considerantur: *c. pen. de rapt. c. pen. de secun. nupt. c. raptor. 27. q. 2. & 36. q. 1. per. tot.*

Hoc tamen jure cum infidelibus, *c. cave. 28. q. 1. c. infidelibus. de cons. & aff. Panor. in c. fin. n. 3. de transf. auct.* & nonnunquam cum ea quæ per adulterium fuit ante cognita, *t. t. Ext. de eo qui dux. in matr. quam poll. per adult. nuptias contrahere est interdictum.*

Eoque jure conjugia usque ad quartum gradum, sed secundum istius juris computationem inclusivè prohibentur; *c. pen. & fin. de cons. & affin.* Moribus autem nostris secundum computationem civilem, ad quartum exclusivè. *Ordon. van Polic. binnen Hôll. art. 4. & 5. 6.*

Contrahuntur hodie rectè nuptiæ, etiam sine ulla pompa, l. 22. de nupt. verbis vel signis, consensum exprimentibus, *c. tue. 25. cum cc. seqq. ubi Gl. de spons. licet scriptura vel instrumentum nuptiale non interveniat: l. 13. C. eod. Gl. ad verb. instrumentis. ubi & Ang. n. 6. in §. fin. Inst. eod. & per procuratorem. l. 6. l. 34. hic. c. fin. de procur. in 6.*

Publicè tamen & coram Ecclesia: *c. 1. 30. q. 1. c. 2. & 3. de cland. despons. aut in cætu aliquot fidelium, Ecclesiam repræsentante, c. fin. eod. benedicenteque nubentibus Ecclesiæ ministro, c. fin. 28. q. 1. c. aliter. 30. q. 5. sunt celebrandæ.*

Probari matrimonium plenè debet: *Gl. in l. 1. §. si ea. ver. uxor. de vent. in poss. mitt. puta per testes, c. illud. 11. de præf. c. super. 22. c. licet. 27. de testib. non suspectos, c. super. 22. Ext. eod. sed omni exceptione majores; c. 1. de cons. & affin. Panor. in c. super eo.*

eo. de testib. Imol. conf. 130. in causa, item per instrumenta super ipsa matrimonii solennitate confecta: *Bald. in l. neque. 13. C. de nupt. per præsumptionem: d. c. illud. l. 24. hic. l. 3. de donat. per copulam carnalem: per c. de illis. de despons. imp. c. per tuam. de cond. app. Spec. de præsc. §. species: n. 4. & 5. per solennem deductionem & pompam in Ecclesiam vel domum: Spec. d. §. species. n. 5. per c. ad id quod. c. juvenis. de spons. per confessionem conjugum; c. attestaciones. de desp. in imp. Bald. l. pen. C. de fidejuss. per juramentum judiciale. c. mulieri. 34. de jurejur. Gl. & Dd. in l. 3. in pr. hic. l. in bonæ. C. eod.*

Quod, cum plus quam semiplenè probatum est, pro, non contra matrimonium, est deferendum. *Ias. in l. 3. in pr. n. 25. & 26. de jurejur. Panor. in d. c. mulieri.*

Ut & nonnunquam, sed pro matrimonio, deferendum juramentum purgationis, *c. attestaciones. 10. de desp. imp. cum infirmior est probatio, testesque inducti minus idonei, ut parentes, &c. c. super. 22. de testib. vid. Panor. & Dd. d. loc.*

Contracto legitimè matrimonio, maritus rerum dotalium efficitur dominus, *l. in rebus. C. de jure dot. uxorque in ejus potestatem, non quidem de jure civili, transit, l. 1. cum ll. seqq. de lib. exh. l. 2. §. quod si. l. quoties. solut. matr. l. si uxorem. ubi Gl. & Dd. C. de cond. inf. sed de jure divino, Num. 30. & Canonico. Bald. in c. 1. an marit. succ. ux. in usib. Feud. F. 1. 15. Tiraq. in ll. connub. in pr. n. 11.*

Lucratur maritus fructus dotales, & quicquid constante matrimonio acquiritur, *Bald. in l. 2. n. 3. & 4. C. ne uxor pro mar. sicut & ejus industriâ quæsitum præsumitur. Bald. d. l. 2.*

Est etiam ex eventu conjugii legitimus defensor uxoris, *l. 1. §. fin. l. 2. de injur. & bonorum ejus administrator. Gl. & Dd. in l. maritus. 21. C. de procur.*

Contra uxor fit particeps domicilii & fori, *l. 65. de jud. l. 19. de jurisd. dignitatis & familiæ maritalis: l. 13. C. de dignit. lib. 12. l. fin. C. de nupt. (quæ jura etiam viduis de jure civili perdurant: l. 22. §. vidua. ad*

ad municip. l. fin. C. de priv. schol. lib. 12.) acquirit singulare dominium in donatione propter nuptias, Bald. in Auth. sue. C. ad SC. Vell. & universalem hypothecam in omnibus mariti bonis: l. assiduis. C. qui potior. in pign. & certam bonorum maritalium, ab ejus morte (ut è diverso maritus) portionem lucratur. Bart. Bald. & Dd. in l. 1. & Auth. præterea. C. unde vir & uxor. Panor. in c. ex publ. de convers. conjug.

De jure dotium.

T I T. I I I.

DOs, (quæ nuptiarum seu matrimonii causâ datur, t. r. ff. & C. hic.) est jus in re, marito ad sustinenda onera matrimonii constitutum. l. 76. hic. l. 20. C. eod.

Nuptiæ sine dote quidem esse possunt; nisi sint personarum illustrium; Nov. 74. c. 4. vel; concubinae ut liberi legitimentur; §. ult. Inst. de nupt. non ramen dos sine nuptiis, l. 3. l. 39. l. 48. l. 68. hic. l. 1. §. pen. & ult. pro dote. l. ult. vers. quare. C. de don. an. nupt.

Est dos vel vera, vel putativa, quæ putatur esse dos, cum revera non sit: habet ramen prærogativas & privilegia eadem, quæ dos vera. l. 22. §. fin. solut. matr. l. 2. in fin. de privil. cred.

Dotem constituit, vel mulier ipsa, vel alius ejus nomine: ut pater, cujus officium est dotare filiam: l. 12. de R. N. etiam emancipatam, fin. l. ult. C. de dotis prom. l. 5. ff. de agn. & alend. lib. Connan. 8. com. 8. n. 8. Guidel. de jur. noviss. lib. 1. cap. 14. num. 17. quæ dos profectitia appellatur: l. 5. hic. l. 6. C. eod. aut etiam extraneus: d. l. 6. l. un. §. extraneus. C. de rei ux. act. à quo profecta dos, adventitia dici potest. l. 3. cum ll. seqq. hic.

Possunt in dotem dari omnes res, sive sint mobiles, sive immobiles, sive se moventes: l. pen. in pr. C. hic. sive numero, pondere, vel mensura constantes: l. 42. hic. d. l. un. §. cum autem. sive incorporales, ut obligatio & actio, seu nomen debitoris: l. 44 §. 1.

• *l. seq. hic. l. 2. C. de O. & A. item vel proprietas, vel usus fructus. l. 78. ff. l. 18. hic.*

• Et datur res vel inæstimata, vel æstimata. Priori casu res: posteriori æstimatio est dotalis. *l. 10. cum ll. seqq. ff. l. 5. l. pen. C. eod. l. 11. de fund. dot. d. l. un. §. & cum lex. in fin.*

Viro commodius est, non æstimatam accipere, ne ejus periculum subeat. *d. l. 10. cum ll. seqq.* Nam si res æstimatæ, tunc quasi contractâ emtione venditione, *l. 10. C. hic. l. 11. C. de pact. l. 16. ff. hic.* plenissimum dominii jus maritus consequitur, ita ut omne commodum & periculum ad eum pertineat: *l. 5. l. 10. C. hic. l. un. §. 9. C. de rei ux. act. & in casum restituendæ dotis non ad res ipsas, sed ad æstimationem qua taxatæ sunt reddendam teneatur.* Nisi pacto vel de rebus ipsis restituendis convenerit, vel mulieri electio, utrum res an æstimationem petere malit, data sit. *l. 5. l. 10. l. 21. C. hic. l. 10. in princ. & §. ult. ff. eod.*

Constituitur dos vel traditione sive vera, ut pecuniæ numeratione; *l. 1. C. de dot. caut. non num. l. 46. ff. hic.* sive ficta; ut acceptilatione, *l. 41. §. 2. l. 43. in princ. ff. eod.* simplici debiti remissione, *l. 57. l. 58. ff. eod.* delegatione, *l. 33. l. 36. ff. eod.* vel promissione, eaque facta, aut stipulatione, aut etiam solo pacto: quod hic actionem, nuptiis contractis, quasi insecutâ traditione, parit. *l. 48. de pact. l. 6. C. de dot. promiss.*

Nec refert, certa dos promittatur; an in arbitrium boni viri conferatur. *l. 3. C. d. t. l. 22. §. 1. de R. I.*

• Si eam pater simpliciter, sine mentione arbitrii promittat, suâ promissione obstringitur; & pro modo facultatum suarum, ad quantitatem legitimæ & congruæ alimentationis, *Bald. in tract. de dote. par. 6. Salic. & Felin. in Auth. res qua. C. com. de leg. Alex. cons. 7. vol. 2. cons. 83. vol. 4.* proque mariti dignitate, filiam dotare debet. *l. 69. §. 4. hic.*

• Extraneus, quando incerta est promissio, minimum, puta nummum dando, liberatur. *l. 1. C. de dot. promiss.*

Ex dotis promissione actio oritur bonæ fidei, *Gl. fin. in l. 5. ubi Bart. & Dd. ff. solut. matr. annexum habens jus tacitæ hypothecæ, text. in d. l. un. §. 1. verb. ab utraque parte*, quā maritus dotem ab eo qui promisit, exigere potest: item quod habeat eum qui promisit, & ejus bonā nomine evictionis obligata, si fortè res in dotem data evinci contingat. *Bart. & Dd. in d. l. un. §. 1. Bald. in l. 1. post Gl. C. hic.*

Constante matrimonio rei dotalis inæstimatæ in dotem datæ dominium civile penes maritum est, naturale penes uxorem. *l. pen. C. hic.* Idem enim dominium duorum in solidum esse non potest. *l. 5. §. ult. ff. commod.*

Si mulier sit in potestate patris, & dos à patre sit profecta, & communis est patri & filiæ. *l. 2. §. 1. solut. matr.*

Soluto Matrimonio, dos quidem repeti jure novo potest: *t. t. solut. matr.* sed, si inæstimatæ res in dotem datæ sint, eatenus restituuntur, quatenus præstari per rerum naturam possunt: æstimatarum etiam quæ perierunt, pretium reddendum est, quia venditæ quodammodo videntur. *l. 10. cum ll. seqq. hic. l. 11. C. de pact.*

Constante matrimonio etiam dos repeti potest, cum, vergente ad inopiam marito, periculum est, ne mulieri ad dotem, matrimonio soluto, petendam, inanis relinquatur actio. *l. 29. C. hic.*

Dotis contemplatione fit donatio, olim ante nuptias, quia solum ante nuptias constitui poterat: ob vetitas contractis nuptiis inter conjuges donationes; *l. 1. & t. t. ff. de donat. int. vir. ux.* poterat tamen, ex Justiniani Constitutione, *l. pen. C. de don. ante nupt.* stantibus nuptiis augeri; jam quoniam ex Justiniani constitutione, non solum augeri, sed etiam in totum constitui potest, propter nuptias potius dicta. *l. ult. C. de don. ant. nupt. §. est & aliud. Inst. de nupt.*

Est contractus civilis, *Nov. 119. in pr. Gl. in l. 5. De Inst. & jur. quo ex parte mariti in mulierem*
O aliqua

aliqua conferuntur in securitatem dotis, tanquam antiphrasa. *d. l. ult. in pr.*

Unde dote datâ & receptâ, mulier potest maritum ad constituendam donationem cogere: *l. ult. C. de donat. ante nupt. Auth. dos data. C. eod.* Idque, de Jure Codicis, pactis æqualibus de lucranda dote aut rebus propter nuptias donatis: *l. ex morte. C. de pact. conv.* quæ si paria non essent, majore parte ad majorem reducâ: *l. lege. C. eod.* de jure Novissimo & æquali quantitate, qualitate, & pactis. *l. pen. & ult. C. de donat. propt. nupt. Nov. 97. princ. & §. 1. Auth. æqualitas. C. de pact. convent.*

Et, ut maritus non potest alienare prædium dotale, ita nec propter nuptias donatum. *Nov. 61.*

Est tamen donatio propter nuptias, quingentos aureos si excedat, insinuanda, *Nov. 127. c. 2.* Respectu puta mariti, non mulieris; cui licet non sit insinuata donatio, prodest.

De pactis dotalibus.

T I T. I V.

Potest à præcedenti jure pactis recedi. Quæ in hac materia valent & servanda sunt: *l. 48. De pact. l. 1. C. de pact. conv. l. pen. C. de promiss.* & (cum non sint nuda, sed cum rei traditione conjuncta) non tantum actionem, sed & exceptionem produciunt. *l. 1. C. hic.*

Nisi aut sint contra jus, vel bonos mores: *l. 5. & 6. ff. l. 5. C. hic.* aut inæqualitatem inducant: *Auth. æqualitas. C. de pactis. conv.* aut dotis causam, in præjudicium mulieris, deteriore faciant. *l. 2. l. 14. & ll. seqq. hic.*

In præjudicium parentis mulieris valent. *l. 6. C. eod.*

Cum ad solennitatem, neque in pactis, *l. 17. C. de pact.* neque in dote, *l. fin. §. 1. de pact. Salic. in Auth. eo decursum. n. 1. C. de don. ant. nupt.* vel etiam matrimonio, scriptura requiratur, neque in his conventionibus eâ opus est.

Sed tamen in iis de futura mariti & conjugis successione

cessione agatur, quinque testium presentia est necessaria, *l. fin. in fin. C. de codicil. l. fin. C. de don. caus. mort.* ad instar donationum causa mortis & ultimæ voluntatis, *l. 40. §. ult. de pact.* præsertim si non retractentur testamento, *l. fin. ubi Ias. n. 12. C. de pact. fac. l. 16. l. 8. de jur. codicill.*

Insinuatione, si summam quingentis aureis majorem complectantur, opus non habent, *vid. Dd. in l. data. C. de donat. l. fin. C. de don. int. vir. & uxor.* nisi in donationibus inter vivos respectu viri, *d. l. fin. l. pen. C. de donat. Salic. in d. Auth. eo decursum.* non autem mulieris, *l. 17. d. Auth. eo decursum. C. de don. ant. nupt. d. l. pen. §. 1. ubi Gl.*

His pactis non simplicibus; (quæ non nisi utriusque consensu convelli possunt) sed de successione futura, conventum, postmodum alterutrius aut utriusque conjugum voluntate mutari; & jus quæsitum ex pacto alteri (exemplo ultimæ voluntatis, *t. t. ff. de adim. leg. & donationis causa mortis, l. 35. §. 4. l. 30. l. 13. §. 1. ubi Bart. ff. Azo. in Rubr. C. de mort. caus. don.* in quam incidit, *l. 19. ubi Cyn. & Gl. C. de pact.*) auferri potest; *l. 15. C. de pact. l. fin. hic.* Nisi si quid ex lege vel statuto, *Bald. in l. si quando. C. de inoff. test. Crem. sing. 154. vid. Ias. & Dd. in Auth. praterea. C. unde vir. aut favore dotis, debetur. l. 14. cum seqq. hic. Cujac. lib. 7. obs. c. 26.*

Ab intestato hæc pacta non valere communiter responsum est; *l. 5. C. de pact. conv. Salic. & Dd. in l. 15. C. de pact. Alex. cons. 28. ponderatis n. 3. & 4. vol. 3. per l. 19. C. de pact. nisi inter liberos, d. l. 15. C. de pact. aut futuros alioqui hæredes. l. ult. C. eod.*

Quod in simplici pacto, *d. l. 15. d. l. ult.* item cum hæreditas ita relinquitur, obtinere non potest, *d. l. 19. d. l. 5. jure verò donationis causa mortis valent, ex moribus. Wesf. hic.*

De fundo dotali.

T I T. V.

M Aritus, licet juris fictione, l. 75. ff. l. 30. C. de jur. dot. dominus dotis sit, l. 10. C. de jur. dot. non tamen potest res dotales indistinctè alienare.

Lex enim Julia, rem immobilem, muliere invitâ tam alienari, quam pignorari prohibuit: ea consentiente, alienare permisit, non etiam pignorari. l. un. §. & cum lex Julia. C. de rei uxor. act. *

Justinianus utrumque fieri vetuit, sive mulier consentiat, (quo casu hoc permittit jus Pontificium. si juramentum accesserit. c. cum contingat. de jurej.) sive dissentiat. d. l. un. §. & cum lex Julia.

Alienari itaque nequit, quod in dotem datum est inæstimatum, l. 2. C. l. 13. hic. vel ex eo comparatum; l. 54. de jur. dot. vel æstimatum, adjecto pacto, ut soluto matrimonio electio sit mulieris, utrum rem, an æstimationem petere malit. l. 11. ff. l. 1. C. hic.

Sed hæc de alienatione voluntaria accipienda, non de necessaria. l. 1. ff. l. 2. C. eod.

Potest enim, ære alieno uxoris cogente, cognoscente judice, & muliere consentiente, rem dotalem alienare. Auth. siue à me. Auth. si qua mulier. ubi Bart. & Dd. C. ad SC. Vell.

DIGESTORVM

LIBER XXIV.

De donationibus inter virum &
uxorem.

T I T. I.

N On ut in dotem marito constante matrimonio dari, ita etiam sine causa conjuges inter se alteralteri donare possunt.

Quia enim indignum videbatur, concordiam mari-

maritalem pretio, sicut adulteria, conciliari, defitum est moribus facere tales donationes, deinde oratione Antonini vetitum. *l. 1. 2. 3. hic.*

Quarum prohibitio non pertinet ad sponfos, *l. 5. l. 27. eod.* neque ad eas donationes ex quibus dans, non pauperior, *l. 8. C. eod.* aut accipiens, non redditur locupletior: *l. 5. §. 8. l. 7. §. 5. hic.* neque ad relatas in tempus soluti matrimonii. *l. 9. §. fin. l. 10. l. 11. §. fin. l. 60. eod.*

Non fit dans pauperior: Si rem alienam donat: *l. 25. ff. eod.* Si uxor marito ad dignitatem consequendam donat: *l. 40. cum ll. seqq. ff. eod.* Si maritus uxori donat ut comptior & ornatior incedat; suam enim potius quam uxoris gratia donasse censetur. *l. 9. & 10. ff. commod.*

Accipiens non redditur locupletior; Si servus manumittendi causa donetur: *l. 22. C. l. 7. §. fin. ff. eod.* Si sepulturae causa: *l. 5. §. 6. ff. eod.* Si ad eleemosynam, aut emtionem rei familiaris: *d. l. 7. §. 1. l. 31. §. pen. & ult. ff. eod.* Si ad ædium exustarum refectio-nem donetur. *l. 14. ff. eod.*

Tacite confirmantur donationes, si, iis nondum revocatis, donator decesserit, *l. 32. eod.* ut heres ejus eas revocare nequeat. *d. l. 32. §. 2.*

Non revocasse censetur, si eas vel expresse in testamento confirmaverit, *l. 14. C. hic.* vel saltem nec expresse nec tacite revocaverit, puta rem donatam alii vendendo, donando, pignoris nexu olim, *l. 12. C. eod. d. l. 32. §. 2. cum §§. seqq.* non hodie, *Novel. 162. cap. 1. obligando.*

Quæ quingentos aureos excedit, non aliter, in eo quod excedit, confirmatur, quam si expressâ morientis contestatione, vel facta in actis insinuatione, sit stabilita. *l. 25. C. eod.*

Donatio reciproca etiam inter conjuges viventes non valet. *Ias. in l. 38. de V. O. nisi in casum mortis conferatur. Cyn. Bald. Castr. in l. si pater. C. de inoff. test. vid. Socin. in fall. reg. 104. Lud. Rom. in sing. 11 per l. 7. §. si vir. l. 48. hic.*

Confirmari tamen potest inter vivos juramento. *c. cum contingat. de jurej. Bald. in Auth. si ve*

De Divortiis & repudiis.

T I T. II.

Matrimonia & Sponsalia solvuntur morte, vel inter vivos.

Morte naturali, vel civili.

Naturali, ut liceat parti superstiti ad secunda vota transire; *c. fin. 31. q. 1.* sed jure civili non intra annum luctus, *l. 1. C. de secund. nupt.* omnino jure Canonico. *c. ult. de secund. nupt.*

Civili, ut captivitate, vel alia contingente servitute, deportatione. *l. 8. l. 12. §. medio. de capt. & postl. rev. Nov. 22. c. 9.*

Pœnæ tamen hodie conjugia non solvunt. *d. Nov. 22. c. 8.*

Captivitate solvuntur: sed non licet, donec de vita capti constat, relictæ personæ alteri nubere.

Si an vivat incertum est, non nisi post expectatum quinquennium de jure civili; *l. uxores. hic. Nov. 22. c. 7.* ex Justiniani constitutione, *Auth. hodie. C. hic.* & de jure canonico, non nisi de morte capti certò constet. *c. in presentia. de sponsal.*

Inter vivos sponsalia repudiis solvuntur, nuptiæ divortiis. *l. 101. §. 1. l. 191. de V. S.*

Divortium, ut & repudium, de jure civili, fit vel ex communi consensu, *l. 9. C. de repud. Nov. 22. c. 4.* vel unius voluntate, ob causam jure probatam. *l. 8. l. 10. l. ult. §. ult. C. eod.*

Sed Justinianus matrimonium sine justa causa mutuo consensu dissolvi veruit: ex causa verò castitatis, & vitæ cælibis, id permisit: *Nov. 117. c. 10.* Jus Canonicum indistinctè prohibuit. *c. fin. cum ibi not. de transact.* Nisi uterque conjunx vitam regularem eligat vel continentiam voveat. *c. 1. de convers. conjug.*

Qui sine causa divertit, dotem, donationemve amittit, *d. l. 8. c. 1. 2. 3. de don. int. vir.* & si aliud matrimonium contrahat, reus adulterii est. *d. Auth. hodie.*

Jus

Jus Canonicum duntaxat ob hærescos, c. 2. c. quanto. 7. de divor. c. 28. q. 2. de divor. vel adulterii causam, c. 4. & 5. de divor. permittit divortium, non vinculi, sed tantummodo quoad separationem tori, c. 1. & 2. 32. q. 7. vel in perpetuum; c. quod Deo. 33. q. 5. vel ad tempus. c. nosse. 30. q. 1. Gl. in c. in verb. interveniente. 32. q. 7.

Sed non dicitur propriè divortium, nisi quod animo perpetuam constituendi separationem fit. l. 3. hic.

*Soluto matrimonio dos quemadmodum
petatur.*

T I T. III.

Soluto matrimonio regulariter, eo constante, non, l. 7. C. hic. nisi maritus ad inopiam vergat, l. 29. C. de jur. dot. ipso jure quidem dominium dotis ad mulierem redit: non tamen possessio, quæ facti est, transfertur: l. 23. de acq. poss. eòq; jure & legibus repetenda est: l. 9. C. hic. olim quidem modò actione rei uxoriæ, modò actione ex stipulatu. Hodie, sublata à Justiniano rei uxoriæ actione, l. un. in pr. C. de rei uxor. act. semper ex stipulatu; ita ut si stipulatio non fuerit expressa, à lege suppleatur, ac tacitè intelligatur fuisse adhibita.

Quæ actio est bonæ fidei, annexum habens jus tacitæ hypothecæ. d. l. un. §. 1.

Datur patri, si dotem dedit; licet sibi reddi stipulatus non sit, quia tacitè stipulatus intelligitur. d. l. un. §. accedit.

Extraneo, si nominatim sibi reddi pactus vel stipulatus est: sin minus, ipsi mulieri, quia tacitè stipulata intelligitur, ipsique dos restituenda est: ut & si ipsa dotem dedit. d. l. un. §. accedit.

Sed si mulier in potestate patris est, pater dotem, soluto matrimonio, filia consentiente, repetere debet: videtur autem consentire, nisi expressè dissentiat. l. 2. §. 1. & 2. hic.

Dotem restituere cogitur maritus, vel ejus pa-

ter, qui eam accepit, vel hæres: ita ut heres extraneus condemnatur in solidum, id est, in quantum hæres est: reliqui, id est, maritus, socrer, & filius communis, in quantum facere possunt. *l. 2. l. 12. l. 13. l. 15. §. 1. & 2. l. 16. l. 17. §. ult. l. 18. hic.*

Restituenda dos, una cum fructibus, pro proportionem anni, quo divortium factum est, *l. 2. l. 7. l. 11. l. 31. §. fin. eod.* & reparatione damni, si quod dolo, culpa, negligentia mariti, rebus dotalibus accidit. *l. pen. l. fin. hic.*

Et quidem, si in rebus immobilibus consistat, statim: si in aliis rebus, olim annua, bima, trima, die, hoc est tribus pensionibus annuis, *d. l. un. §. ex-actio. & §. cumque.* hodie intra annum, *d. l. un. §. cum autem.* reddenda.

Quo temporis intervallo mulier ab hæredibus mariti, nisi si dotem statim restituere velint, *Costan. de dotib. cap. 6. num. 18.* alenda est, si aliunde exhibere se nequeat: *Ias. in §. fuerat. n. 23. & seq. Inst. de action.* ac potest interea manere in domo ac bonis mariti, pignoriq; incumbere suo, donec ei dos integrè solvatur. *Bald. in l. pen. n. 2. C. de pign. act. & Bald. Nov. tract. de dote. part. 8. priv. 6. n. 21.*

Potest maritus, ex causa, dotem retinere; puta vel ob adulterium, desertionem, aut aliud mulieris delictum, quod divortio causam dedit: *l. 38. l. 47. hic. l. fin. C. de repud. Bald. in l. quod in uxorem. de neg. gest. vel ratione pacti: l. 48. hic.* vel quia solvendo non est; *l. 12. cum l. seq. hic.* ita ut ea redditu, egestatem sit passurus: *l. 173. de R. I.* vel quia sine culpa mariti, aut per moram mulieris, res dotalis perierunt. *l. 26. l. 49. hic.*

D I G E S T O R V M

L I B E R XXV.

De Impensis in rei dotales factis.

T I T. I.

Impensarum aliarum ad fructus, aliarum ad perpetuam rei dotalis utilitatem pertinent. *l. 3. §. 1. hic.*

Hæ partim necessariae sunt, partim utiles, partim voluptuariae. *l. 1. eod.*

Necessariae sunt quæ habent in se necessitatem impendendi, *d. l. 1. §. 1.* id est, quibus non factis dos minuitur, *l. 14. in pr. hic.* & deterior futura est. *l. 79. in pr. V. S.*

Quæ ipso jure dotem minuunt; siquidem ea in pecunia numerata consistat; *l. 51. in pr. hic.* si in aliis rebus, per exceptionem; proinde maritus soluto matrimonio eò minus restituit: *l. 5. l. pen. hic. l. un. §. taceat. C. de rei ux. act.* si dotem integrum solvit, ei vel condictio indebiti conceditur: *l. 5. in pr. & §. fin. hic.* vel actio mandati, aut negotiorum gestorum. *l. 7. §. fin. solut. matr.* Nisi impensæ sint modicæ, quas ferre debet. *l. omnino. 12. hic.*

Utiles sunt, quas maritus non necessariò, sed utiliter facit, quia rem dotalem meliorem reddunt. *l. 5. §. ult. l. 6. 14. §. 1. hic. d. l. 79. §. 1.*

Ex voluntate mulieris factæ repetuntur actione mandati; sine ejus consensu factæ, actione negotiorum gestorum. *l. un. §. taceat. in fin. C. de rei ux. act.*

Voluptariae sunt, quas maritus voluptatis causâ facit; & quæ speciem exornant, non fructum augent. *l. 7. hic. d. l. 79. §. ult.*

Earum nomine deductio operis facti marito conceditur, quatenus sine læsione speciei id tollere potest. *d. l. un. §. taceat. vers. sed nec ob impensas. l. 9. hic.*

Si dos, non habitâ harum impensarum ratione, integrè soluta sit, condici non possunt, *l. 39. §. 1. de hared. per.* quia nullo obligationis jure debentur. *l. 11. hic. d. §. taceat. l. 26. ubi. Dd. de cond. ind. Wes. hic.*

De actione rerum amotarum.

T I T. I I.

A Motæ dicuntur res, quæ celatæ, absconditæ, asportatæ, consumptæ, dolo malo, *l. 3. §. pen. l. 17. §. 2. hic.* hoc est, cogitatione divortii, quod postea insecutum, interversæ. *l. 25. eod.*

Datur circa ea actio rerum amotarum, & exceptio: *l. 6. §. item. l. 7. l. 11. eod.* sive res propriæ sint, sive bona fide possessæ, sive pignori obligatæ, aut quovis titulo detentæ. *l. 17. §. fin. l. 20. l. 24. ff. hic.*

Si divortium non secutum, non datur hæc actio rerum amotarum, sed res amotæ condici possunt: *l. 25. hic.* Stante enim matrimonio hæc actio non datur; adeò ut soluto instituta; redintegrato matrimonio solvatur. *l. ult. eod.*

Spe mortis surreptarum rerum Utilis competit actio: *l. 21. eod.* nec non hæreditatis petitio & actio ad exhibendum. *l. 22. §. fin. eod.*

Huic actioni rerum amotarum ut locus sit, res constante matrimonio debent esse amotæ: si eo soluto, non actione furti, *l. pen. de crim. exp. har.* sed conditione contrectans tenetur. *l. 17. l. 3. l. 24. hic.*

Est hæc actio ex delicto personalis, *l. 26. hic.* conjux enim furtum revera facit; quod tamen ob favorem matrimonii lex non punit: *l. 1. 2. l. 29. hic.*

Conceditur conjugi cujus res amotæ, *d. l. 11. ejusque hæredi,* adversus conjugem avertentem res calido divertendi consilio, sive per se, sive per alium: *l. 19. l. 21. eod.* & ejus hæredes, quatenus ad eos pervenit. *l. ult. C. eod. l. 6. §. 3. ff. eod.* Quia licet sit ex delicto, tamen est rei persecutoria, adeoque perpetua. *d. l. 21. §. pen.*

Res in hoc judicio æstimantur, quanti fuerint

eo tempore, quo amotæ sunt: *l. 29. eod.* sed & ejus quod interest actoris æstimatio habetur, *d. l. 21. §. 4.* & condemnatio fit in solidum, non in quantum vir aut mulier facere potest: *d. l. 21. §. ult.* interdum etiam quantum in litem actor juravit. *l. 8. §. fin. l. 9. eod.*

Licet hic actio pœnalis in personis conjugum cesset; Judex tamen ex officio, ut alia delicta, *l. congruit, de offic. Præsid. l. illud, ad L. Aquil.* ita & hoc vindicare potest. *Bart. in l. 1. nu. 4. hic.*

De agnoscendis & alendis liberis, vel parentibus, vel patronis, vel libertis.

T I T. III.

DE agnoscendis liberis duo Senatusconsulta facta sunt.

Primum Plancianum. Quod duas partes habet. *l. 1. hic.*

In prima cavetur. Mulierem debere, facto divortio, intra triginta dies denunciare marito vel patri ejus, vel, si copiam eorum non habeat, domum, se ex eo esse prægnantem; maritum autem custodes ad ventrem servandum mittere, aut renunciare quod ex se prægnans non sit, alioqui partum cogitur agnoscere & alere. *l. 1. hic.*

Ex secunda parte Eæ, quæ falsum partum subjiciunt, pœna falsi tenentur. *d. l. 1. l. 19. §. 1. l. 30. ad l. Corn. de fals. l. 10. C. eod.*

Altero Senatusconsulto, temporibus Hadriani facto, partus constante matrimonio editus agnosci jubetur. *l. 3. §. 1. hic.*

Qui partum agnoscere cogitur, etiam pro modo facultatum alere tenetur. *l. 5. hic.*

Pater est, quem nuptiæ demonstrant. *l. 5. de in jus voc.* Nisi evidentissimis rationibus ostendat, ex se procreatum non esse. *l. 6. de his qui sui vel al. jur.* Quia forte per annum absuit; aut ea valetudine non fuit ut generare potuerit, & mater crebro se adulterio miscuerit. *d. l. 6.*

Liberi vice versa, si parentes egeant, eos pro modo facultatum alere tenentur. *l. 5. hic. l. 1. & 2. C. de alend. lib.*

Quod nutritionis onus in hæredes transit, *d. l. 5. §. 17. nec ullo pacto aut statuto tolli potest. Decius. in l. 8. de R. I.*

Patroni similiter egentes & eorum liberi, à liberis, pro modo facultatum, sunt alendi. *d. l. 5. §. 18. & §§. seqq. l. ult. hic.*

Et libertum inopem patronus, si possit, alere jubetur; alioquin perdit patronatus jus. *l. 6. eod.*

De quibus omnibus iudex cognoscit. *d. l. 5. pr. & §. 18. & §§. seqq.*

*De inspiciendo ventre, custodiendo-
que partu.*

T I T. IV.

R Escripto Divorum frâtrum continetur, Ut, si mulier à viro divertens, neget se esse ex eo prægnantem, maritus autem prægnantem asserat, tres obstetrices eo postulante mittantur, quæ ventrem inspiciant, & si vel omnes, vel duæ, prægnantem videri renuntiaverint, perinde custos adhibeatur, ac si ipsa hoc desiderasset. *l. 1. in pr. hic.*

Edixit & Prætor: Ut, si mulier mortuo marito prægnantem se esse dicat, his ad quos ea res pertinet, id denuntiet, ut possint mulieres, quæ ventrem inspiciant, mittere, & viros, qui custodiant: quibus partus editus ostendendus. *vide Edicti verba, in d. l. 1. §. 10.*

*Si ventris nomine mulier in possessionem missâ,
eadem possessio dolo malo ad alium
translata esse dicatur.*

T I T. V.

C Omperit actio in factum in mulierem quæ dolo malo in alium hanc possessionem transtulit,
in

in id quanti interest ejus qui experitur possessionem non esse translata. *l. un. princ. & §. 1. hic.*

Quæ actio, utpote rei persecutoria, etiam post annum competit. *d. l. un. §. pen.*

Qui per dolum venit in possessionem, cogitur decedere per interdictum (forte Quorum bonorum, aut actionem in factum ex hoc Edicto.) ad jus ordinarium remissus. *d. l. un. §. 1. hic.*

Si mulier ventris nomine in possessione calumnia causa esse dicatur.

T I T. VI.

ADversus mulierem hanc, vel ejus parentem, datur actio illis quorum intertuit missionem non decerni, ad id quod interest *l. un. §. 1. 2 §. 6. cum seqq. §§. hic.*

Quæ actio non est, ut superior, *l. un. §. pen. supra.* perpetua, sed anno terminatur. *d. l. un. §. 3 hic.* quia est famosa. *l. 15. cum ll. seqq. de his qui not. inf.*

De concubinis.

T I T. VII.

Concubina est, quæ cum uxor non sit, cum aliquo tamen vivit, & uxoris loco in domo est, ac corpus miscet. *l. 144. de V. S.*

Concubinatus ex sola animi destinatione æstimatur. *l. 4. hic.*

Jure civili extra pœnam & infamiam est, *Bald. in l. 3. C. de cond. infer. l. un. C. hic.* iis qui uxores non habent, *d. l. un.* extra lenocinium. *Nov. de lenocin. 14.*

Esse concubina non potest, honestæ vitæ, locique ingenua; *l. 3. hic. l. 24. de rit. nupt.* cum alia in concubinato concurrens; *Nov. 74.* quæ olim patris aut filii fuit; *l. 1. in fin. hic.* quævis fœmina jure Divino & Canonico. *Ext. de cohabit. & cler. & mul. 1. Cor. 5. Gl. in l. 1. hic.*

DIGESTORVM

LIBER XXVI.

De tutelis.

TIT. I.

S Equitur præcedentes contractus personales, Tutela; quæ quidem improprie, & contractus vocabulo latè sumpto, dicitur contractus, *l. 27. de R. I.* revera autem est quasi contractus, *l. 5. §. 1. de O. & A.* Quia tutor ex administratione tenetur, & per eam inter tutorem & pupillum actio ultro citroque directa & contraria nascitur. *§. 2. Inst. de oblig. quæ quas. ex contr. nasc.*

Tutela est vis ac potestas in capite libero (*id est, tutore, qui debet esse liber:*) ad tuendum eum, (*pupillum*) qui propter ætatem suam (*pupillarum*) sponte se defendere nequit, (*id est, sine tutore*) jure civili data ac permessa. *l. 1. hic.*

Lex enim **XII.** Tabularum partim dat tutelam, scilicet legitimam; partim à testatore & magistratu dari permittit: scilicet testamentariam & dativam.

Est tutela officium virile, *l. 16. hic.* civile, publicum, *§. 1. Inst. de excus. tut. autoritate, l. 6. §. 15. de excus. tut. l. 2. de R. I.* sed utilitate privatum, *Gl. in d. l. 6. per illum text.* suâ naturâ gratuitum; *Bald. in l. meminimus. in fin. C. de legit. her. text. in l. 5. de excus. tut.* quanquam ex iusta causa salarium tutoris autoritate & decreto judicis, constitui possit. *Bart. in l. 9. hic. per l. 1. §. 6. de tut. & rat. distr. l. 33. §. fin. de adm. tut. Bald. in l. 6. n. 16. C. de bon. quæ lib.*

Tutor alius est cum administratione, alius sine administratione, qui honorarius dicitur, & honoris tantum causâ datur; vel notitiæ, *id est, ut gerentes instruat. l. 3. §. 1. & 2. de adm. tut. l. 1. C. de peric. tut. l. 14. §. 1. de solut.*

Tuto-

Tutores esse non possunt, qui pupillo defensionem & tuitionem præstare nequeunt: ut furdi & muti, *l. 1. §. fin. l. pen. hic. minores. §. minores. Inst. de excus. tut.* Nisi à patre in testamento; *§. 2. Inst. qui test. tut. dari poss.* furiosi, *§. furiosus. Inst. qui test. tut.* omnesque alii qui cura indigent alienâ. *l. fin. C. de leg. tut. d. §. furiosus. d. §. minores.*

Nec mulieres, *l. 1. C. quan. mul. tut. off. nisi ex indulgentia Principis. l. fin. hic. Gl. in d. l. 1.*

Possunt mater & avia, *l. 2. cum Auth. seq. l. fin. Auth. ad hac. C. quan. mul. tut. off.* etiam si sint creditrices aut debitrices liberorum. *d. Auth. ad hac.*

Et manent tutrices quamdiu castâ in viduitate permanent. Contractis secundis nuptiis, vel pudore prostrato, *Gl. in auth. sacramentum ad verb. contractû. C. eod. per Nov. 39. c. 2. & Nov. 22. c. 23.* ipso jure tutrices esse desinunt. *d. Auth. sacramentum. vid. Bart. in l. si quis sub. de test. tut.*

Aliis hodie debitor, vel creditor, non potest fuisse creditoris debitorisve tutor esse: *Nov. 72. nisi sit testamento datus. vid. Bald. & Dd. in l. 8. C. qui dar. tut. Bart. in l. quoties. §. sicut. de adm. tut.*

Nec potest esse tutor, qui cum pupillo litigat; *d. Nov. 72. l. 27. §. cum autem. de test. tut. ubi Bart. Auth. minoris. ubi Bart. n. 1. & 2. C. qui dar. tut. poss.* qui bona ejus possidet; *Bart. in d. Auth. minoris. n. 7.* illi coheres est, aut multorum bonorum socius; *vid. dist. Bart. in d. Auth. minoris.* qui jurisdictioni non est subiectus, cui pupillus subest; *l. 10. ubi Bart. hic.* Nisi à patre detur: *l. 32. in princ. ff. de testam. tut.* qui pupillo sit vitricus; *l. 3. ubi Bald. C. de contr. jud. tut. l. 1. ubi Gl. ad verb. vitricum. C. ubi pup. ed.* Nisi causâ cognitâ Magistratus permiserit. *l. 32. §. 1. ff. de adoption. servus, nisi in testamento detur; l. 7. C. qui dar. tut. miles; l. 4. C. eod. colonus principis. l. fin. C. eod.*

Extra hos, qui non prohibentur omnes tutelam gerere possunt, imò vel invitati debent: *l. 3. C. de susp. tut. l. 1. de adm. tut.* sive patresfamilias sint, sive filii-familias. *pr. Inst. de iis qui tut. test. dar. poss.*

Et quando idoneus, pupilli in loco, tutor haberi non potest, ex locis vicinis (non tamen ultra centesimum miliare. §. 18. *Inst. de excus. tut.* l. 10. ff. l. 6. *C. eod. tit.*) assumi potest. l. *Divi. de tut. dat. ab his.*

Datur tutor tuendæ principaliter personæ pupilli, non rei: l. 14. *de test. tut.* secundariò tamen ad universum patrimonium administrandum datus creditur. §. *datus. Inst. de excus. tut.*

Non interest cuius sit fortunæ pupillus aut dignitatis. l. 1. *C. de tut. ill. pers. Gl. & Bart. in l. 1. de test. tut.*

Filiis tamen bannitorum, aut captivorum ab hostibus, non tutor, sed curator præfici solet. l. 6. §. *fin. hic. Bald. in l. 1. n. 14. C. de her. inst.*

Et pluribus unus tutor dari potest: §. 6. *vers. item tria. Inst. de excus. tut.* & plurium in una familia liberorum tutela, non pro pluribus, sed pro una reputatur. l. 3. l. 31. §. *fin. de excus.*

Quia curatores sunt tutoribus similes, idcirco & in hoc, & omnibus ferè titulis sequentibus, de tutoribus & curatoribus agitur.

Cura est potestas in capite libero, ad tuenda illius negotia, qui per ætatem, vel animi, aut corporis vitium, ea gerere non potest.

Est alia legitima: nam ex Lege XII. Tabularum furiosi & prodigi in legitima sunt agnatorum cura: §. *furiosi. Inst. de curat. vid. Nov. 72.* alia dativa, quæ autoritate magistratus, ejusdem qui tutorem dat, *princ. Inst. de curator. minoribus viginti quinque annis præficitur. in pr. Inst. de curat.*

Testamento curator nequidem à patre, l. 7. *C. de test. tut.* datur, sed datus à Prætore confirmatur: *pr. & §. 2. Inst. eod.* non ob dationem patris, ea enim nulla est; sed ob iudicium.

Quæ de tutoribus diximus, eadem & in curatoribus obtinent. l. 1. *de adm. tut.* l. 23. *C. eod.* l. 4. *C. de per. tut.* l. 1. *C. arb. tut.*

Differunt tamen. Nam tutores impuberibus, curatores puberibus dantur: *in pr. Inst. de cur.* Illi invitis, hi, extra litem, tantum volentibus: §. 3. *Inst. eod.* Illi personæ, hi bonis præficiuntur, l. 8. *C. de nupt.*

nupt. personam tamen neglectui habere non debent : *l. 7. de cur. fur.* Illi ad universum patrimonium, §. 19. *Inst. de excus. tut.* hi ad singula etiam negotia, singulasque causas: *l. 7. de tut. & cur. §. 1. Inst. hic.* illi tutorem habenti non dantur, hi dari possunt. §. 6. *Inst. de curat.*

De testamentaria tutela.

T I T. II.

L Ege XII. Tabularum permissum est parentibus, ut liberis suis, (non etiam extraneis) sive masculini, sive foeminini sexus, quos quidem in potestate habent, & qui post eorum mortem sui juris futuri sunt, §. 3. *Inst. de tutel. testamento vel codicilis testamento confirmatis*, *l. 3. hic.* tutores (non curatores) dare, sed verbis directis, *l. 1. §. 1. tit. siq.* possint. *l. 1. hic.*

Dari possunt ii, quibuscum testamenti factio est : *l. 21. hic.* hoc est, qui ex testamento capere possunt.

Mater, quæ liberos non habet in potestate, §. 11. *Inst. de adopt. testamento iis tutores dare nequit* : nisi (ex constitutionibus) eos instituerit. *l. 4. hic.*

Quamdiu verò testamentaria tutela speratur, legitima cessat. *in pr. Inst. de legis. agn. tut.*

De confirmando tutore vel curatore.

T I T. III.

O Pus est confirmatione Magistratus, si tutor testamento datus, quibus non oportet, vel aliter quam oportet; ut quæ defunt testamento suppleat. *l. 38. de adopt. §. ult. Inst. de tutel.*

A patre minus legitimè dati, citra ullam inquisitionem, id est, habitâ omnino fide electioni & iudicio patris, *l. 4. tit. preced. l. 8. hic.* (Nisi sint dati filio naturali, cui nihil testamento relictum; *l. 7. in princ. hic.*) aut satisfactionem, confirmantur. *l. 1. l. si filio. l. fin. hic.*

A matre dati, citra satisfactionem, ex inquisitione : *l. 2. eod.* ut & à patrono dati. *l. 4. hic. l. 28. §. fin. de test. tut.*

Ab extraneo dati, ex inquisitione confirmari debent, & satisficere, sed non nisi hæredi instituto dati sint. *l. 4. §. eod. l. 2. & 5. C. eod.*

Magistratus tutorem, etiam à patre datum, reprobatur: si aut ea de tutore comperta habet, quæ testatorem latebant; aut ipse testator voluntatem postea mutavit. *l. 8. cum seqq. hic.*

De legitimis tutoribus.

T I T. IV.

Cessante tutelâ testamentariâ locus est legitimæ. *pr. Inst. de leg. agn. tut.*

Nam, intestato parente mortuo, vel si testamento tutor datus non est, agnatis lege *xii. Tabularum* defertur tutela, *l. 5. l. 6. hic.* & quidem proximis. *l. 8. l. 9. hic.*

Hodie legitima tutela defertur his, qui ad legitimam successionem vocantur, sive sint agnati, sive cognati: ita ut eodem ordine vocentur ad emolumentum hæreditatis, & ad onus tutelæ. *ex Nov. 118. c. 5.*

Est in hac tutela locus successioni. *l. 3. §. pen. hic.*

Quare defuncto parente, qui filii emancipati tutor est, non quidem legitimus, sed quasi legitimus: si liberi qui in potestate parentis usque ad mortem fuerunt, perfectæ ætatis existant: fiduciarii tutores fratris emancipati, vel sororis, efficiuntur. *l. 3. §. fin. l. 4. hic.*

Patronis quoque ex lege *xii. Tabularum* liberorum tutela, per consequentias hæreditatum mandari videtur. *Inst. de leg. patr. tut.* sed causâ cognitâ. *l. 5. hic.*

*De tutoribus & curatoribus datis ab his ,
qui jus dandi habent , & qui , & in
quibus causis specialiter
dari possunt.*

T I T. V.

D Efficientibus vel excusatis tutelis testamentaria & legitimâ , Magistratus competens tutorem dat ; dativum inde dictum. *l. 7. rem pup. salv. fr.*

In Urbe dat is , qui jurisdictionem habet , ut Prætor, Præfectus Urbi: §. *sed hoc jure. Inst. de Attil. tut.* in provincia is, cui hanc facultatem lex, vel Senatusconsultum, vel Princeps nominatim concessit. *l. 6. §. 2. de tutel.* ut Præses, & Magistratus municipalis. *d. §. sed hoc jure.*

Dari possunt tutores, qui dantis jurisdictioni sunt subjecti. *l. 3. hic.*

Et dant quidem tutores , vel ex inquisitione ; *l. 18. hic.* (puberibus volentibus, §. 3. *Inst. de curat.* impuberibus invitis: *l. 2. l. 3. l. 6. l. 15. hic.* mulieribus, *l. 7. hic.* & prodigis, ac furiosis, quamvis majoribus. *l. 12. eod.*) & tum satisfacere non coguntur : in *pr. Inst. de satisfd. tut. l. 3. C. de tut. qui satisfd. non deb.* vel sine inquisitione; & coguntur. *l. fin. C. de auth. præs. in pr. Inst. de satisfd. tut.*

*Qui petant tutores vel curatores , &
ubi petantur.*

T I T. V I.

M Ater tutores petere, hodie intra annum , *l. 10. C. de legit. hered.* necesse habet , *l. 1. hic* alioquin successione se facit indignam : *l. 2. 3. l. fin. eod.* Nisi justum eam excuset impedimentum. *l. 8. l. 3. C. eod.* Item liberti, qui cessantes à magistratu puniuntur. *d. l. 2. §. 1 in fin.*

Re-

Reliqui cognati, Nisi ad mortui successionem vocentur, *l. pen. C. eod.* & amici pro libitu petunt. *d. l. 2.*

Adultus ipse sibi curatorem petit, vel ejus voluntate quilibet alius. *d. l. 2 §. 4.*

Petendi tutores vel curatores ibi, unde is, cui dantur, per patrem, *l. 3. C. de munic. & origin.* originem ducit, vel major est facultatum pars. *l. 27. de tut. vel cur. dat. l. un. C. ubi pet. tut.*

*De administratione & periculo tutorum
& curatorum, qui gesserint vel non: &
de agentibus vel conveniendis
uno vel pluribus.*

T I T. VII.

Tutor simul atque datus est, ad administrandum obligatur & suo periculo cessat. *l. 1. in pr. hic.*

Et quia tutelam aliter gerere non potest, quam si decreto Magistratus, administratio ei sit commissâ: *l. 3. hic. §. pen. hic. l. 3. de postul. l. 5. §. pen. de leg. tut.* idcò eam sibi decerni petere debet.

Ea tamen non ante decernetur, quam tutor rerum pupillarium inventarium conficiat, (Nisi forte persona (ut si pupillus valetudine oppressus curandus sit) & utilitas pupilli (ut si res ejus citissime sint distrahendæ, quia alias perituræ.) aliud exigat: *l. 7. hic.*) & jusjurandum cautionemque, datis fidejussoribus, *l. 2. 3. 4. §. 1. ff. rem. pup. salv. fore. l. 7. ff. de prator. stip. præstet*, Rem pupilli ex bona fide defensum iri; *l. fin. §. pen. C. hic. Bart. in d. l. 5. Mathes. sing. 107.* subjunctâ bonorum suorum omnium hypothecâ. *Spec. de tut. §. fin. n. 1. per l. 27. C. de Episc. aud. l. fin. §. 6. vers. in provinciis. C. de curat. furios.*

Si plures tutores dati sunt, ad administrationem eligendus est, quem testator gerere voluit, aut cui major tutorum pars tutelam decernit, aut qui Prætori maximè probatur.

Si

Si tutores Prætori non consentiant, sed velint omnes gerere; aut si tutelam partibus vel regionibus dividi inter se petant, *vid. l. 2. & t. t. C. de div. tut. adiendi sunt. l. 3. 4. hic.*

Cujuscunque generis tutor, *Gloss. in l. 24. verbo, publica & ibi Salicet. C. hic.* qui administrationem accipit, si primo quoque tempore repertorium omnium pupilli bonorum facere neglexerit, in id quod interest tenetur, quod jurejurando in litem æstimatur; quin & removeri ut suspectus potest. *l. 7. hic. tutores. C. eod. l. 5. §. 5. C. arb. tut.* Nisi necessariam & justissimam causam, cur id non fecerit, allegare possit. *d. l. 7. in princ.*

Et, si pecuniam pupilli relinquat otiosam, ad usuras tenetur. *d. l. 7. §. 3.*

Singuli qui gesserunt, finitâ tutelâ de eo quod dolo, culpâ, negligentia eorum, pupillo abest, *d. l. 7. §. 2. l. 7. C. arb. tut. tenentur in solidum. l. 55. hic.*

Iis non sufficientibus, fidejussores: post, Magistratus, qui idoneè caveri non curarunt: *l. 1. §. usque adeo. de tut. & rat. dist. & postremo tutores honorarii. l. 39. §. 11. hic.*

Tutoribus tamen, etsi in solidum teneantur, succurri solet quatuor beneficiis.

1. Divisionis, iis qui non divisam tutelam simul administrarunt, dummodo omnes solvendo sint, ut pro virilibus exigantur. *l. 1. C. de div. tut. l. 1. §. 11. de tut. & rat. dist.*

Si à testatore vel lege distributa in partes sit tutela ipso jure sunt tuti, ne ultra portionem suam conveniantur: *l. 2. C. de div. tut. ut & fidejussores. l. 51. in pr. de fidejuss.*

Alicujus inopia, non pupilli, sed contutorum periculo est, *d. l. 1. §. 10. exemplo fidejussorum. l. fin. C. de const. pec. l. fidejussores. C. de fidejuss.*

2. Ordinis; ut prius excutiantur bona, fidejussoresque ejus qui gessit: ac tum demum Magistratus, tutoresque honorarii teneantur. *d. l. 1. §. 10. & §. usque adeo.*

3. Cedendarum actionum, cum qui in solidum pro

pro collega exigitur, petit à pupillo, cedi sibi actiones, quibus contra contutorem experiatur, si fortè is ad meliorem fortunam perveniat. *d. l. 1. §. 10. & §. plane. vid. Bart. in l. Modestinus. circa fin. de solut.*

4. Utilis actionis negotiorum gestorum, qua solvens, omissa cessionis petitione, contutorem convenire potest. *d. l. 1. §. 10. l. 30. de neg. gest.*

Quæ actio fidejussoribus denegatur. *l. 39. de fidejuss. l. Stichum. §. 10. de solut.* quia pro reo principali; non pro confidejussore, solverunt.

*De autoritate & consensu tutorum
& curatorum.*

T I T. VIII.

Dicitur tutor autoritatem præstare, cum probat id quod agitur. *l. 3. hic.*

Et necesse est in omnibus pupilli obligationibus eum cui administratio decreta, *l. 4. l. 6. hic.* licet non gerat, *l. 49. ff. de acq. hered.* modò ei non fuerit interdicta, *d. l. 4. junct. l. 14. §. 1. ff. de solution.* intercedere, & suo consensu obligationem approbare: alioqui pupillus non obligatur, *l. 5. §. 1. hic.* ut nec exigi possit, & si exactum solverit, habeat repetitionem: *l. 41. de cond. ind. l. 59. l. 10. de O. & A.* etiamsi naturaliter obligetur quod ad consensum naturalem attinet: *l. 1. in fin. de novat.* & quatenus factus est locupletior; qua ex causa & civilis actio datur. *l. 1. §. 15. de pos.*

Si tutor autoritatem præstando res pupillares diminuât, extra damnum est pupillus: cum quia tutor rem illi salvam præstare debet, *t. t. rem pup. salv. fore. l. 21. l. 23. C. de adm. tut.* tum quod in integrum restitui potest. *l. 2. & t. t. C. si tut. vel cur. inter.*

Sufficit unius tutoris autoritas, quamvis plures dati sint: *l. 4. ff. l. fin. C. hic.* & licet de plurium pupillorum re tractetur: *l. 20. hic.* nisi cum de communi tutelæ negotio, quod omnes tangit, agitur:

tur: *d.l. fin.* aut nisi tutela divisa sit; tunc enim quisque in sua administratione author fieri debet: *d.l. fin.* in parte enim administrationis quæ collegæ incumbit pro extraneo est. *l. 51. de adm. tut. l. fin. C. si ex plur. tut.*

Quare honorarius tutor, author non rectè fit. *l. 4. hic.*

Illi enim solum autoritatem ritè interponunt, quibus administratio commissæ est. *l. 6. hic. l. 1. C. si ex plur. tut.*

Minori curatorem habenti; in bonorum administratione consensu perinde ejus opus est, atque pupillo, autoritate tutoris: *l. 3. C. de in int. test. min.* in obligatione personæ cui curator non datur, non item: *l. 101. l. ult. §. 2. de V. O.* ut nec in factione testamenti. *l. 20. §. ult. de lib. leg. Bald. in l. 3. n. 13. C. de cond. ob caus.*

Quodsi curatorem non habet, extra judicium quidem per se sua curare, non tamen liberè & absque autoritate alienare poterit: *Cujac. in l. 1. & 2. de minor. in judicio curatore opus, habet. l. 3. §. pen. de tut. l. 4. C. hic.*

In sua causa tutor curatorve author fieri non potest. *l. 1. l. 5. ff. §. fin. Inst. hic.*

Nam ipsum sibi authorem fieri, ac quasi jus dicere suspiciosum fuerit. *l. 10. de jurisd. l. un. C. ne quis sua caus.*

Debet in ipso negotio & actu author fieri: alioquin postea consentiens nihil agit. *l. 9. §. author. ff. §. Inst. hic.*

Est enim autoritas pars actus seu solennitatis, & ab actu dividi nequit. *l. 28. C. de testam. l. 21. ff. l. 9. ubi Bart. C. qui test. fac.*

Consensus, quia non ad integrandam personam ad actus confirmationem interponitur, qui ex intervallo per ratihabitionem confirmari potest, *de R. I.* ideo post rem gestam sequi potest. *l. fin. SC. Mac. c. suggestum. de jur. patr.*

test & autoritas sequi, quando tantum promissione actus requiritur; *Bald. in l. 1. C. qui test. & l. ult. C. de serv. reip. man. per l. fin. C. arb.*

tut.

336 *Digest. Lib. XXV l. Tit. X.*
tut. Bald. Alex. in l. 25. §. jussum. de acq. her.
aut ad commodum ejus qui confirmat. l. 1. §. sed si
filius. de legat. 3. l. si impubes. de Carb. edict. vid.
Tiraq. de legib. connub. in fin. verb. consentement.
gl 4. in pr.

Tutor vel curator, auctoritatem vel consensum interponens, tantum de re pupilli minorisve agere, non etiam jus suum remittere aut imminuere velle intelligitur. *l. 26. C. de adm. tut.*

Auctoritatem intervenisse non præsumitur, nisi probetur. *l. 13. §. fin. de publ. in rem act. l. 30. ubi Dd. de V. O.*

Quando ex facto tutoris vel curatoris minores agere vel conveniri possunt.

T I T. I X.

Etiam si ex contractu alterius, alteri regulariter, actio non detur: *l. 73. §. fin. de R. I.* tamen si tutor, vel in rebus pupillaribus, vel nomine pupilli, utiliter contraxerit, ex eo utilis datur pupillo actio. *l. 2. ff. l. pen. C. hic.*

Dolus tutoris, pupillo neque prodest, neque nocet. *l. 1. l. 3. ff. eod.*

Si mandato tutoris, negotia pupilli administrata sunt, inter hunc & gestorem Directa & Contraria negotiorum gestorum dabitur actio. *l. 4. C. de neg. gest.*

Si tutor vel curator, pupilli minorisve nomine condemnatus, finito officio molestiæ & pericula finiuntur; *l. fin. C. de peric. tut.* & actio in ipsum minorem, cujus res gesta est, datur: *l. pen. ff. l. 1. C. hic. l. 4. §. 1. de re jud.* ut e contra impuberi quæritur actio si secundum tutorem aut ejus actorem res sit judicata. *l. tutor. hic.*

Datur etiam in minorem actio, si pecunia à tutore mutuo accepta, in rem ejus versa sit: *l. 3. C. eod.* Si ex dolo tutoris locupletior factus sit. *l. 3. hic.*

De suspectis tutoribus & curatoribus.

T I T. X.

Tutor vel curator, qui officio non fungitur, removeretur tanquam suspectus.

Suspectus est, qui malè tutelam gerit, gesturusve esse videtur. §. 6. *Inst. hic.*

Itaque dicitur suspectus ex moribus, non facultatibus. l. 8. ff. §. ult. *Inst. eod.*

Ejus accusatio ex lege x: i. Tabularum descendit. l. 1. §. 2. *eod.*

Cognitio pertinet in Urbe ad Prætores, in provincia ad Præsidem, d. l. 1. §. 1. Proconsulem, ejus Legatum. d. l. 1. §. 3.

Accusari possunt omnes; d. l. 1. §. 5. ab omnibus, etiam mulieribus, quæ pietate aut necessitudine ductæ, ad hoc procedunt; est enim quasi publica actio. d. l. 1. §. pen. & fin. §. 2. *Inst. eod.*

Impuberibus non permittitur suspectos tutores facere: Nisi plures tutores habentes, unius auctoritate hoc faciant: *fr. l. 1. §. 2. ff. de adm. tut. l. 5. ff. de R. l. §. 9. Inst. de inutil. stip. junct. l. 3. princ. l. 5. ff. hic.* adolescentes de consilio necessariorum ad accusandum admittuntur. l. 7. ff. l. pietatis. C. *eod.* Quia suam prosequuntur injuriam; quibus in terminis judicio etiam publico accusare possunt. *arg. l. 4. ubi Dd. C. de auct. præst.*

Magistratus etiam ex officio tutorem removet, si apertissimis rerum argumentis liqueat, esse suspectum. l. 3. §. 4. l. 7. *hic.*

Suspectus removeretur, vel propter dolum, vel propter culpam, laam, d. l. 7. §. 1. d. l. 3. §. 5. quandoque etiam levem, l. 3. §. fin. ff. l. fin. ubi Gl. C. *eod.* & si qua justa causa judicem ad suspicandum commoveat. d. l. 3. §. 12.

Remotus, ob dolum infamis fit: ob aliam causam, non notatur. d. l. 3. §. ult. §. suspectus. *Inst. eod.*

Extinguitur suspecti cognitio, licet jam suscepta, tutelâ, vel curâ, sive morte tutoris, sive alia ratione finitâ. l. 11. ff. §. 8. *Inst. hic.*

DIGESTORVM

LIBER XXVII.

De excusationibus.

TIT. I.

Dictum quomodo tutorem officium eis invitis; dicendum nunc quomodo eis volentibus cesset. Quod fit, si justa de causa excusari mereantur.

Excusatio est immunitatis allegatio.

Est vel propria, quâ nisi tutor utatur, necessariò administrare & obire injunctam provinciam debet. *l. 11. C. hic. l. 2. C. si tut. vel cur. ex fals. all.*

Vel impropria, cujus allegatio non est necessaria, sed propter quam ipso jure tutor ab onere liberatus est, aded ut ne volens quidem admitti possit. *Gl. in §. item propter. & §. 13. Inst. hic.* Cujusmodi est excusatio minoris ætatis, *d. §. 13. vers. minores, militiæ. §. 14. Inst. eod. &c.*

Excusationum justæ causæ sunt Ætas, quæ vel infra vigesimum quintum, aut supra septuagesimum annum est. *§. 13. Inst. l. 2. ff. eod.*

Numerus trium liberorum Romæ, in Italia quatuor, in Provincia quinque. *in pr. Inst. eod. t. s. C. de his qui num. lib. 10.*

Numerus trium tutelarum aut curarum, non affectatarum. *§. 5. Inst. l. 4. cum l. seqq. ff. hic.*

Professio artium & scientiarum, ut Grammaticæ, Rhetoricæ, Philosophiæ, Medicinæ, Juris, in scholis approbatis. *l. 6. §. 12. l. 30. ff. l. fin. C. §. 15. Inst. eod.*

Dignitas, magistratus cum imperio. *l. 41. l. 30. ff. §. 3. Inst. eod.*

Inimicitia capitales cum patre pupilli exercitiæ: *l. 6. §. 17. ff. §. 9. Inst. eod.* aut tutela, inimicitia causâ, id est, inimico animo, ut obligaretur negotiis;

tiis; *d.l.6. §. 17. impositâ. d.l.6. §. 3. l. un. C. si propt. anim. lib. 10.*

Fortuna, ut rusticitas, & interdum paupertas, *d.l.6. §. fin. l. 7. ff. §. 6. Inst. eod. tutoris, qua oneri injuncto impar, d.l.7. l. 49. §. 1. Inst. hic. non pupilli. l. 18. C. eod.*

Absentia, justa, ut Reipublicæ. *l. 10. §. 2. ff. eod.*

Morbus sive corporis, sive animi, per quem propriis rebus præesse nequit. *l. 10. §. 8. ff. §. 7. Inst. eod.*

Privilegium, ut veteranorum, *l. 8. eod. (qui adversus filios eorum qui ejusdem sunt ordinis, excusationem non habent. d.l.8.) pistorum, mensorum, frumentariorum. l. 26. l. 46. eod.*

Lis, de hæreditate, vel universis bonis inter tutorem & pupillum. *l. 23. ff. §. 4. Inst. l. 16. C. eod. Quod Novel. 72. c. 1. 2. 3. est correctum.*

Item excusare se quis potest, ne administret possessiones in alia provincia, *l. 10. §. 4. l. 12. l. 19. ff. hic. vel quidem in eadem, sed ultra centesimum lapidem, sitas. l. 21. §. 2. ff. eod.*

Quæ omnia tutoribus & curatoribus communia: his tamen speciale, quod non cogantur curam ejus suscipere, cujus tutelam gesserunt. *§. 18. Inst. l. 20. C. eod.*

Quod maritus justè recusat curam uxoris, *§. pen. Inst. eod. imdeam suscipere nequeat. l. 2. C. qui dar. tut.*

Qui se excusare vult, debet intra statuta tempora (id est, intra quinquagesimum diem, à tempore scientiæ computandum, *l. 8. C. §. 18. Inst. l. 13. §. 2. ff. hic.*) ad judicem venire; non absens per libellum excusationem proponere. *l. 25. ff. eod.*

Debet excusationem proponere, non appellare, nisi, illâ rejectâ, à sententia judicis. *§. 16. Inst. l. 13. ff. l. 18. C. hic.*

Falsa excusatio, licet à judice admissa fuerit, tamen non prodest, nec à tutelæ vel curæ onere excusatum liberat. *§. ult. Inst. eod. r. r. C. si tut. vel cur. fals. all. excus. sit.* Suadente hoc favore pupilli, qui ob ætatem commiseratione est dignus. Cum alias res judicata pro veritate habeatur.

*Ubi pupillus educari vel morari debeat , &
de alimentis ei præstandis.*

T I T. II.

DUm de suspecto tutore aut excusationibus ligatur , magistratus , ubi pupillus educari & morari debeat , habita ratione personæ , conditionis , & temporis , decernere debet. *l. 1. in pr. & §. 1. l. 5. hic.*

Id enim agere eum oportet , ut sine ulla maligna suspitione pupillus educetur. *d. l. 1. l. 2. C. eod.*

Et alimenta , & sumptus ad institutionem pupilli , pro modo facultatum , & ita ut aliquid ex redditu superfit , decernere. *l. 2. l. 3. ff. eod.*

De suo enim , si egenus sit pupillus , cum alere , tutores non compelluntur. *d. l. 3. §. fin.*

*De tutela & rationibus distrahendis , &
utili curationis causa, actione.*

T I T. III.

Datur pupillo adversus tutorem duplex actio , una tutelæ , altera de distrahendis rationibus dicta.

Tutelæ actio , est personalis , quæ finita tutela , *l. 9. §. 4. §. ult. cum ll. seqq. hic.* pupillo , ejusque hæredi , datur , adversus cujuslibet generis tutorem , *l. 3. §. 2. ff. de adm. tut.* ejusque successores , *l. 1. §. 16. 17. hic.* ut actus sui , & administrationis rationes reddat , *d. l. 1. in pr. & §. 3.* & reliqua solvat : *d. l. 9. l. 3. C. arb. tut.* ita ut & dolum , culpam , & negligentiam præstet. *l. 1. hic. l. 6. l. 7. C. arb. tut.*

Est enim bonæ fidei , *d. l. 1. §. 1.* famosa , si quis ob dolum condemnetur. *§. 6. Inst. de suspect. tut.*

Actio de rationibus distrahendis , (hoc est , jam distractis , conturbatis , finitis , *Cujac. ad Paul. lib. 2. sent. tit. 30*) est ex lege XII. Tabularum. *l. 1. hic. l. 55. §. 1. de adm. tut.* datur finito officio , *d. l. 1. §. fin.*
adver-

adversus qualemcumque tutorem, *d.l.1. §.19. de iis rebus quas ex bonis pupilli, durante tutela, abstulit. d.l.1. §.22. l.2. §.1. ff. hic. in duplum. d.l.2. §.fin. Nullâ ejus quod pupilli interest habitâ ratione. l.1. §.20. l.2. §.fin. hic.*

Utraque hæc Utilis, datur minori, adversus curatorem, *l.3. C. arb. tut. l.3. l.20. hic. etiam durante ut videtur administratione, l.26. de adm. tut. de aliqua particulari causa; l.4. §. ult. l.16. in fin. hic. l.27. de adm. tut. non ut curationis rationes reddantur; quia non ante curam finitam reddi debent. l.2. l.14. C. eod.*

Utili negotiorum gestorum minor rectè experitur. *l.7. C. arb. tut. l.17. C. neg. gestor.*

Tenentur etiam administratores, conditione furtivâ & furri, iis de rebus, quas dolo malo in officio intervertisse probantur: *d.l.1. §.pen. & fin. & ll. seqq. l.33. ff. l.8. l.16. C. de furt. Dummodò furandi animum non habuerint: d.l.1. §.21. cum §. seq. d.l.2. §.1. id est, ex proposito clam res amoverint, ut eas sibi perpetuo usurparent; non verò simpliciter in usus suos verterint.*

De contraria tutela & utili actione.

T I T. I V.

Contraria tutelæ actio non solum tutori, sed etiam Utiliter protutori, & curatori datur, *l.1. §.1. hic. illis finito officio, d.l.1. §.3. l.4. hic. hic & cura durante, l.1. §.3. eod. adversus pupillum vel adolescentem, ad ea consequenda, quæ propter tutelam absunt, quia pro eis impendit; d.l.1. pr. & §. ult. vel abfutura sunt, quia pro eis se obligavit. l. ult. eod.*

Est bonæ fidei, *Bart. in d.l.1. in pr. l.28. C. de adm. rei persecutoria, perpetua, id est, hodie triginta annis præscribitur; l.3. in fin. C. de præscr. 30. & hæredibus contra hæredes datur. l.3. §.fin. in hic.*

*De eo qui pro tutore vel curatore
negotia gessit.*

T I T. V.

Pro tutore negotia gerit, qui, cum tutor non sit, munere tutoris fungitur in re impuberis, sive putet se tutorem esse, sive sciens se fingat esse tutorem. *l. 1. §. 1. hic.*

Ergo similiter pro curatore gerit falsus curator, sive se putet esse, sive se sciat non esse tutorem.

Hinc datur à Prætorè actio tutelæ, quæ minori contra eum, qui pro tutore negotia gessit, etiam durante administratione, competit. *d. l. 1. in pr. l. 4. C. de test. tut.*

In quam venit quicquid gestum, & quod non est gestum, dummodò alius gesturus erat. *d. l. 1. §. fin. l. pen. hic.*

Competit etiam minori actio negotiorum gestorum, contra eum, qui pro tutore vel curatore administravit. *l. 4. C. qui dar. tut. vel cur. poss.*

Adversus minorem, dictis personis actio contraria de impensis datur. *l. fin. hic.*

*Quod falso tutore authore gestum
esse dicitur.*

T I T. VI.

Falsus tutor dicitur qui dolo malo & falsò administrat, quemadmodum & falsus procurator. *l. falsus. C. de furt.*

Prætor dat actionem in factum, qua falsus tutor, qui dolo malo author factus est, tenetur ei, quem decepit, in id quod ejus interest. *l. 7. hic.*

Et singuli, si plures sint qui authores fuerunt, tenentur, propter dolum, in solidum: sed solutione unius cæteri liberantur, non electione. *d. l. 7. §. fin.*

Datur

Datur hæc actio hæredibus, non in hæredes: quia ex delicto est; nec post annum. *l. 9. §. 1. eod.*

Promittit etiam Prætor in integrum restitutionem ei, qui ignoravit se cum falso tutore rem gerere. Scienti non subvenit, *d. l. 1. §. fin.* nisi minori. *l. 4. eod.*

Illius actionis exemplo datur actio in eum qui dolo fecit, ut aliquis falso putans se esse tutorem, auctor fieret. *d. l. 9. in pr.*

De fidejussoribus & nominatoribus, & heredibus tutorum vel curatorum.

T I T. VII.

FActis non solvendo tutoribus, fidejussores eorum, non tantum qui per stipulationem legitimo jure conceptam obligati sunt; *l. 5. §. 2. ff. de V. O. l. 12. C. de fidejuss.* sed & qui simpliciter à tutoribus nominati, si præsentés fuerunt & nomina sua in acta publica referri passi sunt; *l. 4. §. fin. hic.* qui tutores idoneos esse adfirmaverunt; *d. l. 4. §. fin.* qui eos in tutores postularunt, vel nominarunt; *l. 2. eod. l. 7. §. l. 46. C. decur. lib. 10. l. un. C. de potior. ad mun. nom. lib. 10.)* tenentur eodem modo quo tutores. *l. 5. hic.*

Beneficium divisionis pupillo objicere nequeunt, *l. fin. ff. rem pup. salu. for.* nisi ex persona & causa tutorum, pro quibus fidejusserunt: *l. 6. & 7. hic.* modo tunc hi omnes solvendo sunt. *d. l. 6.*

Hæredes etiam tutorum vel curatorum, quia ex quasi contractu agitur; *l. 49. ff. de obl. & act.* actione tutelæ tenentur, & defuncti tutoris nomine, & (si negotia à defuncto inchoata absolverint, vel res pupillares possideant,) suo, de dolo, culpa lata. *l. 4. l. fin. hic.* non de levi. Nisi, lis cum defuncto fuit contestata: certent de lucro captando: aliquid gratiosè alteri in præjudicium minoris præstiterint; *l. 1. C. de hered. tut. l. pen. C. de in litem jurand.*

*De magistratibus conveniendis, &
eorum heredibus.*

T I T. VIII.

SI ne sic quidem pupillo satisfactum, Utilis subsidiaria actio, in eos magistratus qui satisfactionem exigere debent, dari solet, si aut eam non exegerunt, aut non idoneè passi sunt caveri. *l. 1. in pr. ff. l. ult. C. hic.*

Majores magistratus, ut Prætor, Præses, eâ non tenentur. *d. l. 1. §. neque. §. præses.* Quoniam ex aliorum relatione tutores dare, & fidejussores admittere solent. *d. l. 1. §. si præses.*

Tenentur, si plures sint, singuli in solidum, *d. l. 1. §. probatio.* si ex dolo conveniantur: si ex culpa, & omnes sint solvendo, in portiones viriles æquius eos exigi. *l. 7. ff. l. 3. C. eod.*

Transit hæc actio eatenus in hæredes, quatenus dolus aut lata culpa arguitur: *l. 4. l. 6. hic.* si ex sua persona, sive nomine hæreditario conveniantur. *l. 2. C. hic.*

*De rebus eorum qui sub tutela vel cura
sunt, sine decreto non alienandis
vel supponendis.*

T I T. IX.

ORatione D. Severi prohibentur tutores & curatores, prædia minorum sine decreto Prætoris alienare, vel hypothecæ supponere. *l. 1. hic.*

Quod Constantinus ad omnes res minorum, quæ servando servari possunt, produxit. *l. 22. vers. pen. ult. & fin. C. de adm. tut.*

Alienatio autem ut valeat requiritur, ut sit urgens res alienum, vel causa alienandi: aliandè non possit solvi: *l. 12. C. de præd. min.* hoc judici liqueat: *l. 5. §. 1. hic.* pupillus aliundè non possit ali: *l. 5. & 7. ff. l. pen. C. eod.* ut interveniat tutoris veri auctoritas:

ritas: l. 2. 3. C. de auth. præs. l. ult. §. si a. C. si propt. publ. pensit. omnia hæc decretum præcedant, & postea demum id interponatur. l. 11. C. hic.

Alioqui habet minor non modò personalem tutelæ actionem, l. 3. l. 6. C. arb. tut. sed & rei vindicationem, ad res suas à quocunque possessore absque pretii restitutione, l. 4. l. 10. C. de præd. min. revocandas. d. l. 5. §. 14. §. 15. l. 9. hic.

Nam si abreptum per falsam causam probetur Prætori, vel Prætor siue necessitate decernit, nullum est decretum. l. 1. in pr. ff. l. 5. C. hic.

Nisi vitium, Principis confirmatio suppleverit. l. 2. C. quan. decret. non est. op. Alex. conf. 79. circa n. 20. vol. 1.

Licet alienatio ritè facta sit, potest tamen minor, si appareat postea læsum, puta, quia res vili pretio distracta; in integrum restitutionem postulare. l. 11. C. de præd. minor. Licet emtor, quod justo pretio deest, velit supplere. l. 11. C. hic.

Nisi alienationem jam major factus aut expressè ratam habuerit, t. t. C. si maj. fact. rat. & t. t. C. si maj. fact. alien. aut tacitè, scilicet patièdo tempora, inter quæ restitutio in integrum petenda, elabi. l. fin. C. de temp. in int. rest. l. fin. C. si major fact. alien. sine decret. fact. rat.

De curatoribus furioso & aliis extraminores dandis.

T I T. X.

Furioso, prodigo, bonis ipso jure interdicitur. l. 1. hic. & eis, ex magistratus cognitione, curator datur agnatus proximus maxime idoneus: si non sit, alius. d. l. 1. l. ult. C. hic. l. his qui. §. fin. de tut. & cur. dat. ab his. l. 6. ubi Dd. de V. O. §. 3. Inst. de curat.

Dat & curatores Proconsul his, qui rebus suis superesse non possunt: ut mente captis, surdis & mutis, & qui perpetuo morbo laborant. l. 1. hic. §. 4. Inst. eod.

Qui curatores satisfacere debent rem salvam fore; nisi prædia idonea habeant pro prædiis: inventarium facere, *l. ult. §. & inventario. cum §§. seqq. C. hic.* nihil alienare sine decreto iudicis: *l. 2. C. l. 11. l. 12. l. fin. ff. hic.* & ex Justiniani constitutione jurandum, de officio fideliter exequendo, dare. *d. l. fin. §. sed cum antiquitas. C. eod.*

Jurant in urbe apud Præfectum urbi, in provinciis apud Præsidem, Episcopo & tribus primatibus Curiae puta præsentibus, actisque intervenientibus, tactisque sacris scripturis, se omnia recte & ex utilitate furiosorum; &c. acturos; neque quæ eis putaverint utilia omisiuros. *l. ult. §. 5. cum Auth. quod num. & §. 6. C. hic.*

Finiuntur hæ curæ, cum causa dati curatoris cessat; ut, cum furiosus sanam mentem, prodigus bonos mores recepit. *l. 1. in pr. hic.*

DIGEST. PARS V. LIBER XXVIII.

Qui testamenta facere possunt: & quemadmodum testamenta fiant.

TIT. I.



Dictum hæcenus de obligationibus quæ ex contractibus, dicendum nunc de iis quæ ex successionibus nascuntur.

Successio, aut est ex ultima voluntate, aut ab intestato.

Ex ultima voluntate est, vel civilis, vel prætoriam; illa aut universitatis bonorum, quæ testamento, & codicillis datur: aut rerum singularium.

Testamentum, (dictum quod sit testatio mentis, *in pr. Inst. hic.*) est voluntatis nostræ iusta sententia.

, de eo quod quis post mortem suam fieri velit. *l. 1. hic.*

Testamentorum tria apud veteres fuisse generaliter quod calatis comitiis coram populo fiebat; o in pace utebantur. Alterum procinctum, quod praelium exituri condebant. Tertium, quod per & libram dicebatur : & fiebat per mancipationem, id est, imaginariam venditionem, coram quinque testibus, civibus Romanis puberibus, & libripone, id est, ponderatore, *l. 1. & l. 1. C. de ponderat. l. 10.* atque eo qui familiæ, id est, hæreditatis empor dicebatur. §. 1. *Inst. hic.*

Quibus successit Prætorium: in quo nulla desideratur imaginaria hæreditatis venditio: sed septem tantum signa sufficiebant. §. 2. *Inst. eod.*

Hodie, ex Constitutionibus Imperatorum, duo vera sunt in usu, unum quod paganicum, alterum quod militare dicitur.

Paganicum, vel est solenne in scriptis, vel nuncupativum.

Ad solenne in scriptis, ut valeat, requiruntur: ut scriptum vel à testatore vel alio, integris literis, *l. 1. §. 1. C. hic.* expressis verbis hæres instituatur, *9. C. de testam.* subscribatur & signetur à testatore vel ab alio ejus nomine, *d. l. 21. l. 29. C. hic.* præter tamen testatore, coram septem testibus, civibus Romanis, ad id propter solennitatem rogatis: tres subscribant vel ipsi, *d. l. 21.* vel unus pro alio, si literati non reperiuntur: *l. fin. C. hic.* & consentiant propriis, vel alienis annulis, si proprios non habent: *l. 22. §. 2. ff. l. 12. C. hic.* testator ipse subscribat, si alius testamentum scripsit; *l. 29. C. hic.* si non, & se hoc fecisse in eo testetur, non est necesse nomen subscribat: *l. 18. in fin. C. eod.* si literas testator ignorat, octavus testis ejus nomine subscribat, *d. l. 21.*

Nuncupativum fit sine solennitate scripturæ, (et si in scriptis redigi potest: *1. mol. in c. cum esses. n. 5. de am.*) hoc modo: ut testator coram septem testibus rogatis, *l. 21. §. pen. ff. l. 21. C. hic.* heredem nunciet, & ultimam voluntatem aperiat, *d. l. 21. §. 2. §. Inst. hic.*

Utrunque testamenti genus uno actu & contextu absolvi debet. *l. 21. §. ult. ff. l. 28. C. hic.*

Etsi regulariter in omni testamento septem testes, supra Notarium, *Bald. in rub. C. de fid. instr. n. 19. per l. 21. de testam.* sint necessarii: (de praxi puta Germaniæ. Civile enim Jus præter septem testes, neminem exigit; excepto testamento cæci; in quo & exigit Tabularium; *l. 8. C. hic.*) tamen sufficiunt interdum nulli: ut in testamento inter liberos, *d. l. 21. §. 1. l. ult. C. fam. erisc. Auth. quod sine. C. de testam. Nov. 107. c. 1. Sichard. ad l. 21. Donel. 16. com. 9.* interdum pauciores; ut in testamento ad piâs causas, *c. cum esset. Ext. hic. rustici, l. ult. C. hic.* & eo quod fit tempore pestis, aut belli, *Alex. conf. 70. & 177. vol. 2. las. n. 3. & Dd. in d. l. ult.* & quod actis insinuatum est: *l. 19. C. hic.* licet privatum sit absolutum. *l. 19. l. 21. C. eod.*

Apud acta enim & ea fieri dicuntur (maximè in iis quæ sunt voluntariæ jurisdictionis, *l. 3. C. de emanc. lib. l. 1. C. de off. conf. l. actus. C. de ser.* ut est testamenti factio:) quæ coram iudice, etiam extra locum iudicii, geruntur. *d. l. 3. l. 1. C. de his qui in Eccl. man. las. in l. 2. n. 4. C. de eden. Bald. in l. illud. n. 3. C. de SS. Eccl.*

Ut testamentum valeat, requiritur testes omnes esse idoneos; alioqui etiam ex unius inhabilitate totum testamentum nullum redditur; *l. 14. cum il. seqq. de testib. l. si unus. C. de testam.* nisi clausula sit adjecta codicillaris: quæ facit voluntatem subsistere, sed non jure testamenti, sed codicilli: & testatorem testamenti habere factionem activam.

Testes idonei non sunt, mulier, *l. 20. §. 6. hic. impubes, §. testes. Inst. eod. servus, d. l. 20. §. 7. mutus, furdus, d. §. testes. furiosus, d. l. 20. §. 4. prodigus, l. 18. eod. hæres, d. l. 20. §. sed neque hæres. Inst. eod. qui in potestate est testatoris, §. pater. Inst. eod. l. 6. l. 10. C. de testib. improbi & intestabiles, l. 26. hic. d. §. testes. id est, ob crimen famosum damnati, *d. l. 26. l. 2. ff. de testib. domestici testatores. §. in testib. Inst. eod. Sunt idonei, Legatarius, §. legatarius. Inst. eod. & executor. Ang. in d. §. legatarius. n. 5.**

Testa

Testamenti factionem activam nemo habet nisi i lex, l. 120. de V. S. Nov. 22. c. 2. vel Princeps nominatim concessit. l. 35. C. de inoff. test. Est enim specialis permissionis.

Concessa est patrifamilias, qui annum decimum partum, & matrifamilias, quæ annum duodecimum complevit.

Complevisse videtur qui extremum diem anni artidecimi, quæve extremum diem anni duodecimi attingit. l. 5. hic.

Filiosfamilias non permittit; l. 6. l. 19. eod. ne qui in patre permittente, l. 5. §. 1. de mort. caus. don. i de peculio castrensi; vel quasi castrensi. l. ult. C. Inoff. test. in pr. Inst. quibus non est perm. fac. test. ult. Inst. de milit. test.

Imò nec paterfamilias testari potest, si aliquod pedimentum obstat: ut furor; l. 2. hic. prodigalitas; l. 18. hic. tempore puta morbi; captivitas; § fin. 2. hic. damnatio ad mortem, vel poenam; l. 13. §. 2. l. vel ob carmen famosum; l. 26. l. 18. § si quis. eod. maxima & media capitis diminutio; § 8. eod. hæret. l. 4. C. de hæret. &c.

Surdi, muti, cæci, testari possunt, sed juxta formam à Justiniano traditam in. l. 10. l. 8. C. hic. §. item diu. Inst. hic.

Possunt & plures in eodem testamento testari: ut pater & filius; l. 2. cum ll. seqq. de vulg. & pup. subst. ritus & uxor; Bald. n. 1. l. as. n. 3. & Dd. in l. licet. C. de pact. per l. 5. quod si cert. per. vid. Nov. 1. V. t. Cujac. ad l. unum. 24. hic. sed quot sunt personæ, testamenta esse intelliguntur. l. 20. ubi Dd. de vulg. & pup. subst. l. scire de V. O.

Testari quis potest de omnibus rebus suis, non alienis; Bald. in c. 1. n. 3. de succ. feud. 1. F. 8. GP. Auth. ingressi. C. de SS. Eccl. text. in l. 77. § mando. legat. 2. licet eas legare possit; § non solum. Inst. de test. l. 10. C. eod. tit.

Nec potest testator in testamento, juri publico, in l. nemo. 55. n. 1. de legat. 1. jurisdictioni, l. as. d. solennitatibus, l. as. eod. n. 13. in 1. lect. & n. 15. 2. lect. aut statutis, l. as. ibid. n. 28. & in 2. lect. n. 47. legare.

De liberis & posthumis hæredibus instituendis, vel exhæredandis, vel præteritis.

T I T. II.

INter cætera quæ ad ordinanda testamenta necessario desiderantur, principale jus est de liberis, &c, si illi non sint, parentibus, *l. pater. 14. cum l. seq. de inoff. test. Nov. 115. c. 4.* hæredibus instituendis vel exhæredandis. *l. 30. hic.*

Liberorum appellatione filii, nepotes, cæteri- que qui ex his descendunt, continentur. *l. 220. de V. S.*

Posthumos hic accipimus qui post mortem patris, aut testamentum factum sui hæredes agnoscuntur. *l. 3. §. 1. l. 13. de injust. rupt. irr. test. l. 28. §. 1. hic.*

Qui omnes, indistinctè, sive mares sint, sive fœminæ, hodie Bald. in *l. hac consultiss. §. 1. C. de testament.* si gradu proximi sint, aut sunt nominatim (id est, expresso nomine, aut designatione certâ & discretè. *l. 24. de man. test.*) instituendi, aut ex certis & jure expressis in *Nov. 115. c. 3.* causis, vel (ut communis opinio,) illis similibus aut gravioribus, *Ias. in Auth. non licet. C. de lib. præst. Hipp. sing. 78. Alex. conf. 203. super. vol. 2. exhæredandi, §. 1. Inst. de exhæred. lib. 1. l. 1. & 2. hic.* alioqui testamentum ipso jure corrumpitur.

In posthumum tamen infantem causa exhæredationis justa non cadit: quia nec ex sua persona dignus exhæredatione videri potest, nec debet alieno odio prægravari. *l. 33. §. 1. C. de inoff. test.*

Et si modò prætereatur, agnatione rumpit testamentum, *l. 4. C. hic.* sive mas sit sive fœmina: modo integer sit, & vivus; *l. 3. C. eod.* etiam cæsarius, licet voce non emissâ; in manibus obstetricis moriatur. *l. 12. ff. l. 3. C. eod.*

Causas expressas veras esse, probare hæres institutus cogitur: *d. Nov. 115. c. 4.* cæteroqui testamen-
tum.

tum, respectu institutionis, non legatorum & fideicommissorum, annihilatur: *Auth. ex causa. C. de lib. præter. & ad triginta annos, præpositâ nullitatis quæstione, (quæ tamdiu durat. Bart. in l. si expressim. 19. de appell.)* impugnari potest. *Guid. Pap. q. 597.*

Si sufficiens exhæredationis causa inserta, quam falsam exhæredatus insinuat, inter quinquennium ex eo per querelam inofficiosi testamenti, rescindere testamentum debet, testamento alioqui valituro.

Quod etiam in præteritione materna, quæ pro exhæredatione est, §. 7. *Inst. de exhar. lib. & emancipatis liberis observandum. com. concl. in d. Auth. non licet. Auth. ex causa. C. de lib. præter. Bald. conf. 98. & 112. vol. 5. Salic. in l. si mater. C. de in off. test.*

De injusto rupto, & irrito factò testamento.

T I T. I I I.

Injustum testamentum propriè dicitur non jure factum, si desint juris solennia: *l. 1. in pr. hic. vel nullius momenti, si suus hæres sit præteritus. d. l. 1. vers. 1. & §. 3.*

Ruptum, quod in eodem statu manente testatore, vel posteriore testamento perfectò, licet nemo ex eo hæres existat: *l. 1. l. 16 hic. vel agnatione aut quasi agnatione sui heredis, id est, posthumi aut quasi posthumi, qui non institutus, rampitur. l. 3. in pr. & §. 1. §. ult. l. 4. l. 5. l. 6. §. 1. 2. l. 8. in pr. eod.*

Irritum testamentum constituitur, cum testator capite minuitur. *l. 6. §. irritum. & §§. seqq. hic.*

Sed testatore ab hostibus capto, testamentum aut jure postliminii confirmatur, si in civitatem fuerit reversus aut Lege Corneliâ, si ibi decesserit. *d. l. 6. §. penult.*

Destitutum aut desertum testamentum ex quo nemo hæreditatem adit, viribus & effectu destitui-

ur. §. 8. in verb. *destitutum aut desertum: ubi Theoph.*
Inst. de hered. qua ab int.

Quocunque modo testamento infirmato, ab intestato succeditur perinde ac si nullum factum esset: *l. 17. hic.* exceptis tamen hodie, in quibusdam casibus, legatis: *vide. Auth. ex causa. C. de lib. prat. Auth. hoc amplius. C. de fidei.* quæ effectum sortiuntur.

De his, quæ in testamento delentur, inducuntur, vel inscribuntur.

T I T. I V.

QUæ ex testamento consulto & sciente testatore delentur, eatenus quatenus delentur, effectum juris non habent, *l. 1. hic.* nisi appareat testatorem eo animo induxisse, ut totum testamentum corruat. *l. 3. 4. eod.*

Inducere propriè est, ducto per ceras, in quibus olim scribebatur, stylo, memoriam scripti interlinire ac obliterare: & idem est quod delere, *l. 1. §. in pr. hic.* seu cancellare. *l. 22. C. de solut.*

Ut consultò à testatore deleta vel induceta non debentur, ita superscripta, id est, supra versus adjecta, debentur, si testatoris voluntate scripta sunt. *l. 12. §. 1. C. de testam.*

De heredibus instituendis.

T I T. V.

Dicendum nunc de hæredis institutione; quæ fundamentum est totius testamenti, quo collabente cætera corrunt. *l. pen. in fin. supra. tit. prox. §. ante. Inst. de legat.*

Hæres est, qui suo nomine, sive per se, sive per alium, hæreditatem est adeptus. *l. 23. de pet. hered. l. fin. C. hic.*

Hæreditas nihil aliud est, quam civilis successio in universum jns, quod defunctus habuit. *l. 24. de V. S.*

Q:z:

Quæ vel est legitima, quæ ex lege ab intestato defertur: vel testamentaria, quæ ex testamento. *l. 8. petit. her.*

Dicitur & alia directa; alia fideicommissaria, sed improprie; *t. t. de fideic. her. petit. Bart. in l. liberto. §. filium. n. 5. de ann. leg.* alia delata; *l. 151. de V. S.* alia jacens; *Bart. in l. si quis. 23. hic.* alia vacans. *l. postquam. ubi Bart. Ut legat. nom. cav.* Adita, non dicitur hæreditas, sed hæredis patrimonium. *Bart. in l. Titius. in pr. ad SC. Treb. & in l. qui servum. §. 1. de legat. 2.*

Hæredem instituere, nihil aliud est, quam certum in testamento sibi successorem nominare, qui post mortem in universum jus succedat. *l. 1. §. 1. l. 9. §. 12. hic.*

Hæredum alii necessarii, ut testatoris servi hæredes instituti: alii sui & domestici; *§. 3. Inst. de hæred. qual. & diff. l. 11. de lib. & post. ut liberi, qui in potestate morientis & gradu proximi fuerunt. §. 2. Inst. eod.*

Qui tam jure naturali, quam civili, *l. scripto. §. fin. unde lib. l. 7. de bon. dam. ex communi parentum voto, l. 15. de inoff. test.* proprii hæredes existunt.

Cæteri omnes hæredes qui non sunt in potestate & familia defuncti, extranei vocantur. *§. 3. Inst. eod.*

Institutio hæredis, aut est Universalis, scilicet in tota hæreditate, aut quota ejus parte: aut est in certa: *l. 13. C. hic.* item aut pura; aut conditionalis: *t. t. de cond. inst.* aut directa; aut obliqua, quæ in codicillis, vel per fideicommissum relinquitur. *l. 2. §. fin. ubi Gl. & Dd. de jure codicill. l. 2. C. §. pen. Inst. eod.*

Hæredes instituere possunt, qui habent testamenti factionem activam. *Vlp. tit. 22.*

Institui omnes, qui testamenti factionem passivam habent, id est, ex testamento capere possunt: liberi, servi, *pr. & §. 2. Inst. hic.* proprii vel cum, vel sine libertate; *l. pen. C. de necess. serv. her. inst.* alieni, non tamen cum libertate; *l. 3. hic.* ex persona dominorum,

norum, l. 9. §. 1. *hic*. Cum quibus ergo debet esse testamenti factio; l. 10. C. *eod.* non deportati, l. 1. C. *eod.* damnati in metallum, l. 3. *De his quæ pro non scrip. hab.* heretici, l. 4. *Auth. credentes. C. de heret.* liberi incestuosi, Nov. 89. c. 15. collegia illicita, l. 8. C. *hic*, incertæ personæ, *Vlp. tit. 22.* quod postmodum ex æquitate à Justiniano temperatum: §. *incertis. cum* §. *seqq. Inst. de legat.* Hoc modo, ut personæ plane incertæ, ut nec ex post facto, nec vel per consequentiam certæ fieri queant, institui non possint: §. 25. *Inst. de legat.* De facie modo ignotas, l. 11. C. *hic*. vel per consequentiam alicujus corporis, modo notas, licet alias omnino ignotas, instituere licet.

Testamenti factio passiva in extraneo requiritur & tempore testamenti facti, & mortis testatoris & aditæ hæreditatis; In suo aut necessario aditionis tempore non requiritur. Quod in illis nullum est: l. 11. ff. *de lib. & posth.* mediorum verò temporum ratio non habetur. l. 6. §. *selemus. l. 49. §. 1. hic.*

Institutio fieri potest de omnibus testatoris bonis, l. 13. *in verb. de pecunia sua. C. de testam.* mobilibus, immobilibus, (quorum tamen expressione non comprehenduntur nomina. *Bart. in l. quam Tuberonis. 7. §. 4. de peculio.*) etiam emphyteuticis, *vid. Ias. in l. fin. n. 55. cum seqq. & 76. C. de jur. emph.* non feudalibus, c. 1. *de success. feud. 1. F. 8. c. 1. in pr. de consuec. feud. F. 33.* nec alienis. l. 79. §. *mando. de legat. 1. Gl. fin. & Dd. in Auth. ingressi. C. de SS. Eccl. per l. 8. §. 3. de jur. codicill.*

Et potest fieri, vel de tota hæreditate, vel quota ejus parte, §. 5. *cum seqq. Inst. hic.* vel etiam de re certa, l. 13. C. *hic.* atque adeo in minimo quoque nummo. Nov. 115. c. 3. & 4. *Gl. in l. 2. §. sed verum. de minor.*

Quibuscunque, hodie, verbis, l. *quoniam. C. de testam. directis, vid. l. 1. §. 3. 4. hic. l. 14. C. de testam. ubi Bald.* communibus atque obliquis: d. l. *quoniam. Dd. in l. his verbis. ubi Gl. & Dd. & Bart. in pr. l. 48. hic. & in l. 13. C. hic.* sed idoneis, d. l. *quoniam. ubi Dd. & affirmativis, non negantibus vel privativis.*

Bald.

Bald. in l. 2. per illum. text. C. de cond. inser. & per l. ex facto. hic.

Heres & purè, & extraneus sub qualibet; suis tantum sub potestativa sub conditione, & in diem incertum, quia pro conditione est, l. 75. *De cond. & dem. rectè instituitur: l. 62. l. 38. hic. l. extraneum. C. eod. non ex certo tempore, vel ad certum tempus, §. haeres. Inst. eod. l. 34. eod.*

Et potest testator vel unum, vel plures, quotcunque velit, hæredes instituere. §. 4. §. 6. *Inst. eod.*

Plures si instituit, intelligitur eos æqualibus partibus instituisse, nisi inæquales expresserit. d. §. 6. l. 13. l. 2. §. hæredes. ff. eod.

Hæreditas plerunque (nam testator suo arbitrio plures paucioresve partes rectè constituit. §. hæreditas. 5. *Inst. eod.*) in duodecim uncias dividitur, quæ assis appellatione continentur. l. 50. §. fin. *hic.*

Quæ propria habent nomina ab uncia usque ad assiem. quæ vide in d. §. hæreditas. & d. l. 50. §. fin.

De vulgari & pupillari substitutione.

TIT. VI,

Diximus titulo præcedente de institutione primi gradus: consequenter dicendum de substitutionibus, quæ secundo, vel ulteriori gradu fiunt.

Potest enim testator in suo testamento plures gradus hæredum facere in quantum velit. *pr. Inst. de vulg. sub.*

Est substitutio, vel Directa, quæ fit verbis directis; ut, *Si Titius hæres non erit, Seius hæres esto*, de qua hic: vel Precaria, seu fideicommissaria; quæ fit verbis precariis: ut *Rogo te Titi, ut cum morieris, hæreditatem meam Seio restituas. l. 14. C. de fideicom.*

Directa substitutio nihil aliud est, quam secunda hæredis institutio, l. 43. §. *Lucius. hic.* vel secundo ulteriorive gradu facta institutio. l. 2. *in pr. eod.*

Fit in aliquem casum, seu in certum eventum. Nec tamen propterea est conditionalis, sed manet pura; *l. 8. hic.* Nunquam enim conditio quæ est ætui essentialis ætium facit conditionalem, sive legato, *l. 3. de legat. 1. l. 107. de cond. & dem.* sive heredis institutioni, sive substitutioni adjiciatur. *d. l. 8.*

Tales casus generales duo sunt, unus, *si hæres non erit*; alter, *si decesserit*.

Hic subdividitur in tres: videlicet, *si decesserit in pupillari atate, si antequam mentis compos fiat, si post atatem pupillarem*, & sic sunt quatuor casus.

Hinc substitutio est vel Simplex, vel Duplex, *l. 1. §. 1. hic.* seu Multiplex.

Simplex, aut est Vulgaris; aut Pupillaris; aut Quasi pupillaris, seu Justinianeæ, vulgo exemplaris; aut Militaris.

Vulgaris substitutio (sic dicta quia vulgò & passim fieri potest, & inter quascunque personas locum habet,) est, quæ fit in primum casum, veluti, *Si Titius hæres non erit, Scius hæres esto. l. 8. hic. pr. Inst. eod.*

Sic substituere quilibet, testamenti factionem habens, cuilibet potest: sed non nisi ei quem hæredem in testamento instituit. *l. 36. ff. hic. §. pen. Inst. de codicill.*

Et substituit, vel singulis, vel unum in locum plurium; vel plures in locum unius; vel unum & eundem sibi; cum, pluribus institutis, unum ex institutis cæteris omnibus substituit; denique cum invicem ipse institutos heredes substituit: Quam reciprocam Modestinus, Doctores breviloquam appellant. *§. 1. Inst. l. 4. §. 1. ff. hic.*

Dividitur hæreditas inter substitutos eodem ferè modo ut inter institutos. *vid. §. 2. Inst. l. 5. 9. 24. ff. eod. l. 9. l. 12. ff. de hered. inst.*

Pupillaris substitutio (sic dicta quia fit pupillo) est, quæ fit in secundum casum; ut, *Si Filius meus in pupillari atate decesserit, Scius hæres esto. l. 8. C. hic. vel si filius meus intra decennium (potest enim & intra arctius tempus coërceri) decesserit, Gajus hæres esto. l. 21. hic.*

Sic

Sic substituunt parentes, qui in potestate habent, liberis suis impuberibus, in alterius potestatem non recasuris, *l. 2. in pr. ff. hic. pr. Inst. de pup. subst.* etiam exhæredatis, modò sibi ipsis quoque aliquem hæredem instituunt. *l. 1. §. pen. & ult. ff. §. non solum. & §. seq. Inst. cod.*

Pupillare enim testamentum pars est & sequela testamenti paterni; *l. 38. in fin. cod.* addò ut si patris testamentum non valeat, nec filii quidem valebit. *§. 5. Inst. cod.*

Et substituunt vel singulis liberis, si neminem eorum intestatum voluerint decedere: vel ei qui eorum novissimus impubes morietur, si jus legitimarum hæreditatum inter eos integrum custodiri velint. *§. 6. Inst. cod.*

Justinianeæ, seu quasi pupillaris, seu exemplaris (Sic dicta, quia quasi pupillo fit, id est, furioso, vel mente capto; ad exemplum pupillaris à Justiniano introducta, *d. l. 9.*) est, quæ fit in tertium casum; ut, *Si filius meus in furore decesserit, Sejus hæres esto. l. 9. C. de impub.*

Eâ substituunt solum parentes utriusque sexus; mater tamen non nisi honesta sit, & ad secunda vota non transierit: *arg. l. 22. §. pen. ff. de adm. tut.* liberis furiosis, vel mente captis, sive eos in potestate habeant, sive non; *d. l. 9. & quidem illis tantum quibus legitimam portionem reliquerunt. d. l. 9.*

Eo casu substitui debent, liberi, fratres, sorores, *fac. l. 35. de pact. l. 33. §. quæ situm. de legat. 3.* ipsius furiosi, seu mente capti, si habet: si non, quicumque possunt. *d. l. 9.* In aliis substitutionibus, quivis substitui potest. *l. 1. §. pen. hic.*

Militaris substitutio, (sic dicta quia fit à milite) est, quæ fit in tertium casum; ut, *Quandocunque hæres meus decesserit, (id est) sive hæres fuerit & postea hæres esse desierit, Sejus hæres esto. l. 15. ff. l. 8. C. cod.*

Sic tantum substituunt milites, ex privilegio; *d. l. 15. d. l. 8.* licet neminem sibi hæredem fecerint. *l. 41. §. ult. de testam. milit.*

Ex

Ex hac substitutione, & vulgari, succedit substitutus substituenti testatori: ex substitutione pupillari & quasi pupillari, succedit ei cui substituitur. *d.l.15. d.l.8. l.9. pr. Inst. de pup. subst.*

Multiplex substitutio, vel est reciproca, vel ab uno latere; Hæc fit tribus modis: aut enim duo casus exprimuntur; ut, *Titius filius meus hæres esto: si Titius filius meus hæres non erit, aut hæres erit, & in pupillari ætate decesserit, Sejus hæres esto*: aut alter exprimitur, alter tacitè subauditur; secundum regulam juris, *Quod vulgari expressa continet tacitam pupillarem. l. 4. hic. & expressa pupillari, tacitam vulgarem: d.l.4. §.1.* aut neuter casus exprimitur, sed generali verbo fit substitutio; veluti, *Titio filio meo Sejum substituo.*

Fit similiter reciproca tribus modis. aut enim utrinque casus exprimuntur, veluti; *Titius & Sejus hæredes sunt. Si Titius hæres non erit, Sejus hæres esto. Si Sejus hæres non erit, Titius hæres esto.* aut ab una tantum parte, veluti; *Si Titius hæres non erit, Sejus hæres esto. Sejo Titium substituo.* aut à neutra parte, veluti; *Titium & Sejum invicem substituo. l.4. l.37. §.1. hic. Pacius in Isagor. hic.*

Et quidem hic Titulus de vulgari & pupillari substitutione tantum conceptus, tamen adjunximus & alia substitutionum genera, ut commodius hæc difficillima materia intelligatur, sed parcè, tanta enim ejus est subtilitas ut compendio, pro instituto nostro, exhaustiri nequeat.

De conditionibus institutionum.

T I T. VII.

Quia supra diximus sub conditione posse institui, videamus nunc de conditionibus institutionum.

Conditio, est modus, qui suspendit actum, donec eo existente, confirmetur.

Est vel possibilis, vel impossibilis; aut 1. naturalis, 2. aut jure, 3. aut de facto, 4. aut perplexitate verborum,

Dux priores pro non adjectis habentur, & proinde non vitiant hæredis institutionem: *l. 20. hic.* posteriores vitiant; *l. 16. hic.* cum sint magis difficultates, quam impossibilitates quæ non impediunt obligationem; *l. continuus. §. illud. de V.O.* & quia jus præsumit ita instituenti animum instituendi non fuisse.

Possibilis conditio, aut est potestativa, quæ in potestatem hæredis; aut casualis, quæ in casum; aut mixta, quæ in utrumque, confertur. *l. un. §. fin. a.C. de caduc. toll. l. si pater. C. de inst. & subst. l. 4. §. pen. de hered. inst.*

Extraneus sub quavis conditione possibili institui potest, ita ut cā existente sit hæres, non existente non sit.

Suus non nisi sub potestativa. *l. 15. l. fin. hic.* Quam ad amissum tenetur implere. *l. 44. in pr. l. 55. de cond. & demonstr.*

Habetur pro impleta, cum per hæredem non stat quominus impleatur. *l. 8. §. pen. hic. l. 3. C. inst. & subst.*

Possunt & institutioni plures conditiones adjici, vel conjunctim, & omnibus parendum est; quia unius loco habentur: vel disjunctim, & cuilibet. *l. 5. hic.*

Quæ tamen differentia plerunque à Jctis propter voluntatis coniecturam negligitur. ut in *l. 6. C. de inst. & subst. sub cond. fact.*

De jure deliberandi.

T I T. VIII.

INter alias institutionum conditiones erat olim cretionum conditio: qua certorum (ordinarie centum, *Vlp. tit. 22.*) dierum spatium hæredi instituto à testatore præstituebatur ad deliberandum, velletue hæreditatem adire, an non. *Vlp. d. tit. 22. & 17.*

Quo à testatore prætermisso, is qui jurisdictioni præerat, ex Edicto Prætoris tempus hæredi & quidem petenti, non minus centum dierum, præstituebat,

tuebat, l. 1. §. 1. & 2. l. 2. hic. & vel semel tantum, vel iterum, si ex magna causa appareret hoc non suffecisse. l. 3. & 4. ff. eod.

Quod introductum, ne, cum hæredes olim ad-eundo creditoribus & legatariis obligarentur in solidum, l. 34. ff. l. fin. C. solut. matr. & hæreditas interdum lucrosa, §. 1. Inst. de auct. tut. interdum dam-nosa sit, l. 33 ff. solut. matr. hæres cogeretur temerè & præcipiti consilio hæreditatem accipere, vel amittere.

Postea Justinianus voluit, non amplius novem mensibus à judice, nec ultra annum à Principe, hæ-redem deliberandi causâ impetrare possè. l. ult. §. sed quia. C. hic.

Quod tempus non solum hæredi scripto vel legi-timo competit, sed etiam ad ejus successorem, eo intra deliberandi tempus moriente, transfertur. l. 19. C. hic.

Idem Imperator novissimè hæredi indulxit, ut, intra tricesimum ab adita hæreditate diem confice-re possit inventarium, Gl. in Auth. sed cum testator. C. ad L. Falcid. quo confecto, non ultra vires hære-ditatis creditoribus & legatariis obligaretur, l. fin. C. hic. & sua jura & actiones contra defunctum in-tegras servaret. d. l. fin. §. 9. ubi Gl. & Dd.

Est inventarium (sic dictum quod in eo om-nium rerum hereditariarum descriptio inveniatur. l. ult. C. arbit. tut.) legitima bonorum in hereditate repertorum annotatio, & sic in scripturam reda-ctio: & Repertorium dicitur. l. 7. in princ. ff. de adm. tut.

DIGESTORUM

LIBER XXIX.

De testamento militis.

TIT. I.

Militibus, licet filii-familias, *pr. Inst. hic.* & ex militari delicto capite damnati sint, *l. ex militari. 11. ff. eod.* solennitates in paganorum testamentis requisitæ, constitutionibus Principum sunt remissæ: & illis permissum, modo sint (ut voluit Justinianus) in expeditione, quomodo velint, etiam pro parte, *l. 41. hic.* & quomodo possint testari, nudâ eorum voluntatē sufficiente. *l. 1. ff. l. pen. C. §. 1. Inst. hic.*

Silentium eorum non ignorantium sese liberos habere, pro exheredatione habetur; *l. sicut. 9. & l. seq. C. eod.* Nec eorum testamenta, de Peculio castrensi facta, querelæ inofficiosi subjacent. *l. ult. §. 1. & 2. C. de inoffic. test.*

Extra expeditionem si sint, habent quidem, licet testamenti factionem non habeant, *l. 3. l. 11. §. si miles. ff. §. 5. Inst. eod.* jus testandi, sed jure communi condere testamentum debeat. *d. l. pen. d. §. 1. Inst. eod.*

Valeat eorum testamentum per annum integrum post missionem honestam: *§. 3. Inst. l. 15. §. 4. l. 36. eod.* si inhonestè dimissi, statim valere desinit. *l. 26. eod.*

De acquirenda vel amittenda hereditate.

TIT. II.

Non sufficit aliquem hæredem institutum esse, sed præterea hereditatis acquisitio requiritur.

Quæ cum sit ab hærede suo (Qui ipso jure hæres est.)

est, §.4. *Inst. de hered. quæ ab intest.* non possessor. d. §.4. Possessio enim facti est, nec acquiritur nisi animo & corpore fuerit apprehensa. l. 11. §. *Scævola. ff. si is qui test. lib. esse iuss.* l. 23. ff. *de acq. poss.* Cujac. in d. l. 10. & 2. obs. 129.) dicitur immixtio: cum ab extraneo, dicitur aditio. §.6. *Inst. de hered. qual. & diff.*

Hic & repudiare hæreditatem dicitur, ille abstinere.

Acquiritur & amittitur hæreditas solo animo: §. *fin.* *Inst. de hered. qual. & diff.* sive is verbis explicetur, sive aliquo facto, quod tanquam ab hærede geritur. l. 20. §. 4. l. 88. *hic. d. §. fin.*

Fieri debet liberè minimèque coacta voluntate. l. 16. C. *de jur. delib.* l. 40. cum ll. *seqq. hic.* Nisi à servo hærede necessario à domino instituto. l. 66. l. 67. *hic.*

Dubitantibus, aut ignorantibus, hæreditas non acquiritur, nisi suis. d. §. 4. l. 63. *hic. l. fin. §. 2. C. de cur. fur.*

Nec enim aditio, nec repudiatio rectè fit, nisi certò constet, utrum ex testamento, an ab intestato, & quota ex parte, delata sit hæreditas. l. 15. cum ll. *seqq. l. 21. §. fin. cum ll. seqq. l. 93. hic.*

Adiri & repudiari debet hæreditas purè, sine die, aut conditione: l. 51. §. *fin. hic. l. 77. de R. I. & quidem in solidum. l. 1. & 2. hic. l. 7. de R. I.*

Si pro parte adeatur, etiam invitis deficientium portiones accrescunt. l. 35. *hic.*

Peti potest hæreditas, demum post nonum à morte defuncti diem. *Auth. sed neque. C. de sepul. viol.*

Adiri & peti intra triginta annos; l. 7. C. *de petit. hered.* Idque sive sui sint, sive extranei. Nisi tempus deliberandi à testatore vel iudice sit præfixum; quo casu inter illud tempus hereditas est ad-cunda. l. 8. l. 9. l. ult. C. *de jur. delib.* l. 1. C. *de suis & legit. hered.* Nam & hereditatis petitio triginta annis durat. l. 3. 4. C. *de præscr.* 30. annor. Cujac. in *par. C. de jur. delib. Don. 7. comment. 17.*

Possunt tamen creditores & legatarii petere, ut
statim,

statim, vel intra annum saltem, adeatur. *l. 9. & r. r. quib. ex caus. in poss. eat. l. 19. l. fin. C. de jure delib.*

Facta aditio non modò efficax est in futurum, sed etiam retrahitur ad tempus mortis defuncti. *l. 193. l. 138. de R. I. 28. §. fin. de stip. serv.*

Et semel adita hæreditas, amplius repudiari nequit. *l. ult. C. de repud. vel abst. hered. §. fin. Inst. de hered. qual. & diff.*

Sic semel renunciata amplius adiri non potest. *l. 4. C. eod.*

*Testamenta quemadmodum aperiuntur,
inspiciuntur, & describuntur.*

T I T. III.

O Lim ex lege Papia hæres ex assè hæreditatem adire clausis tabulis poterat, non hæres ex parte. *l. 1. §. ult. de jur. & fact. ign. l. 21. in fin. de cond. & demon.*

Quæ differentia à Justiniano est sublata, ita us hæres tam ex assè, quam ex parte, etiam ante apertas tabulas, adire hæreditatem possit. *l. un. §. 5. C. de caduc. toll.*

Nihilominus hodie testamentum aperiri & publicari: *l. 18. C. de testam.* intra tertium, aut quintum à morte (viventis enim testamentum non est aperiendum, *l. 2. §. 4. hic.*) diem, *sec. Paul. lib. 4. sent. tit. 6.* ejusque inspiciendi, (ut legi possit, *d. l. 2. §. 5.*) & describendi, (non dici & consulis, *d. l. 2. §. 6.*) copia cuilibet, etiam alieno nomine id postulanti, *l. 1. hic.* & de calumnia juranti, *l. 3. C. hic.* est facienda.

Et Prætoris, aut alterius magistratus est officium, ut cogat signatores convenire; & signa sua agnoscere, vel negare se signasse. *l. 4. & 5. hic.*

Publicè enim expedit suprema hominum judicia exitum habere. *d. l. 5.*

Sì quis neget sigillum suum agnoscere, non eo minus tabulæ aperiuntur: suspectæ tamen hæc ratione fiunt. *l. 1. §. fin. eod.*

Testamentum semel sic publicatum & actis insinuatum, *l. ult. §. 9. C. de jur. delib. l. ult. C. de re jud.* manet firmum, etiamsi charta fuerit amissa. *l. 2. C. de testam.*

Qui non vult exhibere tabulas testamenti, quas fatetur penes se esse, ad eas exhibendas præcise officio judicis compellitur.

Si neget penes se esse, conveniri potest interdicto de tabulis exhibendis. *l. 2. §. ult. hic.*

Si quis omissa causa testamenti ab intestato vel alio modo possident hereditatem.

T I T. IV.

Qui fraudulenter omissâ successionem sibi ex testamento delata, hereditatem ab intestato, & sic titulo universalis, *l. ult. hic.* possidet, utili actione prætoris perinde tenetur legatariis & fideicommissariis, ac si ex testamento successionem accepisset. *l. 1. l. 12. §. ult. hic.*

Alioqui testamento relicta, ab intestato peti non possunt. *l. eam quam. ubi Dd. C. de fideic.*

Si tamen nulla fraus subest, ut si heres adire potuerit; quia testamentum ad irritum juris ratione est revocatum, *l. 2. in fin. C. hic.* aut testamento codicillaris clausula adjecta, permixta est, omissio testamento, ab intestato aditio. *l. ult. de codicill. Bart. in l. lices. n. 2. & l. ult. n. 2. hic.*

De Sc. Silariano & Claudiano, quorum testamenta non aperiuntur.

T I T. V.

Non omnibus indiscriminatum, quæ relicta, sunt præstanda: prohibente id Senatus consulto Silariano & Claudiano iis qui sese indignos relictis faciunt.

Tales sunt ex Senatusconsulto ii, qui testamentum testatoris occisi (intelligit vi, non clam, ut veneno.

meno. l. 1. §. 17. & §§. seqq. hic.) aperiendum, recitandum, describendumve, dolo malo curant, priusquam de familia ejus quæstio ex Senatusconsulto habita, suppliciumque de servis noxiis sumptum fuerit. l. 3. §. 17. hic. Paul. lib. 3. sent. tit. 5.

Noxios intellige, qui vel necarunt, vel cum poscent, opem non tulerunt. l. 1. pr. l. 19. hic.

Si hæres vel legatarius ante quæstionem, sciens, aperuerit testamentum; aufertur illi quod relictum, & in fiscum redigitur. l. 5. §. 1. hic.

Sin alius, cui nihil relictum, id fecerit, in centum aureos condemnatur. l. 25. §. 2. eod.

Clam si testator occisus, tabulæ quidem recitari, & hereditas adiri potest, sed mortis defensio, id est, ut crimen judicio persequatur, heredi incumbit; l. 3. §. fin. hic. quod si neglexerit, tam hereditas, quam quod ei prælegatum, à fisco aufertur. l. si sequens. 15. eod. l. cum fratrem. C. eod.

*Si quis aliquem testari prohibuerit,
vel coëgerit.*

TIT. VI.

EI, qui prohibuit, vel coëgit testari, denegantur ex D. Hadriani Constitutione actiones, iisque denegatis, fisco est locus: sed tantum in parte delinquentis. l. 1. ff. l. 1. & 2. C. hic.

Aliis enim insontibus factum ejus nocere non debet. l. 21. §. 1. hic.

Remotiores agnatos fisco excludit, ne pœna unius sit alterius præmium. l. 15. de SC. Silan. l. 14. §. 5. quod met. caus. Cum enim jus publicum violat, l. 3. ff. qui test. fac. poss. qui morienti liberam testandi voluntatem aufert, merito pœna ejus quoque publica esse debet; & delinquentis, omne jus non in privatam agnatorum utilitatem, sed in publicam converti.

Maritus, qui non vi, aut dolo, sed maritali sermone uxorem sibi benevolam ita reddidit, ut ab ea hæres institueretur, extra pœnam est. l. ult. ff. l. ult. C. hic.

De jure codicillorum.

TIT. VII.

ET ad causam testamenti pertinent Codicilli :
l. 18. hic. Aut enim ex testamento fiunt, &
 sunt quasi pars & accessio & sequela ejus; aut
 fiunt ab intestato, & vicem exhibent testamenti,
 id est, quasi testamentum quoddam imperfectum;
 ut cum in eis hereditas dari vel adimi non possit.
l. 2. §. 2. & ult. l. 14. in princ. l. 16. ff. hic.

Sunt nihil aliud, quam ultimæ voluntatis instru-
 mentum, *l. pen. hic.* non solenne, *l. 6. §. 1. l. 2. eod.*
 citra hæreditatis directam dationem, vel ademptio-
 nem. *l. 2. §. ult. ff. l. 2. l. pen. C. eod.*

Eos facere potest is, qui testamenti factionem
 habet: *l. 6. §. pen. l. 8. §. 2. ff. eod.* tam in scriptis, &
 tum propriè sunt Codicilli ex sermonis proprietate;
l. ult. C. quemad. test. aper. quam sine scriptis, *l. ult.*
§. ult. C. eod. l. fin. C. de bon. libert. si voluntatem nun-
 cupet. *l. ult. §. ult. C. hic.*

Nullam solennitatem desiderant: modò uno con-
 textu fiant, *l. 28. in pr. C. de testam.* & quinque te-
 stes, licet non rogati, ad probationis fidem adhi-
 beantur. *l. ult. §. ult. C. hic.*

Possunt plures fieri codicilli: *l. 6. §. 1. ff. §. ult. Inst.*
eod. & licet diversi, sustinentur: non si contrarii,
l. 3. C. hic. d. §. ult.

Qui hæredem instituit, vel exhæredat, præsumi-
 tur testamentum, non codicillos, velle facere. *l. 14.*
C. de testam.

Si tamen desit testamenti solennitas, ne jure qui-
 dem codicillorum valebit: nisi sit adjecta Clausula,
 quam Codicillarem vocant: *Si non valet jure testa-*
menti, valeat jure codicillorum. l. fin. §. 1. ubi Dd. C.
hic. l. 8. in pr. ff. eod.

Adjicitur vel nominatim, *d. l. fin. §. 1.* vel non;
 ut si jubeat ratum esse quacunque ratione, & quam
 optime potest; *l. 28. §. 1. ff. qui test. fac. poss.* si Titio
 jubeat hereditatem restitui ab omnibus heredibus,
 etiam legitimis. *l. 14. C. de fideicom.*

Efficet,

Efficat, ut heres legitimus intelligatur rogatus, ut servatâ sibi quartâ, non solum legata, fideicommissa & libertates præstet, verum etiam ipsam hereditatem heredi instituto restituat, ac si ea omnia per fideicommissum relicta essent. *l. 24. §. 15. de fideicom. libert. l. 88. §. ult. de legat. 2. l. 29. C. de fideicom. l. 41. §. 3. de vulg. & pup. subst. l. ult. §. 1. & 2. hic.*

Conficiuntur Codicilli quatuor modis. aut enim in futurum confirmantur testamento, aut in præteritum (hodie neutro casu speciali confirmatione opus est. *§. 2. Inst. l. 6. C. hic.*) aut per fideicommissum testamento non jure facto; ut *si non valet jure testamenti, &c.* aut sine testamento ab intestato. *d. l. 8. hic.*

D I G E S T O R V M

L I B E R X X X .

De legatis & fideicommissis.

T I T. I.

QUoniam legata & fideicommissa in testamento, vel codicillis testamento confirmatis, relinquuntur: idèd, post exposita testamenta, & codicillos, de legatis & fideicommissis agitur.

De quibus, ob materiæ ubertatem, tribus libris in genere agi volunt.

Primo de rebus legatis. Secundo de personis. Tertio de verborum significatione.

Legare idem significat quod mandare aut decernere.

Strictim autem & propriè, (ut hic) legare dicitur, qui res particulares directis verbis in testamento relinquit.

Legatum, (à legendo deductum, qui enim legat, delibat, *l. 116. hic.* aliquid, seu deligit ex tota hæ-

reditate, quod mavult ad legatarium quam ad hæredem pertinere) est deliberatio hæreditatis, qua testator, ex eo quod universum hæredis foret, alicui quid collatum velit. *Flor. in d.l. 116. seu, sec. Vlp. in Enchir. tit. 24.* quod legis modo, id est, instar legis imperativè, & directis verbis testamento relinquitur.

Hodie velut fideicommissum quâlibet ultimâ voluntate rectè datur. §. 11. *Inst. de fideic. hered.*

Olim, secundum modum legandi, quatuor erant legatorum genera. Per vindicationem; quæ fiebant verbis; *do, lego, capito, sumito.* Per damnationem; puta verbis: *damnas esto hæres meus, vel, damno, jubeo, hæredem meum hoc, vel illud dare, vel facere.* Sinendi modo, puta, *damnas esto hæres meus finire, seu finito, vel permittito Titium talem rem sibi sumere, vel habere.* Per præceptionem, hoc pacto, *hæres illam rem præcipito.* §. *sed olim. Inst. hic. Patet in Enchirid. de legat.*

Hodie ex constitutione Justiniani omnibus legatis, quibuscunque verbis, imò & nutu, *l. 21. de legat. 3.* purè, in diem, vel sub conditione, *l. fin. C. de codicill. r. r. C. de cond. inscr. relictiis*, una eademque est natura, vis ac potestas; ac per verba quâlibetque relinqui possunt; modò ex iis de mente testatoris legantis constet, §. 2. *Inst. eod. l. 1. & 2. C. commun. de legat.* & quinque testes relictum probent. *l. 22. C. de fideicom. vid. Bart. & Dd. in d. l. nutu. 21. de legat. 3.*

Legari possunt res omnes quæ in commerciiis hominum existunt, sive eæ sint testatoris, sive hæredis, sive alienæ; has enim legatas hæres aut redimere cogitur, aut æstimationem solvere. §. *non solum. Inst. hic. l. 67. §. 8. de legat. l. cum alienum. C. hic.*

Earum dominium statim à morte testatoris, transit potestate & auctoritate Juris Civilis in legatarium: *l. 64. de furt.* siquidem is illud agnovit.

Ad legatum consequendum tres competunt actiones, Rei vindicatio, Hypothecaria, & Personalis. *l. 1. & 2. C. com. de leg.*

Fidei-

Fideicommissorum (quæ precativè, id est, verbis precariis, qualia sunt, *peto, rogo, volo, fidei tua committo*: l. 2. C. com. de legat. §. ult. Inst. de sing. reb. per fideic. relinquuntur) eadem est ratio: sunt enim hodie à Justiniano, §. 3. Inst. hic. l. 2. C. com. de leg. legatis (quoad effectum quidem) adæquata: sic, ut quod deest legatis, ex natura fideicommissorum suppleatur; & quod amplius est in legatis, per hoc natura fideicommissorum augeatur: salvâ tamen utriusque substantiâ Nempe quod legatum per mortem testatoris legatario statim directè: fideicommissum verò ex fide, & per manum restituentis hæredis fiduciarii, acquiratur. §. 3. Inst. hic. l. 1. C. com. de leg. Pater in Enchir. Inst. de legat.

Adæquatio ergò legatorum & fideicommissorum eatenus intelligitur, quod iidem possunt fideicommittere qui legare, l. 1. & 2. hic. iisdem fideicommitteri, quibus legari: eadem res legari, quæ fideicommitteri: iisdem verbis, (modò sint idonea,) legari & fideicommitteri: iisdem actionibus fideicommissa petantur, quibus legata. l. 1. & 2. C. com. de legat. Schneidvv. ad §. 3. Inst. hic.

Fideicommissorum tamen, non legatorum, duo sunt genera: universale, id est, hæreditatis; & particulare, id est, singularum rerum. l. 1. in pr. ff. ad Treb. §. ult. Inst. per quas pers. nob. acq. in pr. Inst. de fideic. hered. & in pr. Inst. de sing. reb. per. fid. rel.

DIGESTORUM

LIBER XXXI.

De legatis & fideicommissis.

TIT. II.

Legare & fideicommittere tantum ii possunt, qui testamentum eo tempore quo legant, l. 1. §. 1. §. 5. ff. hic. 3. facere. l. 2. de legat. 1.

Legari iis, quibus eum testamenti factio, §. legari. Inst. hic. etiam tantum passiva, §. 4. Inst. de her. qual. & diss. vel uni, vel pluribus: iisque aut conjunctim, aut disjunctim. l. 33. l. 34. hic. l. 89. de legat. 3. l. 142. de V.S. §. si eadem. Inst. hic.

Servo heredis legari non potest: cum heres, cui servus acquirit, sibi ipsi solvere nequeat. §. an servo. Inst. eod.

DIGESTORUM

LIBER XXXII.

De legatis & fideicommissis.

TIT. III.

Hic titulo, quo tractari de verborum quæ ad legata pertinent, significatione diximus, respondet tit. 38. lib. 6. Codic.

Hic nota. A propria verborum significatione non esse recedendum, nisi manifesta sit testatoris voluntas. l. 69. in pr. hic.

Testatoris voluntatem, si de ea constet, verborum proprietati prævalere. l. 18. §. 3. de instr. vel instrum. leg. l. 7. §. ult. de supell. leg. l. 19. in pr. de cond. & dem. l. 19. §. 1. ad SC. Treb.

Volun-

Voluntates defunctorum plenius, l. 12. de R. I.
non strictè, esse interpretandas. l. 12. §. 2. de usis
& hab.

DIGESTORVM

LIBER XXXIII.

De annuis & mensibus legatis
& fideicommissis.

TIT. I.

ANnuum ut & menstruum, legatum est
primi anni purum, sequentium conditio-
nale. Videtur enim inesse conditio hæc,
Si vivat: l. 4. hic. idèdque ad hæredem non transit.
d. l. 4. l. 11. eod.

Putatur enim testator ipsi legatario, non ipsius
hæredibus consulere voluisse.

Legatum hoc ingressu cujusque anni debetur:
idèd legatarius in ingressu decedens illud hæredi
relinquit. *l. 5. l. 8. l. 22. hic.*

Si legatum sit annuà, bimà, trimà die, id est,
mensis, secundis, tertiis pensionibus, tribus æquis
pensionibus solvetur: nisi alia fuerit testatoris vo-
luntas. *l. 3. hic.*

In annos singulos relictum personæ alendæ lega-
tum, simile est usufructui; cum morte finiat: non
men capitis diminutione, ut usufructus. *l. 16. C.
usufr.*

Usufructuarius, etiamsi maturis fructibus, non-
tamen perceptis decesserit, hæredi suo ad eos
actus actionem non relinquit: omninò hic lega-
tus, *l. 8. hic.*

Annuis hujusmodi præstationibus, quæ ex ulti-
voluntate debentur, *sec. com. dist. in l. 7. §. 6. C. de
cr. 30. ann. Boër. dec. 336.* (secus si ex contracti-
o, *c. olim. de censib. Dd. in d. l. 7. Alb. de præscr. 4.
part. pr.* Quia stipulatio in annos singulos est

unica & simplex. *l. 35. §. ult. ff. de mort. caus. donat. l. 16. §. 1. ff. de verb. oblig.*) non præscribitur: *d. l. 7. §. in iis. Guid. Pap. q. 306. 407. 408.* Quia legatum tale non est unicum & simplex, sed sunt plura legata singulorum annorum; Proinde non potest præscribi quod non est, sed incertâ conditione suspensum hæret. *Wes. conf. 2. & 8.*

Nec verò omne annuum relictum ita suspenditur, *l. 12. l. 20. l. 26. quan. diés. leg. ced.* sed tum demum, cum in alimenta relinquitur: *l. 8. hic.* quod in dubio præsumitur. *d. l. 8. l. 12. l. 14. hic.*

De Vjs, & Vjsfructu, & redditu, & habitatione, & operis per legatum vel fideicommissum relictis.

T I T. II.

POtest vel solus usufructus unius rei, aut omnium bonorum, *l. 1. l. 5. C. de usufr.* legari, vel sola proprietas; aut alteri proprietas, alteri usufructus.

Si usufructu legato, fundum leget testator, quia hoc verbum etiam usumfructum comprehendit: *l. 60. l. 115. de V. S. is inter duos legatarios communicabitur. l. si alii. 19. hic.*

Si fructus annui fundi legentur, usufructus fundi legatus intelligitur: quia hæc mens testatoris fuisse videtur. *l. 41. hic.*

Si redditus fundi annuus legatur, fructus, vel eorum æstimatio debetur, non habitatio. *l. 17. l. 38. eod.*

Morte legatarii finitur, & ad hæredes legatum non transit, cum simile sit usufructui; aut legato in annos singulos. *l. 16. l. 17. l. 22. eod.*

Habitationis legatum in singulos annos, ab initio anni debetur: *l. 11. eod.* & morte legatarii finitur. *l. 10. in pr. & §. utrum. de usu & hab.*

Possunt hominis, tam servi, quam liberi, operæ legari. *l. 2. 3. eod.*

Quod legatum, nec capitæ diminutione, nec non utendo,

utendo, nec morte legatarii finitur. *d. l. 2. & l. 2. de oper. serv.*

Omnia hæc legata, id est, annua, ususfructus, usus, redditus, habitationis, operarum, inter se sunt similia. *d. l. 22. hic. l. 8. de ann. leg. l. 3 4. 5. de oper. serv. l. 10 in pr. de usu & hab.*

De servitute legata.

T I T. III.

Possunt servitutes prædiales, *l. 1. 2. 3. & r. s. hic.* ab iis, qui eas inter vivos constituere possunt, legari; iis qui prædium habent cui acquirantur. *l. 1. in fin. com præd. §. pen Inst. de serv.*

Si à pluribus hæredibus legentur, à singulis solidum debetur: sunt enim individua. *l. ult. hic.*

Est hoc legatum perpetuum, nec morte legatarii finitur; quia servitus est ius reale, & ipso jure in perpetuum, non ad tempus constituitur. *l. 4. in pr. de servit.*

Usus vel Ususfructus servitutis legari non potest: quia nulla servitus servitutis esse potest.

Itaque incerti cum hærede agendum erit, ut legatario quoad viveret, facultatem servitutis præstet. *l. 1. de usu & usufr. leg.*

De dote prælegata.

T I T. IV.

Licet Uxor, marito mortuo, domina sit dotis, tamen legatum dotis valet, quia plenius est, quam de dote actio. *§. 15. Inst. de legat.*

Legatum enim statim, dos vero annua, bima, trimâ die olim, hodie post annum mobilia, immobilia statim, peti possunt. *l. un. §. cum a. vers. exactio. C. de rei uxor. act.*

De dote datur actio in quantum maritus, vel ejus hæres, si ipsius & mulieris dotem petentis filius, nec refert suus sit an emancipatus: *l. 18. ff. solut. matrim.* non si extraneus, facere potest. *l. 12. l. 13. solut. matrim.*

Legatum verò (nisi sicubi Falcidiæ ratio aliud suaserit) in solidum petitur & exigitur. *l. 57. ad l. Falcid.*

Pacta in præjudicium uxoris circa restituendam dotem facta, eâ prælegatâ tolluntur. *l. 1. §. 1. hic. Gl. in §. 15. Inst. de legat.*

Legatâ dote, si non expressa quantitas, sed simpliciter: nihil amplius, quod quidem quantitatem attinet, legato inest, quam actioni dotis. *l. 2. l. 5. hic.*

Si expressâ quantitate legetur: etiamsi nihil in dotem datum sit, nihilominus legatum debetur. *l. 6. l. 8. eod. Quia falsa demonstratio legatum non vitiat. l. 35. ff. de lib. caus. §. 30. Inst. de legat.*

Si quantitas aliqua supra dotem legata, & dos legata videtur. *Bart. in l. 3. n. 4. hic.*

De optione vel electione legata.

T I T. V.

Optio olim solenniter proponebatur, *l. 5. l. 10. de legat. 1. arbitraria erat electio. l. 76. de V. O.*

Hodie, sublatis solennitatibus, *l. 1. 2. C. com de legat. sunt adæquata. l. ult. C. d. t.*

Legatâ electione, legatario competit electio ut eligat quam rem volet, etiam optimam. *l. 2. l. ult. hic. l. si quis adfirmavit. 9. §. 1. ff. de dolo mal.*

Merito enim electio ejus esse debet, cui potestas sit, qua actione uti velit. *l. 108. §. 2. de legat. 1.*

Cessat illud jus in contractibus, ubi debitoris est electio. *not. in l. 27. §. 5. de pact. l. plerunque. 10. in fin. de jur. dot.*

Servorum, non expresso certo numero, electione legatâ, tres eligi possunt. *l. 1. hic.*

Pluribus, quibus optio legata, in electione dissentientibus, forte res dirimetur; & illius in quem fors ceciderit, optio prævalebit. *§. 23. Inst. de legatis.*

Optio facienda post aditam hæreditatem. *l. 16. hic.*

Si legatarius cessat eligere, Prætor tempus, intra quod optandum sit, decernit. *l. 6. hic.*

Semel optione facta mutare voluntatem legatarius nequit: omne enim jus legati prima testatione consumitur. *l. 2. hic.*

Transit optionis legatum hodie ad hæredes: non olim. *§. optionis. Inst. de legat.*

De tritico, vino, vel oleo legato.

T R I T I C U M.

Legato vino, omne continetur quod ex vinea natum est, & quicquid testator vini numero habuit, *l. 1. l. 9. hic.* item vasa, *l. 3. §. 1. eod.* non magnæ amplitudinis.

Non dolia magna quæ ad perpetuum usum servantur, neque cellis moveri, nec cum vino distrahi solent. *d. l. 3. l. 6. l. 14. l. 15. eod.*

Non zythum, *d. l. 9.* nec enim de genere vini est, cum potus sit ex pluribus speciebus factus & commixtus.

Vino veteri legato, legatum ex usu testatoris æstimabitur; eo non apparente, vinum superioris anni, non horum legatario debetur. *d. l. 9. §. ult. cum ll. seqq.*

Si quis triticum, expressio pondere impossibili, leget, non valet legatum: veluti si leget tritici modios centum, qui singuli pondo centum pendeant. *l. 7. §. 1. hic.*

Non expressâ qualitate, sed tantum quantitate, puta centum pondo olei do, lego, hæres dabit quale volet: *l. 4. hic.* nisi electionem testator legatario dederit. *l. 2. §. 1. eod.*

Non expressâ certâ quantitate, non quantum hæres vult, sed quantum testator reliquit, legatum putatur. *l. 7. eod.*

De instructo vel instrumento legato.

TIT. VII.

Instrumentum fundi est apparatus rerum diutius mansurarum, sine quibus exerceri possessio nequit. *l. 12. in pr. hic.*

Variis rebus tribuitur, dicitur enim instrumentum agri, *d. l. 12. §. 12. & §§. seqq. villæ, l. 16 §. 21. vineæ, d. l. 16. §. 1. l. 19. §. 1 hic. domus, d. l. 12. §. 16. & §§. seqq. pictoris, l. 17. in pr. hic. pistoris, l. 18. §. 1. hic. piscatoris, d. l. 17 §. 1. hic. &c.*

Multum refert, si quis fundum cum instrumento, siue instructum fundum, aut fundum & instrumentum leget. *l. 1. l. 5. eod.*

Fundo cum instrumento legato, ea tantum continentur quæ ad fundi apparatus pertinent, ut ad colligendos & conservandos fructus; Fundo instructo legato, ea præterea quæ ad patrisfamilias usum sibi sunt, ut supellex. *l. 12. §. 27. & 28. ff. eod. l. 1. & 2. C. de verb. sic ei.* Hoc legato alienato fundo, instrumentum debetur. Puta si probeatur testatorem id voluisse: alias non. *§. 17. in fin. Inst. de legat.* Nihil si fundus cum instrumento legatus. *l. 5. ff. hic.* Quia tum manifesta est testatoris voluntas, quod instrumentum scorsim à fundo non debeatur. *l. 1. §. 1. ff. hic.*

Veniunt ergo in fundi instructi legatum; servi, *l. 18. §. 11. eod.* cibaria, vinum paratum, & frumentum ferendi causa sepositum: *l. 12. hic.* non molæ manuaris, & jumentariæ: *l. 18. §. 1. hic.* Sunt enim instrumenta ædium, non fundi: omnino pecus omne quod in fundo inspicitur: *l. 25. hic. vid. passim. eod.* supellex patrisfamilias. *l. 1. 2. C. de verb. signif.*

Si simpliciter fundus legatur, dotes prædiorum, id est, ex fundi accessione, & emolumenta, quæ ad culturam ejus ex alio fundo patrisfamilias sumere solet; *l. 9. §. 4. de usufr.* non veniunt. *l. 2. §. fin. l. 21. l. 26. hic.*

In omnibus istiusmodi legatis, non propria verborum significatio, sed quod testator demonstrare voluit;

voluit : & in qua præsumptione & consuetudine sunt, qui in quaque regione commorantur, servandum. *l. 18. §. 2. cod.*

De peculio legato.

T I T. VIII.

Servo legato, aut libertate data, non intelligitur peculium datum ; nisi exprimatur : *l. antep. hic. l. un. C. de pecul. ejus qui lib. mer.* vel nisi jubeatur servus administrationis rationem reddere, & ex peculio reliqua solvere. *§. 20. vers. peculium. Inst. de legat.*

Quod si factum ; de peculio hæres deducit, quod testatori, ejus liberis, & sibi debetur. *l. 6. l. 21. l. 22. cum sim. hic.*

Hoc legatum accessionis vicem obtinet, itaque extincto servo simul extinguitur. *l. 1. & 2. cod.*

Potest etiam peculium filii familias, vel ipsi filio, vel extraneo, legari. *l. ult. cod.*

De penus legata.

T I T. IX.

Penus propriè sunt ea esculenta & poculeata quæ longæ usionis gratiâ contrahuntur & reconduntur. *Gell. lib. 4. c. 1.*

Eâ legata, continentur quæ esui potuique sunt, & vasa penuaria: nisi contraria mens testatoris appareat. *l. 3. pr. & §. fin. l. 4. hic.*

Quodsi aliquid penoris dare jussus, & ni dedisset pecuniam solvere, hæres damnatus est, penus erit in præstatione; pecunia verò in petitione, postquam hæres est in mora dandi. *l. 1. cod. l. 19. l. 24. quand. dies leg. l. 115. de V. S.* Quia penoris legatum, post moram in obligationem pecuniæ transfunditur ; cum quia voluntates defunctorum non debent in suspenso manere : *l. fin. ff. com. prad.* tum quod illa penoris est natura, ut facile corrumpatur.

De suppellectile legata.

TIT. X.

SUpellex, est domesticum patrisfamilias instrumentum, quod neque auro argenteve facto, nec vesti annumeratur, l. 1. *hic.* & omnino quod in aliam speciem non cadit, l. 7. §. 1. *hic.* & est res mobilis, l. 2. *hic.*

Quæ eo legato contineantur, intelligi, ex l. 3. 4. 5. *hic.* aliunde licet.

DIGESTORUM

LIBER XXXIV.

De alimentis vel cibariis legatis.

TIT. I.

Legatis alimentis cibaria, & vestitus, & habitatio debetur. Quia sine his ali corpus non potest: cætera quæ ad disciplinam persinent legato non continentur. l. 6. *hic.*

Nisi aliud testatorem sensisse probetur. l. 7. *ead.*

Certa pecunia si relinquatur in alimenta, ea præstanda. l. 10. l. 12. *ead.*

Cum alimenta per fideicommissum relicta, non adjecta quantitate, inspiciendum est, quid defunctus præstare sit solitus: deinde quid cæteris ejusdem ordinis relinquerit: si neutrum appareat, ex facultatibus defuncti, & caritate ejus cui fideicommissum datum est, modus statui debet. l. pen. *hic.*

Neque enim incertitudo, nisi sit absoluta, vitiat legatum, cum facile declarari possit. *Ias. & alii in l. Stichum. 16. §. 1. de V. O. Gl. in l. 14. de ann. leg.*

Prædio legato, ut inde alatur legatarius, illud ad vitam magis, quam alimenta legata videntur. l. 4. *vers. quaro. l. 22. §. fin. hic.*

Diariis

Diariis vel cibariis relictis: neque habitatio, neque vestiarius, neque calcearium debetur: quoniam de cibo tantum testator sensit. *l. 21. eod.*

Non augentur, nec minuuntur hæc legata, si testator qui alimenta legavit, postea prædia jusserit alimentario, ad alimenta inde percipienda, esse obligata. *l. 12. eod.*

*De auro, argento, mundo, ornamentis,
unguentis, veste, vel vestimentis
& statuis legatis.*

T I T. II.

Auro vel argento legato, omne factum & infectum, non etiam signatum, continetur. *l. 19. in pr. hic.*

Aurum factum est, quod certam speciem recepit: ut vasa aurea: Infectum, quod certam speciem non suscepit, sed est in massa, aut lamina: Signatum est, quod publicâ formâ percussum, inter pecunias numeratas refertur.

Mundus muliebris est, quo mulier fit mundior & elegantior: *l. 25. §. 10. vers. mundus. l. 32. §. 7. eod.* exceptis iis quæ valetudinis causa parantur, *d. l. 25. §. ult.* & quæ vir sibi retinuit. *l. pen. in pr. eod.*

Eo etiam unguenta continentur: *d. l. 25. §. 10. vers. mundus.* præter ea, quibus sanitatis causa unguimur. *d. l. 25. §. ult.*

Ornamenta muliebria sunt, quæ ad nullam aliam rem quam ornandi corporis causa parantur. *d. l. 25. §. 10. §. 11.*

Utrum vestis, an vestimentum legetur, nihil refert. *l. 23. l. 33. hic.*

Vestimentum dicitur, quod consummatum est, non quod est tantum contextum. *l. 22. eod.*

Ad vestimenta referuntur omnia, quæ induendi præcingendi, amiciendi, insternendi, injiciendi, incubandi causâ, parata sunt, & quæ his accessionis
vice

vice cedunt; ut sunt quæ vestibus insuuntur. *d. l. 23. §. 1. & ult. l. 22. l. 24. cum ll. seqq. eod.*

Legari etiam possunt statuae & imagines. *vid. l. 6. §. ult. l. 12. & l. 14. hic.*

De liberatione legata.

T I T. III.

Valeat legatum liberationis debitori factum. *l. 1. & 3. hic.*

Quod fit variis modis; ut si vel nominis liberatio expressè, vel chirographum legetur, vel damnetur hæres ne agat, *l. 1. l. 3. l. 8. §. pen. eod.* vel ut debitorum liberet. *l. 19. eod.*

Itaque & res oppignorata debitori legari potest: quo casu jus pignoris remissum, non debiti liberatio legata videtur. *l. 1. §. 1. hic.*

Legatur liberatio vel in totum, vel pro parte, *l. 7. in pr. eod. l. 37. §. nuptura. de legat. 3.* vel ad tempus, vel in perpetuum. *§. si quis debitori. Inst. de legat.*

Liberatione legata, non modò exceptione tutus est debitor, sed & potest agere adversus hæredem, ut se acceptilatione liberet: *d. l. 3. §. 3. ubi Bart. eod. & implorare officium judicis in hoc, ut silentium perpetuum hæredi imponat. Bart. in d. §. 3.*

De adimendis vel transferendis legatis vel fideicommissis.

T I T. IV.

A Mittuntur legata, ademptione, translatione, dubio scripturae, adjectione poenae, per regulam Catonianam, si quid pro non scripto habeatur, si legatarius indignum se reddat legato, si conditio vel causa legati deficiat.

Ademptio, fit aut expressè, aut tacitè.

Expressè; Vel verbis, aut directè contrariis, aut aliis quibuscunque, ex quibus contraria voluntas

revocatoria testatoris constet; *l. 5. hic.* idque sive eodem testamento, sive alio æquè solenni; aut etiam codicillis: *l. 17. l. pen. §. 1. cod.* Vel factò aliquo; puta si testator eam testamenti partem in qua legatum reliquerat, & consultò quidem, deleat. *pr. Inst. hic. d. l. 1. §. 3. de his qua in test. del.*

Tacitè; vel audà testatoris voluntate, cum rem legatam alteri donat: *l. 18. hic.* aut eam citra necessitatem alienat: *§. si rem. Inst. de legat. l. 26. hic.* vel ex præsumptâ modò voluntate, per inimicitias capitales inter testatorem & legatarium supervenientes, nec reconciliatione sublatas. *l. 3. §. ult. l. 22. hic.*

Transfertur legatum, aut à persona legatarii in personam; aut de persona ejus qui dare jussus, ut alius det; aut de re ad rem; aut de tempore præsentis in conditionis eventum. *l. 6. hi.*

De rebus dubiis.

T I T. V.

SI legatum adedò dubium, ut dubitatio tolli per commodam interpretationem non possit; ut, si nomen legatarii non sit adscriptum in testamento, *l. 4. hic.* aut legatum sit Sempronio amico, & duo sint Sempronii æquè amici testatoris, & similibus casibus, *l. 9. l. 10. cod.* infirmatur legatum. *l. 11. l. 26. cod.* Quia quæ in testamento scribuntur ita, ut quid significant intelligi nequeat, ea perinde sunt ac si scripta non essent. *l. 2. ff. de his qua præ non script. hab.*

De his qua pœna causa relinquuntur.

T I T. VI.

EX Antonini Pii constitutione legata pœnæ nomine relicta deficiebant. *l. 1. & 2. hic.*

Quia non ex pœna hæredis, sed benevolentia & amore legatarii, proficisci legata oportet. *l. 9. pro socio.*

Sed Justinianus hæc legata valere voluit. Quæ hodie

hodie pœna conditioni comparatur: *l. 9. l. 14. l. 15. ff. de cond. inst. l. 3. l. 20. ff. de cond. & demonstr. nisi quid probrosum, vel contra leges contineant. l. un. C. hic. §. ult. Inst. de legat. Quia non delinquit, non faciens iustia, quæ facere non potuit. l. 6. ff. eod.*

De regula Catoniana.

TIT. VII.

HÆc regula sic definit: Legatum, quod, si facti testamenti tempore decessisset testator, inutile foret, id, quandocunque testator decedat, non valet. *l. 1. in pr. hic.*

Obrinet in legatis & hæredum institutionibus puris, non in conditionalibus. *l. 3. & 4.*

Nec ad novas leges, puta Juliam vel Papiam, porrigitur. *l. fin. hic.*

Quia ex his dies post apertas demum tabulas cedit. *Cujac. 4. obs. 4.*

De his qua pro non scriptis habentur.

TIT. VIII.

PRO non scriptis habentur, quæ iis adscripta qui in vivis esse desierunt: *l. pen. hic.* quod sibi quis adseribit in testamento alieno: *l. 1. & fin. C. de iis qui sibi adscr. in test.* quod ita scriptum, ut intelligi non possit. *l. 2. hic.*

Quæ incapacibus expressim relinquuntur, apud hæredem manent: *Cujac. 7. obs. 21.* quæ tacite in fraudem, fisco vindicantur. *l. 1. de jur. fisc. l. 3. C. ad L. Falcid.*

De his qua ut indignis auferuntur.

TIT. IX.

RELICTA, quibusdam successoribus, eorumque hæredibus, auferuntur, tanquam indignis, & fisco applicantur: *l. 29. cum ll. seqq. de donat. l. 1. de jur. fisc. Bald. in l. 4. n. 9. C. hic. modo siut in dolo.*

Bald.

Bald. in l. 8. C. eod. & post testatorem moriantur.

Bald. in l. eam. n. 9. C. de fideicom.

Putat iis Qui testatorem occiderunt: causam mortis præbuerunt: *l. 3. hic.* mortem ejus intra terminum à judice dandum, *l. 1. l. 10. C. eod. ulcisci* (modò cædis authores invenire potuerint, *l. 9. C. eod.*) superfederunt: ejus judicium, non propter solemnitarum defectum, *l. 5. §. 1. l. pen. ff. hic.* sed probroso nomine impugnant: *l. 5. l. 15. l. 16. hic.* eum gravis delicti reum faciunt, aut status controversiam ei movent: *l. 1. l. 9. hic.* qui contra tabulas bonorum possessionem petierunt: *l. 2. hic.* uxorem contra leges duxerunt: *l. 3. l. 13. cum ll. seqq. eod.* (Nisi ætatis lubrico lapsi sint, & ignorantiam suam probaverint: *l. 4. C. de incert. nupt.*) se à tutela testamentaria (hoc tamen casu ad fiscum non transfertur,) excusant: *l. 5. §. 2. eod.* qui inimicitias capitales cum defuncto exercuerunt, aut illi malè dixerunt: *l. 9. eod.* uxorem ejus corruperunt: *Gloss. in l. 10. C. eod.* in fraudem juris promittunt restituere personæ, quam capere fas non est: *l. 10. l. 11. l. 18. ff. eod.* qui hæreditatem compilarunt, quatenus compilarunt: *l. 6. eod.* qui de hæreditate viventis improba pacta fecerunt. *l. 30. §. fin. cum ll. seqq. de donat.*

Aufertur illis, quatenus apud eos remansit, aut remanere debet. *l. 8. §. 14. de inoff. test. Paul. lib. 4. sent. tit. 5.*

DIGESTORVM

LIBER XXXV.

De conditionibus & demonstrationibus, & causis, & modis eorum qua in testamento scribuntur.

TIT. I.

Possunt non tantum legata purè relinqui, sed iis & dies certus, aut incertus, aut conditio, *l. 1. pr. hic. tacita, vel expressa, adscribi.*

Cum dies certus est adscriptus, solvi ante diem possunt; quia certum est debitum iri. *d. l. 1. §. 1.*

Si dies incertus (ut est *Hæres meus cum morietur dato*) adscriptus, & legatarius ante decesserit, ad hæredem nihil transmittit: quia non cessit dies vi-
VO eo. *d. l. 1. §. 2.*

Quando conditio tacitè legato inest, (ut quando simpliciter lego fructus qui ex eo fundo nascentur: *d. l. 1. §. fin.* si enim nihil natum fuerit nihil debetur. *l. 73. de V. O.*) legatum, quod ad transmissionem attinet, conditionale non est: Transit enim legatore præmortuo, contra naturam legati conditionalis, in heredes: *l. 4. in pr. l. 5. §. 2. l. 25. §. 2. ff. quand. dies leg. ced.* quia extrinsecus, non ex testamento, conditio accedit. *l. 99. hic.*

Cum conditio est expressa, eam impleri (Sed, ei nullo tempore præfinito, quodcumque velit legatarius, *l. 10. hic.*) necesse est, & quidem præcise; nec ei satisfacit compensando, vel interessè præstando: *l. 8. §. 6. ff. de cond. inst. l. un. §. 7. C. de caduc. toll. l. 44. in princ. ff. hic.* alioqui deficit legatum: *l. 71. §. 3. l. 40. l. 27. hic.* Nisi sit impossibilis aut turpis, *l. 3. l. 20. eod.* stet per hæredem, vel cujus interest impleri, *l. 24. l. 57. eod.* (Qui est, non legatarius, sed in eius persona conditioni est parendum: *l. 5. §. 5.*

§. 5. ff. *quand. dies. legat.* l. 3. l. 11. ff. *de cond. inst.* l. 78. in princ. ff. *hic.*) aut per eum in cuius persona conditio posita est, l. 71. §. *fin.* l. 27. l. 28. *ead.* quod minus impleatur. Non si alius sit impedimento: l. 23. §. 2. ff. *ad leg. Aquil.* non si mortalitas obstiterit: l. 4. C. *de cond. insert.* l. 31. ff. *hic.* non si ejus cui adscripta factio defecerit. l. 3. C. *de cond. insert.* l. 2. C. *de inst. & substit.*

Si in non faciendo conditio posita; non aliter legatum solvetur quam præstita à legatario per satisfactionem, l. 67. l. 106. ff. *hic.* cautione (Mucianâ, à Mucio J. C. dicta) legatum se restitutum si contra fecerit. l. 7. l. 18. *ead.*

Cui cautioni non est locus, si conditio quæ in non faciendo, vivo testatore possit existere; quia videlicet ea ex casu pendet, nec in solidum est in potestate legatarii. Ex. gr. *Si Titio non nupseris.* l. 72. §. 2. l. 77. §. 2. l. 101. §. 3. l. 106. ff. *hic.*

Adjiciuntur etiam legato, demonstratio, causa, modus.

Demonstratio, est significatio accommodata rei legatæ. *Cujac. in par. ff. hic.*

Non refertur ad futurum tempus, ut conditio; sed ad præsens, ut, Stichum, qui meus est, do, lego: vel ad præteritum, ut, Stichum, quem à Scio cini. l. 6. *de legat. 1.* *Cujac. obs. 2. cap. 59.*

Hæc licet falsa sit, non vitiat legatum: l. 17. in pr. & §. 1. l. 33. in pr. §. 1. *hic.* si de testatoris voluntate constet.

Causa, est quæ animum testatoris ad legandum commovet, sive antecedit, sive sequatur.

Non vitiat, licet falsa sit, legatum; quia legato, non cohæret; l. 72. §. 6. ff. *hic.* id est; ei non inest: nisi vel probetur testatorem alias non legatum fuisse; l. 72. §. 6. *ead.* vel causa conditionaliter sit concepta. l. 17. §. 2 & §. 3. *ead.*

Modus, est adjectio, quæ ostendit quid legatarium ex legato facere, testator velit. *Cujac. in par. hic. vid. d. l. 17. §. fin. l. 1. C. de his quæ sub. modo.*

Est ergo modus causa finalis; ut si testator dicat.

si idè legare, ut aliquid fiat; veluti, monumentum aliudve. *l. 17. §. fin. ff. hic.*

Quem adscriptum legatarius tenetur implere nec aliter legatum consequi potest; *d. l. 1. pro conditione enim observatur. l. 1. & 2. C. eod.*

Ad legem Falcidiam.

T I T. II.

Minuuntur legata per legem Falcidiam: per Senatusconsultum Trebellianum fideicommissa.

Lege Falcidiâ (lata à Falcidio Tribuno Plebis) cavetur ne plus testatori legare liceat, quam dodrantem bonorum ab ipso relictorum, id est, ita modò, ut quarta pars eorum institutis hæredibus salva maneat. *§. 2. Inst. l. 1. ff. hic.*

Introducta est principaliter, testatorum gratia; ne ipsorum voluntates, (quibus ex lege XII. Tabularum totum suum patrimonium legatis exhaurire poterant.) irritæ fierent, hæredibus pro nullo, vel minimo lucro hæreditatem adire recusantibus.

Nec lege Furia (quâ ne cui plus quam mille aureos legare liceret) & Voconia (quâ ne plus quam hæres, haberet legatarius cautum fuit;) satis malo isti tollendo provisum videbatur. *pr. Inst. hic.*

Duo sunt hujus legis capita. Primo confirmatur legandi facultas testatoribus per legem XII. Tabularum data.

Altero limitatur ea facultas, ne testator possit ultra dodrantem legare, ut penes hæredem quarta pars, salva maneat. *l. 1. in pr. hic.*

Competit hujus legis beneficium, hæredibus scriptis, *l. un. ubi Gl. & Dd. C. quor. legat. & eorum successoribus & hæredibus, l. 10. l. 16. C. hic.* non legatariis, nec fideicommissariis. *l. 47. hic. §. 18. l. 28. ad SC. Treb.*

Ex pluribus institutis hæredibus, singulis competit: *§. 1. Inst. l. 77. hic.* ut quartam quilibet suæ portionis salvam habeat. *d. §. 1. d. l. 77.*

Ex

Ex accidenti etiam hæredibus ab intestato, puta, quando fideicommissa per codicillos, aut alio modo, ab intestato ita relinquuntur, ut universa hæreditas fideicommissio gravetur. *l. 18. hic. Nov. 1. c. 4. §. 2. & Wef. hic. n. 6.*

Quantitas patrimonii, ad quam ratio legis Falcidiz refertur, eo tempore spectatur, quo testator mortuus est; (Est enim Falcidia quarta hereditatis;) nec ex eo legata minuuntur, vel conservantur, quod post testatoris mortem bona sunt diminuta, vel aucta. *l. 30. l. 73. ff. §. 2. Inst. hic.*

Prius de patrimonio deducenda, quam ratio huius legis incatur; æs alienum, funeris impensa, pretia servorum in testamento manumissorum. *§. ult. Inst. l. 18. l. 87. §. 2. ff. l. 15. l. 8. C. eod.*

Nec locus est Legi Falcidiz. Quando testator eam prohibuit: *Novell. 1. c. 2.* hæres inventarium non fecit: *d. N. 1. c. 2.* integra legata sciens, vel non per errorem facti, solvit: *l. 1. & 9. C. eod.* integra se soluturum testatori promisit: *l. ult. C. eod.* ut & in testamento militis: *l. 7. C. eod.* dote prælegata: *l. 57. hic.* legatis ad pias causas. *Nov. 13 1. c. 12. &c.*

*Si cui plus quam per legem Falcidiam
licuerit, legatum esse dicetur.*

T I T. III.

SI dubitatur an locus Falcidiz futurus sit, & hæres solidum legatum solvat, cogitur legatarius, datis fideiussoribus, hæredi cavere, si apparuerit se amplius legati nomine cepisse, quam Lege Falcidiâ capere liceat, se quanti ea res erit, tantam pecuniam daturum, dolumque malum abfuturum. *l. 1. in pr. l. 3. §. 1. hic.*

Eâ cautione non petitâ, si heres sciens integra legata solvat, cessat lex Falcidiz, quia defuncti iudicium videtur agnovisse: *l. error. C. ad L. Falc. Nov. 1. c. 2. §. 2.* Si ignorans, incerti conditione id quod potuit retinere, repetit. *l. heres. 21. ad SC. Treb. l. 1. §. 11. ad Leg. Falc.*

D I G E S T O R U M

L I B E R XXXVI.

*Ad Senatusconsultum Trebellianum
& Pegasianum.*

T I T. I.

Senatusconsultum Trebellianum temporibus Neronis, Annæo Seneca & Trebellio Maximo Consulibus factum est. *l. 1. §. 1. hic.*

Eo cautum, ut actiones, quæ in hæredes, hæredibusve dari solent, post restitutam ex fideicommissio hæreditatem, eis & in eos darentur, quibus ex testamento fideicommissum restitutum esset. *d. l. 1. §. 3.*

Sed, quia ne sic quidem hæredes scripti, qui adire hæreditatem, seu metu litium, seu alio prætextu, dubitabant, *d. l. 1. §. 3.* ad adeundum induci poterant, cum, aut totam hæreditatem, aut penè totam, restituere plerunque rogarentur, & ob id fideicommissa extinguebantur: idèd Vespasiani temporibus, Pegaso & Pusione Consulibus, Senatus rogato hæreditatem restituere permisit, perinde quartam partem, etiam ex singulis rebus quæ per fideicommissum relinquuntur retinere, *§. sed quia. Inst. de fideicom. hered.* atque ex lege Falcidia in legatis retinetur. *§. restituta. cum seqq. Inst. eod.*

Omnia tamen onera hæreditaria tum sustinebat; non fideicommissarius: nisi quatenus ea pro rata, solennibus stipulationibus, in se recipiebat. *§. ergo. Inst. eod. l. 2. C. hic.*

Sed postea à Justiniano vis hujus Senatusconsulti in Trebellianum translata est: sic ut ex eo quartam nunc retinere liceat, actionibus (scilicet creditorum,) nihilominus pro rata portione, tam hæredi, quam fideicommissario, & in eos competentibus. *d. §. sed quia.*

Si

Si hæres nihil ultra quartam habeat, & fideicommissarii portio legatis sufficiat, habebit quartam sine onere: (ut plerique putant in d. §. *sed quia*. & §. *si quis*.) & fideicommissarius ea præstare solus cogetur, nisi aliud testator voluerit. l. 1. §. 17. & §. *fin*. l. 3. *hic*. l. *fin*. C. *hic*.

Si hæres nolit adire, potest eum fideicommissarius universalis, implorato judicis officio, cogere, & adire, & ipsi fideicommissario hæreditatem restituere. §. 7. *Inst*. l. 13. §. 4. l. 14. l. 50. *hic*.

Quo casu hæres quartam non detrahit: d. l. 14. §. 4. sed ejus loco fideicommissarius, alias non detractus; d. l. 1. §. 19. l. 28. l. 63. §. 11. *hic*. omnesque actiones integrè in eum transeunt. l. 40. *hic*.

Imputantur in quartam non tantum ea quæ jure hæreditario, quæ tantum in Falcidiam; sed & ea quæ quovis alio jure, sive legati, sive præceptionis, l. 91. l. 74. ff. ad L. *Falcid*. Ant. Fab. 6. *consect*. 4. 5. Diff. Cujac. 8. *obs*. 4. & alii. hæres percipit.

Quando dies legatorum vel fideicommissorum cedat.

T I T. II.

Legata acquiruntur, juris interpretatione, cum dies eorum cedit: id est, cum incipiunt deberi. l. 213. de V. S.

Cedit legati dies à tempore mortis testatoris, l. un. §. 5. C. de *caduc. toll*. sive purè, sive in diem certam relictum sit: quamvis in diem relictum, antequam ea veniat, cum effectu peti non possit. d. l. 213.

Hoc introductum, ne legatario ante aditionem moriente, per moram hæredis deliberantis extinguatur legatum. d. l. un. §. 1. & 2. Paul. lib. 3. *sent. tit*. 6. & ibi Cujac.

Legatum conditionale, vel in diem incertam relictum, neque debetur, neque peti potest ante conditionem, (nisi ea jure remittatur, aut pro non ad-

jecta habeatur; *l. 5. §. 3. 4. ff. hic.* aut extrinsecus, non ex testamento veniat: *l. 99. ff. de cond. & demonst. l. 6. §. 1. ff. hic*) vel diem existentem. *l. 21. in pr. l. 4. & 5. hic. d. l. un. §. sin autem.* Quia antea non est certum debitum iri, si hereditas adceatur.

Legata quæ ad hæredes non transeunt, ut usus, usufructus, demum aditâ hæreditate cedunt. *l. 2. 3. hic. d. l. un. §. libertatibus.*

In legato annuo primi anni legatum, quod purum est, transmittitur, & ejus dies cedit à morte testatoris: sequentium nequaquam, sed singulis duntaxat annis; cum sit conditionale; *l. 23. l. 10. l. 11. l. 12. hic. Si vivat legatarius: l. 4. l. 11. ff. de ann. legat.* Nisi ut unum esset legatum, testatorem voluisse appareat. *ut in l. 26. §. pater. l. 20. ff. hic.*

Effectus cessionis, ut legatum debeatur, *d. l. 213.* & ad hæredem legatarii, eo nondum acquisito decedentis, transmittatur. *l. 5. in pr. hic.*

Ut legatorum seu fideicommissorum servandorum causa caveatur.

T I T. I I I.

CAvendum est, & quidem satisfactione, *l. 1. §. 1. & seqq. hic.* id est, datis fidejussoribus, *l. 2. ff. qui satisd. cogunt.* quotiescunque solutio legati, vel fideicommissi, etiam universalis, *l. 4. C. hic.* differtur, vel quia dies legati nondum venit, vel quia conditio pendet, vel quia hæres de legato seu fideicommissio litigat, quasi debitum non sit. *l. 14. & l. seq. eod.*

Cavent hæredes, & cæteri, qui legatum, vel fideicommissum præstare debent, *d. l. 1. §. 3. & §§. seqq.* legatario, vel fideicommissario, aut ejus procuratori, *d. l. 1. §. 15.* vel ei, qui legata præcipere & distribuere debet, *l. 96. §. pen. ff. de legat. 1.* ut quibus diebus testator dari, fieri, voluit, his diebus dètur, vel fiat, dolumque malum abfuturum. *d. l. 1. in pr.*

Quam in stipulationem venit res legata & quicquid

quid in actione ex testamento inest. *d. l. 1. §. 13. 14. & 16.*

Cessat hæc cautio, si eam testator exigi nolit: *l. 12. hic.* si manifestum, non valere legatum: *l. 14. §. Divus. eod.* vel in continenti probare paratus est hæres, nihil deberi. *l. 3. ut in poss. leg.* Quia ante de legato, quam de satisfactione constare potest.

Ut in possessione legatorum vel fideicommissorum servandorum causa esse liceat.

T I T. I V.

Prætor, si legatariis non satisfidetur, in bonorum possessionem iri vult: *l. 1. rit. præc.* Hæreditariarum; si eas heres possideat; si non, sed dolo malo desierit possidere, heredis. *l. 6. C. l. 5. §. in possessionem. ff. hic.*

Bonorum appellatio hic continet omnes res, quarum proprietas pertinet ad hæredem ex hæreditate. *l. 5. §. 5. cum §. seqq. hic.*

Mittuntur hodie pro quantitate legata. *Nov. 53. o. 4. §. 1.* Olim in possessionem omnium bonorum; etsi res minima legata, vel per fideicommissum relicta esset, *l. 13. hic.* mittebantur:

Missione decretâ, vel invito hærede legatarius inducendus est in possessionem, *d. l. 5. §. 26.* ut custodiæ causa simul cum hærede possideat: & hæres tædio perpetuæ custodiæ cautionem præstet, aut legatum solvat. *d. l. 5. pr. & §. 22.*

Constituitur eâ pignus prætorium, *l. 5. hic.* ob quod legatarius aliis creditoribus, quibus forsan post missionem heres res eas obligavit, præfertur. *l. 3. C. eod.*

DIGEST. PARS VI.

LIBER XXXVII.

De bonorum possessionibus.

T I T. I.



Hactenus tradidimus quemadmodum ex testamentis jure Civili succedatur, demonstramus nunc, quibus modis Prætor, tam ex ultima voluntate, quam ab intestato, successiones deferat: quæ bonorum possessiones, non hæreditates, appellantur; cum Prætor neminem hæredem efficiat. §. 1. *Inst. hic.*

Bonorum possessio, est jus (*prætorium*) persequendi retinendique patrimonii; sive rei, quæ cuiusque cum moritur, tuit. *l. 3. §. 2. hic.*

Bonorum appellatio hic comprehendit omnia commoda & incommoda hæreditaria, dominiumque rerum quæ in his bonis sunt. *l. 1. hic.*

Possessio hic significat jus & utile dominium rerum quæ in hæreditate sunt. *l. 1. 2. 3. hic.*

Jus, id est, facultas persequendi: scilicet officio judicis, extra ordinem. *vid. l. 178. §. 2. verb. persecutionis. ubi Alciat. l. 34. cum ibi not. de V. S.*

Bonorum possessio, est vel Edictalis, quæ ex Edicto Prætoris mortui competens, jus quærendum decernit: vel Decretalis, quæ à Prætore vivo datur, & jus quæsitum respicit.

Illa vel est Ordinaria; quæ aliqua in parte Edicti fundatur: vel Extraordinaria; quæ ex novis legibus, prout quæque res incidit, extra ordinem datur. §. 3. & §. 4. *vers. septima. Inst. hic.*

Illius plures olim erant species: Nunc aliquibus à Justiniano evacuatis, sex tantummodo utiles reperiuntur.

periuntur; duæ ex testamento; quatuor ab intestato. §. 1. 2. *Inst. eod.*

Ex testamento sunt Bonorum possessio contra tabulas; & secundum tabulas.

Ab intestato sunt: Unde liberi: Unde legitimi: Unde cognati: Unde vir & uxor.

Extraordinariæ Bonorum possessionis quatuor sunt species: Ut ex legibus, Carboniana, Ventris, & litis agnoscendæ causa.

Introduxit Prætor Bonorum possessionem; Et juris civilis emendandi causa, idque per supplementum, tum in causa intestati: (*quomodo introduxit bonorum possessionem, Vnde liberi, & Vnde cognati*) tum in causa testati: (*ut bonorum possessionem contra tabulas.*) Et ejusdem juris confirmandi gratia; idque admittendo ad bonorum possessionem, vocatos jure civili ad successionem testati, (*in bonorum possessione secundum tabulas, data heredibus institutis,*) item intestati, (*in bonorum possessione Vnde liberi, Vnde legitimi.*)

Requirebat olim bonorum possessio petitionem & decretum: hodie sola declaratio animi, eoram judice facta, sufficit. §. 7. *Inst. hic. l. fin. C. qui adm. ad bon. poss.*

Quæ tamen declaratio intra legitimum tempus est facienda. Quod in liberis & parentibus, est annum; in reliquis agnatis & cognatis centum dierum. §. 4. *Inst. eod. d. l. fin.*

Si tabula testamenti extabunt.

TIT. II.

Bonorum possessiones competunt, cum tabulæ testamenti vel extant, licet non proferantur; *l. 1. §. 2. de bon. poss. sec. tab.* vel semel verè mortuo testatore extiterunt; licet postea interierint. *d. l. 1. §. 3. l. un. hic.*

Non ergo dabuntur, si tabulæ testamenti non appareant, aut appareant quidem, sed in iis nomen hæredis ita, quamvis inconsulto, deletum sit, ut

R 5. penitus

394 *Digest. Lib. XXVII. Tit. VI.*
penitus legi non possit, cum Prætor justam dubi-
tandi causam habeat, utrum qui possessionem pe-
tit, hæres scriptus sit, ad non. *d.l.un.hic.*

*De bonorum possessione furioso, infanti,
mutic, surdo, caco, competenti.*

T I T. III.

T Empus petendæ Bonorum possessionis non cur-
rit furioso, impuberi, quamdiu tales, etiamsi
horum tutores vel curatores petere potuerint. *l. 1.
hic. l. 7. l. 12. de bon. poss.*

Muti, surdi, cæci, dummodo intelligant quid
agatur, jure communi uti debent. *l. 2. hic.*

De bonorum possessione contra tabulas.

T I T. IV.

B onorum possessio contra tabulas datur liberis
præteritis, *l. 1. hic.* non solum emancipatis, &
eorum liberis, sed etiam suis, siquidem jure insti-
tui, mortis tempore potuissent, *l. 3. §. liberi. ff. hic.*
non exheredatis, *d.l. 1. l. 3. in pr. l. 10. §. pen. & ult.
hic. l. 15. tit. prox. l. 17. C. de collat.* (Quia eis inoffi-
ciosi testamenti querela sufficit: *d.l. 10. §. pen.*) eo-
dem omnino jure & ordine, quo vocantur ad suc-
cessionem jure Civili. *d.l. 1. l. 2. C. hic.*

Datur contra quodvis testamentum, ritè factum,
Duaren. hic. excepto matris, *l. 4. §. 2. hic.* vel ad-
scendentium per lineam maternam; *d.l. 4. §. 2. ff. §.
ult. Inst. de exher. lib.* (Quod Jure Novissimo muta-
tum: *Novel. 115. c. 3.*) & militis. *l. un. de bon. poss.
cont. test. milit.*

*De legatis præstandis, contra tabulas bo-
norum possessione petitâ.*

T I T. V.

P etitâ Bonorum possessione contra tabulas, le-
gata ex eo testamento non debentur, nisi libe-
ris,

ris, vel parentibus, vel dotis nomine uxori, nurui-
ve, relicta sint. *l. 1. hic.*

Hodie, evacuato quacunq̃ ex causa præteritio-
nis testamento, legata omnia debentur. *Azo in tit. C. de bon. poss. cont. tab. per Auth. ex causa. C. de lib. prat. Diff. Pacius. hic.*

De collatione bonorum.

T I T. VI.

E Mancipati à Prætorè ad bonorum possessionem
admissi, obligantur ad collationem. *l. 1. hic.*

Collatio, est rei propriæ in communem illatio, ut
hæreditati communi permixta, inter omnes cohæ-
redes æqualiter dividatur. *Bald. in l. emancipati. 9. n. 11. C. hic.*

Introducta est Edicto perpetuo: *l. 9. l. 11. C. hic.*
ad propulsandam injuriam quam filii emancipati
suis, dum bonorum paternorum per contra tabulas
bonorum possessionem fiunt cum illis participes,
inferunt. *l. 1. ff. eod.* Nam cum sui patri acquirant,
l. 79. ff. de acq. hered. emancipati sibi, hi nisi bona
sua conferrent illis, melioris essent conditionis, cum
& sua bona præcipua haberent, & nihilominus ex
bonis paternis æqualem partem cum liberis suis ac-
ciperent: Quod non erat ferendum. Quippe inter
liberos discordia vitanda; æqualitas (Cujus ut &
Justitiæ Imperatores amatores sunt. *Nov. 2. c. fin.*)
servanda. *l. 7. C. eod.*

Habet locum in successione legitima, *l. 1. §. vel maxime. cum §. seq. hic. l. 7. l. 10. C. eod.* etiam ex
jure novo in testamentaria; *Nov. 18. c. 6.* nisi ex-
presse remittatur; *l. 1. Auth. ex testamento. C. hic.* sed
tantum descendendum: sive sui sint, sive emancipa-
ti: *l. 17. l. 19. C. hic. Gl. in l. 1. C. de legib. hered. l. as. in l. si emancipati. n. 26. C. hic.* sive ex fœminis de-
scendant: *d. l. 17. d. l. 19.* Modo sint in primo gradu,
aut in locum primi succedant nullusque eos præce-
dat: *d. l. 19.* Succedant adscendenti titulo univer-
sali, non particulari, ut legati aut fideicommissi,

particularis: *l. 10. l. 16 C. eod.* non adscendentium, aut collateralium. *d. Gl. ult. in l. 1. C. de legit. hered. Ias. in l. si emancipati. num. 26. C. hic.*

Conferunt ea quæ habuerunt cum pater moretur, deducto ære alieno: *l. 1. §. 17. §. 18. ff. l. 6. C. hic.* ea quæ in legitimam imputantur ad excludendam inofficiosi querelam: & quidem hodie tantum protectitia; *l. ult. C. hic.* non adventitia, aut castrensia, vel quasi *l. 12. C. eod. l. 52. §. 8. pro socio.*

Fit collatio, vel re ipsa, vel cautione de conferendo: *l. 1. §. 9. hic.* vel cautione de defendendo, ut ii, quibus confertur, à necessitate aliquid præstandi liberentur: *l. 2. C. eod.* vel remissione, ut, si quis patiatur tantum fratrem præcipere ex bonis paternis, quantum ei conferre debet. *l. 5. C. eod. l. 43. §. 1. vers. sicut in collatione. de admin. tut.*

Quodsi quis neque conferre, nec cavere velit, vel denegantur ei actiones hæreditariæ, *d. l. 1. §. 10. §. 11. l. 8. hic.* vel officio judicis implorato ed. compellitur. *l. 8. C. hic. l. 1. de dot. coll. Dd. in d. l. si emancipati.*

Jus hoc collationis pacto tolli non potest; *l. 15. C. de pact. testamento paterno potest. l. 5. §. 1. hic. l. 1. cum Auth. seq. l. 12. C. hic.*

De collatione dotis.

T I T. VII.

Conferunt filiæ suæ vel emancipatæ hodie, sive ab intestato sive ex testamento succedant; nisi pater hoc remiserit; *Nov. 18. c. 6.* dotem protectitiam, non adventitiam, (ut olim) *l. ult. C. de collat.* tam suis, quam emancipatis, *l. 4 l. 8. C. eod.* sive bonorum possessionem petierint, sive se bonis paternis miscuerint. *l. 1. pr. hic.*

Non conferuntur donationes simplices, puta factæ filio aut filiæ à parente de cujus successione agitur; quia ut eas præcipuas haberent voluisse videtur. *l. 15. C. fam. ercis. l. pen. §. 1. C. hic. Diff. Dd. per. l. 13. l. 17. C. eod. vid. Cujac. lib. 3. obs. cap. 30.*

Nec

Nec regulariter conferuntur impensæ studiorum;
l. 50. f. am. ercisc. l. as. in Auth. quod locum. n. 3. & 4. h. r.
 nec sumptus in elocatione filix facti. *Bald. in l. filia.*
n. 14. C. f. am. ercisc. Bald. in Auth. ex testamento. C.
de collat.

*De conjungendis cum emancipato libe-
 ris ejus.*

T I T. VIII.

E Mancipato filio, nepotes in potestate retenti, ju-
 re civili patris locum occupant: fiuntque avo-
 sui & proximi hæredes, excluso patre. §. *sui. Inst. de*
hæ. qual. & diff.

Prætor verò, emancipato bonorum possessionem
 ejus partis dat quæ ad eum pertineret, si in potesta-
 te permansisset: sed ita, ut ex eâ parte dimidiam
 ipse, reliquam liberi ejus habeant, iisque bona sua
 conferat. *l. 1. hic.*

Quod edictum hodie locum non habet, subla-
 tâ suitatis & emancipationis differentiâ. *Nov.*
118. c. 1.

*De ventre in possessionem mittendo, &
 curatore ejus.*

T I T. IX.

P Rætor propter spem nascendi, ventrem mittit
 in possessionem vice contra tabulas bonorum
 possessionis, *l. 1. hic.* si venter non est exhæredatus;
 & id quod in utero est, inter suos hæredes futurum.
d. l. 2. §. 2.

Jure novo (cum venter exhæredari non possit,
l. 33. §. 1. C. de inoff. test. & sublata sit, quoad suc-
 cessionem, suitatis & emancipationis differentiâ)
 etiam exhæredatorum & emancipatorum habenda
 ratio est.

Ventre in possessionem missô, bonis curator
 unus vel plures dari solent. *l. 1. §. 17. & §. seq. hic.*

De Carboniano Edicto.

T I T. X.

SI impuberi controversia fiat, an inter liberos sit: causa summatim cognitâ, perinde ex hoc Edicto possessio contra tabulas, Unde liberi, Unde cognati, *l. 1. in pr. l. 3. in pr. ff. l. 1. C. hic.* datur, ac si nulla de ea re controversia esset, iudiciumque in tempus pubertatis differtur. *l. 1. pr. hic. l. 3. l. 4. vers. summatim. hic.*

Hoc tamen Edictum, ita demum locum habet, si, & status, & hæreditatis quæstio, simul moveatur. *l. 6. §. 3. hic.*

Si pro pupillo non satis-detur, ei qui controversiam movet, simul cum eo possessio à Prætorè decernitur. *d. l. 1. §. 1.* Ita tamen ut solus pupillus rebus hereditariis utatur: *l. 2. C. hic.* id est, alimenta exteræque impensas necessarias consequatur. *l. 6. §. 6. ff. eod.*

Bonorum Possessio hæc, si satisfactum sit, non tantum ad possessionem adipiscendam, sed etiam ad rerum persecutionem, & ad debita exigenda, & ad collationes, prodest. *l. pen. hic.*

De bonorum possessione secundum tabulas.

T I T. XI.

Bonorum possessio secundum tabulas, datur directæ scriptis hæredibus quibuscunque: *l. 2. §. 4. l. 6. l. 7. hic.* Utilis; nuncupatis: *l. 2. C. eod.* secundum tenorem testamenti.

Ut decerni possit, necesse est Tabulas existare, aut extitisse: *l. 1. §. 3. ff. eod.* Septem testium signis esse signatas: *l. 2. C. eod.* Esse supremas: *d. l. 1. §. 1.* In originali. *d. l. 1. §. 3.*

Regulariter cum bonorum possessione contra tabulas non concurrit. *l. fin. C. hic.*

Si à parente quis manumissus.

T I T. XII.

Pater, aut Avus paternus, præteritus, potest contra tabulas filii emancipati, bonorum possessionem petere.

Quia filius, emancipatione factâ, à parente acquirendorum bonorum beneficium habuit. *l. 1. & l. t. hic.*

Si tamen parens vel accepit pecuniam ut emanciparet, vel postea vivus in eum filius, quantum satis est, contulit, ne judicia ejus inquietet, exceptione doli repellatur. *d. l. 1. §. 3.*

De bonorum possessione ex testamento militis.

T I T. XIII.

Bonorum possessio contra tabulas non datur contra testamentum militis, aut ejus qui in hostili agro decedit; etsi jure militari testari nequeat; ut præses, legatus, &c. *l. an. hic.*

De jure patronatus.

T I T. XIV.

Datur patronis bonorum possessio contra testamentum liberti, si liberi non sunt instituti: §. 5. *vers. sed nostra. Inst. de success. lib.* quæ est pars juris patronatus.

Quod consistit, in obsequiis, operis, & bonis libertorum. de quibus singulis titulis sequentibus.

De obsequiis parentibus & patronis præstandis.

T I T. XV.

Obsequium parentibus & patronis debetur.
Nam liberto & filio semper honesta & sancta.

ēta persona patris ac patroni videri debet; *l. 9. hic.* si contra faxint, tanquam ingrati arbitrariē puniuntur, *l. 1. hic. l. un. C. de ingr. lib.* & in potestatem domini, seu patris, retrahuntur. *l. 2. C. de libert. & eor. lib. l. un. C. de ingr. lib.*

Et propterea illos in jus sine venia vocare non possunt. *l. 4. cum seqq. hic.*

Nec famosa actio, aut exceptio in illos datur. *l. 2. 5. 6. 7. hic.*

Quando quidem ab altero vita naturalis, ab altero civilis accipitur.

D I G E S T O R U M

L I B E R XXXVIII

De operis libertorum.

T I T. I.

PRæter obsequia debent etiam liberti operas; non liberi; quia ingenuis imponi nequeunt. *l. 56. de fidejuss. l. 10. sup. tit. prox.*

Operæ, sunt diurnum officium; quia luce & per diem, puta naturalem, non civilem; explicantur. *l. 1. hic. l. 2. de ann. legat.*

Sunt vel artificiales, quæ in artificio; vel officiales, quæ in officio exhibendo, consistunt.

Hæ naturaliter debentur patrono, licet non sint promissæ: *l. 26. §. libertus. de cond. ind.* Illæ non debentur, nisi ex promissione, vel jurejurando liberti. *l. 7. hic. l. 36. de man. test. l. ult. de liber. caus. l. 56. de fidejuss. l. 13. de accept.*

Solvitur hæc obligatio, si libertus vel duos filios, vel unum quinquennem in potestate habeat: *l. 37. hic. item infirmitate vel senio liberti: l. 15. l. 17. l. 34. l. 35. hic. & voluntate patroni. l. 46. eod. l. liberta. C. eod.*

De bonis libertorum.

T I T. II.

Datur patronis in authoramentum datæ libertatis, & Bonorum possessio Unde legitimi, per quam succedunt liberto intestato, si sui hæredes non existant: §. 2. & §. *sed nostra. Inst. de success. lib. l. ult. C. hic.* & Bonorum possessio contra tabulas, si à liberto in testamento sint præteriti: per quam olim dimidiam, hodie ex Justiniani Constitutione tertiam bonorum partem hæredi scripto auferunt: dummodò libertus centum aureos in bonis habeat, *vid. d. §. sed nostra.*

De libertis universitatum.

T I T. III.

Dictæ Bonorum possessiones dantur etiam universitati, quæ servum suum ad libertatem produxit. *l. un. §. 1. hic.*

Et jus quod patrono privato debetur etiam deferretur municipibus. *d. l. un. in pr.*

Quibus tempora bonorum possessionis petendæ exinde cedunt, ex quo decernere de petenda potuerunt. *d. l. un. §. fin.* Ipsi enim, cum consentire nequeant, eam petere non possunt, *d. l. un. §. 1.*

De assignandis libertis.

T I T. IV.

Morte patroni jus patronatus ad ejus liberos æqualiter transit. *l. 5. l. 18. cum sim. de bon. libert.*

Sed si univex liberis quos in potestate habet, libertum aut libertam, sive in testamento, sive extra, illud, quibuscunque verbis Pater, *Pater in Enchirid. Inst. hoc. tit.* assignaverit, (hoc est, propriè ac pecu,

402 *Digest. Lib. XXXVIII. Tit. VII.*
peculiariter attribuerit.) Ille solus cui assignatio
facta, ex Senatusconsulto pro patrono habetur. *l. 1.*
in pr. hic.

Potestate assignantis per emancipationem solu-
tâ, & assignatio evanescit. §. 1. §. 2. *Inst. hic.*

Si quid in fraudem patroni factum sit.

T I T. V.

C Ompetit patrono actio Fabiana, (quæ ex testa-
mento,) & Calvisiana, (quæ ab intestato locum
habet: *l. 3. §. 2. & 3. hic.*) quâ unâ cum fructibus,
l. 1. §. 21. §. ult. cum ll. seqq. hic. non tam ante, quam
post litem contestatam perceptis, *d. l. 1. §. ult. l. 2.*
ff. eod. revocat ea, quæ libertus vel mortis causa,
l. 1. §. 1. hic. vel in fraudem patroni, ne por-
tionem legitimam ei relinqueret, alienavit. *d. l. 1.*
in pr. hic.

Datur, (quia rei persecutionem continet,) in per-
petuum. *d. l. 3. §. 1.*

Si tabula testamenti nulla extabunt,

Unde liberi.

T I T. VI.

C U m tabulæ testamenti vel non, vel non validæ
extant, succeditur, *l. 1. §. plane. & §. pen. hic.*
& dantur bonorum possessiones, ab intestato.
l. 3. hic.

Et quidem hoc ordine. Unde liberi, Unde legiti-
mi, Unde cognati, Unde vir & uxor. *d. l. 1. §. 1.*

Unde liberi, datur liberis, tam in potestate con-
stitutis, etiam adoptivis, quam extra; ut sunt eman-
cipati *d. l. 1. pr. §. 6. l. 4. eod.*

Unde

Vnde legitimi.

T I T. VII.

AD Bonorum possessionem Unde legitimi vocantur agnati. *t. t. hic.*

Quia hi Lege XII. Tabularum ad successionem ab intestato post suos vocabantur: unde & legitimi dicti. §. 1. & 2. *Inst. de legit. agn. succ.*

In ordine legitimorum primo vocabantur fratres & sorores, etiam antè parentes. *l. 7. unde lib. l. 2. C. ad SC. Tertull.*

Nam quamdiu consanguinei fratres supersunt, reliquis legitimis non defertur hæreditas. *l. 2. §. 2. de suis & legit.*

Post consanguineos legitimi reliqui, etsi longissimo gradu sint, admittuntur; scilicet ubi nullus in gradu propiore præcedit. §. 2. & 3. *Inst. de legit. agn. succ.*

Inter legitimos hoc Edicto recensentur & illi, qui, licet non ut agnati, tamen, alia ex causa, Lege, vel Senatusconsulto, ad successionem vocantur; *l. 2. §. ult. cum ll. seqq. hic. ut patroni, Inst. de legit. patr. tut. & ff. de bon. lib. parentes. §. fin. Inst. de leg. agn. succ. & de S. C. Tertull.*

Qui hodie sine ulla distinctione sexus potiore jure veniunt. *Nov. 118. cap. 2.*

Vnde cognati.

T I T. VIII.

HAc bonorum possessione vocat Prætor eos qui jure civili ad successionem admitti non possunt; id est, cognatos.

Cognati hic sunt, qui ratione sanguinis juncti erant defuncto, non tamen erant in ejus familia; ut conjuncti per foeminas, *l. ult. §. cognati: & §. cognitionu. de gradib. §. pen. Inst. de success. cogn. & conjuncti per masculos, quorum agnatio per capitis diminutionem sublata est. §. 1. Inst. eod.*

Ad-

Admittuntur post suos & legitimos; & quidem gradu proximi, *l. 1. & t. t. hic.* ordine successivo, *inf. tit. prox.* ad sextum, interdum ad septimum usque gradum. §. *ult. Inst. eod.*

Sed hodie, sublato agnationis & cognationis, emancipationis & fuitatis, discrimine, *Nov. 118. c. 4.* omnes indifferenter ad decimum usque gradum, (ex communi sententia;) admittuntur: *Gl. & Dd. in d. §. ult. & quidem in capita, non in stirpes. l. 2. C. l. 2. §. 2. ff. de suis & legit.* Nisi sint fratrum liberi: qui cum patris concurrunt. *d. Novel. 118. cap. 3.*

Diversum est in descendantibus (præter filios) qui non in capita, sed stirpes majorum successionem jure repræsentationis, capiunt. §. 7. *Inst. de hered. qua ab. intest.*

De successorio Edicto.

T I T. I X.

S Uccessorio Edicto (sic dicto quia ordinem ordini, gradum gradui, personam personæ, quasi per successionem substituit, *tit. ff. & C. hic.*) Prætor, ne creditores longiore mora circumducerentur, *l. 1. in pr. hic.* certum tempus petendæ Bonorum possessionis præfinivit; liberis quidem & parentibus anni, cæteris centum dierum spatium; utile, non continuum, §. 4. & 6. *Inst. de bon. poss. l. 1. §. 9. & §. 12. hic.* à die scientiæ currere incipiens, *l. 9. hic. l. 2. & 5. C. qui adm. dñ bon. poss.*

Quo elapso proximo in ordine jus accrescendi; ita tamen ut & ei sua tempora currant, tribuitur. §. 4. & 5. *Inst. eod. t. t. ff. & C. hic.*

Quæ graduum successio locum habet in Bonorum possessione Unde liberi; ut repudiante filio succedat nepos, repudiante nepote pronepos; &c. *l. 17. §. pen. ff. si tab. test. ext. null.* & in Bonorum possessione Unde cognati; §. 7. *Inst. de legit. agn. success.* ut cum deficiente avunculo; qui est cognatus in tertio gradu, in ejus locum succedit consobrinus, qui est in quarto gradu, & deficiente consobrino vocatur

De gradibus & affinibus, &c. 405
vocatur sobrinus, qui est in sexto gradu. *l. fin.*
C. hic.

*De gradibus & affinibus, & nominibus
eorum.*

T I T. X.

Quia cognatorum & agnatorum varia est ratio
& ad proximum gradum tam hæreditates, *l. 2.*
de suis & legit. quam tutelæ redeunt, gradus cognationum nosse oportet, ut quis, cui præferatur & proximior sit, intelligi possit *l. fin. in pr. hic.*

Gradus ut numerari possint, lineis seu limitibus distinguuntur; lineæ gradibus. *Pater in Enchir. Inst. hic.*

Linea, est collectio personarum ab eodem stipite descendendum, gradus continens & distinguens cognationes.

Gradus (ad similitudinem scalarum dictus. *l. ult. §. 10. hic.*) est transitus de proximo cognato in proximum, quo quæ persona sit stipiti proxima cognoscatur. *Wesf hic.*

Linea, est vel recta: eaque aut superior, quæ est parentum, seu adscendentium; aut inferior, quæ liberorum seu descendendum: *pr. Inst. hic.* vel transversa, quæ est inter fratres & sorores, cognatosque cæteros. *d. pr.*

Hæc, vel est æqualis, quando cognati æqualiter à stipite distant; vel inæqualis, quando ab eo distant inæqualiter. *Pater in Enchir. Inst. hic.*

Sunt in utroque lineæ genere tot gradus cognationis, quod generationes.

Et superior & inferior linea, à primo gradu incipit: *l. 1. hic.* cum primus transitus quaquaversum de patre fiat in filium, & è contrario. *d. l. fin. §. primo gradu.*

Transversa, non à primo gradu (qui nullus est jure civili;) sed à secundo incipit. *d. l. 1. §. 1.*

Ergo, quot sunt generationes remotiores tot sunt gradus; stipite dempto.

No-

Nomenclaturam graduum omnium vide in l. 10. §. 12. 13. 14 ff. & t. t. *Inst. hic.*

Jus Canonicum, quia considerat gradus nuptiarum, duorum consensu constantium, idèd aliter in transversa linea non recta, quam jus civile gradus numerat. Nempe duas personas in iis numerandis conjungit.

Et in linea æquali dicit: Quoto gradu utraque persona distat à stirpitate, eodem gradu distant inter se.

In inæquali: Quoto gradu remotior distat à communi stirpitate, eodem distant inter se.

Affinitas est conjunctio inter conjugem & alterius conjugis cognatos.

Contrahitur de jure civili per nuptias. l. 4. §. *quoniam. hic.*

Jure Pontificio ex quavis, etiam illicita, conjunctione. c. *discretionis. ubi Gl. ad verb. nec affinitas. & Panor. de eo qui cogn. cons. ux. c. ex literis. de consang. aff. Dd. comm. in c. non debet. Ext. hic.*

Gradus affinitatis jure civili nulli sunt. l. 4. §. 5. *hic.* Quia generatio, quæ causa est cognationis, non affinitatis, etiam gradus efficit. §. 7. *Inst. hic.*

Jure Canonico, eodem modo computantur, quo gradus consanguinitatis. c. *pen. & fin. Ext. h. t.*

Quod jus tria facit affinitatis genera. Unum quod per personam adjunctam carnis copula contrahitur: Alterum, quod per personam primo generi additam: Tertium quod per personam secundo additam. *Wes. hic.*

Affinitas non extenditur ad affines personæ conjunctæ. d. c. *non debet*; sicuti nec ad cognatos viri & mulieris inter se. §. *mariti. ubi Gl. ad verb. postea. Inst. de nupt. c. pen. c. quod super. Ext. de consang.*

Vnde vir & uxor.

TIT. XI.

Post agnatos & cognatos Prætor, excluso fisco, ad bonorum successionem virum & uxorem vocat,

vocat, qui quæve in iusto matrimonio mortis tempore fuerit. *l. un. C. hic.*

Sed hodie his personis, cum jure communi, in *Auth. præterea. C. eod. in Nov. ut liceat matri & avia. 117.* tum statutorio, aliter provisum.

De Veteranorum & militum successione.

T I T. XII.

SPECIALI in milite & veterano est, ut si capitali pœna ex delicto militari damnatus sit, ex ejus testamento peti possit bonorum possessio secundum tabulas: & ab intestato ei succedat legitimus hæres, vel proximus cognatus, usque ad quintum gradum. *l. 1. & 2. hic.*

Quibus non competit bonorum possessio.

T I T. XIII.

NON competit Bonorum possessio ei qui renuntiavit, qui tempore exclusus, qui prohibendo defunctum testamentum mutare, se indignum hæreditate reddidit. *l. un. hic.*

Ut ex legibus Senatufve consultis bonorum possessio detur.

T I T. XIV.

PRÆTOR bonorum possessionem, iis pollicetur, quibus ut detur, Lege, vel Senatusconsulto vel Constitutione comprehensum est. *l. un. hic.*

Quæ extraordinaria dicitur: quia neque bonorum possessionibus, quæ ab intestato veniunt, neque iis quæ ex testamento sunt connumeratur. *§. septima. Inst. de bon. poss. l. un. hic.*

Eam, bonorum possessio ex alia parte Edicti agnita, nunquam impedit. *d. l. un. §. 1.*

*Quis ordo in bonorum possessione
servetur.*

T I T. XV.

IN petenda bonorum possessione ab intestato primum vocantur sui : secundò legitimi : tertio proximi cognati : deinde vir & uxor. *l. i. pr. hic.*

De suis & legitimis hæredibus.

T I T. XVI.

QUO ordine Prætor ad bonorum possessionem vocat, eodem fere jus Civile hæredes facit ab intestato.

Intestatus mori dicitur, qui relinquens hæreditatem aut omninò non fecit testamentum, aut non jure fecit, aut quod fecerat ruptum irritumve factum est, aut si ex eo nemo hæres extitit. *l. i. hic. pr. Inst. de hæred. que ab int.*

Sic decedenti succedunt ex Justiniani Constitutione *in Nov. 118.* primò descendentes, (Id est, liberi, tam nascituri, quam nati, tam fœminæ, quam mares, tam emancipati, quam sui, tam primi, quam ulteriorum graduum, tam ex filio, quam filia, tam ex emancipato, quam suo nati:) sublatâ omnis emancipationis & sexus, (quæ olim obtinebat) differentia.

Et succedunt filii primi gradus in capita, ulterioris, (sive soli sint, sive cum primi gradus liberis concurrant) ob jus representationis, in stirpes; *d. Nov. 118. c. 1. vers. In hoc. §. ult. Inst. eod.* id est, tantum nepos unus, aut plures, aut horum liberi, capiunt; quantum ipsorum parens in disione accepisset.

Deficientibus descendentibus jure novo (secus veteri. *l. 7. unde lib. l. fin. C. com. de succ.*) adscendentium (Quorum nomine non modo pater &

& mater, sed avus, avia, alique superiores usque ad tritavum intelliguntur,) successioni locus fit.

In qua, servatâ gradus prærogativâ, proximus parens excludit remotiorem, nec repræsentationi locus est. *Auth. defuncto. verb. salva gradus. C. ad SC. Tertyll.*

Si in eodem sunt gradu, & soli existant, ex æquo hæreditatem in stirpes, non in capita, dividunt. *d. Nov. 118. c. 2. d. Auth. defuncto.*

Existentibus fratribus, vel eorum liberis, fratres aut sorores germani, (non ab uno latere tantum conjuncti. *d. Auth. defuncto. Dubitant tamen Doctores de à latere defuncti, seu mortuario conjunctis. Grass. §. successio. ab intest. q. 24. n. 5.*) unâ cum proximis adscendentibus succedunt, sed fratres in capita, fratrum vel sororum liberi in stirpes; *d. Auth. defuncto. & Nov. 118. c. 3. nepotibus ulterioribus exclusis. Auth. post fratres. C. de leg. hæred. & ibi Gl. Grass. §. successio ab intest. q. 23. n. 4.*

Deficientibus descendantibus & adscendentibus, succedunt collaterales, hoc est, defuncto à latere conjuncti.

Et fratri vel sorori defuncto, succedunt primò fratres & sorores utrinque conjuncti; in bonis tam paternis, quam maternis, aliisque; si soli sunt, in capita; si fratrum & sororum filii concurrant, in stirpes. *d. Nov. 118. c. 3.*

Qui; si soli sunt succedunt jure civili, non in stirpes, sed in capita. Quia & olim sic succedebant. *l. 1. §. fin. ff. si pars hered. per. l. 2. §. 2. ff. hic. l. pen. & ult. §. 3. vers. illo. C. de legit. hered. Nec est specialiter mutatum. Novel. 118. c. 3. Quin imò Justinianus, d. c. 3. vers. sed & istis. & §. ult. tum domum in parentum suorum locum succedere eos voluit, cum cum patris concurrunt. *Zaf. 1. sing. 7. Don. 9. com. 4. Hott. illust. qu. 14. Bart. Balduin. & alii ad §. hoc etiam. Inst. de legit. agnat. success. Diff. Grass. d. §. 4. 5. num. 4.**

Post utrinque conjunctos vocantur conjuncti ab uno latere, eorumque liberi: *Auth. post fratres. 1. C.*
S
de

410 *Digest. Lib. XXXIX. Tit. I.*
de lib. hered. Ita ut in bonis paternis consanguinei soli, in maternis soli uterini succedant ratione unde ea profecta habitâ. *Dd. per l. 13. §. fin. ibi: exceptis maternis rebus. C. de legit. hered. in aliunde quæsitis ex æquo. lult. §. sed nec fratrem. d. l. 13. C. cod. Novel. 118. cap. 3. Nov. 84. c. 1. §. 1. & ibi Gl. in verb. meliora.*

Fatribus omnibus deficientibus, & eorum liberis, reliqui cognati ulterioris gradus, ex solâ gradus prærogativa vocantur in capita: *Dd. in d. Auth. post. fratres. 2. Nov. 118. c. 3. §. 1. etiam in infinitum si de cognatione constat. d. Nov. 118. c. 3. §. 5. vero. verb. omnes deinceps à latere. Donel. 9. comm. 4.*

Ad S.C. Tertyllianum & Orphytianum.

T I T. XVII.

L Ex quidem XII. Tabularum nullum jus ultro citroque capiendæ hæreditatis matri & liberis dedit; quia nulla agnatione sibi invicem junguntur.

Sed postea Senatusconsulto Tertylliano (quod D. Hadriani temporibus factum. §. postea. *Inst. de S.C. Tertyl.*) cautum est, ut mater ingenua trium liberorum jus habens, libertina quatuor, ad liberorum intestatorum bona admitteretur. *d. §. postea.*

E contrario ex Senatusconsulto Orphytiano (quod D. Marci temporibus factum. *pr. Inst. de S.C. Orphyt.*) filii & filiæ matri succedunt: & ex constitutionibus Principum nepotes & neptes succedunt avix. §. 1. *Inst. cod.* etiam vulgò quæsit. §. *vulgo quæsitos. Inst. de succ. cogn.*

Sed hodie inter matrem & liberos & hos etiam naturales & vulgò quæsitos est jus hereditatem capiendi: *ex Novel. 118. c. 1. & 2.* ideoque his Senatusconsultis opus non est.

D I G E S T O R U M

L I B E R XXXIX.

De operis novi nunciatione.

T I T. I.

Materiæ successionum subjungit Jurisconsultus interdicta, quæ ad sarcienda damna coërcendasque injurias illatas, pertinent.

Idque vel ex publica causa; cum supra bonum & æquum publicani illicita vectigalia extorquent: vel ex privata; cum vel injuria facta, damnumve datum est, vel timetur fieri per novum opus.

Novum opus, hiç, est quod solo conjunctum ejus ædificatio vel demolitio videtur opus novum continere: Ceterum si quis messem faciat, arbo-rem succidat, vineam putet, quanquam opus facit, tamen ad hoc Edictum non petinet. *l. 1. §. hoc autem. 12. hic.*

Prætor, respectu operis faciendi, jus nunciandi introduxit: respectu facti; Interdictum quod vi aut clam. *l. 1. §. 1. ff. hic.*

Nunciare significat hic prohibere. *Gl. in l. 17. eod.*

Novum opus facit, qui pristinam operis faciem mutat. *l. 1. §. 11. l. 21. §. 3. eod.*

Nunciatio ergo est legitima prohibitio facta ædificanti; ut ab opere novo, nobis nocituro desistat, donec de jure ædificantis constet, aut præstita sit eo nomine satisfactio.

Verfatur circa structuras, & res soli; non mobiles: *d. l. 1. §. 12.* res prophanas, non religiosas: & opera futura, non facta. *d. l. 1. §. 1.*

Rectè nunciat, in causa publica, omnis ejus loci civis, *l. 3. §. ult. eod.* inquilinus, vel colonus etiam nomine locatoris; arg. *l. 1. C. si per vim.* In privata, is demum qui est domipus, etiam emphyteuta, su-

perficiarius, creditor pignoratitius, etiam qui modò habet servitutem; *l. 3. §. pen. l. 9. eod. l. un. De remiss. urbanam scilicet; l. 15. in fin. de serv. prad. urb. non qui rusticam. l. 14. hic.*

Ei re&e nunciatur qui pristinam operis faciem, etiam reficiendo, *Duar. hic. cap. 2. mutat, l. 1. §. 11. l. 21. §. 3. eod.* Et quidem vicino proximo, vel inferiori. *l. 8. eod.*

Satis tamen est in re præsenti cuicunque fieri qui domino renuntiare possit. *l. 5. §. 1. & 2. l. 10. eod.*

Quodsi opificibus, domino ignorante nuntietur, & illi, spretâ nuntiatione, ædificare pergant, dominus, etiam infans vel furiosus, novum opus impensis artífieum, qui ædificando culpam commiserunt, *Gomez. in leg. Tauri. 46. num. 29. destruere cogitur. arg. l. 5. §. 3. 4. l. 1. §. 5. l. 10. l. 11. eod.*

Fit nuntiatio, vel nudis verbis; quæ usurpatur cum in suo quidem, sed contra jus servitutis vicinus ædificat, *l. 1. §. 2. l. 5. §. 10. hic.* non cum in nostro ædificatur, nisi possessionem amittere velimus: *l. 1. §. 3. l. 5. §. 10. hic.* vel lapilli jactu; *l. 1. §. 6. quod vi aut clam. d. l. 5. §. 10.* vel per Prætorem, ejus officio implorato, *d. l. 1. §. 2. 6. & seqq.* & tum possessionem nuntians non amittit. *dd. u.*

Potest Nuntiatio aut nostro, aut alieno nomine fieri, & omnibus diebus: & adversus absentes etiam atque invitos procedit. *d. l. 1. §. 2. & §§. seqq.*

Eâ factâ, ædificator cessare ab opere debet, & cum nuntiante committere se prætoris jurisdictioni, ut jus ædificationis examinetur: *d. l. 1. §. 9.* si secus faxit, antequam missa facta sit nuntiatio, aut in ea causa existat ut mitti debeat, puta, oblatâ satisfactione, demoliri jussu magistratus compelletur, nullâ facta cognitione jus ædificandi habuerit ædificans, nec ne. *l. 20. §. 1. hic.* Nec refert eum super jure ædificandi litem fuisse contestatum. Quia litis contestatio, eorum qui litem sunt contestati, conditionem non solet reddere deteriore; *l. 87. ff. de R. I. nec quominus spoliatus aut injuria affectus,*
ante

ante omnia restituatur, impedire. *Fachin. 8. contr. 45.*

Dat Prætor & hoc titulo alterum Interdictum, quo vetat in ædificando impediri eum qui satisfacere paratus est de opere demoliendo, si contra jus ædificatum constiterit. *d.l. 20. §. 9.*

*De Damno infecto, & de suggrundis,
& projectionibus.*

T I T. I I.

D Amnum infectum, est damnum nondum factum, sed quod futurum veremur. *l. 2. hic.*

Suggrunda sive suggrundia, sunt eminentes tecti partes, ad tuendas ab injuria imbrium ædes.

Projectiones, sunt projecta, quibus tectum & parietes defenduntur. *vid. l. 242. §. inter. de V. S.*

Qui damnum ab ædibus vicini ruinosis sibi meruit, petere ab eo potest, ut sibi eo nomine caveat: nam, (modo se non calumniæ causa id petere juret,) Prætor vicinum, si dominus sit, repromittere: si alieno nomine interveniat, satisfacere: si dubitetur an sit dominus, sub exceptione satisfacere jubet: eoque ita ut oportet non cavente, adversarium ejus in possessionem ex primo decreto mittit, in contumaciam perseverante, etiam possidere secundo decreto jubet. *l. 7. hic.*

Quodsi judex decretum neget, in eum actio in factum (quæ perpetua est. *l. 17. §. 3. hic.*) ad id, quod revera interest postulantis, cautionem vel decretum, *l. 4. §. 7. hic.* competit.

Quâ actione persequimur, ut nobis tantum præstetur, quantum damni dedit res vitiosa, cujus nomine neque cautio, neque possessio ex primo, vel secundo decreto petita, admittebatur. *l. 15. §. fin. l. 18. §. fin. hic.*

Cessat actio damni infecti; quotiescunque aliâ actione damnum datum sarciri potest: *l. 32. l. 37. hic.* si quis in suo quid, jure suo facit: *l. 24. §. ult. l. 26. hic.*

414 *Digest. Lib. XXXIX. Tit. IV.*
si vitium sit naturale, aut vi ventorum contingens.
d. l. 24. §. 2. §. 3. 4. 5. §. 9. §. 10. l. 43. hic.

De aqua & aqua pluvia arcenda.

T I T. III.

SI cui aqua pluvia damnum dabit, aquæ pluviae arcendæ actione avertetur aqua.

Quæ locum habet, cum quis manu fecit, quo aliter fluere aqua quam natura solebat. *l. 1. in pr. & §. 1. hic.*

Natur domino prædii cui ex opere damnum timetur: *d. l. 1. §. 11. l. 6. §. 4. hic.* etiam utilis, utile dominium habentibus. *l. 23. §. 1. l. 22. l. 3. eod.*

Adversus dominum ejus loci in quo opus factum est. *l. 4. §. pen. l. 5. eod.*

In hoc ut opus in pristinum statum restituat, suis impensis, si illud fecit, aut facere curavit: impensis actoris, si nulla sit in culpa: *l. 11. §. 2. §. fin. l. 12. eod.* una cum damno & interesse quod eâ occasione post litem contestatam accidit. *l. 11. §. 3. l. 14. §. 2. hic. & Cujac. in par. eod.*

De publicanis, & vectigalibus, & commissis.

T I T. IV.

PUBLICANI sunt vectigalium & reddituum publicorum redemptores. *l. 1. §. 1. hic.*

Vectigal hic est, id quod fisco, ex rebus quæ veniunt, penditur.

Penditur propter usum viæ publicæ, *l. 21. de don. int. vir. & ux.* quoniam Princeps planam & tutam comitantibus eam præstare debet. *l. 13. de off. præf.*

Præstari solet octava pars: *l. 7. C. de vectigal.* olim quinquagesima tantum, aut etiam centesima. *Cujac. lib. 6. obs. c. 28.*

Quæ si ab aliquo non solvatur, res non professæ
(non

non aliæ, ne pœnâ culpam excedat; *l. ult. §. 2 ff. hic.*)
 incident in commissum, & fisco vindicantur; quæ
 vocatur pœna commissi: *l. ult. §. quoties. §. 5.*
l. 14. hic.

Si quis non dolo, sed per errorem incidit in com-
 missum, duplum vectigal præstando liberatur. *d. l.*
ult. §. 10.

Sed, quoniam publicani vectigal quandoque su-
 pra bonum & æquum extorquere solent, Prætor
 contra eos Interdictum dedit.

Quo id quod illicite, id est, vel ultra antiquam
 consuetudinem, vel ab eo qui vectigal non debet,
l. 4. C. vect. nov. inst. non poss. l. 4. §. ult. hic. extor-
 ferunt, in duplum, *l. 1. in pr. l. 9. §. 5. hic.* (in
 quo res ipsa inest. *l. 5. §. 1. eod.*) aut, si post an-
 num agatur, in simplum, *d. l. 1. l. 13. eod.* restituere
 coguntur.

Quodsi per vim plus debito exegerint, puniun-
 tur in quadruplum. *d. l. 9. §. 6.*

Idem est in eo qui sine potestate magistratus ex-
 igit. *Menoch, 2. arb. qu. cas. 443. n. 3.*

Datur hæredibus, & in hæredes quatenus locu-
 plerati sunt. *d. l. 13. in fin. l. 4. pr. eod.*

Publicani & extra ordinem, ad vigorem publicæ
 disciplinæ, hoc nomine plectuntur. *d. l. 9. §. 5.*

De donationibus.

T I T. V.

S Equuntur jus prætorium donationes, quia eas;
 postquam perfectæ sunt, Prætor, veluti justum
 acquirendi modum, *pr. Inst. hic.* tuetur.

Est donatio liberalitas, quæ nullo jure cogente,
 ex sola animi benignitate, alteri fit & conceditur:
l. 29. hic. l. 82. de R. I.

Quæ animi benignitas non præsumitur; nisi aut
 ipsa, aut certa scientia, probetur: *l. cuius. de R. I. l.*
error. C. ad l. Falcid. cæteroquin error potius, &
 ignorantia, *l. verius. de probat.* eoque fatuâ ac nul-
 la potius causa præsumitur, quam donatio. *Baldi*

l. 3. §. 1. generaliter. C. de non num. pec. Ias. l. 3. de pact.

Fieri debet donatio verbis presentibus, vel æquipollentibus; *Ang. & Fab. post Gl. in §. alia. Inst. hic. Bald. in l. si quis argentum. §. fin. C. eod. alioqui non esset donatio, sed pactum futuræ donationis. Salic. in l. 2. n. 4. & 5. C. de cond. ob caus. per l. in bonafidei. de eo quod cert. loc. Fab. in d. §. alia. n. 1. per l. steriles. §. fin. de act. empt.*

Est donatio, aut simplex, aut ob causam, aut sub modo, aut conditionalis.

Donatio simplex, quam supra definivimus, est propriè donatio.

Donatio ob causam, & sub modo, est cum datur, vel ut aliquid fiat, vel ut non fiat, vel cum certo modo certaue lege donatur. *l. 1. §. 1. hic. t. t. C. de donat. qua sub. mod.*

Conditionalis est, vel cum quis ita dat ut tunc demum accipientis rem fieri velit, cum aliquid secutum erit: vel ut statim quidem accipientis fiat, si tamen aliquid aut factum fuerit, aut non fuerit, velit eam ad se reverti: qualis est donatio causa mortis.

Donare omnibus, *l. 5. ff. hic. nisi iis donari prohibeatur, arg. l. 43. §. 1. de proc. possunt omnes qui & contrahere; nec senectus aut morbus donationi obstat: l. 16. C. hic. non tamen pater filio in potestate constituto; l. 11. C. hic. nisi ob benemerita, aut aliam justam causam: Ias. post alios. in l. si donat. C. de collat. Bald. in l. cum oportet. §. fin. C. de bon. qua lib. nec maritus conjugii, aut contra. t. t. de donat. int. vir. & uxor.*

Factæ tamen ab his donationes, solâ morte, quasi racitâ ultimæ voluntatis significatione, *vid. Ias. in l. fin. C. de pact. confirmantur. l. 25. C. de don. int. vir. & ux. l. 2. C. de inoff. don.*

Mulier res paraphernales jure civili & alienare & donare potest: *l. 6. C. de revoc. don. l. 8. C. de pact. conv. non dotales. l. 21. C. hic.*

Reus capitalis criminis ante sententiam, non post, donare potest. *l. 15. hic.*

Donari.

Donari possunt res omnes, quæ in commercium cadunt: *l. 9. l. 35. ff. hic.* etiã omnia bona, præsentia & futura, *l. 35. §. sed & si. C. hic. l. 8. C. de revoc. don. l. 5. C. de inoff. don. l. 42. ff. de mort. caus. don. l. 17. §. 1. ff. qua in fraud. cred. Hott. disp. de donat. c. 8. Ant. Fab. 48. err. pragm. 6. Vasq. 6. contr. 62. Vid. l. ult. sup. quam res pign. oblig.* Licet enim pactiõibus non possit; *l. 15. l. ult. C. de pact.* potest tamen donando auferri libera testandi facultas. *Diff. Bart. & Dd. in l. fin. C. de pact. & l. stipulatio. 38. de V. O.*

Donatio olim non perficiebatur, nisi interpositâ stipulatione, aut præcedente traditione. *l. 2. l. 12. l. 17. l. 19. l. 20. l. 21. l. 22. l. 24. l. 33. l. 6. hic. l. 35. §. fin. eod.*

Hodie solo consensu, id est, simul ac donator animum donandi declaraverit, & donatarii acceptatio accesserit, etiã scriptura deficiente, perficitur. *§. 2. Inst. l. 2. §. 3. ff. eod. l. 29. C. eod.*

Fieri potest, inter absentes, per procuratorem, epistolam, *l. 4. l. 10. ff. l. 6. l. 29. C. eod. sine testibus, l. 31. C. eod. dummodò alia ratione, l. 13. l. 20. l. 29. C. eod. probari possit.*

Si tamen donatio quingentos aureos excedat, insinuatio, sive judicialis, sive extrajudicialis, apud judicem competentem, requiritur, ut in acta publica ad pleniorẽ fidem redigatur. *l. pen. §. 3. C. eod.*

Sine qua insinuatione, ultra istam summam donatio non valet, *l. 34. pr. C. eod.* nisi aut à Principe sit facta, aut in eum collata; *d. l. 34.* aut in milites à magistro militum; *l. 36. §. 1. C. eod.* aut pro redimendis captivis; *d. l. 36. §. pr.* aut pro refectione ædium, *d. l. 36. §. 2.*

Donationes omnis generis pacta recipiunt, quæ quidem per se valida sint: si jure invalida sint, iis rejectis, pura subsistit donatio. *l. 25. l. 34. C. hic.*

Habent hodie donationes in se traditionis necessitatem: *§. 3. Inst. hoc. tit. l. fin. C. de revoc. don. ex iis que datur conditio ex lege, & (si stipulatio intercessit) actio ex stipulatu: l. 35. §. fin. C. hic.* interdum

& rei vindicatio, instrumentis scilicet rei donatæ traditis. *l. 1. C. eod.*

Donator de evictione non tenetur, nisi quatenus dolo malo fecit: ne videlicet liberalitas ei sua sit damnosa. *l. 18. §. fin. hic.*

Semel elargitæ, non revocantur amissione instrumentorum, *l. 2. C. de revoc. don.* alienatione quam donans postea fecit, *l. 3. C. eod. tit.* allegatione doli, *l. 4. C. d. t. rescripto Principis. l. 5. C. eod.*

Revocantur, si conditio, modus, aliæve pacta adjecta non servantur. *l. 1. l. 3. & t. t. C. de don. quæ sub. mod. l. fin. C. de revoc. don.*

Retractantur propter ingratitudinem ex causis jure expressis: *l. 1. l. pen. l. fin. Auth. quod mater. C. de revoc. don.* & si factæ in libertum propter supervenientiam liberorum; ex tacita puta donationis conditione, nisi liberi superveniant. *l. 8. C. de revoc. don. vide Hott. 12. obs. 11. Don. Gyph. ad d. l. 8. Connan. 5. com. 10. Alias non. Diss. Dd. com. Vid. Method. nostr. C. enarr. h. t.*

De mortis causa donationibus & captionibus.

T I T. VI

Mortis causa donatio, est liberalitas quæ consideratione mortis instantis vel futuræ fit, cum donans mavult se habere, quam eum cui donat, magisque eum quam hæredem suum. *l. 1. hic: §. 2. in pr. Inst. eod.*

Ejus tres sunt species. 1. Quæ non metu imminentis mortis, sed extra periculum, solâ mortis cogitatione fit; non statim, sed post mortem modò effectum habitura:

2. Quæ eadem sit conditione à constituto in periculo mortis.

3. Quæ ita sit metu mortis & periculi, ut res donata statim quidem fiat accipientis, sed post evitatum periculum repetenda. *§. 2. Inst. l. 2. hic.*

Quæ donatio sub conditione pendet: superiores statim.

statim quidem perfectæ sunt sed sub conditione resolvuntur. *l. 35. §. 4. l. 13. §. 1. hic.*

Mortis causa donare potest, cui testamenti factio est, licet id non faciat : *l. 25. hic.* & filius familias, sed consentiente patre. *d. l. 25.* Siquidem donet, profectitia; *l. 29. ff. hic.* sin adventitia, & eo ignorante. *Bachov. in not. ad Wesenbec. hic. num. 4.* Quia donatio & ab intestato fieri potest. *Görh. ad d. l. 25. in marg.*

Donari potest mortis causâ, omnibus qui legata accipere possunt, ut quibus in plerisque hæc donatio comparatur. *§. 1. Inst. l. 9. l. 35. ff. hic.*

Qui an capaces sint, mortis, non donationis, tempus inspicitur. *l. 22. ff. eod.*

Donari possunt mortis causa, eodem quæ purè & simpliciter donari possunt; (cum quod inter vivos licet, id multo magis liceat in ultima voluntate. *tit. Inst. de leg. Fus. Can. toll.*) etiam omnia bona præsentia & futura : non tamen hæreditas tanquam hæreditas, id est, titulo hæreditario : *Barr. Bald. Cast. Ang. Ias. in l. licet. C. de pact. Quia pactis hæreditas non datur. l. hæreditas. C. de pact. conav.*

Ideoque talis donatarius non fit hæres, sed legatarii loco est; *l. 75. de leg. 2.* eoque hæres scriptus, vel ab intestato legitimus, deducit quartam, *l. 2. §. fin. de jur. codicill. Falcidiam. l. in donationibus. C. ad l. Falc. l. 2. C. hic.*

Ut mortis causa donatio valeat, requiritur. 1. Expressa propriæ mortis, vel periculi mentio, alioqui simplex præsumitur donatio. *l. 31. l. 38. l. 42. §. 1. ubi Gl. & Barr. hic.* 2. Præsentia donantis, donarii ob acceptionem & hic requisitam. *l. 38. eod. l. 2. C. eod.* 3. Et quinque testium : ut in omni ultima voluntate. *l. fin. C. eod.* non insinuatio, etsi summam quingentorum aureorum excedat. *d. l. fin.* Etsi enim habet rationem contractus, cum inesse producit, tamen effectû & quando in esse producta est, habet rationem ultimæ voluntatis : *per l. fin. C. hic. ubi Gloss. in qua de quantacunque summa citra insinuationis solemnitatem disponi potest.*

Sic facta donatio morte infecutâ, rata manet. non infecutâ, resolvitur. *Gl. in l. 4. §. 1. verb. spon-*
disset. de dol. mal. exc. l. 19. l. 35. §. 2. hic.

Quod & tum fit, cum mutata voluntate restitui sibi donator res donatas voluerit: *d. l. 35. §. mortis. in fin. l. 30. l. 13. §. 1. ubi Bart. hic. & si prius donatarius quam donator decesserit: l. 23. l. fin. hic.*

Resolutâ ad hunc modum donatione, condictio personalis, vel Utilis in rem actio, prout erit commodum, ad res repetendas datur. *l. 30. l. 35. §. 2. l. 29. hic.*

Differt ab illa donatione mortis causa capio.

Quæ est adquisitio, quæ propter mortem alterius obveniens, alio nomine non appellatur. *Cujac. in par. hi.* ut si quid alicui conditionis implendæ causâ datum sit, aut si alienæ mortis causa donatum sit. *l. 8. l. 11. l. 18. in pr. l. 31. in pr. l. 38. hic.*

D I G E S T O R V M L I B E R XL.

De manumissionibus.

T I T. II.

S Equuntur manumissiones & jura libertatum: quia & ea jurisdictione & viva magistratus voceregebantur. *t. t. de off. cons. & off. prat.*

Manumissio, est datio libertatis. *l. 4. de just. & jur. dicta quasi ex manu, id est, ex potestate, missio.*

Fit ex Sacris constitutionibus in SS. Ecclesiis, *l. 1. 2. C. de his qui in Eccl. man. vindicta, t. t. seqq.* inter amicos, *l. un. §. sed & C. de lat. lib. toll.* per epistolam, *d. l. un.* per testamentum, aut aliam quamlibet ultimam voluntatem. *t. t. C. & ff. de test. man.*

De manumissis vindicta.

T I T. II.

M Anumissio vindicta olim erat præcipua, quoniam sic manumissi jus civitatis acquirabant.

Vindicta est virga, qua magistratus aut Prætor caput manumissi tangit, dicens: Aio hunc præsentem hominem esse liberum & civem Romanum. *Goth. ad Vlp. tit. I. §. 7.*

De manumissionibus qua servis ad universitatem pertinentibus imponuntur.

T I T. III.

N Ec modò privati sic rectè manumittunt, sed etiam universitates omnes, & collegia, quibus coëundi jus est, quæque propria habere possunt. *l. I. hic.*

De manumissis testamento.

T I T. IV.

D Abatur libertas in testamento vel directò, ita ut manumissus fieret libertus orcinus, id est, testatoris defuncti: nec hæres jus patronatus consequeretur. *§. fin. Inst. de sing. reb. per fideicom. rel.*

De fideicommissariis libertatibus.

T I T. V.

V El per fideicommissum, ita ut tum manumissus fieret libertus hæredis aut legatarii, qui in auctoramentum manumissionis pro patronatus consequeretur. *d. §. fin. t. t. hic.*

De ademptione libertatis.

T I T. VI.

UT datur, ita & testamento libertas adimi potest.

Idque vel expressâ voluntate, vel tacitâ; ut; si servum, cui libertas relicta est, testator postea vinxit. *l. 46. de fideic. lib. l. 51. §. 1. de man. test.*

Data testamento non solum à testatore, sed etiam interdum à lege adimitur. *l. un. hic.*

De statuliberis.

T I T. VII.

Qui statutam in diem vel conditionem libertatem habent, statuliberi appellantur. *l. 1. in pr. hic.*

Fiunt vel conditione expressâ, vel vi ipsa, ut cum creditoris fraudandi causâ manumittuntur; nam, dum incertum est, an creditor jure suo utatur, interim statuliberi sunt. *dd. l. 1. §. 1.*

Qui sine manumissione ad libertatem perveniunt.

T I T. VIII.

Ipsò jure libertatem consequuntur, quibus dies vel conditio manumissionis præstituta; si vel dies elapsus sit, vel conditio extiterit, *l. 3. de statulib. l. 1. & t. s. hic.* vel per hæredem stat, quominus impleatur. *dd. ll.*

*Qui & à quibus manumissi liberi non fiant,
& ad legem Æliam Sentiam.*

T I T. I X.

INterdum manumissi libertatem non consequuntur ; ut cum in fraudem creditorum manumissi sunt , quia lex Ælia Sentia impedit libertatem. *pr. Inst. qui & ex quib. caus. man. non poss. l. 7. 8. 10. 11. hic.*

In fraudem creditorum manumittere videtur, qui vel jam tempore quo manumittit, solvendo non est; vel qui datis libertatibus, defuturus est solvendo esse. §. *in fraudem. Inst. eod.*

Sunt & alii qui manumissi liberi non fiunt. *de quibus vid. l. 2. 3. 4. 9. & t. hunc tit.*

De jure aureorum annulorum.

T I T. X.

Consequuntur manumissi omnes libertatem ; sed præter illam , & ingenuitatem , salvo jure patronatus , consequuntur illi qui jus aureorum annulorum à Principe impetrarunt. *l. pen. & ult. hic.*

Quod beneficium Justinianus, *Nov. 78. c. 1.* ut & Jus Quiritium, *tot. tit. C. de lat. lib. toll.* indistinctè omnibus libertis concessit.

De natalibus restituendis.

T I T. X I.

Plenâ ingenuitate, etiam extincto jure patronatus, fruuntur illi, quos Princeps natalibus restituit. *l. 2. 3. hic.*

Quod etiam beneficium novissimè omnibus libertis Justinianus indistinctè concessit ; *Nov. 78.* manumisso præsertim jus suum remittente ;
Cujac.

Cujac. lib. 4. obs. c. 3. d. Nov. 78. ut potius ingenuis, quam libertinis Respublica repleretur. l. 3. C. de bon. quæ lib.

De liberali causa.

T I T. XII.

Judicia quibus causæ status, id est, an quis sit liber, an servus, disputantur, vocantur liberalia, quod iis de libertate agatur: & actiones quibus agitur, præjudiciales. §. 14. *Inst. de act.*

Quibus ad libertatem proclamare non licet.

T I T. XIII.

DE liberali causa agere non possunt, quibus ad libertatem proclamare non licet: ut sunt major viginti quinque annis, qui ad pretium participandum venundari se passus est: *l. 1. 3. & seqq. hic. servus*, quem quis per vim domino eripuit, & in testamento manumisit. *l. 2. hic.*

Si ingenuus esse dicetur.

T I T. XIV.

AD ingenuitatem repetendam agere potest liber-
tus, si intra quinquennium à tempore manu-
missionis, docere velit ingenuum se esse natum.
l. 2. 3. 4. 5. 6. hic. De jure novo, etiam post. l. fin. C. ubi caus. stat. agi oportet.

Ne de statu defunctorum post quinquennium quaratur.

T I T. XV.

DE statu defuncti post quinquennium querere non licet; *l. 1. in pr. & §. 1. l. 2. l. fin. hic.* si quidem conditionem defuncti deteriore facturus sit qui retractet: licet, si meliorem. *d. l. 1. §. fin. l. 3. eod.*

De collusione detegenda.

T I T. XVI.

SI constiterit servum colludente domino vel patrono ingenuum fuisse judicatum, ex Senatusconsulto temporibus Domitiani facto, servus aut libertus ejus efficitur qui collusionem detexit. *l. 1. l. pen. & t. r. hic.*

D I G E S T O R U M

L I B E R. XLI.

De acquirendo rerum dominio.

T I T. I.

TRanseamus à judiciis, quibus res nostra, ad ea quibus possessio petitur: explicatis tamen prius dominiis rerum; quia ex iis possessiones omnem vim mutantur.

Dominium, est jus, quo res nostra est, ita ut de ea pro libitu disponere possimus; *l. 21. C. mand. nisi jure, vel testamento, vel conventionem prohibeamur. l. ult. C. de reb. alien. non alien. Pac. in Isag. hic.*

Ejus

Ejus partes sunt proprietas & possessio rei: quæ concreta dominium constituunt, separata nihil inter se habent commune. *l. 11. §. 1. de acq. poss.*

Dominium (docendi gratia) distinguitur in plenum; quod est, quando habemus rei proprietatem & possessionem cum emolumentis: & non plenum, quando proprietas à possessione & emolumentis est separata: *Wes. hic. n. 3.*

Hoc vulgò dividitur in Directum: quod is habere dicitur, penes quem est proprietas, sine fructu & emolumentis: ut dominus feudi & emphyteuseos: & Utile; quod habere dicitur is, qui rem cum emolumentis & functionibus aliunde habet quam jure proprietatis, ut vassallus, emphyteuta. *vid. Bart. in l. si quis. 17. §. differentia. n. 5. & 6. de acq. poss. per l. possessores. C. de fund. patr. lib. 11. l. 1. de acq. plur. arc. c. 1. de invest. de re alien. fact. & c. 2. F. 8.*

Est & aliud dominium civile; aliud naturale, nam rerum dotalium mulier naturale, maritus civile dominium habet. *l. pen. C. de jur. dot.*

Dominia rerum quæ sunt in commercio acquiruntur aut jure gentium, aut jure civili: *l. 1. hic.* non etiam jure naturali, quod omnibus animalibus commune est: quia dominiorum distinctio jure gentium introducta est. *l. 6. de I. & I.*

Ex quo jure modi acquirendi sunt 1. Occupatio. 2. Traditio. 3. Accessio.

Occupatio vel est captivitas; quæ est occupatio facta jure belli: *l. 5. hic. §. 17. Inst. eod.* vel Occupatio in specie.

Captivitas, jure belli justæ, *l. 7. hic.* nostra facit, vel ipsos hostes, (qui sunt quibus populus Romanus bellum indixit: *l. 116. de V. S.*) vel res ipsorum mobiles aut moventes: non immobiles seu soli; id est, agri, arces, &c. quæ sunt publicæ: *d. §. 17. d. l. 5. §. fin. d. l. 7. l. 20. §. 1. de capt. & poss. rev.*

Occupatio in specie, est rerum quæ nullius sunt, alicujus tamen esse possunt: quæ ratione naturali occupanti conceduntur. *l. 3. hic.*

Res nullius sunt, vel natura, vel facto, vel tempore. *Placent. in summ. ad tit. Inst. de rer. divis.*

Naturâ nullius dicuntur res, quæ vel animatæ sunt, vel inanimatæ, illarum occupatio, potest dici Venatio, harum Inventio.

Venatio est animalium natura ferarum: qualia sunt, non præcisè quæ ferocem habent naturam; sed quæ talem habent, quâ liberè vagantur, nec certâ sede se continent. *Pater in Enchir. Inst. hic.*

Talia quæ prorsus fera, indistinctè; quæ cicurata sunt, tum demum fiunt occupantis, si in libertatem se receperint naturalem, & redeundi consuetudinem abjecerint. §. 15. *Inst. l. 3. §. 5. hic.*

Animalia mansueta naturâ vel arte, quocunque se receperint primi domini, manent: §. 12. §. 16. *Inst. cod. nisi pro derelictis habeantur, vel aliâs à domino in alium transferantur.*

Est Venatio aut bestiarum, quæ in specie Venatio: aut piscium; quæ Piscatio: aut avium, & Aucupium dicitur.

Quilibet venari & aucupari liberum est, non in suo tantum, sed & alieno fundo: domino tamen licitum est id prohibere. *d. l. 3. §. 1.*

Contra prohibitionem ingressus nihilominus suum facit quod ex venatione est consecutus; sed domino actione injuriarum tenetur. *d. l. 3. §. plane. l. 13. §. fin. de injur. l. 16. de serv. rust. prad.*

Piscari licet in aqua sua, vel publica; non aliena. *d. l. 13. §. ult.* Sunt enim pisces tum res privatæ, ut & ipsa aqua, cujus pars esse intelliguntur. *l. 15. ubi Gl. ad verb. pisces, de act. empt. l. fructus, de rei vind. Gnid. Pap. decis. 91.*

Dicta venationum jura, hodie Principes ademerunt subditis, & sibi reservarunt. *c. 1. §. si quis rusticus, vers. nemo retia, ubi Alvar. de pac. ten. in usib. Feud. 2. F. 27. Wesf. hic. n. 6.*

Quia, ut jura, sic & loca publica, (ut sunt saltus & nemora in quibus feræ libere vagantur:) Principes ad se transfulerunt. *l. 3. ne quid in loc publ. l. 9. ad l. Rhod. de jact. l. 2. ubi Bald. C. de quad. prescript. Wesf. d. l. pc.*

Qui

Qui hoc jus venandi, privatis in suis prædiis, ne jus privatum bono titulo illis acquisitum auferant, interdicere nequeunt. *l. 2. ubi Dd. C. de prec. Imp. off. & in l. 2. l. ult. C. si cont. jus vel util. publ. l. 2. §. 16. ne quid in loc. publ. Dd. in l. digna. C. de legib.*

Cui tamen interdictioni privati si acquiescant, Principes jus venandi etiam in privatis prædiis præscribent. *c. un. in verb. redditus piscationum. quæ sint reg. in usib. feud. 2. F. 26. c. super. §. præterea. de V. S. Wesf. hic. n. 6.*

Inventio est occupatio aliarum rerum quam animatarum; quæ nullius sunt non solum naturâ, ut venatio, sed etiam facto, ut loquuntur Doctores, aut tempore.

Res enim quæ nullius sunt: aut de quibus non constat, aut constare potest, cujus sint: item quæ in mari aut littoribus inveniuntur; §. 18. *Inst. hic.* item res pro derelictis habitæ, (quæ facto nullius esse dicuntur) cedunt inventori. §. 27. *Inst. eod. l. 5. pro derelict.*

Casu deperditæ domino sunt restituendæ, si sciri potest cujus sint; §. 45. *Inst. eod.* Quem in finem inventor proponet vel proclamari faciet se invenisse: quod si tum nemo reperiat pro derelictis haberi censentur, & fiunt inventoris. *l. 43. §. 4. & §§. seqq. de furt.*

In thesauro invento (qui est pecunia ante omnem memoriam, ut dominum non habeat, recondita, (unde tempore nullius esse dicitur. *l. 31. §. 1. hic.*) sic distingue.

Si quis in suo loco, sive fortuito, sive datâ operâ eum inveniat, fit inventor: Si in loco qui nullius est, similiter: Si in loco alieno, sive publico, sive privato, fisco vel loci domino & inventori ex parte cedit dimidia. §. 39. *Inst. eod. d. l. 31. §. 1. l. 63. per tot. hic. l. un. C. de thesaur. lib. 10. l. 3. §. 10. ubi Gl. de jure fisco.*

Diximus de apprehensione rerum nullius, quæ per solam fit occupationem. Res quæ alicujus sunt, quia non nisi volente & tradente domino nostræ sunt,

fiunt, de Traditione, quæ secundus modus est acquirendi dominii, nunc agendum.

Traditio, est rei suæ quoad dominium in alium translatio, ab eo qui jus transferendi habet, cum animo dominium transferendi, facta. §. 40. *Inst. l. 20. hic.*

Qui jus dominium transferendi non habet, per talem traditionem, bonâ fide accipienti, usucâpiendi tantum conditionem confert. *d. l. 20.*

Acquirat traditione dominium tantum is qui acquirere potest.

Procurator,, non sibi, sed domino acquirat à quo ad accipiendum est constitutus. *l. 13. hic.*

Si non sit qui accipiat, nihil traditum intelligitur.

Sufficit aliquando nuda voluntas domini ad rem transferendam: ut si commodata res, postea vendatur: §. 44. *Inst. hic.* sed traditio intervenisse fingitur.

Unde traditio vel vera est, quæ fit de manu in manum; estque sic rerum corporalium: vel ficta seu quasi; quæ etiam est rerum incorporalium: quæ non per se, sed cum rebus quibus inhærent, traditæ existimantur. *l. 43. §. 1. 2. hic.*

Hinc patientia, cum in rebus nostris quid fieri permittimus, pro traditione est. *l. 11. §. 1. de publ. in rem act. l. fin. de serv. l. 6. §. 1. si serv. vind.*

Traditio omnis præsupponit causam, æque justam, quæ titulus dicitur: *l. 31. hic.* & est conventio, qua non acquiritur dominium, sed ei quærendo occasio præbetur, & obligatio acquiritur tradendi, secutâ traditione verò dominium. *Vult. in Iurisp. Rom. lib. 1. cap. 70.*

Tertius acquirendi dominii modus ex jure gentium est Accessio: quâ res idèd fit alicujus, quia rei quæ ipsius est, accedit; accessorio rem principalem sequente.

Est vel naturalis, quando rei nostræ aliquid sola naturæ operatione accedit, vel industrialis, quando id fit hominum factò & industria; vel mixta, quando natura & industria fit. *Vult. eod.*

Natu-

Naturalis species sunt. 1. *Fœtus*, seu procreatio animalium nostrorum; sive rationalium, ut ancillarum partus; sive irrationalium, ut cæterorum.

Quæ ex animalibus dominio nostro subiectis (etiam ab alienis imprægnatis, l. 5. §. 2. de R. V. l. 7. C. eod.) nascuntur, nostra fiunt. §. 19. Inst. l. 2. l. 6. hic.

Quia partus, tanquam ventris pars, ejus dominium sequitur. l. 5. §. 2. hic. l. 7. C. de rei vind.

2. *Circumluvio*, id est, quando in flumine & publico quidem, nascitur non mobilis, sed solo cohærens insula; *Pater in Enchir. Inst. hic.* sive flumen locum alvei siccum relinquat & circumfluat, sive paulatim colluendo locum eminentem supra alveum faciat. l. 30. §. 1. l. 7. §. 3. hic. & §. 22. eod.

Quæ insula vicinis ripæ prædiis, (non limitatis, l. 1. §. 6. 7. de flum.) pro modo & latitudine cujusque prædii cedit, idque modò vicinis utrique ripæ, ut si insula in medio flumine sit: modò uni, cui proximior est. d. §. 22. d. l. 30. §. 3. l. 29. hic.

3. *Alluvio*, quando appulsu fluminis paulatim & latenter fundo nostro aliquid accedit.

De quo, quod per alluvionem agro tuo, non limitato, l. 16. ff. hic. flumen adjecit, jure gentium tibi acquiritur. §. 20. Inst. l. 7. §. 1. eod.

At si vis fluminis partem aliquam, puta quæ per se subsistere nequit; *fac. l. 9. §. 2. ff. de dam. inf. arg. .23. §. 3. & 31. cum seqq. hic.* (alias secus erit: l. 7. §. 3. ff. hic. d. l. 7. §. 3.) ex tuo prædio detraxerit, meoque fundo adjecerit, palam est eam permanere tuam, §. 21. Inst. eod. donec coaluerit, l. 9. §. 2. de damn. infect. arboresve radices egerint. d. §. 21. d. l. 7. §. 2.

4. *Alvei mutatio*: id est, quando flumen, naturali alveo relicto, ita aliò cœpit fluere, ut ex alieno agro alveum verum fecerit. §. 23. Inst. hic. d. l. 7. §. 5.

Alveus relicto pro modo latitudinis acquiritur prædia prope ripam possidentibus. d. §. 23. d. l. 7. §. 5. Quia videtur quasi pars agri proximi.

Flumine ad priorem alveum reverso, novus alveus, nunc relictus, non fit priorum dominorum, sed eorum qui circum eum prædia possident. *d. §. 23. d. l. 7. §. 5. vers. quod si.*

Inundatio fundum domino non aufert: *d. l. 7. §. 6. l. 30. §. ult. hic.* sive ea sit momentanea, sive diuturnior; modò ne speciem fundi in alveum vel stagnum commutet. *§. 24. Inst. d. l. 7. §. 6. l. 30. §. 3. hic. l. 24. quib. mod. ususfam. junct. l. 10. §. 2. eod.*

Industrialis accessionis etiam plures sunt species.

1. *Inedificatio*: quæ sive fit in solo suo, sive in alieno, bona fide facta, ædificii & materiæ dominus, est soli dominus. *§. 29. §. 30. Inst. l. 7. §. 10. hic.* Conveniri tamen in suo ex aliena materia ædificans potest ex lege XII. Tabularum actione de tigno juncto; *t. r. de tigno junct. in duplum. §. 29. Inst. hic.*

Qui in alieno, licet bona fide ædificavit, nullam, ad impensas consequendas, actionem habet, nequidem negotiorum gestorum: *l. 33. de cond. ind. l. 48. de R. V. l. 14. de dol. mal. exc. l. 14. §. 1. com. divid. vid. Bart. in l. 38. de R. V. n. 15. Ant. Fab. decad. 26. error. 9. & 10.* Si puta in possessione non fit constitutus; *l. 33. ff. de cond. ind. l. 14. ff. de except. doli.* Alias & malæ fidei ædificator possidens impensas recipit necessarias; quia eas donasse non videtur. *l. 5. C. de rei vind. §. 31. Inst. hic. argumento à contrario sensu.* non utiles, nisi eas sine soli dispendio tollere possit. *d. l. 5.*

2. *Intextura*: Aliena materia, licet pretiosior, intexta vestimento, ei cedit. *§. 26. Inst. eod. l. 19. §. 13. de aur. vel. arg. leg.*

3. *Implantatio*: Planta enim aliena in solo meo, mea in solo alieno, si radices egerit, cedit solo. *§. 31. Inst. l. 7. §. 13. eod.*

Quod si, qui in alieno fecit, bona fide, impensas, sit in possessione, domino soli vindicante, necessarias deducit, seu reputat, *l. 38. de hered. per. l. 5. C. de R. V. voluptuarias tollit. d. l. 38.*

4. *Satio*. Sata etiam solo cedunt. *§. 32. Inst. l. 9. hic.*

Hinc

Hinc omnes fructus è re mea nati mei sunt; nisi percipiendorum fructuum jus alii in re mea sit constitutum, vel bonâ fide ea ab alio possideatur.
Vult. jurisp. lib. i. cap. 70.

5. *Scriptio.* Literæ qualescunque, chartæ cedunt.
 §. 33. *Inst. eod. d. l. 9. in pr. vers. litera.*

6. *Pictura.* In qua Justiniano placuit, tabulam picturæ cedere. §. 34. *Inst. hic.* Quoniam in ea manus artisque pretium spectatur, ut dici possit manus pretium hic ipsi rei seu tabulæ prævalere. *sec. l. 13. §. 1. ff. de Verb. sign.*

7. *Specificatio:* quæ est quando ex materia sive diversa, sive eadem, mea & aliena, vel tantum aliena, nova quædam species, sive corpus, constituitur.

Circa quam jus est. Ut si res facta possit reduci ad materiam pristinam, materiæ dominus sit dominus speciei factæ, (exempli gratia, si ex alieno argento factum sit vas) jure accessionis. *l. 61. de R. V.* Sin non possit reduci, is sit dominus qui materiæ formam bonâ fide induxit, idque jure quodammodo occupationis, & (exempli gratia, si quis ex alienis uvis vinum exprimat. §. 25. *Inst. eod. l. 7. §. cum quis. 7. eod.*) quia forma, quæ dat esse rei, *l. 9. §. 3. ad exhib.* præstantior est materia.

Habet tamen dominus materiæ, actionem in factum, accommodatam legi Aquiliæ, *secundum l. 11. de præscr. verb.* qua materiæ pretium repetat. *l. 23. §. 5. vers. ideoque. de R. V.*

Si sciat alienam materiam esse, ob dolum, *l. 6. si quis caut. l. 2. de eo per quem fact. er.* amittit & operas & speciem. *l. 12. §. si quis. ad exhib.*

Specificationis tot sunt species, quot modis ex materia aliena, vel sola, vel una cum nostra, species nova fieri potest: præcipuæ sunt *Confusio & Commixtio.*

Illa est, si materiæ liquidæ in unam massam sint redactæ, quæ mixtæ vel mutant formam pristinam: (ut si ex vino & melle fiat mulsum:) vel, formam quidem retinent, sed separatio earum est difficilis; ut si meum vinum & tuum confusum sit.

Hæc

Hæc est, si materiæ solidæ sint in unum acervum collectæ, quæ manent quidem eædem, sed conjunctæ novum quasi corpus constituere videntur. Ut si frumentum meum & tuum miscantur. *l. 3. §. fin. l. 23. §. 5. de rei vind. d. §. 25. §. 27. §. 28. Inst. hic.*

Confusione factâ ex duorum voluntate id quod ex illa factum, commune est: si fortuitò, similiter: siquidem materiæ non possunt deduci: (alias quisque suum vindicabit: *l. 5. §. 1. De rei vind.*) si ignorante uno, qui confudit ipse solus est dominus. *d. §. 27. §. 28.* Nisi, ut diximus, materiæ possint deduci. *d. l. 5. §. 1.*

Commixtione factâ res non sunt communes, sed quisque dominorum portionem suam vindicabit; puta cum separari possunt; *d. l. 5. §. 1.* Ut vel superflua sua portio, vel, si id fieri non potest, ejus æstimationo, judicis arbitrio, præstetur. *§. 29. Inst. eod. l. 5. §. 1. de rei vind.*

Mixta ex natura & industria accessio, est quæ sit natura divina & humana cooperante. *Arto ad §. 32. Inst. de rer. div. n. 46.* ut fructuum perceptio.

Fructus quotuplices sint vide supr. *tit. de usur.*

Possessor bonæ fidei, siue titulo oneroso, ut emptionis, siue lucrativo, ut donationis, fundum possideat, omnes fructus, ob culturam & curam percipit, & re nondum evictâ à domino superveniente perceptos retinet; eâ evictâ, consumptos retinet tantum; extantes restituit. *§. 35. Inst. l. 48. in princ. ff. hic. l. 45. de usur. l. 22. C. de rei vind.*

Malæ fidei possessor nullos fructus facit suos, sed omnes cujuscunque generis, perceptos, percipiendos, extantes, consumptos, naturales, industriales, siue locupletior factus sit, siue non, restituere cogitur aut æstimationem dare; siue titulum habeat, siue non habeat. *vid. §. 2. vers. et si hereditas. Inst. de off. jud. l. 33. l. 62. §. 1. De rei vind. l. 25. §. 3. §. 4. l. 40. §. 1. l. 52. de hered. petit. l. 1. C. eod. l. 2. C. de fruct. & lit. exp. l. 48. hic. l. 25. §. 1. l. 28. l. 45. de usur.*

Jure civili dominium acquiritur, aut per uni-

versitatem ; ut hæreditate , bonorum possessione , arrogatione : aut titulis singularibus ; ut usufructu , donatione , legatis. §. ult. *Inst. per quas personæ.*

Isdem modis dominium amittitur , quibus acquiritur. *l. 1. pro derelict.*

Acquiritur plerumque animo & corpore, *l. 3. §. 7. de acq. poss.* interdum solo animo , *l. 1. §. pen. eod.* ut in aditione hæreditatis , aliquando absque animo & corpore , ut per servos invitis nobis. *l. 32. hic.*

Probatur instrumento ; *l. 4. C. de prob. Angel. in l. 9. C. de rei vend. l. 19. C. eod.* puta investituræ feudii, *Spec. de probat. §. 1. n. 32.* emphyteuseos, *Bald. in l. 2 in fin. C. de fideic. & in l. 1. in 1. oppos. C. de jur. emphyt.* aut alterius tituli, *d. l. 4. l. cum res. C. de probat.* ex quo traditio facta sit: *d. l. cum res.* testibus, *Gl. in d. l. 4. ad verb. legitimis. Angel. in d. l. 9.* item per præscriptionem ; *Auth. nisi. ubi Bald. C. de bon. mat.* maximè tanti temporis unde præscriptio resultet ; *Bart. in l. pen. de cond. inst. n. 4. & 5.* per famam antiquam & publicam : *Gl. in l. 4. C. de prob. Bart. in d. l. pen.* aliaque indicia & argumenta varia. *l. 9. C. de rei vend. ubi Bald. d. l. 4. c. 13. c. 9. de probat.*

Dominus habet liberam re suâ utendi fruendi facultatem, quatenus jura permittunt. *l. 21. C. mand. l. 2. de his qui sunt sui vel al. jur.* Modò plenus sit dominus, cæteroquin & qui nudam habet proprietatem verus est dominus.

Amisâ possessione , datur ei rei vindicatio , adversus quoslibet possessores , ad res recuperandas. *l. 13. de rei vend.*

Non possunt esse plures ejusdem rei domini in solidum: *l. 5. §. ult. commod.* eodem scilicet domini genere: Diverso possunt. *vid. l. pen. C. de jure dot. ut & juris intellectu, non corporis divisione, l. 66. §. si d. si pars. 2. de legat. 2.* id est, ut habeant partes, non pro diviso, sed pro indiviso.

De acquirenda vel amittenda possessione.

T I T. II.

I Am de Possessione videamus.

Possessio (dicta, à sedibus, quasi sedis positio, *l. 1. hic.*) proprie accipitur, *l. 12. §. nihil. hic.* pro jure, quo res absque domini jure detinetur.

Est, detentio rei corporalis, (incorporalia enim proprie non possidentur, *l. 43. §. 1. de acq. rer. dom. l. 3. in pr. hic.*) cum affectione seu animo possidendi. *Theoph. Inst. de interd. & §. item. Inst. per quas pers.*

Ejus tantum unum genus est, *l. 3. §. 21. hic.* quod corpore scilicet & animo quæritur, animo autem solo retinetur.

Itaque partim facti est, quatenus in facto possessionis corporalis consistit: partim juris, quatenus est in animo. *l. 49. hic.*

Possessionis jura ex facto oriuntur, nec quisquam ante possidet animo, quam facto corporali rem occupavit.

Possessionum nullæ sunt species; diversæ tamen causæ. *l. 3. §. genera. 21. hic.*

Quæ sunt res à possessionibus separatæ.

Possumus tamen possessiones sic distinguere ut alia sit justa, alia injusta, sive alia bonæ fidei, alia malæ fidei; *l. 3. §. pen. hic.* seu alia naturalis, alia civilis. *l. 1. §. de jicitur. de vi & vi arm. junct. l. 1. §. si vir. hic.*

Civilis possessio in jure; naturalis in facto detentionis vertitur. *l. 29. hic. l. 10. C. eod.*

Utraque in vera & justa possessione concurrir; quæ ideo partim in jure, partim in facto consistere dicitur. *d. l. 29.*

Dicitur & alio sensu possessio naturalis; scilicet quæ non animo domini habetur, sed alio jure proprio: puta ususfructus, pignoris, &c. possessio verò civilis, quæ animo domini tenetur. *l. 12. hic. l. 2. pro hered. vid. Cujac. in l. servi. 16. de usuc. & lib. 4. obs. c. 3.*

Possessionem efficit iusta apprehensio & detentio rei; quæ non est extra commercium, eo animo facta, ut possidere velis. *l. 8. l. 3. §. 1. hic. l. 253. de R. I.*

Res quæ sunt extra commercium possideri contra leges nequeunt, sed duntaxat detineri. *l. 30. §. 1. hic. l. longa. ubi Gl. de moy. inf.*

Aliud est detinere, aliud possidere: fieri enim potest ut alius teneat, alius possideat: ut puta colonus tenet, dominus per colonum possidet. *l. 9. l. 18. in pr. l. 25. §. 1. hic.*

In acquirenda possessione requiritur & animus possidendi; *l. 25. §. fin. l. 30. §. pen. eod. & corporalis apprehensio: l. 41. l. 3. in pr. & §. 6. hic.* non sufficit solus animus. *d. l. 3. §. 1. l. 8. eod. Duar. ad d. l. 3.*

In acquirenda fundi possessione, non opus omnes glebas circumambulare, sed sufficit quamlibet ejus partem, animo totum fundum possidendi, introire. *d. l. 3. §. 1.*

In possessione retinenda solus animus sufficit. *d. l. 3. §. saltus. & §. 6. d. l. 25. §. fin. l. 6. §. 1. hic.*

Ut & in amittenda; *d. l. 3. §. 6.* quatenus juris est. Quatenus in facto vertitur, necessarium est contrarium factum intervenire. *l. 8. hic. d. l. 253. de R. I.*

Possidemus vel pro suo, sive nostro, *l. 1. §. 20. hic. l. 1. inf. pro suo.* ex variis titulis ad transferendum dominium idoneis, *l. 13. §. fin. de usucap.* quæ civilis & iusta ac propria est possessio: *l. 2. pro hered.* vel pro alieno, quomodo creditor, colonus, emphyteuta, usufructuarius naturaliter possident: *d. l. 12. hic. l. 12. l. 13. §. fin. de usucap. d. l. 1. §. 20.* vel pro possessore, ut prædo & alius quilibet malæ fidei possessor. *l. nec ullam. de petit. hered. l. ult. C. Vnde vi.*

Bonæ fidei possessor fructus lucratur, *l. 22. C. de rei vind. & est quasi dominus, l. 48. de acq. rer. dom. l. 136. de R. I.* proque domino habetur tamdiu, quoad liquidò contrarium non demonstratur: *l. fin. C. de rei vind.* quare & probationis onere in

re in judiciis levatur. l. 2. C. de probat. §. 5. Inst. de interd.

Probatur possessio ex perceptione fructuum, l. Tertia. ubi Bart. de solut. l. litibus. C. de agr. & cens. lib. 11. l. Celsus. ubi Bart. n. 20. de usucap. pensionum, Bart. in l. quamvis. §. si conductor. in l. qui universas. §. quod per colonum. n. 1. & 2. hic. Bald. in l. fin. C. fin. regund. & in l. 1. in fin. C. de serv. fugit. censuum & collectarum solutione, Bart. Bald. in l. si pater. 8. C. de act. empt. Bart. in d. l. Celsus. n. 23. satione & plantatione, Bald. & Dd. post Gl. in l. 3. C. fin. regund. Bart. in l. 2. C. hic. signaturâ rei velut traditæ, l. quod si neque. de petic. rei vend. Bart. in l. que dotu. solut. matr. item præsumptivè ex titulo, Gl. & Dd. in l. quadam. in fin. de rei vend. Bart. in l. 2. hic. & d. l. Celsus. n. 6. & investitura, Bald. in l. emptione. C. plus valere. contra investientem, non contra tertium; Lanfr. in c. quoniam. verb. testium. n. 96. de prob. testibus qui deponunt se vidisse possideri, l. 38. §. hæc quoque. ubi Gl. & Dd. de V. O. Bald. in l. fin. opp. 16. C. de Edict. D. Adr. toll. non simpliciter instrumentis, l. 48. ubi Bart. hic. licet super traditione factis. Spec. de prob. §. 1. n. 32. Bart. & Dd. in d. l. 48. Nam his intelligitur tantummodo facta apprehendendi potestas. Dd. in d. l. 41. Lanfr. præall. loc. &c.

Amittitur possessio variis modis. l. 30. §. 1. hic. ut, se cui possessio rei soli per vim auferatur, mobilis per furtum fraudemque subtrahatur: l. 5. de usucap. aut per inundationem occupetur res, l. 3. §. Labeo. hic. vel fiat sacra, religiosa, l. 30. eod. vel in aliam, non qualitatem, l. 16. ff. de fund. dat. sed speciem, mutetur, d. l. 30. §. 1. vel si Prætor eam auferat, vel in eam alium mittat, d. l. 30. §. 1. item si quis alieno nonne se possidere constituat. l. 23. l. quamvis. §. 1. l. quod meo. l. interdum. hic. &c.

De usurpationibus & usucapionibus.

TIT. III.

PER possessionem interdum confestim dominium acquiritur, si dominus sit qui tradidit: interdum, si à non domino res tradita est, usucapio procedit. §. pen. *Inst. per quas pers. nob. acq.*

• Usucapio, est adjectio domini per continuationem possessionis temporis lege definiti. *l. 3. hic.*

Domini, non utilis modò, sed & directi: *l. un. C. de usuc. transfer. l. 20. C. de pact. l. 1. C. de præscr. long. temp.*

Quod lex possessori adjicit: quia propter bonum publicum, ne rerum dominia sint in incerto, *in pr. Inst. hic. l. 1. hic.* & sic perpetuè de possessionibus excitentur lites, *not. in l. 21. si cert. per.* præsumit, dominum tanto tempore tacentem, rerumque suarum negligentem, in alienationem consentire. *l. 28. de V. S.*

Possessio tamen, debet esse continuata; nam, interrupta possessione, interrumpitur Usucapio: *l. 5. l. 3. l. 31. §. 1. l. 20. hic. l. 10. C. de acq. rei poss. quæ interruptio dicitur Usurpatio. l. 2. hic. de qua infra.*

Usucapere possunt omnes qui possidere. *Duar. hic. c. 4.* quia sine possessione usucapio non procedit. *l. 25. hic.*

Tantum enim modò præscribitur quantum possidetur. *c. cum olim. & ibi Dd. Ext. hic. l. 1. §. si quis. ubi Gl. Bart. de itin. act. priv.*

Usucapi possunt omnes res quæ possideri, paucis exceptis: *vid. Vlp. tit. 19. & §. 1. Inst. hic.* ut sunt res propriæ, *l. 4. §. 19. eod.* pupillares, *d. l. 4. l. 48. de acq. rer. dom.* furtivæ & vi possessæ, *§. 21. Inst. l. 4. §. 6. hic.* si vitium non purgatum; *§. 8. Inst. hic.* & quæ ex iis rebus nascuntur. *l. 4. §. 6. l. 44. §. 2. eod.*

Quæ possideri nequeunt, non rectè usucapiuntur: ut res sacræ, sanctæ, religiosæ, divinæ, *l. 9. hic.* fiscales, *l. 55. eod.* publicæ, *d. l. 9. l. 45. hic.* res meræ facul-

facultatis, *l. viam. de via publ. ref. ubi Bart. & in l. 7. C. de præsc. 30. an. Balb. in l. 2. de præscr. in 4. part. 5. part. pr. n. 1. 2. & per tot. & similes commercii & usibus humanis exemptæ.*

Res incorporalis, ut servitus, jurisdictio; et si non potest possideri, instar tamen immobilium longo tempore præscribi potest. *l. 2. C. de serv. l. 10. si serv. vind. vid. l. 4. §. 27. ubi Cujac. hic.*

Tempus ad possessionem lege definitum quia diversum, idè pro ea diversitate, diversæ & sunt usucapionum species.

Nam quædam est triennalis, in rebus videlicet mobilibus; *d. pr. Inst. hic.* quædam est quadriennii, ut cum à fisco res emuntur; *§. fin. Inst. hic. l. 1. & t. r. C. de quadr. præscr.* quædam decem annorum, videlicet in rebus immobilibus inter præsentès; quædam viginti inter absentes; *t. r. C. de long. temp. præsc. §. 1. Inst. hic.* quædam triginta annorum, cum quis sine titulo longissimâ possessione rem adipiscitur; *l. 8. & t. r. C. de præscr. 30. ann.* quædam quadraginta, *l. fin. C. d. r. ut in rebus Ecclesiæ præscribendis; Auth. quas actiones. C. de SS. Eccl.* quædam centum annorum, aut tanti temporis, ut de ejus initio non extet memoria, ut in rebus civitatum; *l. fin. C. de SS. Eccles. & Principis: l. 6. C. de præscr. 30. ann.* item in servitutibus (ut volunt Doctores) quæ causam non habent continuam. *l. 3. §. ductus. de aq. quot. & ast. l. diuturna. §. fin. C. de aqua duct. lib. 1 r. Dd. in l. 28. de serv. urb. præd.*

Actionibus omnibus spacio triginta annorum præscribitur, ita ut exceptione elidantur, *l. 3. l. 4. l. 8. C. de præscr. 30. ann.* nonnullis tamen quadraginta annis: *d. l. 4. l. 7. l. fin. C. eod.* quibusdam uno anno, sicuti actioni injuriarum: *l. 5. C. de injur.* aliis biennio, ut actioni doli: *l. fin. C. de dol. mal.* aut quinquennio, ut inofficiosi querelæ, *l. 34. C. de inoff. test. l. 3. §. fin. ubi Gl. ff. eod.* accusationi adulterii, *l. 6. C. de adult. l. 29. §. 6. 7. ff. eod.* item controversiis status defuncti: *t. r. C. de stat. def.* plerisque criminalibus, vicennio. *l. 12. C. de fals.*

Ad usucapionem autem perficiendam requiruntur tria.

T 4

I. Pos-

1. Possessio continuata per tempus lege definitum: *l. 25. hic. l. un. C. de usuc. transf. & quidem ejusmodi; quam scit possessor se suo nomine, sive per se, sive alium possidere.*

Alieno si possideat, non usucapit. *l. 2. C. de præs. 30. an. l. 7. §. 1. com. div.*

Nec ignorantes, nisi in peculiaribus rebus, usucapimus. *l. 47. hic. l. 8. hic. l. 2. pr. §. 11. l. 7. §. fin. pro empt.*

2. Bona fides: id est, ut credat possessor, cum à quo rem consecutus, fuisse dominum, & habuisse jus alienandi: *l. 109. de V. S. aut saltem credat se usucapere posse. l. 32. §. 1. hic.*

Quæ præsumitur, nisi probetur mala, *l. pen. C. de præscr. long. temp. l. 21. de probat. puta ex denuncia- tione, l. 17. C. de rei vind. l. 20. §. peritam. de pet. hered. aut ex interdicto legis, quæ veter ejusmodi rem quæ possidetur alienari. l. 7. C. de agr. & censit. lib. 11. c. qui contra. 82. de reg. jur. in 6. l. fin. C. de reb. al. non al. l. 28. de V. S.*

Requiritur bona fides in usucapiente tempore traditionis, nisi ex contractu emptionis acceperit: tunc enim & contractus, & traditionis tempore bona fides exigitur. *l. pen. hic. l. 2. pro empt. l. 7. §. ult. ff. de publ. in rem alt.*

Jure Canonico (cui hac in re standum. *Gayl. 2. obs. 18. num. 7. Myns. 4. obs. 6.*) per totum usucapio- nis tempus necessaria est. *c. ult. de præscr. c. si possessor. de reg. jur. in 6.*

Requiritur etiam in eo à quo usucapiens accepit, si aut rem mobilem alienavit, quæ res furtiva facta sit, §. 3. cum seqq. *Inst. hic.* aut rem immobilem alie- navit ignorante domino. *Nov. 119. c. 7.*

3. Justus titulus: ad usucapiendum idoneus, qui etiam causa vocatur. *in pr. Inst. hic. l. 27. hic. l. 24. C. de rei vend.*

Nec sufficit, si quis falso putet se habere titulum; quoniam error falsæ causæ ad usucapionem non prodest: *d. l. 27. §. error. Inst. eod. l. 1. pro donat. l. 6. pro derel. nisi sit justa erroris causa, l. 3. l. 4. §. ult. pro suo. l. 67. de jur. dot. utpote quo casu usucapitur pro suo. l. 11. pro empt.*

Tem-

Temporis continuatio, quam diximus requiri, non à momento in momentum, seu ab hora in horam computatur, sed ita ut postremus dies totus pro momento computetur. *l. 6. 7. hic. l. pen. de div. temp. præscr.*

Nec præcisè talis continuatio requiritur, ut semper & continuò rei ejusdem possessio maneat penes unum, sed sufficit si possessio ab uno ad alterum legitimè continuetur. §. 7. *Inst. hic.*

Sic continuatur tempus testatoris in hæreditatem & hæredem, *l. 22. l. 31. §. pen. l. 44. §. 3. hic.* hæredis in legatarium, venditoris in emptorem, donatoris in donatarium. §. *inter. Inst. eod. l. 14. §. 1. l. 20. hic.*

Effectus Usucapionis, 1. est Dominii adjectio, *l. 20. C. de pact.* seu acquisitio talis, ut exceptione dominii non modò adversus agentes usucapiens muniatur; sed etiam ipsam rem ab antiquo domino vindicare possit. *l. 8. in pr. C. de præscr. 30. ann. Guid. Pap. decis. 416. n. 15. Soc. in c. olim. n. 19. de lit. cont.* 2. Præsupponit justum titulum. *c. de quarta; de præscript. c. 1. eqd. in 6. 3. Tollit quantvis obligationem. Bart. in l. fin. §. 1. rem. rat. hab. Wes. hic. n. 14.*

Restat ut dicamus de Usurpatione; quæ est usucapionis interruptio. *l. 2. hic.* Quà tempus continuandæ possessionis interrumpitur. *l. 10. C. de acq. poss.*

Utpotè quâ inchoatâ usucapio ad nihilum reducitur, & priorè nihil commodante, de novo inchoanda est. *vid. Inn. Pann. Felin. in c. ex transmissa. de præscript.*

Est vel naturalis, vel civilis. *Bart. in l. 5. n. 5. hic. Gl. in l. 7. §. pen. verb. innovata. C. de præscr. 30. an.*

Naturalis interruptio est; quâ naturali aliquo facto, puta vi fluminis, vel maris, vel hominis ipsius, hoc est, cum res mobilis auferitur, vel immobilis occupatur, alicui possessio interrumpitur; *l. 5. ubi Bart. hic.* vel res ab eo qui eam nomine nostro possidet alienatur. *l. 33. §. 4. eod.*

Civilis est; quæ, de jure novo, fit per citationem, vel aliam extrajudicialem denuntiationem testatè factam; l. 2. C. de ann. except. magis quidem per litis contestationem. l. 10. C. de acq. poss. Wes. hic. n. 15. ubi vid.

Actionum præscriptio solâ libelli oblatione, aut citatione interruptitur. sec. Bart. in d. l. 5. hic. per l. mariti. 29. §. 7. de adult.

Interruptionem, quia facti est, non sufficit allegare, sed est probanda. l. asseveratio. C. de non num. pec.

Probari eam volunt Doctores & per testes singulares. Felin. in c. illud. n. 12. de præscr. Balb. in tract. præscr. 3. part. 6. & ult. part. 9. 3. n. 54.

Pro soluto.

T I T. I V.

Hic titulus in exemplari Florent. cum superiori est connexus; sed incipit ante l. 46. sup. tit.

Titulus, (quem idoneum requiri ad usucapionem superiori titulo diximus;) est vel generalis, qui pro suo dicitur; vel specialis, ut solutio, emptio, successio, donatio, &c. de quibus sing. tit. seq.

Pro soluto usucapit, qui rem ex solutionis causa recipit: sive tanquam res debita, sive aliud pro alio solvatur: l. 46. de usuc. qui ex falsa causa rem per errorem accipit, id est, ex causa legati, vel alia simili, si tam tradens, quam accipiens, rem putet esse debitam. l. pen. cod.

Pro emptore.

T I T. V.

Pro emptore usucapit qui rem possidet, l. 2. §. 6. ff. hic. quam reverâ, à non domino, l. 74. de contr. empt. purè emit: l. 2. in pr. & §. 2. hic. aut quasi emit, puta litis æstimationem solvit: l. 1.

l. 1. & l. 3. eod. Est enim litis æstimatio similis emptioni. *d. l. 3.*

Error hic non sufficit. *d. l. 2.* Nisi sit iustissimus; ut si justa de causa putet eum emisisse cui successit, aut cui rem emendam mandavit, si forte procurator se emisisse ei persuaserit. *l. 11. hic. l. ult. §. 1. pro suo.*

Non procedit usucapio; licet res ipsi quasi ex causa venditionis tradita sit, si putet per errorem se ipsum emisisse: quia hujus usucapionis (non etiam aliarum. *l. ult. de usuc.*) proprium est, ut bonam fidem tam contractus, quam traditionis tempore requirat: non autem potest esse bona fides tempore contractus, nisi revera contractus intercesserit. *d. l. pen. & l. 2. in pr. hic.*

Requiritur bona fides tam in emptore quam venditore, si de re mobili agatur, alioqui enim res erit furtiva; *l. 1. C. hic.* si de immobili, cujus furtum non fit, tantum emptoris. *l. 5. C. eod.*

Pro hærede & pro possessore.

T I T. VI.

PRO hærede usucapit, qui vel verè hæres est, vel probabili facti, non juris errore, *l. ult. C. hic.* credit se pro hærede possidere. *l. 31. de usucap. Azo. Host. ad hunc tit.*

Non pro hærede usucapit suus hæres: quia cum possideat vivente etiam adhuc patre, *l. 11. de lib. & posth.* non potest sibi causam possessionis mutare, *l. 3. §. 1. hic. l. 1. pro donat.* & res quodammodo proprias usucapere: *d. l. 2. §. fin. l. 2. C. eod. Wesemb. hic. Donell. 5. com. 14. Duar. hic. Diss. Perez. hic. Forcat. Necyorp. dial. 36. Vaud. lib. 1. qu. 4. Ant. Rubens de inoff. test. cap. 10. Quorum sententiam in Method. nostr. Cod. enarr. probavimus.*

Usucapiuntur pro hærede res defuncti; non viventis, *l. 1. ff. l. 3. C. eod.* singulæ, non ipsa hæreditas, *Accur. Cujac. in l. 1. eod.* cum sit jus incorporale, nulli rei immobili cohærens.

Qui pro possessore bonæ fide possidet, usucapit res prætoriaræ bonorum possessionis perzque atque hæres pro hærede hæreditarias. *Wes. hic. Diff. Pac. in Isag. hic. qui vult hic possessionem pro possessore esse mala fidei. ex l. 31. §. 1. de usuc. & sic eum qui pro possessore possidet, non usucapere.*

Pro donato.

T I T. VII.

PRO donato rectè usucapit is, cui donationis (& quidem jure valido. *l. 1. §. 1. & 2. l. 34. hic.*) vel, quod perinde est, imaginativæ venditionis causâ, *l. fin. hic.* res tradita est: *l. 1. eod.* puta à non domino: alioquin statim sine usucapione dominus fieret. §. 40. *Inst. de rer. div.* Quandoquidem donatio acquirundi dominii modus est. *pr. Inst. de donat.*

Donatum esse oportet: *d. l. 1.* nisi justus error interveniat. *l. fin. ubi Gl. C. hic.*

Pro derelicto.

T I T. VIII.

PRO derelicto dicitur haberi res, quam dominus ea mente abjicit, ut in numero rerum suarum amplius esse nolit. §. pen. *Inst. de rer. divis.*

Res à domino derelicta, occupantis fit statim. *l. 1. l. 5. §. 1. hic.*

Si à non domino, pro derelicto eam occupans usucapiet. *l. 4. eod.*

Verè pro derelicto habitam esse oportet ut usucapiatur, *l. 6. l. 7. eod.* non sufficit falsa opinio; *d. l. 6.* nisi ex justissimo errore oriatur. *Gl. in d. l. 6.*

Pro legato.

T I T. IX.

SI testator alienas res legarit, pro legato usucapi potest ab eo cui legatum est, dummodò verè legatum.

gatum sit, vel ex iustissimo errore legatum putetur. *l. 1. 2. 3. 4. hic.*

Nec impedit si non jure legatum sit, *l. fin. hic.* aut testator adhuc vivat: modò is cui res legati nomine tradita est, probabiliter existimet esse mortuum, ac valere, *d. l. 4. l. 5. l. 6. eod.* habeatque testamenti factionem. *l. 7. eod.*

Pro dote.

T I T. X.

PRO dote usucapere, spatio solenni quo solet pro emptore usucapi, potest is qui rem alienam in dotem accepit. *l. 1. hic.*

Incipit usucapere à tempore traditionis: antequidem matrimonium pro suo; illo verò subsecuto, pro dote. *d. l. 1. §. 2. eod.*

Res æstimatò in dotem datæ, neque pro suo, neque pro emptore, ante matrimonium contractum usucapiuntur. *l. 2. hic.*

Cum enim sint periculo mariti, non debet hoc in illum derivari antequam contractus sit verè perfectus; arg. *l. 8. de peric. & com. rei vend.* & per consequens nec usucapiendi conditio. *l. 10. de jur. dot.*

Pro suo.

T I T. XI.

PRO suo usucapit, qui putat se rem possidere uxorem suam & propriam, cum tamen sit aliena.

Qui titulus usucapiendi est generalis, *l. 2. hic.* & cum reliquis concurrat. Quisque enim qui bona fide possidet, tanquam suum possidet. *l. 1. l. 3. l. 4. l. fin. eod.*

DIGESTORUM

LIBER XLII.

De rejudicata, & de effectu sententiarum, & de interlocutionibus.

T I T. L.

Discussis possessionibus; antequam ad Interdicta, (quæ sive quis possideat, sive sit in possessione, dantur) veniamus, causas ob quas in possessionem mittimur, & quidem primò eam quæ sit judicati servandi causa, explicemus:

Res judicata, est lis finita sententiâ judicis competentis. *Cujac. in par. hic.*

Sententia hic est, rei controversæ in judicio ritè facta decisio. *l. 19. §. 1. de recept. arb.*

Est vel Interlocutoria, vel Definitiva. *l. 2. l. 11. l. ult. C. de sent. & interloc. l. 39. ff. de minor.*

Interlocutoria est, quæ non super principali negotio, sed super aliqua incidente, vel emergente quæstione, dum principalis causa est in pendentia, à judice fertur. *Gl. in clem. de sequest. poss. & fruct. Marant. par. 6. tit. de sent. & interloc. sup. incomp. jud. n. 12.*

Hæc nec scripturam; quia nullibi hoc cautum: *Bart. in l. 2. C. de sent. & peric. recit. nec causæ cognitionem requirit. l. 13. §. quantum. de his qui not. inf. Bart. in l. 2. n. 5. C. de sent. ex brev. recit. Nisi causa magni sit præjudicii. Gayl. 1. obs 109.*

Ab ea jure Civili non potest appellari: *l. 1. §. 2. de appell. l. 2. de app. recip. nisi tale gravamen contineat, quod per appellationem à definitiva institutionem reparari non possit. Bart. in d. l. 2. & in l. 9. C. de sent. & interl. Veluti si Judex quæstionem haberi jussisset. l. 2. §. de appell. recip.*

Et tum appellatio in scriptis, causis gravami-

DUM.

num expressis, fieri debet. *Spec. tit. de appell. §. qualiter.*

Jure Pontificio ab omni gravamine appellare licet. *c. super eo. 12. de appell. c. Romana. de appell. in 6.*

Interlocutoria, à partibus elapso decendio revocari non potest; à iudice usque dum causam principalem definit potest. *l. 14. ubi Bart. hic.*

Nisi sit executioni mandata; *Zaf. in d. l. 14. n. 19.* sit geminata: *Zaf. ibid. n. 20.* bis ab ea appellatum, & sic tribus sententiis conformibus sit corroborata: *Zaf. ibid. n. 21.* abolitio concessa: *Zaf. ibid. n. 22. l. 1. C. de abol. unà cum definitiva lata: Zaf. ibid. n. 24.* confirmata per Principem: *Zaf. ibid. n. 25.* habeat vim definitivæ: *Zaf. d. loc. n. 28. Illico Vmm. disp. ad proc. jud. direct. 19. th. 5.*

Vim definitivæ habere dicitur, quando quidem principaliter, & integrè non definit causam principalem, attamen indirectè tangitur quæstio & definitur ad definitivam spectans: aut quando per illam expirante officio iudicis, alia post sententia non speratur. *Marant. part. 6. tit. de sent. n. 42. 24. cum seqq. Gajl. 1. obs. 130. Bart. in l. quod iussit. hic. Crav. conf. 181.*

Definitiva sententia est, quæ principali causæ, pronuntiatione iudicis, per condemnationem, vel absolutionem finem imponit. *Gl. ord. in clem. 2. de sequest. poss. & fruct.*

Debet, uno articulo in controversiam deducto, continere vel condemnationem vel absolutionem, *l. 1. 3. 4. hic. l. 3. C. eod. sive verbis expressis, sive æquipolentibus; l. 27. l. 59. eod.* In plurali, an singulari numero, nihil interest. Sive enim Iudex dicat, *Ego &c. condemno, absolvo;* sive ita, *Nos &c. condemnamus,* &c. perinde est. *Lanff. c. 10. num. 9. de appell.* Diversis articulis in controversiam deductis, potest & condemnationem & absolutionem continere. *confer. c. 1. de seq. poss. l. 3. C. de sent. & interl. & l. 1. hic. Cujac. par. C. hic.*

Quæ condemnatio vel absolutio ex ipsa pronuntiatione proveniat necesse est. *l. 1 & ibi Dd. hic.*

Judex qui eam fert, debet esse competens, & causæ

causæ cognitionem habere, *l. ult. de jurisd.* & judicare secundum formam legibus præscriptam; alioqui erit nulla: *l. prolatam. C. de sent. om. jud.* idque vel solus, si solus judex fuerit; sin minus, reliqui cum ipso. *l. 39. hic.*

Forma hæc est, ut de rebus in judicium deductis; *l. 18. com. divid. l. ult. C. de fideic. libert.* & ad jurisdictionem judicis pertinentibus, *Nov. 15. c. 3. §. fin. Nov. 82. c. 5.* lite demum contestatâ, probationibusque receptis, & causa plene cognita, *l. fin. §. pen. quod met. caus. olem. pastoralis. de sent. & re jud.* postquam conclusum in causa, pronuncietur, *c. nullum. c. judicantem. 30. q. 5. t. t. Extr. ut lit. non cont. de scripto; l. 2. 3. C. de sent. ex peric. recit.* ab ipso judice, *d. l. 2.* in loco consueto, *l. 6. C. de sent. om. jud. l. 5. C. quom. & quan. jud. interdiu; Dd. in l. non minorem. 20. C. de transact. per Nov. 82. c. 3.* pro tribunali sedente: *d. Nov. 82. c. 3.* citatis ad hoc litigatoribus. *l. 4. C. quom. & quan. jud. l. 1. §. pen. quæ sent. fin. app. resc. l. 68. de judic.*

Sententia debet esse certa, (Ne alioqui contingat lites non sopiri (quæ finis est sententiæ. *l. 1. ff. de judic.* sed augeri:) vel verbis, vel per relationem pro rei & causæ natura, *t. t. C. de sent. quæ sine cert. quant. l. 5. §. 1. l. 59. §. 1. hic.* licet de incerta quantitate actum fuerit, *§. 32. Inst. de action. ubi Dd.* non conditionalis; *l. 1. §. 5. quand. appell.* Quia sententia sub conditione penitus remota & extrinseca, est injusta & iniqua & ob id ab ea appellari non debet: *l. 1. §. 5. ff. quand. appell. ut & sub conditione falsa; l. 37. in pr. ff. de excus. tut. impossibili. l. ult. ff. quæ sent. sine appell.*

Debet etiam sententia juri, sive scripto, sive consuetudinario, esse consentanea, *l. 32. hic.* alioqui est nulla; *l. 19. de appell.* (Nisi jus sit dubium & controversum: *Zaf. in l. 32. num. 4. de re jud.*) & libello, actis, & probationibus, esse conformis. *d. l. 18. com. divid. d. l. ult. C. de fideic. lib. Bald. in l. 1. n. 2. de quest. d. §. 32. Inst. de action.*

Libello conformis erit, si cum ipso in re, in causa, in actione, conveniat. *Ias. in d. §. 32. per Bald.*

Est:

Est enim sententia super illa ipsa re, quæ in libello petita; *Ang. Ias. in §. curare. num. 27. Inst. de action. & super eadem causa & actione, qua libellus constat, arg. l. 12. cum ll. seqq. l. 27. ff. de except. rei jud. concipienda.*

Sententia est ferenda contra eum qui vel suo; vel alieno nomine litem suscepit; *l. 1. ubi Gl. & Dd. C. de sent. & interl. om. jud. non contra tertium; ut cui res inter alios acta præjudicare non debet. l. 63. de re jud.*

De Jure Canonico, *Gl. & Abb. in c. sciscitata. de in int. rest. & praxi hodierna; Gayl. 1. obs. 111. non nisi in personam Domini sententiæ concipiuntur. Nisi forte injuriarum actum sit. Gayl. d. 106.*

Sententia, scilicet definitiva, non interlocutoria; litem terminat & finit, *l. 1. hic. c. 2. Ext. eod. & transiit post decem dies in rem judicatam, Nov. 23. Nov. 116. Auth. hodie. ubi Gl. C. de appell. nec potest ob instrumenta recenter inventa; aliasve probationes retractari: l. sub specie. 4. C. hic: l. 12. §. 3. de bon. libert. nisi lata sit ex falsis instrumentis; l. 1. & seqq. C. si ex fals. instrum. aut ex præsumptionibus, l. 33. ubi Gl. Bart. C. de adult. aut ex opinione peritorum in aliqua arte, Ias. Alex. in l. arbitrio. qui satisf. cog. aut in causa matrimonii, aliisve casibus exceptis. vid. Gl. in c. lator. de re jud. Marant. cap. de sentent.*

Ex re judicata non modo is qui obtinuit exceptionem habet litis finitæ, si de ea conveniatur, *c. 1. de lit. cont. in 6. t. t. inf. de except. rei jud. sed etiam actionem, (quæ ex lege XII. Tabularum descendit, & civilis est, Cujac. lib. 3. obs. 30.) ut satisfiat sententiæ. l. 6. §. fin. l. 4. in pr. cum §. seq. hic. l. 3. C. de reb. cred.*

Potest etiam officium judicis (scilicet ordinarii penes quem est jurisdictio ac imperium. *l. à Divo Pio. 15. hic. l. 1. 2. 3. de jurisd.*) implorare, ut is sententiam exequatur: ex continenti quidem in judicio reali, si res statim restitui potest; §. 2. *Inst. de off. jud.* post quatuor autem menses à tempore latæ sententiæ in personalibus, ex novissima Justiniani constitutione. *l. fin. §. 1. C. de usur. rei jud.*

Quod

Quod tamen quadrimestre tempus iudex, si iusta causa hoc suadeat, potest vel prorogare vel coarctare. *Gloss. Zas. Donel. in l. 2. ff. hic.*

Facienda executio, (si sententia non impugnatur,) contra convictum & condemnatum, *l. ult. C. de exec. rei jud.* Id est, contra eum qui licet ipse non egerit, per alios in iudicio succubuit: *l. 4. in princ. & ibi Zas. hic.* non tertium; *l. 2. C. quib. res jud. non nocet.* nisi forte rei litigiosæ possessor sit, *Gail. l. obs. 118.* vel fidejussor de iudicato solvendo. *Gl. in l. fin. C. usur. rei jud.*

Et fit in ejus bona, res & æstimationem earundem. *d. l. 15. per tot.*

Ita tamen, ut primo res mobiles; deinde, illis non sufficientibus, immobiles; post res incorporales, nomina, jura & pignora condemnati capiantur. *d. l. 15. §. 2. & per tot.*

In instrumenta rusticorum, *Auth. agricultores. C. quæ res pign. obl. militum arma & stipendia, l. stipendia. de exec. rei jud.* libros Scholarium, *Gl. in l. Nepos. in verb. dignitate. de V. S. fieri executio nequit.*

Quæ exceptione nullitatis notoriæ impediri potest, *l. feriatis. 6. ubi Ias. de fer. non exceptione quæ altiore requirit indaginem. Bart. & Dd. in l. 4. §. condemnatum. hic.*

Nec appellatio adversus executionem locum habet; *text. in l. ab executione. C. quor. app. non recip. nisi executor modum judicationis excedat. d. l. ab executione.*

Suspenditur tamen executio, quando sententia impugnatur à parte succumbente.

Quod fit, exceptione doli, *l. 1. C. hic. nullitatis, appellatione, l. 6. §. 1. de his qui not. inf. l. 1. ad SC. Turp. t. t. ff. & C. de appell. supplicatione, l. un. C. de sent. pras. prat. restitutione in integrum. l. 33. hic. l. un. §. ult. de off. pras. prat. l. 16. §. ult. l. 17. de minor. tot. tit. C. si advers. rem jud.*

De confessis.

T I T. II.

S Equitur de confessis: quia confessus pro judicato est, qui quodammodo sua sententia damnatur. *l. 1. hic.*

Confessio est aut judicialis, quæ fit in jure; *l. 6. hic.* aut extrajudicialis. *l. 40. de pact. Gl. in l. 4. de interr. act.*

Confessio nocet tantum ei qui confessus est; non etiam aliis. *l. ult. C. de accus. c. 1. hic.*

Non omnis confessio nocet confitenti, sed tantum ea quæ facta à domino litis, *d. l. 6. §. 4.* majore viginti quinque annis, *d. l. 6. §. 5.* spontè, *l. 1. §. Divus. & §. siqui ultro. de quest. sine errore, l. 2. hic.* contra se, *l. 11. §. 1. de interr. act. l. 26. §. Titius. depos. in judicio, l. un. C. hic.* coram iudice competente, *l. 24. C. de liber. causa. c. clerici. de judic. Ias. in l. 12. n. 34. de jurisd. præsentè adversa parte; d. l. 6. §. 3.* aut ejus procuratore, aut tutore, *d. l. 6. §. 3.* verbis minimè ambiguis, *l. 11. §. nihil. de interr. act. & expressâ idoneâ confessionis ratione & causâ. Lanfr. in c. quoniam. verb. confessiones. 18. & 15. de probat.*

Quæ & tum demum valet, si nec naturæ, *l. 13. de interr. act.* nec juri, *l. ult. C. pact.* nec ipsius confitentis favori, *Accurs. in l. un. C. hic.* (ut si contra matrimonium, *Spec. de confess. §. 2. num. 5.* votum confiteatur: *Spec. d. loc.*) adversetur; & certum contineat. *l. 4. l. 6. in pr. hic.* Nempe ut inde appareat, quid & quantum litigans confiteatur. *l. 6. in princ. hic.*

Qui tamen rem, quam scit in rerum natura non esse, se debere confitetur, æstimationem deberi confessus videtur. *l. 3. l. 5. hic.*

Confessio facta revocari nequit, nisi ex continenti: *c. præterea. 7. de testib. cogen.* aut nisi quis errore, non juris, *l. 1. C. hic.* sed facti proprii, lapsus sit, quem ante sententiam probet, *l. ult. C. de error. adv.*

adv. l. error. C. de jar. & fact. ign. l. 2. hic. e. fin. Ext. eod.

Confessio repentina, calore, iracundiæ puta, effusa, non obligat, & statim revocari potest. *Panor. in c. cum venerabilis. n. 12. de except.*

Ut & ea quæ ante litem contestatam facta, *l. 26. §. pen. de nox. act. l. 25. cum l. siqq. de rei vind. vid. Lanfr. in d. c. quoniam. n. 32. utpote extrajudicialis; quæ vim probationis plenam non inducit: Gl. pen. in l. 4. de interr. act. nisi sit in scriptis facta. Ias. in l. error. n. 29. C. de jur. & fact. ign.*

Judicialis confessio habet vim sententiæ, *l. 6. §. 2. hic. l. 56. de re jud. aded ut in confessum, si judex de plano sine forma judicii cognoscat, sententia postea non sit ferenda: sed possit præcipere judex, ut intra legitima tempora, quod confessum est, præsterur. d. l. 6. §. ult. hic. l. fin. quod met. caus. Dd. in d. l. 56. Bald. in l. 1. in fin. C. de edend.*

Est, si ordine judiciario procedatur, *l. 3. 4. 5. hic. l. ult. C. de exec. rei jud. ut & in criminalibus, l. 5. de custod. & exhib. reor. propter pœnæ irrogandæ incertitudinem: l. 5. de inst. reor. & quia confessiones reorum pro exploratis facinoribus non debent haberi, si nulla alia probatio cognoscentis religionem instruat; l. 1. §. 17. de question. & quia nonnunquam aut metu, aut tædio vitæ, aut alia de causa rei in se confitentur. d. l. 1. §. ult. Hodie indistincte sententiâ opus; quia receptum, ut confessio non sententiæ; sed probationis vim obtineat. *Alex. conf. 127. visa. n. 2. vol. 4. per l. 25. §. 2. ad l. Aquil. Bart. in d. l. 5. de cust. & exhib. reor.**

Judicialis confessio in criminalibus plenè probat; scilicet cum & aliter de delicto constat: *Cast. & Dd. in l. ult. C. de probat. Clar. lib. 5. sent. §. ult. q. 55. n. 10.*

Quo casu idonea putatur ad conderanationem; *l. 1. hic. l. 25. §. fin. ad l. Aquil. l. 16. C. de pæn. Gl. in l. 5. de cust. reor. & in l. un. C. hic. nisi facta sit metu, Gl. in l. qui in carcerem. de eo quod met. caus. l. 1. §. Divus. de quest. aut spe gratiæ à judice promissæ. Hipp. in l. si quis obrepserit. n. 10. ad l. Corn.*

l. Corn. de fal. & d. l. i. §. questioni. n. 12. Clar. lib. 5. q. 1. §. fin. 5.

Extrajudicialis confessio in criminalibus indicium facit ad torturam contra confitentem. *Bare. & Gl. in l. capite. 25. in pr. ad L. Iul. de adult. Las. in l. 12. n. 3. & 4. de jurisd. non alium. l. 9. ad L. Iul. de adult. l. fin. C. de accus.*

In Civilibus cum sit ex aliqua certa causa, coram adversario & testibus, solet vim pacti obtinere. *l. 40. ubi Dd. de pact. l. 13. C. de non num. pec. Dd. in l. 1. & l. in atate. §. interrogatus. de interr. act. Canon. in c. per tuas. Ext. de probat. Wesf. hic. n. 10.*

Et in articulo mortis facta, præsumptionem pro confitente, ejusque hæredibus, inducit. *l. 1. §. præterea. ubi. Hipp. n. 7. de quest.*

De cessione bonorum.

T I T. III.

Mittuntur Creditores in possessionem, si quis oneratus ære alieno, bonis cedat, id est, bona sua sponte creditoribus dimittat.

Quod beneficium Lex Julia debitoribus indulgit, ut cedendo bonis, vinculorum, servitutis, carcerisque injurias, quibus olim gravabantur, *A. Gell. lib. 20. c. 1. Cujac. lib. 3. obs. c. 39.* subterfugere possint. *l. 1. 4. l. 7. C. hic.*

Competit omnibus debitoribus, tam patribus quam filiis familias, *l. 7. C. eod.* tam sceminiis (de Jure Codicis, non novissimo: *arg. Auth. sed hodie. C. de offic. diff. Ind. Auth. hodie. 6. de custod. reor.*) quam maribus, *d. l. 7.* etiamsi nihil in bonis habeant: modò aliquando habere possunt: *d. l. 7.* etiamsi se debitum soluturos jurarunt. Nam juramentum quidem servandum, sed quatenus possibile est.

Sed non nisi debitum agnoverint, vel sint condemnati, vel in jure confelli. *l. pen. hic.*

Debent bona omnia usque ad quadrantem indicare, & indicata relinquere. *l. 4. ubi. Azo. n. 5. C. eod.*

454 *Digest. Lib. XLII. Tit. IV.*
eod. Gl. in l. fin. hic. per l. fin. §. licentiam. C. de
jur. delib.

Admittitur cessio pro debitis civilibus, non pro
multa debita ex crimine; *Tholos. in Synt. jur. univ.*
lib. 22. c. 10. n. 1. non pro debito facti, *ibid. n. 3.* aut
fiscali, reipublicæ: *ibid. n. 4. per l. nemo. C. de act. tribut.*
non pro oneribus & muneribus personalibus. *l. 4. §.*
inopes. de mun. & honor. l. 5. C. hic.

Fieri potest tam in jure, quam extra jus: & suf-
ficit hodie, non olim, simplex voluntatis profes-
sio; *l. 6. C. eod.* etiam per nuncium, vel epistolam
declarata. *l. fin. hic.*

Sed debitor, ut valeat bonorum cessio, debet
creditoribus suis bona omnia usque ad quadrantem
indicare, indicata relinquere. *l. 4. C. qui bon. ced. poss.*
Hottom. ill. qu. 26. Ex humanitate tamen vestes
quotidianæ relinquendæ. *Salic. Cyn. ad l. 1. C. eod.*
Brun. tract. de bon. cess. qu. 3. princ. num. 9. Ex Ca-
roli V. constitutione præter vestem & lectus cum
suis ornamentis, unaque ex rebus mobilibus mi-
noris pretii. *Peck. de jur. sist. cap. 45. num. 19.*

Cessione factâ, non liberatur debitor, nisi credi-
tores solidum consequantur. *l. 1. C. eod.*

Sed interim non potest ab iis inquietari, *l. 4. §. i.*
hic. nec in carceres conjici. d. l. 1.

Si verò postea ad locupletiorém fortunam per-
veniat, in quantum facere potest, convenitur. *d. l. 4.*
in pr. l. 6. 7. hic. §. fin. Inst. de action.

Cessione factâ, creditores bona debent vendere,
non propriâ auctoritate dividere. *l. 4. C. eod.*

Antequam venditio fiat, qui cessit, bonis suis
non caret; sed potest pœnitere & se defendere, vel
creditoribus satisfacere, & sic eam impedire. *l. 3. 5.*
ff. l. 2. C. hic.

Cessio existimationem non notat. *l. 11. C. ex quib.*
caus. infam.

Moribus tamen, & etiam jure nostro, *Nov. 4.*
c. ult. Nov. 135. infamia saltem facti cedentem
manet.

Quibus

Quibus ex causis in possessionem eatur.

T I T. I V.

C. Ausiæ ob quas in possessionem universarum rerum mitti solet, ferè tres sunt: rei servandæ causâ, legatorum servandorum gratia, & ventris nomine: nam damni infecti tantum in rei, de qua damnum timetur, possessionem fit missio. *l. 1. hic.*

De missione legatorum servandorum gratia diximus *lib. 36. tit. 4.* ventris nomine *lib. 37. tit. 9.* damni infecti *lib. 39. tit. 2.*

Rei servandæ causâ fit missio per magistratum ordinarium, qui jus mittendi, *l. 12. §. pen. de bon. aut. jud. poss.* & merum aut saltem mixtum imperium habet. *l. si bona. C. d. tit. Specul. de secun. decret. §. restat. n. 2.*

In bona debitoris, qui iudicio sistendi causa fideiussorem dedit, si neque potestatem sui faciat, neque defendatur: *l. 2. in pr. l. 5. §. fin. hic.* olim universa, hodie (secundum Dd. communiter.) secundum quantitatem & portiones æris alieni: *Nov. 53. §. si vero.* secundum alios etiam in universa. *Cujac. in d. Nov. 50. c. 4. Pac. Isag. ff. ut in poss. legat. eat. per d. l. 2. l. 7. hic.* Quia id lege nova non est mutatum. *fac. l. 30. C. de appell.*

Fit dupliciter, aut ex primo decreto, de quo hoc titulo; aut ex secundo; de quo titulo sequenti.

Primum decretum, est decretum iudicis, quo ob contumaciam rei, actor in bonorum possessionem custodiæ causa mittitur, ut ea pignoris loco detineat, donec reus compareat vel respondeat. *l. 5. l. 8. C. de bon. aut. jud. poss. l. 13. ne vis fiat ei qui in poss. miss. Petr. de Ferrar. in form. respons. rei. §. in termino. n. 4.*

Locum habet in omnibus causis & actionibus, tam personalibus, *l. 9. & l. fin. C. de bon. aut. jud. poss.* quam realibus. *l. 2. C. ubi in rem act. c. 2. & 3. de eo qui mitt. in poss. Spec. de prim. decret. §. restat. n. 20. cum seqq.*

Fit

Fit in bona contumacis qualiacunque allodialia, emphyteutica, feudalia. *Bald. in l. si finita. §. si de vectigalibus. n. 5. & 6. de damn. inf.*

Eo ordine, qui in executione rei judicatae servari solet. *l. 15. de re jud. Spec. d. §. restat. n. 1. Bald. in d. l. si finita. §. si de vectigalibus. n. 11.*

Ut decernatur, requiritur contumacia debitoris. *l. 15. §. ex hoc. & §. si forte. de dam. infect. d. l. 9. C. de bon. aut. jud. poss. Bart. in d. l. 15. §. Julianus. n. 18.* ut eam accuset creditor, cui pure, non sub conditione, *l. pen. §. 2. hic. nisi ea certò sit exitura. l. 6. eod. God. ad l. 12. num. 2. 3. De V. S. debetur; & ex hoc decreto missionem in rem petitam postulet: l. 4. §. 8. de dam. inf. Bart. in d. §. Julianus. v. 2. 3. denique ut judici de contumacia; & de debito ejus saltem summarie liqueat; utque sententia reum contumacem pronuntiet, & auctori missionem decernat, *per d. l. 15. in pr. & §. 11. d. l. 4. l. 7. de dam. inf. Spec. de primo decr. §. sequitur. Rosb. in prax. civ. tit. 31. n. 7.**

Fit missio in actione reali, in rei petita possessionem; *l. 7. §. 17. & §. 18. l. 13. hic. r. r. Ext. de eo qui miss. in poss. caus. rei serv. l. 15. l. plures. de dam. inf. l. 8. C. de bon. aut. jud. poss. in personali, pro mensura debiti, secundum Jus Canonium; c. ult. in fin. ut lite non cont. Spec. de sec. decr. §. videndum n. 5. non civile. vide supra.*

Missus consequitur jus pignoris. *l. 2. C. qui potier. in pign. hab. l. fin. C. de prat. pign. l. si post. C. ut in poss. leg. Puta si verè & corporaliter bona occupaverit; alias non. l. non est mirum. de pign. act.*

Et in actione personali acquirit possessionem rei, cum domino, detinenda & custodienda causa. *l. 7. §. 17. §. 18. l. 13. hic. l. 15. §. si quis autem. §. Julianus. §. si plures. de dam. inf. Spec. de secun. decr. §. nunc dicam. 6. n. 12.*

Fructus non lucratur, sed cum debito compensat; *d. l. 15. §. non autem. l. is cui. Ut in poss. leg. Bart. post. Gl. in d. §. Julianus. n. 50. nisi iudex id expresse disposuerit. l. 7. §. fin. hic. d. l. 15. §. non autem. Petr. de Ferrar. in pract. in ser. resp. rei & interm. n. 18.*

In

In actione reali missus acquirit possessionem :
Dd. in d. l. 7. c. 1. de eo qui mitt. in poss. Bart. Gl. in d. §. Julianus. n. 51. Ferrar. d. loc. & fructus statim percipit & custodit, l. u cui. Bart. in l. ult. Ut in poss. leg. post annum lucratur. Spec. de sec. decr. §. jam de effectu. n. 9. Panorm. in c. quoniam. §. ult. n. 33. Vult. non contr.

Tollitur enim hoc decretum & debitor contumax rem recuperat, si in actione reali intra annum veniat, de judicio sistendo caveat, & expensas solvat. *d. Auth. ei qui jurat. l. 15. C. de judic. d. c. quoniam. §. si reus. Rosb. d. loc. n. 20.*

In personali, quodcumque veniat, ante secundum tamen decretum, & præstita prius cautione de sistendo judicio, refusisque expensis, auditur. *d. l. 15. §. 34. de dam. inf. l. si quis. §. pen. C. de prescr. 30. vel 40. ann. Rosb. d. loc. n. 21.*

De rebus autoritate judicis possidendis seu vendundis.

T I T. V.

Secundum decretum, est alterum magistratus qui saltem imperium mixtum habet, *l. 1. & 4. de jurisd. justum*, quo creditorem seu actorem, qui rei custodiæ causâ in possessionem missus fuerat, ob perseverantem rei contumaciam, verum possessionem decernit, aut etiam dominum esse jubet. *c. 1. de eo qui mitt. in poss. l. 5. l. 7. §. 1. de dam. inf.*

Locum tantum habet in actionibus personalibus. *Bart. post Gl. in l. 15 §. Julianus. n. 42. de damn. inf per l. 9. C. de bon. auth. jud. poss. l. 7. §. 1. quib. ex causis. in poss. eat.*

In realibus enim, ubi de dominio vel quasi quaeritur, eo non est opus; quoniam dominus, posteaquam ex primo decreto possessor factus est, frustra ex hoc dominium, quod suo jure habet & vendicat, sibi adjudicari peteret. *Wes. de dam. inf. tit. Rosb. in praxi civ. tit. 32. n. 3.*

Potest tamen is qui reali actione egit, si de domi-

nio in futurum controversiam metuatur, à iudice petere, ut certum terminum statuatur, intra quem jus deducturus veniat reus, aut quivis alius qui dominium prætendit; quo elapso, nemo deinceps audiat. *l. ult. C. de jur. dom. imp. Auth. Hoc nisi. C. de solut. vid. Gl. Bart. in l. 15. §. si plures. de dam. inf. Spec. de sec. decr. §. videndum. n. 20. 21.*

Interponitur hoc decretum post annum, *Bart. in d. l. 15. §. Iulianus.* ad petitionem partis; si citatus rer, vel semel peremptoriè, *c. quoniam. §. fin. ut lit. non cont. Bart. d. loc. n. 27.* reus contumax, *Spec. de sec. decr. §. nunc dicamus. n. 1.* fraudationis causa, ne secum agi possit, *l. 36. hic. latitet. l. 7. §. 1. tit. præced.* vel non compareat, nec se ad iudicium cum debitâ cautione, & refusione sumptuum offerat, *l. 8. §. pen. de præsc. 30. an. Auth. ei qui jurat. C. hic. l. 9. §. 2. ff. cod. Spec. de primo decr. §. jam de effectu. n. 22.* nec ullum justum impedimentum (de quo iudex debet cognoscere; alioqui dabitur restituto. *d. l. 15. §. 22. §. 33. l. 19. de dam. infest. Bart. in d. l. 15. §. Iulianus. n. 36.*) quominus veniat, obstat.

Varie hoc iudex, pro varietate circumstantiarum, interponit. *Bart. in d. §. Iulianus. n. 53.*

Vel enim, & quidem crebrius, decernit venditionem rei, *l. 7. in pr. quib. ex caus. in poss. eat. l. 9. l. 6. C. hic.* & in ejus defectum, *d. l. 6.* in solutum eam concedit: *t. t. C. de jur. dom. imp. Auth. hoc nisi. C. de solut. d. l. 6.* vel actorem in vera possessione esse; fructusque suos facere jubet: *Bart. in d. §. Iulianus. n. 40. Panor. in c. quoniam. §. ult. n. 46. ut lit. non cont.* vel dominum, etiam sine venditione, eum facit: *Dd. in d. l. 15. §. Iulianus. & §. 33. & in d. c. quoniam.* aut usucapiendi conditionem præstat: *d. l. 15. §. Iulianus. l. 4. l. 15. l. 12. de dam. inf.* vel solum possessorem eum constituit, reservato etiam post annum reo repetendæ rei suæ jure integro. *d. c. quoniam. in fin. ubi Gl. fin. & Dd.*

De privilegiis creditorum.

T I T. VI.

*Hic titulus in Flor. exemplari cohaeret superiori.
incipit à lege 16. tit. præc.*

Bonis venditis omnes creditores simul concurrunt.

Sed hic ordo servandus, ut de pretio primum illis satisfiat, quorum jus potius est.

In quo regula teneatur: In universum eos, quibus supra debitum res etiam obligatae nexaeque pignori sunt, potiores esse iis, qui tantum personalem actionem habent. *l. eos. C. qui pot. in pign.*

Plus enim cautionis est in jure reali, quam personali. *l. 25. de R. I. l. 6. C. de bon. aut. jud. possess.*

Inter ipsos creditores hypothecarios, quis cui præferatur, supra dictum est. *ad tit. qui pot. in pign.*

Inter eos creditores, quibus personale tantum jus est, quos chirographarios appellant, *l. pen. hic. l. 6. C. de bon. aut. jud. poss.* quis præire debeat, magis ex causa, quam tempore est metiendum.

Nam is cujus causa est privilegiata præfertur. *l. 1. hic. aut l. 32. tit. præc.*

Eorum autem quidam privilegium cum hypotheca habent: quidam absque ea solo privilegio fruuntur.

Ad illos pertinet fiscus, *l. 46. §. 3. de jur. fisc. l. 18. hic. mulier in dote data, l. assiduus. & ibi Gl. C. quæ potior. in pign. pupillus, l. 4. 5. 6. 7. hic. l. pen. C. in quib. caus. pign. tac. const.* qui in refectionem rei credidit, *l. 25. si cert. pet. l. 8. §. 2. hic. l. 1. quib. caus. pign. tac. const. & alii.*

Ad hos verò, respublica, *l. 2. C. de jur. reip. lib. 11. l. simile. ad munic. l. 16. de V. S. l. pen. §. 1. hic. & similes.*

Si privilegiati inter se concurrant, vera regula est Azonis, in Rubr. C. de bon. auth. jud. poss. omnes æquale jus habere & simul concurrere ac dividere

æqualiter, nisi quis aut tempore prior sit, *l. 2. C. de priv. fisc.* aut speciali lege de aliquo eorum probe-
 rur, quod sit præferendus; ut in muliere, *d. l. assiduus*,
fisco, *l. 28. de jur. fisc.* ubi *Bar. l. 1. C. eod. lib. 10.* con-
 stitutum; cum fiscus debitum, non cum poenas per-
 sequitur: *l. un. C. de pæn. fisc. Gl. & Dd. in l. 10. ad*
verb. hypothecam de pact. item in eo qui duplici pri-
 vilegio munitus est, puta tutelæ & depositi: *l. fin.*
qui pot. in pign. item ut in dubio mulier præferatur
 fisco; *Neguz. in tr. de pign. part. 2. memb. 4. n. 108. per*
l. non puto. de jur. fisc. Bald. in l. dotis. C. de jur. dot. fiscus
 privato, *Ias. & alii in l. 3. solut. matr. Neguz. d. tract.*
2. part. 4. memb. n. 118.

In aliis regulariter privilegiatus contra privile-
 giatum uti privilegio non debet. *d. l. assiduus. C. qui*
pot. in pign.

His exceptis, quorum privilegium ad extra-
 neum successorem non transit; *Bar. in l. 3. n. 8. solut.*
matr. reliqui creditores æqualiter, non attento
 contractus tempore, *vid. l. 3. de separat.* pro rata
 debiti quantitate, concurrunt. *l. 6. C. de bon. aut.*
jud. poss.

Sanè si quis antequam ea possideantur, sibi vigi-
 laverit, & suum sit consecutus, nihil ab eo repeti
 potest. *l. 24. qua in fraud. cred.*

Quod si omnes creditores simul institerint, vel
 bona sint possessa, omnium jus æquale est, neque
 gratificationi locus relinquitur. *d. l. 24. l. 6. §. 7. d. tit.*
l. 6. §. 1. de bon. aut. jud. possess.

Qui tamen scienter contrahit cum debitore post
 susceptum fraudationis consilium, numero credito-
 rum eximitur. *l. ait Prator. 6. hic.*

De separationibus.

TIT. VII.

Possunt creditores defuncti, *l. 1. §. 1. hic.* etiamsi
 ex die vel sub conditione eis debeatur; *l. 4. in*
princ. eod. & post hos, *l. fin. §. 4. & §. 10. C. de jur. de-*
legatarii, l. pen. in pr. eod. intra quinquennium,
 ab

ab adita hæreditate, *d.l.1. §.13.* postulare, decreto Prætoris, *d.l.1. in pr.* bona defuncti, à bonis hæredis propriis separari; ita ut ex illis, creditoribus hæreditariis; ex his, hæredis creditoribus satisfiat. *d.l.1. §.1.*

Denegatur hoc beneficium; cum hæreditas bona fide distracta; *l.2. eod.* creditores de integro cum hærede animo novandi contraxerunt; *d.l.1. §.10. §.11.* res hæreditariæ bonis hæredis mixtæ sunt; *d.l.1. §.12.* post quinquennium ab adita hæreditate. *d.l.1. l.13.*

Quodsi alii creditorum petant separationem; alii non: qui non petunt, cum creditoribus hæredis connumerantur. *d.l.1. §.86.*

Quibus, ut nec ipsi hæredi, nisi sit necessarius, *d.l.1. §.ult.* & bona non attingat; *d.l.1. §.fin.* aut patronus libertæ successerit, quæ hæreditatem ære alieno oneratam adjuverat, *l.pen. §.1. eod.* beneficium separationis non competit. *d.l.1. §.2. & §.16.*

Licuit enim hæredi adjiciendo sibi creditores, suorum creditorum conditionem facere deteriorem. *d.l.1. §.2. & §.16.*

Sed an sit admittenda separatio, nec ne, Præsidis erit vel Prætoris notio. *d.l.1. §.14.*

Est & , exemplo hujus separationis, alia, quæ, creditoribus postulantiis, filii familias castrensia bona à paganicis separantur. *l.1. §. si filiusfam. §. huc.*

De curatore bonis dando:

TIT. VIII.

Curator bonorum dicitur, qui bonis debitoris extra ordinem præficitur, ut ea tueatur, & distrahat, ex redacto creditoribus satisfaciat.

Constituitur, sed non invitus, *l.2. §.3. hic.* vel privata creditorum voluntate: *l.fin. hic.* vel auctoritate magistratus, ex consensu majoris partis creditorum. *d.l.2. in pr.*

Potest constitui vel creditor, vel quisvis alius, *d. l. 2.*

2. §. *pen.* vel unus, vel plures. *d. l. 2. §. 1.*

Per eos gesta, rata habentur. *d. l. 2. §. 1.*

Et cum plures sunt, singuli in solidum possunt agere vel conveniri. *d. l. 2. §. 2.*

Quodsi per regiones fuerint constituti; unus fortè rei Italicæ, alter in Provincia: administrationes confundere non debent. *d. l. 2. §. 2. vers. quodsi.*

Tenentur de administratione propemodum ut reliqui curatores ac procuratores, *d. l. 2. §. fin. l. 3. eod.* non modò creditoribus, sed ipsi etiam debitori. *Gl. in d. l. 2. §. ult. ad verb. veriores.*

*Qua in fraudem creditorum facta sunt,
ut restituantur.*

TIT. IX.

Debitores immissionem vel distractionem metuentes, si bona in fraudem creditorum alienant; ea ex duobus Edictis (quæ in idem recidunt, eoque actiones ex iis descendentes eandem vim obtinent.) revocantur. *vid. l. 1. l. 10. hic.*

Ex priori datur actio Pauliana, sic dicta à Paulo Prætorè, qui eam primò introduxit. Ex altero actio Calvisiana, à Calvisio Prætorè, qui & hac de re Edictum fecit, sic dicta.

Pauliana est actio in factum, *l. pen. C. l. 10. l. 14. ff. hic. prætorica, l. 1. in pr. & §. 1. ff. eod. personalis, l. 38. pr. junct. §. 4. ff. de usuris.* qua credicores res in fraudem suam alienatas, rescissâ traditione, repetunt, quasi nunquam traditæ fuissent. *l. 1. C. hic.*

Competit creditoribus ex contractu, delicto, puris, conditionalibus, chirographariis, hypothecariis, & eorum successoribus, *l. 10. §. 1. §. 2. §. fin. hic.* item curatori bonorum, quorum in fraudem aliquid gestum, vel alienatum est quocunque contractu. *l. 1. §. 2. l. 2. l. 3. eod.*

Adversus eos qui, scientes debitorem non esse solvendo, aliquid cum eo gerunt, vel paciscuntur,

ut

ut habere desinat id quod habet; tanquam fraudis participes; *l. 1. §. 2. l. 10. pr. & §. 1. & §. 2. eod.* non contra ignarum fraudis, nisi quatenus locupletior est factus: *l. 6. §. 8. eod.* non contra tertium bonæ fidei possessorem: *l. 9. eod.* Omnino contra ipsos debitores in fraudem creditorum bona sua alienantes; *l. ult. §. fin. eod.* sed in quantum facere possunt: *l. fin. C. eod.* In hæreses datur quatenus ad eos pervenit. *l. 10. §. fin. junct. leg. seq. eod.*

Datur, ut omnia gesta & alienata in fraudem, in pristinum statum, in quo fuere ante alienationem, *l. ult. §. 2. l. 10. §. 22. hic.* restituantur, una cum fructibus, qui tempore alienationis terræ cohæserunt, & qui post judicium inchoatum; *d. l. ult. §. 4.* non qui medio tempore percepti, *d. l. ult. §. 4. vers. medio.* fuerunt.

Si reus quid fraudatori solvit, non recipit, siue totum, siue ejus partem, nisi in bonis fraudatoris extet. *l. 7. l. 8. hic.*

Competit hæc actio ex die factæ, non alienationis, *d. l. 6. §. fin. d. l. 10. in pr. & §. 18.* sed excussionis bonorum debitoris; *l. 1. C. hic.* (Quia nemini tempus currit, antequam agere potest. At creditor, antequam per excussionem constet debitorem non esse solvendo, agere non potest; Nisi de ipsius inopia constet: *fac. d. l. C. §. ult. junct. l. 10. §. 18. hic.*) intra annum utilem: post annum, non nisi de eo quod ad fraudulentum debitorem, vel ad contrahentem cum eo pervenerit, aut ad alterius hæreses. *d. l. 10. §. 34.* Iniquum enim est in lucro versari eum qui ex fraude lucrum sentit. *d. l. 10. §. 24. vers. iniquum.*

DIGESTORUM

LIBER XLIII.

De interdictis, (sive extraordinariis actionibus, quæ pro his competunt.)

T I T. I.

EXpositis ordinariis possessionum judiciis sequuntur extraordinaria, quæ sunt Interdicta.

Sic dicta quasi inter duas partes litigantes à Præ-
tore dicta. §. 1. *in fin. Inst. hic.*

Sunt actiones in rem de possessione vel quasi
litigantibus à Præatore datæ. *Vult. jurissp. lib. 2.
vit. 21.*

Justiniano, conceptiones verborum quibus Præ-
tor jubebat aut verabat aliquid fieri, cum de pos-
sessione vel quasi inter aliquos contēdebatur. *in
pr. Inst. eod.*

Interdicit Prætor. 1. In Edicto formulas Inter-
dictorum, ut actionum, præscribendo. 2. Senten-
tiam de possessione controversa ex edicto gene-
rali ferendo. 3. Non ipse decernendo, sed actionem dando. *l. un. Ut in flum. publ. l. 1. §. deinde ait.
de aq. quor.*

Sic & ipse actor, quatenus de possessione expe-
ritur, interdiciere dicitur. *l. 1. §. pen. de via publ. l. 3.
§. si quid dolo. de tab. exhib.*

Duo; priora frequentabantur ante Justinianum:
postremum ejus tempore aut paulo antè cœpit,
cum Interdicta mutata sunt in actiones extraordi-
narias. *Rubr. hic.*

Ut hodie non interdicto agatur, sed actione
ad exemplum interdicti concepta. §. *fin. in fin.
Inst. eod.*

Et, confusa actionis & interdicti naturâ, quæ
inter-

interdicta olim erant, dicantur actiones extraordinariæ, siue in factum utiles, ad exemplum interdictorum antiquorum comparatæ. *not. in d. rubr. hic. & d. §. fin. l. 2. 4. C. unde vi.*

Sunt natura sua de possessione, vel quasi; *l. 2. §. quedam. hic.* de proprietate rei, ita ut possessionem nullatenus attingant; nulla; *Cujac. in par. C. eod.* pauca ita de possessione vel quasi, ut in consequentiam proprietatis causam contineant; Eaque de rebus publicis tantum: nulla de privatis. *Vult. in jurispr. lib. 2. tit. 21.*

Divisio interdictorum partim sumitur à materia.

Aliæ enim pertinent ad res divini juris, alia ad ea quæ sunt hominum.

Horum quædam illa respiciunt, quæ nullius numerantur in bonis; quædam ea quæ sunt alicujus. *l. 1. l. 2. §. 1. hic.*

Partim à forma elocutionis. *§. 1. Inst. eod.*

Nam quædam sunt prohibitoria, quibus Prætor prohibet: quædam restitutoria, quibus jubet restitui: quædam exhibitoria, quibus exhiberi. *l. 1. §. 1. ff. §. 1. Inst. eod.*

Sunt etiam quædam mixta, ut prohibitoria simul & exhibitoria. *d. l. 1. §. 1. d. §. 1. Inst. eod.*

Deinde Interdictorum alia in præteritum, alia in præsens, alia in futurum referuntur. *d. l. 1. §. 2.*

Item quædam simplicia sunt, ut pleraque: nonnulla duplicia, in quibus uterque litigator duplicem personam, & actoris & rei, sustinet. *l. 2. in pr. eod.*

Quædam annalia sunt, quædam perpetua. *d. l. 1. §. 4.*

Annalia sunt, quæ sunt pœnalia: perpetua sunt quæ sunt rei persecutoria. *l. 1. in pr. de vi, & vi ar.*

Partim à fine. Nam quædam publicæ utilitatis causa, *d. l. 1. pr.* quædam juris sui tuendi, quædam officii gratia sunt comparata. *l. 2. §. 1. hic.*

Pleraque interdicta (ut dictum) possessionis controversiam, nonnulla proprietatis causam continent. *d. l. 2. §. quedam.*

Postremo Interdicta : aut sunt adipiscendæ possessionis, aut retinendæ, aut recuperandæ. *d. l. 2. §. fin.*

Differt Interdictum ab Edicto, tanquam effectus, & causa; oriuntur enim ex Edicto Interdicta. *l. 1. §. 1. de oper. nov. nunc.*

Edictum etiam fit, quando in genere Prætor ex officio aliquid disponit; ut, ne quis in jus vocatum veximat, &c.

Interdictum, inter duos fit plerunque præceptivè.

Illud formam & vim legis; hoc actionum hodie habet.

Non enim, quod Prætor inter litigantes interdictit, continuò inter omnes jus facit; ut nec res inter alios actæ judicatæve. *l. 63. de re jud.*

Hodie, postquam Interdicta in Pandectas sunt relata, ea certum jus, sicuti aliæ leges, inter omnes faciunt: quamquam illud adhuc sit verum, possessorium judicium inter alios constitutum, aliis non esse, nec prodesse.

Quorum bonorum.

T I T. II.

Interdicta quæ singulorum sunt, aut universitatem rerum complectuntur, aut res singulas.

Inter ea quæ universitatem spectant, primum est Interdictum Quorum bonorum: sic à primis Edicti verbis dictum.

Quod simile est petitioni hæreditatis: sed utilius illo agitur; quoniam non tam exactæ in eo probationes, ut in ordinariis judiciis, requiruntur, *Bart. hic. & in l. 1. C. eod.* nec exceptio hic dominii, si altiore requirat indaginem, *l. 3. §. 13. ff. ad exhib.* obijci potest: *l. fin. C. hic.* potest si in continenti probari possit: *d. l. fin. Menoch. de remed. adipisc. poss. num. 104. §. 29.* nec à sententia possessionis appellatur: *Bart. in d. l. 1. per l. un. C. si de moment. poss.*

Competit hæredi, cui possessio data est, *l. 1. hic.*

& §. adipiscendæ. *Inst. de Interd. prætorio quidem directo, civili utiliter. 2. 1. ff. & C. eod.*

Adversus eum qui pro hærede (hoc est, bona fide, putans se esse hæredem, vel bonorum possessorem) aut pro possessore (id est, mala fide, sciens se non esse hæredem nec possessorem) possidet, vel dolo malo fecit quominus possideret. *4d. 11.*

Non adversus justo titulo possidentes; quod in pari causa & timulo melior sit causa possidentis. *c. in pari. de R. I. in 6. §. 5. Inst. de hered.*

Nec datur adversus debitores hæreditarios, sed tantum corporum possessores. *l. 2. hic.* Quod in rebus debitis, uccdum traditis, nullum jus defunctus habuerit, ideoque actionibus personalibus agere debuerit. *Wesemb. hic. num. 7.*

Datur ad adipiscendam, vel bonorum omnium hæreditariorum, quæ defunctus mortis tempore habuit, possessionem; *l. 1. ff. hic. l. 19. §. 1. de petit. her. l. 52. de acq. rer. dom. vel (sed utiliter) ad hæreditatem legitimam. Gl. in rubr. & l. 1. hic.*

Hoc Interdictum; ad universitatem bonorum spectat, & est ex parte actoris adipiscendæ possessionis; *d. l. 1. §. 1. l. 1. de interd. vers. qua autem. ex parte rei (si condemnatur) restitutorium. l. 1. l. 2. ff. hic.*

Quod legatorum.

T I T. III.

Secundum Interdictum, Quod legatorum appellatum, *l. 1. hic.* ad legata (quæ nonnunquam universitatem bonorum complectuntur. *l. 15. l. 26. §. 1. de legat. 1.*) spectat. *passim. hic.*

Datur hæredi post aditam hæreditatem, seu bonorum possessori, horumque hæredibus, contra legatarium, etiam fideicommissarium, tam singularem, *Revard. lib. 3. var. cap. 4.* quam universalem, *Gloss. Bart. Castr. in l. Paulus respondit ff. ad SC. Trebell. sic. l. un. C. hic.* eorumque hæredes, non donatarium causâ mortis, *d. l. 1. §. 5. & ibi Bart. ut, quod*

legati nomine, non ex voluntate hæredis, vel bonorum possessoris, ante occupavit, id ei idoneè caventi de legato præstando, vel si per eum non steterit, quominus caveret, restituat; *l. 1. §. 1. §. 3. §. 16. & seqq. l. 2. §. 1. ff. l. un. C. hic.* unà cum fructibus à tempore litis contestationis perceptis. *l. 3. de interd.*

Quod ni faciat, actione in factum (quæ ex causa interdicti datur, ut & in aliis interdictis accidit. *Pac. Isag. hic.*) in id quod interest, condemnatur. *d. l. 2. §. 2.*

Locus non est huic Interdicto, si hæres vel bonorum possessor legatariis post aditam hæreditatem vel adgnitam bonorum possessionem consenserit: *d. l. 1. §. 11.* si ejus nihil intersit rem fuisse occupatam. *Gl. in d. l. 1. verb. perinda. l. 1. C. eod. Old. class. 2. art. 2. n. 7.*

Hoc interdictum de legatis Falcidiam detracturo est necessarium, *d. l. un.* quoniam ejus retentionem quidem, *l. 14. §. 1. l. 15. §. 1. l. 93. ad L. Falc.* non vindicationem, nisi in speciali casu, posito in *l. pen. C. ad L. Falc.* nec actionem personalem, quâ illam persequatur, habet: nisi vel per errorem facti solverit, ut indebiti condictione repetat, *l. 9. C. ad L. Falcid.* vel sibi stipulatione caverit. *l. 1. si cui plus quam per L. Falcid.*

Est ex parte rei, si condemnatur, restitutorium, *l. 1. §. 2. hic.* ex parte actoris, adipiscendæ possessionis. *d. l. 1. §. 1.*

Hodie cum a Justiniano heredi sit data Falcidiæ vindicatio generaliter, supervacuum est hoc Interdictum, nec tamen ab eo heres, qui uti voluerit, repellitur. *Cujac. in par. C. hic. Vult. in Jurispr. Rom. lib. 2. tit. 21.*

*Ne vis fiat ei qui in possessionem
missus erit.*

T I T. I V.

Tertium Interdictum, est partim prohibitorium,
partim restitutorium. *l. 3. §. pen. hic.*

Prohibet enim vim fieri, & jubet possessionem
restitui; aut nisi factum erit, damnari reum, quanti
ea possessio est. *l. 1. §. 5. l. 2. l. fin. hic.*

Generale est. pertinet enim ad omnes, qui in
possessionem à Prætorè, sed justè, *l. 1. §. 5. hic:*
missi sunt, *d. l. 1. §. 2. eorumque successores. d.*
l. 1. in fin.

Competit in eum qui dolo malo impedit quo-
minus immissi, in possessione, sive suo, sive alieno
nomine, *l. 2. hic.* esse possint. *l. 1. hic.*

Actio in factum, mixta, *l. 51. §. 1. ff. de re jud. l. 5.*
§. 1. & §. ult. hic. Ans. Fab. 4. conjec. 19. Cujac. 1.
abs. 23. ex eo in id quod interest datur. d. l. 1. in
pr. & §. 5.

Quæ est, exceptâ legatorum missione, annalis,
nec in hæredes, nisi in id quod ad eos pervenit, da-
tur. *d. l. 1. §. ult.*

Cum datur ei qui in possessionem legatorum
nomine missus est, tunc & actio perpetua est, &
in hæredem dabitur: quia est in potestate succes-
sorum, evitare Interdictum satisfactione oblatâ,
d. l. 1. §. ult.

Si malit creditor possidere, quam hoc Interdicto
interesse suum persequi, melius est Prætorè extra
ordinem jure suæ potestatis exequi decretum suum,
etiam per manum militarem. *l. 3. hic.*

De tabulis exhibendis.

T I T. V.

Quartum Interdictum est de tabulis testamenti;
hoc est, cujuslibet ultimæ voluntatis, *l. 1. §. 2.*
hic. exhibendis.

Et prætor jubet tabulas, quotcunque, *l. 3. §. 1. hic.* & qualescunque, *d. l. 1. §. 3.* modò defuncti sint, *d. l. 1. §. pen.* apud se, *d. l. 3. §. 9.* exhiberi ei, cui aliquid in his tabulis ielictum est, *d. l. 3. §. 10.* ab eo, penes quem sunt, *d. l. 3. §. 2.* aut cuius dolo malo factum est, quominus penes se essent, *d. l. 1. in pr.* siue neget se tabulas possidere, siue neget exhiberi ob certam probabilemve causam oportere. *d. l. 1. §. 1.*

Quod nisi faciat, condemnabitur quanti actoris interest. *d. l. 3. §. 11. cum §§. seqq.*

Quare si heres scriptus hoc Interdicto experietur, ad hereditatem est referenda æstimatio; *l. 3. §. 12. hic.* si legatarius, in æstimationem venit quantum est in legato; *d. l. 3. l. 13.* licet illud conditionale sit. *d. l. 3. §. 14.*

Exhibere, est ipsius corporis apprehendendi copiam facere. *d. l. 3. §. 8.*

Hoc interdictum etiam post annum, & hæredi cæterisque successoribus, datur. *d. l. 3. §. pen: & §. ult. l. 95 ff. de O. & A. vid. Ann. Robert. 1. recept. lett. 29. Arum. disp. pandect. 2. thes. 14.*

In hæredes, nisi detineant, aut in dolo malo sint, non competit.

Nam in unumquemque possessorem suo nomine, exemplo actionis ad exhibendum, *l. 12. §. fin. ad exhib.* competit.

Cessat, si hæreditatis causa ex tabulis pendet: Si ad publicam quæstionem, falsi scilicet, non civilem, *d. l. 1. §. 3.* pertinet. Sed interim quæstione hereditatis vel falsi pendente, in æde sacra, aut apud virum idoneum, sunt tabulæ deponendæ. *l. ult. hic.*

Ne quid in loco sacro fiat.

TIT. VI.

HActenus de interdictis quæ universitatem rerum continent: transeamus ad singularia; & primò illud quod de locis sacris datur.

Quod

Quod est partim prohibitorium, partim restitutorium. *l. 2. §. 1. de interd.*

Nam Prætor, & prohibet, ne quid (quod scilicet deformitatem aut incommodum afferat. *l. 1. §. 2. hic.*) in loco sacro fiat, immittaturve; *d. l. 1. in pr. &* jubet, ut, si quid adversus ea factum fuerit, restituitur. *l. 2. §. 19. ne quid in loc. publ.*

Quod interdictum producitur & ad loca sancta, *l. 2. hic. & religiosa. l. 1. §. 1. de oper. nov. nunc.*

Competit cuilibet de populo: *l. 10. C. de Episc. & Cler.* quia publicè interest, publica loca facta tecta, que servari. *l. 2. §. 2. ne quid in loc. publ.*

De locis & itineribus publicis.

T I T. VII.

DE locis & itineribus publicis interdicta, quibus vetat Prætor quid fieri, ad impediendum loci publici usum; cuilibet de populo, *l. 1. §. 10. hic.* publicæ utilitatis causa, *l. 2. §. 1. de interd.* competunt.

Sunt varia, quæ sequentibus titulis explanantur.

Ne quid in loco publico vel itinere fiat.

T I T. VIII.

TRia hoc titulo proponuntur Interdicta. Primum est, Ne quid in loco publico fiat, neve in eum locum quid immittatur, quod alicui damnum det, nisi Lege, aut Senatusconsulto, aut constitutione Principis concessum sit. *l. 2. in pr. hic.*

Est tantum prohibitorium, *d. l. 2. §. 1. & §. 17. popolare, & perpetuum. d. l. 2. §. 34.*

Datur adversus quemvis in publico quid, damnum usui publico, vel privatorum, *d. l. 2. §. 6. 7. & §. 10. allaturum, molientem, in hoc ut caveat non fieri. d. l. 2. §. 18.*

Damnum pati videtur, quæ commodum amittit. quod

quod ex publico habebat, quaecunque illud sit.
d.l.2. §.11. & §§. seqq.

Loci publici appellatio hic, & ad areas, & ad insulas, & ad agros, & ad vias publicas, itineraque publica pertinet: non res fisci. *d.l.2. §.3. §.4.*

Viae sunt vel urbanae, (de quibus hic non est sermo) vel rusticae. *d.l.2. §.24.*

Rusticarum quaedam publicae sunt, quaedam privatae, quaedam vicinales. *d.l.2. §.22.*

Publicae sunt, quarum solum publicum est, & certis finibus latitudinis ab eo, qui ius publicandi habuit, praefinitum. *d.l.2. §.21.* Quas regias, sive consulares vias, appellant. *d.l.2. §.22.*

Privatae, (quas agrarias appellant, *d.l.2. §.22*) sunt, quae vel in fundo serviente sunt ut ad fundum alterius ducant: vel quae ex via consulari ad fundum privatum ducunt: *d.l.2. §.23.* haec & publici juris sunt. *d. §.23.*

Vicinales sunt viae, quae in vicis sunt, vel in vias ducunt.

Sunt publicae, nisi ex privatorum collatione sint constitutae: *d.l.2. §.22.* & ejus rei memoria extat. *l. ult. h.c.*

Secundum Interdictum ad vias publicas, & quidem rusticas, *d.l.2. §.24.* pertinet, cum in iis quid sit quo eas deteriores fiant. *d.l.2. §.20.*

Deteriores fieri censentur, si usus eorum ad commendandum, hoc est, ad eundum vel agendum, corrumpitur: ut cum planae fuerint, clivosae fiant, vel ex mollibus asperae, aut angustiores ex lationibus, aut palustres ex siccis. *d.l.2. §.32.*

Est illud interdictum duplex, & prohibitorium, & restitutorium.

Vel enim Praetor vetat in via publica itinereve publico quid fieri, vel immitteri, quo ea via, idve iter, deterius sit vel fiat: *d.l.2. §.20.* vel jubet eum qui in via publica, itinereve publico factum immisumve habet, quo ea via, idve iter deterius sit vel fiat, id restituat. *d.l.2. §.35.*

Non refert utrum via statim deterior fiat, an post aliquod temporis intervallum. *d.l.2. §.31.*

Utrum

Utrumque datur perpetuū cuiuslibet de populo, in id, quanti actoris interest. *d.l.2. §.24. §. pen.*

Restitutorium est directum, vel utile.

Illud datur non contra eum qui fecit, sed qui facto utitur & jure possessionis fruitur; siue ipse opus fecerit, siue ex alia causa acquisierit: nec distinguitur, siue possideat, siue dolo defuerit possidere. *d.l.2. §.37. §.38. §.42.*

Utile datur contra eum, qui fecit aliquid, per quod via publica corrupta est, & opus illud postea pro derelicto habuit. *d.l.2. §.39. & §§. seqq.*

Tertium Interdictum est prohibitorium, ne vis alicui fiat, quominus ei via publica itinereve publico ire, agere, liceat. *d.l.2. §. ult.*

De loco publico fruendo.

T I T. I X.

Est hoc interdictum publici juris, de loco publico fruendo, & datur conductoribus publicorum locorum, eorumque sociis, contra eos, qui quominus loco publico, vel vestigali, secundum legem locationis frui possint, impediunt. *l. 1. per tot. hic.*

De via publica, & si quid in ea factum esse dicatur.

T I T. X.

DE via publica urbana, nulla sunt interdicta: sed harum cura Aedilibus Curulibus committitur. *l.2. §.24. ne quid in loc. publ.*

Qui verant aliquid in eas immittere, facere, proicere, quod prætereuntibus, aut impedimento, aut noxæ esse possit; jubentque unumquemque juxta propriam domum viam publicam reficere & purgare. *l. un. hic.*

*De via publica, & itinere publico
reficiendo.*

T I T. XI.

DE via publica reficienda Interdictum est prohibitorium, ne vis fiat reficienti viam vel iter publicum. *l. i. in pr. & §. i. hic.*

Datur perpetuò, & omnibus, & in omnes; in id quod actoris interest. *d. l. i. §. ult.*

Qui specie refectionis viam facit deteriore, hoc est, iminuat, impunè vim à quovis patitur. *d. l. i. §. pen.*

Refectio sine cujusquam damno est facienda.

Ideo si in agrum vicini, reficiendo quis viam publicam, hoc est, lutum viæ, rejecerit, tantum in eum viæ rejectæ actio dabitur, quanti ejus interest, cujus fundo injuria irrogata est. *l. fin. hic.*

*De fluminibus, ne quid in flumine ripave
ejus fiat, quo pejus navigetur.*

T I T. XII.

FLumen publicum est, quod perenne est. *l. i. §. 3. hic.*

Ripa, est id quod flumen continet, naturalem rigorem cursus sui tenens. *d. l. i. §. 5.*

De illis Interdictum hic proditum, partim est prohibitorium, partim restitutorium.

Nam Prætor, & prohibet, ne quid in flumine publico ripave ejus fiat, immitraturve, quo statio navium, aut navigatio deterior sit, vel fiat: *d. l. i. in pr.* Et adversus ea factum vel immissum jubet restitui. *d. l. i. §. 19.*

Deterior statio, itemque iter, navigio fieri videtur, si usus ejus corrumpatur, vel difficilior fiat, vel minor, vel rarior, aut si in totum auferatur. *d. l. i. §. 15.*

Utile

Utile competit Interdictum, si quid fiat in mari, vel in littore, quo portus, itatio, vel navigatio deterior sit; & in flumine non navigabili, si quid fiat quo arescat, vel aquæ cursus impediatur. *d.l.1. §.12. & §.17.*

Ne quid in flumine publico fiat, quo aqua aliter fluat, atque uti priore æstate fluxit.

T I T. XIII.

NE derivationibus minus concessis, flumina exarescant, vel mutatus alveus vicinis aliquam injuriam afferat, Prætor hoc Interdicto prospexit. *l.un. §.1. hic.*

Et, vel prohibet in flumine publico (sive navigabile sit, sive non navigabile. *d.l.un. §.2*) ripam ejus aliquid fieri, vel immitti, quo, aliter aqua fluat, quam priore æstate fluxit; *d.l.un. in pr.* vel eum, qui adversus ea factum immissumve habet, dolo fecit quominus haberet, restituere jubet. *d.l.un. §.19. & §§. seqq.*

Omniis competit, sed tantum adversus eum & in ejus hæredes, qui id egit, ut aliter aqua fluere, cum id juris non haberet. *d.l.un. §.9. & §.10.*

Qui ripam aggeribus munit, aut aliam munitiorem adhibuit, ut agrum suum tueatur, exceptione tutus est. *d.l.un. §.6.*

Ut in flumine publico navigare liceat.

T I T. XIV.

Vetat hoc Interdicto Prætor, usum navigationis, fluminisve publici impediri. *l.un. in pr. hic.*

Extenditur & ad usum lacus, fossæ, vel stagni publici. *d.l.un. pr.*

Lacus est, quod perpetuam habet aquam. *d.l.un. §.3.*

Sta-

Stagnum est, quod temporalem continet aquam ibidem stagnanteum, quæ quidem aqua plerumque hieme cogitur. *d.l.un. §.4.*

Fossa, est receptaculum aquæ, manu facta. *d.l.un. §.5.*

Est de iis Interdictum vel directum, vel utile.

Directum datur illi, qui prohibetur in illis publicis fluminibus, sive aquis, navigare. *d.l.un. in pr. & §.i.*

Utile datur illi, qui pecus ad flumen publicum, ripamve appellere prohibetur: *d.l.un. §.fin.* Item illi, qui lacum vel stagnum publicum conduxit, & prohibetur illic piscari. *d.l.un. §.7.*

De ripa munienda.

T I T. XV.

Datur hoc Interdictum illi, qui prohibetur reficere ripas, agri sui tuendi causa: dum tamen eas ita reficiat, ne navigatio fiat deterior, sitque vicinis, & his qui ultra flumen prædia possident, pro qualitate personæ; *l.un. §.3. hic.* paratus cavere de damno infecto boni viri arbitrato usque ad decem annos. *d.l.un. hic.*

Loquitur quidem de ripa fluminis munienda, sed & ad ripam lacus, fossæ, & stagni, producitur. *d.l.un. §.5.*

Et tantum de interdictis ad publicam utilitatem pertinentibus.

De vi, & de vi armata.

T I T. XVI.

REi familiaris tuendæ causa interdicat Prætor primo loco de vi.

Et dat Interdictum ei, qui vi non legitima ex possessione rerum immobilium eiectus est, (non mobilium, nisi fuerint in fundo vel ædibus, unde deiectus est. *l.1. §.6. §.7. l.3. §.15. hic.*) ad hoc, ut possessionem recuperet. *d.l.1. pr. & §.31. §.32.*

Com-

Competit de qualicunque possessione, *d.l.1. §.9. & §.23.* per vim expulsiuam, non compulsiuam: *l.5. hic.* dejecto, etiam prædoni. *d.l.1. §.30.* Item spoliato, ab eo quem constat esse dominum, *d.l.3. §.9. l.8. l.17. hic.* Fructuario, *d.l.3. §.3. & §§. seqq.* & §. pen. Usuuario, *d.l.3. §.16. colono, l.12. l.18. hic. vid. Cujac. 26. qu. Papin. l. in com. d.l.18. & horum successoribus. d.l.1. §.44.*

Adversus deicientem, *d.l.1. in pr.* cum qui mandavit, vel iussit, *d.l.1. §.12.* vel ratum habuit, *d.l.1. §. sed et si.* modò deiciens nomine illius id fecerit; *l.1. §. sed et si. l.4. hic.* & qui dolo malo fecit, ut quis deiceretur, *d.l.3. §.12.* etiam adversus ipsum procuratorem qui deiecit. *d.l.1. §.13.* Item cum qui possessionem, de qua aliquem deiecit, rursus amisit, quamvis sine dolo & culpa; *d.l.1. §.34. §.35. §.36.* Denique utiliter adversus ipsum dejectum, si fortè ex intervallo, non si in continenti; *d.l.1. §.27.28. l.17. hic.* collectis armis deiciat eundem dejectorem. *per l.1. §.30. & d.l.17. hic.* Quia ea res invasionis speciem habet.

Non competit in singularem successorem de jure civili; *Wesf. hic.* omninò in hæredem, sed duntaxat quatenus ad eum pervenit. *d.l.1. §. ult. eum l. seqq.*

Juris Pontificii remedia in hanc rem prodita, quemcunque possessorem persequuntur. *c. sape. de restit. spoliat. c. redintegranda. 3. q.1.*

Venit in hoc Interdictum restitutio possessionis cum omni causa, quam habuisset spoliatus si dejectus non esset. *d.l.1. §.31. & §§. seqq. l.5. C. hic.*

Nam condemnatio ex eo tanti fit, quanti actoris interest possidere. *l.6. hic.*

Tanti enim iudex ex causa Interdicti aditus, *d.l.1. in pr.* per actionem in factum, *d.l.1. §. ult.* litem æstimat. *d.l.1. §.41.*

Nimirum si intra annum, ab ultimâ die spoliationis numerandum, *d.l.1. §.40. §.39.* conventus sit is qui deiecit. *d.l.1. in pr.*

Aliàs condemnatio fit in id quod ad reum pervenit, dolo malo fecit, quominus perveniret: sive ipse

ipse dejiciens conveniatur post annum, *d.l.1. in pr.*
 five agatur contra hæredes, *d.l.1. §. ult. d.l.3. in pr.*
 five adversus patrem dejicientis. *l.16. hic.*

Est hoc interdictum Unde vi duplex, directum & utile.

Directum datur pro recuperanda possessione rerum immobilium corporalium.

In quo probat actor se fuisse in possessione & spoliatum esse.

Utile datur pro recuperanda quasi possessione rerum incorporalium. *Bart. in d.l.1. §. unde vi.*

In hoc probat actor, se fuisse quasi in possessione, & spoliatum esse.

Utrunque interdictum continet judicium civile, non criminale, nec est famosum, ut nec ullum aliud interdictum. *l.13. hic.*

Est restitutorium, §.1. *Inst. de interd. recuperandæ possessionis. l.1. §.1. hic. l.2. §. ult. de interd.*

Concurrit, cum accusatione ex lege Julia de vi: *l.1. §.2. hic. l.4. C. eod.* cum actione ex lege si quis in tantam. *C. eod.*

Sed cum alia remedia locupletiora postmodum sint inventa, minus hodie frequentatur. *Specul. in tit. de rest. spol. l.1. in l. si quando. C. unde vi.* Et cum hodie non necesse sit actionis nomen exprimi, *c. cum dilecti. de judic.* solent Advocati ad difficultates & errorum decipulas evitandas, generali quâdam formâ libellum concipere, ac simpliciter ad hoc concludere, ut ablata amissaque possessio restituatur.

Uti possidetis.

TIT. XVII.

S Equitur Interdictum Uti possidetis, quod est retinendæ possessionis, *l.1. §.1. hic.* & rem familiarem, id est, jus quod est in bonis acquisitæ possessionis, tuetur.

Eo enim Prætor ei, qui rem immobilem, suo, non alieno, nomine, *l.3. §.3. §.8. hic.* possidet, quominus

minus ita possideat, vim fieri vetat: eumque in possessione tuctur; nisi vi, (id est, vi adversarium non expulerit: *Innoc. in c. venient. de præscript. fac. §. 4. Inst. de interdict.*) aut clam, aut precario (id est, vitiose possessionem non everterit. *Innoc. in d. c. venient.*) ab adversario possideat. *d. l. 1. in pr. §. 1. §. ult. & l. 2. hic.*

Est productum ad quasi possessionem rerum incorporalium, ut servitutum; proinde etiam fructuariis, & usuariis accommodatur. *l. ult. hic. l. 8. §. Arist. si serv. vind.*

Quia non interest, civiliter quis, an naturaliter, justè, an injustè possideat. *c. licet. 9. de probat. l. 1. pr. l. 3. §. pen. l. fin. ubi. Gl. hic.*

Qualiscunque enim possessor, hoc ipso quod possessor est, plus juris habet, quam ille qui non possidet. *l. 1. §. fin. cum. l. seq. hic.*

Modò, de jure Civili, tempore turbationis illatæ & litis contestatæ possideat. *§. 4. vers. quorum. Inst. de interd. l. un. ubi Bart. n. 3. C. hic.*

De jure Canonico sufficit probatio possessionis antiquioris; Quod usu obtinet. *c. licet. Ext. de probat. Bald. in l. pen. C. si à non comp. jud. Alex. conf. 6. circa processum. vol. 3. & conf. 103. sup. n. 1. vol. 7.*

Possessione æqualiter probatâ præfertur titulum docens: *Bart. in l. 3. hic.* Titulo æqualiter probato præferendus videtur is qui tempore sententiæ possidet. *Schneider. ad d. §. 4. num. 88.*

Hoc judicium quia duplex est, ita ut uterque litigantium sit actor & reus, *l. 3. §. 1. §. 3. hic.* idèò utrique incumbit probatio. *Ias. in l. duo Iudices. ff. de indic.*

Probari duo necesse est, *vid. Ferr. in fer. lib. turb. poss.* possessionem ex parte producentis, & turbationem ex parte adversarii.

Eo tamen ipso quod se reus opponit, tanquam jus habens, (secus, si se opponat inficiando turbationem) turbare videtur. *Spec. de act. seu pet. §. super. n. 6. per l. fin. si usufr. pet. l. i. qui se. de rei vind.*

Competit ex hoc interdicto actio in factum, intra annum utilem, quando pro turbata possessione agitur. *l. 1. pr. hic.*

De turbatione continua & durante, semper potest agi, quia perpetuò præsens est turbatio: *Bart. hic. in pr. n. 11. & de illo quod ad turbatorem pervenit. Bart. in l. 1. pr. n. 10. n. 11. eod. per l. pen. de interd. l. 21. §. 1. quod met. caus.*

Eâ tenetur quoquo modo possessionis, siue rerum corporalium immobilium usum impediens, siue in quasi possessione rerum incorporalium turbans. *d. l. 1. §. 3. l. 3. §. 3. hic. l. 11. §. 6. l. 5. §. 8. quod vi aut clam.*

Agitur ad id ut à turbatione cesset, & in futurum non turbet, & hoc nomine caveat, damna illata, & fructus perceptos restituat: *d. l. 1. pr. ubi Bart. num. 7. l. un. C. hic.* nempe ad omne quod actoris interest liberam possessionem non habuisse, *l. 3. §. fin. ubi Gl. hic.* competit hoc Interdictum.

Sed & in continenti, id est, quamdiu durat turbatio, expelli potest is, qui alienam possessionem turbat. *l. 3. §. cum igitur. de vi & vi arm. Bart. post. Gl. in l. 1. §. interdictum. n. 3. hic. Bart. n. 1. 2. 3. & Bald. n. 26. & 31. in l. 1. C. unde vi.*

De superficiesibus.

T I T. X V I I I.

Superficies significat hic, quod solo inædificatum est. *t. r. hic.*

De quo Interdictum est prohibitorium; quo Prætor superficiario possidenti, nisi vi, aut clam, aut precario ab adversario possideat, vim, quominus ita possideat, fieri vetat. *l. 1. pr. hic.*

Est omnino superiori simile: nisi quod ad superficiarium pertinet. *d. l. 1. in pr. & §. 2.*

Superficiarius est, qui superficiem in alieno solo positæ dominium utile habet, & certam pensionem domino soli præstat. *l. 74. de rei vind.*

Cui præter hoc Interdictum, etiam Utilis rei vindicatio

dicatio datur, si in perpetuum vel ad longum tempus superficiem conduxit. *l. 1. §. 1. §. 3. hic.*

Utilius tamen & tutius, Interdicto quasi in rem agere propter commodum possessionis; ut scilicet possessionem retineat. *d. l. 1. §. 1.*

De itinere actûque privato.

T I T. XIX.

S Equuntur Interdicta quæ ad servitutes pertinent: de quibus duo prohibitoria, *l. 1. §. 1. l. 3. §. 11. hic.* ad iter, actum & viam, (quæ ex itinere & actu constat, *l. 1. pr. de serv. rust. præd.*) pertinentia, hoc titulo proponuntur.

Primo prohibet Prætor ei, qui itinere, vel actu, vel via hoc anno (à die Interdicti retrorsum computato, *l. 1. §. 3. hic.*) per se vel per alium, *d. l. 1. §. 7.* usus est, quominus ita utatur, vim fieri; nisi vi, aut clam, aut precario ab adversario sit usus. *d. l. 1. in pr. & §. 1.*

Eo dat actionem in id quod interest, itinere, vel actu, vel via non prohiberi. *d. l. 3. §. in hoc.*

Competit tantum pro servitutibus istis tribus rusticis, & quidem privatis, *d. l. 1. §. 1.* non pro urbanis. *d. l. 1. pr. ubi Bart.*

Sufficit in eo usus, nec juris probatio requiritur. *d. l. 1. §. 2.*

Secundo Prætor ei, qui hoc anno, itinere, actu, via, non vi, non clam, non precario, ab alio usus est, quominus iter, actum, viam, ut ipsi jus est (quod, ut & usus, probari debet. *d. l. 3. §. 13.*) reficiat, vim fieri vetat; *d. l. 3. §. 11.* modo adversario de damno infecto caveat. *d. l. 3. §. 11. §. 13. l. 5. §. ult. eod.*

Reficere hic significat, ad pristinam formam iter, & actum, & viam, reducere, hoc est, ne quis dilaret, aut producat, aut deprimat, aut exaggeret & aliud faciat: est enim reficere longe aliud facere. *d. l. 3. §. 15.*

Dantur duo hæc interdicta successio ribus; sive in
X jus;

432 *Digest. Lib. XLIII. Tit. XXI.*
jus; ut hæredes, bonorum possessorēs: sive in rem;
ut emptor, successerint. *fac. l. 5. §. 2. hic.*

De aqua quotidiana & æstiva.

T I T. XX.

Hoc titulo plura proponuntur de aquæductu
Interdicta prohibitoria.

Primum est de aqua quotidiana, *l. 1. §. 1. hic.* hoc
est, ea quæ assidue, vel æstate, vel hieme, duci solet,
licet interdum non ducatur, imò etiam si usum in-
termissione temporis habeat divisum. *d. l. 1. §. 3.*
vers. cotidiana. §. 4.

Quo Prætor ei qui hoc anno (id est, saltem una
die vel nocte hujus anni, *d. l. 1. §. 4.*) aquam (scilicet
perennem, quæ duci potest, *d. l. 1. §. 5. §. 6.*) duxit:
& à capite, (id est, unde aqua nascitur, *d. l. 1. §. ca-*
put.) non aliunde, *d. l. 1. §. hac interdicta.* nisi vi, aut
clam, aut precario ab adversario duxerit, vim fieri,
sive à domino fundi, sive ab alio, *d. l. 1. §. competit.*
vetat; quominus ita ducat. *d. l. 1. in pr.*

Nec refert utrum aqua debeat, an non de-
beat ei qui duxit, *d. l. 1. §. sed et si.* intra urbem,
an extra eam, *d. l. 1. §. fin. autem.* ad prædium rusti-
cum, an urbanum, & ad quem usum, ducatur: *d. l. 1.*
§. illud quaritur. modò actor putet se habere jus
aquæ ducendæ. *d. l. 1. §. sed et si. & §. Arist.*

Non prohibetur tantum per illud Interdictum
quis vim facere quominus aqua ducatur, *d. l. 1. in*
pr. sed etiam aliquid in fundo facere, quo aqua
inquinetur, vitietur, corrumpatur, deteriorve fiat:
d. l. 1. §. Labco. & per consequens sic factum resti-
tui jubetur.

Unde est Interdictum vel prohibitorium, vel re-
stitutorium. *d. l. 1. §. 1.*

Secundum Interdictum est de aqua æstiva: *d. l. 1.*
§. 30. hoc est, ea quam æstate tantum ducere licet,
vel expedit. *d. l. 1. §. 3. & §§. seqq. l. 6. hic.*

Quo Prætor ei qui superiori æstate aquam (à ca-
pite, non aliunde, *d. l. 1. §. 7. §. 39.*) duxit, nisi vi,
aut

aut clam, aut precario, ab adversario duxerit, quominus ita ducat, vim fieri vetat. *d.l.i. §.29.*

Competit utiliter, ei qui non superiori, sed hac æstate aquam duxit: *d.l.i. §.36.* qui aquam hybernam, id est, quæ hieme tantum duci solet, duxit. *d.l.i. §.35.*

Utrumque Interdictum, inter hæredes, bonorum possidiores, & emptores redditur. *d.l.i. §.29. §.37.*

Tertium Interdictum, est de aqua ex castello, id est, ex eo receptaculo, quod aquam publicam suscipit, ducenda *d.l.i. §.39. & §§. seqq.*

Quo Prætor ei, cui, aut cujus prædio, *d.l.i. §.43.* ex castello aquam ducere Princeps permisit, quominus ducat; vel, si de damno infecto caverit, quominus aquæ ducendæ causâ opus faciat, vim fieri vetat. *d.l.i. §.38. §.42.*

Idem competit de aqua ex rivo, aut flumine, aut quovis alio publico loco, ducenda. *d.l.i. §.41. l.3. §.1. §.2. hic.*

De rivis.

T I T. XXI.

Pertinet hoc Interdictum ad aquæ-ductus reficiendos, & purgandos.

Reficere est, id quod corruptum est, in pristinum statum restaurare. *l.i. §.6. hic.*

Purgandi verbum & ad rivum integrum pertinet, & ad eum qui refectione indiget. *d.l.i. §.7.*

Rivus est locus per longitudinem depressus, quo aqua decurrit. *d.l.i. §.1.*

Hoc Interdicto Prætor ei qui eodem anno vel superiori æstate aquam, sive calidam, sive frigidam, *l.3. §.5.* duxit, sive jus aquæ ducendæ habeat, sive non habeat, dummodo nec vi, nec clam, nec precario, ab adversario duxerit, vim fieri vetat, quominus aquæ ducendæ causâ, sive in publico, sive in privato, *d.l.3. §.4.* rivum, specum, septa reficiat, purget: sic tamen, ne aliter

484 *Digest. Lib. XLIII. Tit. XXIV.*
aquam ducat, quam antea usus est, *l. 1. in pr. & §. 8. §. 9. l. ult. hic.* & de damno infecto caveat. *d. l. 3. §. pen.*

Competit hoc Interdictum iisdem personis, & in eisdem, quibus & in quas, & de aqua Interdicta redduntur, quæ supra sunt enumerata. *d. l. 3. §. 7.*

De fonte.

T I T. XXII.

DUO hoc titulo, de usu fontis sive haustu aquæ, & pecoris ad aquam appulsu, *l. 1. §. 2. hic.* prohibitoria Interdicta dantur ei, qui de fonte, lacu, puteo, piscina, vivam aquam scilicet habentibus, *d. l. un. §. 4.* hoc anno, nec vi, nec clam, nec precario (saltem ab adversario) aqua usus est. *d. l. un. in pr. & §. 6.*

Primum est, ne vis ei fiat, quominus ita aqua utatur. *d. l. un. in pr.*

Competit illis & in illos, quibus & in quos superiora dantur interdicta. *d. l. un. §. 3.*

Secundum est, ne ei vis fiat, quominus fontem, vel lacum, vel puteum, vel piscinam, reficiat, ut aquam coercere, utique ea possit, dummodo non aliter utatur, atque eodem anno usus est; *d. l. un. §. 6. & §§. seqq.* & de damno infecto caveat.

Iisdem personis datur, quibus interdictum de aqua æstiva permittitur. *d. l. un. §. ult.*

De cloacis.

T I T. XXIII.

CLOACA est locus cavus, per quem colluvies quædam fluit. *l. 1. §. 4.*

Est vel privata, vel publica. *d. l. 1. §. 3.*

De privata est Interdictum prohibitorium: *d. l. 1. §. 1.* quo vetat Prætor vicinum, etiam ulteriorem,

d. l. 1.

d.l.i. §. ii. vim facere quominus ea reficiatur, purgetur, ab eo qui damni infecti cavet, *d.l.i. in pr.* licet vitiose possideat: quia publicè interest cloacas purgari. *d.l.i. §. 7.*

De publica cloaca, vel Prætor jubet, ut, quod quis in ea factum immissumve habet, quo usus ejus deterior sit, fiat, id restituat: vel prohibet, ne quid fiat immittaturve: *d.l.i. §. pen. §. ult.* vel prohibet, ne vis fiat eam purganti & reficienti. *l. 2. hic.*

Quod vi aut clam.

T I T. XXIV.

Hoc Interdictum generale est, & concurrat cum aliis actionibus. *l. 15. §. ult. hic.*

Eo Prætor opus, vi aut clam, sive in privato, sive publico, sacro, religioso loco, *l. 20. §. ult. eod.* factum, restitui jubet. *l. i. in pr. eod.*

Vi facit, qui per vim aut contra denunciationem facit. *d.l.i. §. 5. & §§. seqq.*

Clam facit, qui celavit adversarium, cum existimaret; aut existimare deberet eum esse prohibiturum. *l. 3. §. pen. & ult. l. 4. & l. 5. in pr. eod.*

Datur hoc Interdictum ei, cujus interest opus factum non esse, *l. 11. §. 10. §. ult. §. 12. l. 13. pr. & §. 3. & §. 4. eod.* etiamsi non possideat; *l. 16. in pr. eod.* ejus hæredibus.

In eum qui opus fecit, *l. 5. §. 8. hic.* sive jus faciendi habuerit, sive non; *d.l.i. §. 2.* In eum cujus familia fecit: *d.l. 5. §. 8. l. 7. §. 1. eod.* Cujus jussu factum: *d.l. 5. §. 8. §. 11. §. 12. §. ult.* In hæredes, & successores: *d.l. 5. §. 9.* In eum qui opus possidet. *d.l. 7. in pr. d.l. 15. in pr.*

In hoc competit, ut si possideat reus quod factum est, suis sumptibus restituatur: id est, reponat in antiquum statum, destructo opere quod vi clamve fecit: si non possideat, restitui curet à possessore, refuso eo quod interest, & fructibus restitutis: *d.l. 11. §. 4. d. l. 15. §. 7. §. fin. l. 16. §. fin. eod.* in

hæredes duntaxat, quatenus ad eos pervenit.
d.l.15. §.3.

Absolvitur reus si Interdictum instituitur post annum, *d.l.15. §.3.* à die operis perfecti, vel quo fieri desiit, computandum; *d.l.15. §.4.* si nuntiatio remissa sit; *l.7. §.2. eod.* si actor ipse opus vi, vel clam fecerat: *d.l.7. §.3.* si incendii arcendi causa opus fiat; *vid.d.l.7. §.4.* paratus sit iudicium subire & satisfactionem offerat. *l.3. §.5. eod.*

De remissionibus.

T I T. XXV.

Cessat superius Interdictum, si nuntiatio, quæ (ut dictum) in causa ut opus vi aut clam fieri dicatur, per remissionem sit sublata, *l.7. §.2. quod vi aut clam.* aut in ea causa, ut remitti debeat.

Remissio autem est nunciationis abolitio à Præ-tore facta. *l. un. per tot. hic.*

Qua de re Prætor sic interdicat: Quod jus sit illi prohibere ne se invito fiat, in eo nuntiatio teneat. Cæterum nunciationem missam facio. *d. l. un. pr.*

De precario.

T I T. XXVI.

Precarium est, quod precibus utendum petenti conceditur tamdiu, quamdiu is qui concessit, patitur. *l.1. in pr. hic.*

Precario concedi possunt res omnes non tantum corporales, sed & immobiles, jura, *l.1.2.3.4. hic. l.15. §.2. hic. servitutes. l.3. eod.*

Non transfert dominium, sed tantum usum; nec datur ad certum usum, neque ad certum tempus: *fac. l.25. §.1. hic.* puta ut ante illud finitum revocari nequeat; *l. cum precario. 14. hic.* alioqui tempus precario adjici potest. *l.4. §. fin. l.5. eod.*

Non est contractus, idèdque non parit actionem civilem,

civilem, (licet ex bono & æquo actio præscriptis verbis ex eo detur, *l. 2. §. pen. l. 19. §. ult. cod.*) sed tantum interdictum. *l. 14. hic.*

Quo prætor jubet, ut is qui ab altero precario habet, vel dolo malo fecit, ut desineret habere, id ei restituat. *l. 2. in pr. cod.*

Venit in illud tantum dolus & lata culpa; post interdictum tamen editum, ob moram ejus qui precario accepit, omnis causa. *l. 8. §. 3. §. 6. vers. plane.*

Competit ex illo actio ex bono & æquo, *d. l. 2. in perpetuum, d. l. 8. §. 7.* ei, qui precario concessit, sive sit dominus, sive non; *d. l. 8. in pr. & ejus hæredibus. d. l. 8. §. 1. hic.*

Adversus eum qui precario habet, non præcisè eum qui rogavit, *l. 4. §. 2. cod. & adversus ejus hæredes: l. 8. §. ult. l. 2. C. cod. & quidem non proprio, sed hereditario nomine. Quia heres in precarium non succedit, sed illud morte accipientis finitur. l. 12. §. 1. hic.*

Datur in hoc ut res restituatur, aut si hoc non fiat, aut fieri nequeat, fiat condemnatio, quanti aëtoris interest rem restitui; cum omni causa post Interdictum editum; id est, litem contestatam: proinde & fructus ex eo tempore præstandi erunt. *d. l. 8. §. 3. §. 4. §. 6.*

Perpetuum est; quia precarium aliquando ultra annum solet extendi. *d. l. 8. §. penult.*

De arboribus cadendis.

T I T. XXVII.

Interdicit Prætor hoc titulo de arboribus rusticis & urbanis.

De his sic: Si arbor (cujus appellatione & vitis continetur: *l. 1. §. 3. hic.*) ex ædibus tuis in ædes vicini impendat, si per te stet, quominus eam adimas, tunc, quominus illi eam arborem adimere, sibi que habere, id est, totam arborem succidere, ac ligna tollere, liceat, vim fieri veto. *d. l. 1. in pr. & §. 1. & §. 2.*

De illis sic: Si arbor ex agro tuo in agrum vicini impendeat, si per te stet, quominus pedes quindecim à terra eam altius coercereas, tunc, quominus illi ita coercere, id est, inferiores ramos amputare, lignaque sibi habere liceat, vim fieri veto. *d. l. 1. §. 7.*

De glande legenda.

T I T. XXVIII.

Interdictum hoc prohibitorium est, ne vis fiat vicino, quominus glandem, quæ ex ejus agro in tuum cecidit, tertio quoque die, legere & auferre liceat; *l. un. hic.* modò damni infecti caveat. *l. Iulianus. 9. §. 1. in fin. ad exhibend.*

Glandis nomine omnes fructus continentur. *d. l. un. §. 1.*

In alienum fundum, invito domino, ingredi regulariter non licet, *l. Divus. de serv. rust. præd.* quærendæ tamen rei suæ causa licet. *l. 15. ad exhib.*

De homine libero exhibendo.

T I T. XXIX.

DE libero homine (sive pubes sit, sive impubes, sive masculus, sive foemina, sui juris, an alieni: *l. 3. §. 1. hic.*) exhibendo, Interdictum exhibitorium est.

Quo Prætor libertatis ruendæ causâ jubet, ut quem hominẽ liberum dolo malo quis retinet, cum exhibeat. *l. 1. hic.*

Competit omnibus agere volentibus; *d. l. 3. §. 9.* Est enim quasi publicum: perpetuò, *d. l. 3. §. ult.* sed tantum semel, nisi ex justa causa. *d. l. 3. §. 13.*

Datur contra detinentem dolo malo, licet absens sit, *l. 3. §. pen. hic.* in id, ut hominem exhibeat, id est, in publicum producat: *d. l. 3. §. ait Prætor.*

Quod ni fiat, quanti ea res erit, *d. l. 3. §. 13.* & quidem

quidem sæpius, donec hominem liberarit, *d.l.3.*

§.13. *vers. si tamen.* reus condemnatur.

In absentem datur, ita ut, si non defendatur, in bonorum ejus possessionem actor mittatur. *d.l.3. §.pen.*

De liberis exhibendis, & item ducendis.

T I T. XXX.

DUO proponuntur hoc titulo interdicta, primum exhibitorium, secundum prohibitorium.

Primo Prætor jubet, ut extraneus, penes quem est filiusfamilias, non sua sponte, sed etiam sine dolo malo, invitus, quive dolo malo fecit, quominus penes se esset, eum parenti, in cujus potestate est, exhibeat. *l.1. in pr. & §.1. hic.*

Secundo, ne vis fiat parenti, quominus liberos, quos in potestate habet, ducere ei liceat. *l.3. in pr. hic.*

Primum est secundi præparatorium: liberi enim exhibendi sunt, ut duci possint. *d.l.3. §.1.*

Competit utrumque ei qui habet in potestate, *l.1. §.1. ff. l.2. C. eod.* adversus eum qui interdicto defendit: *d.l.3. §.3.* non adversus ipsum filium: *d.l.3. §.3.* neque eum, penes quem filiusfamilias sponte sua manet. *l.ult. hic.*

Eorum exemplo, & marito datur jus agendi, de exhibenda & de ducenda uxore, etiam adversus socerum. *l.2. ff. l. fin. C. eod. Paul. lib.5. sent. tit.6.*

Utrubi.

T I T. XXXI.

EST hoc Interdictum Utrubi (sic dictum à primis Edicti verbis) prohibitorium, §.1. *Inst. de interd.* retinendæ possessionis. §.pen. *Inst. eod.*

Competit pro retinenda possessione rerum mobilium. *l.un. pr. & §.1. hic.*

Obtinet duobus casibus. 1. Si is qui possidet rem mobili-

490 *Digest. Lib. XLIII. Tit. XXXIII.*
mobilem in ejus possessione turbatur. 2. Si duo de
rei mobilis possessione contendunt. *Pater in Enchir.*
Inst. tit. de interd.

Per illud vincit is, qui tempore illatæ turbatio-
nis & litis contestatæ non vi, clam, aut precario, ab
adversario quidem, sive per se, sive per alium, pos-
sidet. *d. l. un. §. 1.*

Ejus enim eadem vis est in rebus mobilibus, quæ
Interdicti Uti possidetis in rebus immobilibus.
d. l. un. §. 1.

De migrando.

T I T. XXXII.

Est hoc Interdictum prohibitorium, retinendæ
possessionis causâ comparatum.

Datur enim, inquilinis, non colonis, *l. 1. §. 1. hic.*
migrare volentibus, ne impedimentum creetur,
quominus abducere & asportare eis liceat, res
(etiam alienas, *l. 1. §. pen. & l. 2. hic.*) importatas,
quæ non sunt domino ædium pignoratæ: vel quia
in pignoris causam non venerunt, vel quia merces
soluta est, aut per dominum ædium stat quominus
solvatur. *l. 1. in pr. & §. 1. eod.*

Inquilino datur directum. *d. l. 1. §. 1.* Ei verò
qui gratuitam habitationem habet, utile competit.
d. l. 1. §. 3.

Est perpetuum: & datur successoribus, & contra
successores. *d. l. 1. §. ult.*

Minus frequens est, quia magis solet extra ordi-
nem inquilinis subveniri. *d. l. 1. §. 2.*

De Salviano Interdicto.

T I T. XXXIII.

Interdictum hoc (Salvianum, à Salvio Juliano
dictum.) est restitutorium, adipiscendæ possessio-
nis. *§. 3. Inst. de interd.*

Est duplex: Directum & Utile:

Illud

Illud domino fundi (de eo enim nominatim Interdictum loquitur.) competit de rebus coloni sibi, pensionis nomine, pignoris, contra quemcunque possessorem. *l. 1. §. 1. hic.*

Hoc datur domino prædii urbani, & domino fundi de partu ancillæ pignoratæ post eam venditam edito, *d. l. 1. pr.* & cuivis alii creditori, adversus ipsum debitorem, etiam extraneum possessorem. *l. 1. §. 1. Barr. in l. 1. hic. per l. 1. C. de precar. Salic. Cyn. in l. certi juris. 5. C. de loc. & cond.*

Sufficit in utroque probare, res pignoris nomine esse inductas; *d. l. 1. per tot.* nisi contra extraneum possessorem agatur: tum enim res in bonis fuisse debitoris oppignorantis, probari debet. *l. 5. C. si alien. res pign. obl. Ias. in §. item Serviana. n. 89. Inst. de action.*

Datur hoc interdictum hæredibus, & in hæredes, quia est rei persecutorium. *l. 2. C. de prec. & Salv. in cerd.*

D I G E S T O R U M

L I B E R XLIV.

De exceptionibus, præscriptionibus & præjudiciis.

T I T. I.

Explicatis judiciis petitoriis & possessoriis, explanemus nunc actiones & exceptiones, quæ omnibus judiciis sunt communes; & primò quidem exceptiones; quoniam & possessiones, objectis à possessore exceptionibus defenduntur.

Exceptio proprie dicta; (Cum alias actionis verbo generalissime sumpto contineatur, *l. 2. hic.*) est actionis exclusio, *l. 2. hic.* seu Rei conventi allegatio, per quam Actoris intentionem elidit; ut vel

planè eximatur damnatione, vel ea minuatur. *d. l. 2. l. 22. eod.*

Proprie dicitur exceptio, ea quæ actionem ipso jure competentem elidit; qualis est exceptio pacti: alia est exceptio facti, id est, defensio rei conventi, quâ ostendit se ipso jure non teneri: quæ improprie vocatur exceptio; quia nulla est actio quam excludat. *Pac. in Isag. hic.*

Sub exceptionis nomine, latius sumpto, comprehenditur, & replicatio, quæ exceptioni; duplicatio, quæ replicationi: triplicatio, quæ duplicationi; quadruplicatio, quæ triplicationi opponitur; & deinceps. *d. l. 2. §. 1. §§. seqq. hic. Inst. tot. tit. replicat.*

Præscriptio, proprie est, quâ modus, tempus, locus, aliæque circumstantiæ actionis determinantur & quasi circumscribuntur, *arg. l. 12. l. 13. C. hic. & promiscuè pro exceptione usurpatur. l. 11. l. 23. hic. l. contra. C. de inoff. test.*

Præjudicia (quæ alias crebrius in jure pro actionibus præjudicialibus accipiuntur. *l. 37. de O. & A. l. 1. §. 1. de R. V.*) hic significant exceptiones, quibus reus ita excludit agentem, ut dicat præjudicium, per novum aliquod judicium, quod adversarius molietur principaliori actioni, fieri non oportere. *l. 1. §. 1. famil. ercisc. l. 16. hic.*

Exceptiones aliæ sunt civiles, aliæ prætorix. *§. 7. Inst. eod.* Nullæ naturales. *Coras. 2. miscell. 16. num. 10. & seq. Diss. Dd. vulgo per Clem. pastoralis. de re judic. Panorm. in rubr. Ext. hic. Wesimb. hic.*

Rursus aliæ sunt dilatorix, quæ actionem differunt in aliud tempus: aliæ sunt peremptoriæ, quæ eam perimunt & extinguunt; ut rei judicatæ, solutionis, &c. *l. 2. §. fin. l. 3. hic.*

Dilatoriarum aliæ vocantur declinatorix, quæ iudicium & forum in quo agitur, declinant: *l. fin. C. eod.* aliæ proprie dilatoriæ, quæ ex alia causa litem differunt, ut exceptio pro curatoria. *vid. Specul. in tit. de except.*

Dilatorix judicii ante litem contestatam proponendæ sunt, & probandæ, *l. 13. C. de procur. Dd. in l. fin. C. hic.* post non admittuntur. *c. pastoralis. de excep.*

Nisi

Nisi reus ignorarit eas sibi competere ; *Wes. hic. m. 10. aut recens fuerint ortæ. Gl. in c. exceptionem. Ext. eod. Ias in l. 12. §. nihil. n. 137. de acq. poss.*

Dilatoriz actionis & causæ de qua agitur ; ut est exceptio pacti de non petendo , &c. intra certum tempus, demum lite contestatâ proponuntur. *l. exceptionem. ubi Dd. C. de probat. Myns. obs. 24. cent. 1. Wes. d. loc.*

Peremptoriz post litem contestatam opponuntur ; & agentis intentione probatâ, probantur. *l. 9. C. hic. c. cum venerabilis. eod.*

Quæ tamen ostendunt , aut actionem non competere, aut solutione, transactione, re judicata, &c. sublatam esse, & ante litem contestatam, *Ias. n. 15. 16. post Castr. in l. nam post ea. 9. de jurejur. Bald. in l. 4. circa fin. C. de pact. ad impediendum litis ingressum , Ias. post Bart. in d. l. nam postea. n. 16. & 17. Bart. in l. cum querebatur. judic. solv. opponi & in continenti probari possunt. Bart. in l. fin. n. 3. ff. pro suo. Bald. & Dd. in l. edito. C. de Ed. D. Adr. Toll.*

Exceptiones dilatoriz aut differunt , aut transferunt judicium: peremptoriz aut intentionem excludunt, aut minuunt. *l. 22 l. 23. hic.*

Illarum objectione lis non contestatur ; *Gl. & Dd. in l. 1. C. de lit. cont.* Omnino harum de jure civili ; *Bald. in d. l. 1. non de jure Canonico. per c. 2. de lit. cont. n. 6. c. 1. ubi Socin. de lit. cont.*

Sunt & exceptiones aliæ temporales , quæ ad tempus actionem differunt ; cujusmodi omnes sunt dilatoriz: *l. 3. hic.* aliæ perpetuæ, quæ in perpetuum actionem perimunt ; quales sunt omnes peremptoriz: *§. appellantur. & §§. seqq. Inst. hic. l. 2. §. ult. & l. 3. eod.*

Exceptiones pleræque in rem competunt : nonnullæ sunt personales , nec transeunt de persona in personam ; ut exceptio pacti personalis, & ne quis ultra quam facere potest conveniatur. *l. 7. hic.*

Opponuntur exceptiones , aut quia factum sit, quod fieri oportet, aut quia factum sit, quod fieri non oportuit, aut quia factum non sit, quod fieri debuerit.

Quia factum est quod fieri oportuit, datur exceptio rei venditæ & traditæ, & rei iudicatæ.

Quia factum est quod fieri non oportuit, datur exceptio doli mali.

Quia non factum est quod fieri debuit, ut bonorum possessionis non datæ. *l. 20. per tot. hic.*

Exceptiones (quæ olim à Prætoribus dabantur.) hodie quibuscunque verbis, scripto, vel absque scripto, viva voce, *Bart. in l. scire. §. oportet. de excus. tur.* proponi possunt, aded ut sufficiat vel nuda facti narratione ius exceptionis patefieri. *Dd. hic. & Socin. in l. 1. per l. itaque. 48. de procur. & l. 25. de act. empt.*

Ignorantiâ, vel inscitiâ, aliâve de causa omissas, iudex non supplet. *Gl. in l. si unus. 27. §. pactus. ad verb. in pactis. de pact. Castr. in l. un. n. 4. C. ut que desunt adv. jud. supp.*

Plures habens exceptiones, unâ omissâ, vel non probatâ, ad aliam redire non prohibetur. *l. 8. l. 5. hic.*

Postquam conclusum in causâ, exceptiones non audiuntur. *c. cum dilectus. 9. de fid. instr.* nec post sententiam quæ transiit in rem iudicatam, neque appellatione est suspensa: *l. 2. C. sent. resc. non poss. l. sub specie. C. de re jud.* Nisi temperent tantum modum executionis, sententiam non impugnent. *l. 41. §. fin. de re jud. l. 17. §. fin. solut. matr.*

Qui excipit, non facitur agentis intentionem esse veram. *l. 9. hic. c. exceptionem. de R. I. in. 6.*

Fungitur in exceptione partibus actoris. *l. 1. hic.*

Exceptionibus, quamdiu non agatur, nulla currit præscriptio. *l. purè. 5. §. fid. de dol. mal. & met. except.*

Quæ tamen non modò per modum excipiendi, sed & per formam agendi, vel per implorationem officii iudicis, (ut exceptio non numeratæ pecuniæ, *Bald. Salic. Dd. in l. si ex cautione. C. de non. num. pec.*) proponi possunt, triginta annis (quia imputari negligentia potest) præscribuntur, *Bald. in l. sicut. n. 13. & 15. C. de præscr. trig. ann. Cyn. Bald. Salic. in l. licet. C. hic. peræque atque actiones, l. 3. 4. 5. l. 8.*

l. 8. C. de præscr. 30. an. & officium judicis. Gl. in d. l. sicut. ad verb. persecutione. ubi Dd. Bart. in l. Prator. §. fin. n. 1. de oper. nov. nunc. Bald. in tract. præsc. 4. part. 4. princip. q. 30.

De exceptione rei judicatæ.

T I T. II.

PRæcedenti titulo generales Exceptionum divisiones explicavimus, nunc præcipuas exceptionum species proponamus.

Inter quas præcipua est exceptio rei judicatæ, ideo introducta, quia uni liti unum judicati finem sufficere oportet: ne aliter modus litium multiplicatus summam atque inexplicabilem faciat difficultatem; maximè si diversa pronunciarentur. *l. 6. hic.*

Huic exceptioni ut locus sit, opus est, ut sententia à iudice competente sit lata: *l. 4. §. 6. de re jud.* ut ab eâ intra decendum non sit appellatum: ut eadem res sive quæstio inter easdem personas revocetur. *l. 3. hic.*

Eadem quæstio est, cum vel res eadem iterum petitur, quamvis aucta aut diminuta, aut pro parte tantum petatur; *l. 7. l. 8. l. 14. in pr. & §. 1. hic.* vel eadem est causa petendi. *l. 11. §. eandem. l. 14. eod.*

Eadem personæ dicuntur non modò principales, sed etiam quæ in earum locum succedunt; *l. 4. l. 9. §. fin. l. 11. §. 2. & §. 3. & §. fin. hic.* quæque ab his mandatum habent. *d. l. 11. §. 7.*

Qui alia actione de eadem re agit, exceptione rei judicatæ submovetur. *l. 5. l. 7. §. pen. l. 8. l. 25. §. 1. eod.*

Potest tamen qui in rem egit, nec obtinuit, eandem rem sine metu exceptionis condicere. *l. ult. eod.*

Et is, qui in rem egit, iterum sine metu exceptionis rei judicatæ eandem rem petere potest, si vel antea causam ex qua rem suam esse dicit, expressit.

presserit, & nunc ex altera causa agat : *d.l. 11. §. 2. vel saltem agat ex nova causa, quæ postea supervenerit. d.l. 11. §. 4. l. 25. cod.*

Exceptio rei judicatæ non solum datur, sed & replicatio. *l. 9. §. 1. l. 24. cod.*

*De diversis temporalibus præscriptionibus,
& de accessionibus possessionum.*

T I T. I I I.

Annali actione intra annum utilem non intentatâ, præscriptio annalis agentem excludit. *l. 2. hic.*

Vendicanti rem præscriptio triennalis, aut decennii, vel vicennii, *l. 3. hic. §. 1. Inst. de usuc. aut triginta, vel quadraginta annorum, t. t. C. de præscr. 30. an. objicitur.*

Obstat & fisco temporalis præscriptio : nam à bonis vacantibus quadriennio, *l. 10. hic. l. 1. & tot. tit. C. de quadr. præscr.* à commissis quinquennio, *l. 2. de vectigal. in reliquis vicennio, l. 13. hic. l. 1. §. 3. de jur. fisc. excluditur : quod posterioribus constitutionibus est confirmatum. l. 4. C. de præscr. 30. an.*

Vicennio & omnibus publicis & criminalibus judiciis præscribitur. *l. querelam. C. ad L. Corn. de fals. l. 2. de requ. reis.*

Civiles actiones triginta annorum præscriptione eliduntur; *l. sicut. l. 4. C. de præscr. 30. an. §. 1. Inst. de perpet. & nemp. act.* Nisi brevioribus spatiis specialiter sint circumscriptæ; ut actio doli, *l. fin. C. de dol. mal. injuriarum, l. 5. C. de injur. adulterii. l. 5. C. ad L. Jul. de adult.*

Reliquæ omnes, tam publicæ & ecclesiasticæ, quam privatæ, quæ hæc tempora effugiunt, quadraginta annorum decursu præscribuntur. *d. l. 4.*

Quod tempus continuum est, *l. 31. §. 11. de usuc. & currit etiam adversus ignorantem, & absentem. l. fin. C. de long. temp. præscr. l. 3. C. de præscr. 30. an.*

In possessione considerantur accessionum tempora: tempus enim primi possessoris conjungitur cum tempore ejus qui ab illo causam habet.

Unde successor accedit tempus decessoris: & possessio defuncti vel venditoris accedit possessioni hæredis vel emptoris, *l. 11. l. 5. l. 6. l. 15. hic.* dummodò ipse quoque successor aliquo tempore possederit.

Accessio enim sine nostro tempore nobis prodesse non potest. *l. ult. hic.*

Sed de accessionibus possessionum nihil in perpetuum, neque generaliter definire possumus. Consistunt enim in sola æquitate. *l. 14. hic.*

De doli mali & metus exceptione.

T I T. I V.

NE cui, contra naturalem æquitatem, dolus suus per occasionem juris civilis prosit, à Prætoris exceptio doli mali proposita est. *l. 1. §. 1. hic.*

Quæ peremptoria. §. *perpetua. Inst. de except.*

Ei locus, cum fraus actoris arguitur. *l. 2. §. 1. eod.*

Suus enim cuique dolus nocere debet, non alienus. *l. 11. hic.*

Competit, ex eadem causa ex qua de dolo actio. *d. l. 2. in pr.*

Datur perpetuo, *l. 5. §. fin. hic.* cuicumque actionem æquitate defensionis infringere volenti. *l. 12. eod.*

Adversus parentem vel patronum, quia ejus existimationem, cui opponitur, suggillat, non datur, sed adversus has personas in factum excipiendum, nullâ doli factâ mentione. *l. 4. §. 16. §. fin. eod.*

Contra doli exceptionem replicatio doli non admittitur; *d. l. 4. §. 13.* omninò contra exceptionem Senarumconsulti Macedoniani. *d. l. 4. §. 14.*

Exceptio metus causa, (quæ etiam prætoriam, *d. l. 4. §. pen. peremptoria, §. perpetua. Inst. de action.*) datur ei, qui metu quid promisit, contra illum.

illum qui illud promissum petit, licet metum non intulerit.

Non enim inspicimus, an is, qui agit, metum fecerit, sed an omninò metus illatus sit. *d.l.4. §. pen.*

De metu non tantum ab authore, verum à quocunque adhibito, objici exceptio potest. *d.l.4. §. pen.*

Filius tamen eam parenti in cujus potestate est, objicere non potest. *d.l.4. §. ult.*

Distat à doli exceptione; quia in rem scripta: *d.l.4. §. pen.* & replicationem metus admittit. *l.12. §.1. quod met. caus.*

Quarum rerum actio non datur.

T I T. V.

Sed non semper exceptione opus est: puta in iis rebus quarum actio à Prætorè non datur.

Actio non datur, cum effectu puta; cum quis adversarium delato jurejurando, judicem de causa fecit. *l.1. pr. hic. l.7. de jurejur.*

Jusjurandum enim præstitum vicem rei judicatæ obtinet. *d.l.1. pr.*

Quia jurari potest de quacunque re, *l.34. pr. de jurejur.* & vel de tota, vel de parte; eatenus exceptio locum habet quatenus juratum est. *l.7. cod.*

Quæcunque actio, *l.3. §.1. & seqq. cod.* etiam actio ex jurejurando, *l.28. §. ult. l.29. cod.* per hanc exceptionem submovetur.

Quæ competit, ei qui juravit, *d.l.7.* ejus successor; *d.l.7. & ll. seqq.* reo ex jurejurando in rem fidejussoris. *l.1. §.3. hic.* fidejussori ex jurejurando rei principalis; *d.l.28. §.1. l. ult. §. ult. de jurejur.* correo jurantis; *d.l.28. §. ex duobus.* ei cujus procurator juravit. *l.9. §. pen. l. ult. §. sed et si. cod.*

Datur contra hanc exceptionem replicatio; ut propter minorem ætatem, *d.l.9. §. si minor.* propter creditores fraudatos, *d.l.9. §.5.* propter nova instrumenta post jusjurandum à judice delatum reperta. *l.31. cod.*

Nec

Nec dat Prætor actionem in iis, quæ onerantur libertatis causa patronus à liberto stipulatur. *l. 1. §. 5. hic.*

Quia tamen stipulatio, quantumvis dolo malo metuve sit inita, ipso jure valet, *l. 5. C. de inutil. stip. exceptione hoc casu opus est. l. 1. §. 6. hic.*

Sed quando res incidit in bonæ fidei contractum, tum etiam non oppositâ exceptione denegat actionem Prætor. *d. l. 1. §. 7.*

Nec refert, utrum tempore manumissionis, an ex intervallo stipulatus sit patronus, si liquidò appareat libertum metu solo, vel nimia patroni reverentia, ita promississe. *d. l. 1. §. 5. & §. 6. l. 2. §. ult. hic.*

Nec dat Prætor actionem de eo quod in alea gestum est. *d. l. 2. §. 1. l. 1. in pr. de aleator.*

Sed ita tribus prædictis casibus denegat Prætor actionem, si manifestum sit vel fuisse juratum, vel oneratam libertatem, vel in alea gestum: alioquin actio proponetur, eique exceptio objicietur. *l. 9. in pr. de jurejur.*

De litigiosis.

T. 1. 2. V. L.

Litigiosa res dicitur, de cujus dominio lis cum in jus vocato, *Nov. 112. c. 1. ejusve procuratore, tutore, curatore, l. 1. in fin. hic. mota est. l. 1. & Auth. litigiosa. C. hic.*

Fit litigiosa, in realibus adversario citato, & proposita petitione: *d. Auth. litigiosa, ubi Dd. in personalibus, litis contestatione. l. 2. ubi Gl. & Dd. C. eod.*

Quam si quis sciens vel ignorans emat, denegat actionem Prætor; quia alienatio irrita est: *l. 2. l. ult. §. 1. C. eod. sed & exceptio obstat dicitur; l. 1. §. 1. hic. ut in superioribus.*

Non irrita est alienatio; Ex causâ legati vel fideicommissi, dotis, ante nuptias donationis, transactionis, rerum hereditariarum divisionis, *l. 3. l. ult. C. eod.*

500 *Digest. Lib. XLIV. Tit. VII.*
C.eod. aliave justa & necessaria, facta. l. 5. de hered.
pet. l. 13. famil. ercisc.

De obligationibus & actionibus.

T I T. VII.

Post Exceptiones sequuntur Actiones; sed priusquam ad eas progrediamur, explicandæ nobis sunt Obligationes; ex quibus actiones oriuntur.
l. 42. §. 2. de procur.

Obligatio est juris vinculum, quo quis facere, vel solvere; vel præstare aliquid tenetur. *l. 3. in pr. hic.*

Est aut Naturalis, aut civilis:

Naturalis est, quæ ex naturali ratione causam habet, *l. 1. §. 9. hic.* & solo æquitatis vinculo nittitur.
l. 95. §. 4. de solution.

Ea est duplex. Una ex quadam naturæ affectione, & sic jure naturali primævo provenit: ut est obligatio ad antidota. *l. 25. §. 11. de petit. hered.* Aliæ ex secundo seu jure Gentium, orta ex conventionione & jure humano, quod conventiones servari præcipit. *l. 1. de pact.*

Et is natura debet, quem jure Gentium dare oportet. *l. 84. §. 1. de R. I.*

Civilis obligatio est, quæ vel oritur ex jure Civili, *vid. Gl. & Dd. in l. 5. de just. & jur.* vel eo confirmatur, ita ut actionem pariat. *l. 17. §. si quis. commod.*

Jus civile hic accipe, prout juri gentium opponitur, & sub se etiam jus prætorium comprehenditur.

Hæc obligatio à Justiniano definitur, juris vinculum, quo necessitate adstringimur alicujus rei solvendæ secundum nostræ civitatis jura. *in pr. Inst. de obligat.*

Civilis obligatio, est vel civilis propriè dicta, quæ à Lege introducitur; vel prætoria, quæ ex Edicto aliquo Prætoris descendit. *l. 52. §. lege. hic. l. 1. §. si. de const. pec.*

Proprie obligatio dicitur, quæ utramque & civilem & naturalem continet. *Gl. & Dd. in d. pr.*

Contrahitur obligatio, aut consensu; *d. l. 52.* tam verò, qui cum facto, tum verbo, tum etiam nutu declarari potest; *d. l. 52. §. fin. ubi Dd.* quam præsumpto, cujus usus est in quasi contractibus: *l. 5. §. 1. hic. t. r. Inst. de obl. qua ex quas. contr.* aut re, aut verbis: aut scriptura: *l. 1. hic. §. fin. Inst. de obl. & quib. mod. re contr.* aut lege, cum secundum vel contra leges quid facimus undè teneamur; *d. l. 52. §. lege.* aut facto & necessitate; *d. l. 52. circa fin.* denique ex variis causarum figuris. *l. 1. in pr. hic.*

Obligatio ut valeat, voluntas requiritur ejus qui consentire potest; puta puberis & mente compositis, tam patris, *l. 34. hic.* quam filii familias. *l. 39. eod.*

Impuberes qui intelligunt quid agatur, non civiliter, sed quod ad consensum attinet, naturaliter obligantur. *l. 1. §. 1. ff. de novat. l. 1. l. 5. pr. §. 1. ff. de auct. tut. l. 3. §. pupillus. ff. de negot. gest. l. 3. ff. commod. l. 13. §. 1. & 2. ff. de cond. jud. l. 43. hic. l. 127. ff. de verb. obl.*

Causa, ex qua obligatio constat, exprimi semper oportet: alioqui non constabit obligatio. *Bart. in l. qui sine de condict. sine caus. per l. 25. in fin. de probat. Dd. in l. 2. §. circa. de dol. mal. except.*

Nulla est rerum turpium, *l. 26. de verb. oblig.* aut impossibile, obligatio. *l. 1. §. 9. §§. seqq. l. 3 r. hic. l. 185. de R. I.*

Contrahitur rectè obligatio, aut proprio nomine, aut alieno: *d. l. 1. §. 8.* dum tamen initium & substantia obligationis in persona propria contrahentis consistat. *l. 11. hic.*

Recipit obligatio diem, *§. omnis. Inst. de verb. oblig. l. 41. §. 1. ff. eod.* & conditionem, *l. 42. hic.* non tamen potestativam: *l. 8. hic.* item modum, accessionem. *d. l. 44. §. pr. & §. 3. & §. 4.*

Ad dandum faciendumve aliquem obligat, *l. 3. hic.* actionemque ad id exigendum producit. *l. 42. §. ea obligatis. de procur.*

Obligatio contracta extinguitur & dissolvitur
mutuo

mutuo consensu, l. 58. de pact. solutione, & quicquid solutionis vim habet, tot. tit. Inst. quib. mod. toll. obl. interitu rei debitor ante moram, l. 45. hic. tempore, saltem per exceptionem, d. l. 44. §. 1. vers. placet. vel per prescriptionem. l. 3. l. 4. C. de prescr. 30. an.

Actio est, jus persequendi in judicio, quod sibi debetur. l. 51. hic. in pr. Inst. de action.

Ejus partes sunt tres, propositio major, propositio minor, conclusio. Bart. in si prius. l. 15. de oper. nov. nunc. Ias. in §. omnium. 115. Inst. de action.

Narratio facti (quam causam appellant Jurisconsulti: l. 14. de except. rei jud.) minoris locum obtinet: quod factum sic deduci debet, ut ex eo appareat medium concludendi. Bart. in l. certi conditio. n. 2. C. si cert. pet. & l. 2. C. de petit. her. Gl. in l. 1. de edend. & l. 2. §. circa. de dol. mal. exc.

Quod si hæc causa concludendi fuerit inepta, libellus ipso jure nullus erit. Bart. in l. edita. n. 1. C. de edend. per d. l. 2. §. circa. Ias. d. loc. n. 116. n. 117.

Conclusionis forma totam actionem ampliat, restringit, & moderatur. Bart. in l. Aurelius. §. Sticho. de liberat. leg. Ias. post Angel. in d. §. omnium. n. 127.

Actiones sunt aut in rem, aut in personam directæ, l. 25. hic. §. 2. Inst. de action. aut mixtæ. §. 20. Inst. eod. fac. l. 9. §. fin. l. 14. §. 5. ff. quod met. caus. l. 22. §. 4. ff. fam. erisc. l. 1. ff. fin. regund. §. 4. 5. Inst. de off. jud. l. 25. §. pen. ff. de petit. her. l. 7. C. eod.

In rem dicuntur vindicationes, in personam conditiones. d. l. 25.

Sed actionis nomine propriè actiones personales censentur. l. 28. eod.

Et πᾶν & civiles, & extraordinariæ, l. 37. eod. & criminales, l. 2. de crim. stellion. l. pen. si ex nox. caus. ag. comprehenduntur.

Sunt & aliæ actiones civiles, aliæ prætorix. l. 25. l. 35. hic.

Quædam pœnam; quædam rem familiarem, nonnullæ utrumque persequuntur. d. l. 35. §. 16. Inst. de action.

Rursus aliæ in simplex, aliæ in duplum, aliæ in triplum, aliæ in quadruplum, nec ulterius, concipiuntur. §. omnes autem. *Inst. eod.*

Pleræque sunt bonæ fidei, quædam stricti juris. §. actionum. *Inst. eod.*

Aliæ solidum, aliæ minus persequuntur. §. sunt præterea. *Inst. eod.*

Sunt quædam directæ, quædam contrariæ: & alio sensu quædam directæ, quædam utiles, quædam in factum; pleræque perpetuæ, nonnullæ temporales: quædam in hæredem transitorie, quædam non: nonnullæ universales, pleræque particulares: quædam præparatoriæ, aliæ principales: aliæ natives, aliæ dativæ. *Dd. in l. 7. §. quinimo. de pact. l. fin. §. rursus. n. 78. & §. item. n. 106. Inst. de action. Wes. hic. n. 11.*

Actiones origine ac inventionem sunt juris naturalis, at informatione, juris civilis; *Zaf. in l. 2. §. his legibus. de orig. jur.* hac distinctione adhibitâ, ut, quod ad actiones ex obligationibus proficiscentes attinet, eodem jure eæ initium coepisse dicantur, quo obligationes cæperunt. *arg. l. 7. de pact.*

Olim actiones formulæ vocabantur: *Vlp. tit. 25. Paul. lib. 3. sent. tit. 3. t. 1. C. de form. & imp. subl.* quoniam in impetratione & compositione, certisque verborum formulis consistebant.

Quibus hodie sublati, *l. 1. & 2. C. d. tit.* sufficit congruentem & aptam proponere actionem, etiam nullo certo nomine expresso. *c. dilecti. de judic.*

Ad quam propositam cogitur pars adversa respondere. *Auth. offeratur. C. de lit. const.*

Judex secundum eam, si probari potest, tenetur judicare, alioqui litem suam facturum. *l. fin. C. de fideic. libert. Bald. & Dd. in l. prolatam. C. de sent.*

Ea proposita interruptit præscriptionem. *l. fin. C. de præscr. 30. an.*

DIGEST. PARS VII.

LIBER XLV.

De verborum obligationibus.

TIT. I.



Equitur cæteras obligationes verborum obligatio, quia illis, earum adstringendarum & confirmandarum causa, *Paul. lib. 5. sent. tit. 7. in pr.* adjici solet; & ex aliis obligationibus pendet. *l. 5. hic.* Hoc est; Omnes causæ, res, ac negotia de quibus inter homines contrahitur, in stipulationem veniunt, ac transferri possunt, eademque quasi confirmantur. Id vero cum sit non ex aliis contractibus aut causis obligatio nascitur, sed ex sola stipulatione. *l. 6. ff. de novation.*

Dicitur verborum obligatio, quia jure civili (quo jure inventa. §. 9. *Inst. de action.*) ex solis verbis firma est; & magis verborum solennitate, quam æquitate conventionis constituitur.

Verborum obligatio, seu stipulatio (à stipulo, quod veteribus firmum significabat, dicta. *pr. Inst. hic.*) est, verborum conceptio, quibus is qui interrogatur, daturum facturumve se quod interrogatus est, respondet. *l. 5. §. 1. hic.*

Ut valeat, ad eam requiruntur: Ut uterque loquatur: *l. 1. §. 2. eod.* consentiat: *l. 1. §. 3. de pact.* præcedat interrogatio, sequatur responsio; *d. l. 1. §. 1. l. 137. eod. l. 1. C. de usur.* in continenti, aut post modicum intervallum: *d. l. 1. §. 1. d. l. 137.* sit conformis interrogationi: *l. 1. §. 3. §. fin. l. 65. hic.* partes se invicem intelligant, sive per se, sive per interpretem: *d. l. 1. §. fin.* sint præsentes: *d. l. 1. in pr.* stipuletur aliquid dari, vel fieri, *l. 2. in pr. eod.* vel
non

non fieri: *d.l.137. §. pen. sibi, non alteri: l.38. §.17. eod.* id promittatur.

Ubi nulla promissio est, nulla est obligatio. *d. l.1. §.1.*

Promissio verbis futuri temporis, *§.1. Inst. eod. ubi Dd.* & certis atque idoneis, quæ voluntatem significant, & ad interrogata congruant, *d.l.1. §.3. & §. fin. l.65. eod.* ac solennibus olim, hodie quibuscunque, id est, æquipollentibus, *d.l.1. §. si quis ita. ff. §. in hac. Inst. hic.* fieri debet.

Non tantum vivâ voce, sed etiam scriptâ oratione inter præsentes stipulatio rectè concipitur. *l.38. de O. & A. l.7. §. quod ferè. de pact.*

Si dubium quid actum sit, verba contra stipulatorem interpretantur, qui sibi imputare debet, cur non apertius sit locutus; & proinde quicquid non est verbis expressum, non suppletur, sed prætermisum intelligitur. *l.38. §.18. l.99. hic.*

Quocirca commodissimum ita stipulationes concipere, ut quæcunque specialiter comprehendí possunt, expressè contineantur; ob ea verò, quæ contrahentibus non occurrunt, & ob incertos casus doli clausula apponatur; *l.33. hic.* quâ respondens promittit dolum malum abesse abfuturumque esse. *d.l.38. §.13. l.121. in pr. eod.*

Causa stipulationis esse debet: stipulatio enim sine causa facta, ad nihilum redit; *l.2. §. circa. de dol. mal. except. Alex. conf. 19. n.3.4.5. vol.4.* ut & reliqui contractus obligatorii.

Nullâ apparente causâ, ne quidem donatio præsumitur; *d.l.2. §. circa. l.15. de fidejuss. l.25. §. fin. de probat.* nisi cum de animo donandi, aut certa scientia, undè is præsumitur, constet: *l. hoc jure. de donat. l.47. de oper. lib. Alex. d. conf. 19. n.4. & 5.* sed ignorantia potius, quam scientia, *l. verius. de probat. eod.* que fatua magis causa, quam donatio præsumitur. *l. generaliter. ubi Bald. C. de non num. pec. Ias. in l.3. de pact.*

Stipulatio autem alia consistit in dando, alia in faciendo. *l.2. in pr. hic.*

Dandi stipulatio est, in qua hoc agitur, ut res aliqua à promissore interroganti detur.

Faciendi stipulatio est, in qua facta versantur, sive negative, ut aliquid à nobis non fiat; sive affirmative, à novis comprehensa, ut quid faciamus. §.7. *Inst. hic.*

Hinc (quoniam facta pleraque sunt individua.) alia stipulatio dividua (quæ partium præstationem recipit.) alia individua (quæ non recipit. l.2. §.1. l.4. l.72. *hic.*) appellatur.

Dividua, Alia præstationem partium numero & re ipsa recipit, ut stipulatio earum rerum quæ numero, pondere, & mensura constant, ut pecuniæ: Alia dividua dicitur, non quod revera præstationem partium recipiat, sed quia dividitur ratione: ut obligatio speciei, puta Stichi. *fac. l.9. §.1. de solution.*

Plures enim possunt esse unius Stichi domini, & in eo partes habere. l.5. *de stipulat. serv.*

Sunt etiam stipulationes, quæ partis quidem præstationem recipiunt, sed nisi res debita tota solvatur: non satis fit obligationi: ut est obligatio generis cum hominem generaliter stipulor, aut lancem. l.35. §.4. l.2. §.1. *hic.*

Eadem est causa obligationis alternativæ, *Id. in l. si unus. 27. §. sed si stipulatus. de pact.* ut si promiseris hominem, aut decem. d. l.2. §.1.

Quare in his obligationibus parte solutâ, non liberatur partim debitor: unde & statim quod solutum est, repeti potest, & alia species dari. d. l.2. §.1. l.26. §. si decem. *de condict. ind. d. l.9. §.1.*

Individuæ stipulationes sunt earum rerum, quæ natura divisionem non admittunt: ut sunt servitutes, l.17. *de serv. & facta. l.72. hic.*

Quarum stipulationum natura etiam in personis hæredum non immutatur. l.2. §.2. *hic. l.2. §.2. de prætor. stipul.*

Quare si defunctus non potuit per partesolvere, ne hæredes quidem possunt; sed in solidum singuli tenebuntur. d. l.2. §.2. *hic. l.192. de R. I.*

Pro partibus enim hæreditariis si tenerentur (ut alias, l. 2. C. de hæred. act. l. 6. C. fam. ercisc.) ad nihilum recideret obligatio propter impossibilitatem solutionis: quia nec peti, nec solvi individua per partes possunt. l. 2. §. 2. l. 4. §. 1. hic.

Dandi stipulationes certæ: stipulationes facti, plerumque incertæ appellantur. l. 74. cum l. seq. hic. §. 1. Inst. eod.

Certæ sunt quando ex pronuntiatione apparet, quid, quale, quantumque est in stipulatione. d. l. 74. §. 1.

Incertæ, ubi hoc non apparet. l. 75. in pr. hic.

Omnis Stipulatio contrahitur Aut purè, ac tum statim debetur, & peti potest, §. 1. Inst. hic. licet præsens obligationis dies arbitrio solventis cedat: §. omnis. Inst. hic. Aut in diem certum, l. 41. hic. vel incertum; cum tempore, §. mortem. Inst. de inutil. stip. tum re; l. 73. hic. tum loco, & tum tacitè inest tempus indefinitum, arbitrato Judicis, id est, boni viri decernendum, quo ad eum perveniri potest: d. l. 73. l. 137. §. 2. hic. Aut ad diem, ut certo tempore duret obligatio; quâ in specie, tempore elapso, obligatio æquitate exceptionis tollitur: §. at si ita. Inst. hic. l. 44. §. 1. vers. placet. de O. & A. Aut sub conditione, non præteriti, sed futuri temporis; §. conditiones. Inst. hic. & qualicunque quidem, in casu tamen posita, §. sub conditione. Inst. eod. l. 59. l. 63. hic. non potestativa. l. 46. §. ult. l. 112. hic. l. 8. de O. & A.

Stipulari possunt res omnes, una pluresve, quæ in dando faciendove consistunt, & dari fierive possunt. l. 2. l. 29. ff. §. fin. Inst. hic.

Quæ dari fierive nequeunt, frustra & inutiliter stipulantur, cum impossibile nulla sit obligatio: l. 185. de R. I. sive natura dari nequeant; ut res quæ nec sunt neque erunt in rerum natura: §. 2. Inst. de inutil. stipul. sive lege; ut quæ extra commercium aut omnium sunt positæ, l. 83. §. sacram. l. 118. hic. aut etiam solius stipulatoris. l. 34. hic.

Si plures res conjunctim in stipulationem sunt deductæ, omnes peti possunt: Si disjunctim, pe-

nes promissorem electio est, nisi eam stipulator sibi constituerit. *l. 75. §. 8. l. 106. hic. Cujac. in l. 27. §. 7. de pact.*

Stipulatio rite contracta duplicem ad exigendum producit actionem, nempe conditionem certi & actionem ex stipulatu. *§. 1. Inst. hic.*

Illā datur quoties apparet, quid, quale, quantumque sit, quod promissum est. *l. 74. l. 75. hic.*

Quæ est actio personalis, perpetua, in hæredes transitoria. *d. l. 2. §. 2. l. 85. §. 2. ff. §. 5. Inst. eod.*

In qua ipsa res, quæ in stipulationem deducta, præstanda est. *d. l. 75. §. fin.*

Actio ex stipulatu oritur, quando incertum (scilicet specie, non toto genere. *l. 115. l. 94. ubi Ias. hic.*) in stipulationem est deductum.

Eā, aut ut præstet promissor conventa, aut id quod actoris interest, petitur. *l. 72. hic. l. 13. §. fin. de re jud.*

Quomodo in hæredes transeat, *vid. l. 85. hic.*

Quæ stipulationem vitient, *vid. Inst. de inutil stipular. per tot.*

De duobus reis constituendis.

TIT. II.

Non modò unus, sed duo pluresve & suscipere, & sibi querere verborum obligationem possunt, qui rei stipulandi, vel promittendi dicuntur; prout in hunc contractum veniunt. *pr. Inst. l. 1. ff. hic.*

Stipulandi rei appellantur duo pluresve qui eandem rem stipulantur: rei promittendi qui ejusdem debiti se reos unâ promissione constituunt. *d. l. 1. & §. 1. Inst. hic.*

Illi constituuntur, si pluribus interrogantibus aliquid sibi dari vel fieri, post omnium interrogationem de eadem re, eodemque facto separatim factam, promissor conjuncta oratione respondeat; *Spondeo, sive, utrique vestrum dare spondeo.*

Si prius uni, deinde alteri interroganti respondeat,

deat, alia atque alia erit obligatio, nec creduntur duo rei stipulandi esse. *d. §. 1. Inst. l. 6. ff. eod.* Cum reus promittendi separatâ suâ responsione eos dividerit. *l. 9. ff. eod.*

Rei promittendi constituuntur, quando duo pluresve stipulanti eandem rem vel factum promittunt: sive respondent conjunctim omnes; ut, *Mavi decem aureos dare spondes, & Sei eosdem decem aureos dare spondes?* Si Titius stipuletur; & omnes respondeant simul *sponderamus*; vel singuli separatim *spondeo*. *d. §. 1. l. 4. hic.* Nihil enim in reorum constitutionem, rei verbo singulari an plurali utantur, refert. *Gothofr. in l. 4. ff. eod.*

Non erunt rei promittendi, si conjunctim ab illis stipulatus sit aureos decem, aut scriptum inveniat illos aureos decem spondidisse: tum enim quia particula copulativa in viriles obligationem dividit, *l. 2. §. si quis ita. de eo quod cert. loc. l. 110. de V. O.* intelligitur quisque viriles partes promississe; & sic separatim suam unusquisque obligationem sustinet; *l. 11. §. 1. hic.* rei autem promittendi singuli in solidum ad eandem rem obligantur. *l. 3. §. fin. eod.*

Ex intervallo, modò sit modicum, *l. 6. §. 1. hic. l. 137. in pr. de V. O.* rectè duo rei constituuntur, ac frustra timetur novatio, cum hoc agatur, ut duo rei constituentur, neque ulla novatio fiat. *d. l. 3. in pr.*

Si ex duobus reis qui promissuri sunt, hodie alter, alter postera die respondeat, non erunt duo rei, ac ne obligatus quidem is, qui postridie respondet: *l. 12. hic.* cum post stipulationem ad alia negotia sit decessum, priusquam promissio fieret.

Potest ex duobus reis promittendi, unus purè, alter in diem vel sub conditione obligari. *§. fin. Inst. l. 7. ff. hic.*

Nec enim dispar obligationis qualitas impedit, quominus uterque eandem summam repromississe videatur.

Non erunt rei promittendi, si sit in quantitate

inæqualitas; aut si unus dolum duntaxat, alter culpam, aut hic decem, alter viginti promittat. *l. 9. §. 1. l. 15. hic.*

Inæqualitas enim quantitatum, facit inæquales & proinde dispares obligationes, cum tot sint diversæ stipulationes, quot res diversæ. *l. 29. de V. O.*

Constituuntur rei stipulandi & promittendi duo pluresve, vel expresse cum hoc inter partes actum est; *l. 11. §. 1. hic. Auth. hoc ita. C. eod.* vel tacite, quando id apparet ex conceptione & natura verborum.

Quod fit, vel per clausulam obligandi in solidum in instrumento expressam: *d. l. 11. in fin.* vel per dictionem alternativam, vel disjunctivam, quæ cuilibet actum in solidum tribuit; Ut si testator Caium & Titium hæredes instituens, dicat, Caius aut Titius decem dent Sempronio, uterque in solidum obligatur: *l. 8. §. 1. de legat. 1.* vel per dictionem distributivam, quæ cuique in solidum actum tribuit; Ut, si Caius & Titius cuilibet, vel uterque eorum mihi eadem decem promittat: *l. 44. pr. junct. Gl. 1. de legat. 2.* vel per copulativam, modò iidem sint actus stipulandi, & una oratio promittentium, & res eadem pluries fuerit repetita & promissa. *d. l. 11. §. 1. Pater in Enchirid. Inst. hic.*

Rei stipulandi si plures sint, singulis in solidum debetur; & ex iis quilibet id quod in stipulationem deductum est petere & exigere, *l. 2. hic.* & à quolibet ex reis promittendi, potest: *l. 3. §. fin. l. 11. hic.* Licet ad eum quem eligit, nihil ex pecunia mutuo data pervenerit, sed alteri tota numerata sit. Sufficit enim quod omnes de reddenda promiserint, seque principales constituerint. *l. 3. C. hic. fac. l. 5. C. si cert. pet.*

Tenantur enim singuli in solidum. *d. l. 2.*

Qui tamen solidum exactus est, regressum adversus correm habet. *not. in l. 2. C. hic.*

Hodie ex jure novissimo correi debendi, beneficium habent divisionis: *Auth. hoc ita. C. eod.* Imò
ne.

ne constituuntur quidem aliter quam si id expresse actum sit. *d. Auth. hoc ita.*

Quod beneficium istis denegatur, si illi renunciatum sit; reliqui correi non sint solvendo, & sint absentes. *d. Auth. hoc ita.*

Ex duobus reis stipulandi si semel unus egerit, alteri promissor offerendo pecuniam nihil agit. *l. 16. hic.*

Sanè solutione aut novatione unius tota tollitur obligatio. *l. 2. 3. hic.*

Novare tamen correat invito altero non potest. *l. si unus. de pact.* Novatio enim tantum mutat obligationem.

Nec pactum vel factum unius, alteri nocet vel prodest. *l. 10. hic. l. 27. de pact. l. 34. de recept. arb.*

Quod intellige verum esse in personalibus: in iis enim quæ ad ipsam, obligationem pertinent, quorumque potestas, lege obligationis ad solos correat pertinet, alterius factum alteri nocet: *l. pen. hic.* ut sunt solutio, & quæ loco solutionis cedunt. *l. fin. C. hic. l. 2. ff. eod.*

Cum unus correat alteri hæres existit, utraque causæ cognitio manet, nec una ab altera perimitur. *l. 13. hic. l. 93. de solut. l. 71. de fidejuss.*

Nec, si correi promittendi socii non sunt, proderit uni, scilicet ac compensationem; quod stipulator alteri eorum pecuniam debeat. *l. 10. hic.*

De stipulatione servorum.

T I T. III.

Stipulatio fit vel ab homine libero, vel à servo.

Nam & servi, etiam hæreditarii, §. 1. *Inst. hic.* (cum hæreditas personam defuncti sustineat, *l. 34. de acq. rer. dom.*) stipulandi jus habent ex persona domini, cui acquirunt: *pr. Inst. hic.* non ex sua persona; quia stipulatio est contractus juris civilis, §. 9. *Inst. de action. Gl. in l. 5. de just. & jur.* quo jure servi pro nullis habentur. *l. 32. de R. I.*

Y 4.

Nec

Nec interest servus sibi; an domino; an sine adjunctione stipuletur. *l. 1. in pr. hic.*

Sane si factum stipuletur, quod suam personam respiciat: ut sibi licere agere, ire, &c. persona tantum stipulantis continebitur. §. *pen. Inst. eod.*

Servus communis stipulando utrique domino, pro domini seu dominica, *l. 37. ff. hic.* portione acquirit; nisi jussu unius, vel alicui nominatim stipulatus sit, vel res alterius domini sit. Tunc enim uni soli in solidum acquiritur. §. 3. *Inst. l. 1. §. 4. l. 5. hic.*

D I G E S T O R V M L I B E R XLVI.

De fidejussoribus & mandatoribus.

T I T. I.

Subjungitur fidejussionis materia præcedenti, quia fidejussores sine stipulatione non obligantur. *l. 12. C. hic. l. 5. §. 2. de V. O.*

Jure puta Romano. Hodiernis enim moribus & nudo pacto, & per epistolam, procuratorem, interponi & accipi possunt. Si quidem stipulationum solemnitas extra usum abiit.

Fidejussor largè accipitur pro omni eo qui alterius obligationem suscipit, & fide sua esse jubet: undè fidejussor dictus. *l. 7. §. 8. de dol. mal. l. 8. §. 2. ad SC. Vell.*

Propriè (ut hic) est is, qui pro alio principali debitore, suo nomine stipulanti promittit, & salva manente principali obligatione, eam fide sua esse jubet, id est, pro ea se obligat. *l. 8. l. 4. 5. l. 23. ff. l. 12. C. hic.*

Fidejubere possunt omnes qui obligari; *Atque in pr. C. hic.* nisi specialiter prohibeantur, ut foeminae, propter Senatus-consultum Velleianum: *et, et. ff. & C. ad SC. Vell.* milites, *l. 31. C. de loc. & cond. servi.*

servi extra rem peculiarem inscio domino, l. 19. l. 20. hic. pupilli & minores sine autoritate tutorum ac curatorum. l. 48. hic. l. 7. §. non solum. de minor.

Cum eorum autoritate obligantur, sed in integrum restitui possunt. d. l. 48. d. l. 7. §. non solum.

Minores, ex communi sententia, sine curatorum consensu fidejubendo non obligantur: l. 3. C. de iu int. rest. nisi curatorem non habeant; l. 101. de V. O. ubi Dd. aut dolo deceperint adversarium tanquam maiores, vel curatorem non habentes. t. t. C. si min: se major dix.

Accipitur fidejussor, idem, ut magis cautum sit stipulanti: quia contingere potest ut reus principalis non sit solvendo. l. 1. §. 8. de O. & A. in pr. Inst. hic.

Accedere potest omni omnino obligationi, l. 1. 4. 8. §. 1. ff. §. 1. Inst. eod. qualitercunque contractæ, (sed secundum leges efficaci, Gl. in §. 1. super verb. omnibus; Inst. eod. per l. 46. ff. eod.) non modò principali, sed & accessorix: l. 27. §. ult. d. l. 8. §. fin. hic. tam civili, quam naturali: l. 7. l. 16. §. 3. l. 25. eod. etiam criminali: d. l. 8. §. 5. & 6. l. 58. §. fin. hic. At hætenus tantum, ut ad pœnam pecuniariam, l. 4. de custod. reor. non corporalem obligetur. Dd. in l. 70. §. fin. hic. per l. 13. ad L. Aquil.

Obligationi tamen quæ nullo jure tantam vim habet, ut conditionem indebiti impediatur, haudquaquam rectè accedit fidejussor: ut cum quis præscriptione temporis ab obligatione liberatur. l. 37. hic. junct. l. 15. §. 1. de cond. ind. l. 8. C. de præscr. 30. an. text. & Gl. in l. fin. §. fin. rem rat. hab.

Quippe fidejussio, cum sit accessorix, l. 34. hic. principalem obligationem cui adhæreat, l. 11. eod. l. 1. §. debitum. l. 5. de const. pecun. requirit.

Quare nec tunc tenebit, cum pro non obligato, ut in d. l. 11. aut turpi, improbatoque legibus contractu, interceditur: l. 46. hic. cas. vid. in l. 21. l. 56. §. 1. hic.

Adhiberi potest fidejussor vel pro præsentia, vel pro futura obligatione. l. 6. in fin. ff. §. 3. Inst.

§ 14. *Digest. Lib. XLVI. Tit. I.*
hic. modò certo sit secutura principalis. d. §. 3.
l. 37. hic.

Non tamen conveniri potest, antequam reus principalis sit obligatus. *l. 57. eod.*

Nec tenetur ad aliud, quam id ipsum, quod in principali obligatione comprehensum est. *d. l. 8. §. 7. & 8.*

Ita ut plus non debeat fidejussor; sive quantitatis, sive rei, *l. 16. §. 1. hic.* sive loci, *d. l. 16. §. 2.* sive temporis, *l. 49. §. 2. eod.* ratione, plus intelligatur. Ne plus sit in accessorio, quam principali. *§. 5. Inst. eod. vid. Bart. dist. in l. hi qui. 34. hic.*

In duriores enim causam fidejussor acceptus nō ad id quidem obligatur, quod principalis debet. *l. 8. §. 7. eod.*

Quod verum putat *Wesimb. hic. n. 5.* cum alia est obligatio: ut cum debitor sub conditione, fidejussor purē promittit: *d. l. 8. §. 7.* aut debitor obligatione dandi tenetur, fidejussor factum promittit. *Gl. in l. 49. §. 1. ad verb. neuter. de V. O.*

Cum non alia est obligatio, sed major summa promittitur, nonnulli Interpretes fidejussionem valere volunt, saltem in eam quantitatem cui obnoxius principalis debitor. In majore enim summa inest minor: *l. 1. §. 4. l. 27. §. 5. de pact.* Sed alii rectius id negant. *§. 5. Inst. l. 8. §. 7. ff. hic.* Quorum sententiam in Meth. nostr. Cod. enarrat. probavimus.

Efficacius tamen fidejussor obligari potest quam principalis, *d. l. 16. l. 7. l. 25. hic.* puta sub jramento; sub instrumento habente paratam executionem, *Bart. in l. hi qui. n. 11. hic. Bald. in l. si pro ea. n. 6. C. mand.* cum adjunctione alicujus poenae vel facti: *Gl. in l. sicut. 65. in fin. hic. Bart. in l. centum. n. 6. de eo quod. cert. loc.* principali tantum simpliciter obligato.

Potest fidejussor vel purē, vel sub conditione, vel ad tempus, vel ex tempore dari, &c. accipi. *l. 38. mand. l. si pro ea. 10. C. eod.*

Dari debet idoneus; nisi à necessariis personis,
à qui-

à quibus qualiscunque accipi debet. *l. 1. & 2. in jus vocat. ut eant.*

Idoneus est, qui talis est ut stipulationem efficaciter de jure contrahere possit; *l. 3. hic.* qui rem in fidejussionem deductam solvere potest; *l. 234. §. 2. de V. S.* qui copiam sui conveniendi facit. *l. 2. qui satisfd. cog.*

Quales qui non sunt, licitè recusantur. *l. 3. hic.*

Qui tamen eos recipit, probasse videtur: *d. l. 3. hic.* ut tutiori cautioni locus non super sit, et si ignorantiam prætexat. *arg. l. 1. §. 1. Ut in poss. legat. l. 19. de R. I. l. 5. si cert. pet. l. 223. de V. S. Alex. vol. 5. conf. 60. col. 1.*

Tenetur fidejussor ad id quod tempore fidejussionis in obligatione principali fuit, sive sors, sive usura, peræque ac principalis debitor: *l. 4. l. 68. §. 1. hic. l. 5. C. de pact. int. emt. l. 8. C. quod cum eo qui in al. pos. non verò ad id quod ex mora & delicto debitoris accedit. l. 8. de eo quod cert. loc. l. 22. de O. & A.* Nisi in omnem causam fidejusserit. *l. 54. locati.*

Possunt, in solidum, si plures sunt, conveniri, *§. 4. Inst. l. 3. l. 16. l. 23. C. hic.* etiam ante principalem debitorem. *l. 2. 3. 5. C. eod.*

Et non tantum ipsi fidejussores tenentur, sed & eorum hæredes, *§. 2. hic. l. 4. §. 1. hic.* etiam horum non factâ mentione. *l. 13. C. de contr. stipul.*

Qui, si plures sunt, pro partibus tenentur hæreditariis; si unus, in solidum. *l. 24. l. 49. §. 1. hic.*

Hodie ex beneficio Epistolæ D. Hadriani, fidejussores, si plures sunt, & in eandem summam se obligaverint, (non si diversarum stipulationum sunt fidejussores, *l. 43. l. 51. §. 2. ff. hic.*) habent beneficium divisionis, Nisi ei renuntiaverint; *l. ult. ff. l. pen. C. de pact.* quo (exceptione oppositâ) cogit fidejussor, in solidum conventus, creditorem actionem suam dividere in singulos, qui tempore litis contestatæ solvendo sunt, & ita eos pro partibus convenire. *l. 26. & ll. seqq. l. 51. ff. l. 10. §. 1. C. §. si plures. Inst. hic.*

Inopis tamen fidejussoris, & obligatione ex-

empti portionem reliqui sustinent. l. 48. l. 27. ff. l. 3. C. cod.

Nec jure novo, nisi absente debitore, vel quia ob potentiam conveniri facile nequit, *Ias. in §. item si quis. n. 68. Inst. de action. ubi Angel. aut excussis principalis debitoris bonis, fidejussor aut ejus pignora, §. 1. ubi Gl. in Nov. 4. Auth. hoc ita si debitor. C. de pign. possunt conveniri. Auth. praesente. C. hic.*

Est hoc beneficium per exceptionem opponendum. Si non opponatur, judicium valebit. *Gayl. 2. obs. 27.*

Potest unus ex multis fidejussoribus à creditore conventus desiderare, ut is jus pignoris, vel actiones, sibi contra confidejussores cedat. l. 17. ff. l. 2. l. 11. l. 14. C. cod.

Non enim habet actionem contra confidejussores, qua partes ab eis repetat, d. §. si plures. nisi à creditore actio sibi cessã sit. l. 39. hic.

Quã cessione negatã, ultra partem virilem non tenetur. l. 2. C. hic. *Hipp. de Mars. tract. de fidejuss. n. 27.*

Contra principalem fidejussori datur actio mandati, l. 14. C. hic. videlicet si ejus mandato fidejussit; alioquin aget negotiorum gestorum. l. 20. §. 1. mandati.

Si pro invito, vel donandi animo fidejussit, nullam habet, ad id repetendum quod solvit, actionem. l. 6. §. si passus. l. 40. cod.

Nec datur fidejussori actio antequam exsolvat; nisi aliter sit conv.atum, aut debitor dilapidare cœperit, l. 28. ff. mand. aut diu in solutione cessaverit; l. 38. §. 1. ff. cod. *Bald. in l. 10. C. cod. aut ipse fidejussor condemnatus sit; l. 10. C. mand. aut in fidejussorem parata sit ex instrumento guarentigiato executio, Bald. d. loc. aut fidejussio ad tempus sit coarctata, fac. l. 1. de pact.*

Solutione factã, aut potestate agendi ex dictis causis concessã, fidejussor, non modò principale debitum quod solvit exigere potest, sed quicquid fidejussionis nomine, damni injuriæve passus est. *Bald. in d. l. 10. n. 15.*

Fide-

Fidejussori similis est mandator.

Qui est is, cujus mandatu contrahitur, vel qui mandat alicui credi, aut cum aliquo contrahi, atque ita fide suâ esse jubet, vel se soluturum esse constituit. *l. 12. §. si post creditam. mand. Gl. 1. & Dd. in Nov. 4. in pr.*

Habet prædicta beneficia ordinis, divisionis, & cedendarum actionum. *l. 41. §. 1. ff. hic. l. ult. C. de constit. pecun. Nov. 4. c. 1.*

Differt à fidejussore, 1. Quia tenetur creditori, non ex stipulatione ut fidejussor, *l. 1. §. verbus. & §. seq. de O. & A. §. ult. Inst. hic.* sed mandati, ut quia mandavit pecuniam Titio credi. 2. Quia semper obligationem præcedit; *l. 12. §. si post creditam. mandati.* non etiam, ut fidejussor, sequitur.

De novationibus & delegationibus.

T I T. II.

Dissolvuntur obligationes omnes, novatione, solutione ejus quod debetur. & acceptilatione.

Novatio (à novo & nova obligatione dicta. *l. 1. pr. hic.*) est duplex, vel in specie sic dicta, vel delegatio.

Novatio in specie, est prioris debiti in aliam obligationem vel civilem, vel naturalem, transfusio atque translatio: hoc est, cum ex præcedenti causa ita nova constituitur, ut prior perimatur. *d. l. 1. in pr.*

Si aliud debitum in obligationem deducatur (ut, pro equo, qui prius debebatur, decem;) non erit novatio, sed alia separata obligatio. *l. 26. §. si centum. de cond. indeb.* nisi id sit inter partes actum. *Salic. in l. fin. n. 3. C. hic. Bart. in l. pen. de præst. stipulas.*

Est novatio vel voluntaria, quæ fit, voluntate contrahentium, per stipulationem: Et est proprie novatio: vel necessaria, quæ fit iudicio: *l. 29. ff. l. 1. l. 3. C. hic.* id est, cum debitor est condemnatus, *l. 14.*

§. *quid si homo. quod met. caus.* l. 16. §. *si plures. de pignor.* & cum is, cui mandatæ sunt contra Titium actiones, cuive Titius delegatus est, cum iudicio convenit, & litem contestatus est. l. 11. §. 1. ff. l. 3. C. *hic.* Et improprie novatio dicitur. *Donel.* 16. *com.* 20.

Novare possunt ipsi tantum creditores, qui rerum suarum habent administrationem, aut alii ipsorum jussu: l. 3. l. 20. *hic.* aut qui dominorum loco sunt: ut tutores, curatores: l. 20. §. 1. l. ult. ff. *hic.* non alii; l. 2. l. 23. l. 25. C. *de pact. per* l. 13. ff. *de neq. gest.* nequidem si illis solvi possit. l. 10. l. 16. l. 35. ff. l. 4. C. *hic.*

Novari omnis obligatio potest, l. 1. §. 1. l. 2. *hic.* omniaque debita, d. l. 2. §. 1. etiam una stipulatione plures. l. fin. §. 2. *cod.*

Non conditionalis obligatio, antequam extet conditio; nec futura, antequam ipsa constiterit obligatio. l. 8. §. 1. l. 14. pr. & §. 1. *hic.*

Fit novatio aut purè, aut in diem, aut sub conditione: ita tamen ut non ante conditionis eventum perfecta esse intelligatur. l. 14. l. 31. *hic.*

Ut fiat, neque posterior obligatio priori accedat, olim sufficiebat quomodocunque id agi, ut obligatio novaretur, l. 2. *hic.* hodie ex Justiniani constitutione, opus est id expressè agi, ut prima obligatio aboleatur, nova fiat. l. ult. C. *cod.* §. *pen. Inst. quib. mod. toll. obl.*

Quare prorogato solutionis termino, non intelligitur facta novatio, nec fidejussores liberantur. *Ias.* in l. 1. n. 18. & 19. cum seqq. C. *de judic.* & in l. *lecta: si cert. per.*

Novatione factâ, prior obligatio, unâ cum accessoriis, fidejussione puta & pignoribus perimitur, l. 18. *hic.* & ex secunda is qui novavit, tenetur.

Delegatio, est vel crediti sive actionis quæ ceditur seu mandat; l. 51. *de pecul.* vel debiti seu debitoris. *de qua hoc titulo agitur.*

Illâ fit solo consensu delegantis & ejus cui delegatur: hæc requirit consensum etiam delegati. l. 1.

& l. 6. C. hic. quia nemo invitus obligatur. l. sicuti. C. de action. l. nec emere. C. de jur. delib.

Delegatio debitoris, est mandatum quo creditor jubet debitorem quod ipsi debet alteri promittere. Treutl. diss. hic. th. 6.

Delegare enim est vice sua alium reum dare creditori, vel cui creditor jussit. l. 11. pr. hic.

Delegare possunt iidem creditores, qui novare. l. 15. de solution. l. 3. l. 9. l. 20. l. 130. hic.

Delegantur debitores, l. 11. hic. & quidem volentes, non inviti, l. 1. l. 6. C. eod. quod is qui delegatur stipulanti debeat promittere, ideoque utriusque consensu negotium perfici. l. 1. C. eod.

Fit delegatio quidem quovis consensu, etiam citra stipulationem, l. 17. hic. sed ut per eam fiat novatio, necesse est ut creditor à debitore sibi delegato stipuletur, vel litem contra eum contestetur. l. 1. l. 3. C. eod.

Vndè dictum est, delegationem (nempe perfectam quæ obligationem novet.) fieri vel per stipulationem, vel per litis contestationem. d. l. 11. §. 1. hic.

Per stipulationem fit, cum debitor meus, creditori meo vel alii cui jusserim, rem mihi debitam promittit.

Per litis contestationem fit delegatio, veluti si quis pro reo convento iudicium subeat, & litem contestetur non invito aëto. d. l. 11. hic. l. 23. de solution. Duar. hic. c. 5.

Delegatione ritè factâ, jure novationis prior contractus evanescit, l. 2. & 3. C. hic. & delegans debito liberatur. d. l. 3. Licet delegatus non sit solvendo. d. l. 3. in fin. Quia bonum nomen creditor accepisse videtur, qui eo contentus fuit, idque ipsum quale initio obligationis fuit secutus est, ut ejus periculo id nomen sit. Nisi tamen debitoris periculo ab ejus debitore stipulatus fuerit. Tum enim pecuniæ quæ à delegato servari non potuit, exactio salva est. l. 18. ff. de fidejuss. l. 26. ff. mand. l. 186. §. 1. ff. de verb. signif.

Exceptio quæ obijci poterat deleganti, non potest

test obijci ei, cui facta delegatio; nisi eadem ratio sit. *l. 19. hic.*

De solutionibus & liberationibus.

T I T. III.

Solutio in genere, est quivis actus, quo debitor liberatur ab obligatione, quâ creditori devinctus est. *l. 54. hic. l. 176. l. 47. de V. S.*

In specie, est realis ejus quod debetur, legitimè facta præstatio.

Solvere potest quivis rerum suarum habens administrationem: *l. 14. §. 1. l. 23. l. 40. hic.* licet alius debeat, & is id ignoret. *l. 66. l. 23. l. 53. l. 56. l. 44. hic.*

Qui sub tutoribus & curatoribus degunt, ut sine horum autoritate contrahere nequeunt, sic nec solvere possunt. *l. 14. §. 1. cum ll. seqq. hic.* Ita quidem ut nummos accipientis faciant: *l. 9. §. 2. de auct. tut.* Quia si forte solverint, vindicare possunt. *l. 14. §. fin. hic.* Nascitur tamen iis liberatio pecuniâ à creditore consumptâ. *d. l. 9. §. 2. d. l. 14. §. fin.*

Qui pro debitore, ipsius nomine, solvit, ipso jure eum liberat: *l. 23. l. 40. hic. l. 39. de negot. gest.* si suo nomine, id est, ad suam obligationem; patet sodejussoriam, distrahendam solvat, *l. 17. l. 37. hic.* debitor solummodò opè exceptionis juvatur: *l. 28. cum ibi. not. ff. mandat. Dd. in l. 75. hic.*

Solvitur rectè creditori qualicunque, si sanæ mentis sit, & justæ ætatis, etiam invito, *l. 50. de O. & A. l. 70. hic. l. 19. C. de usur.* etiam solutioni in obligatione adjecto. *l. 11. l. 38. l. 71. hic.* & servo ex peculiari contractu: *l. 18. l. 31. l. 35. hic.*

Non solvitur rectè sub tutela curave constitutis. *d. l. 14. §. 1. l. 47. hic.* Nam pupillo, minori, nequidem auctore tutore rectè solvitur: Nam si pecunia consumpta, aut postmodum perierit in integrum restituitur. *l. 2. C. si ad v. solut. t. tit. C. si tut. vel cur. interv. Briss. lib. 1. de solut. pag. 130.* Quia tutorum auctoritas pupillorum gratia comparata, in odium

verti & restitutionis beneficium impedire non debet. Cessat tamen illud si curator sit solvendo. *sec. Mauric. de rest. in int. cap. 176. & seq. Diff. Ant. Fab. quem refellit Hilling. in Don. Enucl. lib. 16. com. 16. in not. lit. F.*

Omnino tutoribus vel curatoribus tempore administrationis, *l. 46. §. tutela. de adm. tut. quilibuscunque, l. 14. §. 1. l. 45. §. 1. hic. uni, pluribusve, d. l. 14. §. siue autem. Nisi aliter testamento, l. 47. de adm. tut. à tutoribus, aut magistratus, sic cautum.*

Extraneis quibus neque debetur, nec rectè solvitur; *l. 12. C. hic. nisi volente mandanteque creditore, l. 4. C. l. 49. ff. hic. aut ratum habente: l. 13. l. 49. l. 71. §. 1. eod. ut cum procuratori generali, vel cum, vel sine libera, Vaud. 1. qu. 47. vel ad hoc speciale mandatum habenti solvitur. l. 12. hic.*

Sed Procuratori tamdiu rectè solvitur, quamdiu domini voluntas durat, aut dominus non decessit, (Nisi post mortem solvere iusserit: *l. 12. §. fin. l. seq. ff. mand. l. fin. ff. hic. Cujac. 16. obs. 58.*) aut statum non mutavit. *d. l. 12. §. 1. l. 51. hic.*

Debitor tamen, qui, revocatum mandatum ignorans, solverit, ex æquitate liberatur. *l. 34. §. si Titium. d. l. 12. §. fin. hic.*

Solvendum vel id quod debetur, & quidem totum; *l. 27. l. 33. §. 1. ff. l. 9. C. eod. ex natura obligationis; etiam creditore invito: princ. Inst. quib. mod. toll. obl. vel aliud ejus vice & loco: Aut pars; Dd. in l. tutor. §. Lucius. de usur. & l. 2. §. 1. de V. O. sed non nisi creditore volente l. 16. C. hic. l. 2. §. 1. de reb. cred. Hort. ill. qu. 22. Coras. ad l. 2. ff. de O. & A. Costal. ad l. 21. C. de reb. cred.*

Totum debitum solvere intelligitur, qui id integrum perfectumque dat, ut nec juri quicquam deficiat, nec morari possit à debitore. *l. 20. l. 27. l. 38. §. 3. l. 69. l. 72. §. ult. l. 102. hic.*

Quantitas aut species debita si integra, tota; si pro parte solvatur, pro eadem tantum perimitur obligatio. *l. 9. §. 1. hic.*

Qui genus debet, si partem speciei solvat, nulla
ex.

ex parte liberatur; ne forrè diversas partes in diversis speciebus solvere velit. *d.l.9. §.1.*

Pecunia debita in eadem moneta solvenda, nisi creditoris nihil intersit. *l.99. hic.*

Solvere debet debitor eodem loco quo conven-
tum, *l.1. l. pen. & r. s. de eo quod cert. loc.* (Nisi &
quod creditoris ratione loci intersit, simul offerat:
d.l.1. & l. pen. l.8. C. hic.) & sua die, vel ante diem,
l.70. hic. etiam creditore invito, *l.38. §.16. l.41. §.*
pen. l.137. §.2. de V.O. l.70. l.98. §.4. hic. l.1. §.1.
de cond. & dem. Donel. ad d.l.41. §. pen. & 15. com.8.
& 16. com.11. Diff. Cujac. 23. obs. 23. non post. l.85.
hic. Nam qui tardius solvit, minus solvere intelli-
gitur. *§. plus autem. Inst. de action.*

Et ita solvendum, ne quo modo res auferri pos-
sit, sive in specie, *l.33. in pr. l.20. hic.* sive in genere
debeatur. *d.l.33. §.1. l.27. hic.*

Non ergò liberatur qui rem alienam solvit: *l.46.*
hic. nequidem si postea debitori possit acquiri: *l.98.*
§.3. hic. aut alii pignoratam: *d.l.20.* quia auferri
potest: nec is qui rem solutam conditione indebiti
poteest, repetere, ed quod exceptione perpetua tu-
tus erat: *l.34. §. ult. hic.* nec qui sic dedit ut recipe-
ret. *l.55. eod.*

Qui rem communem solvit, pro parte tantum
liberatur. *l.94. §.1. eod.*

Qui ex pluribus causis debet, si ex omnibus non
solvat, dicere potest, quo debito exonerari velit:
l.1. l.101. l.5. §.1. hic. nec potest creditor contradi-
cere. *fac. l.102. §. fin. hic. l. ult. quib. mod. pign. solu.*

Quodsi non dixerit, in potestate creditoris est,
in quam causam accipiat, sic tamen, ut, quasi ne-
gotium debitoris gerens, in eam causam imputet,
quæ gravior & durior est debitori. *vid. l.1.2.3.4.5.*
6.7.8. l.89. l.97. l.101. §.1. l.102. §. Valerius. l.103
ff. l.1. C. hic.

Quod debet facere in re præsentī; hoc est, statim
atque solutum est. *d.l.1.2.3.4. & seq. hic.*

Quodsi id non constituat, si quidem summæ
sint omni ex parte æquales, decedit de omnibus
pro rata: *l.8. hic.* sin aliqua durior vel gravior
existat,

existat, primo in eam accepto feretur. *l. 3. cum seqq. hic.*

Gravior est, ex qua tum cum solvebat, ad solvendum compelli poterat. *l. 3. §. 1. l. 103. hic.* Sin tales sunt omnes, ea quæ ex famosa causa debetur; non ejus quæ pecuniam continet: deinde quæ sub hypotheca vel pignore contracta est: post hunc ordinem potior habetur ex propria, quam aliena obligatione: sin nihil eorum interveniat, vetustior. *l. 37. l. 5. in princ. l. 102. §. 2. hic.*

Solutione ritè factâ, non solum liberatur debitor, sed etiam accessiones, ut fidejussores, & pignora, *l. 43. l. 44. hic.* & chirographum redditur inutile, *l. 22. C. eod.* illudque debitor potest condicere. *l. ult. C. eod.*

Cui petenti creditor instrumentum plenæ liberationis seu quietationis facere tenetur. *sec. Bart. post. text. in l. 84. §. 7. de legat. 1.*

Et melius est evidentem habere liberationem, quam chirographi redditionem. *l. 14. C. hic.*

Sunt præter solutionem, & aliæ liberationum causæ.

Ut est, rei debitæ oblatio, & creditore accipere nolente obsignatio & depositio; quæ ipso jure liberat. *l. 9. C. hic. l. 6. l. 19. C. de usur.*

Ut & confusio; ut cum debitor creditori, aut contra creditor debitori succedit. *l. 95. §. aditio. hic. l. 38. l. 71. de fidejuss. l. 1. §. si debitor. ad L. Falcid.*

Confusio fit modò in totum, modò pro parte hæreditaria, prout ex aste, vel ex parte succeditur. *l. 24. l. 50. de fidejuss.*

Interitus speciei liberat etiam debitorem perinde ac solutio: *l. 107. hic. l. 23. de V. O.* modò debitor dolo & culpâ careat: quâ non caret, si res post ejus moram perierit. *l. 98. §. fin. l. pen. hic. d. l. 23. de V. Oblig.* Et propterea æstimationem præstare debet. *arg. l. 24. l. 49. l. 82. §. 1. l. 91. pr. l. 12. de V. O. l. 26. §. si in de noxal. act. l. 47. §. ult. l. 100. §. 11. de legat. 1. l. 12. §. ult. depos. l. 5. de reb. cred. Cujac. Duar. Donel. ad l. 23. ff. de verb. oblig.*

Interiisse videtur, quæ desuit esse in commercio; puta

puta sacra, religiosa facta. l. 83. §. *sacram. de V. O.*
l. 98. §. *fin. hic.*

Contingit etiam ab obligatione liberatio per chi-
rographi redditionem. Nam creditor illud debitori
restituendo, pactum de non petendo facere videtur.
l. 2. §. 1. *de pact.*

Et instrumentum, si penes debitorem reperia-
tur, creditor ipsum liberaſſe præſumitur. *Bald. in*
l. 3. *de pact.*

Pactum de non petendo obligationem natura-
lem ipſo jure, civilem æquitate exceptionis elidit.
l. 95. §. *naturalis. hic. §. præterea. Inſt. quib. mod.*
toll. oblig.

De acceptilationibus.

T I T. IV.

Acceptilatio, eſt liberatio per mutuam interro-
gationem, quâ utriusque contingit ab eodem
nexu ſolutio. l. 1. *hic.*

Vel eſt imaginaria ſolutio, §. 1. *Inſt. eod.* ſtipula-
tionis inſtar; *Gxd. de contr. ſtip. c. 1. concl. 13. num.*
71. & c. 12. concl. 13. num. 19. quâ creditor animo
diſſolvendæ obligationis interroganti debitori re-
ſpondet ſe creditum recepiſſe, quod non recepit.
Vekiti quod tibi promiſi; habesne acceptum? habeo.
l. 6. *in pr. l. 7. l. 9. hic.*

Fieri tantum poteſt purè, non ſub conditione,
l. 4. *hic. l. 77. de R. I.* ſcilicet expreſſa; l. 4. *de cond.*
cauſ. dat. ſub tacitâ poteſt, l. 12. l. 21. *hic.* non in
diem. l. 5. *hic.*

Quia, ut vera ſolutio ſtatim liberat, ſic & ima-
ginaria ſtatim liberare debet. Fictio enim debet
veritatem imitari. l. 23. *de lib. & poſth. l. 16. de adopt.*
Bart. in l. ſi is qui. n. 22. de uſucap.

Perficitur acceptilatio, verbis ſolemnibus; l. 1.
6. *hic.* quacunque linguâ prolatis; §. 1. *hic.* modò
ſenſus congruat, & uterque ſive per ſe, ſive per in-
terpreterem idioma intelligat. l. 19. *hic.*

Acceptum rogare poſſunt, quibus ex negotio ſe-
cum,

cum, vel cum eo cui successerunt, gesto, debetur; patresfamilias, si sint & sui juris.

Alieno nomine, *l. 13. §. 10. hic.* aut per procuratorem, acceptum ferre non licet: *l. 3. eod.* Quia acceptilatio est actus legitimus. *l. 77. de R. I. Cujac. lib. 15. obs. 16.*

Accepto ferri potest debitori, ejusque hæredi, & ex his quidem uni. *l. 13. §. 11. l. 10. in fin. hic.* Sed non alii quam qui debet, vel qui debitori jure potestatis acquirit. *l. 8. §. 1. §. 2. l. 11. hic.*

Acceptum ferri debet id ipsum quod debetur: *l. 6. l. 13. §. 5. hic.* & quidem ex causa stipulationis. Nam verbis tollitur obligatio, quæ verbis contracta est. *l. 8. §. 3. hic.*

Nec refert de re aliqua certa certoque contractu specialiter, an de omnibus rebus & causis generaliter acceptum fiat. *l. 18. hic.*

Non tantum tota res debita, sed & ejus pars accepto ferri potest; *l. 9. l. 13. §. 2. l. 17. hic.* modo sit dividua: Individua enim si sit, ut servitus, acceptilatio in partem facta, nullius momenti est. *d. l. 13. §. 1.*

Quod sub conditione vel in diem debetur, accepto ferri potest: sed utilis erit stipulatio tum, cum dies venerit, vel conditio extiterit. *l. 13. §. 6. l. 21. l. 12. hic.*

Tollitur per acceptilationem ipso jure tantum (ut dictum) verborum obligatio: *d. l. 8. §. 3.* reliquæ obligationes ope exceptionis infirmantur, *l. 19. hic.* quatenus in acceptilatione quodammodo inest pactum de non petendo. *l. 5. in pr. de rescind. vind.*

Quæ tamen & ipso jure tolluntur, si prius per novationem in verborum obligationem transfusæ, deinde per acceptilationem tollantur. *§. 1. vers. sed & id. Inst. quib. mod. toll. obl.*

Licet omnes omnino obligationes ita novare & accepto ferre secundum formulam à Gallo Aquilio (undè Aquiliana acceptilatio dicta) introductam. *l. 18. §. 1. hic. §. est autem. Inst. quib. mod. toll. obl.*

Cui

Cui acceptilationi Aquilianæ duplex inest stipulatio. Una, quâ contractus prior in stipulationem deducitur; Altera, qua ita deductus acceptilatione sequenti tollitur. *Pater in Enchirid. Inst. hic.*

Inter acceptilationem & apocham hoc interest, quod acceptilatione omni modo liberatio contingit, licet pecunia soluta non sit; apochâ non alias, quam si pecunia soluta sit. *l. 19. §. 1. hic.*

Potest & donationis causâ acceptilatio fieri. *l. 2. C. hic.*

In contractibus in quibus ultro citroque est obligatio, tamen si ab una tantum parte intercesserit acceptilatio, omnes nihilominus liberantur. *l. ult. hic. l. 5. de rescind. vend.*

De pratoriis stipulationibus.

T I T. V.

Prætoriae stipulationes sunt, quas Prætor in Edicto interponi jubet.

Sunt vel Judiciales, vel Cautionales, vel Communes. *l. 1. in pr. hic.*

Judiciales eas dicimus, quæ propter judicium interponuntur, ut ratum fiat: ut judicatum solvi, & ex operis novi nuntiatione. *d. l. 1. §. 1.*

Sic dictæ, non à judice, sed à judicio; quod à Prætore ad firmanda judicia sint inductæ.

Locum habent ubicunque judici æquum visum fuerit.

Cautionales sunt, quæ instar actionis habent, & ut sit nova actio, intercedunt: ut de legatis stipulationes, & de tutela, & ratam rem haberi, & damni infecti. *d. l. 1. §. 2.*

Communes sunt stipulationes, quæ sunt judicio sistendi causa. *d. l. 1. §. 3.*

Sic dictæ, quia non planè sunt judiciales, nec omnimodo cautionales; eoque mixtam habent causam.

Omnes stipulationes naturâ suâ cautionales sunt: hoc enim agitur in stipulationibus, ut quis
cautior

cautior sit , & securior interpositâ stipulatione.
d. l. 1. §. 4.

In omnibus his necesse , ut quid fieri conveniat , *l. 6. hic.* eoque nomine fidejussores dentur.
l. 3. eod.

Per pignora, aut pecuniæ, vel auri depositionem hic non satisfidatur. *l. 7. eod.*

Quod hodie non admodum obtinet ; cum bonæ per se sint pignori ipso jure tacitè obligata. *Bachov. ad Wesemb. hic.*

Sunt quædam stipulationes in quibus nuda re-promissio sufficit ; *d. l. 1. §. 5.* ut ex operis novi nunciatione, ex causa damni infecti , duplæ. *d. l. 1. §. 6. 7 8.*

Solet omnibus prætoriiis stipulationibus pœnæ adjici , *l. 6. l. fin. hic.* ad evitandas probationum ejus quod interest difficultates : *d. l. fin.* Incertum enim continent. *d. l. 2. hic.*

Agitur ex his stipulationibus , si id quod convenit factum non est, adversus debitorem, & ejus fidejussorem ; *l. 4. §. 2. rem pup. vel adul. salv. for.* aut in id quanti ea res est , hoc est , quanti interest factum esse : aut ad pœnam, si quæ sit verbis comprehensa. *l. 6. l. fin. hic.*

Si in his stipulationibus ambiguus sermo acciderit , Prætoris erit interpretatio : Ejus enim mens æstimanda est. *l. 9. hic.*

Sed & , si quid vel addi , vel detrahi , vel immutari oporteat , prætorix est jurisdictionis. *d. l. 1. §. ult.*

Sæpius interponuntur , cum sine culpa stipulatoris cautum esse desiit. *l. 4. hic.* veluti si fidejussores initio dati , ad inopiam redacti sunt, *l. 10. in fin. qui satisfd. cog.* aut si fidejussor stipulatori , vel stipulator fidejussori hæres extiterit. *l. 9. §. fidejussor. eod.*

Et in omnibus stipulationibus prætoriiis , ex stipulatione procuratoris datur domino actio utilis. *l. 3. l. 5. hic.*

Recipiunt hæ stipulationes divisionem , quoties incertam quantitatem , id est , id quod interest,

est, continent. l. 2. hic. l. pœnales. §. Julianus. ad L. Falcid.

Rem pupilli vel adolescentis salvam fore.

T I T. VI.

EXigitur hæc satisfactio ab omnibus tutoribus vel curatoribus, l. 4. §. 2. §. 4. §. ult. l. 8. hic. nisi sint testamentarii, aut ex inquisitione dati: l. 7. hic. aut legitimi; iique aut parentes & patroni; sed hi secundum quid. l. 1. §. 1. de legit. tutor.

Quibus ramen collega offerre potest, utrum satis accipere velint an satisficere. d. l. 7.

Quæ satisfactio per fidejussores fieri debet. l. 4. §. 1. §. 2. hic.

Eam stipulatur pupillus, vel alius qui in curatione est; ipse, si præsens sit & fari possit, licet ejus sit ætatis, ut non intelligat quid agat: si absit, aut fari non possit, servus ejus: Si servum non habeat, ei emi debet: Si non sit undè ematur, servus publicus apud Prætorem stipulabitur, aut Prætor aliquem dabit, qui stipuletur, isque pupillo actionem acquireret utilem. l. 2. 3. & 4. in pr. & l. 6. hic.

Ex qua stipulatione oritur actio, quæ contra tutores & eorum fidejussores datur finitâ tutelâ: l. 1. hic. contra protutorem, vel curatorem, & fidejussores ab eis datos, statim ac quæque res salva esse desit. d. l. 1. d. l. 4. §. 24.

Eâ tenentur singuli fidejussores in solidum, nec habent beneficium divisionis ex Epistola D. Hadriani. l. ult. eod.

Hac actione id consequitur pupillus quod in tutelæ judicium venit. d. l. 4. §. 6. l. 9. hic.

Itaque & fructuum & usurarum etiam habetur ratio. l. si postea. eod.

Ac tametsi res pupilli non perierit, tamen si non præstetur, ei commissæ stipulatio intelligitur, quasi salva ei non sit. l. 11. eod.

Indi-

Iudicatum solvi.

T I T. VII. •

HÆc cautio, cum quis alieno nomine iudicium subit, in ipso litis initio, *l. un. C. de satisf. dan.* præstari debet, vel à domino litis præsentem, vel à procuratore absentis. *l. 10. hic. l. 14. qui satisf. cogant. §. sed hodie. §. si reus. Inst. de satisf.*

Eam stipulatur actor, nec solus dominus litis, sed etiam procurator, vel tutor, vel curator, cui administratio commissa est. *l. 3. §. 1. cum §§§§. seqq. hic.*

Continet tres clausulas. 1. De re iudicata, (id est, solum iri quantum iudex deberi pronuntiaverit. *l. 9. hic.*) 2. De re defendenda, (hoc est, ut nisi boni viri arbitrati lis agatur, & defendatur reus, quanti hoc nomine interest, exigere actor à reo & fidejussoribus possit. *Gl. & Dd. in l. 9. l. 13. eod.*) 3. De dolo malo, (id est, dolum malum abesse abfuturumque esse. *l. 9. l. 6. l. 19. eod.*)

Res defensa non videtur, si non in solidum, *l. 7. eod.* aut non loco idoneo defendatur. *l. 5. §. fin. eod.*

Dolus absuit, si nullo tempore adfuit. *l. 19. eod.*

Ex una causa hæc stipulatio commissa, ex aliis amplius committi nequit, *l. 3. §. 2. eod.* si videlicet idem, puta id quod in universum interest, & ex eadem causâ, ab eodem petatur: alias secus est. *l. fin. eod.*

Committitur ob rem iudicatam stipulatio, & dies cedit statim post rem iudicatam, sed dies non venit, id est, exactio differtur ad tempus, quod reo damnato indulgetur. *l. 1. hic.*

Iudicatum accipe ab eodem Iudice, cui se fidejussores subdiderunt. *l. 3. l. pen. hic.*

Ob rem non defensam non prius stipulatio commissa creditur, quam ex ea lis fuerit contestata. *l. 13. in pr. eod.*

Ob eam non committitur stipulatio, si lis

Z

mortua

mortua finitave sit: *l. 2. l. 13. l. 15. eod.* res talis sit de qua Prætor Judicium accipere non cogat. *l. 18. hic.*

Ratam rem haberi, & de ratihabitione.

T I T. VIII.

EXigitur hæc cautio ab eo qui alieno nomine agit, (hoc est, quoquo modo alienum jus persequitur) *l. 39. §. 1. de procur. Inst. de satisfdat.* tum deum, cum incertum est, an mandatum habeat nec ne: *l. ne satisfdatio. hic.* aut cum alioqui mandatum exhibere non cogitur: ut conjuncta persona. *l. 21. C. de procur.*

Ex ea datur actio, tam adversus procuratorem qui promisit rem ratam haberi; quam adversus fidejussorem, si dominus eundem actum retractaverit; ratum videlicet non habendo, quod gestum est, & iterum petendo, &c. *l. quo enim. §. ult. hic.*

Ratum non habere videtur, qui quod gestum est improbat, quasi procurator mandatum non habuerit. *d. l. quo enim. §. 1. l. 1. hic.*

Ratum habetur, non tantum verbis, sed etiam actu: veluti, si dominus litem ab alio inchoatam persequatur. *l. 5. eod.*

Ac potest vel in totum, vel ex parte ratum haberi. *l. 18. hic.*

Quodsi dominus primò ratum non habeat, postea mutata voluntate ratificet, etsi summo jure commissa sit stipulatio, tamen exceptione doli promissor se tueri poterit. *l. 12. §. 1. hic.*

Si ratum non habeatur, datur ex hac stipulatione actio in id quod interest. *l. 13. in pr. l. 18. l. 19. eod.* Unde quatenus interest, eatenus condemnatio fit. *d. l. 18. l. 19. hic.*

Stipulatio autem hæc committitur statim atque dominus de re gesta certior factus, ratam eam non habet.

Ejusmodi tamen tempus relinquendum est, quod ad deliberandum de præsentī negotio sufficiat: nisi forte certum tempus in stipulatione sit adjectum. *Wes. hic. n. 2.*

DIGESTORUM

LIBER XLVII.

De privatis delictis.

TIT. I.

S Equuntur post judicia civilia, puta ut prætoris opponuntur; hætenus exposita, criminalia: quæ fiunt ob privata delicta, vel popularia, vel publica crimina.

Privata (de quibus primo loco dicitur, quia superioribus judiciis civilibus sunt similia) sunt, in quibus injuria privato illata cognitione judicis, sed non pedanei, datique, *Bachov. in not. ad Wesemb. hic. num. 2. & 3. vindicatur. l. 9. §. 5. de publican. l. ult. hic. l. vn. C. quand. civil. act. præjud. crim. l. fin. de furt.*

Sunt aut Ordinaria, in quibus certa pœna præstituta est, certaque & civilis petendi & judicandi forma servatur: *l. fin. hic.* Aut Extraordinaria, in quibus nulla certa pœna præstituta est; certaque petitione non agitur; sed pro arbitrio judicis, & qualitate commissi.

De ordinariis etiam extra ordinem agi potest: *l. fin. hic. l. fin. de furt. l. fin. de injur.* quo casu actor in crimen subscribere cogitur. *l. fin. hic.*

Nam de ordinariis agitur, aut ordinariè ad mulctam certam, legibus præstitutam, apud judicem ordinarium: aut extra ordinem ad vindictam, & incertam neque jure definitam pœnam, sed ab arbitrio ejus, cuius de ea re notio est, pendentem. *d. l. fin. hic. d. l. fin. de furt. d. l. fin. de injur.*

Quam pœnam si actor petit sibi applicari, civile

vile privatum, ordinarium ac pecuniarium iudicium institutum esse intelligitur: *d.l.9. §. 5. d. l. fin. de furt.* si fisco applicari postular, extra ordinem criminaliter agi videtur. *d. l. fin. de injur. d. l. fin. de furt. Gl. in l. 3. de sepulch. viol. Bart. in l. fin. n. 3. 4. hic.*

Sed ex omni delicto, utrovis modo, & criminaliter ad pœnam, & civiliter ad id quod interest, & damnum datum, agi potest. *d. l. 9. §. 5. l. 3. C. ad L. Aquil. l. fin. hic: l. qui nomine. ubi Bart. de fals. Boff. in prak. crim. tit. de furt. n. 37.* Nec una actio alteram consumit. *l. 1. ubi Bart. & Dd. C. quand. civ. act. Bart. in l. 2. §. 1. vi bon. rapt.*

Potest etiam utraque actio uno libello comprehendî; Sed modo subalternatim, ut primò criminaliter, secundariò civiliter agatur. *Bart. & Dd. in l. interdum. de publ. jud. & l. 2. §. 1. vi bon. rapt. Wesimb. hic. n. 4.*

Si plura delicta concurrant in eandem rem & personam, ut si quis servum alienum surripuerit & occiderit, ex singulis delictis singulæ oriuntur actiones, neque alia per aliam consumitur. *l. 2. hic.*

Actiones quæ ex delictis competunt noxales sunt, & noxa caput sequitur. *l. 1 §. ult. hic.*

Ideo pœnales actiones in hæredes non dantur, nec cæteros successores; *d. l. 1. in pr. nisi lis cum defuncto fuerit contestata: l. un. C. ex delict. defunct. l. 164. l. 193. de R. I.* sed plerunque hæredibus competunt. *d. l. 1. §. 1. Bart. in l. fin. n. 8. hic.*

De furtis.

T I T. II.

Delictorum privatorum species generales sunt: Furtum, (quod frequentissimum) Rapina, Damnum injuria datum (de quo supra *lib. 9. tit. 2.*) & Injuria.

Furtum (dictum vel à furvo, id est, nigro, quod clam, obscure, & plerunque nocte fiat, vel à fraude,

de, vel à ferendo, id est, auferendo, vel à græco
εἰς τὸν τῶν ζέπειν, id est, ferendo, *l. 1. in pr. hic.*)
 est contrectatio rei, fraudulosa, lucri faciendi grā-
 tia, vel ipsius rei, vel etiam usus ejus, possessionis-
 ve; quod lege naturali prohibitum est admittere.
d. l. 1. §. fin.

Dicitur *contrectatio*, quia sola furti faciendi co-
 gitatio furem non facit; *d. l. 1. §. 1. l. 223. de V. S.*
 in tantum, ut quamvis furti faciendi gratiā quis in
 domum intrarit alienam, nondū tamen contre-
 ctavit, fur non sit. *l. 21. §. 7. hic.*

Et, cum contrectare sit loco movere, *l. 3. §. 18. de*
acquir. poss. seu, de loco ad locum admove, *Bart.*
in l. 1. hic. hinc est, quod nec rei immobilis, §. 2.
vers. abolita. Inst. de usucap. l. 25. hic. nec incorpora-
 lis, *fac. l. 43. §. 1. de acquir. rer. dom. §. 2. Inst. de rebus*
corporal. furtum fieri possit.

Quæ contrectatio, ut furtum faciat, debet esse
 fraudulosa, id est, quæ sit dolo, fraudandi & alieni
 invertendi causa. Furtum enim sine affectu furandi
 non committitur. §. *placuit. Inst. hic.*

Hinc & requiritur, ut res quæ contrectatur, sit
 aliena. Propriæ enim rei nemo furtum facit. *l. 53.*
§. fin. hic.

Quodsi tamen rem meam auferendo, jus, quod
 quis in re mea habet, intercipiam, furtum commit-
 to; ut si rem meam, quam alii pignoris loco dedi,
 eidem subtraham, §. 10. *Inst. l. 19. §. fin. hic.* vel rem
 alii commodatam, in quam is impensas fecerat,
l. 59. l. 15. §. 2. eod. aut in quo alter usumfructum,
 aut possessionem habebat. *d. l. 15. §. 1. l. 20. l. 53. §.*
fin. eod. l. 2. §. 22. vi bon. rapt.

Nec rei hæreditariæ furtum fieri potest. *l. 68. h. r.*
 Quia hæreditas jacens nullius in bonis est. *l. 1. de*
rer. divis.

Ut autem contrectatio furtum inducat, fieri de-
 bet invito domino.

Eo enim volente & consentiente si fiat, fur-
 tum quidem revera committitur, *l. 46. §. pen.*
h. r. sed furti actio locum non habet. *d. l. 46. §. pen.*
ubi Gl.

Et, qui existimat volente domino se rem contrectare, licet id fiat eo invito, furtum non facit nec furti tenetur. *d. l. 46. §. 7. l. 76. pr. ff. §. 7. Inst. h. t.*

Contrectatio ut furtum inducat, debet lucri faciendi causa fieri: quia si quis alio sine rem amoverit, furtum non committit; ut qui libidinis causa alienam ancillam celat. *l. 39. h. t.*

Maleficia enim voluntas & propositum delinquentis distinguit. *l. 53. eod.*

Non interest, si ipsam quis rem lucrari velit, siue usum rei & possessionem. *l. 15. l. 25. l. 20. h. t.*

Quod enim jus est in tota re, idem est in parte aut usu rei. *l. 76. de rei vind.*

Erat olim furtum aliud oblatum, aliud conceptum, aliud prohibitum, aliud non exhibitum. *§. 4. Inst. eod.*

Quæ species potius sunt actionum, furto coherentes, quam genera furtorum. *§. furtorum. Inst. h. t.*

Quibus sublati, hodie furtum aliud dicitur manifestum, aliud nec manifestum. *l. 2. hic.*

Manifestum furtum est, quando fur vel apprehenditur in ipso facto, vel videtur cum acclamatione, aut apprehenditur, antequam eo loci rem pertulerit, quo destinaverat eo die cum furto manere. *§. 3. Inst. l. 3. & seqq. h. t.*

Apprehenditur fur vel manus injectione, vel visu. *§. 3. vers. Imò ulterius. Inst. eod.*

Fur visus secundum Cujacium lib. 11. obs. 58. habetur pro manifesto, si dominus qui vidit, visu acclamaverit: Quo te fur proripis? Quo ve res abis mea? & quid simile.

Quæ acclamatio hic necessaria, ut, quem manibus apprehendere nequit, eum & visu & voce apprehendat: quod si voce hoc non fecerit, si cet eum viderit, furtum non fit manifestum. *l. 7. §. 1. hic.*

Si fur rem furtivam pertulit quo ea die cum ea manere, *l. 3. hic.* destinavit, licet videatur & depre-

prehendatur cum re furtiva, non est manifestus
fur. l. 5. §. 1. eod.

Furem ergo manifestum faciunt, locus furti, vel
quicumque; & apprehensio. d. l. 5. §. 1.

Non refert utrum deprehendatur à domino rei,
an ab alio. d. l. 7. §. fin.

Furtum nec manifestum est, quod quamlibet
idum fieret, inventum non est, tamen furtum fa-
ctum fuisse probatur. *Caius lib. 2. Inst. tit. ult. §. 2.*

Cujus & tenetur, qui scienter rem furtivam sus-
cipit & celat. l. 14. C. hic.

Pœna furti manifesti ex lege XII. Tabularum
fuit corporalis. *A. Gell. II. Noct. Attic. cap. ult. sed*
Prætor eam mutavit in pecuniariam quadrupli. §. 5.
Inst. hic. l. 56. eod.

Nec manifesti furti pœna ex ipsa lege XII. Ta-
bularum est pecuniaria in duplum: & sic non præ-
toria, sed civilis. §. 4. *Inst. de noxal. act. d. §. 5.*

In quo quadruplo, aut duplo, simplum, id est, rei
persecutio, non continetur. §. fin. *Inst. hic.*

Actio furti sive manifesti, sive nec manifesti, da-
tur omni illi, cujus (saltem ex honesta causa. l. 11.
hic.) interest, rem non esse surreptam, quamvis non
sit dominus; nec datur aliter, quam si ejus inter sit.
§. 14. *Inst. eod.*

Hinc & creditor furti agere potest de pignore
surrepto, d. §. 14. fullo & sarcinator de vestimen-
tis quæ acceperunt polienda & sarcienda, §. 15.
eod. item commodatarius de re commodata. §.
19. *eod.*

Cum quis semel actionem furti habet, assiduâ
furis contrectatione non magis actio nascitur; ne
quidem in id, quo postea res crevit. l. 9. *in pr. hic.*

Tenetur furti non solum ipse fur, sed & is cujus
ope & (id hic est, aut; per l. 53. §. ult. de V. S. ubi
Cujac. in com.) consilio furtum factum est. §. 11.
Inst. hic.

Qui opem tantum tulit, tenetur hac actione in
duplum, l. 34. *hic.* licet in ipso actu opem præstandi
deprehendatur.

Qui consilium dedit ut furtum fieret, in duplum

eodem modo tenetur, si fur consilio paruerit, atque ita furtum sit secutum. *l. 36. l. 52. §. 19. eod.* nam ex solo consilio ad furtum faciendum quis non tenetur. *d. §. 11. d. l. 52. §. 19.*

Plures qui simul delinquant & furantur, omnes ad eandem pœnam, & quidem in solidum obligantur. *l. 21. §. 1. hic. l. 51. ad L. Aquil. Gl. in l. 22. depos. l. 51. §. 1. de adm. tut. l. 15. §. si in sepulchrum. quod vi aut clam. Hott. ill. qu. 33. Cujac. 3. obs. 6.*

Qui pœnitentiâ ductus, rem surreptam restituit, non definit fur esse *l. 65. hic.*

Tenetur fur pluribus actionibus; puta, actione ad exhibendum: rei vindicatione, si rem possideat: conditione furtiva, quæ rei; actione furti, quæ famosa, *l. 1. vers. furti. l. 8. de his qui not. inf.* & pœnæ est persecutoria: actione extraordinaria, quæ hodie maximè est in usu. *l. ult. hic.*

Non idèd tamen minus, si qui velit, poterit civiliter agere. *d. l. ult. in fin.* Quod tamen non improbabilius quidam negant. *Bachov. ad Treutl. thes. 3. lit. c. disp. de privat. delict.*

Fredericus Imperator, in §. si quis quinque. de pac. tenend. 2. Feud. 27. pœnam laquei illis irrogat qui quinque solidos valens, aut plus furati fuerint: quod generaliter accipiendum non est, sed tantum in casu fractæ pacis. *Alvar. in d. §. si quis quinq. Panor. in c. tua nos. §. fin. n. 8. de homicidiis.*

De tigno juncto.

T I T. III.

DICTUM, præcedenti titulo, de furtis in genere: jam specialiter & de aliqua re surrepta, & de quibusdam personis surripientibus dicetur.

Quod ad rem attinet, specialiter de tigno furtivo alienis ædibus, aut alienæ vineæ juncto agitur. *l. 1. in pr. l. 2. hic.*

Tigni appellatione, omnis materia ex qua ædificium constat, & quæ vineæ est necessaria, continetur. *d. l. 1. §. 1. l. 7. ad exhib. l. 62. de V. S.*

Tignum

Tignum quamdiu junctum est, nec vindicari Lex xii. Tabularum permittit, ne ædificia rescindantur, & sic ruinis aspectus publicus (contra quam ex usu est civitatum: l. 2. & 3. C. de ædific. priv.) deformetur, neve cultura vinearum turbetur: nec ejus nomine agi ad exhibendum: sed in eum qui junxit, actionem dat in duplum, quæ vocatur de tigno juncto. l. 1. in pr. & §. ult. l. 23. §. pen. de rei vind. l. 6. ad exhib. l. 7. §. cum in suo. de acq. rer. dom.

Separato tigno, dominus potest illud vindicare, & ad exhibendum agere, nisi jam duplum sit consecutus. d. l. 7. §. cum in suo. §. 29. Inst. eod.

Poterit etiam, si non pœnam, sed rei æstimationem velit consequi, licet tignum adhuc sit junctum, hætenus rei vindicatione & ad exhibendum agere; ut adversarius in æstimationem condemnetur; quasi dolo malo fecerit, quominus possideat. d. l. 1. in fin. l. 23. §. pen. ubi Gl. & Dd. de rei vind. l. 98. in fin. de solut.

Quo modo res vindicari potest, etsi proponat tigni furtivi nomine in duplum actum. Extrinsecus enim est rei vindicatio, & cum actione dupli concurrir, nec alia aliam electione, l. 2. h. r. sed solutione, consumit.

Undè si duplum jam consecutus fuerit, amplius vindicare non poterit. §. cum in suo. Inst. de rer. divis.

Si is qui testamento liber esse jussus erit, post mortem domini, ante aditam hæreditatem surripuisse aut corrupisse dicetur.

TIT. IV.

HOC Edicto Prætor coërcet protervitatem calliditatemque servi, qui rem hæreditariam dolo malo, aut latâ culpa, surripuit, vel corrupit, sciens se non posse ut servum coërceri, quia libertas sibi

in testamento relicta est: nec posse furti conveniri, quia & contra dominum peccavit, *l. 17. de furt.* id est, contra hæreditatem, quæ personam defuncti domini repræsentat: *l. 1. §. 1. hic.* & hæreditariarum rerum furtum fieri nequit. *l. 68. de furt. l. 33. de acquir. rer. dom.*

In hunc, Prætor, (quia natura æquum, eum non esse impunitum, qui hac spe hæreditatem dissipavit:) intra annum dat utilem actionem in duplum, *l. 1. in pr. & §. 1. & §. 2. hic.*

Quæ actio competit hæredibus cæterisque successoribus: *d. l. 1. §. pen.* adversus unum pluresve, & quidem solidè in singulos. *d. l. 1. §. pen. & §. ult.* Quia quot sunt delinquentium personæ, tot & sunt delicta, quæ à singulis luenda; nec unius solutio alterum liberat. *l. 1. C. de cond. furt.*

*Furti adversus nautas, caupones,
stabularios.*

T I T. V.

Proponitur hoc titulo actio in duplum in eos qui naves, cauponas, stabula exercent, si quid à quoquam eorum, quosve ibi habebunt, furtum factum esse dicetur. *l. un. hic.*

Quæ de actione diximus supra. *ad tit. naut. caup. stab.*

Si familia furtum fecisse dicetur.

T I T. VI.

Hoc Edicto Prætor domino innocenti, ne cogatur toties litis æstimationem offerre quot servi deliquerunt, permittit, vel omnes servos qui participaverunt furtum, (de quibus tantum loquitur.) noxæ dedere, vel solvere, quantum solveret si unus liber furtum commisisset; *l. 1. in pr. & §. 1. hic.* id est, poenæ nomine duplum, & conditionis simplex præstet. *l. 2. hic.*

Et

Et sanè per præstationem simpli tollitur obligatio, tanquam solutione. §. 1. *Inst. quib. mod. toll. obl.*

Illud arbitrium tribuitur domino totiens, quotiens ignorante eo furtum factum est: non si eo sciente. *d. l. 1. §. 1.*

Scire is accipitur, qui scit & potuit prohibere. Scientiam enim spectare debemus, quæ habet & voluntatem. Cæterum si scit, prohibuit tamen, dicendum est usum Edicti beneficio. *d. l. 1. §. 1. vers. is autem.*

Hoc Edictum quod de furto loquitur, ad damnum à familia datum producit, *d. l. 1. §. pen. l. 32. in pr. ad L. Aquil.* non ad injuriam à familia factam. *l. 9. de juriisd. Pac. Isagog. hic.*

Familia autem cœtus est servorum uni domino subjectorum.

Arborum furtim casarum.

T I T. VII.

SI furtim arbores cæsæ sint, & ex lege Aquilia & ex Lege duodecim tabularum dandam actionem. Labeo ait, sed Trebatius ita utramque dandam, ut iudex in posteriore deducat id quod ex prima persecutus sit, & reliquo condemnet. *l. 1. hic.* Hæc enim rei persecutoria pœnalem consumit. *Bauchov. ad Wesemb. hic.*

Actio hæc arborum furtim casarum datur domino, qui dominium directum sive utile habet, *l. 5. §. fin. hic.* licet fundum vendiderit; *l. ult. eod.* non fructuario; *d. l. 5. §. pen.* datur hæredibus cæterisque successoribus. *l. 7. §. pen. eod.*

Si plures domini sint, una tantum actio datur, & pœna tantum semel præstatur. *l. 6. §. 1. eod.*

Competit adversus eum, qui arborem succidit, vel deglabravit, vel subsecuit, vel cinxit, vel aliquid eorum fieri imperavit: *d. l. 5. in pr. d. l. 7. §. 2. §. 4. non in hæredem d. l. 17. in fin.* quia est pœnalis. Nec refert an tota arbor, an pars cæsa sit. *d. l. 7. §. 3.*

Si plures deliquerint, cum singulis in solidum agetur. *l. 6. in pr. hic.*

Est hæc actio in duplum, *d. l. 7. in fin.* factâ æstimatione ejus quod domino interest non lædi, de qua deducitur pretium ipsorum corporum læsorum, quæ apud dominum manent. *d. l. 2. in pr. eod.*

Arborum appellatione continentur etiam vites, ederæ, arundines, salicæ: non quæ radices non habent. *l. 3. l. 4. eod.*

Furtim cædit arbores, qui clam cædit. *d. l. 8. §. 1.* id est, ignorante domino, celandique ejus animo facit; *d. l. 7. in pr.* non qui per vim sciente domino cædit. *d. l. 8. §. ult.*

Cædere dicitur, non solum qui succidit, sed etiam qui cædendi causa ferit. *l. 5. hic.*

Cingere, qui deglabrat, hoc est, amputatis ramis, aut abstrahito cortice, glabram facit.

Subsecare, qui ferra, aut alio modo secat. *d. l. 5. in pr.*

Concurrit dicta Actio arborum furtim cæsarum, 1. Cum Actione legis Aquilæ; *l. 1. hic.* 2. Cum Judicio criminali extra ordinem; *l. 2. eod.* 3. Cum Actione furti; 4. Condiçione furtiva; 5. Ad exhibendum, si lucri faciendi causa contrectaverint; *d. l. 8. §. 2.* 6. Cum Actione locati, si colonus cædat; *l. 9. hic.* sed alterutra actione dominus contentus esse debet; *d. l. 9.* 7. Cum Interdicto quod vi aut clam. *l. pen. eod.*

De bonorum raptorum, & de turba.

TIT. VIII.

Proponuntur hoc titulo duo delicta, Nempe rapina, & damnum dolo malo datum. *l. 2. in pr. hic.*

Rapina, est contrectatio violenta & fraudulosa rei alienæ, mobilis, invito domino: quod immobilis res invadi potius quam rapi dicatur. *§. 1. Inst. l. 1. G. hic. Pater in Enchir. eod.*

Est

Est atrocius delictum quam furtum; quia palam fit & per vim: furtum clam & sine vi; magisque apparet in rapina invito domino factum delictum, quam in furto.

Damnum hic omnia damna continet, quæ violentiæ permixta sunt: *d.l.2. §.9.* & per illud corporis deteriorationem, ut interemptionem, intelligimus. *Pac. in Isag. hic.*

Hinc distinguitur à rapina, furto, injuria, quibus res non corrumpitur.

De damno & rapina tria Edicta à Præatore proposita sunt, quorum duo hoc titulo continentur, tertium in sequentem titulum rejicitur.

Primum Edictum est de damno dato hominibus, ad hoc ut damnum daretur, coactis, & de bonis vi raptis. *d.l.2. in pr.*

Cui locus, etiam si unus homo coactus sit. *d.l.2. §. sed et si unus.*

Eo Prætor actionem dat, vi bonorum raptorum dictam, *d.l.2. §.17.* omnibus quorum interest rem non esse raptam, aut damnum non esse datum, siue res in bonis ejus, siue res ex bonis fuerit; *§. ult. Inst. l.2. §.21. hic.* & generaliter ex quibus causis furti actio alicui competit in re clam facta, ex hisdem hæc actio ei competit propter rapinam. *d.l.2. §.22. & §.23.*

Competit hæc actio in eum qui dolo malo (sub quo & vis comprehenditur. *d.l.2. §.8.*) rapuit, aut damnum dedit: vel rapinæ, aut damno, dolo causam dedit. *d.l.2. §.12. §.1.* Dolus autem inesse semper præsumitur. *d.l.2. §.8. l.14. §. cum de eo quod met. caus.*

Qui si abest, cessat hæc actio, & ad alia remedia est confugiendum. *d.l.2. §.18.*

Qui hominibus coactis damnum dedit, aut aliquid rapuit, licet sine vi, dum modò dolo admiserit, hoc Edicto tenetur; *d.l.2. §.9.* ut & is qui homines coegit, licet alius damnum dederit, nec rapuerit: & is qui damnum dedit, vel rapuit, etiam si alius homines coegerit: item is qui inter coactos fuit, si damnum dedit, aut rapuit. *d.l.2. §.3. §.12.*

Homines coactos accipere debemus ad hoc coactos, ut damnum daretur. *d.l.2. §.4.*

Datur hæc intra annum in quadruplum, post annum in simplum. Puta ad quadruplum vel (siquidem agat dominus vel bonæ fidei possessor) ipsius rei: *d.l.2. §.13.* vel (agente eo in cuius bonis non est, ut commodatario, creditore, conductore, &c.) quanti interest rem, vel usum non esse ablatum: quod est simplum, hic quadruplandum. *§. fin. Inst. hic. Pater in Enchir. Inst. hic.*

In quadruplo autem res inest, & pœna est tripli. *in pr. Inst. eod. & §. vi autem. Inst. de action.*

Quam pœnam tripli, is qui rapuit non vitat, si ante iudicium rem restituat. *l. pen. hic.*

Punit Prætor raptorem in triplum nullâ adhibita (ut in furto) distinctione, deprehensus sit in delicto, an non sit, sit res magni momenti, nec ne. *Wes. hic. n.6.*

Potest & rerum raptarum nomine furti nec manifesti agi, neque altera actio alteram consumit, nisi quatenus amplius est in actione vi bonorum raptorum. *l.1. hic.* Potest & furti manifesti nomine conveniri; *l.80. §. cum raptor. ff. de furt.* Quia improbus fur est: *prin. Inst. hic.* sed tunc demum cum deprehensus est. *Cujac. in par. C. hic. & 6. obs. 2. Hott. in com. Inst. hic.*

Posint etiam raptores aliis actionibus conveniri, tam civilibus, ut lege Aquilia, cum per rapinam simul res aliqua fracta aut corrupta fuit; conditione furti; rei vindicatione; aliisque conditionibus: *d.l.2. §. pen. l. si quis in tantam. C. unde vi. l.4. C. fin. regund. quam criminalibus. t. t. ff. & C. ad L. lul. de vi priv. & L. lul. de vi publ. l. un. de rapt. virg.*

Secundum Edictum est de damno in turba dato. *l.4. hic.*

Loquitur de damno dato, & de amissio; non etiam de rapto, ut superius. *d.l.4. §.9.*

Amissa dicuntur ea, quæ corrupta alicui reliquuntur, scissa fortè vel fracta. *d.l.4. §.10.*

Turba, est multitudinis hominum, cum minim

num decem, perturbatio & cætus; rixa verò duorum. *d.l.4. §.3.*

Hoc Ediçto tenetur non solum qui damnum in turba dedit, sed etiam is qui dolo malo fecit, ut in turba damnum daretur. *d.l.4. §.1. §.4. §.6. §.14.*

Oritur ex hoc Ediçto actio in factum, quæ intra annum utilem est in duplum quanti ea res est, (quod ad verum pretium refertur: & præsentis temporis fit æstimatio:) post annum est in simplum. *d.l.4. in pr. & §.8. §.7. §.11.*

Actio ex hoc & superiori Ediçto datur hæredibus, cæterisque successoribus, non in hæredes, aliosque successores, nisi in id quod ad eos pervenit. *d.l.2. §. ult. d.l.4. §. ult. l.38. l.111. §.1. ff. de reg. jur.* Ad quod tamen & competit conditio. *d.l.2. §. ult. l.1. sup. de priv. delict.*

De incendio, ruina, naufragio.

TIT. IX.

Tertium Ediçtum est de rapina & damno: Quo Prætor in eum, qui ex incendio, ruina, naufragio, rate, nave expugnata, rapuisse, vel dolo malo recepisse, damne quid in his rebus dedisse dicetur, actionem intra annum utilem in quadruplum, post annum in simplum dat. *l.1. hic.*

Ex incendio rapitur quod propter incendium, hoc est, propter tumultum incendii, vel trepidationem incendii, rapitur, vel ex ipso igne, vel ex loco ubi incendium fit, vel ex adjacentibus prædiis. *d.l.1. §.2. §.3.*

Similiter ruinæ appellatio refertur ad id tempus quo ruina fit, non tantum si ex his quæ ruerunt, tulerit quis, sed etiam si ex adjacentibus. *d.l.1. §.4.*

Ex naufragio rapi dicitur, si tempore & loco naufragii quis rapiat. *l.1. §. ult. l.2. l.3. in princ. eod.*

Itaque si quis ex naufragio, vel ex incendio, ruinave servatam rem, & alio loco positam subtraxerit, aut rapuerit, furti, aut alias vi bonorum raptorum.

raptorum iudicio tenetur: maxime si non intelligebat, ex naufragio, vel ex incendio, ruina ve cam esse. *l. 5. hic.*

De eo quod ex rate, nave expugnata raptum sit; eandem interpretationem adhibere debemus. *d. l. 5. in fin.*

Expugnatur navis, cum spoliatur, aut mergitur, aut dissolvitur, aut pertunditur, aut funes ejus præciduntur, aut vela conscinduntur, aut anchoræ involantur de mari. *l. 6. eod.*

Hac actione non solum, qui vi rapuit, sed etiam qui sine vi abstulit, vel amovit, vel damnum dedit, vel recepit, tenetur; *l. 3. §. 3. & §. 4. eod.* dummodo dolo malo fecerit. *d. l. 3. §. 3. §. 7.*

Qui si ablit, cessat Edictum; *d. l. 3. §. 7.* ut si vicini domum orto incendio defendendarum mearum ædium causa dissipem. *d. l. 3. §. 7. vers. Quemadmodum.*

Datur hæc actio hæredibus, non in hæredes, nisi in quantum ad eos pervenit. *l. 4. §. ult. eod.*

Si quis author incendii aut naufragii dolo malo fuerit, capitali pœna, plerunque vivicomburio, tenetur. *l. fin. §. 1. l. 3. §. fin. l. 9. hic. l. 28. §. incendiarii. de pœn.*

Qui culpa & negligentia causam incendio dedit, venia indiget, *l. pen. hic.* puta hætenus ut vitæ corporique parcat; sed noxiam sarcire tenetur, *d. l. 9.* datâ in duplum ex hoc Edicto actione; *d. l. 9. Paul. lib. 5. sent. tit. 3. §. ult.* quæ incendiaria appellatur. *l. 7. §. 13. de pact. l. 22. §. 9. l. 30. ad L. Aquil.*

Qui extra omnem est culpam, nulla pœna dignus est. *l. 11. de peric. & com. rei vend.*

De injuriis & famosis libellis.

T I T. X.

QUoniam non tantum legibus coërceri debet is, qui contra jus damnum alicui dat, verum etiam is, qui in contumeliam alterius quicquam facit, quamvis nullum damnum ei inferat, ideo sequitur
titulus

titulus de injuriis : id est, (ut hoc loco injuria accipitur) contumeliis. *l. 1. hic.*

Est injuria delictum , dolo malo in alterius contemptum , contumeliam & ignominiam , admissum.

Est vel levis ; vel atrox. *l. 7. §. pen. l. 17. §. quadam. hic.*

Utrum autem levis sit, an atrox, ex circumstantiis dignoscitur, id est, ex personis, loco, tempore, facto. *d. l. 7. §. ult. & l. seqq. d. l. 17. §. quadam.*

Atrox injuria æstimatur ex persona; si magistratus, pater, patronus, injuriam ab ipsis obnoxiiis, vel nobilis ab ignobili patiantur, aut contra. *d. l. 17. §. 3. ff. l. 4. C. eod.*

Ex loco ; si quis in foro publico injuriam patiatui, vel in privato ; puta atrocior injuria æstimatur dignioribus ab indignioribus, publicè, & in loco corporis patente, quam dignioribus privatim & in loco occulto illata. *§. 9. Inst. l. 9. §. 1. l. 7. §. 8. eod.*

Ex tempore; si injuria fiat tempore convivii, aut ludorum. *d. l. 7. §. 7.*

Ex facto, cum quis armis vulneratus, vel fustibus cæsus est. *d. l. 9. §. fin. l. 8. eod.*

Injuriam quis tam per se quam per alium facere potest; *l. 11. in pr. l. 15. §. f. cisse. ff. §. 1. & §. pen. Inst. eod.* ut, si persuadeat, jubeat, mandet, curet injuriam fieri. *d. l. 11. in pr. & §. 1. & 3. ubi Bart.*

Quo casu & mandans suo nomine tenetur, & qui executus est suo item nomine. *Gl. in d. l. 11. §. 5. ad verb. idemque ait. Bart. in l. sed si unius. §. servus. n. 5. eod.*

Et cum plures injuriam faciunt, singuli tenentur. Tot enim sunt injuriæ, quot sunt personæ injuriam facientium. *l. 34. eod.*

Facere nemo injuriam potest, nisi sciat se injuriam facere : non est autem opus, ut sciat, cui faciat ; sed pati injuriam potest, etiam qui non sentit, ut furiosus, impubes. *l. 3. hic. l. 5. §. ult. ad L. Aquil. l. 13. §. item Iulianus. locati.* Nec enim ad hos pertinet, quod aliàs dici solet ; Ut injuriarum actio-

actioni locus sit, injuriam ad animum revocari debere. §. ult. *Inst. l. 11. §. 1. ff. hic.*

Injuriarum ergo non tenetur furiosus, impubes doli non capax; *d. l. 3. §. 1. dormiens*, quia furioso æquiparatur; *c. 3. §. item queritur. de baptismo. & dolo caret: Clem. 1. de homicid. Bart. in l. pen. ad L. Pomp. de parric. per l. 24. §. 2. verb. vitium. de damn. infect. & fin. ubi Dd. de his qui fil. occid. Nec ebrius in levioribus, si discussa vinolentia sobrium pœniteat: *l. vii. C. si quis Imp. maled. Rom. in l. 1. de V. O. tenetur in atrocibus & realibus*, cum ejus pœnitentia injuriam non excuset aut tollat: *Cyn. in l. si non convi- cti. n. 22. C. h. t. mitigatâ tamen pto qualitate circumstantiarum pœnâ. d. l. 6. §. 7. verb. per vinum. de re milit. c. inebriaverunt. c. sane. 15. quest. 1. Bart. & Dd. in l. respiciendum. 11. §. pen. de pœn. & l. Divus. de offic. præsid.**

Ut facere injuriam quis per se aut per alium potest, sic & pati: *d. l. 1. §. item. & §§. seqq. usque ad fin. leg. l. 15. §. 24. l. 18. §. 1. §. 2. §. ult. h. t.*

Per se pati quis dicitur cum directo ei sive præsentis, sive absenti injuria infertur. *d. l. 15. §. 7. Salic. in l. un. C. si quis Imp. mal.*

Per alium; cum injuria per consequentiam ad eum spectat: ut cum liberi, servi nostri, uxor, nurus, contumelia afficiuntur. Spectat enim ad nos injuria, quæ iis fit, qui vel potestati nostræ, vel affectui subjecti sunt. *d. l. 1. & 2. h. t.*

Omnis injuria aut in corpus infertur, aut ad dignitatem, aut ad infamiam pertinet. *l. 1. §. omnem. 2. h. t.*

Et fit vel re, vel verbis. *d. l. 1. §. 1.*

Re, quoties manus inferuntur, *l. 9. h. t.* aut alio facto aliquo ad probri & turpitudinis noram comparato injuria committitur; §. 1. *Inst. hic.* ut, si quis alicui litem moveat, *l. 13. §. 3. hic. Nov. 49. §. pen. aut impediât quominus in suo publicove ire, agere, piscari, aucupari possit. d. l. 13. §. fin.*

Verbis fit injuria, vel viva voce, ut per convicium; *l. 1. §. 1. hic.* vel scriptis; ut per famosum libellum: quo pertinet secunda pars hujus tituli, de famosis

famosis libellis. l. 5. §. 9. l. 6. l. 15. §. 29. h. t. l. un. C. de fam. lib.

Verbis injuria fit, si cui quid obijciatur, quod in ista regione probrosum sit & ignominiosum; neque enim omnia ubivis sunt ignominiosa.

Quo tamen cunque fiat modo, non potest injuria vocari, nisi animus injuriæ seu contumeliæ inferendæ adsit. l. 3. §. 1. h. t.

Qui ex ipso facto illicito præsumitur; unde is qui injuriam fecisse dicitur, necesse habet probare quod non affuerit animus injuriandi. l. 5. C. h. t.

Quælibet autem causa, etiam fatua & injusta, excusat à dolo & contumelia. l. igitur. de liber. caus. Gl. in l. un. in fin. ubi Ias. si quis jus dicenti non obtemp.

Est tamen interdum pro injuriante præsumptio, quod scilicet non habuerit animum injuriandi, nempe si objecit tale delictum, quod Reipublice interfuit scire; l. 18. in pr. hic. quæ tamen præsumptio contraria eliditur probatione.

Quocirca si probari queat, objecisse eum tale crimen injuriandi animo, neque criminis enormitas, neque veritas, l. 18. hic. eum excusabit. Gail. 2. obs. 99.

Pœna injuriarum lege XII. Tabularum nunc pecuniaria fuit, nunc talio. A. Gell. 20. noct. Attic. cap. 1. §. pœna n. Inst. h. t.

Quâ sublatâ, hodie ex Edicto Prætoris, ille qui injuriam passus est, æstimat eam certâ aliquâ pecuniæ summâ, pro injuriæ atrocitate; §. 9. Inst. eod. quam summam judex deinde ex bono & æquo probatione circumstantiarum, l. 7. §. fin. h. t. moderatur. §. 7. Inst. eod. l. 7. in pr. l. 17. §. 10. l. 19. §. 2. §. 26. & 34. h. t. Ioh. Fab. ad §. sed & 8. Inst. hic. Gail. lib. 2. obs. tit. 49. obs. 3.

Ex lege Cornelia de injuriis criminalis actio injuriarum introducta, ei competens, qui pulsatus verberatusve; vel cujus domus, sive propriâ, sive conductâ, sive quo hospitio receptus fuit, vi introita est. §. 8. Inst. l. 5. pr. & §. 2. hic.

Potest

Potest etiam criminaliter extra ordinem injuriarum nomine agi. *l. fin. h. t.*

Itraque injuriarum agitur aut civiliter, aut criminaliter. §. *in summa. Inst. h. t.*

Civiliter, cum actor injuriam ad animum revocatam jurejurando æstimat, & sibi pœnam, salva judicis moderatione, applicari petit. §. 7. & *ibi Gl. Inst. l. 37. §. 1. h. t.*

Criminaliter agitur, cum pœna petitur, vel corpori injuriantis infligenda; vel multa pecuniaria fisco applicanda. §. 10. *Inst. l. fin. ff. h. t.*

Quarum unâ electâ, altera (quod ad eundem finem, nempe vindictam, tendit,) perimitur. *l. 7. §. 1. l. 6. h. t.*

Actio civilis per procuratorem expediri potest, *l. 11. §. 2. h. t.* non criminalis, nisi persona illustris agat, vel conveniatur. *d. §. 10. l. ult. C. hic.*

Porro actio injuriarum non solum datur illi cui injuria immediatè & directò est illata, sed etiam iis, ad quos per consequentiam pertinet, §. 2. 3. *Inst. l. 1. §. 3. & seqq. h. t.* non solum adversus eum, qui ipse injuriam intulit, sed & , cujus consilio aut ope id factum. §. 11. *Inst. l. 11. pr. & §. 3. & seqq. eod.*

Sed neque hæredibus, neque adversus hæredes, datur. *l. 13. in pr. l. 15. §. 14. ff. l. 5. C. eod.* Nisi lis à defuncto fuerit contestata, *d. l. 13. in pr. l. 28. hic.* aut criminaliter suo nomine agere intendant. *Barr. in l. fin. n. 8. de privat. delict. per l. 1. §. 6. hic.*

Tollitur hæc actio morte ejus, qui injuriam vel intulit, vel passus est, *l. 13. l. 15. §. 14. l. 28. hic.* & remissione sive expressâ, *l. 11. §. 1. hic.* sive tacitâ, ut dissimulatione seu familiari conversatione, §. *ult. Inst. eod.* item lapsu unius anni, *l. 5. C. h. t.* continui: ut volunt *Dd. com. d. l. 5. C. h. t. Gail. 2. obs. 105.* Utpote quod per silentium tanti temporis tacitè remissa censeatur injuria.

Injuria tamen quæ lege Cornelia vindicatur, cum hæc ex Jure Civili descendat, non finitur anno, sed perpetua est. *pr. Inst. de perp. & temp. act. Duar. cap. 2. hic.* Quia actiones civiles, nisi nominatim breviori spatio concludantur, perpetuo competunt. *d. princ.*

Quia

Quia si anno expiraret hæc actio, nihil inter hanc & prætoriam interesset, quia utrâque consequimur injuriæ æstimationem. *l. 37. §. 1. ff. de injur.*

Injuriarum, sive civili, sive criminali actione condemnatus, fit infamis. *l. 7. in pr. h. t. l. 7. de publ. jud.*

Altera pars tituli (ut dictum) injuriam, quæ sit scripto, hoc est, per famosum libellum arguit.

Scripto committit injuriam; qui libellum famosum ad infamiam alicujus composuit: *l. 5. §. 9. l. 17. §. 29. h. t.* qui eum scripsit: *d. l. 5. §. 9.* qui eum pandit: *l. un. C. de famos. libell.* qui eum emendandum vendendum vecuravit; *d. l. 5. §. 10.* sive id suo, sive alieno nomine fecerit; *d. l. 5. §. 9.* item sive nomen diffamati expresserit, sive non. *l. 6. h. t.* Licet pro casus hujus duplicis diversitate, diversimodè agi possit. *vid. d. l. 6.*

Qui omnes olim interstabiles fiebant. *l. 5. §. 9. cum §§. seqq. h. t.* Constitutionibus Imperatorum pœna facta est capitalis. *l. un. C. de famos. libell.*

De extraordinariis criminibus.

T I T. XI.

Titulus hic generalis est, continens titulos sequentes usque ad publica judicia, & præterea privata delicta, quæ extra ordinem coercentur.

Extraordinaria sunt, undè nullæ certæ pœnæ existunt: sed ex arbitrio judicis committuntur, *l. 1. h. t.*

In his actor, ut in criminibus publicis, in crimen subscribere debet: *l. fin. de priv. delict. l. fin. de furt.* ne inulta maneat ejus calumnia, si temerè agat. *l. 7. in pr. de accus.*

Sunt multa ejusmodi crimina. Nam præterquam quod de privatis delictis jam expositis, *l. 1. §. 1. & 2. hic. d. l. ult. de priv. del. d. l. ult. de furt.* & de publicis criminibus, extra ordinem agi potest, *l. 6. h. t.* sunt & alia crimina extraordinaria, quæ deinceps sequuntur.

Extra

Extra ordinem itaque punitur sollicitator alienarum nuptiarum, & pudicitiae alterius. *l. 1. in pr. h. r.* Qui hino corrupto aliquem perfundit, aut ad injuriam publicam lacus fistulasve aquarum contaminat. *d. l. 1. §. 1.* Qui puerum puellamve de stupro interpellat. *d. l. 1. §. fin.* Qui coetus illicitos habet. *l. 2. cod.* Quae partum (puta nondum formatum; alioqui Legis Corneliae de sicariis poenae locus est, *l. 8. ff. ad leg. Cornel. de sicar. & ibi Gloss.*) data opera abigit. *l. 4. hic.* Qui annonam flagellat: falsive mensuris in vendendo utitur. *l. 6. hic.* Qui in sacculo veritas artes exercens, (saccularius dicitur) partem subducit, partem subtrahit. *l. 7. cod.* Qui in aliena coenacula se dirigit furandi animo. (directarius dicitur) *d. l. 6.* Qui praedium inimici σκοπελιζει, id est lapides ponit, indicio futuros, cum, qui agrum coluerit, insidiis periturum eorum, qui lapides posuerunt. *l. 9. hic.*

Denique omnis generis delicta, quae nullâ certâ lege vindicantur, extra ordinem, *d. l. 6. l. pen. l. fin. cod.* pro modo delicti, ætatis, aliarumque circumstantiarum, ex arbitrio judicis, coerceri solent. *d. l. pen. l. 16. de poen.*

De sepulchro violato.

T I T. XII.

EXtraordinarium hoc quoque crimen habetur. De quo est actio privata, competens ei ad quem sepulchrum pertinet, in id quod interest; & popularis in centum aureos, ob sepulchrum inhabitatum; ædificiumve non sepulchri causâ factum, in ducentos aureos; utraque in eum qui dolo malo fecit: *l. 3. in pr. §. 1. §. fin. l. 9. hic.* qui propterea fit infamis. *l. 1. h. r.*

Competit insuper publica accusatio ex lege Julia de vi publica, *l. 8. cod.*

Sepulchri appellatione omnis sepulturæ locus continetur, *d. l. 3. §. 2.*

Statuitur etiam ex Edicto D. Hadriani poena qua-

quadraginta aureorum in eos, qui in civitate sepulchrum faciunt : inque magistratus qui ea fieri passi sunt. *l. 3. §. 5. hic.*

Qui cadavera violant, severius & interdum capite puniuntur. *l. 3. §. 7. l. fin. ff. l. 4. C. eod.*

De concussione.

T I T. XIII.

Concussio est, cum quis iudicii, magistratus, alius cujuscunque potestatis quam habet, metu, aut terrore, pecuniam alicui extorquet. *l. 1. & 2. hic.*

Quod crimen extra ordinem punitur : *l. 1. h. t.* quamquam etiam poenâ quadrupli, *l. 1. C. ad l. Iul. repet. l. fin. ff. eod.* Senatusconsultis. *l. 1. ad S. C. Turpill.* iudicio calumniatorum, *l. 1. de calumn.* atque ad eod. interdum lege Corneliâ de falsis, *l. 1. §. 2. ad L. Corn. de fals.* nec non Lege Julia repetundarum, *Ant. Matthæus. tract. de crimin. h. t. cap. 2.* coërceatur.

Sed debet accusator eligere, nec poterit ob idem crimen pluribus legibus reus fieri. *l. 14. de accusat.*

Actio tamen Civilis regulariter Criminali non præjudicat : *l. un. C. quan. act. civ.* nisi utraque ad vindictam tendat ; Quo casu executione non concurrunt. *l. 7. de injur. l. 2. §. 1. de vi bon. rapt. l. 4. de publ. jud. d. l. un.*

De abigeis.

T I T. XIV.

Abigei dicuntur, qui gregem ovium, aut pecorum, (id est, saltem decem oves, aut quatuor porcos.) vel equum aut equam, de grege, vel bovem de armento abducunt. *l. 1. §. 1. §. 2. l. 3. in pr. hic.*

Cæterum si bovem aberrantem, vel equos in solitudine relictos abduxerint, non sunt abigei, sed fures potius : *d. l. 1. §. 1.* nisi sæpius abegerint ; & hanc quasi artem exerceant. *l. fin. §. 2. eod.*

Ani-

Animalia abducta pro suo numero & genere furem vel abigeum faciunt. *l. fin. & t. r. eod.*

Est hoc crimen extraordinarium, non publicum, five legitimum, quia furtum quoddam est. *l. 2. eod.*

Ejus poena extraordinaria est, nunc metalli, nunc gladii, nunc operis publici, nunc relegationis, pro qualitate personarum & criminis. *l. 1. pr. & §. 2. §. 3.*

Sed abigei non solum extra ordinem accusari possunt, sed etiam privata actione quasi fures. *l. un. C. eod.*

De prævaricatione.

T I T. X V.

PRÆVARICATOR est quasi varicator, qui diversam partem adjuvat, prodita causa sua. *l. 1. hic.*

Prævaricationis iudicium aliud publicum, aliud moribus inductum est. *l. 3. in pr. hic.*

Publicum est, cum quæritur de prævaricatione ejus qui publico iudicio accusavit. *d. l. 1. §. 1.*

Publicum quia est, prævaricator ex hoc arbitrio iudicis, *l. 2. hic.* extra ordinem vel eadem poena publica afficitur, qua teneretur, si ipse in legem commisisset, qua reus propter prævaricationem absolutus est; *l. pen. h. t.* præterea fit infamis, *l. 4. eod.* accusatione in perpetuum ei interdicitur. *l. 5. eod.*

Moribus inductum est, cum quæritur de prævaricatione ejus qui partes advocati sustinet. *d. l. 3. §. 2.* Qui extra ordinem punitur: *d. l. 1. in fin.* non tamen fit infamis. *l. 3. §. 2. cum l. 4. hic.*

Hodie generaliter iis qui prævaricati sunt, poena injungitur extraordinaria. *l. 2. eod.* Nec impune est Reo, adversarium ut colluderet induxisse: In omnibus enim causis, præterquam in sanguine, is qui adversarium corrumpit, ex SCto pro victo habetur. *l. ult. ff. hic.*

De receptatoribus.

T I T. XVI.

R eceptator est, qui maleficum dolo malo, l. 3. §. non tantum. ff. de inc. ruin. nauf. receptat in suo vel alieno, præstans ei causam se occultandi. l. 1. §. quod autem. de serv. fugit.

Qui accepta pecunia latronem dimisit, cum apprehendere possit, in pari est culpa. l. 1. in fin. hic.

Punitur receptator perinde atque latro; d. l. 1. l. 1. C. de his qui latr. dummodò opem ipse tulerit: alioqui si tantum sciat & receptet mitius puniendus videtur. Gl. in l. 1. hic. l. 2. C. de his qui latr.

Sed apud quem affinis vel cognatus latro servatus est, neque absolvendus, neque severe admodum puniendus est: l. fin. hic. itaque multa pecuniaria pro modo delicti & facultatum ei imponitur. Bonif. in pract. crim. tit. de recept. l. 1. 2. hic. l. 3. §. si eum. de lib. hom. ex h. l. 1. C. de recept. arb.

Receptatorum pœna non tenetur qui ignarus est maleficii. l. 2. C. de his qui latron. l. si quis servum. C. ad L. Flav. de plagiar. l. 4. C. de serv. fugit. l. 3. §. 3. ff. de incend. ruin. nauf.

De furibus balneariis.

T I T. XVII.

F ures balnearii sunt, qui vestimenta eorum, qui in balneis lavantur, surripiunt.

Adversus eos adhiberi solebant capsarii, qui vestimenta custodirent. l. 3. §. ult. de off. præf. vig.

Fures balnearii, ut & nocturni, extra ordinem audiendi sunt, & causa cognita puniendi. l. 1. hic.

Nam ea maximè animadvertenda sunt peccata, quæ difficillime præcaventur. fac. l. 8. C. de Episc. & Cler. Paul. lib. 5. sent. tit. 19. & 20.

De effractoribus & expilatoribus.

T I T. XVIII.

Effractores hic accipe tam carcerum, quam domorum, scilicet furandi causa.

Qui erumpunt. è carcere effractis foribus, ultimo supplicio puniri possunt: *l. 1. hic.* contemnunt enim majestatem ipsius magistratus: modo carceratio legitime; processu ritè ordinato facta sit. *Barb. in l. vis ejus. C. de probat.*

Si per negligentiam custodum (contra quos præsumitur. *Gl. Bald. in l. cum ita. §. species. de legat. 2. Alex. cons. 156. vol. 2.*) evaserint, minori pœna coercentur. *l. 1. hic.*

Qui ædes privatas, diripiendi & expilandi gratia, effringunt, extra ordinem arbitrio judicis coercentur: *l. 1. & 2. h. t.* & honestiores ordine moveri aut relegari, humiliores in opus damnari solent. *d. l. 1. in fin. l. 2. eod.*

Eodem modo expilatores puniuntur. *d. l. 1. §. 1.*

Expilatores sunt, qui homines spoliant; ex eo dicti, quod ne pilum quidem (ut ait *Ascon. in Verr. 2.*) in eorum corpore relinquunt.

Sunt ergo fures atrociores, *d. l. 1. §. 1.* & proprie dicuntur ii qui per vim vestimentis aut pecunia hominem exuunt. *Wes. hic. n. 2.*

Expilata hæreditatis.

T I T. XIX.

Quoniam ob expilatam hæreditatem furti agi non potest; *l. 68. de furt. l. 2. l. ult. h. t.* visum fuit extraordinario judicio fraudem expilatæ hæreditatis vindicare. *l. 2. ff. l. fin. C. hic.*

Actionibus enim civilibus, ut rei vindicatione, *l. 4. C. eod.* & petitione hæreditatis, *l. 3. ff. eod.* (quæ etiam hoc nomine dantur,) possessio tantum revocatur, non crimen coercetur.

Datur

Datur hoc iudicium iis quorum interest; *l. 4. eod.* adversus eos qui surripuerunt; etiam vitricum, *l. 2. C. eod.* aut novercam; *l. 3. C. eod.* si de hæreditate patris non agatur.

Nam contra uxorem defuncti non datur; quia nec furti cum illa agi potest. *l. pen. ff. l. 4. C. eod.*

Quare nec in cohæredem datur. *l. 3. C. famil. ercisc.* Nisi evidens dolus arguatur. *Dd. in d. l. 3. fac. l. 1. C. eod. l. merito. ubi Dd. pro scio. Duar. hic. Menoch. de arbitr. cas. 300. num. 7.* Dissentiunt alii. Qui tum actioni furti locum esse volunt: *arg. l. 45. & seqq. hic. l. 16. §. denique. ff. fam. ercisc. junct. l. ult. C. hic. & recte. Matth. de crim. hic.*

Pœna expilatorum hæreditatis est extraordinaria, *l. 1. h. t.* hoc est, arbitraria.

Stellionatus.

T I T. XX.

S Tellionatus crimen (dictum à Stellione, laerti genere versutissimo & maximè fraudulento. *Plin. lib. 30. c. 3.*) aliis criminis titulo deficiente locum habet. Quod enim in privatis iudiciis est actio de dolo, hoc in criminibus est stellionatus persecutio. *l. 3. §. 1. hic.*

Ubicunque igitur titulus criminis deficit, ibi stellionatus obijciemus. *d. l. 3. §. 1.*

Maximè in his locum habet: Si quis fortè rem alii obligatam, aut datam, dissimulatâ priori obligatione, alii distraxerit, obligarit, in solum dede- rit, *d. l. 3. §. 1. vers. Maxime.*

Actio stellionatus neque publicis, neque privatis iudiciis continetur. *l. 1. ff. l. 3. C. eod.*

Non est famosum iudicium, sed coërcitionem extraordinariam habet. *l. 2. eod.* Nisi ex eo crimine descendat, quod etiam in privato iudicio infamiam condemnato, importet. *fac. l. 7. de publ. jud.*

Pœna hujus criminis arbitraria: in humilioribus tamen non debet opus metalli egredi; in honestio-

556 *Digest. Lib. XLVIII. Tit. I.*
ribus, relegatio, aut ab ordine remotio retinenda
est. *d.l.3. §.2.*

De termino moto.

T I T. XXI.

T Ermini moti Crimen, (id est, cum quis terminum finium causa positum avulsit, *l.1.b.t.* vel propulit, *l.2.eod.* vel eiecit, seu quavis ratione loco movit, *l.3.eod.* vel finium observandorum causa faciem locorum convertit; puta, ex sylva novale fecit. *d.l.3. §.ult.eod.*) olim poena pecuniaria vindicabatur, *d.l.3.* hodie, pro conditione admittentium, extraordinaria, *l.1.eod.* puta relegatione, verberibus, *l.2.eod.* coercetur.

De collegiis & corporibus.

T I T. XXII.

C Ollegium, sive corpus, dicitur societas quaedam hominum ita contracta, ut ex pluribus personis, (non tamen paucioribus tribus. *l.85. de V. S.* Est enim collegium velut universitas: ad hanc autem constituendam dualis numerus non sufficit.) veluti una persona & unum corpus fiat. *l.1. quod cujusque universis.*

Sunt collegia propter factionum & conjurationum metum; regulariter illicita. *l.3. §.1. hic.* Nisi quæ ad usum Reipublicæ sunt approbata. *d.l.3.*

In duobus collegiis nemo esse potest. *l.1. §.ult. hic.*

Qui contra constitutiones & leges collegia faciunt, rei sunt Majestatis & legis Julæ de vi publica. *l.2.eod.l.1. ad L. Iul. Majest. l.5. ad L. Iul. de vi publ.* Siquidem ea aperte ad Reipublicæ perniciem spectant.

Olim tantum collegium dissolvebatur, eratque poena plane extraordinaria. *l.3. hic. l.15. C. de Episc. & Cleric.*

De popularibus actionibus.

T I T. XXIII.

Actiones populares suum jus populi tuentur, *l. r. hic.* ut sunt pleræque extraordinariæ.

Cuivis è populo permittuntur, dummodo integra persona sit, cui per Edictum postulare liceat. *l. 4. hic.*

Quodsi plures concurrant, is cujus interest præfertur; *l. 3. §. 1. eod.* aut Prætor eligit maxime idoneum. *l. 2. eod.*

Mulieri aut pupillo non dantur, nisi res ad eos pertineat. *l. 6. eod.*

Omnes neque in hæredem, neque ultra annum dantur. *l. ult. eod.* Quod de civilibus & extraordinariis judiciis accipiendum, non de publicis. *fac. l. 12. C. de fals.*

Reus in popularibus judiciis potest dare procuratorem, non Actor. *l. 5. hic.* Nisi his agat ad quem res pertinet. *l. 42. in pr. l. 45. §. 1. de procur.*

Pœna quæ his judiciis irrogatur, ita ad fiscum pertinet, ut pars, loco præmii, accusatori concedatur. *l. 25. §. ult. ad SC. Silanian.*

D I G E S T O R U M

L I B E R XLVIII.

De publicis judiciis.

T I T. I.

Sequuntur judicia publica; sic dicta, quod in iis de crimine publico, quod omnes tangit, queritur. *fac. l. 4. §. 1. C. de heret. & Manich.*

Sed non omnia judicia, in quibus crimen vertitur, publica sunt; sed ea tantum quæ ex legibus ju-

diciorum publicorum veniunt, *l. 1. ff. h. t.* Quæ omnia sunt famosa. *l. 7. eod.*

Sunt aut capitalia, quæ morte vel exilio caput eximunt de civitate Romana: aut non capitalia, quæ relegationem, vel aliam coercitionem cum infamiae nota irrogant. *l. 2. ff. §. 3. Inst. h. t.*

Olim ea in provinciis Præfides & Proconsules exercebant, in Urbe Quæstores rerum capitalium. *l. 2. §. 23. de origine jur.*

Posterioribus temporibus præfectura urbana omnia sibi crimina in urbe commissa vendicavit. *l. 1. de off. præf. urb.*

Ordo antiquus exercendorum judiciorum capitalium in usu esse desit, durante tamen pœna legum, cum extra ordinem crimina probantur. *l. 8. hic.*

Et hodie omnia crimina extra ordinem puniuntur. *l. 3. §. 1. ad L. Iul. pecul. l. 7. ad L. Iul. repet. l. 3. ad SC. Turpil. l. ult. de plagiar. l. 1. in fin. repet. l. 12. de pœn.*

Procuratorem hæc judicia admittunt, ad absentiam excusandam, non ad reum defendendum. *l. 13. §. 1. hic.* Nisi sit iudicium non capitale. *l. 33. §. publicè. de procur. l. 5. in pr. de pœn. l. 3. C. de accusat.*

Qui de his judiciis cognoscit, neque pendente uno iudicio aliud; *l. 4. ubi Gl & Dd. h. t.* neque compensationes relationesque criminum, *l. 5. h. t.* neque probationes non luce clariores; *l. fin. de probat.* admittere debet.

Non finiuntur hæc judicia morte accusatoris, *l. pen. in pr. hic.* sed omnino morte rei: *l. 3. eod.* Quia hæres in pœnam non succedit; *l. 20. de pœn.* excepto crimine perduellionis, ex quo memoria defuncti damnatur; *l. ult. ad L. Iul. Majest.* & crimine repetundarum; quo hæres intra annum tenetur à morte ejus qui arguebatur. *l. 2. de L. Iul. repetund.*

De accusationibus & inscriptionibus.

T I T. II.

Iudicia publica non per actiones, ut privata, ordinantur, in *pr. Inst. de publ. jud.* sed per accusationes, *l. 6. §. si quis. de muner. l. 19. C. ad L. Iul. de adult. c. 1. Ext. h. t.* nisi cum ex publica fama, Magistratus inquirat. *l. 2. §. si publico. ad L. Iul. de adult. l. 3. §. præterea. de susp. tut. l. pen. C. de probat. l. 1. C. de cust. reor. l. 7. C. h. t. c. 1. & 2. Ext. eod.*

Accusatio, est criminis alicujus, & ejus qui crimen admisit, apud judicem delatio, publicæ vindictæ & poenæ causa, solenniter facta.

Ea coram idoneo & competente judice instituenda, ab iis quibus accusandi jus est, contra eos quos accusare licet.

Competens est judex, qui cum potestate est. Ut olim erat à populo electus; *l. 2. §. 23. de orig. jur.* post, ex Principis constitutionibus, Præfectus Urbis; *l. 1. de off. præf. urb.* in provinciis Proconsules, & Præsidēs; *l. 13. de off. præf. l. 1. de off. ejus cui mand. jurisd.* Nunc non tantum superior magistratus, sed & municipalis; ut omnimodæ jurisdictioni jus gladii insit, & jure magistratus competat. *Dd. in d. l. 1. de off. ejus cui mand. jurisd.*

Undè hodie plerunque fontes eo loci coercentur, ubi inveniuntur, *l. 1. ubi Gl. & Dd. C. ubi de crim.* etiam de delictis alibi commissis: *vid. Barr. Bald. & Dd. in l. 1. C. de sum. Trinit. & in l. omnes. de I. & I.* Olim causa agebatur ea in Provincia, in qua erat delictum. *l. 7. §. pen. l. fin. h. t. l. 11. ubi Gl. de custod. & exhib. reor.* unde remitti eò rei solebant. *l. 7. de custod. & exhib. reor. Auth. Qua in provincia. C. ubi de crimin.*

Accusare possunt omnes qui non expressè prohibentur. *l. 8. hic.*

Prohibentur accusare quidam generaliter, quidam speciatim.

Generaliter, prohibentur, mulier: pupillus: miles qui stipendia meret: magistratus: infamis: qui duos judicia adversus duos subscripta habet: qui pecuniam accepit ad accusandum, vel non accusandum: *l. 8. hic.* qui falsum testimonium subornatus dixit: *l. 9. eod.* pauper minus quam quinquaginta aureos in bonis habens: *l. 10. eod.* reus criminis: *l. 19. C. de his qui accus. non poss.* servus. *l. 53. de judic.*

Admittuntur tamen ferè omnes in crimine læsæ majestatis, *l. 7. l. 8. ad L. Iul. Majest.* fraudatæ annonæ, *l. 13. b. t.* cum suam suorumque injuriam persequuntur. *l. 4. l. 11. b. t. l. 5. C. de his qui acc. non poss.*

Speciatim accusare prohibentur, liberi parentes: *l. 5. C. ad L. Corn. de fals.* liberti patronos: *l. fin. C. eod.* *l. 8. in fin. b. t.* laici clericos; nisi suam suorumque injuriam prosequantur: *c. 14. Ext. de testib.* frater fratrem; in capitali, aut alioqui magno crimine: *l. 13. C. de his qui acc. non poss.* in levi non prohibetur. *l. 18. C. eod.*

Plures simul unum accusare possunt, si simul concurrant & omnium interfit. *Duaren. Disput. lib. 1. cap. 39. per l. 4. C. hic. l. 3. de sepul. viol.*

Si tamen ab uno accusatus jam sit, ab alio accusari de eodem crimine nequit: *l. 9. C. b. t.* Nisi prima accusatio deserta sit, aut aliquo casu impedita. *l. 11. §. fin. l. 3. §. 1. b. t.*

De diversis delictis rectè uno tempore alicujus nomen defertur: *l. 9. C. eod.* Sed ne reus in diversa distringatur, tantum de uno, post de aliis, respondere cogitur. *l. 2. §. ult. de custod. reor.*

Sic reus accusatus, pendente judicio, non potest accusatorem suum pari, vel minore crimine accusare; quia non relatione criminum, sed innocentia purgari debet: *l. 9. C. de his qui acc. non poss. l. 5. b. t.* majore tamen crimine accusare potest, ita ut de hoc prius judex cognoscere debeat. *l. 1. C. qui acc. non poss.*

Quod si inter plures, quinam debeat accusare, non conveniat, erit judicis, magis idoneum eligere. *l. 16.*

l. 16. h. t. l. 3. de lib. hom. ex h. l. 2. de pop. act. l. 2. §. fin. ad L. Iul. de adult.

Accusari possunt rei utriusque sexus, cujuscunque ætatis, (modò doli sint capaces. *l. 37. de minor. l. 111. de R. I.*) & conditionis, etiam servi: *l. 5. l. 12. §. pen. l. 17. h. t.* non legati & magistratus; *d. l. 12. §. 2.* nec absentes, siquidem agatur de crimine capitali; *l. 6. C. eod.* nec mortui; nisi læsæ majestatis crimen intentetur: *l. 20. hic. l. 6. de publ. jud. l. fin. ad L. Iul. Majest.* aut tale in quo principaliter quæstio pecuniaria vertitur: ut peculatus, repetundarum: *l. ult. ff. ad l. Iul. pecul. l. 2. ff. l. 2. C. ad l. Iul. repet.* nec qui semel accusatus atque absolutus est: *l. 7. §. 2. h. t.* nec qui delatus ab uno est, ab alio deferri potest. *l. 11. §. fin. ff. l. 9. C. eod.* Nempe si de eodem crimine agatur: cæterum si plura crimina admisit, singulorum nomine accusari potest. *l. 9. C. hic. l. 2. ff. de privat. delict.*

De uno delicto plures simul rectè accusantur. *l. 2. C. si reus vel accus. mort. fuer. l. 39. §. pen. ad L. Iul. de adult.*

Nemo ad accusandum admittitur, nisi per se, vel, si literas nesciat, per alium, se inscribat ad pœnam talionis, id est; libello subscribat, quod facilius puniri possit, si calumniari deprehendatur. *l. 3. §. 2. l. 7. in pr. ff. l. pen. & ult. C. h. t.*

Ei qui ob publicum munus, quo fungitur, denuntiat, hæc inscribendi necessitas remittitur: *l. 7. C. h. t.* ut & ei qui de levibus accusat. *l. 6. h. t.*

Libelli inscriptionis conceptio talis est: Consul &c dies; apud illum Prætorem vel Proconsulem Lucius Titius professus est, se Maviam, lege Julia de adulterio ream deferre: quod dicat eam cum Gaio, Seio, in civitate illa, domo illius, mense illo, Consulibus illis, adulterium commisisse. *l. 3. in pr. hic.*

Utique enim & locus designandus est, in quo adulterium commissum est: & persona, cum qua commissum dicitur, & annus atque mensis: *d. l. 3. vers. utique.* Neque autem diem neque horam invitus comprehendet: *d. l. 3. vers. Neque.*

Si tamen reus petat diem consignari, ut negati-

vam loco & tempore coarctatam, Bart. in l. i. qui reus, n. 16. de publ. jud. per l. 2. §. 1. de eo quod cert. loc. & in l. 3. n. 13. hic. probare possit, æquum erit hujusmodi precibus locum dari. sac. l. 14. in fin. C. de contr. stipul. Dd. in l. actor. C. de probat.

Quodsi libelli inscriptionum legitimè ordinati non fuerint, rei nomen, etiam illo non opponente, Bart. in l. 3. C. de edend. Ias. in §. ex maleficiis. n. 68. Inst. de action. unà cum libellis aboletur, & ex integro repetendi reum potestas fit. l. 3. §. 1. hic.

Hodie subscriptiones & inscriptiones quidem obsoleverunt, Gl. in l. 2. ad verb. periculi. C. de fid. instr. Clar. lib. 5. sent. §. ult. quest. 18. in vers. etiam. tamen custodia accusatori circumdari solet, donec de proseguenda lite, injuriaque refarcienda, idoneè satisfieret. l. 3. C. de his qui accus. non poss. l. 2. C. de exhib. reis. Hippol. in pract. crim. §. diligenter. n. 207.

Institutà accusatione, relatoque inter reos accusati nomine, causa eodem modo per litis contestationem, exceptiones, probationes, &c. agitur, quo in civilibus agitari solet. d. l. 2. l. 4. C. de edend. l. 33. C. ad L. Iul. de adult. l. 15. §. 7. ff. eod. Azo in rubr. C. eod.

Qualisqualis tamen in hac sufficit petitio: nec nocet inepta conclusio: imò illà non est opus. Bart. in l. 2. §. si publico. n. 13. ad L. Iul. de adult. & in l. 3. h. s. Ferrar. in form. inquisitionis. ad verb. super.

Iustæ ac legitimæ hic debent esse probationes, nec decreta civitarum expressa, atque emendicata, ad fidem faciendam hic suffiunt. l. 14. C. hic.

Solent iudices tempus accusatori præscribere, intra quod solennia accusationis impleat. Quo elapso, amplius accusare volens non auditur. l. 7. C. de his qui accus. non poss.

In exequenda accusatione præsentia accusatoris necessaria est. l. 4. l. 15. C. h. t. Præsens quoque reus esse debet. l. 3. l. 6. C. eod.

Domino tamen servum suum etiam præsentem tam per se, quam procuratorem, si velit, l. 9. hic. defendere

fendere permittitur; quod ipsius intersit, seruo suo non carere. *l. 17. ff. l. 2. C. cod. l. 11. de publ. jud.*

De custodia & exhibitione reorum.

TIT. III.

Post accusationem institutam solet reus, aut in custodiam, aut in vincula conjici, ne elabi possit: *l. fin. C. de accus.* aliquando datis fidejussoribus de judicio sistendo à carcere liberatur; puta si delictum non sit nimis atrox, vel non sit notorium, vel persona sit honoratior. *Bachov. ad Treutl. disp. de fidejuss. thes. 3. lit. A. quem vide.*

Sed Judicis, pro facti & personæ qualitate, est æstimare quemadmodum custodiendus sit reus, recipine in carcerem debeat, an etiam vinculis contineri, an militibus tradi custodiendus, an fidejussoribus committendus, qui eum exhibituros se redromittant, vel etiam sibi, id est, sua promissione de se exhibendor. *l. 1. hic. l. 9. l. 10. ex quib. caus. major.*

Quod ad carcerem attinet, notandum est eos qui disparis sunt sexus simul includendos non esse. *l. 3. C. hic.* Quod de consuetudine servatur. *Grammat. decis. 33. num. 1.* De Jure tamen Novissimo mulieres non incarcerantur. *Auth. hodie. C. de hic.*

Officium ejus, qui carceri præponitur, est in commentarium referre eos, qui in carcerem conjiciuntur: (undè Commentariensis dictus) & judici singulis mensibus eos ingerere. *l. ult. C. hic.*

Non debent rei vinciri in custodia, antequam convicti, aut confessi sint. *l. 5. hic. l. 2. C. de exhib. reor.* aut nisi de gravi scelere agatur, *l. 3. ff. l. 2. C. h. t.* aut servi sint, qui à dominis non defenduntur. *l. 2. in pr. hic.*

Custodiæ traditi, si conspiraverunt, ut ruptis vinculis, & effracto carcere, effugerent, quamvis alioqui innocentes ex eo crimine, propter quod impati sunt, puniuntur tamen propter loci publici violationem eadem poenâ quâ delictum principale

erat vindicandum: si vero noxii sunt, augetur pœna, quam passuri erant: Illi autem, qui eorum conspirationem detexerunt, relevandi sunt. *l. pen. hic.*

Qui effracto carcere, vel conspiratione cum cæteris qui in eadem custodia erant, de carcere eruperunt, capite civili puta, non naturali; plectuntur: qui verò per negligentiam custodum evaserunt, mitius puniuntur. *l. 1. de effract.*

Præpositus carceris & alii custodes, siue milites sint, siue pagani, ob custodiam amissam, (id est, personas custoditas, *l. 8. l. 10. l. 12. l. ult. hic. l. 12. de publ. jud. l. 18. §. pen. de question.*) pro modo culpæ puniuntur, *d. l. 8. d. l. 12. & l. ult. hic. & ex constitutionibus eadem pœna*, (quod durum est) qua is qui aufugit puniri debeat, afficiuntur. *l. 4. C. hic.*

Qui non reos, sed jam convictos damnatosque emittunt, & vindictæ publicæ suffurantur, meritò, cum majestatis rei sint, gravius puniuntur. *l. 3. §. fin. l. 4. ubi Bant. ad L. Iul. majest.*

Magistratus etiam mulctantur, si temerè & sine causa custodias dimittant: *l. 10. hic.* si injuste quem custodiæ tradant, aut cognita innocentia captivum diutius detineant. *Bald. in l. sed etsi. de in jus. voc.* Et tum ad interesse & injuriarum nomine tenentur. *Bald. in l. quemadmodum. 29. §. magistratus. ad legem Aquil.*

Secunda pars hujus tituli est de exhibitione reorum.

Exhibere, est deducere ac sistere reum coram iudice, ut incarcerari, vel aliter custodiri possit. *t. i. C. de exhib. reor. l. 3. C. de advoc. divers. jud.*

Hujus exhibitionis varia sunt exempla: ut, cum fidejussor ad aliquem sistendum obligatur; *l. 2. §. ult. l. 3. 4. hic.* cum Irenarchæ prehensum facinorosum ad Præsidem cum elogio mittunt; *l. 6. eod.* cum in Provinciam ubi deliquit, ab alterius Provinciæ Præside reus transmittitur; *l. 5. l. 11. eod.* cum accusator reum quem accusare vult deducit, & Judici exhibet. *l. 3. C. de advoc. div. jud. l. 11. C. de testib. Nov. 45. Nov. 151.*

Sed

Sed hic tantummodò exhibendus est, de cujus exhibitione judex pronuntiavit. *l. ult. C. de exhib. reis.*

Antequam reus exhibeatur, dandi ei dies sunt ad disponendam rem familiarem. *l. 2. C. eod.*

Qui reum, pro quo cavit, non exhibet, pœna pecuniaria afficitur, vel, propter dolum, extra ordinem damnatur. *l. 4. hic.*

Ad legem Iuliam Majestatis.

T I T. I V.

EXposito instituendorum judiciorum publicorum ordine, sequuntur variae species, seu singulae leges, quibus varia judicia publica constituta, declarandæ.

Prima est lex Julia Majestatis, à Julio Cæsare auctore sic dicta.

Majestas, dicitur amplitudo & dignitas populi Romani; à magnitudine sic dicta. *Cicero in part. Orat.*

Crimen læsæ majestatis est, quod adversus populum Romanum, hodiè, (jure populi in Principem translato, *l. 1. de const. princ.*) quod in eum, vel adversus securitatem ejus, committitur. *l. 1. §. 1. h. t.*

Est vel proprium, vel improprium.

Proprium est, quod committitur contra summum Principem & Imperii statum: seu contra non recognoscentem superiorem: &, pro sui atrocitate, modò generis nomen retinet, modò in specie perduellio dicitur. *§. 3. Inst. de publ. jud. l. ult. h. t.*

Perduellio dicitur, cum aliquis hostili animo contra salutem Principis, vel Reipublicæ, aliquid molitur: *d. l. ult.* quia quos nos hostes, veteres perduellēs appellabant. *l. 234. in pr. de V. S.*

Improprie dicitur Majestatis crimen committi in Legatos Principis, ejusque Consiliarios, *l. 5. C. hic.* in Principes, civitates, quæ superiorem recognoscunt. *Clar. lib. 5. sent. §. læsæ Majest. n. 3. 4. 5.*

Committunt Majestatis crimen illi soli, qui Principi, vel Reipublicæ, contra quem delinquitur, sunt subditi ratione originis, vel domicilii. *Clem. 2. vers. rursus non est silentio. de sent. & re jud.*

Qui majestatem Principis lædunt, quod ad Principem attinet, quando honori ejus, vel majestati derogant.

Quod variis modis fit. Ut statuas & imagines Principis violando: *l. 6. l. 7. §. ult. h. t. animo hostili in Principem aliquid machinando: l. ult. eod. seditionem in Republica concitando: exercitum Principis injussu colligendo: l. 1. §. 1. l. 10. l. 11. eod. reservata Principi jura sibi adscribendo: vestigia nova absque ejus autoritate imponendo: l. 2. 3. 4. eod. monetam adulterinam cudendo: &c. l. 2. C. de fals. monet.*

Committitur hoc crimen etiam solo silentio conspirationum, modò sint contra Principis personam, vel statum. *l. 5. §. pen. C. hic. Clar. d. loc. §. fin. quæst. 87. n. 2.*

Et in hoc crimine non tantum effectus, sed & conatus punitur, licet in actum non exierit. *l. 5. l. 6. C. eod.*

Quilibet hic, etiam alias inidoneus, ad accusationem admittitur. *l. 3. l. 4. C. eod.*

Servus in caput domini, item omnes postulati & ad testimonium provocati, si res exigat, nullâ dignitatis, generis, militiæ, habitæ ratione; imò & ipsi accusatores in caput accusati torquentur. *l. 7. §. 1. l. 3. l. 4. C. eod.*

Accusatus de hoc crimine statim post accusationem institutam à bonorum suorum administratione removetur, *l. 7. l. 8. h. t. alienationes ejus non tenent; & debitores ei non rectè solvunt. l. 6. §. 1. C. eod.*

Convictus, gladio, cruce, etiam aquæ & ignis interdictione olim mulstabatur, *l. 3. ff. l. 5. C. hic. Paul. lib. 5. sent. c. 29: ubi Cujac. hodie quidem semper morte punitur; d. l. 5. in pr. & memoria etiam mortui damnatur, l. pen. & ult. C. hic. & præterea filii, nepotes, l. 10. C. de bon. proscr. Clar. 5. sent. 5. §. lasa.*
Ma-

Majestas. num. 11. sunt infames, & successionis cuiuscunque incapaces: *d.l.5. §.1.* præterquam quod filia ex bonis maternis Falcidiam accipiunt. *d.l.5. §.3.*

Quod non tantum in principali reo, ejusque filiis, sed & in conscio, adjutore, ministro, eorumque filiis obtinet. *l.5. pr. §.6. C. eod.*

Quam pœnam, qui conjurationem patefacit, non solum evitat, sed insuper, si ab initio, non serò, eam detegat, præmio & honore afficitur. *d.l.5. §. ult.*

Dicta tamen capitalis pœna obtinet, si majestas supremi Principis violatur, sed si securitas inferiorum infringitur, arbitrariæ pœnæ est locus. *Ias. in l.10. de jurisd. vid. Annot. ad decis. Guid. Pap. 48. Ias. in §. pen. n. 107. Inst. de action. Wesf. hic. n. 7.*

Ad Legem Iuliam de adulteriis coërcendis.

T I T. V.

Secunda est Lex Julia de adulteriis, lata ab Augusto, *l.1. hic.* quâ adulterium, stuprum, & lenocinium, *l.12. eod.* incestum, *l.38. hic.* punitur.

Lex stuprum & adulterium promiscuè appellat: sed propriè adulterium in nupta, stuprum in virgine, viduave, aut puero committitur. *l.6. §.1. l.34. §.1. hic. l.101. in pr. de V.S.*

Adulterium, est violatio thori alieni. *c. adulterium. 36. q.1. Hostiens. in tit. de adult. in pr.*

Committitur & in alterius uxorem, *l.6. §.1. hic.* etiam injustam; sufficit enim uxorem esse, licet in manum viri per coëmptionem non convenerit: *l.13. §.1. hic.* & in sponsam; puta de præsentî, non de futuro; Quia tum thorus alienus non violatur. *fac. d. l.6. §.1. l.11. §.7. ff. hic.* Hujus tamen violatio punitur, non ut adulterium, cum nec dum matrimonium sit, sed ut stuprum; quia neque matrimonium qualecunque, neque spem matrimonii violare permittitur. *d.l.13. §.3. & §.2. vid. Perez. in C. ad h. tit.*

Non

Non committitur in meretricem nuptam, quamvis ipsa adulterium committat; & illud in ea maritus vindicare possit, *d. l. 13. §. 2.* Quia alienus thorus violari non videtur, ubi nullius thori pudor est, sed promiscua & vulgaris connivente marito turpitudine. *vid. l. si ea. 22. & l. qui adulterium. 29. C. h. t. ubi Dd. Bal. Cyn. Salic.*

Adulterium, vel committitur inter virum conjugatum & foeminam nuptam: vel inter virum solutum & foeminam nuptam: vel inter virum conjugatum, & mulierem solutam.

Quod ultimum est ex Jure Canonico, *c. 19. & c. fin. 32. qu. 5.* & divino, *1. Corinth. 7. vers. 4.* jure enim civili hoc neque ex parte viri, neque ex parte mulieris habetur pro adulterio. *l. 1. C. h. t.*

Accusare adulterii minor viginti quinque annis non potest, nisi matrimonii sui injuriam persequatur: *l. 15. §. Lex Julia. hic.* quamvis ab aliis accusationibus capitalibus non repellatur. *l. 14. §. 1. & §. 2. de bon. libert.*

Maritus potest intra sexaginta dies utiles à die divortii computandos, *l. 14. §. pen. l. 29. §. sex mensium. vers. prater ea. hic.* jure mariti accusare: *l. 6. C. hic. l. 37. §. 1. de minor. & eo cessante, pater mulieris. l. 30. l. 14. §. pen. l. 2. §. 1. fin. l. 3. l. 4. hic.*

Jus mariti ejusmodi est; ut accusator se inscribere non cogatur, abolere accusationem pro arbitrio possit, & quamvis ex nudis suspicionibus egerit, de calumnia non teneatur: *l. 6. l. 30. ubi Dd. C. h. t. nisi ea evidens sit, & aperta. d. l. 14. §. fin. l. 30. hic.*

Elapsis illis sexaginta diebus admittuntur ad accusationem de Jure Digestorum, non Codicis; *l. 30. C. hic.* etiam extranei, & inter hos quoque maritus & pater; sed jure extranei, ita ut accusare usitato inscriptionis more cogantur: *d. l. 14. §. pen. idque intra quatuor menses utiles. l. 4. §. 1. hic.*

Itaque apparet utroque tempore, & sexaginta dierum, & quatuor mensium conjuncto, mulierem intra sex duntaxat menses à tempore divortii accusari posse.

Nam

Nam & huic accusationi, utili semestri tempore, & quinquennio continuo præscribitur.

Sex menses computantur, in nupta à die divortii, in vidua à die commissi criminis : quinquennium indistinctè à die commissi criminis. *l. 29. §. sex mensem. §. hic.*

Quo quinquennio non adulterii modo, sed omnis quæstio ex lege Julia, puta stupri, lenocinii, præscribitur: *d. l. 29. §. 6. l. 5. ubi Salic. C. eod.* Nisi prævaricatio, aut aliud impedimentum, accusationem eluserit, vel vis publica in stupro facta arguatur. *d. l. 29. §. fin. l. 31. hic. Gl. in d. l. 5.*

Olim constante matrimonio accusatio adulterii cessabât; nisi maritus antea lenocinii convictus esset, compertam adulteram in matrimonio retinisset. *l. 26. l. 2. §. 1. l. 8. l. 14. ff. l. 2. C. hic.* Hodie, quia maritus sine crimine lenocinii uxorem adulteram retinere potest, *Auth. sed hodie. C. eod.* idè etiam constante matrimonio accusatio rectè instituitur. *Azo & Hostiens. n. 5. in Rubr. de adult.*

Adulterum & adulteram simul accusare non licet: *l. 15. §. ult. ff. l. 8. C. eod.* A diversis tamen accusatoribus singuli eodem tempore accusari possunt, nisi aliud obstat. *l. 17. §. 6. ff. hic.*

Si vidua sit, de cujus adulterio agitur, vel post accusationis denunciationem nupserit, liberum accusatori est arbitrium, utrum priori loco adulterum, an adulteram accusare velit. Si verò ante denunciationem nupta sit, prius adulter reus peragi debet. *l. 5. l. 15. §. pen. l. 16. hic.*

Si, quo tempore adulter accusatur, mulier nupta est: absoluto adultero, accusari, quamdiu nupta est, à nemine potest, etiamsi per collusionem adulter absolutus fuerit. *l. 18. §. pen. l. 19. eod.*

Accusari adulterii possunt omnes quacunque dignitate præditi, *l. 38. §. ult. h. t.* etiam servi: *l. 5. de accusat.* dum tamen sciverint qui cum fornicantur, alterius esse uxorem. *l. 7. in fin. C. de repud.*

Nam adulterium sine dolo malo non committitur: *l. 11. §. pen. l. pen. hic.* ut, si mulier decepta opprimatur ab alio quem putat maritum esse, aut, credens

credens maritum mortuum, cum alio contrahat. *Angel. in tract. malef. ad verb. che hai adulterato. num. 46.*

Non modò hi qui mœchantur accusari possunt, sed etiam qui quavis ratione ex eo crimine questum captant, *vid. l. 8. l. 29. §. qui questum. hic.* qui prohibitas nuptias contrahunt, *l. 7. ff. l. si hi qui. C. eod.* quive super adulterio transigunt. *fac. d. l. 8. d. l. 29. §. 3. 4. l. 11. hic.*

Accusatio hæc in loco quo delictum est commissum, institui debet. *l. 14. l. 15. C. hic.*

Absens reus accusari nequit: *l. 15. §. 1. ff. l. 15. C. eod.* nisi crimine jam inchoato abesse incipiat. *l. 13. C. eod.*

Nam nec per procuratorem rectè defenditur reus. *l. miles. §. 1. hic.* Est enim tam rei quam accusatoris præsentia necessaria. *l. pen. §. 1. de publ. jud.*

Agit maritus de adulterio vel criminaliter, vel civiliter.

Criminaliter, quando ad pœnam agit.

Pœna adulterii ex lege Julia erat relegatio, *l. 5. de quest. l. 8. de divort. Cujac. lib. 6. obs. 11.* aut deportatio: *l. 4. §. adulterii. de re milit. l. 11. hic.* postea, ex constitutionibus, facta est gladii: *l. 30 §. 1. C. hic. l. 18. C. de transact.* Ex novissima autem Justiniani constitutione, adultera, tantum virgis caesa, in monasterium detruditur. *Nov. 413. c. 10.*

Mulier adulterii damnata, dotem amittit, marito assignandam, *l. 8. §. fin. l. fin. C. de repud. Nov. 117. §. quia vero plurimas. Nov. 134. §. antep. reservato liberis jure proprietatis in quota parte. d. l. 8. §. fin.*

E diverso maritus adulterii damnatus, amittit donationem propter nuptias, mulieri una cum dote, salva tum liberis proprietate, *d. l. 8. §. fin. obvenientem. d. l. 8. d. l. fin. Nov. 134. §. si quando.*

Si nulla donatio facta, neque pacta dotalia intercesserunt, mulieri quarta pars substantiæ mariti, peræque atque illo mortuo, *Auth. præterea. C. unde vir & ux. defertur: d. §. si quando. l. fin. C. de repud.* reliquis bonis ad liberos aut proximos redeuntibus;

bus; ita tamen, ut inde marito damnato, quoad vivat, alimenta sint præstanda. *d. Nov. 117. §. quia. v. plurimas. d. Nov. 134. §. si quando. Gl. in d. l. 8. verb. sibi habere. C. de repud.*

Civiliter & hoc crimine agit maritus; cum actione injuriarum, aut ad separationem thori contendit. *c. tua. de procur.*

Potest privatim pater filiam in adulterio deprehensam simul cum adultero interficere: *l. 20. cum ll. seqq. l. 32. hic. non maritus uxorem; l. 22. in fin. hic. potest adulterum si cum post ternam denunciationem in domo sua reperiat, Auth si quis. C. eod. aut si aliquis vilis sit. l. 24. hic. l. Gracchus. C. eod.*

Stuprum, est illicitus coitus cum virgine, aut vidua honeste vivente, *l. 25. l. 22. l. 29. C. eod. aut etiam cum puero: propriè & strictè accipitur pro virginis defloratione. c. lex illa. §. stuprum. 36. q. 1.*

Est vel violentum, vel non violentum.

Violentum, quod per vim, pretium, promissa, lenocinium, aliisque illicitis artibus committitur, *l. 1. §. fin. de var. & extraord. crim. l. si quis. §. qui nondum. de pæn. Boss. in pract. crim. de coit. dam. n. 66. Legge Juliæ de vi publica. l. 3. ad L. Iul. de vi publ. l. 29. §. fin. hic. at secundum Doctores, in §. item Lex Iulia. Inst. de publ. Ias. in §. omnes a. num. 24. Inst. de action. gladio punitur. fac. §. 9. vers. fin. a. Inst. de publ. jud.*

Quod contra naturam est, etiam gladio punitur, *l. 31. C. hic. §. 4. Inst. de publ. jud. de consuetudine igne. Clar. lib. 5. sent. §. stuprum. n. 4.*

Non violentum stuprum, commissum in viduam honestè viventem, vel virginem, si stuprator honestus sit, confiscatione dimidiæ partis bonorum, si humilior, corporis coercitione cum relegatione punitur. *§. 4. Inst. eod.*

Ex lege divina stuprator virginem debet dotare, & in matrimonio habere. *Deut. 23.*

Stuprata, vi, dolo, stupri crimine vacat; quæ volens, non minus atque stuprator in legis pœnam incidit. *l. 18. l. 20. C. hic.*

De jure Canonico, virginem & pro ejus conditione dotare tenetur, & eam, nisi pater puellam renuat, in uxorem ducere. *c. 1. ubi Dd. Ext. de adult.*

Lenocinium, est crimen turpis coitus administrum, castitatis furtum, seu latrocinium à Justiniiano appellatum. *l. 14. §. sancimus. vers. si enim pecuniariorum.* Puta lenocinium facit, qui mulieres quæstuiarias prostituit. *l. 43. §. lenocinium. & §. lenas. de R. N.*

De lenocinio tenetur: qui adulterium aut stuprum suasisit: *l. 12. h. t.* qui quæstum ex adulterio uxoris aut viri fecit: *l. 2. §. 2. l. 8. l. 29. h. t.* qui infamandæ uxoris causa adulterum subjecit, ut deprehenderet: *l. 14. §. 1. h. t.* qui domum suam stupro vel adulterio committendo præbuit: *l. 8. l. 9. eod.* cujus ope & consilio, vel dolo malo in adulterio deprehensi ut se redimerent factum: *l. 14. pr. eod.* qui pro comperto adulterio, vel stupro celando pecuniam accepit. *l. 8. in pr. quod met. caus.*

Lenocinii pœna olim eadem erat cum pœna adulterii, *l. 2. l. 8. hic. l. 2. l. 9. C. eod.* nempe relegatio aut deportatio: *l. 37. de minor. l. 29. hic.* hodie est in mangonibus & lenonibus ultimum supplicium, *Nov. 14. §. 1. ubi Gl.* in reliquis arbitraria, atque extraordinaria. *l. 1. §. qui puero. de ext. crim. Bart. in Auth. de lenon. Wes. hic. n. 16.*

Incestum, est coitus ratione sanguinis vel affinitatis illicitus. *l. 38. pr. & §. 1. l. ult. hic.*

Est vel juris gentium; commissum inter eas personas, quæ parentum & liberorum locum inter se obtinent: vel juris civilis, commissum inter transversales, eosque cognatos, & affines; utroque jure. *d. l. 38. §. quare. l. ult. de R. N. Pater in Enchir. Inst. tit. de publ. jud. de adult.*

Committitur per qualemcunque coitum, per matrimonium, *d. l. 38. §. nemnunquam.* stuprum, *d. l. 38. §. 1.* concubinatum, *l. 11. §. 1. h. t.* scortationem, *d. l. 38. §. 1.* adulterium, *d. l. 38. in pr.*

Punitur pœna adulterii. *d. l. 38. in pr. l. 3. de quæst. vid. Angel. in tract. malef. verb. che hai adulterato. n. 66.*

Quæ mitigatur in illis, qui cum ulteriore gradu ex latere, aut per affinitatem conjunctis, conjunguntur. *Ross. de coit. dam. n. 73. Boer. decis. 318. n. 5. Wesf. hic. n. 22.*

Qui ætate vel errore incestum commisit, si eo comperto dissolvat conjunctionem, excusatur. *l. 38. §. 7. hic. l. 4. C. de incest. nupt.*

Incesti, & cum adulterio vel stupro conjuncti, accusatio annos viginti durat. *l. 39. §. prescriptione. ff. hic. l. 12. C. ad leg. Corn. de falsf.*

Ad Legem Iuliam de vi publica.

T I T. VI.

Tertia est Lex Julia de vi publica, sic dicta à vi facta armatis hominibus, quasi vi bellica. *§. item Lege. Inst. de publ. jud.*

Publica vis dicitur, quæ armis infertur: *§. 8. Inst. eod.* quod armorum usus sit publicus, non privatus: *l. 1. ff. h. t. l. un. C. ut arm. usus.* quæ sit à persona publica: in personam publicam: *l. 7. hic.* quâ violatur jus publicum, *l. 3. §. præterea. l. 8. hic. & alia exempla passim hoc tit. extant.*

Armorum appellatione non solum scuta & gladii, sed & fustes, lapides, & quicquid nocere potest, continetur. *l. 9. hic.*

Habet hæc lex etiam locum in cæde, *l. 7. hic.* stupro, *l. 3. §. 5. 6. hic.* incendio, *l. 5. hic.* licet Lege Cornelia coercantur; quia atrocius crimen est, quando publicâ autoritate, aut armis committitur.

Pœnæ violentiæ publicæ olim aquæ & ignis erat interdictio, *l. 10. §. fin. hic.* cui successit deportatio, *l. 3. ad L. Iul. pecul.* cum bonorum publicatione. *l. 7. in fin. ubi Gl. Bald. n. 11. C. hic.*

Sed Justinianus bona damnatis adimi vetuit. *Auth. bona damnatorum. C. de bon. damn.*

Quibusdam ex hac lege capitale supplicium irrogatur, ut servis, incendiariis, effractoribus, expilatoribus villarum, *l. 3. §. 2. l. pen. ff. l. 8. C. hic.* & quando ex violentia cædes alicujus insecuta est. *l. 6. ubi Barr. C. hic.*

Ex

Excusantur; Qui vim tuendæ salutis causâ fecerunt: *l. pen. hic.* armis ad usum itineris, navigationis, commercii, venationis, usi fuerunt. *l. 1. & 2. eod.* Non qui se dominos rei, ab ipsis invasæ, esse contendunt. *l. 5. §. 1. eod. l. 7. C. eod.*

Ad Legem Iuliam de vi privata.

T I T. VII.

Quartæ est Lex Julia de vi privata.

Vis privata est, quæ fit sine armis, à persona privata, in privatam, citra juris publici violationem; puta cum quis sine armis ejicitur possessione. *l. 5. & t. t. hic.*

De ea etiam ex Senatusconsulto Volufiano tenetur, qui improbè in alienam litem coeunt, ut quicquid ex condemnatione redactum fuerit, inter eos communicetur; *l. 6. hic.* ut & illi qui ex naufragio dolo malo quid rapiunt. *l. 1. §. fin. eod.*

Pœna vis privatæ est publicatio tertiæ partis bonorum cum infamia. *l. 1. l. fin. hic.*

Hodie, cum bona non publicentur, *Auth. Bona. C. de Bon. proscript.* arbitraria, ut plurimum, est pœna.

Potest etiam de vi civiliter agi. *l. 7. C. hic. l. un. C. quand. act. civ. præjud. crim.* Quod tamen violentiæ crimini proprium non est, sed passim obtinet.

Ad legem Corneliam de sicariis & veneficiis.

T I T. VIII.

Quinta est lex Cornelia de sicariis & veneficiis, lata à Cornelio Sylla Dictatore, *l. 2. de orig. jur.* in homicidas præcipuè qui à sica, id est, ferro cultro, sicarii dicuntur. *§. 5. Inst. de publ. jud.*

Agit lex Cornelia de tribus delictis: de cæde sive homicidio, de veneficio, & incendio. *l. 1. hic.*

Homicidium, est violenta vitæ hominis ademptio.

Ho-

Hominem intellige, cujuscunque ætatis, *l. pen. C. hic. l. 151. de V. S. conditionis. d. l. 1. §. 2.*

Nam, & qui infantem interemit, *d. l. pen. ubi Sallio. aut foetum jam animatum abegit, homicidii reus est. l. 38. §. 5. de pæn. l. 1. hic.*

Homicidium, est vel voluntarium, vel necessarium, vel non voluntarium.

Voluntarium, est quod committitur animi proposito & dolo; qui facit ut legis Cornelie pænæ locus sit. *l. 1. §. 3. l. 7. l. 14. l. 16. hic.*

Non refert quo teli genere, aut quo modo cædes facta sit, gladione, an fuste. *fac. §. 5. Inst. de publ. jud.*

Quod tamen in vulneribus consideratur, ut inde animus occidendi colligatur. Qui enim instrumento ad faciendam cædem idoneo verberavit, is animo occidendi id videtur admisisse; *l. 1. §. Divus hic.* non qui instrumento ad alios usus apto percussit. *d. l. 1. §. Divus.*

Occidisse etiam videtur qui, dolo malo, causam mortis præbuit. *l. 15. hic.*

Unde hac lege tenetur; qui, ut quis capite damneretur, falsum testimonium dixit; *d. l. 1. §. 1. l. 3. §. 4. hic.* qui per alium cædem fieri curavit, aut mandavit; *l. non ideo. C. de accus. l. 5. in fin. quod vi aut clam. l. 12. ad L. Iul. de adult. Bart. in l. non solum. 11. §. si mandato. de injur. Dec. in l. 169. n. 3. de R. I.* qui infantem, maximè sanguinolentum, id est, recens natum, dolo malo, in locum solitarium abiecit, ubi inediâ consumatur, præsertim eventu secuto; *Bart. in l. necare in fin. de lib. agnosc. Azor in rubr. C. de infant. expos. judex, qui in caput fortunaſque hominis pecuniam accepit; qui innocentem quæſtioni subjecit; l. 1. §. 1. hic.* aut qui quid in hominis necem fecit, quod legibus permiffum non fit. *l. 4. in pr. hic.*

Et, quoniam in maleficiis voluntas, non exitus spectatur; *l. 14. hic.* ided hac lege tenetur qui hominis necandi, aut furtum faciendi, aut invadendæ possessionis causâ cum telo ambulavit, familiam armavit; *d. l. 1. in pr. d. l. 3. §. item u. ff. l. 7. C. hic.* qui
animo

animo occidendi hominem, tantum vulneravit.
d.l.1. §. Divus.

Moribus tamen conatus non morte, sed mitius punitur. *Gayl. 1. de pac. publ. 14.* Exceptis tamen atrocissimis criminibus.

Tenetur eadem lege Cornelia: author seditionis: qui naufragium suppressit: *d.l.3. §. item u.* qui non Judæum circumcidit: *l.17. in pr. hic.* qui alium castravit: *d.l.3. §. item u.* aut thlibiam fecit: *l.5. eod.* aut castrandum tradiderit: *l.6. eod.* aut se castrari passus est: *l.4. in fin. eod.* Est enim instat homicidii, virilitatem ac sexum adimere.

Pœna legis Corneliæ olim fuit deportatio, cum ademptione bonorum: *l.3. §. fin. hic.* hodie est capitalis: *d.l.3. §. fin. l. pen. ff. l. pen. C. hic. §. 5. Inst. de publ. jud. u. homicida quod fecit, semper exspectet. l.3. C. de Episc. aud.*

Quæ pœnæ eximitur, qui cum occidit quem occidere fas est: ut transfugam, *l.3. §. fin. hic.* vilem adulterum, *l.24. l.38. §. Imperatores. ad L. Iul. de adult. l.4. C. eod.* militiæ desertorem, *l.2 C. quand. lic. unic. vind. sc. perduellem, l.35. ff. de relig. & sumpt. fun. violentum stupratorem, raptorem in ipso raptu. l.20. cum ll. seqq. ff. ad leg. Iul. de adult. l. un. vers. ne igitur. C. de rapt. virg.*

Homicidium necessarium, est quod fit ob necessariam corporis defensionem, cum moderamine inculpatæ tutelæ, id est, solum ad defensionem corporis, citra vindictæ imaginem.

Ut, si quis furem nocturnum, cui parcere sine periculo suo, rerumque suarum, *Gl. in l.52. §. 1. ad verb. vellet. ad L. Aquil. l.3. de I. & I.* non poruit, interficiat; *l.9. hic.* aut latronem; *l.4. C. eod.* & aggressiorem; *l.2. C. eod.* aliumve quemlibet, qui dubium vitæ periculum intentat; *l.2.3. C. eod. l. un. C. quan. lic. unicuiq.* Vim enim vi repellere, etiam jure naturæ, licet. *l.3. de I. & I. l.1. §. in bestiis. si quadr. paup. fec. dic.*

Tale necessarium homicidium, nec hac, nec alia lege punitur; modò in moderamine inculpatæ tutelæ consistat. *l.1. C. unde vi. Bart. & Dd. in d.l.3. de I. & I.*

Quod

Quod ex qualitate personarum, rerum, aliisque temporum & locorum circumstantiis, æstimandum, & non ad facultatem fugæ, sed defensionis est referendum: *Gl. & Dd. & Salic. in d.l.3. Bald. & Salic. in l.sola. C. de test. Bart. cons. 110. probandumque ab eo qui allegat. l.1.C.hic.*

Quodsi probare nequeat; puta quia solum se remotis arbitris ab interfecto aggressum asserat: tormentis subjiciendus. *Bald. Salic. in l.un. n.31. C. de confess. Lanfr. in c. quoniam. ad verb. confessiones. n.12. de probat.*

Quando tamen ex circumstantiis innocentie suspicio extat, videtur pro arbitrio judicis posse absolvi. *Boer. decis. 164.*

Nam cum quædam indicia sunt pro reo, quædam contra, in mitiorem absolutionis partem est declinandum, nec perveniendum ad torturam. *Boer. decis. 165.*

Homicidium non voluntarium, est quod fit casu, atque ita præter facientis opinionem; aut mentis inopia, ab infantibus, scilicet nondum doli capacibus, *fac. l.un. C. de fals. mon. l.7. hic. furiosis, dormientibus. l.12 ff. hic.*

Hoc in actu licito veniam meretur, in illicito, vel culpa non carente, cessante pænâ legis Cornelie, pro ratione circumstantiarum, extra ordinem punitur. *Pater in Enchir. Inst. sub. tit. de publ. jud. de homicid.*

Undè ebrietas magna, quæ mentem aufert, pœnam mitigat: parva non item. *l.omne delictum. §.7. verb. per vinum. ubi Bart. de re milit. Salic. in l.1. C. od. Bart. in l. respiciendum. §. delinquant. & in l. aud facta. de pæn.*

Secundum delictum, de quo agit Lex Cornelia, est veneficium.

Venefici sunt, qui venenum malum hominis necandi causa faciunt, *l.1. §.1. l.3. hic.* etsi id ipsi non exhibeant, sed in eum finem tantum vendant: *d.l.3. in pr. & §.1. item qui artibus magicis in eundem finem utuntur. §.5. Inst. de publ. jud. & l.1. C. de malef. & mash.*

Qui venenis ad hominum necandum utuntur, eorum pœna gladius est, *l. 28. §. 9. de pœn. qui magicis artibus, ignis. l. 3. C. de malef. & math.*

Amatorium, aut abortionis poculum dans, hac lege non punitur, tametsi homo ex hac re perierit; sed quia mali exempli id est, extra ordinem vindicari debet. *l. 3. §. 1. l. si quis aliquid. de pœn.*

Pigmentarii, sive pharmacopolæ, venena vendere non prohibentur, sed si cui temerè dederint, puniendi sunt. *d. l. 3. §. alio.*

Mulier quæ medicamentis partum abegit nondum animatum, verbis legis non continetur; sed nihilominus extraordinaria pœna judicis arbitrio ei irrogabitur. *l. 8. hic. l. divus. de extraord. crim. l. 39. de pœn.*

Constitutionibus hæc veneficii quæstio extensa est ad eum qui magiam, auspicia, similesque imposturas docuit, vel didicit, vel his usus est. *l. 2. 3. 4. 5. 6. 7. 8. C. de malef. & math.*

Tertium delictum de quo agit Lex Cornelia, est incendium.

Quod dolo malo excitatum gladio olim puniebatur, *l. 10. hic. l. 9. l. fin. de incend. ruin. naufr. hodie igne. l. 28. §. 12. de pœn. d. l. 9.*

De Lege Pompeia de Parricidiis.

T I T. IX.

Sexta est Lex Pompeia de Parricidiis, à Cneo Pompeio lata.

Eâ tenetur, qui parentem, liberos, cognatum, conjugem, affinem, sponsum, sponsam, sponsi sponsæve cognatum, patronum, patronam, occidit: cuiusve dolo, vel ope id factum est: & qui venenum emit, ut parenti daret, *l. 1. 2. 3. 4. 5. hic. & facinoris conscius, l. 6. eod. & auxiliarius. l. 7. eod.*

Propriè dicitur parricida qui quæve parentes, aut liberos occidit; quive eorum loco sunt: *l. 9. §. 1. hic. l. un. C. de his qui par. occid. §. alia. Inst. de publ. jud.*

Quod parricida, tanquam patricida dicatur:

Im-

Impropriè qui quæve reliquas personas. *d. l. pen. §. 1. d. §. alia.*

Pœna Parricidii, ex lege Pompeia, olim erat indistinctè eadem quæ legis Corneliæ de sicariis: *l. 1. hic.* Nunc parricida propriè dictus, ex constitutione Constantini, *d. l. un. secundum pœnam more majorum receptam, d. l. 9. in pr. virgis sanguineis cæsus, & culeo cum cane, gallo gallinaceo, vipera, & simia insutus, in mare aut flumen proximum projicitur; d. l. 9. in pr. d. l. un. aut, si mare, aut flumen in propinquo non est, bestiis (secundum constitutionem D. Adriani) objicitur. d. l. 9. in pr. Cæteris legis Corneliæ pœna imponitur. d. l. 9. §. 1.*

Qui verbera parentibus impiè intulit, non hujus legis pœnâ punitur, sed arbitrariè. *l. 1. de obs. à lib. parent. præst. junct. l. 3. & 4. C. de patr. pot.*

Parricidii postulatûs si pendente accusatione (cui non præscribitur, *l. fin. hic.*) decesserit, si quidem sibi mortem conscivit, successorem fiscum habebit; si minus, eum quem voluit; si modò testamentum fecit: si intestatus decessit, eos hæredes habebit, qui lege vocantur. *l. 8. hic.*

De lege Cornelia de falsis, & Senatusconsulto Liboniano.

TIT. X.

Septima est Lex Cornelia de falsis, à Cornelio Sylla adversus falsarios lata. *l. 2. § 32. de orig. jur. quam testamentariam vocant. §. 8. Inst. de publ. jud.*

Falsum hic est, quod animo corrumpendæ veritatis in alterius fraudem dolo malo fit. *l. 20. C. hic.* Factum enim falsitatis, non dictum, lex coërcet. *l. 23. hic.*

Sed nemo incidit in crimen falsi, id est, in neminem publica accusatio de falso institui potest; nisi quem Lex Cornelia, & Senatusconsultum Libonianum, (quod temporibus Tiberii, Statilio

Tauro & L. Scribonio Libone Coss. in supplementum Legis Corneliæ, latum est.) aliæque constitutiones ac responsa Jurisconsultorum, quæ eam legem interpretantur, disertè notant. *Wes. hic. n. 2.*

Committitur falsum vel circa homines, vel circa res.

Circa hominem falsum committit; qui vel falsum partum supponit; *l. 19. §. 1. l. 30. §. 1. hic.* vel nomen, *l. 13. ff. l. 20. C. eod.* vel testimonium falsum dicit; *l. 1. l. 2. ff. eod.* qui judicem corrumpit, vel corrupendum curat; *l. 21. in fin. hic.* qui aliquem restari prohibet. *l. Paulus. hic.*

Falsum partum qui supponit, tam mulier quam obstetrix, capite, non naturali, sed civili, arg. *l. 1. §. fin. hic. Caranza lib. 5. de partu suppos. punitur. l. 2. de Carb. edict. Paul. lib. 2. sent. tit. 24.*

Ejus accusatio nullâ ordinariâ temporis præscriptione depellitur; *Cujac. 4. obs. 14.* nec interest decesserit, nec ne, ea quæ partum subdidisse contenditur. *l. 19. §. 1. hic.*

De eo soli accusant parentes, aut hi quorum interest; non quilibet ex populo; ut publicam accusationem intendant. *l. 30. §. 1. hic.*

Circa nomen committit falsum, qui dolo malo, *l. un. C. de mut. nom.* nomine vel cognomine falso, *l. 13. hic.* aut insignibus & privilegiis, & titulis altioris ordinis utitur: *Paul. 5. sent. 25. §. 11. §. 12. ubi Cujac. Gothofr. ad d. l. 13. lit. o. Baiard. in add. ad Clar. §. falsum. n. 24.* qui nomine magistratus falsas literas proponit, aut reddit: *l. 25. hic.* qui tutor cum esset, eo dissimulato, vectigalia publica conducit. *l. un. C. ne tut. vel cur. vect.*

Circa testimonium committit falsum, *l. 1. pr. §. 20. hic.* qui sive falsum perhibet, sive verum malitiose, gratis, aut accepta pecunia, *Farin. qu. 67. n. 220.* tacet: *Damhoud. in prax. crim. c. 124.* & qui pecuniam pro ferendo testimonio accepisse, pactusve fuisse, convincitur. *d. l. 1. §. 1. ubi Bart. & Gl. hic.* Licet verum dixerit. *Clar. §. falsum. num. 18. Myns. 6. obs. 67.* Noluit enim lex testes ullo modo pecuniam accipere. *l. 1. §. sed & si quis. ff. hic.*

Fal-

Falsum quoad res, committitur circa monetam, *l. 1. 2. 3. C. de fals. mon. scripturam, l. 1. l. 16. hic. mensuram, l. 32. eod. & alias res, puta leges, constitutiones, ut in l. 1. l. ult. hic. Paul. 5. sent. tit. 25. §. 3. ibi Cujac.*

Circa monetam, falsum committit, qui veram cudit, cuius ipsi non est potestas: *l. 9. C. de fals. mon. eam radit, diminuit; l. 8. hic. qui in aurum quid vitii addit: l. 9. eod. qui adulterinam monetam confiat: d. l. 9. eam sciens dolo malo expendit: d. l. 9. l. 1. l. 2. ubi Salic. l. 3. C. de fals. mon. qui cum prohibere tale quid posset, non prohibuit. d. l. 9. §. 1.*

Circa scripturam falsum committit, qui scripturam, sive publicam, sive privatam, abolet, radit, immutat, alio modo quo minus veritas appareat, facit: *l. 1. l. 16. l. 23. l. 28. &c. hic. l. 21. l. 23. ubi Bald. C. eod. qui legatum vel hæreditatem sibi in testamento alieno adscribit. l. 1. §. 7. l. 4. l. 5. l. 11. l. 12. l. 15. l. 17. l. 18. l. 22. §. 1. hic.*

Circa mensuram falsum committit; qui injustam mensuram, pondere, bilance, utitur, *l. 32. §. 1. hic. qui adulterinas merces pro bonis vendit. Damhoud. in prax. crim. cap. 123.*

Nemo autem de falso tenetur & punitur, nisi dolo malo id admiserit. *l. 20. C. hic.*

Falsi accusatio est publica: *l. 1. de publ. jud. excepto (ut dictum) quod de partu supposito soli accusant parentes. l. 30. hic.*

In hoc iudicio acerrima fit indagatio, ut & à reo probatio quandoque exigatur. *l. pen. hic.*

Pæna falsi ex Lege Cornelia olim erat deportatio & bonorum publicatio in libero homine; in servo ultimum supplicium: *§. 7. Inst. de publ. jud. l. 1. §. fin. l. fin. hic.* Hodie ferè arbitraria, & pro circumstantiis delicti varia est, ut certa in hoc iudicio præscribi non possit. Nunc enim extenditur usque ad ultimum supplicium; *l. 22. C. hic.* nunc remittitur usque ad manus amputationem; *Nov. 42. & Nov. 17.* vel relegationem; etiam temporalem; *l. 21. l. 13. §. 1. l. antepen. hic.* quandoque etiam in totum aufertur; ut impuberibus. *l. 22. hic.*

Monetæ tamen corruptæ pœna, ob læsam majestatem, ignis est. *l. 2. C. de fals. mon.*

Sed falsi pœna, qualiscunque sit, hæredes non tenet.

Quare; si falsi reus ante sententiam decesserit, cessante lege Cornelia, tantum quod scelere quæsitum hæredibus aufertur. *l. 12. hic.*

De Lege Julia repetundarum.

T I T. XI.

O Crava est Lex Julia repetundarum à C. Julio Cæsare, ad coercendam magistratuum avaritiam, qui provincias sibi commissas compilabant, lata.

Hac lege tenentur, publico officio fungentes, & eorum comites, *l. 1. in pr. l. 5. hic.* qui aliquid vel donationis causâ, *l. pen. eod.* (nisi sit porulentum, esculentumve, quod in proximos dies prodigatur; *l. 18. de offic. præsid.* aut à conjunctis personis oblatum sit. *d. l. 1. §. 1. hic.*) vel quo magis, siue quo minus, officium facerent, acceperunt. *l. 3. l. 4. eod.*

Eadem lex venditiones omnes & locationes, ejus rei causâ pluri minorisve factas, irritas facit. *d. l. pen.*

Ex hac lege oritur actio duplex, altera civilis, altera criminalis.

Civilis, datur in quadruplum ejus quod illicitè datum est. *l. 1. l. fin. C. hic.* ita ut duplum restituitur spoliato, ac duplum inferatur fisco. *l. 3. C. de assess.*

Datur in hæredem, *l. ult. ad L. Jul. pecul.* intra annum à morte rei: *l. 2. ff. l. 2. C. hic.* post annum non; nisi in quantum ad eum pervenit. *l. 5. in pr. de calumn.*

Criminalis actio publicum judicium constituit, (de quo hoc titulo agitur.) quo damnati extra ordinem puniri solent, & plerunque vel exilio, vel durius, prout admiserint. *l. 7. §. ult. hic.*

Hac lege damnatus testimonium publicè dicere, judex

Judex esse, & postulare, prohibetur. l. 6. in pr. & §. 1. cod.

De Lege Julia de annona.

T I T. XII.

Nona est Lex Julia de annona, id est, annona fraudata. l. 1. hic.

Eâ poena statuitur viginti aureorum, in eum qui contra annonam fecit, societatemve coit, quò annona carior fieret. l. 2. in pr. hic.

Sæpius extra ordinem puniri solet. l. annona. 6. de extraord. cognition.

Hæc accusatio non modò publica est, sed & servis & mulieribus conceditur. l. 1. l. fin. §. fin. hic.

Ad Legem Juliam peculatus, & de sacrilegis, & residuis.

T I T. XIII.

Decima est Lex Julia Peculatus; quâ punitur furtum, tam pecuniæ publicæ, quam sacræ & religiosæ, ab eo factum, cujus periculo non est. l. 1. l. 9. hic.

Pecuniæ nomen hic largè pro omnibus rebus accipitur. l. 2. C. de constit. pec. l. 178. de V. S. l. 14. fin. hic.

Publica pecunia dicitur quæ ad Rempublicam Romanam vel ad Cæsarem pertinet. l. 6. §. fin. hic.

Qui tamen rem civitatis surripit, non furti, ut olim, l. 81. ff. de furt. junct. l. 15. ff. de verb. sign. sed peculatus, ex constitutionibus Principum, tenetur. d. l. 4. §. fin. hic.

Sacra pecunia dicitur quæ Deo consecrata aut donata, l. 4. pr. & §. 1. hic. publicè. l. 9. §. 1. hic.

Quam surriprens, sacrilegus speciali nomine dicitur, l. 4. §. 2. l. 9. §. 1. hic. dummodò è loco sacro surripiat. l. 16. §. locus. de pæn.

Sacrilegum etiam Cujacius in par. hic. eum dicit, qui pecuniâ furatur religiosam.

Religiosa est, quæ ex loco religioso, puta ornamentis sepulchrorum, aufertur.

Sacrilegi, *d.l.9. in pr.* & qui in administratione positi peculatum commiserunt, quive his ministerium præbuerunt, aut ab eis subtractas pecunias, scientes susceperunt, capite puniuntur: cæteri deportantur. *l.3. hic. l.un. C. de crimin. pecul. § 9. Inst. de judic. publ.*

Criminis peculatus accusatio quinquennium durat. *l. peculatus. 7. hic.*

Etiã in hæredes exercetur, quatenus pecuniam respicit: quia de ablata pecunia agitur. *l. ult. hic.*

Undecima est Lex Julia de residuis; quâ tenetur is qui publicam pecuniam, delegatam in usum aliquem, aut partem eius, retinuit, neque in usum illum consumpsit; *l.2. l.4. §.4. l.9 §. pen. hic.* & is apud quem ex locatione emptione, aliave causa, pecunia publica resedit, *d.l.4. §. lege.* si eam ad ærarium non est professus; vel si professus retinuit ultra annum. *d.l.9. §. ult.*

Ex quibus apparet non omnem pecuniæ publicæ debitorem eâ lege teneri, sed eum tantum, qui reliquator est, ob publicæ pecuniæ administrationem. *l.9. §. fin. vers. cum eo. hic.*

Hic amplius tertiâ parte quam debet, damnatur: *d.l.4. §.5.* id est, ut præter pecuniam quam debet, tertiam partem ejus pecuniæ pendat. *Duaren. hic. cap.4.*

Datur etiã hoc judicium in hæredes; quia præcipua quæstio est de ablata pecunia. *l. ult. cod.*

De Lege Julia ambitus.

TIT. XIV.

DUODECIMA est Lex Julia de ambitu, lata aut saltem renovata, ab Augusto, *Sueton. in ejus vita.* in eos, qui viritim distributâ pecuniâ, populum corrumpunt, ut ad honores publicos & magistratus provehantur, *l.un. ff. & C. hic.* non qui Rei publicæ

publicæ palam offerunt, ac donant ob decretum honorem, aut decernendum. *l. 1. de pollicit. l. hoc jure. de donat.*

Cui crimini olim in Urbe tantum erat locus: *l. un. pr. hic.* deinde cessavit: *d. l. un. postea, & l. ult. C. ad leg. Jul. repet. & Novel. 8. c. 8. §. 1.* est restitutum: & ex Senatusconsulto ad eos productum, qui in municipio magistratus vel sacerdotia, illicito modo, ambiunt: *d. l. un. §. 1.* qui novum vestigal instituunt. *d. l. un. §. pen.* Et per legem Juliam Judiciariam productum in reum vel accusatorem, qui domum judicis ingressus est. *d. l. un. §. ult.* Item ex constitutione Arcadii & Honorii, ad eos qui administrationis ratione non redditâ, idem officium reperunt & continuant. *l. un. C. eod.*

Pœna hujus criminis, ex lege Julia, fuit prohibitio ad quinquennium honores petendi. *Dion. hist. Rom. lib. 54.* Ex Senatusconsulto, & lege Julia Judiciaria, est centum aureorum: cum intamia. *l. un. §. 1. & §. fin. hic.* Ex constitutione Arcadii & Honorii, deportatio. *l. un. C. eod.*

De Lege Fabia de plagiaris.

T R T. XV.

DEcima tertia est Lex Fabia (sic dicta à Fabio quodam ejus latore.) lata in eos qui *παραγοι*, id est, dolosè & malitiosè, vel liberos hominès, vel servos alienos, intercipiunt ac supprimunt. *l. 3. l. pen. hic.*

Eâ tenetur, qui sciens dolo malo, liberum hominem, invitum, emit, vendit, celat, vinctum habet, servum alienum dolo habet, abducit, celat, retinet. *l. 1. 2. 3. 4. 5. 6. ff. l. 1. 5. 6. 7. 9. 10. 15. C. hic.*

Sed & ex Senatusconsulto, quod huic legi accessit, in hujus legis pœnam incidit, qui servum fugitivum vendidit. *l. 2. ff. l. 6. C. eod. l. 35. §. si quis amico. de contr. empt.*

Venditionis verbo omnes similes contractus quibus dominium transfertur, comprehendimus;

d. l. 6. C. & l. 4. hic. etiam si plagii crimen dominium non transferat, neque statum mutet. *l. 11. C. eod.*

Accusatio hujus criminis constitutione Diocletiani facta est publici juris: *l. 13. C. eod. criminalis: l. 8. C. eod.* Unde inscriptione, accusatione ac sententiâ ordinariâ expeditur. *l. 3. C. eod.*

Pœna ex hac lege pecuniaria fuit, *l. fin. ff. l. 6. C. eod.* quæ in usu esse desiit. Nam pro modo delicti coerceri cœperunt, & plerumque in metallum dari. *d. l. fin.*

Sed hodie propter hominem liberum suppressum pœna mortis infligitur: *l. ult. C. eod.* si quidem qui digniores sunt gladio feriuntur; qui libertinæ conditionis, bestiis subjiciuntur. *d. l. fin. C. eod.*

Quod Juri divino consentaneum est. *Deut. 24. c. 7. Exod. 21. vers. 16.*

*Ad Senatusconsultum Turpillianum, &
de abolitionibus criminum.*

T I T. XVI.

V Ideamus nunc, antequam ad progressum, ordinem, & executionem criminalium judiciorum perveniamus, ea quæ judiciorum progressui obstant.

Quæ veniunt vel ex parte accusatoris, vel ex parte rei.

Ex parte accusatoris: calumnia, prævaricatio, tergiversatio. *l. 1. pr. hic.*

Calumniator est, qui falsa crimina sciens, & dolo malo, intendit. *d. l. 1. §. 1.*

Qui bona fide accusavit, non idèò protinus calumniator est, quia in probatione criminis defecit. *l. 3. C. de calumniat.*

Ejus enim rei inquisitio arbitrio judicis cognoscantis committitur; qui reo absoluto, de accusatoris incipit consilio quærere, quâ mente ductus ad accusationem processit. Et, si quidem justum ejus errorem repererit, absolvit eum: Si verò in evidenti calumi-

calumnia eum deprehenderit, legitimam poenam ei irrogat. *l. 1. §. 3. hic.*

Quorum alterutrum ipsis verbis pronuntiationis manifestatur. Nam, si quidem ita pronuntiaverit, *non probasti*, pepercit ei. Sin autem pronuntiavit, *calumniatus es*, condempnavit eum. Et quamvis nihil de poena subjecerit, tamen legis potestas adversus eum exercebitur. *d. l. 1. §. 4.*

Pœna olim ex lege Rhemmia irrogabatur, *d. l. 1. §. 2.* & erat, fortè, pecuniaria. *in pr. & §. 1. Inst. de pœn. tem. lit.* Hodie qui in judicio publico calumniatus est, infamiâ notatur, *d. l. 3. l. 8. C. de calumniat.* & poenâ talionis afficitur, id est, eâ quam reus passus esset, si convictus fuisset. *l. ult. hic.* Qui verò aut in privato, aut in extraordinario judicio est calumniatus, in ea pericula non incidit; *l. 5. C. eod.* sed extra ordinem, pro qualitate admissi, pleëtitur. *l. 3. hic.*

Non omnes accusatores calumniæ causa puniuntur; sed quidam sunt de quorum calumnia queri non solet, nec licet; *l. 15. §. 2. hic.* ut puta, mater quæ filii necem vindicat; *l. 2. C. de calumniat.* qui paternam mortem ulciscitur; *l. 4. C. eod.* & similes.

De nunciatoribus publicis dubitari poterat; sed constitutum est eorum calumniam impunitam esse non debere. *l. ea quidem. C. de accusat.*

Proinde notoriis suis, id est, elogiis & testificationibus quas ad Præsides mittunt, adesse coguntur, ut intelligatur an falsa calumniosaque sint. *l. 6. §. 3. hic.*

Prævaricator est, qui vera crimina abscondit, & cum reo colludit, ita ut translatitiè muere accusandi fungatur, & proprias probationes dissimulet, falsas rei excusationes admittat. *l. 1. §. 1. §. 6. hic. l. 2. 12. de V. S. l. 1. de prævar.*

De eo dixi supra. *lib. 47. titulo. 15.*

Tergiversator, est qui antequam reum peregerit, in universum ab accusatione desistit. *d. l. 1. §. 1. §. 6.*

Qui differt, non desistit. *l. 6. l. 13. hic. l. fin. C. eod.*

Si tamen reum intra præfinitum accusationis tempus non peragat, nec magistratus occupationibus fuerit impeditus, *l. 15. §. pen. hic.* destituisse videtur. *l. 6. §. 1. eod.*

Sed non ante, quod ad pœnam attinet, accusator destituisse videtur, quam si instituta & ordinata sit accusatio, inscriptionibus depositis, & fidejussore de exercenda lite præstito. *l. 1. C. ad SC. Turp. l. 15. §. 4. hic.*

Qui tergiversantur & desistunt, Senatusconsulto Turpilliano quinque libris auri puniuntur. *l. 3. de pravaricat.*

Quod judicium non est publicum, licet eo puniatur, qui judicium publicum deseruit. *d. l. 3. §. ult.*

Qui tamen extraordinarium judicium deserit, & extraordinariè punitur. *l. 3. hic.*

Cessat pœna hujus Senatusconsulti In tutore, qui mortuo pupillo destitit ab accusatione, quam ipsius nomine instituerat: *l. 14. hic.* In iis de quorum calumnia agi non permittitur: *l. 15. §. 2. eod.* In eo qui propter mortem rei destitit ab accusatione, si tale sit crimen quod morte finiatur: *d. l. 15. §. 3.* Cessat denique si abolitio criminis, id est, accusationis, intervenerit. *d. l. 1. §. si quis autem. & §. seq. l. 12. l. 13. §. 1. hic.*

Est Abolitio, quâ reorum numero reus eximitur, & aboletur accusationis memoria. *l. 12. hic.*

Est triplex, vel Publica, vel Privata, vel Legitima. *l. 8. cum ll. seqq. hic.*

Publica, est quæ publicè ex decreto Senatus, ob rem benè gestam, vel aliam similem causam, fieri solet. *d. l. 8. & l. seq. d. l. 12.*

Nam edictis propositis indicantur feriæ. *l. 1. C. de gener. abolit. l. 26. §. 7. Ex quib. caus. major.*

Quibus tamen finitis, intra triginta dies utiles, repeti accusatio potest. *l. 10. l. 12. l. 15. hic. l. 1. C. de gener. abolit.*

Sed hæc abolitio publica non pertinet ad servos, si rei alicujus maleficii delati sunt; *l. 16. hic.* nec ad crimen falsi. *l. pen. eod.*

Privata abolitio, est quæ accusatori postulanti indul-

indulgetur, *l. 10. in pr. hic.* à Principe, *l. 13. §. 1. eod.* vel à Præfide; non ab eo cui jurisdictio mandata est. *l. 1. §. abolitio. hic.*

Hac impetratâ, is qui defistit, accusare amplius nequit, *l. 3. l. 4. C. de abolit.* nisi ex indulgentia Principis *l. 1. C. eod.* Alius potest, sed intra triginta tantum dies utiles. *l. 3. §. fin. de accus.*

Legitima, est quæ ex lege fit, accusatore mortuo, vel ex justa causa impedito quominus agere possit; *d. l. 10. hic.* vel mortuo eo cujus nomine accusatio instituta fuit; *l. 14. eod.* vel reo mortuo Nisi judicium tale sit, quod etiam in hæredes reddatur, ut majestatis, repetundarum, *l. 15. §. 3. hic. falsi. l. pen. eod.*

Quæ abolitio tamen non impedit, quin ab alio repeti possit reus, intra tempus legitimum, id est, triginta dierum. *l. 10. hic. l. 3. §. ult. de accusat.*

De requirendis vel absentibus damnandis.

T I T. XVII.

EX parte Rei judiciorum criminalium progressui obstant duo. Ejus absentia, de qua hoc titulo: & inficiatio; de qua in sequenti titulo agitur.

Absens, ante inchoatum capitale crimen, damnari non potest. *l. 1. hic.*

Idem, si reus ad diem instituendæ accusationis vocatus, præsentiam sui non faciat, annotatur, referturque ejus nomen in publica acta, ut requiratur; *l. 1. §. 1. hic.* & bona ejus obsignantur, ne quid ex eis minuatur, & ne ejus fuga instruatur, *l. ult. in pr. ff. l. 1. C. eod.* quæ morâ deteriora fiunt, distrahuntur, pretiumque deponitur, *d. l. ult. §. 1.* atque Edictis monetur, ut se sistere, *d. l. 1. §. 2.* & purgare, *l. 1. C. eod.* possit.

Qui si intra annum, ex quo ea annotatio facta, *l. 2. C. eod.* veniat, causa peragitur: & si se crimine purgaverit, bona sua jam obsignata recipit: *l. 1. C. eod.* Si intra annum moriatur, bona ad hæredes

suos transmittit: *l. 1. §. ult. ff. l. 1. C. eod.* Post annum, eo non revertente, bona confiscantur: *l. 2. in pr. l. ult. in pr. ff. l. 2. C. eod.* Post annum si redeat, defendere quidem se potest ac innocentiam suam purgare; *l. 4. §. ult. hic.* sed bona nihilominus vindicat fiscus: *l. 1. §. ult. ff. l. 2. C. eod.* Nisi post viginti annos ea fiscus vindicet. *l. 2. & 3. hic.*

Quamcunque enim quæstionem apud fiscum, si non alia sit propria præscriptio, viginti annorum silentio præscribi, Divi Principes voluerunt. *l. 3. hic.*

Jure Novissimo bona (excepto crimine Læsæ Majestatis) non publicantur; *Auth. damnatorum. C. de bon. damnat.* proinde non annotantur.

Reus, five ante, five post annum se sistat, si delati criminis reus vincatur, legitimis pœnis afficitur. *l. 1. ff. & C. hic.*

Reus post quaecunque crimen inchoatum absens, peragi, & damnari potest; *l. 33. §. publicè. de procurat. l. 10. de publ. jud. l. 4. §. ult. vers. & qui hoc crimine. ad L. Corn. de sicar.* videlicet si Edictis citatus per contumaciam absit. *l. 5. in pr. de pœn. Nov. 134. c. 5.*

Absens etiam ante inchoatum crimen non capitale accusari, & post citatoria Edicta condemnari potest. *d. l. 5. in pr.*

De quæstionibus.

T I T. X V I I I.

QUoniam Rei crimen inficiari solent, idè veritatem vel probationibus, *l. 4. C. de edend. l. ult. de probat.* vel quæstionibus eruere oportet. *l. 1. in pr. hic.*

Quæstio, est tormentum & cruciatus corporis ad eruendam veritatem. *l. 15. §. quæstionem. de injur. l. 1. §. quæstionem. de S. C. Syllan.*

Torquetur non solum reus, *l. 18 in pr. §. 1. §. 2. hic.* sed etiam is qui contra reum interrogatur; ut servus, *l. 1 §. 1. eod. testis infamis, l. 21. §. si ea. de testib. vacillans. l. 15. pr. d. l. 18. §. testes.*

Non

Non omnes, omni in causa, torqueri possunt.

Quidam enim nulla in causa torqueri debent; ut milites, *l. 8. C. eod.* & qui à militia non ignominiosè missi sunt, eorumque liberi; *d. l. 8. decuriones, l. 11. l. 16. C. eod.* horumque liberi; *d. l. 11. innocentes, l. pen. C. eod.* impuberes, *l. 10. l. 15. hic.* prægñantes, *l. 3. de pæn.* Doctores, Advocati. *Bart. in l. 1. C. de advoc. divers. jud.*

Quidam in certis causis, vel contra certas personas, torqueri non debent; Ut servi adversus dominos; *l. 1. §. 5. l. 3. ff. l. 6. C. hic.* eorumque dominorum liberos, parentes, tutores; *d. l. 6. l. 14. C. eod.* liberti adversus patronos. *d. l. 1. §. 9. d. l. 6.*

Generaliter nemo contra eum torqueri debet, contra quem testimonium dicere invitatus non cogitur. *d. l. 1. §. 10.*

Sunt tamen quædam causæ, in quibus etiam servi contra dominos, & hi qui à quaestionibus sunt immunes torquentur: ut in crimine læsæ Majestatis, adulterii, fraudati census. *l. 5. in fin. l. 10. §. 1. ff. & l. 1. C. eod.*

Non ex qualibet causa quaestio decernenda est; sed requiritur, Ut sit crimen atrox & capitale: *l. 1. l. 8. hic.* deque eo agatur non civiliter, excepta specie, *l. 1. C. de nat. liber.* sed criminaliter; *Farinac. qu. 42.* Veritas aliter haberi non queat; *d. l. 8. ubi Hippol. Alvar. inc. 1. §. public. num. 2. de pac. tenen. 2. F. 27.* Ut multis indiciis oneratus, & penè convictus sit reus. *d. l. 1. §. 1. l. 18. §. 1. l. 20. l. fin. ff. l. 3. l. 8. C. eod.*

Quæ indicia debent esse gravia, urgentia, & penè certa: levium non habetur ratio.

Unumquodque indicium, quale illud sit, per duos eum minimum testes probari debet. *Hippol. in l. unius. 18. §. testes. 3. num. 2. & in l. de minore. 10. §. plurimum. 5. hic.*

Nec enim indicia ad torturam sufficiunt, nisi semiplenam faciant probationem. *Bart. & Dd. in l. fin. de imlit. jurand.*

Unde testis unus oculatus sufficit, *Gl. in l. 3. C. ad L. Iul. majest. ubi Bart. Bald.* modò fide sit dignus & omni

omni exceptione major: *l. 1. §. 4. ubi Bart. & in b. maritus. 20. hic. Bald. in l. admonendi. 4. col. de jurejur. Item confessio extrajudicialis: Gl. in l. capite quinto. l. 25. de adulter. & Gl. fin ubi Bart. in l. fin. hic. col. 2. Bald. in l. un. C. de confess. 6. colum. n. 20. idem Bald. in l. milites. C. hic. 1. colum. in fin. modò in specie facta sit. Bald. in l. quoniam de his qui not. inf. pen. colum. vers. quinto & ultimo. Gomez. var. resol. tom. 3. cap. 13. de tortura reor. n. 8.*

Non est sufficiens indicium ad torturam confessio defuncti in articulo mortis. *l. 3. §. 1. de SC. Syllan. ubi Bart. & alii.*

Si quædam indicia pro reo faciant, quæ elidant contraria, ita ut amplius ea semiplenam probationem non impleant; ad torturam perveniri non debet. Cum enim indicia indicibus repugnant, argumenta argumentis, perinde id habendum, ac si nullis reus premeretur. *Ias. in l. 1. n. 10. 11. C. com. de leg. Hippol. in l. 1. n. 59. de fcar. Boer. decis. 155. n. 9. vid. Bart. in l. fin. hic.*

Quodsi nihilominus iudex ad eam procedat, poenâ capitali punitur: *l. 16. C. hic. scilicet si id faciat in injuriam exitiumque ejus qui patitur, ut tormentis enectus deficiat: alioqui extraordinariæ poenæ, pro qualitate commissi, locus est. Bart. in l. quæstionis. 21. hic. Par. de Puteo. in tract. synd. an si officialis aliq. tort. verb. tortura. c. 12. n. 1. 2. & per tot.*

Torturam factam esse, ex levibus indicibus, puta carceratione, clamore rei, livore corporis, fama, & similibus conjecturis, non vincitur. *Bal. in l. falsus. in fin. C. de furt. Hippol. in l. 1. §. Divus Severus. n. 4. 5. 6. hic.*

Injustè eam decretam esse, eo ipso probatur quod non ostendatur diversum. *Hippol. in d. §. Divus. n. 3.*

Non debet iudex à quæstionibus incipere, *l. 1. l. 20. ff. l. 3. C. hic. sed prius indicia debent reo, etiam non petenti, f. c. l. un. C. ut quæ def. adv. part. l. 9 §. 1. t. pen. ff. de inter. in jur. f. c. l. 22. C. ad l. Corn. de fals. l. 1. §. ult. hic. communicari, Bart. in l. ult. n. 8. hic. per Lunius. §. 9. eod. & super his lis negative contestari, Bart.*

Bart. in l. si quis adult. n. 1. ad L. Iul. de adult. rei defensiones, quibus purgari refutarique indicia posse confidit, audiri. d. l. unus. 18. §. 2. Paul. lib. 5. sent. tit. 6.

Ad questionem cum ventum, inchoanda erit à suspectissimo, *l. 1. §. 1. 2. hic.* aut timidissimo, qui facile verum, tormentorum metu, dicturus presumatur. *l. 18. hic.*

De se quisque interrogandus, *d. l. 1. §. Divus.* non in caput aliorum. *l. 16. §. 1. eod.*

Sed necdum confessus, & idè in se torquendus, rectè & in socios examinatur. *l. 1. §. 19. §. 21. eod.*

Quæ, & quanta tormenta adhibere oporteat, arbitrio iudicis committitur; *l. 7. eod.* videlicet pro moderatæ rationis temperamento. *l. de minore. 10. §. 3. hic.*

Item an, & quæ fides sit eis habenda. *l. 1. §. questioni. 23. & §. ult. eod.*

Confessio in tormentis facta, ad condemnationem non sufficit, quasi metu extorta. *l. 1. §. 17. eod.* Nisi reus postea extra locum carceris, ejusmodi confessionem liberè renoveat. *Bart. in d. l. 1. §. fin. Gomez. d. loc. n. 24.*

Quod si eam revocet; rediri ad equuleum potest: quia prior confessio in tormentis facta, est loco semiplenæ probationis, & facit indicium sufficiens. *Bald. in l. fin. C. de probat. Hipp. in l. 16. n. 12. hic.*

Si reus in tortura non confiteatur, repeti in questionem non potest, nisi nova superveniant indicia. *l. 18. §. 1. hic. Gomez. d. loc. n. 26. per Dd. ibi. alleg.*

De pœnis.

T I T. XIX.

Post confessionem delicti, seu sponte factam, seu tormentis extortam; sequitur ut pœnæ nocens statim, *l. 18. C. hic. l. 5. C. de custod. reor. subdatur.*

Pœna, est delicti, seu criminis, æstimatio, atque coercitio. *l. 41. in fin. hic.*

Est

Est pro varietate delicti, varia. Alia enim est capitalis, alia non capitalis; alia legalis, alia arbitraria.

Capitalis, ἐπὶ λῆτις appellatur, quæ vel vitam, vel libertatem, vel civitatem, adimit: *l. 2. eod. propriè & strictè*, quæ caput vitamque, adimit; ultimum supplicium dicitur. *l. 21. hic.*

Quod variis modis infertur; ut igne, gladio, laqueo, bestiis. *l. 28. l. 11. §. fin. l. 8. §. 1. hic. &c.*

Non capitalis; est quæ ex civium Romanorum numero non eximit: & ad existimationem, non ad capitis periculum, pertinet; ut relegatio, infamia, fustigatio, *d. l. 28. §. 1. exilium, l. 6. in fin. l. 28. §. 2. hic. incarceration, compedes, vincula. l. 7. l. 23. §. 1. eod.*

Legalis est, quæ à jure limitata & expressa est.

Arbitraria, est quæ judicis arbitrio commissa. *Ias. in l. qui jurisdict. 14. n. 3. de jurisdict.*

Pœnam irrogat magistratus, penes quem jus est gladii, & merum imperium; ut, Præfectus urbis, Præses. *l. 1. §. fin. l. 2. §. 1. l. 8. §. 4. hic.*

Quam semel impositam, revocare nequit, solo Principe excepto. *l. 27. l. 31. hic. l. 14. l. 16. C. eod.*

Punit magistratus vel facta, ut furta, cædes: vel dicta, ut convicia: vel scripta, ut famosos libellos: vel consilia, ut conjurationes; & latronum conscientias. *l. 16. pr. hic.*

Sed in pœnis irrogandis septem debet spectare circumstantias: causam, personas, locum, tempus, qualitatem, quantitatem, eventum. *ut latè explicatur in d. l. 16. §. 1. & sequentibus. ubi vide.*

Pœna omnem reatum tollit; & qui pœnam persolvit, pro absoluto haberi debet. *l. 7. de jur. patron. Bald. in Auth. sed novo. n. 4. C. de serv. fugit.*

Pœnam tollit; mors damnati, *l. 2. 3. C. si reus vel accus. mort. l. 20. de accusat.* abolitio, indulgentia, restitutio & remissio à summo Principe facta, *ff. & C. de sent. pass. & restit. & de abolit.* præscriptio viginti annorum. *Spec. de sent. §. quoniam. n. 9.*

Pœnam mitigat; diuturnitas temporis, quo quis in reatu, id est, accusatus fuit; *l. 25. ff. hic. non, ut volunt*

volunt Clar. 5. sent. §. fin. qu. 61. Farin. qu. 10. n. 84. cum jam diu factum ex quo crimen admisit : Conf. Nov. 5. c. 2. l. 23. C. hic. Item ira, l. un. C. si quis Imp. maled. l. 3. de divor. Dec. in l. 48. de R. I. dolor, l. maritus. §. lex Julia. de adult. ebrietas, l. 6. §. 7. de re milit. ætas, l. 1. §. impubes. de SC. Claud. sexus, l. 6. ad L. Iul. pecul. c. sicut. de homicid. Bald. in l. quicumque. C. de serv. fugit. ignorantia juris, Gl. in l. plagii. C. ad L. Flav. de plag. & facti, l. 1. §. Divus. ad L. Iul. de sicar. l. 5. §. ult. hic. affectio consanguinitatis, l. 2. de recept. l. 1. C. de his qui latro. necessitas famis, c. si quis propter. de furt. merita publica, l. 5. §. ult. de re milit. insigne. artificium. l. 31. hic. Gomez. 3. var. resol. 13. num. 36. Farinac. qu. 38. num. 134.

De bonis damnatorum.

T I T. XX.

A Dnectitur gravioribus pœnis publicatio bonorum.

Damnatione enim bona publicantur, (id est, in fiscum publicum à magistratu summæ potestatis rediguntur, *l. un. C. ne sine jussu Princ.*) cum aut vita admittitur, aut civitas, aut servilis conditio irrogatur. *l. 1. hic.*

Bonorum appellatione contiuentur etiam actiones & obligationes. *Duar. hic.*

Bona damnati tantum publicantur, non cæterorum; ut puta res uxoris, vel dotales, vel quæ parapherna dicuntur. *l. pen. C. hic.*

Nec peculia filiorum-familias, aut servorum propter ipsorum delictum publicantur. *l. 1. & 3. C. eod.*

Pannicularia, id est, panni & vestimenta quibus indutus est reus, cum ad supplicium ducitur, non confiscantur, sed Præsides ea in utilitatem officii impendere debent. *l. 6. hic.*

Sed hæc spolia non nisi damnato jam reo adimenda sunt. *l. 2. eod.*

Et ita damnato bona adimuntur, ut si liberos habeat,

beat, legitima portio ipsis salva maneat. *l. 1. & l. 7. ff. l. ult. C. hic.*

Quod de bonis paternis, non etiam maternis, accipiendum est. *l. 6. C. eod.*

Verum Justiniani constitutione cautum, ut, si qui extent descendentes in infinitum, aut adscendentes usque ad tertium gradum; fiscus bona non vindicet. *Nov. 134. cap. ult.*

De bonis eorum qui ante sententiam vel mortem sibi consciverunt, vel accusatorem corruperunt.

T I T. XXII

Publicantur etiam eorum bona, qui accusatore corrupto decesserunt. *l. 2. hic.* Si enim qui paciscuntur de delicto, fateri videntur: *l. 5. ff. de his qui not. inf.* multò magis qui adversarium corruperunt.

Qui, ut crimen confessi, nullam innocentiae suae defensionem hæredibus relinquunt *d. l. 2.*

Excipitur crimen, ex quo mortis poena venit irroganda. Licet enim sanguinem suum qualitercunque redimere. *l. 1. hic. l. transigere. C. de transact.*

Eadem causa est ejus qui reus postulatus, vel in scelere deprehensus, sibi mortem ante damnationem conscivit, idque sceleris conscientia, non vitæ tædio, aut impatientia doloris; *l. ult. ff. l. 1. & 2. C. eod.* modò ejus criminis reus fuerit, ut convictus bonis careret. *d. l. ult. in pr. & §. 1.*

Quodsi tamen hæredes velint causam suscipere, audiendi sunt: qui si probent, ex alia causa mortem conscitam, puta tædio vitæ, impatientia, &c. aut defunctum innocentem esse, bona non erunt publicanda. *l. fin. §. fin. §. 4.*

Sed videtur, bona ejus qui liberos habet, aut adscendentes ad tertium gradum, hodie non publicari debere, quia si damnatus esset, hæredibus non redimerentur. *ut dixim. tit. preced.*

De interdictis, & relegatis, &
deportatis.

T I T. XXII.

Publicatio bonorum cessat in interdictis & relegatis. *l. 1. hic.* Nisi in perpetuum relegati sint. *l. 4. hic.*

Interdicitur, vel certo loco, certisve locis, *l. 7. §. 10. cum 6. §§. seqq. & §. 19. hic.* vel ordine, *d. l. 7. §. 20* vel honore sive honoribus, *d. l. 7. §. pen. & ult.* vel negotiatione, vel professione, vel advocacy seu foro, vel spectaculis, *l. 1. §. pen. de off. præf. urb. vel arte, l. ult. in pr. de pæn. ad tempus, aut in perpetuum. d. l. 1. §. pen. d. l. ult. in pr. Pac. Isag. hic.*

Relegatur vel à loco; quod nihil aliud est quam interdicere; vel in locum certum; *d. l. 7. in pr. & §. sicut, cum §§. seqq.* vel ad tempus; vel in perpetuum. *d. l. 7. §. 2. & seqq.*

Relegatione ad tempus factâ, bona adimi nequeunt: *d. l. 7. §. 2* si in perpetuum; pars bonorum expressim adimi potest. *l. 4. hic.*

Quod in relegatis & interdictis diximus cessare bonorum publicationem, id multo magis in levioribus pœnis obtinet. *fac. d. l. 7. §. ult. l. 1. & 2. de bon. damn. Cyn. in fin. las. n. 4. in l. 1. C. de hered. inst.*

Deportatio, ut semper Civitatem Romanam, *l. 6. in pr. hic. sic & bona, l. 1. in pr. de bon. damn. l. 6. C. cod. l. 8. C. de pæn. adimit.* quamvis id sententia expressum non fuerit. *l. 3. hic. Duaren. hic.*

Fit semper in locum certum, & quidem in perpetuum. *d. l. 7. §. 2.*

Certis tantum magistratibus specialiter permissa est. *l. 6. cod.* Est enim gravis.

De sententiam passis & restitutis.

T I T. XXIII.

POENÆ sæpenumero damnatis remittuntur; puta, cum à summo Principe, (nec enim inferiores ejusmodi potestatem habent, *l. 4. de pæn. l. 1. §. fin. de question. Bart. in l. 3. eod. Bald. in l. servos. C. de vi publ.*) restituuntur.

Quæ restitutio vel est simplex criminis indulgentia, & poena tantum remittitur, nec quid amplius restituitur, nisi specialiter à Principe concessum est: *l. 2. l. 6. l. 7. l. 9. C. hic. l. ult. C. de gener. abolit.* vel est restitutio in integrum, & ita plena est, ut etiam honoribus, ordini, cæterisque omnibus restituatur. *l. 1. C. hic.*

Illā restitutio gratiæ; hæc justitiæ, vulgo appellatur. Hæc innocentem declarat: Illa quasi facit. ut ait Senec. ad Polyb. Per illam restitutus fructus medio tempore perceptos non recuperat: *Vivius lib. 1. opin. num. 244.* omninò per hanc restitutus. *Tulen. in C. h. t.*

De cadaveribus punitorum.

T I T. XXIV.

CAdavera punitorum olim magistratus, non tantum cognatis, *l. 1. hic.* sed etiam quibuslibet aliis petentibus, *l. ult. eod.* concedere ad sepulturam debebat.

Hodie sine permissu Principis non sepeliuntur. *l. 1. hic.*

Potentibus denegantur; Si majestatis causa sint damnati; *l. 1. hic.* Si videatur publicè expedire, ut ad terrorem aliorum, in patibulis mancant.

Nec sine permissu Principis, corpora deportatorum aut relegatorum alio transferri possunt. *l. 2. eod.*

Ex principis etiam autoritate cadavera punitorum

torum medicis, ad anatomen, concedi solent. *lul. Clar. lib. 5. sent. §. ult. quæst. ult. Gomez. var. resolut. lib. 3. c. 14. & ult.*

D I G E S T O R U M

L I B E R XLIX.

De appellationibus & relationibus.

T I T. I.

EXpositis judiciis omnibus civilibus & criminalibus, subjicitur tractatus de appellationibus, quæ utrisque judiciis communes sunt: *l. 2. §. septimus. vers. liber. a. C. de veter. jur. enucl. & ultimo loco in omni jurisdictione interponi solent, ut, aut iniquitatem, aut imperitiam judicantium, corrigant. l. 1. hic.*

Est Appellatio, à minore judice ad majorem, ratione gravaminis, facta provocatio. *l. 1. l. 21. ff. l. 32. l. 37. C. hic. Marant. par. 6. de appell. n. 1. in aut. spec.*

Est vel judicialis; quæ à sententiis (quod fit regulariter) & interlocutionibus, (quod Jure Civili raro admittitur. *l. 36. C. l. 23. §. 1. ff. hic. l. 2. de app. recip. l. 27. l. 32. de re jud.*) *l. 1. C. hic. vel extrajudicialis; quæ à decretis & actibus extrajudicialibus vim sententiæ judicialis habentibus, ut à primo & secundo decreto, Bald. in l. 2. n. 15. & 16. C. de Episc. aud. consultatione, l. 1. §. 1. h. t. 1. C. de relat. &c. interponitur. c. concertat. de app. in 6. c. cordi. cod. l. 3. C. de excus. tut.*

Appellare possunt omnes per iniquitatem vel imperitiam judicis, sive suo, *l. 20. §. 1. hic.* sive alieno nomine, *d. l. 20. in pr. l. 24. l. 27. l. 17. §. 1. hic. condemnati. c. 16. de elect. c. solent. pr. 2. q. 6. l. 1. l. 5. hic.*

Non tertius, *l. 2 §. 1. quan. app. l. 1. de app. recip. nisi ratione sui interesse, l. 1. de app. recip. l. 5. §. 1. l. 14. l. 4. §. 2. hic. l. 2. §. 1. §. 2. quand. app. aut mandati, d. l. 1. de app. recip. aut conjunctionis sanguinis,*

nis, d. l. 1. §. 1. & pro eo qui ad supplicium ducitur.
l. 6. hic.

Non qui condemnatus ob contumaciam veram:
l. 23. §. fin. hic. l. 53. de re jud. qui spontè, non tormentorum metu, confessus & convictus: l. 2. C. quor. app. non qui ante sententiam confessus est se non appellaturum: l. 1. §. 3. ff. quib. app. non lic. vel sententiam quoquo modo approbavit: c. gratum. 2. Ext. de off. jud. deleg. qui debitor fiscalis, aut tributarius publicus est. l. 4. l. 8. C. quor. app. non recip.

Appellari potest à sententia definitiva, eaque valida: à nulla, cum ipso jure corruat, frustra appellatur. t. t. C. quan. prov. non est nec. & ff. qua sent. sine app. resc. l. 23. §. 1. l. 19. hic.

Ab interlocutoria jure civili non appellatur; l. 2. de app. recip. l. 7. C. quor. app. nisi gravamen irreparabile, d. l. 2. vid. Socin. reg. 26. aut vim definitivæ, contineat. Myns. 1. obs. 66. Gail. 1. obs. 130. Spec. hic. §. 2. n. 28.

De jure Canonico à quolibet gravamine licet provocare. c. 2. c. cum Romana. 3. de appell. in 6. Clem. appellanti. 5. eod. Quod Concilio Tridentino, juxta juris Civilis normam, emendatum. sess. 24. de reformat. cap. 20.

Appellatur rectè non modò à tota sententia, sed & certis ejus capitulis. l. 29. §. ex causa. de minor. Gl. in l. fin. ad vrb. judicatis. C. hoc tit.

Et quacunque in causa, sive majore, sive minore, licet appellare: l. 2. C. hic. nisi specialiter prohibitum sit. Lanfran. t. t. de interloc. & app. n. 60.

Prohibitum appellare; Si causa intra legitimam appellandi sit quantitatem: Nov. 23. §. illud etiam. vers. nulla. & post. Si res dilationem non recipiat: l. 7. in pr. de app. recip. Si de sententia de exequendo lata, Vigel. cent. 2. decis. 32. aut ab executione appelletur: l. 4. in pr. hic. Nisi modum executor dicatur excedere, aut malè sententiam interpretari: d. l. 4. l. 5. C. quor. app. non recip. Item in causa momentaneæ possessionis. l. un. C. si de moment. possess. vid. Lanfr. d. loc. n. 60. & seqq.

Debet appellatio fieri gradatim ab inferiore judice

dice ad superiorem in proximo ordine; *c. dilecti*. 66. *Ext. hic l. 21. hic. Nov. 17. §. scito namque.* non ad supremum, omisso medio: *dd. ll.* Nisi is sit inhabilis, vel suspectus, vel justitiam deneget. *Myns. 1. obs. 67. Gail. 1. obs. 119. Marant. part. 6. de appell. n. 357.*

Potest interponi statim post sententiam, apud acta illius judicis qui pronuntiavit: Nam coram illo, *Gl. in c. suggestum. 15. ad verb. in vocem. de appell. & in c. appellatio. eod. lib. 6. c. fin. de appell.* non alibi, *c. ut debitus. c. cum speciale. c. fin. Ext. eod. est appellandum:* Nisi is copiam sui non faciat, aut propter metum provocari liberè coram eo nequeat. *l. 2. & t. t. C. de his qui propt. met. jud. non app. c. fin. ubi Dd. Extr. eod.*

Appellari potest aut alternativè: ut, Dico sententiam esse nullam, vel si est aliqua, appello: *Bart. in l. qui testamento. 37. §. idem quero. n. 7. de excus. tut. aut simpliciter, vel viva voce, vel scripto. l. 2. ff. l. 14. l. 6. §. pen. & ult. C. hic.*

A sententia definitiva appellari potest verbo, sine scriptura, sive apud acta, incontinenti, appelletur, *d. l. 2. ff. d. l. 14. C. hic.* sive causa levis sit & summaria. *Bald. in l. & in majoribus. C. hic.* Si gravis, & ex intervallo appelletur, libellus est necessarius. *Bart. & Ang. in litigatoribus. 14. C. eod.*

Qui continere debet, quis appellet, contra quem, & à qua sententia. *l. 1. §. ult. ff. eod.*

Nomen tamen ejus contra quem appellatur, si omissum, non nocet appellanti: *l. 3. in pr. hic.* ut etiam non nocet, si non expressa causa ob quam appellatur; *d. l. 3. aut pars sententiæ à qua provocatur. l. 13. in princ. ff. hic.*

A sententia interlocutoria, non habente vim definitivæ, aut ab alio gravamine, in scriptis, *c. cordi, hic. in 6. Marant. dist. 6. n. 138.* nominatim causæ gravaminibus expressis, *Clem. appellanti. hic. Gl. in c. cum Ecclesia. c. ut debitus. Ext. eod. est appellandum:* puta si judicialiter appelletur; non si extrajudicialiter. *Canon. in c. consuluit. hic.*

Appellationem judex cogitur admittere; *l. pen.*

de appell. recip. nisi sit à certis causis jure exceptis; alioqui punitur, *l. quoniam. 21. C. hic. de Jure Codicis tribus libris auri, d. l. 21. l. 24. C. eod. de Jure Novissimo decem libris auri & litis damno. Nov. 126. c. 3.*

Per eam ita suspenditur prior sententia, *l. 6. §. 1. de his qui not. infam.* ut non possit mandari executioni, aut quicquam pendente appellatione novari. *tit. inf. nihil nov. pend. app. l. 6. de app. recip.*

Causam appellatio etiam reducit ad tempus litis contestatæ.

Quare in causa appellationis rectè proponuntur eæ exceptiones, quæ post litem contestatam opponi possunt; ut peremptoriæ: non etiam hæ, quæ ante eam proponi necesse est; ut sunt dilatoriæ; *l. ita. 13. ubi Ias. n. 6. C. de procur. Alc. in l. 3. verb. emendari. C. de edend. Wesf. hic.* item articuli novi, non tamen prioribus directò contrarii, rectè proponuntur; *Clem. fin. de testib. Dd. in l. eos. l. per hanc. C. hic. Guid. Pap. decis. 14. & non allegata allegantur, non probata probantur. l. eos. §. 1. l. in offerendis. C. eod.*

Qui temerè appellat, pœna quinquaginta librarum auri, cum existimationis jactura, punitur: *l. 6. §. ne temerè. l. 19. C. hic. l. 5. in fin. C. quor. appell. non recip.* Siquidem Principis tribunal improbe fatiget & à Magistratu Principi immediate subjecto frivole appellasse deprehendatur: *l. 14. C. hic.* Aliàs si ab executione appellavit, 50 libris auri; *l. 5. C. quor. appell. fin. à competente Judice, mitius. l. 6. §. pen. C. hic.* De jure Canonico, tantum in expensas condemnatur. *c. reprehensibiles. 26. Ext. hic. c. 1. de elec. in 6. Abb. in c. inter cetera. hic.*

Transfertur etiam lis à minori ad majus auditorium per relationem; de qua, utpote alterâ hujus tituli parte, pauca dicamus.

Ea ante sententiam in civilibus interponi solet; in *Nov. 82. de jud.* tam ante, quam post in causis criminalibus. *l. 6. de inter. & releg. l. 6. §. 9. de injust. rupt. irr. test.*

Est, remissio causæ, ad superiorem.

Ejus

Ejus duo genera : Unum , quod consultatio appellatur : *l. 1. l. ult. C. de relat.* cum judex Principem de jure consulit ; ut ab eo instruat quomodo judicare debeat. *fac. l. 79. §. 1. de judic. §. fin. in Nov. 82.*

Consultationis exemplum partibus est edendum ; ut, si fortè relatio alicui minus plena videatur, suas opponere rationes, & refutatorios libellos Principi offerre possit. *l. 1. & 2. C. de relat.*

Sed Justinianus , postea consultationem prohibuit. *Nov. 185.*

Eam jus Canonicum nihilominus admisit. *c. intimasti. 68. Ext. h. t.*

Alterum genus relationis est , cum judex , ad Principem, vel alium superiorem, acta unà cum sua opinione mittit.

Et tum, aut ad judicem ad quem appellatum est, refert se appellationem interpositam suscepisse : *l. 24. C. eod.* aut eam non recepisse , & cur non receperit : *l. 6. de appell. recip.* aut Principi significat certam sibi videri pœnam , puta deportationem , irrogandam , quam ipse eo consulto infligere nequit. *l. 6. §. ejus. de injust. rupt. test. l. 1. §. deportatos. de legat. 3. l. 2. §. 1. de pœn. l. 6. §. 1. de interd. & releg. Pac. in Isagog. hic.*

A quibus appellare non licet.

T I T. II.

S Ed ab omnibus judicibus indistinctè appellare non permillum.

Non enim à summo Principe, *l. 1. §. 1. hic. à Senatu, d. l. 1. §. 2. à Præfecto Prætorio, r. t. C. de sent. præf. prætor.* à judice quem Princeps dedit ne ab eo appellare liceat, *d. l. 1. §. ult.* ab executore, nisi modum excedat, *l. 5. C. quor. app. non recip.* & sententiam malè interpretetur ; si forte interpretandi habeat potestatem : ut Præses Cæsaris Procurator : *l. 4. in princ. & §. 1. hic.* ab arbitro compromissario, *l. 1. l. 32. §. cum quidam. C. de recept. arb.* omnino à

dato à Judice : *fac. l. 1. ff. de recept. arbit. junct. l. 1. & tot. tit. ff. de appell. l. 2. ff. hic. l. 23. in princ. ubi non circa, sed citra, est legendum. ff. de appellat. non à judice, à quo litigantes se non appellaturos caverunt, d. l. 1. §. 3. appellare licet.*

A reliquis omnibus, tam ordinariis, quam delegatis judicibus, provocatio institui potest.

Quis à quo appelletur.

T I T. III.

A Judice dato appellatur is qui dedit, vel successor ejus, *l. 1. l. ult. hic. l. 1. §. pen. vers. denique. de appell.*

Ab eo cui Jurisdictio mandata est, non appellatur is qui mandavit, sed superior judex : *l. 1. §. 1. hic. excepto legato Proconsulis, à quo Proconsul appellatur. l. 2. eod. Nam etsi jurisditionem ei Proconsul mandaverit, tamen proprium aliquid, & suo jure legatus habet. l. 4. in pr. de off. ejus cui mand. jurisdict. l. 13. de off. procons.*

Si per errorem magistratus unus pro alio provocatus fuerit; & quidem magistratus minor pro majore, nocet error, aded ut non appellari intelligatur: Non nocet, si major vel par; sed perinde cognoscere debet is qui appellari debuit, ac si nominatim appellatus fuisset. *l. 1. §. 3. de appell.*

Quando appellandum sit : & intra qua tempora.

T I T. IV.

A Ppellatur regulariter (ut supra dictum) post sententiam. *l. pen. C. quor. app. non recip. l. 2. de appell. recip.*

Ab honore munereve publico injuncto appellatur, postquam injunctum est, ante excusationem propositam. *l. 1. l. 2. hic.*

A tutelæ tamen datione, ante excusationem receptam frustra appellatur. *d. l. 1. §. 1.*

Appel-

Appellari olim oportuit in propria causa intra biduum ; in aliena intra triduum , à die latæ sententiæ computandum. *d.l.1. §.5. & §.11. cum §§§. seqq.*

Propria causa est, cujus emolumentum, vel damnum ad aliquem suo nomine pertinet. *d.l.1. §.11.*

Quare procurator aliena in causa appellare dicitur, nisi in rem suam datus sit. *d.l.1. §.12.*

Hodie indistinctè, id est, siue propria, siue aliena causa sit, intra decem dies est appellandum. *Auth. hodie. C. de appell. Nov.23. c.1.*

Qui partium consensu prolongari non possunt. *Mynf.3. obs.11. Gayl.1. obs.139. num.6.* Quia omnis conventio contra jus nullius est momenti : *l.5. C. de legib.* Quia constitutiones novæ strictissime sunt interpretandæ. *Viv.2. opin.23.*

Currunt de momento in momentum, à tempore sententiæ, *Gl. in d. Auth. hodie.* vel scientiæ. *l.1. §. fin. hic. l.2. C. de appell.*

Iis elapsis, nemini licet amplius provocare, tamen si forte miles sit. *l.20. §. fin. de appell.*

Appellatione interpositâ, appellans intra triginta dies petere debet apostolos; *l. iudicibus. C. de appell.* alioqui appellationi renunciassè videbitur. *Clem. quamvis. de appell. c. ab eo.6. de appell. in 6.*

Apostolis impetratis, debet se judici ad quem, intra terminum præfixum, offerre ; & ut appellatio recipiatur, petere. *c. personas. & Ext. de appell. l. præses. C. eod.*

Introducendæ appellationis tempus, utpote communi jure non definitum, arbitrio judicis ad quem relinquitur. *Gl. in l. præses. C. de appell. per l.1. de jur. delib. c. personas. de appell.*

Interposita appellatio, *Clem. sicut. de appell. Gl. & Dd. in l. fin. §.2. C. de temp. app.* prosequenda est, intra annum, & ex justa causa biennium. *Auth. ei qui. & ibi Bald. C. eod.*

Quod Jure Canonico confirmatum; concessâ tamen Judici à quo appellatur potestate, brevioris temporis spatium definiendi. *c. cum sit Romanus. Ext. eod.*

Intra quod tempus, nisi prosequatur appellans jus suum, tanquam appellatione desertâ, sententia mandatur executioni. *l. 8. l. 18. C. de appell.*

Si tamen fato & casu impeditus fuerit, ne intra tempus legitimum exequeretur appellationem, ei succurrendum est. *l. 5. C. eod.*

De appellationibus recipiendis, vel non.

T I T. V.

Iudex à quo appellatur, appellationem, nisi legibus improbata sit, recipere tenetur. *l. 24. C. de appell. Nov. 126. c. 3.*

Quam temerè, extra casus jure exceptos, si respuat, triginta libris auri mulctatur; totidemque solvit ejus officium, (id est, officialis. *l. 58. in fin. C. Th. eod.*) nisi ei pertinaciter resisterit, atque actis contradixerit, & quid jure sit constitutum, ostenderit. *l. 21. l. 24. C. de appell.*

De jure novissimo, judex appellationem non recipiens, damnum litis sustinet, & præterea decem libris auri mulctatur. *Nov. 126. cap. 3. Gotoff. ad d. l. 21.*

Sed in hanc poenam judex non semper incidit; nec enim appellationem recipere cogitur si ejus beneficium, vel ex persona appellantis, vel ex causa, cesset.

Ex persona appellantis cessat: si is suo juri antea renunciavit; *l. 1. §. 3. à quib. app. non lic. condemnatus sit ob contumaciam; l. 1. C. quor. appell. l. 13. §. 4. C. de judic.* vel ob malè gestum officium publicum; *l. 3. C. quor. appell.* vel in æs alienum, de quo manifestè est convictus, (alias non, *l. 22. C. de appell. l. 18. & ibi Gloss. & Donel. C. eod. l. pen. vers. etiamsi contra. ff. hic.*) fisco debitum; *l. 4. l. fin. C. eod.* vel ob delictum, confessum tamen, *l. 2. C. eod.* sponte puta, non tormentorum metu; *l. 2. C. quor. appell. non resp.* quod statim puniri, propter atrocitatem, publicè interfit. *l. 16. de appell. l. 244. de V. S.*

Ex causa cessat appellatio; si de tutelæ munere fiat;

fiat; *l. i. §. i. quand. app.* si lis sit de momentanea possessione, *l. i. C. si de momen. poss.* si quæstio sit de annona; de aperiendo testamento; missione in possessionem bonorum; & sic de re quæ dilationem non recipiat. *l. ult. hic. l. 6. C. quor. appell.*

Sed nec admittitur provocatio post binam appellationem institutam, seu tres sententias conformiter latis. *l. un. C. ne liceat in una ead. caus.*

*De libellis dimissoriis, qui apostoli
dicuntur.*

T I T. VI.

Post appellationem interpositam, à qualibet causa, *c. ut super. 4. de appell. lib. 6.* debent literæ à iudice, à quo, ad iudicem ad quem dari, *l. un. in pr. hic.* quibus causam ad eum transmittat, & indicet, quis, contra quem, & à qua sententia, appellaverit. *d. l. un. §. i.*

Quæ literæ, quod per eas causa ad eum qui appellatus, dimittatur, literæ dimissoriæ, vel libelli dimissorii, dicuntur: *l. 106. de V. S. d. l. un. in pr.* Græcè apostoli *ἀπο τοῦ τῆς ἀποδείξεως. d. l. un. in pr. d. l. 106.*

Has literas appellator instanter & sæpius petere debet; *d. l. un. §. ult.* olim intra quintum diem, *Paul. lib. 5. sent. tit. 34.* hodie intra triginta dies; *l. 24. C. de appell.* alioqui appellationi renunciasse videtur. *Clem. 2. de appell. c. ab eo. 6. de appell. lib. 6.*

Si tamen per iudicem itet, quo minus dentur, nihil oberit appellanti: *l. i. §. 7. quand. appell.* dummodò intra triginta dies de sua diligentia fuërit protestatus. *d. l. un. §. fin. o. ab eo. 6. §. illud. de appell. lib. 6.*

Judex, nisi mulctari velit, *d. l. 24. C. de appell.* etiam non petente appellatore, apostolos debet dare. *l. 6. §. ult. C. eod.*

Nihil no vari appellatione interpositâ.

T I T. VII.

PRæcipuus appellationis effectus est, ut pendente eâ nihil innovetur, siue appellatio recepta fuerit, siue repulsa. *l. un. in pr. hic.*

Receptâ appellatione, tamdiu nihil, siue ad statum personæ, siue bona pertinens, est innovandum, quoad de appellatione est pronunciatum. *d. l. un. §. 1.*

Si quæ innovata, ea officio iudicis ad quem est provocatum, revocantur: *d. l. un. Gl. in l. 2. C. Ut lit. pend. maxime si post inhibitionem sint innovata.*

Inhibitio, est prohibitio iudici inferiori per superiorem facta, ne ulterius in causa procedat, vel quid attentet. *c. non solum. c. Romana. §. si vero. & §. seq. de appell. in 6. l. 2. ubi Bart. Bald. C. de edend.*

Quod si quid ante inhibitionem, præsertim cum de interlocutoria est appellatum, innovetur; solet id, principali sententia in causa appellationis latâ, rescindi ac revocari. *c. significantibus. 49. de appell. Innoc. in c. dilecti. ad verb. revocatio. de exc. & in d. c. non solum. Wes. hic.*

Qua sententia sine appellatione rescindantur.

T I T. VIII.

INterdum sententia sine appellatione rescinditur; veluti, si ipso jure sententia nulla sit: quo casu improprie dicitur rescindi: Nam quod nullum est, rescindi non est necesse. *l. 5. de injust. rupt. irrit. fact. test.*

Sententia nulla est; 1. Quæ contra rem ante judicatam lata. *l. 1. in pr. hic. l. 1. C. quand. prov. non nec. t. f. C. de sent. & interloc.* 2. Quæ calculi continet errorem. *l. 1. §. 1. & 2. hic.* 3. Lata contra jus constitu-

stitutionis. *d.l.1. §.2.l.16.de appell.* Puta minorem quatuordecim annis testamentum facere posse. *l.2.C.quand prov.non nec. &c.* Secus si contra jus ligantis. *d.l.2. 4.* Quâ condemnatus tanquam conrumax ex edicto peremptorio, quod neque propositum est, neque in notitiam pervenit. *l.1. §.pen.hic.* 5. Quæ in causa conventionis & reconventionis alteram litem decidit, alterâ pendente. *d.l.1. §.fin.* 6. Quæ condemnat eum, qui tempore quo sententia dicitur, in rebus humanis esse desit. *l.2.hic.l.59. §.fin. de re judic.* 7. Ea cui pareri rerum natura non potest. *l.1. fin. hic. &c.*

Quales sententiæ & similes, *vid. C. quand. prov. non nec.* nunquam transeunt in rem judicatam; & ad triginta annos impugnari, proposita nullitatis quæstione, possunt. *Bart.in l. si expressim. n.12. de appell. Bald.in l.1.n.3. C.de fer. Ferrar. in form.app: verb. fuisse.n.4.*

*An per alium causa appellationum
reddi possunt.*

T I T. I X.

CAUSÆ appellationum reddi debent apud judicem ad quem appellatum est, ab eo qui primo est expertus & provocavit. *l.1. fin. §.fin. de appell.*

Eæ tamen per alium reddi possunt, si vel non sit quæstio capitalis; *l.1.hic.* vel is causas reddat, qui nomine alieno damnatus est, ut procurator. *l.2. hic.*

Aliàs generaliter, quæ causa per alium agi non potest, ejus nec appellationem per alium agi oportet. *d.l.1. in fin.*

*Si tutor, vel curator, vel magistratus
creatus, appellaverit.*

T I T. X.

MAGISTRATUS, qui ab injuncto munere, tutor vel curator, qui ab excusatione rejecta, appella-
vit,
C.c. 5.

610 *Digest. Lib. XLIX. Tit. XIV.*

vit, non liberatur ab illius muneris onere & periculo, nisi ipse, *l. 1. hic.* aut, eo mortuo, hæres ejus, causas appellationis probaverit. *l. 2. eod.*

*Eum qui appellaverit in provinciis
defendi.*

T I T. XI.

Appellationis causa absens, tanquam præsens in aliis causis defendi debet. *l. 1. hic.* non Reipublicæ causa absens. *l. 2. eod.*

Apud eum, à quo appellatur, aliam causam agere compellendum.

T I T. XII.

Non potest quis judicem à quo appellavit, tanquam appellatione offensum, in aliis causis, quarum est judex competens, recusare, sed apud eundem agere compellitur; quia si ejus sententia lædatur, denuo provocare poterit. *l. un. hic.*

*Si pendente appellatione mors
intervenerit.*

T I T. XIII.

Pendente appellatione si moriatur appellans, ea evanescit: Nec hæres ejus ad eam proseguendam cogi potest, nisi appellati interfit; *l. un. hic.* puta quia causa est pecuniaria, aut quæstio de bonis confiscandis. *d. l. un.*

Mortuo eo contra quem appellatum fuit, non extinguitur appellatio, *l. ult. C. eod.* nec mortuo eo de quo agebatur, *l. pen. C. eod.* puta si illud usui esse potest: sin non, (ut servus mortuus) manet tantum disceptatio respectu accessorii: ut de peculio, *d. l. pen. fructibus, partu, l. 16. ff. de rei vind. &c.*

De jure fisci.

T I T. XIV.

Explicuimus supra judicia, tam privata, quam publica, restat ut fiscalia, militaria, & municipalia exponamus.

Fiscus, est publica Principis substantia, seu publicum ærarium. *l. 6. in fin. l. ult. vers. cuius sacros. C. ubi Senat. vel clariss. l. ult. vers. sed scimus. C. de quadr. præscr. §. ult. Inst. de usucap.*

Acquiruntur fisco res alienæ ex multis & variis causis, *l. 1. hic. puta. 1. Si fideicommissum incapaci tacite, non palam; l. 3. l. 48. hic. l. 1. de delator. in fraudem legis relictum. d. l. 1. pr. 2. Si hæres hæreditate sit indignus. d. l. 1. pr. 3. Si testamentum vel codicilli surrepti quibus quid Principi relictum. d. l. 1. pr. 4. Si quodvis aliud instrumentum, ad fiscum pertinens, surreptum. l. 2. §. 1. eod. 5. Si thesaurus inventus in loco publico, principis, vel religioso. d. l. 1. l. 3. §. 10 eod. 6. Si fisci causam agens prævaricatus sit, & idem victus sit fisco. d. l. pr. 7. Si damnati bona sint publicanda. l. 1. de bon. damn. 8. Si domus destructa negociandi causa. l. 1. in pr. hic. 9. Si bona sint vacantia. l. 96 §. 1. de legat. 1. l. 1. l. pen. C. de bon. vac. 10. Si vectigal fraudatum sit, & ob id res in commissum ceciderit. l. ult. §. 3. de publ. & com. 11. Si res litigiosa scienter in scientem alienata sit. l. 1. in pr. hic. 12. Si quis ab institutione publici iudicii accusatione destituit. d. l. 1. pr. Aliisque modis.*

Habet etiam fisco multa privilegia. *t. r. C. de priv. fisci. Enarrenus aliqua.*

Primò. Privatos ad editionem instrumentorum cogit. *l. 2. §. 1. hic.*

Conductores rerum publicarum invitos detinet, si maximos fructus fecerint. *l. 11. §. fin. de publ. & com.*

Debitorum suorum am exigit. *l. 3. §. multa. hic.*

Eviotionem simplicem tantum præstat, licet duplam promiserit. *l. 5. eod.*

Jus pignoris semper habet. *l. aufertur. 46. §. fiscus. 3. eod.*

Aliis creditoribus soluta aufert, ut sibi satisfaciat. *l. 18. §. fin. cum ll. seqq. eod.*

Usuras in bonæ fidei contractibus ex mora non præstat. *l. 17. §. fiscus. de usur.*

In ejus venditionibus Ædilitium edictum locum non habet. *l. 1. §. illud. de Ædilit. edict.*

Omnis venditio ab eo facta, in diem facta censetur. *l. ult. hic. l. 1. C. de vend. reb. civ.*

Habet etiam fiscus peculiaria quædam judicia; ut cum bona vacantia, aut commissa nunciantur ex causis, quas supra enumeravimus.

In his enim nuntiationibus multa sunt specialia.

Nam nec omnibus denunciare licet, *l. 2. §. pen. l. 13. §. extat. l. 16. l. 18. hic.* neque ex omnibus causis. *l. 1. §. an bona. l. 11. l. 13. l. 12. §. pen. l. 45. hic.*

Denunciare nequeunt, mulieres, Clarissimi, damnati, veterani, milites tutores & curatores pupillorum & minorum causas, *l. 18. per tit. ff. hic. servi dominos. l. 2. C. de delator.*

Sunt etiam poenæ singulares, in temerè, aut falso deferentes, constitutæ. *l. 2. l. 15. l. 42. §. fin. eod. l. 4. C. de delator. lib. 10.*

Nec coram omni iudice, *l. 7. l. 45. §. 7. hic. t. 1. C. ubi caus. fiscal.* nec omni tempore, causa fiscalis agitari potest. *l. 13. §. antepen. hic.* Nam omnibus fiscalibus quæstionibus viginti annis præscribitur; *l. 1. §. 3. hic. l. 13. C. de divers. temp. præsc. excepta quæstione de vectigali non soluto, cui quinquennio; l. 2. C. de vectigal. & nuntiatione bonorum vacantium, cui quadriennio, præscribitur. l. 1. §. Divus. 2. hic.*

De captivis, & de postliminio, & redemptis ab hostibus.

T I T. XV.

S Equitur jus militare. Quod in captivis, in militibus, in veteranis, cernitur.

Capti.

Capti ab hostibus, quibus populus Romanus bellum decrevit, *l. 24. hic. l. 118. de V.S.* fiunt servorum & jura civitatis cum libertate amittunt. *l. 1. l. 12. §. 1. hic.*

Sed habent jus postliminii: ut & capti ab his gentibus, quibuscum nec fœdus, nec societas, nec hospitium est. *l. 5. §. 1. & 2. hic.*

Postliminium, (dictum à limine & post. §. *si quis ab hostibus. Inst. quib. mod. jus patr. pot. solv.*) est jus amissæ rei recuperandæ ab extraneo, & in statum pristinum restituendæ, inter nos ac liberos, omnes populos, Regesque, moribus ac legibus constitutum. *l. 19. hic.*

Illud habent qui quæve, *d. l. 19. §. ult.* necessitate captivitatis inviti abducti sunt: *l. pen. C. eod.* non transfugæ, *l. 3. §. is qui l. 7. de re milit.* aut qui volentes, armis victi, hostibus sese dediderunt. *l. 17. hic.*

Filii, an e captivitate concepti, etiam jus postliminii habent; *l. ab hostib. ex quib. caus. major.* apud hostes concepti, jure proprio postliminium non habent, utpote è servis nati; ex persona parentum habent, si hi revertantur. *l. 1. C. l. 9. l. 25. ff. hic.*

Habent etiam res non turpiter amissæ, eodem modo postliminium; ut ager ab hostibus captus, & denuò recuperatus, *l. 20. §. expulsis. hic.* naves, nisi sint piscatoriæ, aut actuariæ voluptatis causa paratæ; quia hæ bello sunt inutiles: *l. 2. in princ. hic. equi. l. 2. eod. &c.*

In armis & vestibus non idem juris est; quia non sine flagitio timoris & fugæ amittuntur. *l. 2. & 3. eod.*

Fruitur captivus hoc jure, & omnia jura pristina recuperat, statim atque fines nostros attigit, *l. 12. §. 1. eod.* fingiturque retrò in civitate semper fuisse. *l. 16. eod. d. l. 12. §. 1.*

Quare & testamentum, ante captivitatem conditum, servatur. §. *fin. Inst. quib. non est perm. fac. test.* *l. 6. §. 12. de injust. rupt. irr. test.*

Ea tamen quæ facti sunt, ut possessionem, sine nova & corporali rei apprehensione, non recipit. *l. 12. §. facti. hic.* Neque enim qui ab alio posside-

tur, possedisse videri potest. *l. 23. §. 1. ff. de acq. poss.*

Captō patre, suspenditur jus patriæ potestatis, donec pater vel redeat, vel desinat posse redire. *d. l. 12. §. 1.*

Eo apud hostes mortuo, Lex Cornelia, ab eo tempore quo captus esset, eum obiisse fingit: idēdque hæredes habet, *l. 1. C. hic. l. 28. de vulg. & pup. subst. quibus deficientibus, fiscus succedit. l. 22. hic.*

Pretio ab hostibus redempti, siquidem antea fuerint liberi, & jus postliminii habent. *l. 20. eod.*

Pignori tamen redemptori pro λύτρω, donec solvant, obligantur. Nisi pietatis causa, ut filii à matre, redempti sint. *l. 17. C. eod.*

Si solvere nequeant, per quinquennium ei operas præstare coguntur. *l. fin. C. eod.*

Pretium tacitè remissum videtur, contracto inter redemptorem & redemptam matrimonio, *l. 15. in pr. ff. l. 2. C. hic.* & si redemptus, in testamento redemptoris, sibi ipsi legatur. *l. 43. §. ult. de legat. 1.*

Servi si redimantur, domino restituantur refuso pretio, alioqui sunt servi redimentis. *l. 12. §. si quis servum. hic.*

De re militari.

T I T. XVI.

Militēs sunt, qui sacramento rogati adactique, *l. 11. de testam. milit. & in numeros relati sunt. l. 42. eod.*

Eorum alii sunt tirones, *l. 3. §. si plures. hic.* qui novè in ordinem relati; *d. l. 42.* alii veterani; *inf. de priv. vet.* alii gregarii; alii centuriones; *l. 13. §. irruens. hic.* tribuni; *l. 12. §. 2. eod.* præpositi. *l. 6. §. 1. l. 12. eod.*

Militēs esse non possunt, servi, facinorosi, infames, rei, qui sub obtentu militiæ negotium adversariis facere machinantur, &c. *l. 4. l. 8. l. 11. ff. hic. t. r. C. qui milit. non poss. lib. 12.* qui à militia, ætate, aut simili privilegio, excusantur, *vid. tit. infra. de vacat. & excus. & de jur. immun.*

Cogi aliàs ad militiam omnes omnino cives possunt. *l. 4. §. qui post. & §. qui filium. hic.*

Militum officium est, Imperatoribus parere, labores ac pericula impigrè subire, ordinem in omnibus servare, armis lætari, &c.

Eorum delicta, vel singulària sunt, vel cæteris communia. *l. 2. hic.*

Communia communibus rerum criminalium judiciis coërcentur.

Singulària, quæ ad disciplinam militarem pertinent, qualia vide in *l. 2. 3. 4. 5. 6. 7. 8. 9. 10. 11. 12. 13. 14. 15. 16. eod. extra ordinem puniuntur.*

Et quidem aut castigatione corporali, aut multa pecuniaria, aut indictione munerum, aut gradus dejectione, aut missione ignominiosa. *l. 3. §. 1. hic.*

Militaria judicia, sunt vel civilia, in quibus civiliter: vel criminalia, in quibus criminaliter agitur.

De castrensi peculio.

TIT. XVII.

INter privilegia militum est, quod miles, licet filiusfamilias sit, habeat peculium castrense, quod patri, jure patriæ potestatis, non acquiratur, *r. r. Inst. per quas person. de quo disponer, atque aded etiam testari possit quasi paterfamilias, in eoque patrisfamilias personam planè gerat. l. 2. ad D.C. Maced. l. 2. hic. l. 9. de inoff. test.*

Si tamen intestatus decedat, pater ei non fiet heres, sed occupabit omne peculium jure patriæ potestatis. *l. 1. & 2. hic.* Itaque hætenus peculii profectitii sapit naturam.

Est castrense peculium, quod filiusfamilias miles ratione militiæ acquisivit. *l. 6. l. 11. hic.*

Ad cujus peculii exemplum Principes dicta privilegia etiam filiisfamilias indulserunt, in his quæ honestis togatæ militiæ artibus parant & lucrantur; unde hæc quasi castrense peculium solent appellari. *l. ult. C. de inoff. test. §. 1. Inst. per quas person. acq.*

De veteranorum privilegiis.

TIT. XVIII.

Veterani sunt, qui legitima viginti annorum stipendia confecerunt: *l. ult. C. de his qui non impl. stipend. sacra. solu. sunt.* aut qui honestam dimissionem impetraverunt. *l. 2. hic. Theoph. in §. 2. Inst. de test. ord.*

Hi immunitatem à muneribus, præcipuè personalibus, habent. *l. 2. l. 5. hic.*

A vectigalibus & patrimoniorum oneribus difficile excusantur. *l. 2. in fin. l. 4. hic. vid. l. 1. C. de veter.*

Iis, & eorum liberis, idem honos habetur, qui & Decurionibus. *l. 3. hic.*

DIGESTORUM

LIBER. L.

Ad municipalem, & de incolis.

TIT. II.

Progre diamur nunc ad jura municipalia.

Ea consistunt & in personis, quæ Municipēs dicuntur, & in muneribus ac honoribus.

Municipēs, sunt cujuscunque civitatis, Romano Imperio subjæctæ, cives. *l. 1. §. 1. hic.*

Fiunt tales, aut nativitate, *l. 1. in pr. hic.* hoc est, origine; *d. l. 1. in pr. & l. fin. hic.* aut manumissione; aut adoptione; *l. 1. hic.* aut adlectione. *l. 3. C. de his qui sponte mun. suscep.*

Nativitas facit municipem; quia filius ex justis nuptiis susceptus, sequitur, non domicilium, *l. 6. §. 1. l. 17. hic.* sed originem patris; *d. l. 1. §. 2.* spurius originem matris; *d. l. 1. §. fin. l. 9. hic.* nisi lege municipali aliter caveatur. *d. l. 1. §. 2. d. l. 9. l. 3. C. de munic. orig.*

Cui origini, municeps sua voluntate præjudicium

cium

cium facere, aut ab ea eximi, nequit; *l. pen. C. de municip. orig.* etiamsi in aliam civitatem domicilium transferat. *l. ult. C. eod.*

Nam & is, qui Senator factus est, originem retinet quod ad honores, non tamen quod ad munera obeunda. *l. 23. hic.*

Manumissio facit municipem; quia libertus originem patroni sequitur; *l. 6. §. fin. l. 22. l. 23. l. 25. eod.* & si plures sint, omnium. *l. 6. l. 17. §. ex causa. hic.*

Adoptio facit municipem; sequitur enim adoptatus originem patris adoptivi. *l. 15. §. fin. l. 17. §. 9. hic.*

Adoptione tamen jus originis non mutatur, sed utroque loco muneribus adoptatus & qui ex eo natus, *d. l. 17. §. 9.* adstringitur, id est, tam in ea civitate ex qua originem ducit, quam in ea cujus per adoptionem civis factus est. *d. l. 15. §. fin.* Et sic adoptione cumulatur prior origo, non etiam adimitur. *d. l. 15. §. fin. d. l. 17. §. 9.*

Sed origo adoptionis, emancipatione tollitur. *l. 16. hic.*

Adlectione sunt municipes, qui in civitatem recipiuntur, & civitate donantur.

Municipes commodis, privilegiis & honoribus sui municipii potiuntur.

Sed è contra ad munera tam personalia, quam realia, coguntur eò loci undè originem ducunt, quamvis alibi habeant domicilium: *l. 17. §. 4. l. 22. §. 2. hic.* tam filii, quam patresfamilia. *l. 21. eod.*

Si indicta munera subire detrectent, damnum Reipublicæ præstabunt: *l. 21. eod.* nisi se, aut dignitate, *l. 17. §. 4. l. 18. hic.* aut ætate, *l. 2. §. fin. l. 6. §. 1. l. 11. de decurion.* aut alia ex causa, *l. 7. eod. t. t. de vacat. & excus. mun.* excusent.

Dicuntur incolæ municipes, sed improprie. *l. 6. C. de incol.*

Incola est, qui domicilium, in civitate, unde non est oriundus, constituit: *l. 5. l. 7. C. eod.* non qui in agro permanet. *l. 35. ff. l. 3. C. eod.*

Domicilium est, ubi quis larem, ac rerumagnarumque suarum summam constituit: undè non est discessurus, si nihil avocet: undè cum discessit per-

peregrinari videtur: quod si redeat, peregrinari desinit. *l. 7. C. eod.*

Non enim constituitur domicilium nudâ contestatione, *l. 20. hic.* nec solius emptione domus, *l. 17. §. 13. eod.* sed re & facto. *l. 20. l. 27. eod.*

Potest, pro commodo rei familiaris, ubivis constitui; tam à filio, quam paterfamilias. *l. 3. 4. l. 6. l. 11. §. fin. l. 17. §. patris. hic.* etiam pluribus locis, *l. 6. in pr. & §. pen. l. 27. §. fin. eod.* dummodò ne sit aliquo interdictum. *l. 31. eod.*

Domicilio translato, incola munera debet subire, & ubi incola est, id est, quo domicilium transtulit, & undè originem ducit. *l. 29. ff. hic. l. 5. 6. C. de incol. lib. 10. l. 1. C. de munic. orig.*

Potest pro libitu incolatui renunciare, & domicilium alio transferre, nisi jam ad honorem vel munus vocatus sit: tunc enim prius honorem vel munus subire, & perficere debet. *l. 34. ff. l. 1. C. de incol. lib. 10.*

Si de jure municipii, aut incolatus, controversia oriatur, coram Præside, sub cujus cura est ea civitas, à qua ad munera vocantur, eam expediri oportet. *l. 37. hic.*

De decurionibus, & filiis eorum.

T I T. II.

Sunt municipales aut curiales seu decuriones, aut plebei.

Decuriones, sunt qui in municipiis consilio publico præsunt, & suæ curiæ quasi Senatores. *l. 33. C. hic.*

Ex omni ferè hominum genere eligi solent, *l. 9. hic.* atque etiam cogi: *l. 9. l. 13. eod.* quin & spurii, in penuria meliorum, admittuntur. *l. 3. §. ff. furios. l. 6. eod.*

Sed ubi aliorum copia est, potiores ac ditiores à Præside sunt eligendi, *l. 6. l. 7. l. 11. eod.* & gradatim evahendi: *l. 3. §. Præsides. l. 11. l. 13. §. pen. eod.* exclusis plebeiis, *l. 7. §. 2. l. 9. hic.* vilibus, *l. 12. hic.* minoribus ætate, *l. 11. hic.* & senio confectis. *d. l. 11.*

Eligi

Eligi non possunt, ignominiose ordine moti, relegati, *l. 15. l. 17. §. 12. ff. ad municip. l. 2. 3. l. 13. hic. criminum capitalium rei, d. l. 17. §. 12. qui alium magistratum sustinent, d. l. 17. §. 3. 4. qui eundem magistratum paulò ante gesserunt. l. 18. ad munic.*

Decurionum officium est, pecuniam publicam habere, recipere, tractare, *l. 2. §. 1. ad municip. annonam curare, l. 8. eod. tributa exigere, l. 17. §. 7. eod. Rempublicam administrare, l. 8. de muner. & jurisdictionem, ad certum tamen modum, exercere. Si quidem puta ad altiora sint evecti, ut Duumviri, aut Defensores facti. l. 28. l. 26. ad munic. Nov. 15. l. un. si quis jud. 5. d. l. 12. de jurisd.*

Eorum privilegia sunt, quod non torquentur, non damnantur in metallum, *l. fin. hic. l. 3. de priv. veteran. (quod hodie parum servatur, fac. l. 1. C. ubi Senat. vel clariss. l. quorics. C. de dignit. lib. 12.) alantur pauperes, l. 8. hic. privilegia sua in liberos transmittant. l. 2. §. 5. eod.*

De albo sribendo.

T I T. I I I.

Decurionum nomina in albo scribi solent, vel secundum legem municipalem, vel (câ cessante) ordine, quo quisque majoribus honoribus functus est. *l. 1. & 2. hic.*

Album, est numerus, sive matricula decurionum.

Albi ordo, etiam in sententiis ferendis, servandus est. *l. 1. §. 1. eod.*

Sola albi descriptio, decurionem non facit. *l. 10. de decurion.*

De muneribus & honoribus.

T I T. I V.

MUnus publicum, est vel Ordinarium, vel Extraordinarium.

Illud est, quod Lège, vel more civitatis, secundum ætates & dignitates inter se muncipes, ordine, hoc est, per vices, gerunt: *l. 1. C. de muner patrim. Cujus*

jus generis est munus hospites in domum recipiendi. *l. 3. §. 11. ff. hic. vide Cicer. in Verrin. 3.*

Extraordinarium (quod & civile dicitur, *l. ult. §. 28. hic.*) est officium privati hominis, ex quo commodum ad singulos, universosque cives, remque eorum, imperio magistratus ordinario, pervenit. *l. 239. §. munus. de V. S.*

Est vel patrimoniale, vel personale, vel mixtum. *d. l. ult. in pr.*

Patrimoniale, est quod sumptibus patrimonii & detrimento administrantis expeditur. *d. l. ult. §. 18.*

Est duplex: quoddam possessoribus ædium vel agrorum injungitur; quoddam solis municipibus & incolis imponitur. *l. 6. §. pen. d. l. ult. §. 21. l. 3. §. 11. hic.*

Personale munus, est quod animi vigilantia, & corporali labore, sine sumptu, & sine gerentis damno perpetratur. *l. 1. §. illud. d. l. ult. §. 1. hic.*

Est vel publicum, vel privatum. *l. 14. §. 1. hic.* scilicet utilitate.

Publicum, est quod in administranda Republica, cum sumptu, sine titulo dignitatis, consistit. *d. l. 14. §. 1.*

Privatum, est quod in administratione rei privatæ cernitur, ut tutela & cura. *fac. l. fin. §. 1. hic.*

Mixtum munus, est quod & corporali ministerio geritur, & detrimentum gerentibus infert, ut tributorum exactio. *d. l. fin. §. 26. & §§. seqq.*

Honor municipalis, est administratio Reipublicæ cum dignitatis gradu, sive cum sumptu, sive sine erogatione contingens. *l. 14. in pr. hic.*

Honorem sustinenti munus deferri non potest; munus sustinenti, honor deferri potest. *l. 10. cod.*

De vacatione, & excusatione munerum.

T I T. .V.

Omnia munera & honores etiam invitis injunguntur; nisi qui sint immunes, & immunitate uti velint. *l. 9. l. 15. de muner. l. 1. l. 13. §. 2. hic.*

Im-

Immunitas, est vacatio muneris, à jure, vel Principe concessa.

Excusatio, est causæ immunitatis, seu vacationis, allegatio.

Ea initio proponenda est, simul ac munus injungitur, *l. pen. §. ult. hic.* & quidem per appellationem; nominatione atque electione factâ & insinuatâ. *l. 1. hic. l. 2. C. de decur. lib. 10. l. 4. C. de appell.*

Causæ excusationum multæ hoc titulo recensentur.

Aliæ quæ liberant à muneribus personalibus & ab honoribus; ut si quis minor sit viginti quinque annis; *l. 2. pr. hic.* si appellationis causâ peregrinetur; *l. 8. §. fin. eod.* si sit negotiator frumentarius; *l. 9. §. 1. eod.* si defensionem Reipublicæ susceperit; *l. 10. §. fin. eod.* sit veteranus. *l. 7. eod. l. 2. de veteran.*

Aliæ quæ à muneribus personalibus, non ab honoribus; ut si quis major sit septuaginta annorum; *l. 2. §. 1. hic.* si quinque liberos habeat. *l. 8. eod.*

Aliæ, sed paucissimæ, quæ liberant à muneribus, quæ possessionibus, vel patrimoniis indicuntur, *l. 11. l. 50. eod.* Tales sunt professio liberalium artium, legum, medicinæ; officium. *l. 6. ubi Bart. & Dd. C. de profess. & medic. lib. 10. l. 6. l. 10. §. pen. hic. l. 11. l. 12. C. de excusat. mun. lib. 10.*

De jure immunitatis.

T I T. VI.

Jura immunitatis strictè accipiuntur; Undè is cui vacatio munerum concessa, magistratum recusare non poterit; quia magistratus non muuus est, sed honos. *l. 12. de muner. & honor.*

Personis datæ immunitates, ad hæredes non transmittuntur: *l. 1. §. 1. hic.* nisi id in forma concessionis fuerit expressum; *l. 4. eod.* quo casu transeunt in posteros mares, non eos qui ex fœminis nascuntur. *d. l. 1. in fin.*

Collegiis tributæ immunitates, perpetuæ sunt. *l. pen. hic. l. 7. §. fin. quod cujusque univ.*

Sed hæ non ad singulos pertinent; sed tantum ad artifices, qui operam publicis utilitatibus necessariam exhibent. *l. pen. § pen. hic.*

De legationibus.

TIT. VII.

Immunitas etiam conceditur Legatis Reipublicæ, non modò in ipsa legatione, sed biennio etiam post. *l. 7. §. 8. hic.*

Legati sunt qui publicè, sive à Principe, sive ab inferioribus civitatibus ad Principem, ad expedienda negotia mittuntur.

Illi, vel legationem suo sumpto peragendam suscipiunt; & possunt dare vicarios: *l. 11. hic.* vel legativum, id est, viaticum accipiunt; *l. 2. §. ult. l. 11. hic. l. ult. §. legati. de mun. & honor.* & non possunt vicarium dare, nisi filios. *l. 4. §. legati. 4. hic.*

Legativum, legato in Legationis munere defuncto, ab hæredibus ejus non restituitur. *l. 10. §. 1. hic.*

Legati esse non possunt, debitores Reipublicæ, infames, qui jus postulandi non habent: *l. 4. hic.* nec plures quam tres; nisi aliud legationis dignitas exigat. *d. l. 4. in fin.*

Qui legatione fungitur, neque alienis, neque propriis negotiis se debet interponere, *l. 8. §. fin. hic.* si impedimento esse possunt Rempublicam procuranti; ut agere, conveniri, &c. *l. 3. l. 12. eod.*

Quæ moram non patiuntur, rectè exequetur; ut quæ ad injuriam suam, *l. 10. eod.* pupillos pupillasque, *l. 11. eod.* pertinent.

Legati sancti habentur. *l. fin. hic.* Si quidem à supremis Principibus aut Rebuspublicis Superiorem non recognoscentibus, juraque Majestatis habentibus, mittantur.

Quod iis donatum, non leganti, sed ipsis quæritur, quamvis legantis contemplatione donatum videri possit. *Gl. in l. si verò. 64. §. item. ubi Bart. n. 3. sò'ut. matr. Gl. in l. qui proprio. 46. §. procurator. de procur.*

Quam-

Quamdiu Romæ legatione funguntur, nullâ propriâ actione conveniri possunt; *l. 3. l. 8. l. 11. hic.* nisi ex suo delicto. *l. 10. eod. l. 24. §. 1. de judic.*

Si Romæ conveniantur, vel in comitatu Principis, etiamsi ibi contraxerint ante legationem vel extra provinciam suam, jus habent revocandi domum. *l. 2. §. 3. l. 8. de judic.*

*De administratione rerum ad civitatem
pertinentium.*

T I T. VIII.

Administratores rerum ad civitatem pertinentium sunt varii; alii enim curatores Reipublicæ, *l. 2. §. 6. l. 3. §. 3. hic.* alii curatores Kalendarii, *l. ult. §. 2. de muner.* dicuntur, alii curam habent annonæ, *d. l. ult. §. 8.* alii curam emendi frumenti, olei, &c. *d. l. ult. §. 5.*

Administratores non modò dolum & culpam, sed & diligentiam præstare debent. *l. 6. l. 2. l. fin. hic.* Non culpam levissimam. Nam diligentiae vox, hic sumitur pro gradu summo: cui fere culpa levissima opponi solet. ut patet ex *l. 23. ff. de R. l. l. 25. §. 16. ff. fam. ercisc. l. 5. §. 2. ff. commod.*

Ob culpam in simplum, ob dolum in duplum damnantur: sed pœna in hæredes eorum non transit. *l. ult. §. 4. hic.*

Tenentur ad instar tutorum, ita ut prius conveniatur qui gessit, ejusque fidejussor; deinde in subsidium ejus collega. *l. 2. §. 8. §. 11. & §. seq. l. 3. in pr. & §. pen. hic.*

Ei qui pro collega solvit, ex æquitate, contra illum ejusque hæredes datur actio ad repetendum quod solvit. *d. l. 2. §. 9. & §. seq.*

Officium administratorum in eo versatur, ut rationes, secundum fidem datorum & acceptorum, ponant; *d. l. 2. §. 2.* jus Reipublicæ sine cautione ne locent; *l. fin. §. 3. eod.* nec pecuniam ad alios usus, quam ad quos destinata est, convertant; *l. 1. l. 2. §. 2. l. 5. §. 1. hic.* nisi utilitas Reipublicæ aliud suadeat. *l. 1. l. 4. hic. l. ult. in pr. de operib. publ.*

Debent

Debent Administratores Reipublicæ, Usuras pecuniæ quæ apud ipsos remansit. Ejus pecuniæ, quæ à redemptoribus operum non potest exigi, periculum fortis tantum præstant. *l. ult. in pr. hic.*

De decretis ab ordine faciendis.

T I T. IX.

Solent de rebus civitatis, ab administratoribus civitatum, & ordine decurionum, pro usu Reipublicæ, decreta interponi.

Quæ ut valeant, requiritur. Ut legitimus decurionum numerus adfuerit, *l. 2. hic.* id est, minimum duæ decurionum partes: *l. 3. eod.* Ne sint ambitiosa & in gratiam alicujus privati, nihil tale merentis, facta, sed ad publicam utilitatem respiciant. *l. 4. eod.*

Decreta semel ritè interposita rescindi non debent; nisi ex utilitate Reipublicæ. *l. 5. hic.*

Non obligant ad pœnam ignorantes, puta mercatores forenses; *Rebuff. tom. 2. tract. de pœnis mercat. art. 2.* ut leges, *l. leges. C. de ll.* sed tantum scientes. *l. fin. h. t.*

De operibus publicis.

T I T. X.

Curator operum publicorum, *l. 2. §. 1. hic.* (dictus pater civitatis, *l. un. C. de ratiocin. oper. publ.*) est cui Respublica aut Princeps curam publicorum operum demandavit.

Cum redemptoribus operum publicorum negotium habet; qui ipsi, tenentur, ipse verò cessationis nomine Reipublicæ tenetur, *l. 1. l. 2. §. 1. hic.*

Redemptores sunt, qui opus suâ materiâ faciendum conducunt. *l. 39. in pr. de rei vind.*

Opus publicum novum, sumptu publico, sine permisso Principis, fieri non potest. *l. 3. §. 1. hic.*

Sumptu privato, etiam inconsulto Principe, ad Reipublicæ tamen utilitatem, fieri potest, præterquam

quam si ad æmulationem alterius civitatis pertineat, vel materiam præbeat seditioni. *d. l. 3. in pr.*

Opera publica quæ securitatem publicam continent, ut sunt mœnia, portæ, &c. nec reparari nec extrui, sine rescripto Principis, possunt. *l. pen. hic.*

Operibus publicis ullius quam Principis nomen inscribi nefas est: *l. fin. hic.* excepto ejus cujus munificentia opus factum, *l. 2. & 3. hic.* vel instauratum est. *l. fin. eod.:*

De nundinis.

T I T. XI.

H Abent civitates jus nuundinarum, non tamen omnes, sed hæ tantum quæ illud à Principe impetrarunt. *l. vn. C. hic. l. 1. ff. eod.*

Nundinæ, sunt conventus, ex diversis pagis, civitatibus & provinciis, commercii causa, instituti. *Pac. in definit. hic.*

Differunt à mercatu; (de quo hic non loquimur) qui est conventus ex proximis pagis commercii causâ institutus.

Qui veniunt ad nundinas non possunt, privati debiti, antea contracti, nomine, conveniri: *d. l. vn. in ipsis nundinis contracti nomine, possunt. fac. l. 19. §. 2. de jud. Diff. Bachov. in not. ad Wesembec. hic.*

Jus nuundinarum impetratum, non utendo per decennii tempus amittitur. *l. 1. hic.*

De pollicitationibus.

T I T. XII.

P Ollicitatio, est nudum & spontaneum unius offerentis promissum, qui benignè Reipublicæ se facturum pollicetur. *l. 3. hic.* Ideoque à contractu, & pacto, differt, quod est duorum pluriumve consensus atque conventio. *d. l. 3.*

Debetur Reipublicæ ex pollicitatione facta, *l. 6. §. 1. vers. sed et si. de muner.* sive à masculo, sive à fo-

D d

mina;

mina, l. 6. §. 2. *hic*. dummodò ex justa causa promiserint, puta ob honorem sibi decretum, vel decernendum: l. 6. l. 9. l. 1. §. 1. l. 4. l. 7. *hic*. aut opus promissum jam sit inchoatum. l. 1. §. 1. & *seqq.*

Obligatio pollicitationis in hæredem transit, quamvis interdum minuat. l. 6. l. 9. l. *pen. hic*.

Non tamen transit in hæredem si quis, ob honorem vel sacerdotium sibi delatum, pecuniam promissit, & antequam magistratum iniret, decesserit. l. 11. *hic*.

Transit, & quidem in solidum, in hæredem, si quis adipiscendi honoris, aucupandæque populi gratiæ causâ, promissit & decedat; Aeris enim alieni loco habetur. l. 6. l. 9. *hic*.

De pollicitationibus in civitate factis iudicum cognitio est, l. 8. *hic*. qui formam pollicitationi datam servari curabunt, l. 10. *hic*. nisi aliud Reipublicæ utilitas postulabit. l. 13. *cod*.

Pollicitatio Deo facta, (votum appellatur) tenet, si aut paterfamilias pubes, aut filiusfamilias, vel servus, consensu patris vel domini, eam fecerit, l. 2. *cod*.

Res quæ vovetur, soluta sit sacra; solâ voti promissione, sacra non efficitur.

Pollicitatio privato facta, non producit obligationem, etsi causa ejus faciendæ, sit, aut esse possit.

De extraordinariis cognitionibus. & si iudex litem suam fecisse dicetur.

TIT. XIII.

PRætor vel Præses, aut iudicem dat, aut extrajudicem ipse, ex nobili officio summam, judicat, l. 1. C. *ut in p. sess. leg.* & certum causarum genus, speciali aliqua lege ipsius cognitioni commissum cognoscit. *ut* l. 8. *de transact.* l. 2. *de fer.* l. 3. l. 5. *de reb. cor.* l. 1. & *t. t. quemad. test. aper.* l. 1. & *t. t. de susp. tut.*

Cognitionum numerus cum ex variis causis descendat in genera dividi facile non potest, nisi summam

matim dividatur. Numerus ergo cognitionum in quatuor ferè generatim dividi potest. Aut enim de honoribus sive muneribus gerendis agitur. Aut de re pecuniaria disceptatur. Aut de existimatione alicujus cognoscitur. Aut de capitali crimine quaeritur. *l. 5. hic.*

De re pecuniaria, ut mercede, extra ordinem Prætor jus dicit, Professoribus studiorum liberalium, *l. 1. in pr. hic.* Advocatis, *d. l. 1. §. 10.* Medicis, *d. l. 1. §. 1.* ludi literarii magistris, *d. l. 1. §. ludi.* liberariis, notariis, tabulariis, *d. l. 1. §. 6.* nutricibus; *d. l. 1. §. pen. & contra eosdem. l. 3. hic.*

Nam quibus jus dicit extra ordinem, adversus eos quoque mutuas petitiones, etiam ordinarias, admittit. *l. 1. §. fin. hic. vid. l. 14. C. de sent.*

Solet etiam de aliis rebus variis extra ordinem jus dici. Quosdam recensent Icti in *l. 2. & l. fin. hic.*

Si iudex a Prætore datus malè, dolo, vel culpâ, judicaverit, litem suam faciet. *d. l. fin.*

Culpa, & per imprudentiam si id fecerit, actione in factum ex quasi delicto tenetur, & de ea re arbitrio judicantis punitur. *l. ult. hic. l. 5. §. si iudex. de O. & A. in pr. Inst. de obl. quæ ex quas. del.*

Sin dolo malo id fecerit, in veram litis æstimationem punitur, & infamia notatur. *l. 15. §. 1. de judic. l. 2. C. de pæn. jud. qui malè jud.*

Dolo malo fecisse videtur, si evidens arguatur ejus vel gratia, vel inimicitia, vel etiam sordes. *d. l. 15. §. 1.*

Quod in iudice obrinet, idem & in executoribus injustè exequentibus receptum est. *Bald. in l. sancimus. C. de judic. Par. de Put. in tract. synd. ad verb. executio. cap. 2.*

De Proxenetis.

TIT. XIV.

PEtitur etiam extra ordinem, officio Prætoris vel Præsidis implorato, proxeneticum. *l. fin. hic.*

Proxeneticum, est merces proxenetae.

Quod quidem sordidum est; solvendum tamen, cum quia proxenetarum usus in magnis emporiis est necessarius; tum quia humanum est, *l. 2. hic.* qualem qualem operam remunerari.

Proxenetæ, est cujus beneficio & interventione, inter duos, negotia contrahuntur. *Cujac. lib. 12. obs. 18.*

Dolum & latam culpam duntaxat præstat; *l. 2. hic.* instar mentoris. *t. t. si mens. fals. mod. dix.*

Testimonium, de hoc contractu, quem ipse conciliavit, dicere non potest, nisi utraque parte consentiente. *Nov. 90. cap. 8. §. quoniam.*

De censibus.

TIT. XV.

Census est civium, *l. 3. in pr. hic.* bonorumque ad ipsos pertinentium, *l. 4. hic.* descriptio publica. *l. 10. de probat. Pac. in definit. hic.*

Censitor est magistratus, qui censibus & tributis exigendis præest. *l. 4. §. 1. hic.*

Qui si per gratiam vel invidiam, vel negligentiam, vel culpam, injuste censum indixerit, cum bonorum jactura in quadruplum mulctatur. *l. 6. C. hic.*

Census indicitur, vel personis: quæ capitatio appellatur; nam viritum, ratione personarum, per singula capita præstandus est: *l. 3. hic. l. 10. C. de agric. & cens. lib. 11.* vel rebus sive agris, & jugatio dicitur; nam pro modo jugerum, *l. 9. C. eod. l. vn. C. de colon. Trac. lib. 11.* & pro servis censitis atque addictis, (qui pars fundi tanquam instrumentum esse intelliguntur, *l. 3. l. 7. l. 23. C. de agr. & cens. eod. lib.*) imponitur.

In describendis personis notatur ætas, sexus, *l. 3. in pr. hic.* & natio. Non enim masculi minores quatuordecim, foeminae minores duodecim annis, *l. 3. nec ciues Romani, l. vn. C. de cap. civ. cens. l. exim.* nec coloni Thracenses, *l. vn. C. de colon. Thrac.* tributo onerantur.

In describendis fundis notatur nomen cujusque fundi, & in qua civitate, aut pago sit, & quos proximis vicinos habeat, & ejus qualitas & quantitas. *l. 4. in pr. hic.* Nam censum non præstant prædia, civitates, regiones immunes, & quæ Italici juris sunt. *l. ult. hic.*

Indicto censu is suâ die, *l. 5. §. 2. hic.* à dominis prædiorum, *l. 4. l. 15. C. de agric. & cens. lib. 11.* solvi & exigi debet.

Qui non solvit, traditur militari custodiæ; *l. 2. C. de exact. tribut.* vel ab eo pignora capiuntur & distrahuntur: *d. l. 5. §. fin. l. 1. 2. C. de cap. & distr. pign.* vel transfertur prædium ad alium: *l. 9. C. de ann. & trib. l. 11. l. 19. C. de omni agro desert.*

Solventi ab exactore apochæ dandæ sunt. *Nov. 128. insuper definimus.*

Exactor, ante tempus, provinciis denunciare debet, ut se ad solvendum præparent. *l. 2. C. de indict. lib. 10.*

Debet tributum intra anni spatium (intra quod est solvendum) exigere, *l. 7. C. de exact. trib. lib. 10.* & quodcunque, etiam particulatim, intra annum offertur, suscipere. *l. 4. C. de collat. fund. patrim.*

Et debet singulis annis rationes reddere. *l. 3. C. de executor. & exact. lib. 12.*

De verborum significatione.

T I T. XVI.

S Equuntur hi duo tituli de verborum significatione, & de regulis juris, quia omnium titulorum superiorum communes sunt: Ex illis enim omnibus, nullus titulus est, ex quo non oratio aut verbum aliquod hoc titulo exponatur: aut variæ sententiæ & regulæ titulo sequenti proponantur.

Verborum appellatione, non solum simplicia vocabula, ut, *urbs; Roma; l. 2. hic. res. l. 5. hic. &c.* sed etiam orationes, ut, *mihi hæredique meo. l. 29. cod. Qui rei dolus malus aberit absuerit. l. 69. cod. &c.* significantur.

In verborum significatione voluntas potius, quam verba inspiciuntur. *l. 219. hic.*

Significatio enim verborum sumitur, vel ex communi usu loquendi, vel ex proprietate sermonis, vel ex intentione proferentis, *l. 96. in pr. de legat. 3. l. 18. §. 3. de instr. vel instr. leg.* & sic ex interpretatione.

Interpretatio, est ambiguae vel absconditae voluntatis declaratio. *Alex. conf. 78. n. 12. lib. 5.*

Habet enim propriè locum in rebus obscuris & ambiguis. *Bald. in repet. l. si filius heres. n. 1. circ. med. de lib. & posth.*

In quibus adhibenda est interpretatio congrua. *l. 20. §. 6. in fin. ubi Bald. de petit. hered.*

Congrua dicitur, quæ verbis, personis, causis temporibus, & locis congruit. *c. ult. de transact. Mant. de tac. & amb. conv. lib. 1. tit. 17. n. 2.*

Omnis interpretatio duos habere debet comites; scilicet, bonum & æquum. Jus enim est ars boni & æqui. *l. 1. de I. & I.* Et omnia ad bonum & æquum sunt redigenda. *l. quod si minor. §. 1. de minor. l. placuit. C. de judic. Bald. in l. in his qua. de ll.*

Judex ergo in ambiguis, benigniorem sententiam præferre debet. *l. 18. l. 25. de ll. l. 3. de his qua. in test. del.*

In ambigua voce legis, ea accipienda significatio, quæ vitio caret. *l. 19. de ll.*

De diversis regulis juris antiqui.

TIT. XVII.

INScribitur hic titulus de diversis regulis juris antiqui, quia ex diversis partibus juris antiqui, (id est, ejus quod in veterum Jurisconsultorum libris continetur) desumptæ sunt.

Regula enim ex jure colligitur, rem (id est decisionem juris) breviter enarrans. *l. 1. hic.*

Regula igitur, est juris decisio, multos casus breviter complectens, vel juris decisio, plerunque obtinens. *Pac. in definit. hic.*

Con-

Concipi solet aut sub signo universali, *l. in omnibus. l. omnia. cum simil. hic.* aut indefinito, *l. 2. 3. eod.* quod universali æquipollet, *l. 44. de legat. 2.* aut aliis dictionibus: quæ si non omnia, tamen multa comprehendunt: ut ferè, *l. 108. l. 153. hic.* plerunque, *l. plerunque eod.* frequenter, *l. 64. cum simil. eod.* & similibus.

Non constituit regula jus; est enim ex jure quod est. *l. 1. hic.*

Quod verum quoad illos casus qui regulam præcedunt, ex quibus ipsa regula formatur. Secus est quoad alios casus qui ante regulam determinati non inveniuntur; in quibus regula facit jus. *arg. l. cum legato. quand. dies leg. ced. l. 1. de reg. Caton. Decius. in l. 1. hic.*

Undè in casibus non determinatis, fundatam intentionem habet ille, qui regulam habet pro se *not. per Gl. in l. omnis definitio. hic. & in rubr. eod. tit. in 6.*

Et sententia secundum regulam proferri debet; nisi in contrarium sit probatum. *Bald. in c. 1. in 2. coll. de alien. jud. mut. caus. fac. per l. qui restituere. de rei vend. text. in l. ab ea parte. de prob. & in l. suus quoque. vers. puto generaliter. de hered. inst.*

Receditur tamen à regula, cum æquitas aliud suadet, *conf. l. 1. de pact. & l. 1. de minor.* cum in aliquo est vitiata, *l. 1. hic.* id est, cum exceptio contra eam est.

Exceptio est quæ in paucis casibus vitiat regulam, ut, præses potest gladio aliquem punire, *l. 8. §. 1. de pæn. non de portatione, l. 2. §. 1. eod. l. 6. l. 1. de interd. & releg.* licet pœna gladii sit major de portatione: item, mater vel avia potest esse tutrix; *Nov. 118. c. 5.* quamvis tutela sit munus virile. *l. 1. C. quand. mul. tut. off.*

Idcirco in jure, particula plerunque significat regulam: particula aliquando, exceptionem. *Pad. Isag. hic.*

Exceptio confirmat regulam, in casibus non exceptis. *Bart. in l. que situm. §. denique. de fund. instr. fac. l. tribunus. §. fin. de testam. milit.*

F I N I S

59.224

APOL
NAPOLI

















